



6

11-a

9

8
6



Ex Bibliotheca
majori Coll. Rom.
Societ. Jesu

6-11-a-9

22-c-5

97, 27



M. A N T O N I I
M A I O R A G I I
Orationes, & Præfationes

O M N E S;

*Nunc primum à Io. Petro Ayroldo Marcellino
Philosopho, & Medico edita:*

Vna cum Dialogo ipsius Maioragij de elo-
quentia. quarum indicem sequens
pagina continet.

*Quæ olim fuerunt in lucem prolata, una cum non ante vulgatis iterum edun-
tur : cum nequis in hoc genere quid desideret, tamen quia, quemadmodum
paulo secus habent ita haud paulo meliores effectæ sunt, quam prius.*

Cum Privilegijs Hispaniarum Regis, & Senatus Veneti.



Venetijs, Apud Angelum Bonfadium
M D L X X I I.

AMPLISSIMIS,

ET ILLVSTRISS. VIRIS,

SPONDRATIS FRATRIBVS,

*Nicolao Cremona Episcopo, Senatori Regio
Mediolani; & Paulo, Riperia Comiti, Vallis
Asfina Baroni, Squadrar. & Montis In-
trotij Domino, Senatori Regio Me-
diolani, Philippi Austrij Hisp. Regis
apud Subandia Ducem Legato,*



Ioan. Petrus Ayroldus Marcellinus. S. P. D.



ÆPE & multum hoc me-
cum ipse cogitavi, viri cla-
rissimi; quo pacto fieri pos-
set, vt pro singularibus ve-
stris in me meritis, animi
mei acceptorum memoris
aliquod saltem darem indicium. Sed tantam
virium mearum imbecillitatem esse intelli-
gebam; ut non modo non referre, sed ne age-
re quidem gratias pro dignitate, magnitudi-
neq; vestrorum in me beneficior. vnquam
me posse confiderem. Ex hac cogitatione

21 MAY 21 1911
non mediocrem, mihi credite, molestiam ca-
piebam; cum ecce Deus opt. max per Pri-
mum Comitem, hominem summa probita-
te, & singulari doctrina præstantem, non a-
spèrnamdam occasionem insperanti mihi nu-
per obtulit; per quam putabam aliquod gra-
ti mei, in uos animi signum dari posse. is e-
nim nutu Dei immortalis nuper mihi credi-
dit amicitini sui M. Antonij Maioragij, viri e-
loquentissimi, orationes, & præfationes om-
nes: quas, quibus mihi videretur, inscribe-
rem, & dicarem: mox imprimendas cura-
rem, & diuulgarem. Illud autem munus
tanto gratius mihi fuit, quanto vobis duo-
bus dignius esse statim mihi visum est: quod
hac ætate qui dicendi grauitate, copia, sua-
uitate orationis uobis duobus comparari,
non modo anteferri possit, intelligebam es-
se neminem. Verum non solam tamen di-
cendi facultatem in vobis esse constat; sed e-
tiam, quæ vnicum est omnis benedicendi
artis fundamentum, integritatem atque in-
nocentiam, cum singulari omnium maxi-
marum virtutum cognitione coniunctam.

Quod

Quod ita esse, facilius credet omnis, qui-
cunque, quibus parentibus sitis progeneri,
diligenter perpenderit: qui secum recorda-
tus fuerit summas atque incredibileis virtu-
tes nunquam inter moriturae gloriae viri pa-
tris uestri, prope diuini hominis, Francisci
Sfondrati. Hic enim primum Senatus Me-
diolanensis magnum decus atque ornamen-
tum fuit, deinde cum abiisset ad superos Ah-
na Vicecomes, Antonij illius magni viri, Lo-
nati comitis, nostrorum Ducum legati, filia,
mater uestra, foemina primaria, omni laude
qua matrona cumulari possit, multis parti-
bus maior: hic idem non sine magna uirtu-
tis suae admiratione, quae saepius enituit, &
eluxit in legationibus sapienter, glorioseque
gestis, & cum magna bonorum omnium appro-
batione, & applausu in Cardinalium colle-
gium cooptatus est. His rebus paternis, ad-
do etiam maternis, ad imitationem tibi, re-
uerendissime Nicolae, propositis, & splen-
dore familiae toties per uirtutem maiorum
allustratae, non mirum est, si Cremona pluri-
mum felicitatis se adeptam fuisse fateatur;

cum te pastorem consecuta sit, ea bonitate,
& vitę sanctitate uirum; ut non solum moni-
tis, sed etiam multo magis exemplo ad re-
ctam uitę rationem tam honesta & nobilis
Ciuitas inuitetur. Nec minus felicitatis ob-
tinuit Mădellum, patria mea charissima, per
te, Paule, uir omni genere uirtutum præstan-
tissime: qui semper integritatem uitę cum
sanctitate morum coniunxisti; uir alioqui
in omni genere elegantissimus, & omnibus
numeris absolutissimus. Quid? quod ad cu-
mularissimam eiusdem opidi felicitatem ac-
cessit modestia humanitas, singularis pru-
dentia uxoris tuę, lectissimę sceminę, Sigil-
mundę Estensis? ex qua tres liberos suscepi-
sti, qui sunt ijs moribus, institutione, doctri-
na, dignitate, vt digni sint talibus ac tantis
parentibus, patruo, ac maioribus; nec iam
vulgaribus appellationibus nominetur; sed
vnus Comitis honore, alter Abbatis sacer-
dotio, tertius Equestribus ornamentis hone-
stetur. Quę omnia uestre domus orname-
ta præcipua in vltimū uirtutis scopum con-
spirant; & cum aliorum omnium, tum præci-

pne subditorum uestrorum salutem, incolu-
mitatem, animi tranquillitatem spectant.
Atque hoc quidem uestrum iuandi geno-
ris humani incredibile studium ego quo-
que pro mea erga uos obseruantia non se-
mel, neque paruo cum meo commodo sen-
si. Idemque Cæsari, patri meo, cum magno
familiae nostrae ornamento experiri antea
contigit. His non leuibus, aut paruis uir-
tutum uestrarum documentis non in Italia
domini inter alpium claustra & maris sepra,
sed ubique gentium cognitis, effectum est;
ut Philippus Austrius, Hispaniarum Rex po-
tentissimus, & reliqui orbis Christiani Prin-
cipes plerique omnes vos ament: plurimi fa-
ciant, & complectantur. Sed iam me repri-
mo; ne videar mihi proposuisse, ut uestras
laudes omnes, quas ne ingentis quidem
voluminis amplitudo commodè capere
posset, huius epistolæ angustia comple-
cterer. ego verò, quidquid de diuinis, &
veris laudibus uestris leuiter attigi, ortum
adeo ex Maioragij Orationum, & Præ-
fationum dicatione; illud, & dicationem
ipsam

ipsam ad testificandam meam erga uos ob-
seruantiam, & ad eiusdem operis commen-
dationem iure optimo pertinere uelim. A
Peto igitur ab humanitate uestra, Amplissi-
mi viri, quam in uobis una cum ceteris vir-
tutibus omnibus scio esse singularem; ut gra-
to, beneuoloque animo meam in uos obser-
uantiam, una cum opere ipso uobis conse-
crato, amplectamini. quod si (quemadmodum
spero, & confido) à uobis factum fuerit: &
ego erga uos taleis, ac tantos viros, de me po-
tissimum, & de patre meo optimè meritos,
non omnino ingratus videbor; & nouum
hoc ipsum opus, quod nunc primum, in lu-
cem prodit, clarissimi nominis uestri splen-
dore illustratum, lectoribus multo gratius
est futurum. Valete.

Venetijs, Idibus Aprilis Anno. 1631.

M. ANTONII MAIORAGII

Orationum, & Præfationum Index: in quo
hæc nota * ad ante hac impressas
apponitur.

O R A T I O N U M.

- I. * Panegyricus, Mediolani in templo maximo habitus; quo die Ioannes Angelus Arcimboldus Mediolani Archiepiscopus creatus est. 1
- II. Chyria super memorabili quodam facto Ferandi Gonzaga 17
- III. * In Nuptijs Iacobi Philippi sacri, Senatus Mediolanensis principis, præsentè eodem Senatu, in qua præter cætera, sem quoque homini ducen. esse uxorem, multis rationibus probatur. 21
- IV. Scripta nomine * iurisperiti, qui petit, ut in Collegium iuriconsultor. Mediolanensium cooptetur. 31
- V. Pro Octauiano Rouerta, Tarracina Episcopo, dum in Academiam Mediolanensem reciperetur. 33
- VI. Pro Ioanne Stibio, Pontificis Max. commissario decumano, dum in Academ. Mediol. reciper. 35
- VII. Pro Hieronymo Crotto, iuriconsulto, dum in Academ. Mediol. reciper. 38
- VIII. * Magdalene Comitissæ matris suæ mortua laudatio. 40
- IX. * Luti encomium. 46
- X. * Pro se in Senatu Mediolanensi, cum de mutatione nominis à Fabio Lupo, & à Macrino Nigro fuisset accusatus. 56
- XI. * Pro decreto Alfonso Auali, & Senatus Mediolanensis, in Aleatores. 72
- XII. Aduersus eos, qui Ornandæ Orationis studium, & dicendi elegantiam vituperant. 78

INDEX PRÆFATIONVM.

| | | |
|-------|--|-----|
| I. | In Homeri Illadem. | 153 |
| II. | In eiusdem Odyssæa. | 157 |
| III. | In Hesiodum. | 158 |
| IV. | In Pindarum. | 161 |
| V. | In Demosthenem. | 165 |
| VI. | In Aristotelis de Arte Rhetorica libros treis. | 169 |
| VII. | In P. Virgilij Georgica, de Agricultura laudibus. | 173 |
| VIII. | In eiusdem, Aeneidos librum quartum. | 180 |
| IX. | In M. Tullij Ciceronis de Officijs ad Marcum filium libros treis. | 184 |
| X. | In eiusdem de Oratore ad Quintum Fratrem libros treis. | 185 |
| XI. | In eiusdem Oratorem ad M. Brutum. | 187 |
| XII. | In eiusdem Topica ad C. Trebatium. | 194 |
| XIII. | In eiusdem Partitiones oratorias. | 197 |
| XIV. | In Decisiones XXV, quibus M. Tullium Ciceronem ab omnibus Casti Calceagini criminationibus liberat. | 201 |
| | De Eloquentia dialogus. | 203 |

BERNARDINI PARTHENII
SPILIMBERGII.

Ad Io. Petrum Ayroldum Marcellinum
Philosophum & Medicum.



*QV*ALIDA desertis Romana Eloquentia quondam
In tenebris latuit, tacitoque obmutuit ore,
Ceu cum siue Gotthi irruerent, seu Pannonnes, omnia
Vasstantes late; At tandem sese extulit, atrum
Informemque exuta situm speciosa per Vrbes,
Per populos victrix longe exhilarata nitescit.
Tu Maioraggi Ausoniae, musisque Latinis
Restituis pulsam, atque nouum decus addis habendum.
Non tot Vere nouo, uario cum leta colore
Vestitur, passim uernant cum flore arura,
Fudit opes tellus, pleno quot pectore sensus,
Dinitias quot culta tuę sacundia lingue
Promit, Te praesens etas, serique Nepotes
Arida Caecripio rigantes ora liquore
Doctrinae, ingenique tui monumenta reuoluent.
Viues. nulla sacrum premet inuidiosa uetusitas
Nomen, Letheae aut mergent obliuia ripae.
At poterat Erebi nigris immergier undis,
Et tot suscepti frustra periisse labores,
Ni iuuenum flos, atque decus, dum laboris Orco
Paulatim, ingenti, patrioque incensus amore
Marcellinus amor Musarum subleuet. Is nam
Aeternis curat tua scripta intexere chartis.
Quae passim uolitent, quae quondam discat Iberus,
Quas relegant late nostris loca dissita terris,
Doctaeque miretur diues Germania regnis,
Et Rhodani potor, sacundique incola Rheni.
Maeste animo, & pietate, tuo sub flore iuuenta
Magna parans studijs Musarum sultus anitis
Dum Tu alijs uitam profers, in secula uiues.



M. ANTONII MAIORAGII

Panegyricus, Mediolani in templo maximo
habitus, quo die Ioannes Angelus
Arcimboldius Mediolani Ar-
chiepiscopus creatus est.

ORATIO I.

BIBLIOTHECA NAZ.
ROMA
VITTONIO EMASQUE



SI QUID vnquam huic ciuitati nostra, Patres
amplissimi, Dei beneficio, atque munere datum
fuit, quo merito, atque optimo iure gaudendum
esse videretur: id profectò nobis accidit hodie
no die, quo virum omni laude, omniq[ue] genere
virtutis abundantissimum, Ioan. Angelum Ar-
cimboldium, iam non peregrinum, sed ciuem no-
strum, non in hanc ciuitatem nuper ascitum,
sed antiquissimagine Mediolanensi, multisq[ue]
clarissimis maiorum imaginibus florentissima natum, non mediocri rerum co-
gnitione, sed incredibili sapientia præditum, tanto vniuersi populi, bonorum-
q[ue] omnium consensu creatum huius vrbs Archiepiscopum videmus. Cum
enim ita sit à natura comparatum, vt in omnibus prosperis rebus, & ad vo-
luntatem nostram fluentibus, omnes magnopere gaudeamus; tum in ijs præ-
cipue, quas ad religionem, & diuinarian rerum cultum pertinere certum est,
non tantum sapientissimus quisque, sed etiam communiter omnis hominum
multitudo maiorem in modum letari consuevit. Nam illud cunctis ferè gen-
tibus persuasum est, neminem vnquam magnum, & præstantem virum sine

afflatu diuino fuisse, neque casu aut fortuito, sed Dei ipsius voluntate atque
 prouidentia, qui religionis gubernacula teneant, eligi solere. Quare non sine
 iustissima causa cum excellenti uirtute uiris reu. sacrarū cura demādatur, cō
 festim mentes omnium immensa quadam leticie voluptate complentur. vi
 dent enim ac sentiunt, talium uirorum sapientia prudentiaque tam pla
 cata, & tranquilla fore omnia, ut in terris, et hac mortali conditione, quo
 ad fieri potest, beatissimam illam celestium vitam non tantum imitari, sed
 etiam representare quodammodo videantur. Quæ cum ita sint, nemini mirū
 uideri debet, si hac exoptatissima nostri huius Archiepiscopi creatione, tam
 exhilarata est uniuersa ciuitas, ut non tantum homines ipsi, sed etiam exper
 tes rationis animantes, & muri, atque parietes ipsius urbis, & denique res
 omnes etiam sensu carentes inusitatam quādam atque infinitam leticiam pre
 se ferant. Tabula est enim huius uiri, quem presentem, & nouum Archiepisco
 pum ueneramur, & cuius aspectu grauissimo iucundissimoque recreamur, au
 ffortit. is tanta uirtus, tam singularis sapientia, & longe plura nobis de hoc
 bona polliceri possimus, quam de quouis alio, post illum maxima diuinitate
 præstantem Ambrosium, ciuitas uiaquam nostra reportarit. Itaque debet v
 nusquisque nostrum ad agendas immortalī Deo gratias mentem, animam, lin
 guam excitare: quod enim præstabilius, aut pulchrius nobis munus dare po
 terat, quam hunc, & piū, & sanctum, & ipsi Deo simillimum sacrorum an
 tistitem? creatus est igitur is diuino munere, quem omnibus uotis omnes ex
 optabant quem omnes vno consensu, atque vna voce deposcebant: quem opti
 mus quisque maxime cupiebat. Creatus is, qui christianam pietatem tueri,
 religionem amplificare, diuina atque humana reffissime tractare nouit. crea
 tus is, qui labantem ecclesiæ nostræ statum, & iam penè collapsum erigere,
 atque ad pristinam stabilitatem, & nitorem reducere facillime possit. Crea
 tus denique is est, qui totam hanc ciuitatem ac patriam suam semper pro
 pria uita cariorem habuit: qui omni semper conatu nixus est, atque etiam
 quotidie magis enititur, ut eam non modò saluam, sed etiam longè florentissi
 mam uideat, qui labore, ac vigilantia sua iam in plurimis, & maximis rebus
 perspetā, & cognita, nihilearum rerum prætermisurus sit, quæ ad sanctis
 simū antistitem, & optimū sacrorū præsidē spectare uideatur hoc aut tantū
 boni, tantū incūditatis, & gaudij primū quidē Deo Opt. Max. bonorū oīum au
 fforti, sed post Deū Hippolyto Atestio, Cardinali ferrē acceptū merito ac iure
 debemus: qui cū hunc Archiepiscopatū Mediolanensem à patruo suo puer ad
 huc accepisset, & annos iā unū, & triginta possedisset, decreuit tandē Arcim
 boldiam gentem iam pridem optimè de religione meritam, quasi in ucterem
 huius Archiepiscopatus possessionem restituere. nam non ita pridem ex hac
 eadem gente duo fuerunt Mediolanenses Archiepiscopi. quippe uir integer
 rimus,

rimus, & aequissimus voluit hac in re ciuitati nostra, quam id uehementissime cupere, totoque animo expetere intelligebat, benignè gratificari. quam rem non tantum Hippolytus ipse, cuius erat in potestate, sed etiam summus Pontifex, totumque cardinalium collegium maxima cum assensione, plausuque cōprobabit: nostræque ciuitati nomen hoc, & incredibile gaudium, quod felix faustumque sit, Deis atque hominibus approbantibus attulit. Sed ad te iam Arcimboldi clarissime, cuius iucundissimo conspectu mirifice recreor, & ad dicendum maiorem in modum excitor, paulisper me conuerto, rogoque, atque obtestor, ut cum hac tam hilari multitudine, cum hoc tam læto populi concursu, cum tanta nobilissimorum hominum, & principum frequentia, me dicente, tua tacitis bona patientissimis auribus recognoscas. ut cum nos alij omnes ista tua tam excellenti dignitate tantopere latemur: summoque, & communi gaudio perfruamur; tu etiam una nobiscum cogitatione rerum à te præclarissime gestarum, & conscientia rectæ voluntatis, & denique honorum omnium tuorum recordatione gaudeas. qui natus in hac vrbe omnium celeberrima, & copiosissima, plurimisque eruditissimis, & fortissimis uiris affluenti, ex antiquissima nobilissimaque familia, per omnes dignitatis gradus, tum hic in patria tua, tum apud exterarum nationes ad istam ætatem tanta cum laude, gloriaque peruenisti, ut non modo maioribus tuis, qui & honoribus, & rerum gestarum gloria semper maximè floruerunt similis fueris, sed etiā eorum memoria laudibusque maximam lucem attuleris. Nunc autem hoc tantum munus summa cum omnium leticia suscepisti; in quo tanquam in theatro quodam totius orbis terrarum amplissimo clarissimoque omnium virtutum tuarum immortalium splendor elucebit: in quo te præclarissimos actus edentem, & diuinæ mentis tuæ vires in omnibus factis, & dictis excitantē, omnes ciues tui ceteræque nationes infinita cum animi uoluptate conspiciēt. teque non tantum eis, qui præsentī tempore vigent Antistitibus, sed etiam antiquis illis omnium sermone prædicationeque celebratis, & præcipue maioribus tuis, qui propè diuinos honores consecuti sunt anteponent. Quam enim grata, quam iucunda, quam exoptata, cōtigit omnibus ista dignitas tua? quibus te votis, quo desiderio, quam inaudita cupiditate ciues tui te requirerant? cum enim non ita pridem res de te perfecta esse diceretur, vniuersa patria inter spem, & metum de te uno non aliter caput esse sollicita, quam de unico filio vidua mater, aut de nouo sponso uehementissimo amore capta mulier, & quamuis iam essent omnia secura, quamuis inter te, & Hippolytum Atestinum essent iam lætæ conditiones, & acceptæ, si summusque Pontifex & Cardinalium collegium eas approbasset: tamen ita amanter te patria exoptabat, tam tenere molliterque cupiebat, ut cum huius diei celebritas prorogaretur, eod quod nondum essent confecta diplomata, ne non timere quidem

sine aliquo timore posset. verebatur enim ne fortasse res non succederet. quoniam in eiusmodi magnis negotiis parue sepe inclinationes totam rem evertunt: præclare uero intelligebat, te Antistite sibi tradito, quantum esset bonorum cumulum habitura, quantum contra iacturæ factura esset, quantum detrimenti, si te iam designatum amisisset. Itaque quoties ad amorem tuum, vel potius pietatem erga se cuiusque omnes mentis oculos referebat, statim omnis timor ab ea recedebat: quoties autem ad incertos variosque casus, quibus etiam firma cōsilia frequenter impediuntur, animum advertebat, iterum perhorrescere incipiebat, & toto corpore contremiscere. quin interdum illi veniebat in mentem subuereri, ne te Episcopatus ille Nonariensis, quem annos iam quatuor, & uiginti tenueras, fortasse nimium oblectaret, & ab eo diuelli nullo modo posset. audierat enim quam opima, quam fertilis, quam fructuosa sit ea regio. audierat, quæ sit amœnitas eius oræ locorumque omnium. audierat Episcopum ibi non tantum sacrorum esse præsidem, sed etiam in populos sibi subditos habere vitæ, necisque potestatem, & quod caput est, audierat in tota illa regione neminem esse, qui non tui esset amantissimus, qui te non mirandum in modum coleret, obseruaret, veneraretur. qui denique ad digiti crepitum tibi non obediret. audierat præterea te maximos in Episcopatu illo sumptus fecisse, multa magnifica palatia substruxisse, redditusque annuos ita diligenter procurasse, ut præter summam rerum omnium amœnitatem, etiam longè maiores atque vberiores fructus, quàm antea perciperentur, quibus rebus ita commouebatur, ut iam timorem, & dolorem suum dissimulare non posset, ut regioni illi, quæ te diutius detineret, quasi riuuli cuidam, non mediocriter irasceret, quod sibi designatum, & traditum sp̄sion præripere uelle quodammodo uideretur. Ergo non solum in templis, sed in curia, in foro, in priuatis ædibus, vota non in dies tantum, sed in horas singulas religiose nuncupabantur, supplicationes ab omnibus fiebant; ut ad religionis nostræ gubernaculum quamprimum accederes. Ipsa uerò patria cum diurna, nocturnaue sollicitudine frequenter huiusmodi uocem & orationem effundere uidebatur: Quousque tandem me sollicitam, & anxiam habebis religiosissime, mihi que propria uita multo carior Antistes? cur non quamprimum ad me parentem, & procreatricem tuam, si genus respicis, si conditionem, sponsam, si curam, & munus filiam accedis? fieri ne potest, ut te mei capiat obliuio, quæ te genui? quæ in lucē eduxi? quæ tot ac tanta in te ornamenta contul? ubi est igitur patriæ pietas? ubi amor? ubi caritas? quod si te honestas monet; quid honestius esse potest, quam de patria bene mereri? si utilitas, unde maiorem fructum tibi, tuisque omnibus, quam ex me reportare potes? Si iucunditas, qui locus esse potest domesticæ sedē iucundior? Fatcor equidem à te me plurima iam pridem accepisse

se beneficia, sed hætenus, ut à filio mater. *Vt ab eo, qui mihi uita debebat, ut ab eo, quem à teneris annis gremio meo foueram. nunc tota ratio est immutata. nam diuino quodam consilio ex parente sponsa facta sum, ex matre filia, non potes igitur abesse diutius. cur enim me nouam nuptam esse uoluisti, si pateris ut tui desiderio contabescam? cur me uis habere loco filia, si decori, & honestati meæ non provides? cur me tanto uiro felicem existimem, si meo bono mihi frui non conceditur? cur eo parente gaudeam, qui à me securus abesse potest? Ah, me parum fortunatam, si te alia regio magis oblectarit, si me spes mea frustrata fuerit. tu ne ergo uita, præsidium, delicias meæ, diutius aspectu me tuo priuabis? atque aliam potius regionem eo frui patieris? ò me nimis credulam, quæ te mihi semper in amore respondere iudicauit. Certe hoc in tua potestate situm est, ut te mihi tanquam carissimum filium reddas, quia te procreaui; tanquam optatissimus ad me sponsus uenias, quæ tibi cælesti matrimonio copulata sum; tanquam parens mei curam suscipias, quæ tibi propter religionem filia loco esse debeat. Veni igitur fili, ueni sponsa, ueni parens, ad hanc amantissimam tui patriam, cui sine te nihil potest esse incundum, nihil dulce, nihil suaue, nulla denique uita uitalis. Hæc atq; eiusmodi uerba, maximo tui amore succensa uidebatur quotidie patrianos ira fundere, donec tandem hic dies omnibus summis, infimis, mediocribus uehementer exoptatus aduenit: in quo uidimus, in hac ciuitate propè neminem esse, qui non sua præsentia, suum erga te studium, atque animum testaretur. Vidimus hoc honestissimum ac pulcherrimum propter nouam dignitatem tuam spectaculum apparatus. Vidimus principem nostrum inuictissimum Ferrandum Gonzagam, cum omni præsidio suo, cum Imperatorijs Ducibus, cum Demarchis, cum Baronibus, cum Tribunis militum, cum equitibus cataphractis denique cum honestissimis huius ciuitatis quibusque uiris tibi obuiam prodire. Vidimus te sub aureo cadurco, stipantibus undique principibus, & spectatissimis uiris in urbem regredi, atque ad hoc religiosissimum sanum, templumque maximum accedere. Vidimus eos omnes, qui ab exteris urbibus, ac nationibus in hanc ciuitatem missi legatorum munere funguntur frequentes honoris causa tibi adesse. Vidimus totum ordinem senatorium, non tantum huius ciuitatis lumen & ornamentum, sed etiam totius Italiae, atque orbis terrarum grauißimum consilium, longe extra urbem profectum obuiam tibi uenire, te uenerari, te magno cum gaudio reducere. Vidimus prudentissimum Iurisconsultorum collegium, & medicorum, & denique omnium, qui sunt alicuius in hac ciuitate nominis frequentiam, maximo studio, alacritate, sedulitate tua uestigia subsequenter. Episcopos præterea, Præsules, Antistites, Flamines, Sacerdotes cuiusque generis longo ordine procedentes. effusam tui uidendi cupiditate multitudinem, non tantum vi-*

M. AN. MAIORAGII

cos, & urbis regiones, sed etiam fenestras, meniana, podia, tecta denique ipsa repleuisse, postremo summam omnium hilaritatem vidimus, inusitatan laticiam, profusam populi inbilationem, strepentibus undique tubis tympanis, tormentis, campanis, organis, fidibus, tibys, musicis cantionibus, plaudentibus omnibus, acclamationibus, & bonis hominibus prosequentibus, rosas, lilia, flores, coronas cuiusque generis ubique spargentibus, aromata, thura, suavisimos odores incendentes, vicos, & parietes omnes tapetibus, tentorijs, imaginibus, tabulis pictis obtegentibus, nihil denique prætermittentibus eorum, quibus infinitam laticiam suam, & gratissimum in te animum significare possent. quibus ego rebus omnibus existimo te vehementer quidem gaudere, tantanque in te civium tuorum caritatem, & pietatem maiorem in modum amare; verum cum hæc pro tua singulari prudentia cognoscas diuturna esse nullo modo posse, sed esse fugacia, & caduca, paucisque diebus interitura, longè tibi sapientissimo homini gratius fore putavi, si quis oratione sua posset honestissima studia tua, mores, intelligeatiam, res præclarissime gestas comprehendere, atque effigiem istius animi tui verè divini literis, & posteritati tradere. Multos enim magnanimos, & fortes viros inuenimus, non tantum magnopere rerum à se præclare gestarum gloriam desiderasse, verum etiam vitam ipsam pro dignitate atque laude profudisse. nihil denique intentatum reliquisse, quo famam suam in orbis terræ memoriam sempiternam disseminarent. Itaque cum etiam te, quamvis sapientissimus sis, studio gloriæ, sicut optimi quique viri faciunt, duci non dubitem, quam non tantum tibi ad aeternitatem, sed etiam posteris tuis ad exemplum, & imitationem plurimum esse profuturam intelligis, si quis mihi Deus eam dicendi vim, & facultatem traderet, qua posse honestissimas quasque vivendi rationes ab incunte ætate à te susceptas, & ad hoc usque tempus perductas, satis digne commemorare, non est mihi dubium, quin æternam, & immortalem apud mortales omnes futuram summæ virtutis tuæ memoriam pro singulari in te observantia mea non mediocriter amplificaturus essem: sed cum ingenij mei vires perexiguæ sint, virtus autem tua incredibilis, ac propè divina, quæ per sese vigeat memoria seculorum omnium, certè non decus aut splendorem ab oratione mea capere potest, sed contra potius à virtute tua genium, & immortalitatem oratio mea sine ulla dubitatione receptura est. quæ me spes potissimum ad hanc suscipiendam de te dicendi provinciam excitavit. verum priusquam ad te veniam, ali qua mihi de maioribus tuis commemoranda esse censeo, ut omnes intelligant maximos quidem illos, & clarissimos viros fuisse, pulcherrimæque tibi exempla ad imitandam domestica semper extitisse: sed ita gessisse te, ut non modo non illis inferior fueris, verum etiam cos longo intervallo superaris. Ac mihi quidem, ut spero, vos etiam Patres amplissimi, dabitis hanc veniam, ut quoniam

niam ab anis atque atavis hac Arcimboldiorum familia semper celestis atque diuina fuit, antequam ad huius Archiepiscopi laudes, & res egregie gestas veniamus, quibus eum tanto honore, tamque praestanti munere dignum ostendimus, breuiter aliquos insignes viros ex maioribus eius commemoremus. inuabit enim, vt opinor, non mediocriter, animos vestros hac praestantium virorum breuis commemoratio: inuabit, inquam, per egregia facta, tanquam per latissimos locos, & amantissima quaedam vireta transeuntes, ad hanc postea celebritatem, & publicam leticiam quasi confectis spaciis deuenire, atque in ea tandem iucunde suauiterque conquescere. quoniam neminem vnquam tanta eloquentia fuisse existimē, neque tam diuino atque incredibili genere dicendi, qui horum hominum virtutes, laudesque non dicam augere, aut exornare oratione, sed percensere numerando posset. Vt enim ab origine splendorem, & claritatem generis non repetam, quod & longum nimis esset, & nobis id angustia temporis non concederet. quis huius proano Nicolao nobilior aut clarior vnquam fuit? quis sapientior? quis prudentior? quem vnum optimum iurisconsultum, & praestantissimum Senatorem Dux, & Princeps Mediolanensium Philippus vicecomes consiliarium habere voluit; vt ei res suas arcanas, & ad imperij administrationem pertinentes assidue communicaret. qui tam insigni fide, religione auctoritate fuit, ut plurimas pro suo principe susceptas legationes felicissimē semper obiicit, & quod omnium maximum est, & vehementer admirabile, cum asperissimum inter Philippum, & Venetos bellum intrecederet, tanquam irritati iam essent omnium animi. vt nullo modo placari posse uiderentur, tantum eloquentia sua, singularique prudentia Nicolaus Arcimboldius, cum legatus ad Venetos missus fuisset, effecit, ut firmissimam ab eis, atque optimis pro Philippo conditionibus pacem reportarit. Iam uerò frater eius Antonellus ductor fortissimus domi, forisque perpetuam sibi gloriam, & scientia rei militaris, & virtute, & auctoritate, & felicitate comparauit. qui Ioan. Galeatio Vicecomite, & eius filio Philippo Mediolani Ducibus, Tribunus militum consulari potestate constitutus, & totius exercitus moderator ac Princeps Remp. nostram semper bene, & feliciter gessit. Sed omnium maiorum suorum gloriam sine dubitatione Ioan. Arcimboldius Nicolai filius non solum adaequauit, set etiam longē superauit: qui cum longo tempore propter egregiam iuris vtriusque scientiam, & Francisco Sfortia primo, & eius filio Galeatio gratissimus fuisset, atque vtriusque Principis maximo cum honore senator, consiliarius, & rerum gerendarum auctor extitisset, mortua demum uxore Briseida, ex qua iam Aloysium huius Archiepiscopi nostri parentem susceperat, ad religionem animum adiecit. neque ita multo post, ob integritatem admirabilem, & probatissimos mores Nouariensem Episcopatum asse-

M. AN. MAIORAGII

cutus est. tantaque fuit eius probitatis, & sapientiæ fama, ut cum à Galeatio Sfortia missus orator ad Sixtum Quartum Pontifice Maximum fuisset, ab ipso Pontifice Maximo cum honore susceptus, statim Cardinalis creatus fuerit: & quod alij pauci vix longo tempore multisque consumptis pecunijs assequi possunt, id ipse paucis diebus facillime, & gratuito consecutus est. Quid quod non ita multo post eiusdem Pontificis legatus summa cum potestate Persiæ fuit? iam illud non tantum maximum, sed etiam inauditum, & admirabile fuit. duas enim eodem die summas omnium, in ecclesia Mediolanensi dignitates, vniuerso Cardinalium collegio comprobante Pontifex illi detulit. nam & Abbatem Diui Ambrosii, in cuius tutela est huius nostræ ciuitatis salus, constituit, & Mediolanensem Archiepiscopum creauit. quod si longiorum illi vitam facta dedissent, nemini dubium fuit. quin propter eximias, & singulares virtutes suas breui tempore Pontifex Maximus esset futurus. Quid huius frater Vidus Antonius? nonne quamuis dignitate fuerit inferior, tamen rerum experientia, sapientia, probitate, pone par semper habitus fuit? qui primò propter ingenuos ac liberales mores à Francisco Sfortia primo fuit electus, qui comes eius filio Galeatio, iam tum imperij successioni destinato semper assisteret, cum eo equitaret, luderet, iacularetur, venaretur, ex eadem mensa vesceretur. deinde cum Galeatius patre mortuo rerum potitus fuisset, eundem tam iucundum, & gratum habuit, ut à suo latere nunquam discedere pateretur. Itaque post fratris sui Ioannis Cardinalis obitum facile Mediolanensem Archiepiscopatum assecutus est. quin etiam postea plurimas, & honorificentissimas legationes Galeatio, & Ludonico eius fratre Ducibus, maxima cum dignitate, & gloria sapius obiuit. erat enim uir præter morum integritatem maximè facundus & eloquens: qui facile dicendo mentes hominum quocunque uoluisset, impellere posset. Quocirca, & ad regem Hispaniarum, & ad Mathiam Pannoniæ regē legatus missus fuit. qua in legatione propter eius probitatis, & sanctimonie famam, tanto cum populorum omnium, ad quos accedebat, plausu, tantaque cum gratulatione suscipiebatur, ut eum omnes, non tanquàm aliquem ex hac urbe missum virum, sed tanquàm à cælo delapsum Deum intuerentur. quamobrem ipse post reditum suum in patriam, huius rei, felicitisque legationis, atque itineris monumētum in suburbano prædio superesse voluit. extat enim adhuc in Bicocano quedam amplissima porticus, varijs picturis exornata, quibus totus eius legationis successus sigillatim, & accuratè significatur. Quid autem de clarissimo viro huius Archiepiscopi nostri parente Aloisio commemorem? qui propter insignem iurisprudentiæ cognitionem multos honores ac dignitates, & Galeatio, & Ludonico Ducibus obtinuit, nam & senator egregius fuit, & eques Auratus, & duorum principum consiliarius, & Cremonensis præfecturæ gubern-

bernator, sed quamvis etiam nihil aliud in vita memorabile gessisset, tamen vel hac una de causa summo opere celebrandus esset, quod primo Octavianum huius fratrem, maxime admirandum ac verè diuinum hominem, deinde hunc etiam, cuius adhuc prudentia consilioque nostra hæc ciuitas lætissima fruitur, per quam feliciter genuerit. Nam Octavianus frater huius ea præstantia fuit, ut non ab homine natus, sed à Deo fìctus esse videretur, quippe qui adolescens iulius ac penè puer tantam vtriusque iuris scientiam acquisiuit, ut in Iuricon sultorum collegium magna cum omnium admiratione cooptaretur. is deinde cum omni doctrina genere, tum eloquentia præcipue, mira que dicendi facultate præcelleret, annum agens quartum, & vigesimum Romam profectus eo d. m. anno ab Alexandro Sexto Pontifice maximo multos honores ac dignitates affectus est, in quibus tam sancta, atque integrè se perpetuo gessit, ut in se totius Romana curia ora conuerteret. erat enim ingenium in eo plusquam humanum, doctrina admirabilis, mores vehementer amabiles, immensa omnium actionum gratia, comitas atque affabilitas sermonis inaudita. quam enim ornate, quam grauiter, quam copiose mortuum Alexandrum Pontificem pro concione laudasse dicitur? quanta dicendi maiestate Pij Tertij successoris ipsius Alexandri creationem celebrasse? sed heu fallacem hominum spem, fragilemque fortunam. in ipso vera laudis, & gloria cursu, cum duorum Antistes iam conuentum esset, & Mediolanensis Archiepiscopus designatus, in ipso, inquam, iuuentutis flore, cum annum secundum ac trigesimum ageret, summo cum omnium maiore, ac tristitia derepente extinctus est. Sed tamen bene, & feliciter nobiscum actum est Patres amplissimi, quod hunc adhuc presentem tam insignem omni laude virum, tanta auctoritate, fide religione præditum, superstitem, & incolumen habemus, multisque post hæc annis felicissimè atque optime uicturum, & speramus, & optamus. Iam enim ad huius mihi laudes, & facta ueniendum est, cuius causa suscepta est hæc omnis oratio. Vt quamvis omnes intelligant, nullum vnquam post illum Principem Ambrosium extitisse Archiepiscopum præstantiorem, tamen cogitatione, & commemoratione rerum honestissimarum, & omnium voce, literis, predicatione dignissimarum solidum ac plenum huius diei gaudiū sentiamus. Ac mihi quidem Patres amplissimi tantus virtutum splendor, tantum lumen, tam immensa claritas, quantum in hoc viro esse conspicio, sic mentis oculos atque aciem perstringit, ut uix eam satis animo cernere, medium verbis eloqui me posse confidam. verum ut solem aduersum intueri nequimus, sed ex eius radijs longè lateque dispersis, quanta sit eius amplitudo, quam immensum lumen intelligere facile possumus, ita quamvis in fulgentissimis illis virtutibus, quæ in huius viri altissima diuinaque mente versantur, mentis oculos desigere nequeam, tamen ex optimis eius actionibus, & rebus præclarissimè

M. AN. MAIORAGI

gestis, quanta sint, quamque immensa me aliquo modo declarare posse non
 diffido. non ita tamen ut omnes eius gloriosas actiones enumerem, quod fie-
 ri nullo modo potest: sed ut ea summam primo, quae sunt ad laudem illustrio-
 ra persequar, deinde, quae efficiunt, ut non tantum hoc praesenti honore, sed
 etiam longe maiori, & ampliori dignissimus esse videatur. Nam, ut ea prae-
 mittam, quae de huius natali die, futuraque praeslantia vates, astrologi, conie-
 ctiores, ceterique diuini praedixerant, quae licet vera fuisse postea exitus com-
 probauit, tamen quia non ita vulgata sunt, à me fingi putarentur. tantum e-
 nim abest, ut aliquid huius laudibus oratione mea velim affingere, ut etiam
 ea praterire decreuerim, quorum, quamuis honestissima fuerint, tamen pau-
 ci testes esse possunt. ut haec igitur mihi faciam, cum puer esset ab optimis atque
 honestissimis parentibus, qui praclare intelligebant, quantum a teneris an-
 nis intersit, optimis viuendi rationibus assuescere, tam religiose, sancteque
 educabatur, ut nihil ei placere posset, quod aliqua ex parte turpe esse videret-
 ur. ut non eius puericia delictis atque indulgentia solueretur, sed labore, &
 seueritate firmaretur. non in lufibus & iocis, sed in percipiendis ingenuis ac
 liberalibus disciplinis tota consumeretur. nam frequentibus quasi simulis o-
 rationis, quamuis sua sponte satis incitatus esset, & à parentibus, & à prae-
 ceptoribus ad exempla maiorum suorum imitanda suscitabatur, ut honestatis
 cursum teneret, & dignitatis atque gloria portum caperet. ut cum nutricis
 lacte moribus quam probatissimis imbueretur. ut nequid cupide, ne quid im-
 potenter, nequid improbe committeret. Ita vero cum equalibus suis in ludo
 atque puericia disciplina versari solbat, ut quamuis ingenij, memoriaeque glo-
 ria facile omnibus antecederet, nemini tamen unquam se praeponeret, sed mi-
 rifica quadam animi moderatione facile omnes cum quibus erat perferret,
 ac patebatur, eorum studijs, quantum honestas ferret, semper obsequeretur,
 nulli omnino contra ius & fas aduersaretur. ita sine vlla inuidia laudem fa-
 cile inueniebat, & amicos sibi comparabat. Erat autem in aetate illa puerili
 maxima corporis dignitate atque pulchritudine ornatus, quae nunc etiam in
 hac, quam videtis, aetate summa quadam cum maiestate reuertitur. quae fiebat ut
 eius egregia virtus gratior, & iucundior omnibus videretur, ut animo pul-
 chritudo corporis venustati mire conueniret atque responderet. nam, quod
 rarissimum est exemplum, in puericia magnopere frugi erat, & summe tem-
 perans, quemadmodum deinceps etiam per omne vitae suae curriculum sem-
 per fuit, & frugalitatis quidem ac temperantiae testes sunt ij, qui cum eo se-
 mul erudiebantur, & versabantur, dignitatis autem corporis, & pulchritu-
 dinis omnes, qui eum conspiciebant. Haec autem omnia deinde cum aetate mi-
 randum in modum auicta sunt, quibus accessit postea fortitudo, & sapientia,
 & iusticia, neque quod in alijs preclavis hominibus accidere solet, haec virtus

res in hoc homine ita mediocres fuerunt, ut una tantum earum excelleret, sicut in Themistocle fortitudo, in Aristide iusticia, in Solone sapientia, in Xenocrate temperantia, sed omnes excellentes, omnes eximia. quod hactenus ex eius rebus gestis luce clarius apparet. tantum autem iam tum à prima aetate, & corporis ornamentis, & animi bonis equalibus suis antestabat, ut quicumque eum viderent, aut cum eo consuetudinem haberent non tantum eius amabilem naturam, & præstans ingenium admirarentur, sed etiam comem, & iucundam eius orationem, urbanos & ciuiles corporis gestus, præsentem & acrem animum, senilem denique in puero prudentiam obstupefcerent. & iam eo tempore iudicarent nullo modo fieri posse, ut eiusmodi natura demissis atque humilibus rebus contenta priuata viuere, sed altâ quadam mente, sublimique animo maiora semper & honestiora spectaret. cum autem ad eius patriam, & integram vitam, & mores sanctissimos animum aduerterent, statim affirmabant omnes, eum aliquando maximum & religiosissimum sacrorum Antistitem futurum, ut, quod hoc tempore diuina providentia contigit, id iam in eius præcicia quicunque eum noscerent tanto ante diuinarent. Sed quoniam ut in placido tranquilloque mari quilibet optimus videtur esse gubernator, at in sua tempestate semper virtus & scientia veri gubernatoris elucet, ita sapientissimè res secundæ sic ingenium obtrunt, ut præstans vir ab abiectio discerni non facile possit, aduersa uero statim hominis excellentiam aperiant, non in minima felicitate duxerim, quod fortuna bonis ferè omnibus contraria, semper huic insidias aliquo modo struere non cessarit. qui per omne vita suæ tempus ita exercitus est, ut in molestiis, & calamitatibus semper maior, & præstantior apparet. atque illas cum ope diuina, quæ nunquam ei defuit, tum etiam prudentia sua propulsaret. cum enim exploratum haberet, omnibus fortune telis humanam vitam esse propositam, à teneris usque annis ita vulcaniis armis, id est fortitudine, atque animi magnitudine se contexit, ut illum quidem frequentissimè fors aduersa concusserit, sed nunquam tamen omnino de gradu deicere, aut labefactare potuerit. Postquam igitur excessit ex ephebis, & liberius illi viuendi potestas fuit, non se corporis voluptati, blandissima domina tradidit, quod plerique faciunt adolescentes. neque aut equos ad currendum, aut canes ad venandum, ut ait comicus, diligenter querebat, sed omnibus honestis disciplinis studiosè operam dabat. audierat enim ab Epicharmo siculo verissimè dictum fuisse, laboribus omnia bona Deos immortales hominibus uendere, & à Musonio Philosopho, iuuenem eum, qui laborem, & animi contentionem refugit, seipsam bonis rebus omnibus indignum ostendere. Quare studium, & ardorem quandam amoris omnium ingeniarum artium sic arripuit, ut eum nulla difficultas ab instituto cursu renouaret, non libido ad voluptatem, non otium ad animi remissionem,

M AN. MAIORAGII.

non denique somnus ad quietem in primis tamen iuris civilis, & pontificij studium amplexus est, cum quia videbat in eo maiores suos plurimum excellisse, sit enim hoc plerumque, ut quorum patres, aut maiores aliqua gloria præstiterunt, hi studeant in eodem genere laudis excellere, tamen etiam quia præclare intelligebat, nullum ex omnibus esse studium, nullam artem, nullam disciplinam. quæ magis ad omnes honores, & dignitates aditum atque viam, quam ius civile, patefaciat. in hoc igitur studio ita continenter, & assidue versabatur, ut non solum aequalibus suis, sed etiam longè natu maioribus antecelleret. Et quamvis civilem scientiam, quæ reliquarum scientiarum, etiâ Aristotele teste domina, atque regina est, præter ceteras omnes adamaret, tamen quod mirum erat omnibus, quoties ei reficere, atque recreare animum, vel etiam iocari libuisset, ita rhetores ad declamandum, ad discernendum dialecticos, poetas adversus ex tempore pangendos inuitabat, ut maxima cum astantium omnium admiratione, atque voluptate uictor sapissimè discederet. quæ ingenij ubertas & prompta celeritas deinde semper auctæ, & perpetua meditatione conservata nunc etiam in ista ætate; quam videtis, integra perseverat. nam omnium eruditorum testimonio cum prudentia, & acumine, & subtilitate, tum verò eloquentia, varietate, copia, quam se cumque in partem dederit, omnium est facile princeps. Vidi ego nuper, nec sine mirifica quadam voluptate vidi scriptum ab eo per quam ingeniosè subtiliterque de fortune varietate, atque inconstantia, quæ longo illi tempore molesta fuit, epigramma, quod, meo quidem iudicio, nulli veterum Latinorum eius generis descriptioni postponendum est, pluribus verò longè etiam anteponendum. Sic igitur ab adolescentia vitam suam instituit, ut nullam aliam voluptatem, nullam delectationem, quam ex disciplinis perciperet. quas omnes ita diligebat, ut suavisissimum quendam esse passum animorum predicaret. in eis totus erat, in eis noctes & dies versabatur. nam quod vel nulli, vel certè paucissimi possunt, eo semper animi robore, ea indole uirtutis & continentia fuit, ut omnem vitæ suæ cursum in labore corporis atque in animi contentione confecerit. non cum quies, non remissio, non aequalium studia, non ludi, non convivia delectarint, nihil denique in vita penitus expetendum putavit, nisi quod esset cum laude, atque dignitate coniunctum. Itaque cum adhuc in publicis gymnasiis versaretur, frequentes erant cum eo semper adolescentes honestissimi, rectissimisque studiis, & optimis artibus dediti. perspiciebant enim in eo non solum præstans ingenium elucere, quod assiduitate, atque industria quotidiana plurimum aletetur, sed etiam genus orationis facultatem, copiam sententiarum atque verborum, & cognitione rerum institutam, & cura & vigilis elaboratam. neque mirum hæc iam tum in adolescente fuisse: non enim aliorum adolescentium uestigij insisteat, non tritam ab alijs viam sibi

sibi proponebat, sed magnos esse experiendos, & subeundos sibi labores existimabat. nactus enim se virtuti, non desidiæ, dignitati non voluptati, patriæ, civibus suis, laudi, gloriæ, non somno & conuiuiis, & delectationi prædica-
bat. quare tantum ea sequebatur, quæ nisi vigilantes, nisi sobrii, nisi industrii homines assequi non possunt, quæ dignitatem, quæ laudem, quæ gloriam affer-
runt, quæ sunt ampla, quæ diuina, quæ immortalia, quæ fama celebrantur, mo-
numentis annalium mandantur, posteritati propagantur. Cum igitur adoles-
centiæ suæ florem ita traduxisset ut esset omnibus quasi quoddam laboris,
continentiæ, religionis, innocentiae, pietatis exemplar, subsecutum est postea
tempus illud, quo propter excellentem iuris ciuilibus & pontificij doctrinam
laurea decoratus in iurisconsultorum collegium cooptatus est. quo quidem tem-
pore non ipse tantum honorem, qui maximus erat, à collegio, quantum ab ip-
so dignitatis, & amplitudinis collegium accepisse visum est. tantus enim ho-
minum concursus ad eum audiendum factus est, ut non modo non subsellia
frequentissima, sed ne ædes quidem amplissima minimam audiendi cupidorum
partem capere potuerint. quæ verò gravitate Dij immortales, quæ prudentia,
quæ dicendi maiestate totam vitæ suæ studiorumque rationem reddidit? quæ
prompto animo, quo acuminis ingenij, quo uerborum splendore, propositas si-
bi legum quæstiones, & iuris utriusque nodos facile dissoluit? quibus rebus
effectum est, ut multo maiore cum gloria, celebritateque, quam alius quisquæ
ea tempestate iurisconsultus declaratus sit. postquam igitur tanta cum laude,
atque approbatione doctissimorum hominum iurisprudentiæ fuit insignibus
decoratus, memor quam viuendi rationem ab ineunte ætate suscepisset, &
quam grauem personam sustineret: omni diligentia prouidendum sibi esse cen-
suit, ut nihil quod aut vitæ superiori dissentaneum, aut iurisconsulti personæ
grauitæque non consentaneum videretur esse, committeret, sed in respon-
dendo iure ita sese gereret, ut summis, infimis, mediocribus gratus esse pos-
set. magnam enim laudem, & gratam hominibus esse censebat, in ea scientia
plurimum elaborare, quæ multis esset profutura. quæ quidem cum cogitatio
deliberatioque non sefellit. cum enim ea, quæ proficiscuntur à legibus & à iu-
re ciuili semper ad facilitatem, æquitatemque referret, neque constituere li-
tium actiones mallet, quam controuersias tollere, sic ad eius consilium vndi-
que tanquam ad oraculum quoddam multi mortales conueniebant. eius au-
tem omne studium in eo consumebatur, ut supplicibus & innocentibus opem
ferret, salutem daret, periculis liberaret, fraudes omnes, & calumnias, ex falsa
iuris interpretatione coortas à medio tolleret, suum denique cuique tri-
bueret. & quamuis eius vestibulum & ianua maxima, quotidie frequentia
ciuium, ac summorum hominum splendore celebraretur, non tamen unquam
ita defatigatus erat, ut quenquam inconsultum à se dimitteret: sed omnibus
aqua-

M. AN. MAIORAGII

æqualiter lucem animi, ingenij, consilijque sui patefaciebat: omnibus ad se faciles prebebat aditus: omnes leuiter ac patienter audiebat: denique magis ad aliorum arbitrium, quam ad suum viuebat: neque tantum sibi præmium, aut opes, aut gratiam, quantum decus, iusticiam, æquitatem proponebat. Hac fama impulsus Maximianus Sfortia, dux ac princeps Mediolanensium, hunc vnun ex maxima præstantissimorum iuriconsultorum multitudinem, quam semper hæc nostra ciuitas habuit, eligere voluit, cui secreta sua communicaret, & quo maximis in quibusque rebus consiliario, rerumque gerendarum auctore niteretur. audiebat enim, ac presens ipse videbat hunc in negocijs maxime laboriosum esse in periculis fortissimum, in aggrediendis rebus industrium, in prouidendis sagacissimum, in consiciendis celerrimum. itaque sperabat hoc adiutore & consultore suum imperium longe melius & iustius administratum iri. quæ spes eum & expectatio non fefellit. sic enim susceptum negocium prudenter, & sapienter agere insituit, vt omnibus in rebus lux quedam iusticiæ & æquitatis oborta ciuitati nostræ videretur. quamuis. n. in eo semper fuerint & animi & ingenij celeres quidam motus, qui ad excogitandum acuti, & ad explicandum vberes, & ad recte faciendum prompti viderentur, semper tamen in considerandis rebus, & tempus, & diligentiam adhibebat, neque vnquam ex tempore de vlla re pronuntiabat, suum namque consilium, quod ad Reip. summam sæpissime spectabat, non precox, sed maturum oportere esse censebat. illud enim præclare intelligebat, sæpenumero fieri solere, vt consultorum temeritate maximæ quæque res euertantur, atque id etiam secum animo voluebat, principem ipsum à consilio suo pendere totum, atque ideo in sua esse potestate, vt vel bene, vel male res omnes administrarentur, audierat porro non semel à Platone dictum fuisse, rem quandam sacram esse consultorem, quem non solum ab omni criminis labe, sed etiam à suspitione purum esse deceat. Itaque tam sapienter & iuste consulebat, tam castè atque integrè se gerebat, totam vt Remp. nostram suis ipse penè solus humeris sustineret: tanta præterea diligentia res singulas prouidebat, tanta modestia suas actiones omnes dirigebat, vt etiam non tantum ciues nostri, sed etiam peregrini vehementer & amarent, & uererentur. nihil uerò titubanter, nihil inordinatè, nihil temere faciebat. sed in omnibus eius dictis, & factis inerat siirma constantia, veritas, & circumspectio. non pudor, non integritas, non religio, non assiduitas vnquam in eo requisita fuit, nullum vnquæ vlla ciuitas consilij publici auctorem neque moderatiorem, neque sanctiorem non modo vidit, sed aut sperando, aut optando cogitauit. nullum hic vnquam officium prætermisit eorum, quæ ab illo consultore seruari debent, qui communem semper utilitatem priuatis commodis anteponat, & qui maiori patriam caritate quam propriam vitam prosequatur. quamobrem tantopere

pru-

prudentiam eius suscipiebat Maximianus princeps, tanti eum faciebat, ut ne latum quidem unguem ab eius consilio sibi recedendum esse censeret. Interim accidit, quod in rebus humanis fieri solet, quæ sursum ac deorsum perpetuo feruntur, neque in eodem statu diutius consistere possunt, ut Resp. nostra bellicis tumultibus exagitata, varijs cladibus, & offensionibus vexaretur. quo tempore noster hic Antistes Romam cum Sedunensi Cardinale, cui propter singularem prudentiam, & eximias ingenij suavitates quam carissimus erat, profectus est. ut cum iam apud nos præstantissima sapientia sue, rarissimeque virtutis documenta maxima dedisset, etiam in vrbe illa, quæ caterarum vrbiũ domina, atque regina est, & in quareligionis, & sacrorum, & cerimoniarum omnium iam pridem domicilium est constitutum, quid ipse plurimis laboribus, & longissimis vigilijs in rebus diuinis, & ad summam religionem pertinentibus antea profecisset, palam ostenderet. quod sanè paucis ei diebus, nondum id agenti maximo cum honore, gloriaque contigit. profectò latere non potest egregia uirtus, sed quo magis occultatur, eo magis lucet ipsa per sese, splendetque etiam in tenebris, & eos, in quibus est, apud omnes gentes ac nationes laudabiles & vehementer amabiles efficit. Vix dum Romam hic noster attigerat, cum eius nominis fama per totam urbem longè lateque diffusa est, cum eius præstantiam omnes admirati, quam honestissimos de eo sermones habere caperunt. itaque non tam ipse ad alios visendos, & salutandos, sicut fieri solet, quam alij ad eum frequentissimi veniebant, & magno studio quotidie domo deducebant, & reducebant. quin etiam eum Leo Decimus Pontifex Maximus ad se accersi iussit, & multis atque honorificentissimis verbis commendatum. post paulo multis affecit honoribus. Iam verò magnum illud, atque memorabile fuit, quod, cum eo tempore tota sæpe Germania tumultuaretur, populi que feroces, atque indomitæ nationes contra fidei religionisque Christianæ principem insurgere iam auderent, multa que iam tum meditentur, sanctissimorum virorum, & pontificum institutis contraria, christianis que legibus repugnantia, circumspicis omnibus Leo Decimus, ex omni Antistitum collegio tandem hunc unum elegit, quem & prudentia, & consilio, & auctoritate plurimum excellere videbat cuius fortem & constantem animum, admirabilem in reduendis ad rectam viam atque honestatem hominum mentibus dicendi vim, & facultatem agnoscebat, cuius denique fidem, integritatem, sanctitatem perspectâ & cognitam habebat. hunc igitur unum in tumultuantem Germaniam ad res componendas, & apostolici, olim pontificieque maiestatis negocia peragenda cum summa potestate nuncium ac legatum misit. hic autem animo reputans, quam magnum, & quam periculosum onus humeris suis impositum esset, omnem sibi ingenij aciem, omnes nervos intendendos esse statuit, ut non tantum ea legatione fidelissimè

M. AN. MAIORAGII

delissimè fungeretur, sed etiam ut præclarum aliquid efficeret, quod & dignum expectatione, quam de se omnibus concitaret, & dignum denique pontificis iudicio, quod de se fecerat, esse uideretur. quare tantam erga omnes ad quos accedebat modestiam, tantamque humanitatem ostendebat, tanto dicendi artificio utebatur, tam ingeniose, quæ ad Christianas leges attinent, explicabat, ut multarum nationum animos, non mediocriter labantes, & fluctuantes in fide ac religione facile confirmarit, totamque ferè provinciam illam ita peragravit, ut omnibus esset venerabile quoddam antiquæ religionis & sanctitatis exemplum. omnes eum suspicerent, omnes eius auctoritati sibi parendum esse censerent. erat enim in admonendo mitissimus, & humanissimus, in victu uerò suo continentissimus, & severissimus, in consilijs dandis prudentissimus, in corrigendis vitijs maxime comis & mansuetus, ut cum equaliter omnes argueret, increparet, emendaret, tamen affabilitate, comitateque sua consequeretur, ut eos ipsos, contra quos statuisset, & quos, placatosque dimitteret. neque dubium esse potest, quin omnia breui tempore, quæ ad religionem pertinent, in illa regione provido ac diuino huius consilio placata, & tranquilla futura fuissent. nisi factiosi quidam & turbulenti homines, discordiarum amatores, pacis, & religionis inimici, motus populorum, & seditiones concitassent. quibus hic noster non aliter atque olim Paulus ille Tharsensis nostræ persuasionis antesignanus, & Petrus ille Barionæ dux ac moderator ecclesiæ Christianæ suis aduersarijs aliquandiu maximo cum animo, constantia, dignitateque restitit. sed quod fretum? quis Euripus? tot motus, tantas, tam uarias habet agitationes fluctuum, quantas perturbationes, & quantos gestus habet popularium vita? cum præsertim eos auctores habet, quos esse sapientes existimat. totam opinionem parua nonnunquam commutat aura rumoris, sepe etiam sine ulla aperta causa consilium mutat. nihil est incertius vulgo, nihil obscurius uoluntate hominum, nihil fallacius imperita multitudo. sic Ephesij quondam Paulum Tharsensem Christi legationem primò tanquam Deum immortalem venerati sunt, deinde non ita multo post ex urbe sua tanquam impium hominem expulerunt. sic plerique alij sanctissimi uiri plurimas pro Christiana fide calamitates, & incommoda pertulerunt. quos omnes sibi proponens imitandis hic noster, omnia firmissimo constantissimoque animo tolerabat, & sibi potius honestè moriendum, quam seditiosis hominibus & imperitæ multitudini cedendum esse statuebat. cum ecce Tyrannus quidam, non modo ab omni pietate, cultuque diuino, sed etiam ab omni humanitate remotissimus, qui benignè hunc antea susceperat, non quia religionis ulla esset ei cura, sed quia sperabat hac ratione, si talem, tamque religiosam uirum apud se habuisset, fore, ut etiam ipse pius ac religiosus existimaretur, & populi sibi subiecti magis dicto audientes essent, atque ita maior sibi licentia in

quoscunque vellet graſandi præberetur. derepente hunc inuadit, & necandū trucidandūque ſatellitibus ſuis denotat. neque hoc alia de cauſa, niſi quia ne ſarijs eius facinoribus, & impijs cogitationibus hic modeſtè manſueteque reſiſtebat, & ad chriſtiane viuendum humaniter inuitabat. cum igitur diuina quadam prouidentia, quæ præſtantibus viris deſſe nunquam ſolet, Tyranni illius inſidias hic præſenſiſſet, neque diutius morando ſe illas euitare poſſe ulto modo intelligeret, memor illius euangelici præcepti, quo iubemur, vt, ſi qua in ciuitate nos impij viri perſequantur, ad aliam confugiamus, neque tantum de ſua, quantum de ſociorum & comitum ſuorum ſalute ſollicitus, tandem ceddendum impiorum hominum furori, & tyrannicæ crudelitati ſibi eſſe cenſuit. Itaque quam occultiſſime potuit, equis ad celeritatem commutatis ſic ab illa prouincia diſceſſit, vt bonis omnibus, quicunque ibi erant, maiorem ac triſticiam, impijs autem & ſcleratis gaudium, & læticiam eius diſceſſus attulerit. nam poſtea factio illa perditorum ac furioſorum hominum victrix fidei, religionis, ſanctimonie, non impietatis, libidinis, arrogantie totam ſerè Germaniam peruagata eſt, & Tyrannus ille, quaſi beſtia quedam immaniffima, ſic odio religionis exarſit, vt omnes eius regionis Antiſtites, quos pietatis, atque honeſtatis cultores eſſe intelligebat, ad unum crudeliſſimè trucidarit. Sed quam gratus Franciſco Sfortie ſecundo Mediolanenſium Duci fuit huius in patriam reditus? quam iucundus bonis omnibus? tantum enim eo tempore gaudijs, tantum læticiæ cæpit cum ipſe princeps, tum vniuerſa Mediolanenſis ciuitas vt noua quedam ſalicitas cunctis oblata, vel potius reddita vidcretur. vivebat enim adhuc in animis omnium huius memoria. meminerant quam integrè quam continenter, quam iuſtè Maximiano Sfortia Duce, Remp. geſſiſſet. quare licet hunc apud ſe Franciſcus Princeps, & omnes ciues vehementer eſſe cuperent, tamen cum negotium quoddam maximi ponderis & momenti cum ſummo Pontifice pertractandum eſſet, neque quiſquā alius in hac vrbe reperiretur, qui prudentius, aut melius, huiusmodi legationem obire poſſet, vicit tandem publica vtilitas priuatum deſiderium. Quamobrem ex principis ipſius, & totius ordinis ſenatorijs conſenſu legatus in Hiſpaniam ad Adrianium pontificem maximum miſſus eſt. apud quem cum omnia fideliter atque ex principis ſui ſententia confeceſſet, ipſum Pontificem, virum, & doctiſſimum, & optimum, cum ſua ſingulari atque eximia fide, prudentia, virtute, tum eloquentia, mirificaque dicendi facultate breui tempore ſibi ita deuinxit, vt iſe à ſuo latere nunquam hunc poſtea dimiſerit. cum hoc enim diuina conſilia ſua ſepiſſimè communicabat, cum hoc de ſumma religionis frequentiſſimè conſultabat, cum hoc denique omnia ſeria iocoſaque confeſſebat. quod ſi diutius Adrianus uiuere potuiſſet, nemini dubium fuit, quin hunc paucis menſibus in Cardinalium collegium cooptaturus eſſet. verum, ut

M. AN. MAIORAGII

opinor, terris fata Pontificem tam salutarem, tamque pium inuiderunt. abiit igitur ad superos breui tempore, maximum sui desiderium toti Christiane Reip. huic verò non mediocrem tristitiam & luctum relinquens Adrianus Pontifex. Sed tamen dolorem, quem hic ex Adriani morte ceperas. Clementis septimi, qui successit in Pontificatum benignitas aliqua ex parte mitigauit. magno enim amore, summaque beneuolentia hunc eundem amplexus est. nam primo gratulatum ad se venientem nomine Francisci Sfortie secundi, cuius hic Romæ legatus erat, maximè præter ceteros comiter ac liberaliter excepit, humaniter allocutus est, multa pollicitus. quo postea factum est. ut cum ipsius meritis, & præstantissimis virtutibus, tum rogatu precibus Francisci Sfortie commotus Clemens Pontifex maximus, hunc Episcopum Nouariensem creauit, & semper deinceps quoad Romæ fuit carissimum, & gratissimum habuerit. Verum non hunc communis aliorum ferè omnium ambitio cupiditasq; detinebat: qui quāto maiores aut opes, aut dignitates acquirunt, tantum plures quotidie concupiscunt, & quo plura possident, eo magis accenditur in eis cupiditatis sitis, sed præsentī conditione, rebusque iam à se quam honestissime partis contentus, suscepto Episcopatu cogitabat, quantum onus humeris suis sustineret, & cum omnia semper antea fugienda turpitudinis, & amplectende honestatis causa fecisset, tunc posteaquam creatus esset episcopus, omnes sibi animi vires excitandas, omnia circumspectanda, omni utendum esse diligentia censebat, ut non modo quicquam eiusmodi ne committeret, quod aliqua ratione reprehendi posse videretur, sed etiam omnia sic ageret, ut ea facile facile inuidiorum etiam existimatio comprobaret. sic igitur à summo Pontifice sibi creditum ac commissum Episcopatum administrare cepit, ut se omnium officiorum obstrictum religione arbitraretur, ut omnium oculos in se unum coniectos existimaret, ut dignitatem suam, quasi in aliquo orbis terre theatro uersari crederet. sibi religionis atque animorum curam sibi sacrarum rerum procuracionem esse commissam, sibi Deum immortalem populo christiano precibus, atque hostijs placandum, sibi sacrificia atque officia diuina, maxima cum cerimonia singulis diuinis esse facienda, sibi denique totam fidem, & religionem tuendam esse datam intelligeret. Quare tam seuerè, tam continenter, tam sanctè cepit uitam agere, ut cum eius integritati religioniq; nihil aliud antea videretur accedere posse, tunc addita illa dignitate, maximus ad summam eius præstantiam cumulus accesserit, & quamuis incandissimus illi esset honor à pontifice sibi delatus, tamen nequaquam tantum capiebat voluptatis, quantum sollicitudinis, & laboris, ut ille ipse Episcopatus non quia necesse fuerit alicui datus, sed quia sic oportuerit, relictè collocatus, & iudicio summi Pontificis digno in loco positus esse videretur. sic igitur postea semper vitam egit, ut omnia que incunda videntur esse, non modo his extraordinaria-

rijs cupiditatibus, sed etiam ipsi natura ac necessitati denegarit. nullam igitur amplius dignitatis accessionem querens, quod homini probo satis magnū esse decus, & ornamentum iudicabat, si se bonum Episcopum præstare posset, domum iam spectabat, & ad suos redire cupiebat: cum ecce maxime opportuna sese obtulit occasio. nam Franciscus Sfortia secundus cuius antea mandato legatus hic ad Adrianum Pontificem accesserat, & à quo iam antea senator designatus fuerat, huius tanti viri absentis desiderium diutius ferre nullo modo potuit. itaque literis & nuncijs eum tandiu sollicitavit, donec Roma compositis rebus suis, hic tandem, ut & sibi, & optimo principi suo, satisfaceret, in patriam hanc suam, & nostram reuersus est. quem statim ut Mediolanum applicuit, summo cum honore exceptum Franciscus Dux Senatoria dignitate magno totius ordinis non modo consensu, & approbatione, sed etiam plausu, & gratulatione cohonestauit. & deinceps sibi perpetuo assistere, & omnium consiliorum moderatorem & auctorem esse voluit. Atque hoc certe maximum, & singulare Arcimboldiæ genti contigit, quod haud scio an vnquam in hac ciuitate fuerit gens vlla alia consecuta, ut quatuor deinceps per continuam successionem summo cum honore ac celebritate, senatores crearentur, nam & huius proauus Nicolaus, ut initio dixi, & auus Ioannes, & pater Aloysius, & hic denique noster, qui etiam hoc tempore in senatu primo post senatus principem loco sedebat, senatores, & publici consilij auctores maxima cum huius ciuitatis utilitate, gloriaque fuerunt. quod mehercule nemini, qui huius vetustissima & clarissima familie merita diligentius intueatur, mitum videri potest. Quando enim fuit, cum hac nostra ciuitas & in bellicis rebus, atque arte militari, & in consilij dandis, atque administratione Reip. Arcimboldiorum ope, & auxilio non uteretur & plena sunt omnium voces, pleni libri, plena historia meritorum, & rerum gestarum Arcimboldiæ gentis. quare facile quibus non iniquus rerum estimator intelligere potest, semper cæteris familijs hanc gentem longè præstitisse. quæ non propriam, sed cōmunem utilitatem perpetuò quesierit. quæ non tantum patrie sue, sed etiam exteris nationibus quantum fieri posset, prodesse studuerit. vnde merito crediderim, tantæ virtutis insignia communi gentium consensu huic familie à maioribus nostris fuisse tradita. tres enim stellas fulgentissimas in circuli parte rutila, quem aureus campus vndique circumdat, Arcimboldiæ familie decorum, & egregium insigne continet. quo certè nihil aliud ostenditur, quam in hac familia semper fuisse cælestem ac diuinam benefaciendi potestatem, studio cuidam ardoris, & inflammata voluntatis copulatam. qua res omnes, quasunque aggredereur, non tantum optime, sed etiam summa cum gloria conficeret. sicut enim stellarum motu, atque lumine cuncta in hoc inferiori orbe gignuntur, & nigorem accipiunt, neque quicquam

M. AN. MAIORAGII

quam est infra lune globum, quod sine caelesti auxilio, cursuque siderum nasci, aut conservari possit, ita maiores nostri cum illud insigne tribuendum Arcimboldijs esse censuerunt, aperte declarare voluerunt, se sine illorum splendore, ope, virtute, diutius incolumes esse non posse. tres autem ideo stellas, non unam tantum aut plures addiderunt, ut ternario numero, qui perfectus est, eo, quod & principium, & medium, & finem habet. atque immortalis Deo, mysticaque Triadi consecratur, huius familie praestantiam atque excellentiam denotarent. at vero circuli pars ea rutila, quae stellas amplectitur, quid aliud significare credi potest, quam ardens quoddam studium, & inflammatum, atque incensum de patria bene merendi desiderium? Est igitur in stellis res praeclearas gerendi facultas, in rutila circuli parte summa voluntatis, & ardoris significatio. quid autem aureus ille campus, quo stelle, circuli que pars continetur, aliud, quam eximias, planeque aureas horum hominum actiones ostendit? ut enim aurum metallorum omnium praestantissimum est, & magnorum saepe laborum primum, ita praeclearae actiones cetera omnia, quae sunt in homine superant, atque in eis omnium virtutum laudes consistunt, cum autem haec familia tot, tantasque res praclarissime gesserit, haud immerito non tantum stellis, & orbe rutilo, sed etiam campo aureo decoratur, ut omnes intelligant, patriam nostram iam pridem ingentes ab Arcimboldia gente commoditates & emolumenta reportasse. Sed, ut vetera pretermittamus, quis est hoc tempore, qui nesciat, quantum huius Archiepiscopi nostri prudentia, sapientiaque pluribus iam annis, quibus in Senatu pro Principe sedet, huic civitati nostrae utilitatis attulerit? illud enim etiam publice felicitati gratulandum est, quod ex quo tempore Reipub. gubernaculis hic admotus est, a maximis molestijs, & turbulentissimis tempestatibus, quibus assidue concutiebatur nostra civitas, aliquantulum acquievit, & paulatim ad securissimum quietis & tranquillitatis portum delata est. Dedit igitur huic Franciscus Sfortia senatoriam dignitatem, hic illi publicum ocium reddidit. communicavit huic imperij administrationem hic illi molestiam, & angorem ademit. qua in re magis sollicitus hic, ille securior factus est. non igitur propria cupiditas, non proprium commodum, sed alienum desiderium, aliena voluntas Senatorem hunc effecit. non aliorum ambitionem imitari, sed virtutis suae confidere, sicuti semper, voluit. nam alij plerique, quod assequi virtute non possunt, id pecunia tentant. itaque dignitates iam non donantur, sed emuntur. at hic noster non quidem honorem ambiuit, sed oblatum a bono principe munus recusare noluit, quamvis ita statueret, non se in quietis & ocij, sed in laborum curarumque societatem vocari. cum autem iam plurimos extra patriam suam labores pro communi utilitate suscepisset, dignam etiam se, dignum maioribus suis existimavit, id, quod

sibi

sibi restabat ex uitę curriculo, patriæ totum impendere, lumen animi, lumen ingenij sui ciuibus ostendere, labores, uigilias, curas, sollicitudines pro ciuitatis suę salutæ perpeti. quare sic inter patres conscriptos assumptus est, ut non iam ipse maiorem dignitatem, quam habebat amplissimam ab illo ordine accipere, sed ordo ipse huius accessione splendorem ac maiestatem suam amplificare uideretur. ita uerò senatorijs muneribus, postea semper inuigilauit, quasi ab alijs negotijs omnibus uacuis fuerit. admirabilis profectò semper fuit huius animi uigor, mirifica uis ingenij, celeritasque mentis, simul enim res maximè diuersas, negociaque prorsus uaria uno eodemque tempore diligentissimè tractauit. nam in Episcopatu suo non tantum quę ad religionem, & sacrarum rerum procuracionem pertinent, sed etiam quę ad ciuiles capitalesque causas, & ad merum mixtumque imperium, ut Iurisperiti uocant, administrauit. Siquidem in ampla regione, pluribusque oppidis Nouariensis Episcopus uitę necisque potestatem habet. quam hic noster quatuor & viginti annos ita sapienter exercuit, ut bonis omnibus gratissimus, improbis autem maximè formidolosus extiterit. quin etiam interim redditus annuos iustissimis rationibus plurimum amplificauit. & longè nunc maiores successori suo quam ipse acceperat, tradidit. Nam respolatum oppidum iam per annos amplius octoginta per quorundam iniuriam ab Episcopatu diuulsam, & à profanis hominibus possessum, labore & industria sua in pristinum statum reduxit. quamuis potentissimos habuerit aduersarios, qui cum eo diu, multumque litigarunt. sed tandem, cum huius assiduitate diligentiaque tum æquissimo iure, rationibus, senatus auctoritate, sententijs omnibus victi condemnatiue de possessione diuturna deiecti sunt. atque ita quadraginta sex tertiorum millia redditibus annuis eius Episcopatus acceperunt. Erat eodem tempore Francisci Sfortiæ consiliarius, quo in officio tot occupationibus, & negocijs distringebatur, ut illi uni bene satisfacisse per magnum esset, & tamen in senatum quotidie ueniebat, neque ullam omnino causam, qua posset alicui, vel infimo prodesse repudiabat, d præstantiam animi incredibilem, d inauditas ingenij vires, d celeritatem mentis eximiam. huius ades consultoribus erant perpetuò refertissima, uideres alios intrantes, alios exeuntes, alios hunc circumsistentes. quibus omnibus facillimè, celerissimeque satisfaciebat. providendum erat ijs populis, qui ditioni eius erant subditi, confestim prouidebat. cōsulendum erat imperio, rebusque Principis, sine ulla cunctatione cōsulebat. ueniendum erat in senatum, ubi de maximis ciuitatis rebus esset agendum, illico ueniebat, & optimarum sententiarum auctor erat. quis non miretur unum hominem tot rebus, tamque diuersis sufficere posse? sufficiebat. & quod admirabilius est. post tot labores & uigilias promptior & alacrior continenter apparebat. huc accedebat cura domesticarum rerum, quas, ut

M. AN. MAIORAGII

optimum decet Antiflitem, tanta cum religione feueritateque semper inflituit, ut non aliter domi sue viueretur, quam in sanctissimo aliquo vestalium virginum conuentu. quid præces ac meditationes diuinarum rerum commoremur? quibus ita semper deditus fuit, quasi nihil aliud illi agendum esset. mirentur sanè Romani veterem Catonem illum censorium, mirentur Aemilianum Scipionem, qui duo viri tres summas in hominere præstitisse iudicati sunt. nam optimi oratores, optimi imperatores, optimi senatores fuisse dicuntur. modò fateantur omnes id, quod negari non potest, longè maiori dignâ admiratione nostrum hunc Archiepiscopum, qui non tantum tres illas res eximie præstitit, sed alias etiam plurimas, & quidem ob religionem laudabilioreis eis adiecit. Quid deinde? an non Catonem, & Scipionem flatus temporum, leges, atque instituta patriæ ad eas res acquirendas plurimum adiuerunt? hunc autem his corruptis moribus, neglectis veteribus institutis, iniquissimis temporibus profecto tantum innata bonitas, voluntas, industria summam ad amplitudinem, & dignitatem prouexit. quid enim mirum inter Fabios, Marcellos, Paulos, Lelios tales extitisse? cum imitationis ardor, semperque melior aliquis ad palmam pręgripiendam eos accenderet. hoc certè summè est admirabile, quòd hic noster sine exemplo, sine emulo, secum ipse certans, cum meliorem se nullum videret, vbicunque fuit omni tempore maior, & clarior euasit. Ac mihi quidem in huius vitam studiosè diligenterque inquirenti visa est ea potissimum causa, quòd ad tantum uirtutum excellentiam peruenerit, quia frugalitatem semper, uigilantiæque mirandum in modum complexus est. nam, ut alio in loco dicam, tanta in uictu temperantia utitur, ut nisi tantum cibi potionisque sumat, quantum satis sit, non ad satiantiam, sed ad mitigandam famis sitisque cupiditatem. scit enim verè dictum à sapiente quodam Græco, nullo modo fieri posse, ut pinguis uenter tenuem sensum atque intelligentiam gignat. neminemque multo cibo, potioneque repletum mente rectè uti posse. Iam uerò tanta est eius uigilantia, ut maiorem noctis partem in negocijs insumat, & cum ualetudine somnum compenset, frequenter enim id Platonis dictum habet in ore, dormientem hominem nulla penitus re dignum esse. vigilantes autem ciuitatum principes, & improbis ciuibus, & hostibus equaliter esse formidabiles. ideo sapientissimè præceptum ab Homero prædicat, ne princeps, & publici consilij auctor, cui populi commissi sunt, & qui tot ac tanta negocia sustinet, totam unquam noctem dormiat: sibi que hac in parte proponit imitandum Epaminondam illum Thebanorum imperatorem, qui se dicebat ideo sobrium & uigilantem esse, ut ceteris ciuibus securè liceret & dormire, & uoluptatibus indulgere. quin illam Demosthenis uocem aureis scribendam esse literis, & in ore, atque mente semper habenda esse dicit, qui uehementer se dolere dicebat, si quando opificum

ante-

antelucana victus esset industria. quare hac etiam senili etate, quæ requiem
 & laborum allevationem querit, tamen ante lucem quotidie surgit è lecto,
 venit in senatuum primo diluculo. nulli denique iuuenum assiduitate, labore, vi-
 gilantia cedit. Est hæc incredibilis ac diuina diligentia, quæ facit, ut tot nego-
 ciorum, tamque diuersis vnus sufficiat. nam præter ceteras maximas, atque innu-
 merabiles occupationes, quibus assidue districtus fuit, ad hanc usque diem ita
 senatorium etiam munus obiuit, ut omnes ciues, & peregrini non tantum e-
 ius prudentiam, & iusticiam, sed etiam humanitatem, placabilitatem, clemen-
 tiam magnopere dilexerint. omnes ad eum tanquam ad asylum aliquod consu-
 gerint. quicunque causam aliquam difficilem, atque arduam in senatu habe-
 rent, votis omnibus expeterent, ut huic uni transigenda committeretur. qui
 non modo pecunias unquam nullas pro re iudicandas, sed ne munuscula quidē
 ut acciperet, adduci potuit, qui primò, si quo modo posset, semper controuer-
 sias componere tentauit, deinde si obstinatos litigantium animos uideret, ne-
 que ad ullam conventionem adduci posse, quam primum quid leges & iura po-
 stularent, accuratissimè circumspiciens, sententiam tulit itaque huic salutem
 suam omnes, huic fortunas, huic liberos relictissimè committi semper arbitra-
 ti sunt. Quid in cæteris rebus, quo mentis acumine, quo animi robore, quam
 acri iudicio cuncta gerit? atque administrat? quid beneficentiam, iusticiam, si-
 dem, omnesque eas virtutes quæ pertinent ad mansuetudinem morū, & faci-
 litatē commemorem? quibus iam pridem hoc affecutus est, ut eum uniuersus
 Mediolanensis populus non aliter atque communem patrię parentē amet, ob-
 seruet, suspiciat. neque ullum unquā diem huic urbi letiorem, quam hūc, in quo
 factum cum Archiepiscopum uidet, illuxisse prædicet. nam omnes antea cuius
 libet etatis homines uota faciebāt, ut is unus hæc dignitatē assequeretur, neque
 se aut in hac uita bene beateque uiuere, aut post mortē celsiū beatitudinē as-
 sequi, neque res sacras bene procurari, neque religionem rectē defendi posse,
 nisi Arcimboldius hic patrię suę singularis amator Archiepiscopus factus es-
 set, existimabant. quod quidem commune ciuitatis desiderium cum antea se-
 pissimè, tum hoc tempore præcipuè clarissimè demonstratum est. cum. n. iam
 tandē ex uoluntate Iulij tertij Pontificis maximi, summaque totius Cardinaliū
 collegij approbatione creatum hunc Archiepiscopum nunciatum fuisset,
 derepente, quemadmodum initio dixi, miro quodam gaudio & exultatione
 repleta est uniuersa ciuitas, statim principes ciuitatis homines ad eum un-
 dique gratulatum adularunt. neque quisquam ullius ordinis in tota urbe
 fuit, qui maxima letitię signa non dederit. Quid autem de hodierno die di-
 cam? quo plurimum expectatus desideratusque, ad Archiepiscopatus insi-
 gnia capienda, hoc in Deorum domicilio temploque maximo, sicut maiorum
 instituta postulant, urbem ingressus est? quid gloriosius ad æternam memo-
 riam

M. AN. MAIORAGII

rian, & immortalitatem huic accidere potuisset? quam tanta popularis ob-
feruantia, pietatis, letitia significatio? non enim ætas quemquam, non uæ-
letudo, non sexus retardauit, quo minus oculos, animum, mentem, insolito
spectaculo compleret, hunc parui noscere, iuuenes ostentare, senes mirari
magnopere gaudebant. ægri quoque neglecto medicorum imperio, ad huius
conspectum quasi ad salutem sanitatemque proropere noluerunt. Vidimus
oppletas undique uias, angustamque semitam huic ad ingrediendum ob im-
mensam turbam ad spectandum effusam relictam esse. tecta referta, ac nimio
pondere superfusa multitudinis laborantia, ac ne eos quidem uacantes locos,
qui non nisi suspensim & instabile uestigium caperent. alacrem hinc atque
inde populum, ubique par & simile gaudium. at uerò splendorem illum equi-
tum, Italiae florem, principum agmen honestissimum, quo stipatus hic incede-
bat, quanta cum animi uoluptate, quo plausu, quibus acclamationibus om-
nes prosequerantur? donec sanum hoc religiosissimum ingressi, uota Deo op-
timo maximo diuisque nuncupata letissimi persoluerunt. Hic uerò solenni
more deductus ad aram maximam. primum immortalis Deo pro salute sua,
atque æstantium omnium, submisso pioque animo supplicauit, deinde in Ar-
chiepiscopi solio splendidissime preparato collocatus, à Pontifice missa diplo-
mata publicè recitari iussit. quorum primum illud fuit, in quo ipsius Ponti-
fificis, Cardinaliumq; sententia, qua creatus hic fuerat Archiepiscopus, conti-
nebatur. alterum in quo Pontifex Carolum quintum Imperatorem rogabat,
ut hunc præsidem sacrarum agnosceret, & quibuscunque rebus posset, offici-
ciosè tueretur, ac defenderet. cum quidem eo perlecto statim hic princeps
nostræ Ferrandus Gonzaga, qui ipsius Imperatoris personam apud nos susti-
net, & eiusdem uice fungitur, per Franciscum Tabernam magnum Cancel-
larium pronunciari iussit, se non tantum id, quod in eo diplomate contine-
retur, Cæsaris nomine libentissime perfecturum, sed etiã maximas Pontifici
se gratias agere, atq; habere, quod & Patricium Mediolanensem & Senatorẽ
integerrimum, & antistitem religiosissimum Ecclesiæ Mediolanensi præfecis-
set. quæ uox non tantum amoris & beneuolentia, sed etiam grauissimi te-
stimonij singularis huius eximie uirtutis auctoritatem habet. Postea uerò
quemadmodum in cæteris diplomatibus à Pontifice constitutum erat, acce-
serunt Canonici, Sacerdotes, Præsules, Abbates, atque alij Proceres Eccle-
sia, ut in huius uerba iurarent, & eius dicto audientes se perpetuò futuros
pollicerentur. quod etiam Prætor urbanus, & Præfectus annonæ, & ædiles
& cæteri magistratus omnes religioso libentique animo fecerunt. Postremo
loco iurarunt ij, qui deducendi Archiepiscopi Mediolanensis atque in solio
collocandi ius habent ab antiquis traditum, Consaloneros uocant, ex anti-
qua nobiliq; famiglia. qui nobis dum Archiepiscopus nostræ urbem ingrede
retur,

retur, pulcherrimum & iucundissimum spectaculum exhibuerunt. omnes enim & quidem magno numero pedites hinc atque inde fulgentes oſtro, sericeisque uestibus & auratis insignes procedentem comitabantur, donec eū, ut uidistis in suo proprioque solio collocarunt. Ego uero pater amplissimi quamuis coram intuear hæc lumina atque ornamenta Reip. quamuis quod mente complector, non satis uerbis explicare possim, quamuis adhuc populi iubilantis uoces, & clamores auribus meis insonent, tamen cum uos tam attentè, tanquæ benignè me audiat, magis etiam accendor ad ea, quæ mihi dicenda supersunt. neque uereor, ne oratio mea uobis longior esse uideatur, qui præclarè intelligitis maximè optandum esse, ut ea, quibus ornatissimus est Archiepiscopus noster, quamplurima sint. superest igitur, cum de rebus ab eo præclarè gestis, & anteaſta uita satis multa dixerimus, ut neminem etiam hac tanta dignitate, atque honore digniorem esse, nemini melius hoc tantum munus committi potuisse, doceamus, quod quidem ad ea, quæ iam à nobis commemorata sunt, si quis respiciat, facillime cognoscere poterit. Nam si mores ac uitam huius ad perfecti sacrorum Antistitis speciem ac formam referre uoluerimus, neminem profectò reperiemus, qui ad illam propius accedere uideatur. alius enim fortasse prudens fuerit, sed iniquus: alius humanus, sed voluptati deditus: alius frugi, sed superbus: alius clemens, sed auarus: alius liberalis, sed crudelis: denique nemo penè fuit unquam, qui non aliqua uitiorum labe uirtutes eas, quibus eminebat, obscuraret. at noster hic antistes admirabili quadam ac uerè diuina prudentia sic omnes inter se uirtutes copulauit, ut immensus in eis, inauditusque laudum omnium, omnisque gloriæ concentus appareat. nihil enim comitas seueritati, nihil grauitati bonitas, nihil humanitas maiestati detrahit. Sed iam ea breuiter uideamus, quæ in eo viro esse debent, qui Archiepiscopi munere sit optimè functurus, & Christianam fidem ac religionem tanquam optimus patronus accerrimè defensusurus. ea nanque omnia summa in hoc esse luce clarius ostendemus. atqui nemo est eorum, qui benè sentiunt, quin existimet in summo ac perfecto sacrorum antistite tres has res inesse oportere, rerum diuinarum scientiam, uirtutem, auctoritatem. quæ res ita implicite sunt, & coherent inter se, ut si una defuerit, reliquæ per se nullo modo perfectum efficere antistitem possint. Etenim multi reperiuntur, qui, tametsi sacrarum literarum peritissimi sint, tamen quoniam eis uel uitæ probitas uel auctoritas deest, non modo religionem tueri, atque conseruare non possunt, sed magnum etiam ei detrimentum afferunt. sunt etiam quidam probi sanè uiri, sed imperiti, quibus tuto religionis curam demandari non posse certum est. duabus enim de causis Paulus ille Tharsensis in antistite doctrinam querit, primò, ut ad honestè religioſeque uiuendum populos adhortari ualeat, deinde ut etiam factiosos homines, qui

M^o AN. MAIORAGID

re fēdē ſentienti eccleſia Reip. quē Chriſtiana reſiſtere, & contradicere an-
 dent, reſellere, atque redarguere poſſit. nam ruſlici, & imperiti viri bonitas
 illi vni prodeſt, & quantum probitate uitae Chriſtianam religionem conſir-
 mat, tantum eidem nocet, ſi labefactantibus, & impugnantibus non reſi-
 ſtat. Iam vero licet in aliquo ſumma doctrina ſummaque probitas fuerit, ta-
 men ſi illi deſit auctoritas vt nemo illi aures praestet; nemo fidem adhibeat,
 non erit quod quiſquam ſperet, eum ſummi antiſtitis munus ſuſtinere com-
 modè poſſe. cum autem ad doctrinam non vulgarem acceſſerit etiam egregia
 probitas, & ſumma auctoritas, tum illud eximium quiddam atque diuinum
 ſolet exiſtere, quod in noſtro hoc Archiepiſcopo eſſe nemo eſt, qui dubitare
 poſſit. quis enim eo diuinarum rerum ſcientior unquam fuit, aut eſſe potuit?
 qui primis ſtatim annis in religioſiſſima familia ſacris & diuinis rebus ſem-
 per intenta liberaliter educatus eſt, mox è ludo, atque puericiae diſciplina pro-
 feſtus ad publicam gymnaſiam, ita iuri ciuili operam nauauit, vt tamen ſacra-
 rum ſtudio literarum nunquam intermitteret, & omnes pontificij iuris cō-
 ſtitutiones tanta cura ſtudio, diligentia, per diſceret, vt tanquam nomen, &
 digitos ſuos omnes eas teneret. neque ſanè mirum, eum nunquam quicquam
 niſi de ſacris rebus ageret, loqueretur, cogitaret. quaſi natura eum hac vna
 de cauſa genuiſſet, vt res ſacras perpetuò tractaret. poſtea vero cum utriuſ-
 que iuris laurea decoratus fuiſſet, & ſacris initiatus, dein ceptis annos amplius
 quadraginta ſacras res continenter adminiſtrauit. quare propter hanc exi-
 miam diuinarum rerum cognitionem, tribus ſummis pontificibus Leonis, A-
 driano, Clementi, non tantum gratiſſimus fuit, ſed etiam ab eiſdem ſapissi-
 mè maximis in rebus, & ad ſummam religionis pertinentibus vniſ
 electus eſt, qui prouideret, nequid fides noſtra, & Reſpu. Chriſtiana detrimen-
 ti pateretur. quantam igitur eius ſcientiam eſſe putandum eſt, qui ab ineun-
 te aetate ſemper contento ſtudio, cum & præſtanti ingenio, & ſingulari me-
 moria præcelleret, ſacris rebus operam dederit? qui dies & noctes eis inui-
 gilarit? qui plures ſacros libros perlegit, quam alij uiderunt? plura me-
 moria mandauit, quam alij legerunt? quem denique mirati tres ſummi Pon-
 tifices in tuenda religione, non tantum ad miniſtrum, ſed penè ſocium habere
 voluerunt? hac profeſſo declarant nullam rem eſſe in ſacris literis, diuina-
 rumque rerum cognitione poſita quæ huius vni ſcientiam fugere poſſit. Age
 uero cui non audita eſt, & cognita huius virtus, probitas, atque integritas
 vite? & quis huius viuendi rationes ſanctiſſimè inſtitutas non reueratur?
 & quis non in hoc expreſſam eius antiſtitis imaginem uidet, quem ad Titum ſcri-
 bens Paulus eleganter informat? & querit enim in primis Paulus in anti-
 ſtite ſacrorum innocentiam, & fidem, vt talis ſit, quem non modo quiſquam
 veriſimiliter reprehendere non poſſit, ſed utiam ſic ab omni ſuſpicionē crimi-
 nis

minis remotus, ut sit ipſius Chriſti vicarius quidam & adminiſter, quibus in rebus hunc hominem tantum videmus excellere ceteris, ut omnes certatim eum approbent, admirentur, predicent, propè diuini in cælum laudibus efforant. neque enim aliud unquam dies, & noctes cogitat, niſi ut primò ſe purum atque integrum, ex omni parte præſet; deinde ſuo etiam omnes iu chriſtiana fide confirmatos, optimis moribus & ſanctiſſimis vitæ inſtitutis quotidie magis inſtruat. quam enim ſedulo, quam diligenter ſacris inuigilat officiis? res diuinas meditatur? in precibus ac ſupplicatiunibus verſatur? ut etiam cum egrotus eſt, nihil ferè ex ſolita diligentia, quotidianiſque meditationibus ac precibus prætermittat. neque unquam equè ſibi placere videtur, atque cum aliquid ex ſacris literis, vel legit ipſe, vel audit: eam ſibi honeſtiſſimam eſſe laborum quietem, cum occupationum portum, eam moleſtiarum tranquillitatem arbitratur. Itaque cum maximis illis negociis, quibus aſſidue diſtingitur, aliquid temporis ſubtrahere poteſt, ſtatim ad meditationem ſacrorum, tanquam ad ſuauiſſimum quendam animi paſtum, & ocium ameniſſimum conſugit: cumque certò ſciat, ad duas res hominem ab immortalis Deo factum eſſe, hoc eſt, ad intelligendum & agendum non tantum intelligere quid ſe, ſuoſque deceat, ſed etiam re ipſa præſtare pro virili parte contendit. quare non modo quicquam facere, aut loqui, ſed ne audire quidem aut pati poteſt, quod aliquo modo religioni contrarium eſſe videatur. Ita vero familiam ſuam omnem inſtituit, ut rectè ſentientis eccleſiæ ſacramenta, decretaque non aliter atque Chriſti ipſius præcepta veneretur, & obſeruet. vidi ego non ſemel, cum tempus aduentaret, quo Chriſtiani omnes ad illud ſolenne epulum, quæ Euchariſtia vocatur, purgatis prius animis accedere ſolent. quanta cum reuerentia domeſticos omnes prius admoneret, ut crimina peccataque ſua diligenter ac dolenter ſacerdoti confiterentur, deinde ad ſe redirent ut ſecum diuinum illum cibum communicarent. cum quidem ipſe Sanctiſſimum Chriſti corpus manu capiens, maxima cum religione ſingulis impartiret, quod ſi quempiam audierit eſſe, qui hæc maiorum inſtituta negligat, eum ſtatim procul à ſe, procul à domo inbet eſſe, male uerò de chriſtianiſ legibus, & Pontificijs ſentientes, non tantum arcet ab ædibus ſuis, ſed etiam inſectatur, damnat, caſtigat. quare ſiquis hunc amicum habere deſiderat, eum oportet, & bonum virum eſſe, & optimè de chriſtiana fide ſentire. neque enim conuenire putat, eum, qui in terris Chriſti Vicarius eſt, & cœleſtem vitam imitari debet, aliquid aut facere, aut tolerare, quod a chriſtianiſ legibus abhorreat. Addit Paulus Antiſitem ſuperbum & contumacem eſſe nō oportere. nam ſuperbia pertinaciaque non tantum hominibus, ſed etiam Deo odioſa eſt, à quo vitio tantum hic abeſt, ut eius modeſtiam, facilitatem patientiam admiremur. ſcit enim à ſapientiſſimis uiris rectiſſimè præceptum eſſe,

M. AN. MAIORAGII

ut quanto maiores sumus, tanto nos submissius geramus. nam humanitate ac facilitate nihil in magno & excelso viro, & præcipue sacrarum antistite præstius inueniri potest, quod cum hic præclare intelligat, tam mansuetè, tam benignè se non tantum erga diuites & potentes, sed etiam erga pauperes & abiectos gerit, tam comiter omnibus auxilium pollicetur & præstat, tam faciles omnes ad se aditus præbet, tam patiens est in audiendis omnium etiam infimorum quarimonijs, ut ab eo nemo unquam nisi contentus discedere soleat. quibus rebus sit, ut quod rarissime contingit, libentibus ac volentibus sibi subiectis populis imperet, & lenitate magis quam imperio sibi omnium animos, voluntatesque deuinciat. itaque sibi quisque nefas esse statuit, tam modesto, tamque humano domino non parere. Non vult Paulus iracundum esse antistitem, non ad ulciscendum iniurias propensum. quod iracundiæ uitium ita semper hic euitauit, ut uel nunquam, uel certe rarissime quisquam eum iratum uiderit. cui uis iniurias facile condonarè. ad ignoscendum se paratissimum præbuerit. sentiebant paulo ante ipsi populi, qui in Episcopatu Nouariensi huius imperio subditi erant, quorum hic uita necisque potestatem habebat quam mitem, quam placatam, quam clementem dominum haberent, qui non minis ac terrore, non uerberibus, & cruciatibus, quod alij ferè Principes solent, sed amicis admonitionibus fidelissimisque consilijs eos ad honestè recteque uiuendum impelleret, & ad sibi parendum induceret. quod si quando puniendus esset aliquis, quamuis maxima extaret irascendi causa, nunquam tamen iratus ad penam accedebat, sed legum similis ad puniendum non iracundia, sed equitate ducebatur. quid in uita domestica, uictuque quotidiano, qua facilitate, qua patientia utitur? ne ullum prorsus iracundiæ uestigium in suis dictis aut factis appareat? laudatur illud Archite, qui cum Villico factus esset iratior, quo te modo (inquit) accepissem, nisi iratus essem? quanto magis hic laudandus est, cuius animum ira non modo non perturbat, sed ne quidem unquam acrius commouet? Adiungit præterea Paulus perfecti illi antisti frugalitatem & temperantiam, ne cibo, uinoque deditus sit. nam (ut Horatius egregie cecinit. corpus omniſum

Externis uitijs animum quoque prægrauat unda

Atque affugit! uno diuine particula aure.

qua uirtute præter ceteros hic admirabilis est. multos enim cognoui. audiuique homines cibi uinique parcissimos, sed hoc parciozem, & continentiozem omnino neminem. ut frequentissime uehementer admiratus sim, quæ ratione fieri possit, ut uir tam frugi, tam temperatus, tam exigui cibi, uinique, tot laboribus, quibus assidue deditus est sufficere ualeat. uerum ab eo scipissimè audiui, nullam esse uino ciboque nimio sapientiæ capitaliorem pestem. quantoque minus

minus corpus alitur, tanto magis animi vires excitari. quare tam tenui uictu, potuque contentus est, ut qui cum eo uiuunt, non unum nostri temporis hominem, sed potius aliquem ex antiqua illa religione virum, uoluptatum omnium contemptorem, & celestium tantum rerum amatorem uidere uideantur. Quid? quod non auarum, non turpi lucro deditum, ait Paulus, antistitem esse oportere? Vilescit enim profecto animus, qui corporis uinculis ea tantum de causa fuit alligatus, ut semper celestia contempletur. quæ admodum affirmare solebat Anaxagoras, quoties anare diuitias incipit, & habendi cumulandique cupiditate trahitur. à qua tantum abest hic noster, an etiam beneficium & liberalis esse studeat, & inicos, qui opis indigent benignitatis plurimum conferat. sed cum omnibus studiosè promptèque, quibuscunque potest, opituletur, tum in bonos præcipuè viros, & ingenuarum artium amatores beneficentiæ suæ largitatem ostendit. quo enim illos studio? quo amore? qua beneuolentia prosequitur? ut eos auxilio fouet? premiis allicit? commendatione sustentat? auctoritate protegit? stipendijs denique locupletat? itaque ex hoc benignissimo gymnasiorum profecto, tota liberarum artium, scientiarumque professorum cohors iam pridem letissima pendet. quid dicam quanta in pauperes liberalitate, quanta munificentia utatur? quot omni spe destitutos, & fortunis omnibus priuatos suis opibus sustentet, atque egerere non permittat? sunt hæc uirtutes singulares & eximie. quid cæteræ, quæ ab eodem Paulo in antistite requiruntur, quanto in hoc & quam magnæ sunt? nult Paulus hospitem esse antistitem. huius domus semper bonis uiris patuit. acque hoc tempore omnibus, qui uirtute aliqua, aut arte præstant quasi commune quoddam receptaculum est. ad hunc undique conflunt, qui doctrinæ alicuius aut artis ingenue nomen habent. quin ipse ultro benignè omnes inuitat, & liberalissimè hospitatur. Vult Paulus bonorum uiuorum amatore antistitem esse, quos hic non tantum amat, sed etiam quibuscunque rationibus potest, adiuvat, erigit, ad dignitates euehit, & denique alijs omnibus anteponebat. quin omnes eos sibi proximos sibi coniunctissimos, sibi cognatos & affines existimat, quos optimos & uirtutum amantissimos inuenit. Postremò cumulatam omni genere uirtutis antistitem idem Paulus esse uult, ut idem sit prudens, sit iustus, sit sanctus, sit continens, nihil ei denique desit, quod ab honestè laudabiliterque uiuendum attineat. quæ omnia in hoc nostro sic apparent, ut ipsa luce clariora sint. nam eius prudentia tanta est, ut nihil unquam aggrediatur, nisi maturo consilio, ut quid in quaque re uerissimum, & optimum sit, id acutissimè, & celerrimè uideat, atque explicet, ut ex longo rerum usu, quid expediat, quid non, quid honestum, quid turpe sit. facile discernat, ut ex præteritis rebus quid futurum sit, acutè præuideat. quanta in eo est rerum antea factarum memoria? quanta præsentium intelligentia?

intelligentia? quanta denique providentia futurarum? Quid illa, in qua uirtutis splendor est maximus, iustitia & equitas? quam in hoc apertè lucet? qua æqua lance cuiuslibet dispensat? nemo enim maiore premio bonos afficit, uirtutis seuerius iudicat. nullum apud hunc unquam fuit personarum discrimen, quo minus pauperrimus quisque perinde ac ditissimus ius suum facillimè consequeretur. neque tantum in eo semper laborauit, ut unicuique quod suum est attribueretur, sed etiam comminè utilitatem semper primatis commodis anteposuit. qua uero pietate patriam? qua caritate propinquos? quo amore ciues omnes amplectitur? magnitudine animi iam tanta est, ut pro honestate nullum unquam periculum adire pertimuerit. nullum laborè recusarit. res magnas & excelsas animo sibi proposuerit, & plurimum in se fiducie semper certa cum spe collocarit. ut neque ab aduersis, neque à prosperis rebus à stabilitate mentis, atque animi firmitudine dimoueretur. contentiam ita semper amplexus est. ut motus animi turbidos, & appetitus rationi subijceret, & in omnes aduersos atque alienos à recta ratione impetus dominaretur, cupiditatesque omnes consilij norma dirigeret. Sed quid ego plura commemoro? quasi uerò non apertissimum sit, nihil esse in omni uirtute atque honestate positum, quod hic à teneris usque annis non ita perceperit, atque exercuerit, ut in eo quasi callum iam obduxerit. Et quisquam dubitabit, quin hic optimus Archiepiscopus sit futurus qui ad omnes cuiusque generis uirtutes percipiendas, & excercendas diuino consilio natus esse videatur? Quid dicam de auctoritate? qua tanta est, quanta in his tantis uirtutibus ac laudibus esse debet. quis autem non intelligit in rebus sacris administrandis, & in concitandis ad religionem populorum animis auctoritatem plurimum posse? uehementerque pertinere ad sacrorum cultus. & ad honestatem uitæ, quid sacerdotes, quid populi de antistite sacrorum existiment? cum sciamus homines, ut aut honestè uiuant, aut improbè, ut religionem ament aut contemnant, non minus summorum antistitem exemplo, quam aliqua certa ratione commoueri? quis igitur unquàm hoc homine clarior fuit? cuius uirtutes pares? quibus maxime auctoritas comparatur? huius enim omnis uita plena grauitatis semper fuit. huius sapientiam, & prudentiam suscepere semper principes, populi, ac nationes. huic nos tantum tribuimus Patres amplissimi, ut quicquid ipse statuerit, de communi sententia statutum existimetis, & merito, tantum est enim eius ingenium, tanta doctrina, tantus rerum usus, tot res egregiè gessit, ut ab eo dissentire nemo sine contumacia possit. Iam in aspectu ipso tanta dignitas inest. in sermone tanta maiestas, in incessu atque omni gestu tanta ueneratio, ut ipsam quodammodo auctoritatem præ se ferre videatur. quis enim cato uultu seuerior? quis Pbocion oratione grauior? quis Numain omni actione religiosior?

quanta

quanta in omnibus diis & factis eius constantia & veritas? possumus
 igitur iam constituere Patres amplissimi, quantum hanc auctoritatem pluri-
 mis iam rebus gestis exploratam, non paucis multorum principum, & Pon-
 tificum iudicij, ac precipue vestris amplificatā ad tuendam, & conservandam
 religionem valituram existimemus. Sed iam dudum intelligo Patres amplifi-
 simi non tam orationem meam vobis, atque isti frequentie, quae tam attente,
 tantaque cum omnium eorum, quae dicuntur, assensione me auscultat, esse gra-
 tam, quam huic de quo verba facimus, commemorationem laudum suarum in
 gratam. cum enim reliquos omnes antistites ceteris virtutibus anteedat, sin-
 gulari quadam animi moderatione, non tantum alios, sed etiam seipsum vin-
 cit, nam cum ita semper uixerit, ut ne liuor quidem eum reprehendere proba-
 biliter potuerit, non tamen vnquam tam laudari, quam, si quid opus esset, ad-
 moueri gauisus est. quocirca Themistoclis illius summi Aethenis viri dictum
 immutare consuevit. cum enim ex eo quateretur, quod acroama, aut cuius vo-
 cem libentissime audiret, eius, inquit, a quo mea uirtus optimè praedicatur. hic
 autem noster se uocem eius libentissime audire profitetur, a quo prudenter ad-
 monetur. Quod igitur me tandiu de se dicentem, tamque patienter audiuit,
 in hac re non certe sibi, sed studio nostro, patriaeque caritati, quam suo nomi-
 ne tantopere latari videt, indulgere uoluit. verum quid tacitis gaudia tua dis-
 simulas sapientissime vir Arcimboli? iam enim ea uoce te appello, quae me
 facile audire possis. quid inquam, est quod non tibi summam hilaritatem, ac in-
 cunditatem asferre debeat? ut enim verissimis laudibus tuis non faueas,
 ut immortalium virtutum tuarum commemoratione non mouearis, ut
 communi praestantium omnium virorum gloriae studio non traharis, non po-
 tes tamen hoc totius patriae nostrae de te iudicio, hac ciuium omnium erga te
 beneuolentia, hac omnium bonorum gratulatione non reuolenter oblectari.
 certe ferreus esses, atque omni adamante durior, nisi hac tanta noue dignita-
 tis tuae gratulatio, tam inuisitata, inauditaque populi iubilario, tanta beneuo-
 lentiae uel potius pietatis significatio, tam denique incredibilis, ac penè diui-
 nus omnium in te celebrando consensus animum tuum commoueret. Quis
 enim vnquam aliqua in re tam gratus senatui, tam carus principibus ciuita-
 tis, tam iucundus populo, tam ciuibz uniuersis amabilis uisus est, quam tu in
 omnibus diis ac factis tuis semper apparuisti? Titus quondam Vespasianus
 ob summam modestiam, & benignitatem amor & deliciae generis humani
 fuit appellatus. quem tu Principem duabus etiam in rebus superasti. quod il-
 le primò comitatem, & liberalitatem suam nonnullis uitijz contaminauerat.
 deinde biennio tantum summae Reip. praesuit. tu uerò puram & integram ab
 omni flagitio semper vitam traduxisti, & per multos iam annos Reip. nostrae
 gubernacula tenuisti. hoc uerò tempore noua ista dignitate actus, nostrum es
 omnium

M. AN. MAIORAGIO

omnium commune gaudium, nostra spes, nostræ delictæ. neque uerò tantum nos in terris honore tuo mirandum in modum gaudemus, sed etiam beatorum animos in cælo & præcipue sublimem illum heroem Ambrosium huius nostræ ciuitatis patronum, cuius tu sanctissimis sedibus inauguratus es, non mediocrem cepisse voluptatem existimamus, atque ideo conuersum ad illam totius mundi mentem, quæ procurat vniuersa, primo ei gratias egisse arbitramur, deinde pro tua salute, atque incolumitate preces eidem fuisse, ac rogasse, ut, quemadmodum ipse populum Mediolanensem quondam diu feliciterq; gubernauit, sic etiam tu, qui tanto post illi successisti, non minus bene beatæque Remp. nostram administres. quas diuini herois, & patroni nostri preces Deum ipsum audiuisset & speramus, & credimus, ut diuina prouidentia te ministro, nullo nobis tempore posthac unquam de futura sit. Equidem mihi iam videre uideor totam hanc ciuitatem nostram, tuam auctoritatem, fidem, religionem secutam reflorescere, bene & sapienter ultam institueret, in summa concordia, pace, tranquillitate uinere. nihil aliud quam de honestate uitæ, de sanctitate, de æterna beatitudine cogitare. iam omnium animi ad spem optimam erecti sunt, curarum omnium obliti, summa perfunsi leticia iubilant, exultant, festos dies agunt, tuam sapientiam, tuam uirtutem, tuam auctoritatem intuentur, quibus rebus omnis fides, omnis religio, omnia sacra rite custodiuntur. ò merito iureque concepta gaudia. ò ueram sanctamque leticiam. ò felicem hunc diem. non tantum candido, quod dici solet, calculo notandum, sed etiam ad orbis terræ memoriam sempiternam in fastis reponendum. gaude in te tuo Mediolanensis ciuitas, gaude tuo tam excellenti bono. gaude tam præstanti religionis patrono. nihil enim optatius, nihil gloriosius, nihil denique beatius accidere tibi potuisset. hoc auctore tam religioso, tam sancto, tam pio, hoc antistite ceremoniarum, & sacrorum nihil est, quod non tibi feliciter, atque ex animi sententia succedendum sit, nihil est, quod ab immortali Deo facile non sis impetratura. Agite igitur omnes quot quot adesset in hac tanta frequentia, una uoce mecum, uno animo, vno consensu, primum Deo opt. Max. rerum omnium conditori, ac moderatori, pro tanto, tamque immortali beneficio gratias agamus, deinde uotis, & precibus obtestemur, ut, quem iam nobis sua præstanti liberalitate, suo penè præsentis numine fidei custodem, religionis amplificatorem, sacrorum antistitem rerum omnium honestissimarum quasi parentem dedit, eundem nobis, qua benignitate concessit, etiam incolumem, & saluum quam diutissime conseruet. Nam sine ulla dubitatione tandiu beatissima eris hæc uniuersa ciuitas, quandiu tam eximius, & singularis Archiepiscopus sacris, & summe religioni præfuerit. Quo circa te summe Deus omnium parens, quem propter beneficia populus christianus optimum, propter vim ac potestatem, maximum nominat, teque mens patris, æterna sapientia, ratio

ratio perfecta, rerum omnium procreator Chriſte: qui in terris ea, quæ ad hominum ſalutem pertinent, maximè procuras. teque totius mundi animæ, qui proborum hominum mentibus quaſi conſolator quidam, & leticiæ dator illaberis, & incredibilem atque diuinam eis iucunditatem affer alme ſpiritus. te inquam, myſtica Tryas, triplèx quidem numen, triplex poteſtas, triplex diſcretio perſonarum, ſed vna virtus, vna natura, Deus vne, cuius beneficio, quicquid eſt in omni rerum vniuerſitate boni gignitur, oramus omnes vno animo, atque vna voce obteſtamur, vt ſi ritè pronono hoc Archiepiſcopo noſtro, tuo munere nobis hoc tempore tradito, vota nuncupamus, ſi ritè ſacros in hoc templo maximo, in tuis aris ac focis ignes adolemus, ſi ritè viſtimas, tui quondam doloris, atque ſupplicii, cum hominem induiſſes, noſtreque ſalutis monumenta, quibus occulta quadam atq; ineffabili potentia tua, illud quidem verum, ſed tamen inaſpectabile Chriſti corpus contineri credimus, pie religioſeque conſecramus, ſi denique ritè, magnaque cum fiducia certatim omnes ad auxilium tuum, ſuſis quotidie precibus ſupplices conſigimus, hanc firmam, ſtabilem, certam, & ratam leticiam non tantum in præſentia nobis efficias, verum etiam deinceps longiſſimo tempore conſerues. vt noſtrum hinc antiſtitem, tanquam optimam, & ſanctiſſimum ducem ſequentes, & hanc læti vitam benè beateque tranſigamus, & poſt mörtem certum ac definitum in cælo cum eo locum habeamus, vbi tandem auo ſem piterno beati perfruamur.

CHRIA

SVPER MEMORABILI QVO-
dam facto Ferrandi Gonzagæ.

ORATIO II.



T si nihil de insignibus ad laudem viris obse-
re nunciari solet quoque plura sunt in aliquo
virtutis, & industria ornamenta, tanto etiam
sunt omnia quæ ab eo recte geruntur clariora;
tamen interdum eximia quædam latent, in o-
ptimis & præstantissimis quibusque principi-
bus virtutes, quas cum idoneam illi naſti fue-
rint occasionem, eueſtigio ſumma cum omnium
admiratione proferre, atque obſtupescientium
oculis, memorando aliquo facinore expreſſas obijcere ſtudent. quod ideo fa-
cere videri poſſunt cum vñ apud omnes teſtatum apertiſſime relinquant, om-
nia ſe honeſtatis adipiſcendæ, fugiendæque turpitudinis gratia moliri, tum e-
tiam, vt exempli raritate, non ſolum de probitate atque integritate ſua, iam
ab omnibus conceptam opinionem, tueantur atque ſuſtineant: ſed eam etiam
multo magis in dies ampliſcent. inſidet (vt diuinus ait orator) quædam in
optimo quæque virtus. quæ noctes, & dies animum gloriæ ſtimulus concitat,
atque admonet, cum vitæ tempore non eſſe diſmict eundem commemorationem
nominis noſtri. Sed cum omni poſteritate adæquandam. Ac mihi quidem ſi
quis vnquam poſt homines natos, huic rei clariffimus princeps operam dediſ-
ſe dicitur, vnus hic noſtra ciuitatis atque imperij nouus reſtor, & conſer-
uator Ferrandus Gonzaga. Principum decus, & ornamentum, vel omnium
maxime ſtudere videtur: qui alijs in rebus quaſcunque vnquam aggreſſus eſt
ſemper eximium, ac ſingularem virum. Imperatoremque ſtrenuiſſimum exti-
terit, vt neque omni genere virtutis, in toga, atque in pace. neque in bello
ſcientia rei militaris aut fortitudine, tum animi, tum corporis, aut ſelicitate,
aut authoritate, quiſquam, ex antiquis illis vel Athenienſibus, vel Romanis,
quorum iam pridem, omnium voce fama celebratur. hic omnino ſit anteponen-
dus. nuper tamen Genue, qua ciuitas Ligurum Metropolis eſt, iuſtitia tam
præclarum exemplum dedit. vt vel hoc vno Catones omnes, atque Ariſtides
longo interuallo ſuperarit. Cum enim non ita pridem in Sicilia quam pro-
uinciam

uinciam longo tempore Caroli Caesaris Austriaci, auspicijs, pro Rege iustissime administravit, Genuensem quendam nobilem, atque ditissimum, sed perditissimis moribus, ac profligatæ vitæ hominem, qui plurima in ea provincia nefanda facinora commiserat comprehendi curasset, uinctum eum in carcerem contrudi iussit donec in eius vitam diligenter, more maiorum inquireret. Sed accidit interea ut Mediolanensem rogatu, qui singularis iustitie atque sana impulsu Ferrandum hunc unum mortuo Alphonso Daualo suæ ciuitatis, ac totius imperij moderatorem omnibus votis expetebant, atque deposcebant, cū Carolus Caesar Imperator inuictissimus, huic nostræ ciuitati gratificaturus, a Sicilia administratione ad Mediolanensem Rempub. gubernandam aduocaret. Itaque Ferrandus qui nondum perniciosum illum, ac scelerum Genuensem à medio tollendum esse statuisset, vel quod nondum satis de eo quesitum existimaret, & multa eius adhuc flagitia laterent, vel quod magis crediderim, ut viuis vidensque conscientia scelerum, atque maleficiorum agitatus, quotidie quodammodo periret. cū sibi iam iamque imminere quos se meruisse intelligebat, diros cruciatus uehementissime pertimesceret, atque hoc perpetuo pena metu, debitas nefarijs sceleribus penas lueret, eum uinctum, & numetis, atque compedibus astrictum secum esse ducendum censuit, ut opportuno tempore, quoties visum sibi fuisset meritum de illo supplicium sumeret. Sed postquam secundis austris e Sicilia discedens, cum tota familia sua Genuam appulisset, ut deinde paulo post, in Mediolanensem agrum adueniret, assidere statim nexi illius gentiles, cognati atque affines, qui prostrati, ad Ferrandi pedes supplicum voce salutem ac vitam eius exposcebant, atque flagitabant. illumque addebant inimicorum inuidia oppressum longe grauioribus, quam reuera commississet criminibus accusation fuisse quibus primo sicuti par est, quamuis eius impuritatem, ac maliciam, planissime cognitam & perspectam Ferrandus haberet benignissime tamen respondit. sibi ne latum quidem (ut dici solet) unguem ab equitate discedendum, sed omniino se facturum quod ipsa iustitia postularet, atque etiam aliquid amicorum studijs, quoad equitas pateretur se daturum. irent, & aduersarios, quorum inuidia cognatum suum oppressum dicerent, vel apertis rationibus vel adductis testibus resellerent, eū que innocentem esse demonstrarent. tum verò se libenti animo quicquid petissent concessurum. At illi qui nullam penitus haberent, manifestorum scelerum excusationem hoc responso perculsi duabus (ut ita dicam) ualidissimis machinis Ferrandi animum quasi arcem aliquam munitissimam, ut a iustitia declinaret si qua rationes fieri posset expugnare sunt aggressi. Palam enim cum Principe Nauali disciplina, & gloria celeberrimo Andream Dorio, cuius summam auctoritatem apud Ferrandum non sine causa plurimum posse persuasum habebant, agere ceperunt, ut uincti illius causam reciperet, & depreca-

tionem diligentissima contenderet, à Ferrando ut animaduersionem, & supplicium, quo usurus erat in eum quem cepisset, remitteret sibi, & condonaret. Clam uero ipsi Ferrandum adeunt. & allatis aureorum quindecim millibus id munus honoris gratia, ei quem maxime colerent & uenerarentur se se offerre dicunt, orant atque obsecrunt per eius humanitatem atque clementiam, quam iam pridem spectatam haberent, ne munere illo repudiando, maxime sibi addictos clientes contempsisse uideatur. Quid hac in re faciat, quibus aliis ex omni numero princeps? habebat in nexum illum uitæ necisque potestatem, poterat eum sine cuiusque inuidia, suo arbitratu uel absolvere, uel condemnare. nunc accedit, ut hinc multis præcibus, ab eo Principe rogetur, cuius auctoritatem pluribus de causis magni esse faciendam existimant, & cuius officiosæ petitioni quibus rationibus obuiam eat, & honeste resissat excogitare satis nequit, ab altera parte, cognatorum eius qui uinctus erat & affinitum. Supplicationes atque lachryma lenissimum animum, atque clementissimum quodammodo uerberant, qui palam quidem ab inimicis iniussè accusatum æ finem suum tacite autem rationem ac uiam Ferrando aperiunt, qua nulla corruptele suspitione clarissimo Principi Andrea Dorio nexum condonare possit, quam rem & ueterum exemplo fieri posse, & iam pridem usitatam esse, & hoc etiam tempore à plevisque summis uiris fieri consuevisse intelligunt. ut nullam penitus accusationem recipere uideatur. Quis enim eum Principem reprehendendum putet, qui roganti alteri Principi. nexum quem habeat in potestate sua condonet? an non hæc res multis hominibus laude potius. quàm uisuperatione digna uidetur? cum præsertim is qui nexum est, ingenuus atque nobilis sit, & nequaquam domi suæ, neque in patria, sed apud exterarum nationes, si qua commisit flagitia commiserit? quid si huc accedit ingens, atque occultum præmium quod non solum sine cuiusquam suspitione, uerum potius cum summa nobilissimi Principis gratia facile consequi possis? Quis est animo tam constanti atque firmo, qui in huiusmodi re satis obscura, atque ideo minime inuidiosa non commoueri possit? At certe quod olim de Fabricio Romano Pyrrhus Epirotarum Rex dixisse fertur, longe uerius hoc tempore de Ferrando Gonzaga dici potest: facilius à cursu suo solem reuocari, quam hunc talem uirum à iustitia desecti posse. cuius quidem uirtutis cæterarum omnium domine, atque reginæ quemadmodum eam sapientes appellant in huius principis mente insidere speciem quandam eximiam facile crediderim: quæ semper intuens in eaque defixus ad illius similitudinem actiones suas omnes dirigit. quo fit ut non ab iis tantum rebus, quæ sine dubitatione uitandæ sunt. eo quod anexam turpitudinem habeant. sed ab iis etiam quæ licet honestam præ se speciem ferant, tamen ab interprete maligno, possunt aliquo modo uitio dari, sibi cauendum existimet, ut à se uno tanquam à splendido, atque

atque perenni uirtutum omnium fonte, exempla quæ præclarissima possint omnes haurire: Quid igitur sibi faciendum in hac re Ferrandus proponit? uidete hominis admirabilem atq. inauditam prudentiam primo deprecanti sibi mo uiro strenuissimoq; Duci atq; Imperatori Andrea Dorio non aperte denegat, ne tam egregij principis animum, aliquo modo si fœnerus in denegando fuisset, à se alienaret uerum illi perquam humaniter quantum sua dignitas atq; bonos pateretur libentissime se gratificaturum pollicetur. deinde quamuis magnopere, secum tacitus indignaretur quod se ex aliorum moribus spectantes, qui pecunias attulerant, corrumpere uoluissent tamen ad tempus sibi dissimulandam esse indignationem censuit & minus illud non modo non recusauit, sed etiam actis gratis hilari uultu accepit, ut postea clarius, & apertius integritatem suam omnibus, atque ipsi præcipue Principi Dorio, cui maxime satisfacere studebat ostenderet, accepto igitur magno illo auri numero, iubet eos qui attulerant, ad se postridie mane reuerti & cognatum suum quem interrim, à uinculis exempturum se ostendit, quibus illi auditis, tanquam re feliciter gesta læti atque alacres discessere. Interim Ferrandus, qui nusquam oculos à iustitia descebat, fœneritatis plenum, atque integritatis consilium capit, confestim enim post eorum discessum nexu illi caput in carcere præcidi iubet eiusque cadauer in forum eadem nocte deferri. atque illa quindecim eorum milliaque sibi pro munere allata fuerant ante mortui pedes proijci. Quæ postquam omnia diligenter, & ab eo fuerat imperatum effecta sunt, postridie mane reuersis eiusdem cognatis, ite (inquit) in forum, ibi enim & eum, quem tantopere cupiebatis cognatum uestrum. iam omni cura solutum, & uestras etiam pecunias incolumes reperietis; neque enim meum est iustitiam precio uendere, neque uobis utile est tantum pecunie numerum unius perditii hominis gratia profundere; uerum longe mihi præstantius esse uisum est, uirtutem eam, quam non sine causa maiores nostri sapientissimi uiri, semper uirginem esse dixerunt, ab omni corruptela castam atque integram conseruare, uestras autem uobis diuitias relinquere, quam diem patram optimo Principi Dorio gratificari uidear, clam autem pecunia corruptus à iusticia discedo, exemplum præclarissimum in posterum uindicande improbitatis, quantum in me est, ex omni Rep. tollere. O factum egregium atque ab omni posteritate reuenerandum. O uere inuictum sanctissimi principis animum. O singulare excelsæ mentis indicium. Quid enim prudentius in eiusmodi re, quid sapientius geri potuisset? quid aliud consilii caperet is qui rebus omnibus anteponendam esse iustitiam censet? an principi tam humaniter, atque submisse roganti statim acerbè denegaret? ad id profecto durum ac fœnerum. Longæque ab ea quæ magnum uirum summopere decet, placabilitate alienum uideri potuisset, & quod fortasse merito eius quem mi-

M. AN. MAIORAGIO

nime uellet animum offendisset, an accepta priuatim pecunia nexum uinculis liberaret, atque incolumem abire permitteret? at hoc quidem praterquam quod iniustissimum fuisset, si perduto ac scelesto homini pepercisset, turpissimam etiam auaritiæ notam nexam habebat. quæ cum primum fuisset audita (neque enim diu celari potuisset) infamiam illi sempiternam attulisset. Quid igitur aliud reliquum erat? nihil certe nisi ut hac ratione perspicue declararetur, se neque rogantis precibus, nisi alio iusticia traheret, locum fuisset relicturum, neque ullam improbis sese à flagitijs pecunia redimendi spem apud se superesse, simul etiam quod ingenij specimen fuit acutissimi factò hoc suum Principem ipsum Dorium ab improbi atque flagitiosi eius quem obrutū cari iusserat, cognatis alienauit, & ad magnam sui admirationem traxit. pro lata enim in publicum, quam illi pro separata redemptione dederant pecunia Dorio plane significare uoluit, non illos eius authoritati, quem aduocatum sibi parauerant, sed pecuniæ suæ confisos fuisse, duosque eodem tempore principes uno cōsilio magnū in flagitium impellere fuisse conatos. Dorium quidem primo ut scelestissimi homini patrociniū atque defensionem susceperet quem inimicorum accusationibus iniquè oppressum falso iactabant. Se uero deinde pecunia aggressos ut neglecta iusticia quem omni cruciatu, dignum esse sciret. cum incolumem dimitteret, ecquis unquam post hominum memoriam factum ullum grauius aut seuerius, aut integrius audiuit? Celebrent Romani C. Fabricij iusticiam, qui ne hostem quidem per insidias è medio tolli uoluit. Cum enim bellum contra Pyrrhum Epirotarum regem gereret & Timochares quidam Ambraciensis ei pollicitus fuisset, se Pyrrhum ueneno sublatum, misis legatis Pyrrhum admonuit, ut ab huius generis insidijs diligenter caueret, extollant eiusdem hominis continentiam, qui cū ad regni confortium à Pyrrho uocaretur & contra Romanos arma uerteret, omnino recusauit. Laudent M. Curij abstinentiam, qui cum adeo pauper esset, ut ei uix ad uictum necessaria suppeditarent, tamen samnitioni diuitias prorsus contempsit, cum enim ad eum magnum auri pondus Samnitum legati publice missum attulissent, eo repudiato ite (inquit) & narrate Samnitibus, me nec acie uinci, nec pecunia corrumpi posse. iactent abj Q. Tiberonis consulis egregium facinus, qui cum Aetolorum gens omnis usus uasa argentea magno pondere, atque exquisita arte fabricata per legatos misisset. eos statim cum suis sarcinis abire iussit. hæc inquam atque eiusmodi si qua sunt, quæ paucissima sunt, antiquorum exempla memorentur, extollantur, laudentur, quoniam re uera maximis sunt præconijs dignissima: uerum si quis diligentius hoc Ferrandi nostri factum consyderet, intelliget profectò quouis eorum quæ scripta leguntur, multo esse præstantius, atque memorabilius, non enim ille, propriæ uirorum laudes suere, sed temporum, quis enim Romanorum

temporibus illis, non iustitiam, & continentiam amplectendam sibi esse existimabat? quis non honori potius & gloria, quam avaritiæ serviebat? quis non Reip. commodo, atque dignitati potius quam privati utilitati studebat? nullum certe post ea tempora tale vel rarum admodum exemplum reperitur. Nam post devictam Carthaginem atque Numantiam, cum abundare divitijs, atque ocio Romani cepissent, quasi iam gloriæ satis acquisivissent, ab illa vitæ integritate, atque innocentia paulatim ad omne flagitiorum genus inclinare cæperunt ut non iniuria Rex Numidarum Iugurtha Roma discedens dixisse feratur. O urbem venalem, & cito perituram si emptorem inuenerit. qua celebritate hominum, quibus laudibus, quibus encomijs ad cælum hoc Ferrandi factum illa: um fuisset, si eo tempore accidisset, quo maxime Romana Resp. florebat, & totius penè terrarum orbis imperio potiebatur? cum omnes quo iure, quaque iniuria, qui provincijs præerant omnino desecere studerent? sed certe nihilominus hoc tempore prædicandum atque omni contentione studioque celebrandum est, quod enim quisque reperitur hoc nostro tempore Princeps qui sibi tali in re temperare potuisset? qui non statim conspectis tot aureis numis quo quo modo liberandum, ac dimittendum captivum illum putasset? cū præsertim accederet etiam summi Principis deprecatio, nec esset ulla prorsus corruptela suspicio, ubi sunt igitur, qui dicunt nihil esse tam sanctum quod non violari, nihil tam munitum, quod non expugnari pecunia possit? quid valet illa vox avarissimi Macedonum regis Philippi, qui dicere solebat, nullam tam munitam civitatem, quæ non facile posset expugnari, modo auro onustus in eam Asellus ingredi posset? Quid illa iam pridem peruulgata sententia ponderis habere potest, pecuniæ omnia obedire. immo vero sapientissimus, atque iustissimus Princeps hoc facto suo planissime declaravit, nullam penitus contra iustitiam, & æquitatem vim habere pecuniam, ostendit apertissime, tam excessivo loco positam eam esse quæ vera est, non autem fucata virtus, ut non aliter, atque rem abiectissimam argentum atque aurum despiciat. Fuerint igitur iusti, fuerint fuerint continentes Fabricij, Curij, Tiberones, quo tempore maiorem in modum apud Romanos æquitas, & continentia colebatur, hoc certe maiori laude, atque gloria dignus est Ferrandus noster. quo rariore hoc tempore sunt, qui iustitiam, & æquitatem pecuniæ præponant. Quis enim non tanquam avem albam (ut dicitur) hodie principem miratur, iustum in administrandis rebus publicis se præbentem? Iam vero quis non videt, si cum eorum factis, quos paulo ante commemoravi Ferrandi nostri factum factum conferatur, quanto clarius, atque illustrius futurum sit, illi enim si præiis corrupti fuissent, Fabricius à Tyrro Currus à Samnitibus, ab Aetolis Tubero, eam quæ rebus omnibus chariorem habebant, quodammodo libertatem vendissent, cū eis à quibus munera cepissent, deinceps atque obnoxij facti, morem in rebus omnibus

M. AN. MAIOR AGIO

omnibus gerere coacti fuissent, neque enim ei facile quicquam negare possianus, à quo magna nos beneficia cepisse non ignoramus, atque illi ut deuincti simus necesse est, qui sponte sua muneribus oblati res familiares nostras amplificauit, non igitur tantum honestatis, ac virtutis gratia, ueteres illi maximamunera repudiasse uideri possunt. verum etiam ne illis à quibus ea cepissent, aliquo modo fierent obnoxij. Quid autem in hoc Ferrandi factò simile è primo nulla causa erat. cur cuiquam obnoxius fieret. etià si accepta pecunia captiuum dimisisset. iam in eò ipso, quod supplicium penè iam condemnati hominis, cognatis eius remisisset satis magnam muneris gratiam retulisse visus fuisset. deinde illud accedebat, quod eius animum maximè commouere, atque labefactare poterat, nisi radices iam altissimas, in eò uera uirtus egisset, quod præter occultum tanti auri lucrum Andream etià Dorium, quem uirum Diu immortales? quam prudentem, quam peritum rei militaris? quam ipsi Cæsari gratum? hac sua facultate plurimum sibi deuinxisset. quæ cum omnia uideret acutissime Ferrandus, neque enim tam occulta sunt quin ea, uel mediocris prudentia, ne dum tanto acumine præditus, in actionibus suis princeps uidere possit, maluit tamen haud dubiam, & principis Dorij, & multorum Genuensium nobilissimorum gratiam propositumq; ingens premian relinquere, quam ab æquabili suo, ex perpetuo iusticia cursu discedere. cuius exemplum pulcherrimum si Principes omnes imitari uelent, longe profecto feliciores, atque beatiore omnes fuissent, Resp. neq; n. improbi spem ullam in iudiciorum corruptela ponerent. facileque fortasse à maleficijs abstinerent, aut è medio tollerentur, probi uerò homines primotutius atque securius sublati a scelerum impunitate uiuerent, deinde longe alacriores ad fugiendam turpitudinem, & honestatem amplectendam fierent, qua nihil esse principi suo charius, atque gratius agnoscerent. Nunc propter principum sordes atque auaritiam, quot in una quaque Repub. scelera, quot cædes quot rapine, quot sacrilegia, quot paricidia ferè quotidie perpetrantur? quas domos, quas familias, quas urbes, quas nationes insatiabilis principum cupiditas non euertit? quid denique mali aut sceleris fingi aut excogitari potest, quod non auarus ille Princeps, sordidusque concipiat, utinam Resp. nostra non longo tempore fuisset experta, quantum mali ciuibz omnibus principum inuehat auaritia, quæ iam pridem multis agitata calamitatibus, ex haustis ad sanguinem usque uiribus, atque fortunis expilata, direpta, populata, uexata, nunc tandem te Principe Ferrande respirare incipit, & sub aduentu tuo confestim in mirandum modum recreata est. uidiſti Princeps æquissimè quibus gaudijs, quam profusis laticijs, non tantum te senatus, & nobilitas omnis huius ciuitatis, uerū etià uulgus, & imperita multitudo uenientē exceperit, quam accurate tibi obuiam omnes primarij uiri Senatores, equites in

rispru-

risprudentes, medici processerint, quo studio populus omnis ad aduentus tui
spectaculum sese effuderit, quibus aeris campani pulsibus, quibus tormento-
rum bombis palam sit exultatum, neque mehercle iniuria, tanta enim de tua
clementia, inflicta, humanitate, fama, sicut ad alias omnes nationes. ita etiā
ad Mediolanenses pervenerat, ut extincto Alfonso Daualo, quem honoris po-
tius quam contumeliæ causa nominino, si ex omnibus principibus unus sibi mo-
derator, & rector eligendus fuisset, quem tecum conferre possent, profecto ne-
minem haberent. Felix igitur sine dubitatione, atque beata te Principe fu-
tura est Respub. nostra, nam si qui sunt improbi, atque scelesti homines, qui
tamen (ut arbitror) pauci sunt, cum nullam prorsus, si deliquerint, euadendi
supplicia spem sicut habituri, recentissimo isto tuo, atque immortalitate digno
exemplo moniti uel ex hac urbe, ad alias nationes, ubi possint impune mali-
ciam suam exercere profugient, uel metu suppliciorum exterriti. paulatim
resipiscere, & ad rectam uiuendi rationem redire incipient. probi uero, quo-
rum in hac ciuitate magna est multitudo, tuam sibi uitam tanquam splen-
didissimum speculum proponentes, in quo uirtutum omnium expressæ
— imagines facile reluceant, eius imitatione suam etiam uitam conforma-
re, atque in dies sese meliores præstare laborabunt. Itaque fiet
Dys hominibusque approbantibus, ut tanti Principis con-
silio, atque prudentia Resp. nostra administrata, tan-
dem è maximis molestiarum, turbulentissimis
que tempestatibus erepta, portum quie-
tis, & tranquillitatis plenissimū
teneat & in amore, atque
sapientia tua diutissi-
me, conquie-
scat.



IN NVPTIIS

IAC. PHILIPPI SACCI,

SENATVS MEDIOLANENSIS PRINCIPIS;

PRAESENTE EODEM SENATV;

In qua præter cætera, seni quoque homini
ducendam esse vxorem, multis
rationibus probatur.

ORATIO. III.



*Q*UAM in multis præclarissimis, & im-
mortalitate dignissimis actionibus Patres Con-
spectare licet, quam eximia singularique pruden-
tia atque sapientia, nosler hic princeps ornatissi-
mus & optimus excellat: tamen, vt verè dicam,
nihil iam pridem sapientius aut prudentius fecit
se mihi videtur, quam, quod hoc tempore, ingra-
uescente iam etate, spectatissimam feminam, so-
ciam, & consortem fortunarum omnium suarum
sibi quesierit, qua cum deinceps per omne reliquum uitæ suæ spacium placi-
de, iucundeque uiuat, cui domesticarum rerum procuracionem tutò commit-
tat, ex qua deis bene fauentibus liberos, qui non tantum amplissimi patrimo-
nij, sed etiam nominis famæ, dignitatis, gloriæ suæ sint heredes, suscipiat. Hoc
qui non videt factum esse sapientissimè, nihil omnino videt. Sunt enim qui-
dam inter mortales tanta mentis caligine, tam tetris animi tenebris oppres-
si, vt ea sapientumera studeant improbare, quæ magnis potius efferrè laudibus
dignissima sunt. qui præter cætera, quæ parum firmis ducti rationibus iniu-
stissimè damnant, non satis honestum esse dicunt, prouectiori etate viro, ac
seni homini, vxorem ducere: præsertim si maximis negocijs intentus operam
uxori dare non satis commodè posse videatur. quorum ego falsam opinionem
sive rerum ignorantia, siue potius malicia peccent, vel hoc vno sapientissimi
Principis nostri exemplo profligare atque exterminare facile possum. quod
quidem non prudenter factum esse, nemo qui hunc bene nouerit, audebit
inquam.

nunquam affirmare. neque enim fieri facile potest ut qui rectas animi ra-
 tiones semper ab incante etate suscepit, & per omne vita sus tempus
 nihil aliud quam de virtute, atque honestate cogitavit, quemadmodum hic
 Princeps noster perpetuo fecit, is cum pervenerit ad maturiorem etatem,
 aliquid aut indecorum, aut parum sapienter efficiat. Quod si forte alicuius e-
 tiam probi viri est, aliquando non omnia rectè prospicere, sed interdum er-
 rare, labi, ac decipi, huius profectò nostri Principis non est. qui iam pridem
 rerum gestarum gloria florentissimus, & pulcherrimis innixus facinoribus,
 summa diligentia, & cautione providet, ut omnia digna splendore nominis
 sui, digna virtute atque doctrina sua, digna denique sapientia, qua nihil excel-
 lentius inveniri potest, exequatur. mirum enim dictus, qua morum integrita-
 te, qua fide, qua constantia, qua granitate res suas omnes administret. Quare
 si nihil aliud haberem, quod adversariis nostris, & coniugij senilis impugna-
 toribus objicerem, nisi tanti viri, quantus est hic Princeps noster auctorita-
 tem, & consilium satis scio me facillime probaturum, honestissimum esse, &
 maxime laudandum etiam in senectute matrimonium. verum si planè docue-
 ro, & luce clarioribus argumentis, atque rationibus cuicunque coniugium rem
 esse semper honestissimam, & sanctissimam, etatique maturiori non minus,
 aut etiam fortasse magis accommodatam atque necessariam esse coniugem,
 quam iuuentuti, desinent, ut opinor, tandem adversarij nostri ea carpere, qui-
 bus nihil prastantius vel dici, vel fieri potest. Sed antequam ad ea venio,
 que propria sunt huius causæ, videntur mihi quedam de ipso matrimonio
 prius, deinde etiam de huius Principis nostri vita sapientiaque brevitè ef-
 se perstringenda. Te quæso Princeps humanissime, cum hic de prudenti isto
 consilio, & exquisito iudicio tuo sit agendum, ne graueris hæc verba mea di-
 ligenter audire. viri ac mulieris legitimam coniunctionem, quod matrimonium
 appellamus, rem esse non tantum naturalem, sed etiam divinam nos sacre
 literæ docent. quibus impium esset omnino non credere. nam in ipso mundi
 primordio tum iam Deus opt. max. cætera omnia procreasset, denique virum
 etiam ex purissimis terræ medullis effinxit, cuius iniucundam prorsus, & mo-
 lestam fore vitam intellexit, nisi sociam ei mulierem adiungeret. Itaque non
 amplius è terra, sicuti virum fecerat, sed ex ipsius viri costâ una, quam dor-
 mienti subtraxerat, primam feminam conformavit, ut posterius omnes in-
 telligerent, nihil vxore carius esse debere, quam de viri corpore produxif-
 set. quibus deinde præceptum illud dedisse legitur, ut per coniunctionem fi-
 lios progenerent, & in multitudinem usque eo crescerent, ut hominibus
 terram implerent. quin vxorem à marito tantopere diligere iussit, ut propter
 eam parentes etiam ipsos derelinquat. Postea vero ipse quoque Christus,
 nostræ salutis & felicitatis auctor, matrimonium suffragio suo magnopere

M. AN. MAIORAGIO

comprobanit, & cum matre sua omnium sanctissima femina nuptijs interesse voluit, in quibus, quod magnopere predicandum esse videatur, prima diuinitatis sue signa atq; indicia edere voluit, cum mirabiliter aquam in suauissimum vini saporem conuertit. quid igitur matrimonio sanctius inueniri potest, quod ipse summus rerum opifex Deus instituit? quid honestius, quod Christus admirabiliu actionum suarum primicijs consecrauit? quid autem equius, quam per filiorum procreationem humanum genus aliqui breui interiturum propagare, & quod à maioribus nobis traditum est, id nos etiam posteritati tradere? hac, ut opinor, de causa totius humani generis conseruator Christus, tanto matrimonium bonore prosecutus est, ut primo de virgine quidem matre, sed tamen coniugio locata. nasci noluerit; deinde se cum ecclesia sua quadam matrimonii figura coniunxerit, & se ipsum ecclesia sponsum non semel appellarit. Quid quod aternam illam beatorum animorum uitam nuptiis comparat? & neminem ea fruiturum aperte denunciat, nisi qui tanquam ad nuptias bene cultus, & nuptiali ueste exornatus acceperit? & merito. quis enim bene ac beate uiuere, quis sanctissimas leges obseruare, quis à belluino uitu sese retrahere posset, nisi legitime nuptiæ celebrarentur? optime profecto ac sapientissime fecisse mihi uidetur Romana Reipub. censors Camillus & Posthumius homines antiquæ sœueritatis atq; prudentiæ: qui in censendis Romanis ciuibus, quoscunq; celibes ac sine uxore peruenisse ad senectutem intellexerunt, eis penam non mediocrem irrogarunt, & illius pene nomine ferre nummos in ararium iusserunt. quemadmodum enim nascendi nobis, ita etiam generandi legem natura ipsa præscripsisse uidetur, ne quod à parentibus accepimus, eo posteros nostros fraudemus. nec minus sapienter mihi Lycurgus instituisse uidetur, atq; etiam legibus cauisse, ut qui uxorem non ducere decreuissent, ignominia vulgo notarentur, & à ludis ac spectaculis publicis arcerentur. hyberno uero tempore nudi per forum ambularent, & seipos execrarentur, quod sacrosanctis legibus parere noluisent. Metellus uero Macedonicus, ut ad Romanos redeam, uir sapientissimus, & optimus in censura sua legem tulisse dicitur, ut omnes uxorem ducere cogerentur. Videbat enim homo prudentissimus hac sola ratione fieri posse, ut Imperii Romani dignitas ampliaretur, si multitudine ciuium innixa semper nouam prolem sufficeret. nequa senectutem, aut aliam atatem excepit, ut quicumque procreandis liberis essent idonei, ij se matrimonio copularent. Iam uero quanta fuerit apud antiquos coniugij dignitas ac religio, ne ex eo cognosci facillime potest, quod pœna capitalis adulteris erat constituta. quin etiam legibus permixtum erat, in adulterio deprehensum sine iudicio trucidare. apud Hebræos qui tale flagitium admisisset, lapidibus obruebatur. Sed quid hac agimus? quasi uero

non

non agnoscamus hanc esse naturæ legem, ad quam uniuersi homines non docti, sed facti, non instituti, sed imbuti sunt, nullus enim populus est, nulla gens, nulla natio, quæ modo naturæ legibus, & optimis institutis parere uelit, apud quam matrimonij uinculum non semper fuerit sanctissimum, & cum magna religione celebratum. cuius tanta uis est, ut non tantum homines, sed etiam expertes rationis animantes, nuptiali quodam amore inter se iungantur. nam quod animal ex omnium numero reperitur, quod non coniunctionis appetitu procreandi causa trahatur? quod non eorum, quæ procreata sunt, præcipua quadam cura teneatur? columbi suam quisque coniugem agnoscunt. Leones in uxorem dicuntur esse mitissimi. sunt etiam animalia quæ per obstantes ignes auxilium ferre proli suæ non vereantur. quod si quis diligentissimè rerum naturam introspectiat, nihil prorsus inuenire poterit, in quo non aliqua coniugij species esse uideatur. ut enim uniuersa prætermittam animalia, quæ nisi coniugij munere fungantur, nullo modo genus suum conseruare possunt, in arboribus etiam generis discrimen inueniri probatæ fidei tradunt auctores: ut plurimæ sint, quæ nisi propè coniugem habeant, nullum ex se fructum emittere valeant. Quid, quod cælum ipsum ut homines sapientissimi tradiderunt, mariti munere quodammodo fungitur, dum in terras rerum omnium semina uerno præcipue tempore demittit? Vnde non sine causa sapientissimi uiri poetæ finxerunt, ætherem, quem ex Stoicorum sententia, rerum parentem omnium potentem appellant. eo tempore sese coniungi suæ terræ commiscere, quod eleganter ita Virgilius asserit:

Vere tument terræ, & genitalia semina poscunt,
Tum pater omnipotens sæcundis imbribus æther
Coniugis in gremium lætæ descendit, & omnes
Magnus alit magno commixtus corpore fetus.

Hæc autem eo spectant ut intelligamus omnia certo matrimonio contineri, sine quo nihil omnino sub uniuerso cæli ambitu nasci potest.

Sed, ut poeta quidam ait, maximus mundi ille prouidit parens,
Cum tam rapaces cerneret sati manus
Ut domina semper sobole repararet nona.

Quid autem de incunctitate suauitateque coniugij commemorem? nonne declarat nobis ipsa veritas atque ratio, quam suauis sit eam habere, quam non minus quam te ipsum diligas? cui securè fidas? qua cum animi tui secreta communices? quæcum amabiliter domi tuæ uinas quæ tibi in rebus aduersis adsit? quæ affideat? quæ consoletur? in secundis uerò, quæ salicitatis tuæ particeps sit? quæ te discedentem pijs uotis prosequatur? redeuntem lætif-

M. AN. MAIOR AGIO

letissimo vultu recipiat? quæ denique sit officiosa comes iuuentutis, grata requies senectutis? Itaque plurimi semel amissa coniuge quam amabant, & cuius iucundissima consuetudine fruebantur, diutius vivere noluerunt. quin etiam in utroque sexu eorum exempla reperiuntur, qui pro coniuge vitam profundere non dubitarunt. Cuius rei quid aliud in causa fuisse dicemus, præter quandam incredibilem coniugij dulcedinem & suauitatem? quam cum semel amiserint, iniucundam seu potius miseram sibi postea vitam futuram existimabant? M. Plautius, cum uxor eius Horestilla decessisset, tanti maroris impatiens seipsum pugione confodit. Tiberius Gracchus sibi potius mortem elegit, quam uxori Corneliæ. Cyanippus Thessalus propter uxorem à canibus interfectam, ferro sibi mortem consciiuit. M. Antonius Imperator, ac philosophus Faustina uxorem adeo dilexit, ut mortuæ diuinos honores instituerit. nec minus ardentis in maritos amoris uxorū exempla reperiuntur, Panthea cum audiisset virum suum in bello periisse, arrepto gladio se repente transfixit. quid M. Catonis filia Porcia? quæ cum apud Philippos uictum & interceptum Brutum virum suum cognouisset, quia ferrum non dabatur, ardentem ore carbones haurire, atque ita mori non dubitauit. quis Alcædidem Admeti Thessaliæ regis uxorem satis digna laude prosequi posset? quam ferunt obitu voluntario, ne vir suus extingueretur, esse consumptam? Verum quid ego singularium exempla commemoro? cum omnes apud Indos faminae maritum in funere sequi morte voluntaria libentissime solere dicantur? cum enim more patrio complures eidem nubere soleant, mortuo marito incertamen iudiciumque veniunt, quam ex eis maxime dum uiueret maritus dilexerit, viatrix letissimum præ se ferens vultum coniugis in rogo ardentis, flammæ se superiacit, & cum eo tanquam beatissima crematur, superatæ cum tristitia & dolore in vita remanent. Sed quid exemplis opus est, quæ penè sunt innumerabilia? cum liceat experimento matrimonij suauitatem intelligere?

Felices, inquit Horatius, ter & amplius.

Quos irrupta tenet vincula. nec malis

Diuisos quærimoniis

Suprema citius soluet amor die.

Quid enim uxoris beneuolentia? fide, caritate, potest iucundius inueniri? quid suauius quàm cum ad senectutem usque maritum uxor, & uxor maritus amore mutuo prosequitur? reliquos amicos plerumque mutare consueuimus, uxor ad mortem usque nos comitatur, etsi fieri posset, aut lex pateretur, etiam ipso in funere libenti animo sequeretur. Quid porro dulcius quam filios gignere, alere, educare, in quibus, & corporis, & animi tui imaginem quotidie possis intueri? quos osculari? quos in sinu tenere? quorum balbutie, & puerili sim-

li simplicitate mirifice delecteris? nam si te uel picta, uel ficta corporis imago plurimum oblectat, quæ proprius ad ueritatem faciem tuam representet, quanto magis oblectare filij debent, qui te non tantum ore, sed etiam animo referant? nimium durus es, ac ne hominis quidem nomine dignus, qui filiorum desidio non capiatur, quod si contingat tales habere, quales quis optauerit, quæ felicitas, aut beatitudo maior in uita reperiri potest? sunt enim mares filij quasi familiarum columen, & quedam immortalitatis documenta, cum in eis parentes quodammodo renasci videantur. quare iure optimo beatos uir quidam sapiens eos appellat, qui bonos filios procrearint. Hæc nimirum & alia huius generis plurima princeps optime, cum pro tua singulari prudentia considerasses, non diutius in solitudine uitam agere constitisti. cum præsertim de priori coniuge, quam uice dilexeras, nullus filius quasi matrimonij pignus tibi superesset. & qui tuus amor est in patriam maiorem in modum cupias, aliquem ex te progenitum post te relinquere, qui non solum cognationem, ac gentilitatem tuam propagare valeat, uerum etiam Reip. nostræ, quod ipse semper maximè studuisti, prodesse possit. Sed illud etiam cum secundas nuptias experiri decreuisses, diligentissime prouidisti, ut eam uxorem haberet, quæ iam esset persectæ atque cognitæ sæcunditatis, quo facile possent omnes intelligere, te non uoluptatis, sed generationis gratia ducere uxorem uoluisse. Quamobrem ex omnibus hanc honestissimam, & pudicissimam adolescentulam Faustina elegisti, cuius tibi uita moresque probatissimi bene cogniti fuerant, quæ cum alteri uiro non ita pridem nupsisset, filiolum elegantissimum, qui uiuit adhuc, & quantum ex infante puero conijcere possumus, præclarè indolis est, atque optimæ spei peperit. postea marito mortuo duos annos in uiduitate ac solitudine continentissimè uixit, ut quamuis esset admodum adolescens & facie maxime liberali, præstantique uenustate, atque a multis pene quotidie procis sollicitaretur, nihil tamen de matrimonio cogitaret. uerum ita castè pudicquè uiueret, ut quicumque eius ætatem, & pulchritudinem inuenerunt, maiorem in modum omnes admirarentur. quid multa? nemo erat in hac urbe quin eius honestatem, continentiam, sanctitatem predicaret, cuius tu uirtutibus impulsus optime Princeps eam tibi matrimonio coniungere uoluisti. quamuis enim ipsa filioli amore usque eo teneretur, ut non amplius nubere statuisset, tamen cognatis, & propinquis suis eam adhortantibus ne tantam optime nubendi occasionem amitteret, obsecuta est. Bene omnino tibi pudicissima Faustina, bene, inquam, propinqui atque amici consuluerunt. ut ei te uiro coniungeres, qui uirtute sapientiaque non modo eos, qui hoc tempore sunt, sed etiam antiquitatis memoriam superauit. nec profectò præstantissima tua uirtus, summaque & animi, & corporis, & fortunæ ornamenta coniungem alium exposcebant. sic enim te miramur omnes amabilem, sic uenustam,

M. AN. MAIORAGII

nulam, sic omnibus gratijs exornatam, ut non ab hominibus genita, sed à Deis ipsis facta esse videaris. omnino te fortunatissima sidera cum primum in lucem de matris utero prodires, exceperunt, & celestibus donis accumulaverunt, tibi summam Saturnus intelligentiam & sapientiam elargitus est. Iuppiter felices, & præclaras actiones. Mars animi constantiam, & honestatis ardorem. Sol acres sensus & splendidas cogitationes. Venus immensam venustatem, & mores vehementer amabiles. Mercurius promptum ingenium, & mirum dicendi leporem atque elegantiam. Luna secundam pudicitiam. postea uerò te sanctissimi parentes paulatim crescentem ita liberaliter educarunt, tanto studio, cura, diligentia instituerunt, ut illa, quæ de celo tecum attuleras bona, vehementer amplificata fuerint. itaque nostrum es, quin existimet antiquas illas, omnium sermone celebratas heroïnas, omni genere virtutis à te superatas. ut nihil interim dicam de ista tua, quam omnes suspiciunt, eximia pulchritudine, de partium totius corporis admirabili convenientia, de natiui coloris suauitate, de sidereis oculis, de hilari fronte, de roseis genis, de malis purpureis, de corallinis labris, de collo eburneo, de lato modiceque tumescente pectore. de summa quam ex toto corpore spiras venustate. quæ singula non humanam, sed diuinam potius undique referunt dignitatem. itaque cum Virgilio iam mihi libet exclamare, quæ te tam læta tulerunt.

Secula, qui tanti talem genuere parentes.

De te mihi crede Faustina, nulla unquam posteritas conticescet, nam te præter ceteras posterorum fama prædicabit. Semper honos, nomenque tuum, laudesque manebunt. Quam felicem ergo te Princeps optime nunc appellem? cui prospera quadam fortuna, vel diuino potius munere concessum fuit, ut tam spectatam feminam, tam nobilem, tanta dignitate, tot virtutibus exornatam tibi certo & stabili matrimonio coniungeres? Sed mehercule non aliam præstantissima virtus ac dignitas tua coniugem postulabat. Sentio Patres Conquantus orationi meæ se se campus aperiat, si in huius Principis nostri laudes ingredi voluero. sed vereor ne tenuitas ingenij mei medio in cursu deficiat. audiendum tamen est, & magno ac fidenti animo quod incepimus obeundum. nam, ut ait poeta quidam, si deficiant vires audacia certè.

Laus erit, in magnis & uoluisse sat est.

Cum præsertim non mihi propositum sit, encomium aliquod omnium laudum principis huius nostri recitare, quod non mea facultatis, sed summi potius oratoris eloquentie proprium opus est, uerum cum ad ea, quæ mihi probanda proposui, huius sapientia bene perspecta, & cognita, magno mihi futura sit adiumento, conabor eam si minus explicare planè potero, saltè quasi digito demonstrare. Quamobrem ea, quæ licet amplam asferre laudem solent, tamen ab industria nostra non proueniunt, sed vel à fortuna vel à natura donantur, præter-

prætermittam. nihil de clarissimo Saccorum genere, quo nullum est in hac ciuitate nobilius, nihil de præstantissimis viris, qui in hac familia, & in bello, & in pace magnopere floruerunt, in præsentia dicam. neque sanè commemorabo quanta cura ac diligentia fuerit hic princeps noster ab incunabilis semper educatus, ut omnes dignas libero homine disciplinas ab ipsa statim puericia maximo studio atque industria perceperit, ut ab ineunte ætate semper ita se gesserit, ut nihil ei gratum esset, quod non idem esset honestissimum, ut non solum æqualibus suis antecelleret, verum etiam natu maiores facile superaret. non dicam quam breui tempore quantam iuris ciuilis cognitionem asscutus sit, ut dum esset admodum iuuenis, vel potius adolescentulus, illius excellentissimi iurisconsulti Iasonis Maini, si quando ille vel ægrotaret, vel alijs in rebus occupatus esset, partes publice docendi susciperet, & auditoribus uniuersis vehementissime probaretur. prætereo res gestas ab hoc plurimas, & immortales, honores, magistratus, dignitates quibus semper maxime floruit. taceo quemadmodum fortune commoda, quæ semper huic videtur afflasse benignius, ad virtutem, & honestatem omnia traduxerit. Ab eo potissimum tempore mihi incipiendum esse constitui, quo ciuitatis nostræ gubernacula primum tenere cepit. cum enim à Maximiano Sfortia Duce nostro, ob immè sanæ virtutis & scientiæ sanam, in uestrum hunc ordinem cooptatus fuisset, ea statim ingenij, prudentiæ, grauitatis suæ documenta dedit, ut à vobis omnibus, & ab ijs, qui tempore illo vinebant, dignus habitus fuerit, cui maxima quaque negocia committerentur. ut si qua esset obeunda de grauissimis rebus, & ad Reip. summam pertinentibus legatio, huic vni demandaretur. nam quid ea legatione mirabilius, qua nobis Heluetios periculossimo Reip. tempore conciliauit? cum enim Francorum rex Franciscus in Italiam contra nos bellum gesturus aduentaret, & ingentibus præmijs atque muneribus Heluetios, ut quiescerent, nec Maximiano Duci nostro subsidium ferrent, sollicitaret, hic ad eos legatus missus, quamuis neque aurum, neque argentum secum attulisset, tamen tanto vsus est dicendi artificio, tanta eloquentia vi, ut, non aliter atque olim Thebanum populum iam Philippo Macedonum regi deditum Demosthenes in Atheniensium partes orationis grauitate pertraxit. ita noster hic Princeps Heluetios spernere Francorum regis ingentes pecunias, & sine stipendio cum numerofo exercitu venire, nostræque ciuitati auxiliū ferre compulerit. Iam vero magnum illud ac memorabile factum à me sileri nullo modo potest, quod cum Franciscus Sfortia secundus Mediolani in arce Iouis obsidione præmeretur, neque vllum amplius comæcatum aut annonam haberet, & iam omnia, quibus nesci possent, absumpta penitus fuissent, id quod etiam hostes intelligebant, cum ducenti ferè milites fame coacti, deceptis custodibus ad eos transfugissent, hic noster eo tempore legatus à Sfortia

M. AN. MAIORAGII

missus ad hostilis exercitus imperatores, ut munitioes oēs & castella, quæ essent in ipsius Sfortiæ potestate, dederent: ut, tanta usus est prudentia, tanto cōsilio, tam fidelis opera, ut hostes honestis conditionibus Sfortiam cum toto exercitu atque suis rebus, & suorum omnium dimitterent. & Cremonensem arcem, quæ ex mandato Sfortiæ, hostibus tradebatur, huius virtuti sapientiæque concederent. quæ quidem arx, si, ut erat constitutum, hostibus dedita fuisset, nunquam posset Sfortia suum imperium recuperare potuisset. hæc enim causa postea fuit, ut & Cremona ipsa, & magna imperij pars iterum in Sfortiæ potestatem deueniret. nam cum in Italiam Cæsar aduenisset, & à Sfortia Cremonam obtineri intelligeret, facile adductus est, ut ei totam hanc diocesim, atque arcem etiam Mediolanensem restitueret. quæ tamen restitutio non sine maxima huius opera facta est, qui Sfortiæ iussu ad Cæsarem cum amplissimis mandatis profectus est. Quid commemorem quanta fuerit in hoc animi magnitudo, quanta virtus, quanta constantia, quo tempore Dux Bronsuichus cum ingenti exercitu ad Laudem Pompeiam oppugnandam cum Antonio Leua se contulit? cum enim eam urbem tormentis, vincis, aggeribus, rehementer premerent, & iam per magna murorum pars diruta ac prostrata esset, hic qui præclare intelligebat, si urbs illa expugnata fuisset, actum esse de Sfortiæ imperio, præstanti sua alacritate animi, singularique dicendi facultate, ita milites animavit, ut hostes in prima statim oppugnatione repulsi, ac profligati deferere obsidionem coacti fuerint. Itaque vere possumus dicere princeps optimæ, te primo vitam Francisco Sfortiæ reddidisse, cum eum ab obsidione liberasti. deinde imperium ei restituisse, cum Cremonensem arcem restitueras, postremo restitutum confirmasse, cum Laudem Pompeiam ab hostium penè faucibus eripuisti. quin etiam nos eiues omnes tibi fortunas, aras, focos, vitam ipsam debemus. nam nisi per hæc tempora tu civitati nostræ prævisisses, hodie Regem pub. nullam haberemus. Quis enim ignorat studium, & sollicitudinem tuam in providendo ne quid unquam Resp. detrimenti pateretur? cum martio furore prostrata iacerent omnia, eum ingens, & miseranda calamitas civitatem hæc oppressisset, cum iam omnes de salute desperarent, tu tanquam aliquis de cælo delapsus Deus omnia summa prudentia tua restituisisti, tu vastitatem ab agris direptionem & incendium a civitate sapissimè repulisti. Pro Dij immortales, quis non adhuc obstupescit, qui temporis illius recordetur, cum Franciscus Sfortia secundus se Cremona contineret, & Mediolanum atque adeo tota Insubrum regio ferro belloque misceretur, Latrocinij, cadibus, incendijs vastaretur. ut omnino nullum unquam exitum res videretur habitura, cum inter se omnes dissentirent, factiones, dissidia, contentiones quotidie augerentur. quam brevi tempore Dij boni tuus adventus omnia tranquillavit? quis non maiorem in modum admiratus est illam tam repentinam mutationem? quam natura

gnum fuit animos iampridem seditionibus ac discordijs irritatos tam facile mitigare? ut pro summa dissensione, mira concordia, pro maximo tumultu, tranquillitas immensa nobis illico redderetur? sed nimirum illud seueritatis ac iusticie tue fuit, qui statim quæ curari non poterant, vulnera recidisti, clementia uero, qui iam debilitatis ac fractis ciuium animis salutarem medicinam adhibuisti. Age uero quis illius temporis admirabilem prudentiam & vigilantiam tuam non summè prædicandam esse censeat? quo Hispani in Taurinis à Cesare defecerunt, & ad urbem nostram oppugnandam studio inflammato rapiebantur; cum omnes statim ciues maximo terrore perculsi de urbe relinquenda cogitarent, cum omnia tumultu plena viderentur. cum nullus omnino menia defendere, aut resistere hostibus auderet. & iam plurimi collectis sarcinis cum liberis & coniugibus suis fugam capefferent, alij consiliorum ex pertes nullam salutis spem haberent. omnia denique metu, trepidatione, tristitia, luctu miscerentur, cum nullus esset in urbe exercitus, nullum presidium, nullus in propinquis locis miles, pro Deum hominumque fidem, quo tu consilio, qua sapientia, qua assiduitate derepente tanto periculo restitisti? nunquam mehercule tantum in opprimenda Catilina coniuratione Ciceronem inuigilasse crediderim. quam enim subito iustum penè exercitum ex uoluntarijs ciuibz adhortatione tua collegisti? quam repente presidij rebusque omnibus necessarijs urbem confirmasti? quam mirum simul & gratum fuit omnibus spectaculum, cum undique copias tuas sedulitate coactas uiderent, ad urbis nostræ propugnationem ex insperato confluere. quin etiam illi ipsi Hispani, qui prius cælum ipsum armis territare uidebantur, iam de salute sua solliciti maiorem in modum timere caperunt, & qui paulò ante cede & incendijs miscere omnia caperant, mox se se castris & uallis munierunt. quod nisi statim eos defectionis sue penituisset, & ueniam petentes iterum in Caesaris uerba iurassent, nemini dubium fuit, quin tibi meritis temeritatis sue pœnas daturi fuissent. uerum ut in superbos & insolentes seuerus, ita in subiectos, & supplices clemens semper esse uoluisti. Quare non inmerito te uno ore patrem patrie ciues omnes appellare solent. tibi se, fortunas suas, coniuges liberos, uitam denique ipsam debere putant. quot preces, quot supplicationes in templis Deorum immortalium, & in priuatis domibus quotidie fiunt, ut tibi Deus longissimam, & curis ac molestijs carentem concedat senectutem? cupiunt homines nostri, te si fieri posset, immortalatem habere. rarum est ab omni ordine senatus Principem sic anari: sed rarior est rã spectate uirtutis Princeps. quid populi uoluntate mobilius? qui fluctus, aut Euripis, uulgi sententia mutabilior? idem tamen populus te constantissime diligit. & cum in cæteris rebus facillimè, & leuissimè moueatur, in te tamen anando mirifice perfererat, ut hac in re naturam suam immutasse quodammodo

M. AN. MAIORAGII

videri possit . cuius sanè rei nihil aliud in causa est , præter admirabilem ac penè diuinam sapientiam tuam . quid uos P. C. quantopere uirtutum huius splendore gaudetis ? qui uestro ordini . uni omnium grauissimo , ac sanctissimo , ex optimi cuiusque uoluntate sententia præsidet ? quam enim alta mente , quam diuino consilio , præditum eum esse oportet qui huic præstantissimo Senatui uestro Mediolanensi præesse dignus habetur ? quo quid in orbe terrarum fuit unquam aut iustius , aut incorruptius ? Sed hoc mihi non sumo P. C. ut uestras dicendo laudes me consequi posse existimem . itaque cum eas uerbis explicare nequeam , saltem , quod omnes faciunt . etiam atque etiam admirabor . nam quæ regio in terris inueniri potest , quo non prudentiæ , sanctitatis , auctoritatis uestre fama peruasit ? quis non iudiciorum uestrorum & sententiarum incorruptam seueritatem , vehementissime denaturatur ? quam non propinquitatis uinculum , non necessitudinum coniunctio , non amicitiarum consuetudo , non numerum corruptela , non terrores , aut minè principum , non denique , quod ait poeta , Si fractus illa batur orbis possit à recto dimouere . Ac mihi quidem cum in istum religiosissimum & sanctissimum ordinem uestrum mentis oculos animumque conijcio , repente uenit in mentem recordari non centum illos Romanorum senatores , quos urbis pater Romulus primum instituisse dicitur , non Amphictyonum conuentum , non Areopagitarum consessum , sed illius Platonice ciuitatis imaginem quandam intueri mihi , uideor , quam cum ille diuinus philosophus , neque esse suo tempore uideret , neque futurum unquam speraret , cogitatione tantum & ratione cõformauit . atque ita , ut de hac Rep. nostra diuinas se uideri possit . cum enim hæc ciuitas & agrorum ubertate , & artificum scientia , & multitudine earum rerum quæ exportantur , & omnium denique rerum copia facile reliquis ciuitatibus antecellat , sic iustitia , & equitate uestra gubernatur , sic incredibili sapientia regitur , sic admirabili prudentia temperatur . ut nusquam iudiciorum trutina iustior , nusquam uirtutum remuneratio maior , nusquam scelerum pœna seuerior . quo consilio , Dii boni , quæ solertia cuncta prospicitis ? ut ciuium salutem utilitati uestre præponere soletis ? ut nullum est apud uos personarum discrimen , quo pauperimus quisque perinde ac ditissimus ius suum facillime cõsequatur . quid illud , inter cetera uestra pœne innumerabilia præclara facinora , quantopere laudandum est ? quod pacatissimam ciuitatē nostrā uestra diligētia cõseruatis ? ut nullæ sint inter ciues discordiæ , nulla seditiones , sed ubique pax , ubique concordia . nullus unquam pater tantopere filios suos dilexisse uideatur , quanto uos amore P. C. totam hanc Remp. amplectimini . O felix ac fortuna nata Mediolanensis ciuitas , si tibi presenti statu uti quamdiutissime licuerit . sed nulla uis est ingenij , nulla dicendi facultas , nulla orationis copia , quæ uestrum hunc ordinem satis digne laudare posse uideatur . quare quantum tan-

dem ille putandus est, qui principem inter eos locum obtinet, atq; illis præest, quibus nulli unquam post hominum memoriam fuerunt in omni genere virtutum excellentiores? Quod bene mihi uidetur intellexisse Carolus Quintus, imperator inuictissimus, quod tempore Franciscus Sfortia secundus mortis peremptus est. cum enim hæc pronuncia nostra post Sfortie mortem ex fœdere, in eius ditionem deuenisset, neq; ulli dubium esset, quin tantus Imperator quamplurimos homines excellentissimos secum haberet, nullum tamen ab ordine isto senatorio penitus amouit, nullum addidit. tam grauem enim patrû consensum, tam sapientem integerrimorum hominum cœtum. tam rectis consilijs, & rationibus omnia tuentem detrahendo, aut addendo perturbare sibi nefas esse duxit. Itaq; cum primum de Sfortia morte nuncium ac cepisset, statim ad hunc ordinem uestrum amantissime scriptas literas misit, quibus omnes honores, magistratus, dignitates, quibus ornatus unusquisq; uestrum erat decreto suo confirmarentur, & quibus totius ciuitatis administrationem, & Resp. gubernacula uobis committeret. quin etiam uos parentes optimos appellans, uobis se tanquam filium suaque omnia commendauit. quid hoc tam maximi Imperatoris factum, iudicioque de uobis magnificentijs aut præclarijs, accidere potuisset? quid gloriosius ad hominum memoriam sempiternam? ostendit enim eo tempore Cæsar apertissime, neminem ex intimis & familiarissimis suis habere se, cui magis uni, quam uobis omnibus confideret. cum de fide uestra nihil omnino dubitans, tanti imperij iurisdictionem potestatemque, modo ad se deuolutam. Vobis tanto cum honore gloriaque demandarit.

Nam in ipso Sfortie funere, quis non obstupuit nullum omnino tumultum, nullum strepitum, nullam mutationem animorum extitisse? nihil in nouatum, nihil motum fuisse? tanquam si priuatus aliquis ciuis, & non tantus princeps occubisset. Memini cum mihi senex quidam omnis antiquitatis peritissimus homo diceret, se nunquam audiuisse neque legisse mutationem Imperij tranquilliozem accidisse. quia etiam ciues ipsi nullum in ciuitate motum fieri summo pere mirabantur, nullus tamen erat, quin illud summæ prudentiæ uestræ. P. C. atque huius uestri Principis auctoritati tribuendum esse existimaret. Iam illud quamuis notissimum sit, tamen à me indicando prætereundum non est, ab hoc nostro principe laborem & vigilantiam tantopere diligere, ut antelucano tempore quotidie de lecto surgat, & iam ita Senatores omnes assuescerit, ut non modo sine difficultate, sed etiam libenter in Senatum primo diluculo veniant. hoc enim & bonæ uoletudini conducere, & rebus agendis aptissimum esse, præclare intelligunt. quo fit, ut maxima clientum commoditate atque utilitate, semper negocia bene mane, quæ curanda sunt, expediantur. ò si mihi uidere, aut interesse liceret, cum

M. AN. MAIORAGII

tu sapientissime Princeps in senatorum confessu prudentissima consilia tua declaras, quam admirabiles, & altissima ista mente tua dignas asferre laudes possem? quæ tamen non ab ipsis senatoribus silentio prætereuntur, qui nunquam prædicare desistunt, quàm prudentiter, acute, dilucidè causas omnes excus, quam patenter aliorum sententias audias, quam amicè quæ non satis appositè videntur esse dicta, refutes, quam humaniter, si qua prætermissa sunt in memoriam reducas, quàm subtiliter de rebus dubijs differas, quam multa memoriter, quam obscura splendide proferas ut semper aliqua sapientissimorum hominum exempla de simili re, quæ tum agatur, in promptu habeas. neque enim quisquam omnis antiquitatis te peritior innitur. nam in iuris civilis scientia tantum excellis ut etiam ipsi primarij iurisconsulti summo opere demirentur, quæ ratione fieri possit, ut homo ista ætate, tot ac tantis occupationibus impeditus, non solum quicquid ipsi legum auctores, verum etiam quid eorum interpretes dixerint, promptè, & paratè responderet. & sæpiissime ingenij tui acumine ratione aliqua diuinitus inuenta, res difficillimas & obscurissimas, quæ nullo pacto explicari posse viderentur, facillimè declares. Iam verò si quis exponere velit, quibus institutis, & moribus totam domum ac familiam tuam instructam esse cures, quæ sanctitate domus tue viuatur, quæ diligentia res tuæ familiares administrantur. an non hic esset latissimus dicendi campus? possem hoc loco liberalitatem, & munificentiam tuam commemorare, quam multi quotidie mortales experiuntur. possem explicare quam faciles ad te priuatorum aditus pateant, quam mansuete & humaniter omnium querimonias audias. possem animi tui magnitudinem extollere, quam neque labores ulli, neque pericula possunt infringere, neque secundæ res asferre, neque aduersæ deprimere. possem incredibilem temperantiam tuam, fidem, innocentiam, cæterasque plurimas virtutes, quibus mirabiliter excellis verissimè prædicare. sed vereor ne fortasse modestissimū istum animum tuum offendam. cum enim in omni virtutis genere præstantia tua tanta sit, ut eam nulla dicendi facultas assequi posse videatur, tamen etiā ea in te modestia est, ut verissimas laudes tuas inuitissimis auribus excipias. illud enim christianum documentum alius animo tuo videtur insedisse, quo præcipitur, ut quod quisque maior est, eò se summissius gerat. Itaque ne patientissimas aures tuas diutius offendam, totam hanc orationem meam de laudibus tuis amputabo. atque ad illud quod initio pollicitus sum iam aggrediar. cum enim nonnullos esse intelligerem, qui senile matrimonium improbarent, dixi me facturum, ut ostenderem, natu grandioribus hominibus, non minus quam iuuenibus aptam & necessariam esse coniugem. Sed iam isti aduersarij nostri, qui coniugium in senectute vituperant, duobus grauissimis præiudicij denique atque prostrati sunt. quoniam & matrimonium semper honestissimum ef-

se de-

se demonstratum est, & tu sapientissime atque optime princeps ista ætate leuissimam hanc faminan uxorem ducere voluisti. velin igitur adesse istum matrimonij senilis improbatores: libenter enim eos interrogarem, cū in senes cōiugium non probent. Vtrum rem ipsam, an personam, an vtrunque simul vituperent? quid ad hanc petitionem meam estis responsuri? si rem non place-re dixeritis, hoc est si matrimonium improbatis, iam vos deuictos esse confiteamini necesse est. quippe cum honestissimum & sanctissimum esse matrimo-nium ostenderimus, quod primum à Deo sit institutum, deinde sacris & pro-fanis legibus approbatū, tum à maioribus nostris inter septem ecclesiæ sacra-menta connumeratum. si personam hoc est senes vituperatis, primum hoc ni-bil ad coniugium: deinde videte ne parum sapienter istud efficiatis, vt eam damnetis ætatem, cuius propria sit auctoritas, & sapientia, cuius consilio ac prudentia bene res omnes administrantur. quam omnes asequi desiderant, à qua grauissimum omnium ordinem senatum maiores nostri appellatum esse uoluerunt. quod si neque matrimonium separatim audetis, neque senectutem improbare, quæ nam crit ista uestra dementia, ut utrumque simul impugnetis? bene habet. iacta sunt optima nostræ defensionis fundamenta, non enim ue-teor ne quod honestissimum sit, minus in homine senes, quam in iuvene deceat an non sentitis quam in scopulosum locum temeritate vestra vos præcípites dederitis? nam si laudabile & honestum est matrimonium, vt ipsi dicitis, cur senes homines ab eo, quod honestum est ac laudabile reuocatis? an iuvenes de-cet quæ sunt honesta sequi, senes non decet? quid absurdius dici aut excogita-ri potest? hæc opinor erit uestra conclusio: cum matrimonium apud Christia-nos maximum sit sacramentum, & res sanctissima atque optima, non conue-nit, ut senes homines prudentia atque sapientia longè cæteris antecellentes il-lud amplectantur. quid hac oratione fieri potest ineptius aut puerilius? pro-secto iam ipsi videtis hoc esse leuissimum. At parum decorum est senem homi-nem cum adolescentula matrimonio coniungi. cum quo tandem hæc ho-mines imperitissimi disputant? nempe cum eo, qui grauissimorum, & sapientissimorum hominum & veterum, & recentiorum exempla penè infinita proferre possit qui senes admodum, & penè decrepiti puellas in uxores duxerint. Sed ne longior sim, quam oporteat, duo tantum duorum sanctissimorum hominum exempla proferam, alterum ex vetustioribus diui-nis literis, alterum ex recentioribus, quibus luce clarius appareat senile ma-trimonium, non tantum à sapientissimis hominibus, sed etiam ab immortalis Deo fuisse comprobatum, quæ duo tam egregia sunt ut omnino sufficiant ad istorum improbitatem refellendam. quis enim post homines natos Abraha-mo sapientior, iustior, temperantior fuit, aut esse debuit? quis Deo gravior? quis omni laude florentior? Hic tamen post obitum Sarre coniugis, quam uni

M. AN. MAIORAGII

cē dilexerat, ex qua penē decrepita Dei beneficio atque munere filium Isahaciam suscepit, cum iam senio serē confectus esset, quippe qui centum & quadraginta annos expleuerat, elegantem puellam, quæ cetura vocabatur, uxorem duxit, ex qua tamen quinque mares liberos, ut attestantur sacra litera, procreauit. Quid de Iosepho Maria Virginis marito, Christi quæ nutritio multa commemorare? cuius integerrimam uitam, sanctissimosque mores, cum ipse Deus approbasset, aperto suo testimonio dignum esse censuit, cui, unigenæ filij sui mater, quam ab omni aternitate delegerat, matrimonio iungeretur, quo tempore iam longè natu grandior, ac pene decrepita esset. quo factō, quamuis corporum coniunctio secuta non fuerit, nihilominus tamen apparet, maximè probandum esse senile coniugium. immo uerò præter cetera summopere celebrandum. Cum unicus ille Dei filius, rerum omnium auctor & moderator Christus, ex ea virgine nasci uoluerit, quæ cum homine admodum scne matrimonij sacramento fuisset antea copulata. quam igitur malenoli animi, quamque improbi est, id improbare, quod non tantum sanctissimi uiri, sed etiam Deus ipse statuit honestissimum & præstantissimum esse? Sed inutile est ac minime necessarium senile matrimonium. Hic mihi uenit in mentem affirmare, quod initio dixeram, in senectute magis necessariam esse coniugem, quā in iuuentute. nam quod tempus uitæ quæ atas officio curaquæ magis indiget, quam senectus? quod autem fidelius atque gratius officium quam quod à fidelissima & gratissima coniuge præstari solet? quamuis enim aliquis plurimos seruos & administratos habeat, qui diligenter assideant, qui uel nutu solo domini uoluntatem intelligant, qui, quod aiunt, ad digiti crepitum obediant. hæc tamen omnia mehercule cum una gratæ uxoris colloctione minime sunt conferenda. hæc cum summa & admirabili pietate semper assistit. hæc diligentissime & accuratissime quæ necessaria sunt in domo præparat, hæc quid cupias, cuius rei indigeas, statim intelligit. hæc si doleas, uultu merorem præ se fert. & grata sedulitate suam erga te fidem & amorem ostendit. si melius habeas. & aliquanto fias hilarior, illam confestim recreari letioremque fieri uidebis. denique læticia meroris, spei, timoris, omnium affectionum tuarum in ea semper expressa uestigia conspicias. Age uero quid in morbo gratius atque utilius est, quam eam habere, quæ morbi tui quodammodo particeps esse uideatur? quæ te nunquam deserat? quæ cum amore non fucato, sed puro ac sincero tibi seruiat? quæ sollicita circa lætum assidue uersetur, & quicquid opus est, ocyssime præparet? Equidem doctissimi uiri Minucij Calui necessarij mei sententiam summopere laudo, qui cum cum graui ter decumbentem, magnoque morbo implicitum sæpius inuisam, solet interdum mihi dicere, cum primum sibi meliusculè factum esse senserit, se decreuisse

creuisse uxorem ducere, nullum enim aut esse vita tempus, quo magis viro sit vxor necessaria quam in senectute, propterea quod etas illa plerunque debilior atq; infirmior sit. quo fit vt auxilio, & societate magis indigeat. neq; illa fideliorē coniunctionem inueniri posse, quam uxoris & mariti. quorum alter pro altero, si sit opus, vitam profundere sit paratus. quod enim, inquit, maius esse potest, in senectute solatium, cum aut etate, aut morbo premeris, quam sociam vxorem habere, qua cum ea proferre possis, quæ sepe numero cum alijs proferre pudor etatē? cui tuō vitam tuam committas? cuius studium, & industriam erga te singularem plurimum adames? cui rerum omnium tuarum curam sine ulla perfidie dubitatione tribuas? cuius diligentia tu securus in utranque, quod aiunt, aurem quiete dormias? Seruorum enim genus, inquit, infidum, & barbarum esse non ignoras. & plerunque scelestum, atque ab omni pietate prorsus alienum. vt non immeritō dictum sit? Quot seruos habemus totidem nos hostes habere quamuis enim in ministrando nonnulli paulo diligentiores esse videantur, tamen si quis oculos posset in eorum pectus inferere, videret ibi maximam animi maliciam. ingens in dominos odium, incredibilem rerum omnium negligentiam. videret eorum animum perniciem domini perpetuō molientem, eiusdem calamitatibus, & miserijs gaudentem, quamuis tristitiam vidu præ se ferre videantur. denique, vt quod res est breuiter dicam, nihil à seruis amanter, nihil officiose, nihil ex animo perficitur. Horum igitur ministerio, si quis vxoris fidelitatem, & caritatem comparet, nonne fluctissimus esse videatur? quanta enim beniuolentia, quo amore, qua fide, maritum suum vxor optima prosequitur? quam clarē, & apertē sincerum animum suum, atque ab omni simulatione penitus alienum ostendit? quantum in aduersis rebus est vxoris sollicitudo grata. quantum in prosperis iucunda leticia? Sed hæc non curat iuuenis, immò neque videt. qui etatis seruore, quasi extra se positus, nihil aliud ab vxore præter voluptatem petit, neque putat aliud in matrimonio boni esse præter coniungendorum corporum libidinem. Et quisquam dubitabit, cum hæc intelligat, quin vxor seni magis necessaria sit, quam iuueni? cum hic ab vxore salutem, ille tantum voluptatem expetat? hunc uxor conseruet, illum oblectet? hic animi constantiam ac fidem, ille corporis gratiam, & venustatem intueatur? hic vt habeat, quæ sibi fidelissime necessaria subministret, ille quæ cupiditatem expleat, uxorem adsciscat? Hæc & huiusmodi verba plurima cum uir ille prudentissimus me præsentē dixisset, audacius etiam hanc causam Princeps optime suscepi. maiorem enim in modum confirmantur nostra consilia, cum à sapientissimis hominibus ea probari videremus. sed aiunt aduersarij senem illum, cui Reipub. cura commissæ sit,

M. AN. MAIORAGII

non posse simul & uxori inservire, & rectè Rempub. administrare. quò nullum videntur firmitus argumentum contra senile coniugium habere. sed hoc quam firmum sit, iam liquido constabit. nam ipsi profecto vident, quantam senum multitudinem hac oratione sua non comprehendant, cum penè sint innumerabiles qui Remp. nunquam attigerunt, ut istorum concessu qui remoti sunt ab administratione Reip. senes possint uxorem ducere, neque id istis improbandum esse videatur. verum cur etiam iuuenibus qui publica negocia tractant, uxorem non admittit? cur enim magis seni quam iuueni Remp. capeßenti coniunx est impedimento? quin illud etiam vos interrogo, si iunctus matrimonio senex ad Remp. accesserit, sit ne vxor ei repudianda? si hoc affirmare volueritis, vos hæreticæ prauitatis accusare non dubitabo. qui contra sanctissimas leges, & Christiana decreta sentiat, quæ mulierem eam, quæ semel in viri manum conuenerit, repudiari nefas esse statuunt. quod si non est repudianda, cur igitur non liceat. Reipub. administratori, uxori se coniungere quam si habeat, sacrosanctæ vetant leges dimittere, nulla verò lex ducere prohibet? sed quid vxor impedit, quo minus rectè Respub. ministretur? quin potius contra, si quis diligentius aduertat, facile intelliget, fidelem uxorem, non modo nulli esse impedimento, sed etiam senatori maximo esse adiumento: quæ dum foris maritus negocia tractat, & curiam ac forum frequentat, ipsa domi rei familiaris curam suscipiat, & provideat, quæ ad vitæ cultum sint necessaria. neque enim ferè fieri potest, ut ea domus rectè gubernetur, quæ prudentis mulieris sedulitate non vtatur. quare merito clamat sapiens quidam græcus, bonam mulierem esse familiæ gubernaculum. potest igitur senex ille, qui Reip. clauam teneat, securus esse, dum sagacem domi uxorem habuerit. quæ si careat duplici cura distractus & publica, & priuata non satis accurate, quæ sunt agenda poterit efficere. Sed quæ hactenus aduersarij nobis obiecere, lenissima fuerunt. atque ideo cuncta facile, & quasi molli brachio repulsi. nunc difficilis quidam nodus, & pene herculeus restat, atque is quidem generatim contra senes uniuersos. quem tamen, ut spero, & rationum uiribus, & exemplorum copia proscindemus. contendunt enim aduersarij senem hominem non posse filios procreare. quem vnum ipsi matrimonij fructum esse statuunt. nos uerò quamuis hoc esse maximum facile concedamus, non tamen hac de causa gradu dimouemur. iam enim docuimus in coniugio multas esse commoditates, quæ magis ad senem, quam ad iuuenem pertinere videantur. quod si etiam hac facultate generandi senes non carere docuerimus, quid erit cause, cur non de aduersarijs nostris palmam & triumphum gloriose reportemus? Sed illud aduertendum est, nos hanc totam dissertationem

non ideo instituisse, ut iuvenes cum senibus conferamus, sed ut ostendamus matrimonium etiam in senectute multò esse honestissimum. scimus enim & fateamur iuvenes ad libidinem, & intemperantem uoluptatem senibus esse prouiores. atque etiam, ut isti uolunt, ad gignendum aptiores. nemo tamen hac de causa dixerit, senes à coniugio repellendos. quamquam si quis modo senex paulo robustior ac ualidior fuerit, qualem te Princeps optime uidemus, ne in hac quidem parte multum iuuenibus cedit. neque enim est, quod quisquam uereatur, cum te modestissima coniunx tua tam uegetum, & bene ualentem habeat, ut iuniorem maritum desideret. aiunt Ciceronem, cum eum quidam obiurgarent, quod homo sexagenarius puellam uirginem duxisset, facete respondisse; Cras mulier erit. cognitae enim uires suas habebat, neque dubitabat quin esset uiriliter officio suo satisfacturus. natura rerum indagatores tradunt puellam longe facilius & citius ex senē, quam ex iuvene concipere, cuius rei perspicuum est signum ceturę fecunditas ex qua senex admodum Abrahamus, sicut antea diximus, filios quinque progeniuit. nostrates etiam homines uulgo dicunt, puellam sub cana barba iucunde uiuere. quòd senex uni dedit uxori plene soleat ei satisfacere, cum interim iuvenes propter intemperantiam saepe relicta uxore cum scortis uoluentur. quid quod etiam arbores, quo magis senescunt, eo maturius ferre fructus solent? nam graues auctores Theophrastus & Plinius scibunt, amygdalam, & pyrum in senecta multo esse fertilissimas. apud ignobiles homines, inquit Plinius, usque ad quintum & octogesimum annum uulgaris generatio reperitur. Rex Numidarius Massanissa, cum sextum & octogesimum expleset annum, Methymantum filium procreauit. Quid nostra memoria Galeacius Vicecomes homo spectatissimus, nonne septuagesimum annum agebat, cum ad uxorem animi appulisset duos tamen filios, qui uiuunt adhuc, uidemus eum genuisse. Iam uerò memoriae proditum est, Catonem illum antiquę grauitatis, & seueritatis admirabile speculum & exemplar post annum octogesimum Salonij clientis sui filiam uxorem duxisse, filiumque ex ea progenuisse, qui postea spectatissima probitatis atque integritatis fuit. qua de causa factum est, ut ceterorum Catonis liberorum propago Liciniana cognominata fuerit, hæc uero Saloniana, de qua natus est ille Cato, qui post mortem Vticensis fuit appellatus. hic iam animo quieto & securo esse debemus, postquam Catones censorios nostrę causę patronos inuenimus, ut qui primus apud Romanos eloquentiam illustrauit. idem etiam in hac causa seipsum auctoritate sua atque uita grauitate defendere uideatur, & exemplo suo senile matrimonium comprobare. neque enim existimare quisquam debet, catonem illum, qui cum censor esset, tanta seueritate fuit, ut inde censorij cognomen inuenerit, cuius tanta uita fuit integritas & sapientia ut innocentissimi, ac sapientissimi homines ab eo Catones appel-

lentur, cuius nomine quicquid est honestatis & laudis ubique comprehenditur, nisi maxime laudandum esset senile coniugium, uxore in senectute fuisse ducturum. Sed quid antiquitatis memoriam persequimur? Cum tu Princeps optime maximum huius aetatis decus & ornamentum, qui non tantum vestri temporis homines. Verum etiam hos ipsos, de quibus modo agebamus Catones uirtute superasti, quamuis sexaginta iam annos excesseris leuissimam hanc puellam tibi matrimonio coniunxeris? quis igitur posthac tam impudens erit, ut eum improbare audeat, qui uxorem in senectute duxeris? quis non potius à te sicut omnium uirtutum, ita huius etiam rei laudabile exemplum cupiat? Iam ergo taceant aduersarii nostri, dent manus, & aliquando ueris argumentis, & sapientissimorum hominum exemplis se uictos esse fateantur. quis enim amplius de coniugij senilis honestate dubitet? cum & ipsum per se matrimonium honestissimum esse intelligat, & uxorem seniliorem, ac magis necessariam quam iuueni demonstratam sit, & homines omnium sapientissimi ducere uxorem in senectute uoluerint? quis iam id improbare audeat, quod ipse Deus in Abrahamo & Iosepho comprobauit? quis id effugiat, quod Catones persecuti sunt? quis te princeps optime non imitari uelit? cui singularis & eximia uirtus tua bene cognita fuerit? quis homo iam etate prouectiore non animum ad uxorem ducendam applicet. qui te tanquam laudandarum rerum omnium pulcherrimum exemplar ob oculos sibi proponat? & cum hac uxore tua formosissima pudicissimaque iucundissime uiuentem perspiciat? Hæc habui P.C. quæ super hoc nouo principis huius ordinis nostri matrimonio mihi dicenda esse breuiter existimarem quæ uobis grata & iucunda extitisse, cum ex summa attentione uestra, tum ex uultu crebrisque significationibus intellexi. Quod reliquum est patres, ut matrimonium hoc felix, faustum, fortunatumque sit. cum salutis communis atque huius imperij, tum ipsius principis uestri causa, sicuti facitis, uelle & optare debetis. saxit igitur Deus Opt. Max. Ut ista quidem corporum tam egregia copula longum in tempus prorogetur, sed tamen sitis animorum coniunctione beatiore. tuque princeps optime, tuam hanc uxorem uice diligas, hæc uero tibi in amore pariter aequaliterque respondeat. & pulchra breui tempore prole potiamini, quæ maximas emulando parentum laudes amplificet. & amicus atque atavis omni genere uirtutis antecellens, clarissimum utriusque uestrum genus, etiam, si fieri potest, clarius & illustrius efficiat.

31

SCRIPTA NOMINE

... Iurisperiti; qui petit, vt in Col-
legium Iurisconsultor. Medio-
lanensium cooptetur.

O R A T I O. IV.



Cum illam præclaram & æternam naturæ legem contueor, P. C. qua perpetuo quodam & immutabili tenore cuncta geruntur, uniuersus mundus administratur, omnia certum ac definitum ordinem seruant, quæ Deus ea, quæ intelligentia percipiuntur, Solea, quæ sensu comprehenduntur, regit, & conseruat: videor mihi quandam legum nostrarum & ciuiliū & Pontificiarum imaginem atque effigiem uidere. quibus non aliter omnes humana actiones ad optimum illum iusticiæ finem diriguntur, atque Ortus & Occasus siderum, & Solis splendor ac motus ad rerum omnium quæ sub Luna globo sunt, generationem. hoc enim quotannis aspicere licet, cum à nobis cælestis ille fulgor, calorque Solis recedere incipit, omnia quodammodo statim exanimari terram suis omnibus ornamentis spoliari, folia ex arboribus decidere herbas exarescere, omnia plena horro-
ris, plena frigoris, nullam viriditatem, nullos flores, nullos fructus apparere. cum autem verno tempore iam sol propius ad nos accedit, ecce iam rerum omnium incredibilem quandam ac mirificam alacritatem, vt omnia letari, omnia quodammodo videre videantur, iam terra sese aperit, iam herbas viventes, flores amenissimos, fructus suauissimos emitit: & quo magis Solis calor inualescit, tanto maturiores, & uberiores fruges emetuntur, itaque medio Solis calore frumenta quibus potissimum humana uita suscitatur, in horreis congregantur, neque ita multo post læticia Bacus dator sua nobis munera largitur spumat plenis vindemia labris. an non idem accidit in legibus nostris? cum enim à ciuitate leges recedunt, statim sublequitur rerum omnium confusio, iudiciorum vincula reuelluntur, uitæ communis ratio tollitur, nihil est quare cuiquam exploratum possit esse, quid suum aut quid alie-
num sit, nihil est quod æquabile inter omnes, atque unum omnibus esse possit, fiunt ubique furta, latrocinia, cades, adulteria, potentiores, & corporis viribus

M. AN. MAIORAGII

uiribus excellentiores crudeliter & superbe dominantur, imbecilliores & tenuiores miserabiliter & impie deprimuntur, omnis denique uita priuata legibus belluino potius ac ferrino, quam humano more degitur. Sed cum sanctissimarum legum splendor affulsit, statim e medio tollitur omnis improbitas, & regina ac domina uirtutum iusticia regnat, uitia hominum atque fraudes damnis, ignominijs, uinculis, verberibus exilijs morte multantur. Verus autem iustus atque honestus labor honoribus premijs atque splendore decoratur. quocirca non sine summa ratione clamat ille Philosophorum Princeps Aristoteles in legibus Ciuitatis salutem esse constitutam, & eloquentia parens Cicero non minus uerè quam eleganter ita inquit, Mens & animus & consilium, & sententia ciuitatis posita est in legibus, ut corpora nostra sine mente, sic ciuitas sine lege suis partibus ut nervi ac sanguine & membris uti non potest. legum ministri magistratus, legum interpretes iudices, legum denique idcirco omnes serui sumus ut liberi esse possimus. ò admirandam legum diuinitatem, ò societatis humana conseruatrices leges, uirtutum indagatrices expultriceque uitiorum, sine quibus nihil in hac uita securum, nihil quietum, nihil tranquillum esse potest bis ego pascor his delector his perfruor. Etenim P. C. multa quidem sunt etiam alia studia preclara & nobilia, ut Rhetoricæ, Philosophiæ, Medicinæ, sed tanta est iuris ciuili præstantia, ut si cum ea reliquæ omnes ingenuæ, ac liberales artes conserantur, ne minimam quidem partem dignitatis eius æquare uideantur. Quæ cum ego iam inde à pueritia partim parentis mei clarissimi uiri præceptis & admonitionibus eruditus, partim huius ordinis uestri amplissimi, atque ornatisissimi fulgentissimo splendore commotu, uiderem, in hac potius diuina legum scientia, quam in alijs studijs mihi esse laborandum statui. Cum præsertim mihi quasi stimulus quidam, & maximum incitamentum accederet. uirile præstantissimus, & diuinā quadam mente præditus Philippus Saccus, qui tibi ordini uestro longo tempore maxima cum omnium non solum laude & gratia, sed etiam singularium uirtutum admiratione præfuit. is enim cum me die lustrico de sacri baptismatis fonte suscepisset, quasi secundi patris etiam amorem erga me suscepit & cum ipse, quod nemo uestrum ignorat legum summa cognitione ueteres illos, Vlpianum, Papinianum, ceterosque insignes Iurisconsultos æquaret, iusticia uero, integritate uitæ, & respondendi facilitate superaret, me tanquam filium frequenter adhortabatur, ut eandem uiam ingressus omni studio, labore, atque industria conarer quamprimum iuris ciuili lauream assequi, se enim aiebat uehementer optare illum diem uidere, quo me in hoc amplissimum ac celeberrimum collegium cooptaret. sed cum iam ad decrepitam ætatem peruenisset, mihi tanto magis properandum esse dicebat, ut eo uiuente studium meum absoluerem. Verum quoniam

hoc

I. Rhet.

Pro Au.
Clementio

hoc illi fata non conceſſerunt, te quem præſentem ueneror, & cuius excellentiam fidem integritatem non minus quam anteceſſoris tui Sacci omnes admiramur. Marce Barbararia, quaſi vicarium huius operæ, ſiquis eſt ſenſus mortuis eorum, quæ hic fiunt, obteſtatur, ut in me tuendo atque extol-
lendo ſuas partes ſuſcipias, & quod ipſe uiuens facere non potuit, tu illi ſuper-
ſtes, in eius gratiam quem ſemper obſeruãſti, & coluiſti, me in hunc præſtan-
tiſſimum iuriſconſultorum ordinem admittas. hoc non tantum illi mortuo,
vel potius immortalitatem iam adepto gratum erit, ſed etiam viro illi nun-
quam ſatis Laudato Francisco Sfondrato, qui cum Sacco teſtis patriſque loco
mibi fuit, quo tempore Chriſtiano more Sacro Baptiſmate me ſacerdos abluit,
erat enim ea tempeſtate Sfondratus huius veſtri ordinis Secundus, & Cæ-
ſaris conſiliarius, poſtea vero, propter eximiam ac ſingularem doctri-
nam, & virtutem Cardinalis creatus diem hunc, quem ſe cupide expectare mihi ali-
quando dixerat videre non potuit. illud tamen me non mediocriter conſola-
tur quòd ex tribus, qui mihi tanquam patres in ſacro baptiſmate adſuerunt
vnus adhuc ſuperſtes eſt, & præſens adeſt, quem ego ſumma cum leticia, at-
que animi alacritate intueor, cuius in vita tanquam in ſpeculo quodam, uideo
virtutum omnium, non adumbrata ſed expreſſa veſtigia, qui non tantum iu-
ris, quam iuſtitiæ conſultus eſt appellandus, cuius ab ore, quod de Neſtore di-
xit Homerus melle dulcior fluit oratio, qui ſi quando uehementius agere uo-
luerit Periclis more, tonare, fulminare permiscere animos conſuevit, quæritis
qui nam ſit ille, quem non ſolum ego tantopere admiror ac ſuſpicio, ſed etiam
vos P.C. atque alij omnes honorant ac uenerantur? in hic adeſt Gabriel Pa-
nygarola decus & ornamentum collegij, Flos illiba:us populi, ſuaque me-
dulla quod olim Ennius de Cornelio Cethego prædicauit. Longum eſſet de uo-
bis alijs omnibus dicere. P.C. & doctores clariffimi qui iam diligentia ac labo-
re veſtro, ad eam dignitatem perueniſtis ad quam: Pauci quos æquus amauit.

Iuppiter, aut ardens euexit ad æthera virtus.

Dijs geniti potuere. qui tanta prudentia religione ſanctitate præcellitis, ut
nulla regio ſit in terris ad quam nominis ueſtri, fama non peruſerit. facilius
enim eſſet Solem a curſu ſuo deſcendere, quam iudiciorum veſtrorum immuta-
bilem atque incorruptam conſtantiam ab æquitate iuſtitiæque dimouere. Ac
mibi quidem cum multis alijs de cauſis immortalis Deo maximas agendas eſſe
gratias exiſtimo, tum præcipuè quia in hac patria tam excellenti, in hoc, tot
præclariffimorum uiro-
rum domicilio mihi naſci contigerit. cum enim hæc ciui-
tas noſtra, & agrorum ubertate, & artificum ſcientia & multitudine earum
rerum quæ exportantur, & denique rerum omnium copia ceteris omnibus
antecellat, tum diuina atque incredibili prudentia ac ſapientia ueſtra tam re-
cte gubernatur, ut neque centum Romanorum ſeniores quos Romulus pri-

M. AN. MAIORAGIO

num instituisse dicitur, neque Amphychonum confessus, neque Areopagitarum seueritas ulla ex parte cum integritate uestra comparari possit, quantum enim in uobis est, omni diligentia prouidetis, ut nulla sint inter cines discordia, nulla lites, nullę seditiones, sed ubique pax, ubique concordia neque aliter uni uersam hanc Remp. amatis et caram habetis, quam optimi parentes filios suos. Me igitur hactenus semper felicem existimaui, quod in hac ciuitate satis honesto loco bonisque parentibus natus fuerim, sed nunc multo feliciorę me futurum spero, cui uobiscum uersari, uestras honestissimas actiones intueri, uos imitari postea licebit. nā quoties mihi uenit in mentę beneficium uestrum immortale recordari, quod me unum ex uobis esse uolueritis, quoties forum nostrum, quoties curiam cogito, quibus in locis tanquam in theatro quodam omnis iusticia me quotidie exercere potero, statim omnibus leticijs incedo, uobisque quas possum, non quos debeo que sunt infinita, gratias ago, neque unquam atas ulla tanti beneficij memoriam ex animo meo delebit. illud unum de me polliceor ac spondeo me omnibus uiribus elaboraturum ac re ipsa prestaturum, ut huius in me collati beneficij neminem unquam uestrum pœniteat.

PRO OCTAVIANO ROVERTA,
Tarracine, Episcopo, dum in Acade-
miam Mediolanensem
reciperetur.

ORATIO V.



QUIS vestrum Academici forte mira-
tur sapientissimi viri philosophi dixerint, ex om-
nibus animantibus hominem maxime naturæ
ipsius instinctu atque desiderio, nihil solitarium
amare, sed ad cætus & concilia cum quadam im-
mensa voluptate trahi, natumque esse ad con-
iunctionem congregationemque hominum, &
ad naturalem communitatem, is si mentis ocu-
los ad omnes hominum ætates, atque ordines
diligenter intueundos conuerterit, statim & philosophorum sententiam proba-
bit, & neminem esse prorsus inueniet, qui non equalium pariumque suorum
consuetudine, atque societate mirifice delectetur. quod si quis fortasse reperia-
tur, qui hominum congressus societatemque refugiat, is uel communis omni-
no sensus expers est. & belluini planè moribus vitam agit, vel heroica qua-
dam ac diuina uirtute naturam hominis exuperat, ut non amplius hominū.
sed iam deorum commercio dignus esse uideatur, quales post homines natos.
qui diligenter annalium monumenta repetiuerit, vel nullos, vel certè paucissi-
mos fuisse comperiet. Qui uero neque philosophis credere uult, hominem esse
naturæ congregabilem, neque ad omnium ferè hominum consuetudinem re-
spicit, is hodierno die sapientissimi atque religiosissimi Antistitis. huius Octa-
uiani Rovertæ, qui ciuitatis nostræ magnum decus, & ornamentum est, fa-
ctum intueus, dubitare desinat. hic enim cum & acumine ingenij, & sapien-
tia, & auctoritate plurimum ualeat, ut neque ad augendam eruditionem suā,
neque ad prudentiam amplificandam, neque ad mores honestius conforman-
dos hac nostra exercitatione quicquam indigeat, naturali tamen appetitioni
repugnare nullo modo uoluit. Sed eum in Academia nostra nonnullas sum-
mæ suæ uirtutis imagines non leniter impressas, sed exquisita arte elabora-
tas quasi florere conspiceret, carum ut sit, affectus amore, confectum ad hanc
liuit.

animorum similitudinem accedere, & in collegium nostrum cooptari voluit, præsertim cum exploratum habeat, & luce clarius intelligat nostro huic ordini finem omnium optimum, quem remis, ut aiunt velisque petamus. esse propositum, cum enim tria sint, quæ in omni cætu concilioque sibi proponere homines ac sequi solent, honestum, utile, incundum, illud plerumque evenit, ut, prout unusquisque bene vel male fuerit institutus, cum in sociorum congregationem venit, ita sibi vel optimum finem, vel mediocrem, vel etiam leuissimum proponat. Quamobrem immanissimus quisque voluptatem que maxime est inimica virtuti, bonique naturam fallaciter imitando adulterat, acerrime sequitur, neque solum honestis rebus, sed etiam necessarijs anteponeit. quin etiam eos, qui adhuc in puerili ætate constituti sunt, qui nihil dum per ætatem ueræ laudis gustare potuerunt, alacres atque gestiētes videmus colludendi tantum gratia cum equalibus congregari. neque aliud ferè, cum una conveniunt, cogitare, quam ut appetitioni suæ voluptati-que satisficiant. quod plerique etiam iuvenes, atque senes malo cultu, pravisque opinionibus corrupti efficiunt. Verum hic finis voluptatis, quamvis in omni sensu implicatus innatusque sit, & à natura omni animantium generi tributus, tamen sapientissimi cuiusque hominis indicio. leuissimus omnium, atque abiectissimus est, & animo excelsò ac præclaro prorsus indignus. Sunt alij quidam indocti atque agrestes, qui anteferunt semper utilitatem honestatis, quibus tantum questus, emolumentum, fructusque proponitur, ad quem toto impetu rapiuntur, & habendi cupiditate usque excecantur, ut eos omnis honestatis capiat obliuio, qui sunt ab ingenuis ac bonis viris omnino vituperandi, vel potius contemnendi. Sed qui, cum inopia premantur, honestis artibus rem familiarem amplificare contendunt, non illi quidem optimum finem, sed mediocrem tamen, & laudabilem sequuntur. Rursum est quoddam genus eorum, qui tam humani expolitique sunt, ut rebus omnibus dignitatem anteponant, quibus laus, honor, gloria, fides, iusticia, omnisque virtus proposita est. qui ad concilia cætusque ea de causa libentissimè conveniunt, ut vitam suam sapienter instituant, ut animum excolant, ut omni genere virtutum esflorescant. quod hominum genus in terris, & hac mortali conditione, beatissimam illam celestem vitam quodam modo representat, & suavisimo uictu, purissimaque deorum ambrosia perfuitur. Equis est igitur uestrum Academici, qui non intelligat, hunc nobilissimum conventum nostrum, hunc lectissimorum hominum cætum, hanc florētissimam congregationem non alicuius vulgaris voluptatis, vel utilitatis gratia fuisse constitutam, sed ingenuo tantum quodam, & excellenti scientiæ, virtutis, honestatis, amore desiderioque non humano, sed planè diuino & siquidem diuinum est mentem, cui regnum totius ani-

nimi à natura tributum est, quæ nihil est in homine melius aut præstantius expolire atque exornare. Equidem in hoc cætu nostro neminem prorsus esse existimo, qui non rerum cognitionem, sapientiam, dignitatem, pluris quam diuitias, quam opes, quam omnia corporis, & fortune ornamenta faciat, & qui non omni studio, cura, diligentia talis esse contendat, ut omni laude dignus existimeretur. quod quidem honestissimum desiderium nostrum cum tu Octaviane Rouerta Antistes ornatissime atque optime cognouisses, quamvis ad eam iam pridem scientiam, atque sapientiam peruenires, ut ad summam absolutionem perfectionemque, vel nulla tibi, vel certe minima fieri possit accessio nostrum tamen in numerum aggregari voluisti, vel quia nulla tibi maior esse potest oblectatio, quam cum in eruditorum hominum cætu, de rebus egregijs, & cognitione dignissimis aut ipse loqueris, aut alios loquentes audis, vel quia nobis ciuibus tuis, quæ tua est in patriam singularis humanitas atque benignitas, ad optimum illum, quem nobis proposuimus veræ honestatis finem, te multum prodesse posse intelligis. quæ res profectò incredibilem nobis omnibus voluptatem attulit. Atque ut intelligas quod fuerit omnium nostrum iudicium, cum de te in Academicam recipiendo consultarem, quæso ut me patientissimis auribus, sicut hætenus fecisti, adhuc parumper audias. dicam enim non tui laudandi gratia cuius animi ab omni ambitione penitus abhorreere sentio, sed testificandæ nostræ erga te obseruantia, quemadmodum inter nos te absente res gesta sit. Proposueram ego, si maiori parti visum ita fuisset, te paratum esse nostram in societatem venire atque in Academicorum albo conscribi. incideramque in laudum tuarum immortalitate dignissimarum mentionem, cum me interpellans hilari vultu Princeps noster confestim eam sententiam dixit, quam ad vnum omnes maxima cum assensione plussuque comprobauimus; Non diutius esse cunctandum, quin te statim admitteremus. Quid enim (inquit) Academici nobis optatius accidere potest, quam vt eum virum, nobiscum habeamus, qui omnibus optatis nostris satisfacere facillimè possit? ac valeat? Nam vt video, tria sunt, quæ nos in hoc cætu nostro nobis acquirere magnopere desideramus primum, ut scicnter intelligamus, alterum, vt politè eloquamur, tertium, vt prudenter agamus, quæ tria si consequi potuerimus, tum demum nos uerè homines esse putabimus, ad hæc enim natum est hominum genus, & qui in his excellit, quantum homines bestijs præstant, tantum hominibus ipsis antecellit. Quis autem est, qui hæc omnia plenius ac perfectius omni sibi industria comparauerit, quam hic noster ciuis, de quo

M. AN. MAIORAGII

sermo nobis institutus est, Octavianus Rouerta? nam primo quanta sit eius rerum omnium tam diuinarum, quam humanarum cognitio atque intelligentia, testes omnes esse possunt, quicumque aliquid de scientiis ac litteris iudicare sciunt, ut nihil tam anceps aut dubium sit, nihil tam inuolutum a natura, nihil tam abstrusum atque reconditum vel in ijs rebus quæ sensu percipiuntur, vel in ijs, quæ tantum cogitatione mentesque comprehenduntur, quod ille non in promptu semper habeat, ex qua rerum tam multiplicem cognitione nascitur acerrimum, quod maxime nos expetimus, de omni genere scriptorum iudicium, quo quidem ille ferè cæteris omnibus antecedit. Iam quantum dicendi facultate, quantum eloquentia valeat, vos, qui eum frequenter audiistis, iudicare facillime potestis. quam enim aperte, quæ prima virtus est eloquentiæ, sensa mentis explicat? quam distinctè, quam aptè, quam ornate cuncta eloquitur? ut ab eius ore, tanquam Nestoris illius Homerici melle dulcior fiat oratio, quam totius corporis actio gratissima comitatur, ut eum audientes nulla unquam satietas, nullus labor, nullum similitudinis fastidium capiat. quæ suauitas orationis, & elegantia, quod paucissimis accidit, non tantum in sermone, sed etiam in eius scriptis elucescit. Age verò quis eius vitæ integritatem sanctitatemque non agnoscit? longissima sane opus esset oratione, vel potius volumine, si præclarissimas eius actiones, & verè Christianas omnes explicare contenderem, ut omnia prudenter, iustè, fortiter, temperatè conficiat. ut nihil in eo nisi pium & religiosum innociatur, ut denique talis sit, qualem esse perfectum sacrorum Antistitem, & summi Pontificis Legatum oporteat. quantum porrò celebritatis atque gloriæ nostro huic concilio accesserit, si tam eximium virum nobiscum habuerimus? hunc igitur, qui, nisi sua sponte se se obtulisset, summis à nobis precibus rogandus fuisset, obuijs vnius excipiamus, hunc omni qua possumus obseruantia prosequamur, hunc suspiciamus, colamus, veneremur, cuius exemplo atque doctrina, & acutè intelligere, & politè eloqui, & præclare agere possimus. cuius denique præsentia maximam Academia nostra gloriam consequetur. Hæc postquam à Principe nostro dicta fuerunt, nemo fuit quin voce, & significatione maximum animi gaudium ostenderit, quin omnibus læticijs incesserit, quin album statim calculum adiecerit. Sperat enim unusquisque nostrum te moderatore omni genere virtutis abundantissimo, ad exoptatam nostri curriculum metam longè citius & facilius peruenire. hoc nostrum est de te iudicium Antistes religiosissime, nostra spes, nostra expectatio, ut ad eum finem quo velis passis omnes properamus, tu non tantum sis adiutor

tor nobis , sed etiam quasi gubernator in puppi sedens , clarumque te-
neas , nos enim ut pro omnibus pollicear , semper promptos, & alacres vi-
debis, etiā resistentibus aliquando ventis tecum tamen constanti velifi-
catione , ad tranquillitatis atque salutis animorum portum om-
ni studio contendere . Quare quod felix faustumque sit
omnibus nobis tibi que nobiscum Academicus esto,
tu vero scriba noster celebre dulceque no-
men Octaviani Ruerti Terracinen-
Episcopi Summi que Pontificis
Legati in Academicorum
albo nostris no-
minibus
ad
scribito.

PRO IOANNE STIBIO,
Pont. max. Commissario decumano,
dum in Academiam Mediola-
nensem reciperetur.

ORATIO VI.



T si bene & sapienter illud ex auctoritate prin-
cipis, consilioq; eorum, qui in Academia nostra cæ-
teris prudentia præstant, mihi nuper decretum et
constitutum fuisse uidetur Academici, ut quos in
collegium nostrum cooptatos admittimus, nõ eos
multis laudibus coram extollamus, neq; magno-
pere exornemus, sed potius ad labores toleran-
dos, & subeundas uigilias adhortemur, tamẽ quia
perspicuum est in adhortatione plurimum uale-
re, si laudes eos, quos adhortari uolueris, dabitis ut spero, hanc mihi ueniam
huic causæ uehementer accommodatam, ut dum huic eximium præstanteq;
virum Ioannem Stibium quem propter egregiam & singularem uirtutem
Summus Pontifex Iulius tertius multis & magnis affecit honoribus, in Aca-
demiam nostram recipio, nonnulla breuiter commemorem, quæ uobis cum
nondum fortasse bene cognitum paulo commendatiorem efficiant. Quod Si mi-
hi non conceditis, ut speci. tim singulas eius uirtutes, quæ plurimæ sunt accu-
ratè persequar, illud saltem, quod ad rem præsentem facit hilari vultu concedi-
te, ut generatim aliqua de summa eius industria, studio, doctrinæ cupiditate
dicere coram uobis ipso præsentem liceat, prius quam ad eam orationem accedo,
quæ illum adhortatione mea iam sua sponte satis incitatum, magis etiam Si
fieri poterit, incendam atq; inflammem, ad arduum honestatis atq; dignita-
tis collem, quem maxima iam ex parte peruasit nobiscum unà penitus superã-
dum. Maxima enim profecto me ipsum reprehensione dignum existimarem, si
in hoc tam excellenti uiro in societatem nostram recipiendo tam exquisitã
eius in omni genere uirtutis industriam, tam incredibilem optimarum artium
cupiditatem tantum ardorem mentis ad gloriam tacitus præterirem. quæ qui-
dem non obscuris aut incertis aliquibus signis, sed apertissimis indicijs, &
luce clarioribus argumentis intelliguntur. nam qua ratione fieri potuisset, ut
in ætate tam iuuenili tam uariam & multiplicem sibi scientiam acquireret,

ut & inuisconsultus factus sit egregius, & omnes philosophiæ partes non leuiter attigerit, & mansuetiores musas non tantum degustarit, sed etiam, ut poetice de elegantissimo poeta loquar, Se totum in castalio fonte demerserit nisi maximum ab ineunte puericia fuisse in eo studium maxima assiduitas, vehementissima ad omnes ingenuas artes animi applicatio. Quid quod iam permultos annos in publicis negocijs occupatus, & summo Pontifici uarijs in rebus honorifice deseruiens nunquam tamen intermisit studia literarum? sed quoties successina aliqua tempora nancisci potuit, illa nunquam interire passus est. quicquid enim alij corporis uoluptatibus tribuit, id totum ipse sibi ad animum suum doctrina excolendum temporis sumpsit. Quoties ego hunc audiui cum in domo religiosissimi doctissimiq; sacrorum Antistitis Octauiani Rovertæ Terracinenfis Episcopi frequentes conueniremus quoties inquam, hunc audiui de reconditis atq; arduis rebus acutissime atq; ingeniosissime disputantem? quoties uidi summa cum attentione siquid ab alijs diceretur, quod ad eruditionem augendam aliquo modo pertineret audientem annotantem, & siquid dubitaret interrogantem, siquid parum scite diceretur acerrime quidē, sed cum incredibili tamen comitate, atq; astantium uoluptate resellentem? Nihil hoc loco dicam, quot & quantæ in eo sint ingenij suauitates, quam amabiles, atque ingenui mores, quam immensa rerum omnium modestia. tantum enim de singulari eius industria mihi hoc tempore dicendum esse proposui, quæ cum in omnibus honestissimis eius actionibus tum etiam in scriptis elegantissimis maxime perspicitur. quamuis enim cum Bartolis, & Baldis assidue sit ei consiliandum. tamen quoties ab eis inducias aliquas impetrare potest, tanto ingenij acuminis, tanta elegantia tantoq; artificio & latina illa uetere, & hebrusca hac recentiore lingua uersibus ludit, ut plane poetica mella fundere videatur, quod siquid accuratè cogitaretq; scribit, illud sic uideo probari, ut ad ueterum scriptorum laudem perueniat. Sed quid pluribus opus est argumentis? an non hoc ipsum quod in Academiam nostram admitti. tantopere flagitauit, maximam eius industriam ostendit? qui cum absit à patria sua multis ac uarijs negocijs distractus, ut uel nullum ei uel certe minimum ocium supersit. sireni bus tamen Academiæ nostræ longe magis salutaribus, quam illæ quondam fuerint in quas Vlysis socios incurrisse scribit Homerus. aures patentes admouit, quæ suauissima iucundissimaq; uoce uiros omnes industrios atq; præsantes ita ad se sub Vlysis nomine continentes aduocant. sed quæso mihi hoc alacri animo concedite Academici, ut in hac oratione, quam pro dulcissimo peneq; diuino poeta coram uobis habeo, liceat poetarum uersibus, & uerbis, & figuris atq; etiam pronuntiatione parumper exultare. his igitur uerbis Sirenes Academiæ nostræ cum alijs plurimos scientiæ cupidos homines tum hunc eximium uirum Ioannem Stribium sub Vlysis nomine ad sese allexerunt, ut cum longe doctio-

M. AN. MAIORAGII

doctiorem & dulciorem poetam efficiant;

O decus Argolicum, quin puppin flectis *Vlyses*

Auribus ut nostros possis agnoscere cantus?

Nam nemo hac unquam est transuectus *cerula cursu*

Quin prius astitit uocum dulcedine captus

Post uarijs audio satius pectore *musis*

Doctior ad patrias lapsus peruenit oras.

Quare statim his tam iucundis uocibus allectus, & præcipue scientiæ desiderio, quam illi nostra *sirenes* pollicentur, quæ quidem viro sapientiæ cupido patria ipsa multo carior esse solet, inflammatus, se totum huic concilio nostro cætuique tradidit, & nostris deinceps legibus atque institutis uiuere decreuit. Nunc ad te me conuert: *Ioannes* *Sibi* uir ornatissimè atque optimè, ut id efficiam quod spectatores in *Theatro* ludis *Circensibus* efficere solent, cum, ut poëta noster ait,

præcipiti certamine cursum

Corripuere, ruuntque effusi *carcere currus*,

Cum spes arrectæ iuuenum, exultantiaque haurit

Corda pauor pulsans . . . non enim tardos, & negligentes sed eos, quos longè cæteris promptiores & alacriores ad cursum vident, significatione, plausu, clamore ad victoriam adhortantur. & quo propius ad metam accedere cōspiciunt, eo vehementius acclamationibus suis incendunt, sic ego te iam pridem omnibus neruis & facultatibus optimarum artium studijs deditum oratione mea ad eam, quam proximè iam accessisti summæ laudis metam cohortabor. hæc est enim una via, mihi crede, & laudis, & dignitatis, & honoris. primo, sicuti facis, dies ac noctes magna cum diligentia ingenuis artibus incumbere, deinde cum bonis uiris & sapientibus. & benè natura constitutis versari, consuetudinem habere, colloqui, de rebus honestissimis differere. tum id unum esse optimum putare, quod erit rectissimum. denique omnia fugiende turpitudinis, atque honestatis adipiscende gratia conari. quam uiam secuti sunt ueteres illi sapientissimi uiri *Socrates*, *Plato*, *Xenocrates*, qui *Academiā* illustrarunt, aliique penè innumerabiles, qui nomen suum in orbis terræ memoriam sempiternam disseminarunt. in qua cum hætenus maximos iam progressus feceris, nunc manibus pedibusque nobiscum tibi elaborandum est, ut ad summum tandem aliquando verticem euadamus, ubi quemadmodum uetus ille poëta sapientissimè cecinit;

Planicies ignota iacet, tutique receptus.

Semper ubi fessa valeant requiescere mentes.

Hanc autem ueræ salutis uitam ea ratione facile superare, atque perficere poterimus. Si *Magorum* illud præceptum utilissimū diligentissimè seruauerimus.

III.

mus, qui discipulis suis præcipere consueverant, ut cum iter facerent, ne unquam omnino respicerent, & illud Pythagoræ, qui quodam in Symbolo suo per eandem viam reuerti prohibet. noluerunt enim prudentissimi viri nos admonere, ne cum honestatis dignitatisque curriculum semel ingressi fuerimus, iterum ad corporis voluptates respiciamus, quæ ita in omni sensu implicatæ infident, ut, cum quis ad eas reuertitur, non facile postea diuelli possit, sed earum desiderio quodammodo contabescat. verasque illas & synceras animi voluptates amittat. Atque hanc quidem rem ingeniosissimi poetæ per quam lepida nobis fabula significare voluerunt, cum aiunt à Proserpina datam hanc legem & conditionem Orpheo fuisse, ut si nellet viam Eurydicem suam, pro qua redimenda ad inferos descenderat, secum ad superos reducere, arduam ascensu viam inuaderet, mortuamque adhuc Eurydicen post terga secum traheret, neque eam prius amplecteretur, aut ullo modo respiceret, quam toto itinere confecto ex illis inferorum tenebris in apertam lucem denenisset, tunc enim demum fore ut eius re diuina complexibus, quantum uellet frui commo dissime posset. at ille mora impatiens cum nondum iter inceptum perfecisset, neque omnino è tenebris emerisset,

Reslitit, Eurydicenque suam iam luce sub ipsa

Immemor heu, uictusque animi respexit, ibi omnis

Effusus labor, atque inmitis rupta tyranni sedera.

Quod ne nobis etiam accidat Academici magnopere cauendum est. ne diem fugacem, & uanam planèquæ mortuam Eurydicen, hoc est corporis voluptatem in tenebrismersam respicere ac persequi studemus, uerissimam illam atque immortalem, quam ex præclare gestis rebus emanare scimus animi voluptatem amittamus. Sed nihil est, ut ego quidem existimo, periculi. iam enim maxima ex parte nubem illam, quæ, ut ait poetarum Princeps Maro noster,

Mortales hebetat sensus, atque humida circum

Caligat, quæ nihil aliud est, quam rerum ignorantia labore, atque indistria nostra dissulimus, & iam quasi è sublimi atque excelso loco innumerabilem hominum multitudinem uidemus, in tenebrosa nocte constitutam errare, labi, decipi, ut in hoc cætu nostro nos, securi cum Lucretio clamare possimus.

O uanas hominum mentes, ò pectora cæca

Qualibus in tenebris uitæ, quantisque periclis.

Degitur hoc æui quodcunque est. illos autem qui disiecta erroris nebula nostram in societatem ueniunt sanna cum hilaritate recipere, & ad hanc mentis claritatem atque serenitatem erigere debemus. Quare tu quoque Iohannes Stibi, non tantum omni studio, labore, atque industria debes ad clariorrem quotidie lucem nobiscum aspirare, sed etiam pro uiribus tuis alijs opitulari,

M. AN. MAIORAGII

lari, quos in hac communitate nostra vel ingenio, vel doctrina, vel integritate vite uidebis inferiores esse. non enim ideo congregamur, ut nobis ipsis tantum prodesse possimus, sed multo magis ut uicissim alter alterius utilitati, atque honestati seruiamus. hac enim ratione bene instituta collegia conseruantur, augentur, amplificantur cum omnes in commune bonum consulunt. quod te facturum non tantum spero, sed etiam meipsum Academicis omnibus pro te sponsorem atque uadem offero. noui enim ingenium tuum, noui industriam, noui probitatem. nullum mihi dubium est, quin te ita gesturus sis, ut nos omnes maiorem in modum in ordinem nostrum te receptum fuisse gaudeamus. Surge igitur, & felici homine, atque auspicio in uerba nostra intra, teque nostris institutis ac legibus, quandiu fueris è collegio nostro, promptè pariturum sanctè, religioseque confirma.

38

PRO HIERONYMO CROTTO,
IURISCONSULTO,
Dum in Academiam Mediolanensem
reciperetur.

O R A T I O. VII.



I quantum animo leticiæ uoluptatisq; capio. Academici, quoties in hac tot eruditissimorum hominum frequentia qua quotidie maximorum ingeniorum accessione sit illustrior, de recipiendo in collegiū nostrum aliquo nobili uiro uerba facturus sum, tantum eloquentia dicendiq; facultate præstare efficerem profectò ut nullius unquam hominis orationem neq; iucundio rem uobis, neq; gratiore suis se iudicaretis. Incredibile enim dictu est, quam immenso meus animus gaudio cūmuletur, quantis incedam leticijs, quam magna uoluptate perfruar cum & confessum hunc nostrum tam honorificum uideo, in quo plurima sunt florentissimorum ordinum lumina, & tam multos alios præstantes esse uiros intelligo, qui nostrum in ordinem admitti, quotidie magnopere flagitant. Sed omni no uereor ne id fortasse mihi in dicendo accidat, quod ijs, qui sæpe numero præ nimia leticia sic auferuntur, ut uel tanquam attoniti quasi alienata mente penitus obmutescant, uel supra modū exultante animo quicquid in buccā uenerit rudi atq; in composito sermone balbutiant. Quod si unquam prope in finita ac pene dixerim immoderata uoluptas animum meum quasi titilauit hodierno certo die, quo uirum omni genere laudis Florentissimum Hieronymum Crotto Iuriscōsultum in Academiam nostram omnium suffragijs cooptatum recipimus sic afficior animo, ut in hoc iucundissimo cōspectu uestro tanquam in cælo cum Deis immortalibus uitam agere Beatissimam ipsi mihi. uideor nam ego uitam Deorum, ut ait ille apud comicum, propterea semipiter nam esse arbitror, quod uoluptates eorum propria sunt. Sed unde potissimum ex ordinum orationis mee summā? quid primum aut postremum dicam Academici? cum. n. tria tantum esse uideantur, quibus in hoc dicendi genere, cū ali quē in ordinē nostrū admittimus, uti possimus primum ut eū pro dignitate sua laudemus. alterum ut ad labores & uigilias adhortemur, certum, ut quid illi deinceps agendum sit, admoneamus, omnia me hoc tempore serē deficiunt

M. AN. MAIORAGII

ut non mediocriter verëar si eis vti velim ne rem per absurdam videar effice-
 cere. quid enim? laudem ne uirum hunc tam eximia singulariq; uirtute prædi-
 tum ut nullius tantum sit flumen ingenij, nulla dicendi tantã copia, quã mini-
 mũ eius partem exornare satis pro dignitate posse videatur? adhorter ne ad
 labores, omnium post homines natos laboriosissimum hominem? adnoneam
 ne eum, qui prudentissima alijs consilia dare, atq; optime cauere consueuit? q̃
 nã igitur mihi reliqua est oratio? nulla (ut opinor) alia nisi ea quę forsitan om-
 nibus nec opinata atque auditu admirabilis apparebit ut te Hieronyme Crot-
 te presentem alloquar, & primo honestissimam istam uitę tuę institutionem
 præstantissimasq; uirtutes paulo liberius accuscm et Licentius familiarisq;
 reprehendam atq; ita nouo quodam dicendi genere ueram adhortationi lau-
 dem admonitioni fidelem adhortationẽ permiscẽã ut si quid in te forsitan esse
 cognoueris, quod aliquo modo melius conformari & elegantius emendari pos-
 sit, tu pro summa prudentia tuã quotidiano studio diligentiaq; perpolias. sunt
 enim in optimis etiã ingenijs, ut in fertilissimis agris et fructuosissimis arbori-
 bus, quædã interdũ amputanda uidere licet agricolas, quas cupiunt arbores ad
 speciosam magnitudinẽ euehere, non tantum a radicibus Stolones & virgulta
 subtrahere sed etiam ramos omnes & frondes, quę è trunco pullulant absin-
 dere, ut qui reliqui fiunt rami firmiores & uenustiores efficiantur, eodem mo-
 do uelim te Hieronyme sublimem istum, & excelsum animum tuum a minu-
 tioribus curis & officijs, quibus, ut clientibus tuis inseruias assidue distin-
 ris, aliquando prorsus liberare, quo diuina ris ingenij tui maioribus, & splen-
 didioribus in rebus clarius elucescat. nam immensa quædam natura tue boni-
 tas ab humanissimo animo profecta sepe uimero te ita comouet, ut dum om-
 nibus & ciuibus tuis & peregrinis atq; aduenis satisfacere temporibus su-
 is maiorem in modum concupiscas nimum te quodãmodo uulgare præbeas.
 quo fit ut interdum animi tui mirifica pulchritudo diuinum fulgorem suum tã
 minutis in rebus explicare non commode possit, quod facere non debes, sed ad-
 roge maiora præstantioraq; animi ornamenta te ipsum erigere atq; sustollere.
 ut enim mulieres præstantissima corporis uenustate facieq; formosissima li-
 cet ipse suam nimum pulchritudinem agnoscant & in ea mirificẽ sibi pla-
 ceant atq; glorientur non tamen ea contenta preciosis etiam uerbis exor-
 nari uolunt & argento auro margaritis undiq; splendere, quoq; pulchrio-
 res & uenustiores sunt eo. solent ambitiosiore cultu delectari neq; unquam
 in publicum prodire nisi prius diligentissime consulto speculo in quo suam in-
 tuentes & admirantes imaginem cum quadam animi dulcedine, molliq; suau-
 tate, ita capitis ornamenta, capillos, supercilia, faciem, totum deniq; corpus ac-
 curate componunt ut cum domo tandem exeunt quacumq; incedunt omnium
 in speculos atq; ora conuertant, & non tantum feruidorum iuuenum sed etiam
 plerum-

plerunq; gelidorum senum pectora iucundo vulnere saucient. idem tibi Hieronymus dispari in genere censeo faciendum. finxit enim te ipsa natura. corpore nobilissimum, animo praeclantissimum ad honestatem, temperantiam, animi magnitudinem ad omnes deniq; virtutes magnum hominem & excelsum dedit tibi fortuna diuitias, opes plurimas cuiusq; generis facultates accessit his tot educatio disciplinaeque liberalis postea labore atque industria, ex quo tempore factus es Iurisconsultus, cum in respondendo iure, tum etiam alijs praeclarissimis negocijs maximos tibi honores ac dignitates acquisiisti, ut in hac florantissima ciuitate nostra paucissimi sint, qui tibi vel nobilitate generis, vel fortune commodis, vel eruditione, vel dignitate, vel omni genere virtutum anteponi iure possint. quid ergo dicam audacter fretus humanitate tua quod sentio, licet fortassis hac oratio mea mihi detrimento sit futura, si te a causis forensibus, & clientum patrocinio reuocauero, qui te causarum mearum acerimum patronum ac defensorem habeant, sed nihil mihi tanti est damnum etiam graue libentissimè patiar, modo te verissime laudis ac dignitatis studiosissimum habeam. cōsio igitur in suscipiendis causis paulò ambitiosior, noli tam officiosum, tam comem, tam humanum te omnibus praestare, noli tam varijs aliorum negocijs implicari, sed animi tui praeclaram & eximiam pulchritudinem intueri, teque in ea frequenter oblecta, eam vnan omnibus virtutum ornamentis adhibitis quotidie magis atque magis illustrare contende, neque inquam patiaris, ut quicquam ab animo tuo proficiatur, quod non eximium, ex cultum, expoliturum, elaboratum, & planè acrem esse videatur. ne istud quæso tam excellens, & illustre ingenium tuum, tam frequenter sese effingat & ostendat, sed potius frequenter desiderium sui commoueat, & quoties in publicum exire concupiscit, prius in lucido mentis speculo suam imaginem intueatur, & omnes partes suas ita componat, ut & natua pulchritudine sua, & adhibitis ex industria ornamentis omnes homines in admirationem & stuporem trahat. At fortasse dices, nonne praeclara quaedam res est, & liberalis, & munifica, planeque regia opem ferre supplicibus, excitare afflictos, dare salutem liberare periculis, quod nos iurisconsulti facimus dum causas clientium suscipimus, & in iudicio defendimus? sit sanè res alijs praeclara, qui nihil melius praestare possunt, quam iuris nodos & legum enigmata versare, qui lucra causa in Bartoli Baldique commentarijs cum animi perpetua molestia consenscunt, qui saepenumero dum clientem suum nimis studiosè defendunt, equitatem & veritatem impugnant, & lites atque controuersias immortales efficiunt, inque his cogitationibus & curis omnes animi fructus, & voluptates amittunt. tibi vero Hieronymus quid honoris aut dignitatis ista res asserre potest? mitto enim de lucro dicere, primo quia generosam istam mentem tuam, semper egregia, magnifica, atque immortalia facta spectantem, nulla vnquam

M. AN. MAIORAGII

nimia lucri cupiditas inuasit, deinde quia domina rerum fortuna tibi adeo benigna fuit, ut omnium bonorum copijs circumfluas. non igitur ut rem familiarem amplifices, quod unum plerique student in litigiosis Iuriconsultorum concertationibus tibi diutius est immorandum, ne optimam tibi ipsi naturam, & præstatiſſimam ad elegantiores omnes disciplinas indolem inuidiſſe uidearis. At dignitatem habet, consulentibus de iure respondere, habeat sanè vel maximam nihil enim repugno, ne fortasse truces aliquos in me Bartolia nos tanquam crabrones asperrimos irriter, quamquam multos eorum & quidem magni nominis esse non me lateat, quos vehementer professionis suæ poeniteat. Sed tu profecto Hieronyme pro tua præstanti prudentia vides primo quàm multi sint in hac ciuitate nostra iuriconsulti, deinde quam pauci magno sint in honore ac precio, tum quot & quantis assidue molestijs confliscuntur. postremo, quod caput est, quàm ferè nulli de se memoriam, qua se nixisse testentur, ullum derelinquant. Exime igitur te è multorum numero, qui rarissimum sortitus, es ingenium quere verum decus ac dignitatem, ad quam te patres omnium natura, vel potius Deus ipse formauit, libera te à strepitu forensium controuersiarum qua clarissimam animi tui lucem obtenebrare quodammodo videri possint. ingredi illam, quam tibi præclara natura tue munera patentem & facilem reddunt immortalitatis viam, fac ut aliquando posteri sentiant, quam diuinum fuerit ingenium tuum, quam felix memoria, quam acutum iudicium, quam celeres animi motus, quam incredibilis eloquentia, quam denique rebus in omnibus gerendis admirabilis & expedita uelocitas. nam illud tibi inreuerando affirmare non dubitarem si te isto ingenij acumine tanque firma memoria relicto alijs occupationibus, totum optimarum artium studij tradideris, & orationem tuam, qua torrentis modo prudenter & copiose fertur ad illud absolutissimum Ciceronianæ eloquentiæ candorisque exemplar omni diligentia conformaueris, eadem breui tempore enasurum, ut non tantum eis, qui nostro tempore viuunt, anteponi facile possis, sed etiam antiquitatis memoriam exuperes. verum nulla mihi dubitatio est, quin ad hanc summæ dignitatis arcem, qua nobis omnibus proposita est, tu quoque nobiscum, toto, quod aiunt, corpore, atque omnibus vnguiculis ascensurus sis. Vos autem Academici mecum vna magnopere gaudere, quod uiro tam præstante sit iuxta societas nostra, qui, si pro virili parte sua conatus fuerit, ut omnino facere constituit, communè huius ordinis laudem & gloriam amplificare facile possit ac ualeat.

40

MAGDALENÆ COMITIS
matris suæ, mortuæ laudatio.

ORATIO VIII.



T si propter hanc acerbissimam & maximè luctuosam honestissimæ parentis nostræ Magdalænæ Comitissæ mortem, tam ingens animus meus dolor inuasit, tam immensa ægritudo mentem occupauit, tantus ingenium moror oppreßit, ut nec apud me satis esse videar, nec aliquam huius tanti mali allevationem excogitare ualeam, nec quid dicam attendere facile possim; tamen cum tuam istam Pater optime tam grauem afflictionem, atque afflictionem conspiciam, qui charissimam, & lectissimam coniugem amisisti, meam consternationem sentiam, qui Matre iucundissima priuatus sum, harum quatuor sororum infelicitissimarum luctum, & squalorem uideam, quibus alienissimo tempore dulcissima uita dux, & moderatrix, erepta est, tot cognatorum, & affinium nostrorum, qui in hoc funus prodierunt, tristitiam intuear, mihi proleto ipsi, meoque immenso dolori uim inferre constitui. quoniam ita tibi Pater amantissime, ita uobis propinqui gratissimi uisum est, ut ego potissimum, quem hæc tanta calamitas maximè perculit, tamen si neque ætate, neque ingenio satis ualeam, uos consolandi munus, qui magis ipse consolandus sum matrisque meæ peractam sanctissimè uitam ornandi, quo mortem eius aliquanto leuius feramus, partes susciperem. conabor igitur etiam contra sapientium hominum præcepta, qui recenti uulnere medicinam adhiberi negant oportere, si quo modo fieri poterit, in hac tam ingesta concione nonnulla dicere quæ fortasse nisi ueræ rationem, nostra hæc tam ingens ægritudo uicerit, aliqua ex parte grauissimum dolorem nostrum subleuare poterunt, sed bene me miserum, & infelicem. frustra conor uestrum istum fletum reprimere, qui ipse incredibili fletu conficior, frustra laboro uestrum dolorem mitigare, qui inusitato ipse dolore contabesco. frustra esse forti animo contendendo, qui nequeam ab isto tam miserabili spectaculo cogitationem, ac mentem meam reuocare, qui paulò ante uidebam totam domum nostram quietam, ac tranquillam à præstanti matris prudentia relictissimè gubernari. Patrem de rebus domesticis nihil sollicitum, sed potius securum sua foris negocia maximo commodo tractare. sorores industriæ mar-

tris

M. AN. MAIORAGII

*tris emulatricēs alacri animo continenter operibus suis instāre, me liberaliū
 arrium studijs, & præceptoribus assiduam, atque diligentem operam dare.
 nunc verò nec opinato matris interitū, quān repente mutata omnia? uniuersa
 domus penè destituta, Luctu, squalore, lachrymis, funestis atratisque uestibus
 deformata, plena omnia perturbationum plena miseriarum. Quid tibi Pater
 erummosissime fiet? qui tot paruulis filijs oneratus, quā tantopere diligebas,
 fidissimam laborum omnium, & totius uitæ tuæ consortem à te diuulsam,
 & abstractam tam importune videas? ò calamitosum, & infelicem Patrem.
 quod enim tibi grauius, aut acerbius vulnus accidere potuisset? quod
 malum atrocius? quæ tristior calamitas? quæ miseria funestior? qui tua ipsius
 morte, si quo modo data facultas esset, coniugis vitam libentissime redemisses.
 quid nobis infelicissimæ sorores? quæ iam ea ætate es, ut infortunium
 uestrum agnoscat, & nullas ad resistendum dolori vires habeatis? sicine crudeli
 fato visum est, ut nobis ista ætate tam tenera, quæ maximè maternis consilijs
 indigebatis, quæ nullam adhuc, aut certè minimam ad domum regendā
 habere prudentiam potest, ea Mater, quæ tam honestè nos alere, tam pudicè
 educare, tanta industria nos exercere instituerat, quæ denique omnia pie, sanctæ
 quæque matris officia prosequeretur, ea, inquam, mater, quæ una acquiescebatis
 (proh dolor) hoc tam alieno tempore vobis, mihi parenti nostro, præter omnem
 expectationem crepta sit? certè non tam ferreus esse possum, ut aut vos à
 lachrymis oratione mea tam cito retraham, aut ego vobiscum non effusius
 illachrymem, cum præsertim coram intuear hunc calamitosissimum parvètrū
 nostrū non sine iustissima causa maximè dolentem, ac merentem, qui tam fida
 socia, tam cara coniuge, tam diligenti matre familias orbatus sit. qui licet
 ea mente sit, atque sapientia, ut nulli fortunæ quamuis aduersæ cedendum esse
 arbitretur, sed omnia potius humana moderatè esse toleranda iudicet, tamen
 nihil de se, suæque miseria cogitans, cum ad uestram ætatem respicit, cum ad
 familiæ destitutionem, cum ad communem omnium nostrum fletum, ac maerorem,
 facere nullo modo potest, quin ingentibus doloris facibus incendatur, atque
 discrucietur. Ego verò cum recordor, quæ Matre primatus sum, quæ me usque
 ab infantia tam religiosè semper instituit, tam amanter optimis moribus
 erudiuit, tam ardentè ad ingenuas artes excitauit, tam liberaliter educavit,
 tanta cum industria, labore, diligentia me ad hanc usque ætatem perduxit, im-
 mensam quandam, atque infinitam animo tristitiam percipio. quod hoc por-
 tissimum tempore, cum aliquos ex me fructus, aliquam ex studijs meis consolationem,
 ac læticiam percipere debuisset, è uita discesserit, hoc me dolore conficit,
 hoc me maximè perturbat, hoc acerbè cruciat, quod à me nihil hæc-
 nus Mater sanctissima, atque optima præter labores, & molestias receperisti,
 dum nulli sumptui parcis, dum in re familiari tenuissima, meis tamen studijs
 quantum*

quantum satis sit assidue subministras, dum me interdum remissiore adscien-
tiarum, & uirtutum cursum excitas. d. spes fallaces, inanesque cogitationes
nostras, quoties egote mater uarijs propter temporum acerbitatem, iniquita-
temque casibus afflictam consolatus sum? quoties tibi præsenti multa pollici-
tus, quoties ex profectu meo te diuturnam aliquando uoluptatem perceptu-
ram frustra uaticinatus sum? quæ cum ego certissima fore crederem, atque hæc
inani spe multum oblectarer, nunc ex improviso omnia quasi turbine aliquo
labefacta ac corruerunt, hunc ego diem tam funestum, & lachrymabilem, tam
breui futurum nunquam existimasse? hunc ne igitur fletum ego mater, has
inanes lachrymas, pro tot laboribus, & ærumnis, quas pro me supissime per-
tulisti, tibi restituo? sunt ne hæc promissa mea quibus te frequenter onerabam?
quibus iactabam fore aliquando, ut ætas tua iam ingrauescens in adolescentia
mea conquireret? tu me summa cum molestia mater educaſti, noſtes &
dies, ut mihi studendi ocium suppeditares, elaboraſti, tibi ego iam nihil præter
luctum, & lachrymas, & hæc inania funeris munera restituere possem, non
equidem ego te dicam infelicem mater, quæ tam religiosè, tam integrè, tam ca-
stè, tam piè semper ad hunc extremum usque uitæ tuæ diem, quamuis in perpe-
tuis ferè molestijs, propter temporum iniquitatem uixisti, sed nos potius cala-
mitosos, & miseros, quos tam alieno tempore deseruisti, an relictis huius uitæ,
quæ potius mors est appellanda, miserijs celestem in locum subuolaſti, ubi æuo
sempiterno beata perfrueris, nos tui desiderio contabescences ærumnosam ui-
tam ducimus, uerùm si fieri potest, Pater, sorores, cognati, affines, immensam
hunc dolorem aliquantulum comprimamus, molliorem nostri animi partem
coerceamus, rationem ipsam optimam ducem sequamur. quid enim est, quod
diutius lugeamus Pater optime? quid opus est, ut nos amplius afflicteris sorores
carissimæ? mater quidem nostra florenti adhuc ætate, quippe quæ nondum
ad quadragesimum annum peruenerat, diem suum obiit, sed ad uitam lon-
gè beatiorē transmigravit. quamobrem illi nihil mali prorsus accidit, quia
quid fuit in eius mortem mali, in eam nihil, in nos totum redundauit. sed cum
perspicuum sit, fletum hunc nostrum nihil omnino nobis prodesse posse, tan-
dem animos, & cogitationes nostras a lachrimis ad matris honestissimam ui-
tam intuendam erigamus, & immortalī Deo potius gratias agamus, quod ta-
lem nobis matrem dederit quam indignemur quod eandem nobis abstulerit.
Adeste igitur queso animi omnes, & paulisper mecum, ac flectim, & lachry-
mas cohibete, dum breuiter ea recensero, quæ fuerunt in parente nostra sum-
mopere laudanda. ut ad eius potius imitationem animos excitemus, quam ip-
sam iam fato functam diutius lugeamus. Magdalene paritri nostra paternum,
& maternum genus ab antiquissima Comitum familia deductum est. qui ab
amphortio Desiderij Longobardorum Regis sororis filio, nostri generis aucto-

re, prognati sunt. is enim cum ab Auunculo Desiderio totam hanc regionem dono accepisset, Maioragium vicū extruxit, atq; in eo turrim, cuius adhuc in domo nostra post septingentos atq; amplius annos quedā extat uestigia, atq; fundamenta, quot autem extiterint è familia Comitum, & arte militari præstantes, & omni scientiarum genere clari viri, nihil opus est, ut hoc tempore commemorem, cum permulti sint annales, atque Historiæ Mediolanensium, quæ hoc apertissime testentur, nam satis ad laudem Matræ nostræ, quatenus ad genus attinet, existimō, quod Patrem habuerit Primum Comitem, qui per se quidem egregius, atq; excellens uir fuit, sed propter singulares, atq; eximias filiorum suorum, & filiarum uirtutes longè factus est clarior, atq; illustrior. habuit enim mater nostra, quod plerique meministis, quinque fratres, omnes quidem eximios, & præstanti uirtute præditos, sed duos præcipuè Petrum, & Iacobum uiros eruditissimos, atque in omni literarum genere plurimum, ac diu exercitatos, longeque cæteris aequalibus suis antecellentes. nam Petrus auunculus noster, per multos annos Mediolani summa cum gloria bonas literas, & artem oratoriam publicè docuit, qui cum elegantia sermouis, & latini candoris maximè studiosus esset, palustiores literas propter iam iniuria temporum amissas restituit, ad ueterum scriptorum imitationē, eloquentiæque gloriam Mediolanensem uuentutem excitauit, Iacobus autem eius frater sacerdotio insignis, quamuis assidue literarum studiis operam daret, & ut erat, doctissimus haberetur, tamen ad religiosam potius uitā, in qua tantum excelluit, ut mirum omnibus esse uideretur, quam ad scientiæ gloriam aspirauit, reliquit uero tres auunculi nostri homines uarij, & industrij varijs in urbibus summa cum fide negocijs, & mercaturis incubuerunt, è quorum numero Aloysius, huius eruditissimi uiri Primi Comitæ consobrini nostri pater, non sine summa laude, rei que militaris magna scientia sapius ordines duxit. his quinque fratribus tam egregijs uiris mater nostra felix, ac fortunata uideri potuisset, nisi cum maximè flourerent, quasi tali quadam calamitate omnes amississet, nam ipsa cum esset omnium natiuinitia paterna in domo, quam primus eius parens prisca illa fœueritate, atque religione gubernabat, honestissimè educata, tantum uiuente adhuc matre sua Helisabeta Sacca, lectissima femina, matronaque diligentissima profecit, ut post matris mortem paruula relicta, quippe quæ duodecimum tantum annum attigerat, senili quadam prudentia domum regere cōperit; neque enim erat alia herilis, quæ res domesticas eo tempore curaret, scemina. cum eius soror Catharina iuuenre adhuc matre nupsisset. Itaque mater nostra circiter annos quatuor domestica negocia semper quidem uirginali cum nrecundia, sed tam accuratè, tam sedulò, tam causè tractauit, ut & parenti, & fratribus omnem domesticarum rerum molestiam penitus adimeret,

meret, non enim puellari leuitate, sed matronali constantia cuncta admini-
 strabat, & quamuis onus totius regende, atque alende familie ipsa una puel-
 la sustineret, nullo tamen labore, aut molestia frangebatur, sed alacri sem-
 per animo, & blando vultu, facieque leta, & renidenti ore suis operibus con-
 inenter instabat, cum interim ita vitam suam institueret, ut piè, sanctèq;
 uiueret, & diuinis rebus interesse quotidie contenderet. atque in pauperes,
 quantum eius facultas ferret, benigna, atque liberalis esset. nihilque audi-
 re, aut ferre posset, quod à christiana religione, atque castissimis auribus
 abhorrere aliquo modo videretur; quæ res partim ab eius optimo, prudentis-
 simoque ingenio, partim à seuera parentum educatione sanctæque institutio-
 ne proueniebant, quæ enim temperantia, Diu boni, quæ abstinentia uiuebat?
 uinum aut nunquam, aut certè rarissimè degustabat, atque id adeo dilutū
 ut ne uini quidem saporem retineret, lautiores omnes epulas omnino respue-
 bat, pane, pomis, oleribus ipsa ferè contenta, fratribus tamen suis, ac cæte-
 ris domesticis opipare. splendideque mensam apparabat. hoc enim à matre
 sua prudentissima femina se didicisse predicabat, virorū propriam uirtutem
 esse solitudinem, feminarum sobrietatem, ac temperantiam. quare propter
 eam, quæ utebatur, in victu continentiam, firma semper ualitudine fruc-
 tuebatur. & quamuis ita parçè, sobrieque uiueret, tamen adeo liberali, atque
 honesta facie splendebat, cum quadam natini candoris, & ruboris suauitate,
 ut quicumque eam aspicerent, eius uenustatem magnopere commendarent.
 rarissimè tamen in publicum prodibat, ac nisi cum sacrorum gratia templa
 Deorum immortalium matutinis horis frequentaret, intra domesticos pa-
 rietes sese continebat. propriam enim, ac suam esse munus à parente, & fra-
 tribus didicerat; domum sedulò custodire, & quæ domi essent iam à uiris
 acquisita diligenter conseruare; quod cum omni studio, cura, diligentia fa-
 ceret, ita tamen erat in tuenda re familiari diligens, ut omnis abesset pro-
 fus ab ea illiberalitatis, atque auariciæ suspicio. nam quæcumque iam condi-
 derat, atque reposuerat, cum opus esse uideret, tam hilari fronte prome-
 bat, ut & parens, & fratres eius alacritate, liberalitateque maiorem in
 modum letarentur. quid de eius pudore, uerecundiaque dicam? quæ tantū
 erat, ut si quando forte notasset, ab aliquo uiro se paulo intentius aspicì,
 statim incredibili rubore perfunderetur, & quamprimum commodè, atque
 honestè posset, sese aspectui subtraheret, quin effusus ridere non modo ab
 externis nunquam hominibus, sed nà à parente quidem, & fratribus suis un-
 quam uisæst, ab inani uerborum profluentia, muliebrique loquacitate us-
 que adeo abstinerebat, ut ne cum æqualibus quidem suis diutius, aut copio-
 sius loqueretur, sed rerum utilium, & honestarum auditione contenta, so-
 lentio, atque taciturnitate mirificè gaudebat, atque oblectabatur, neq; enim

cum aliquid semel audisset, quod ad uitæ honestatem attineret, unquam amplius obliuisceretur. memini ego, cum de fratre suo doctissimo uiro Petro Comite loqueretur, solitam dicere, cum is Mediolano, ubi publice oratoriam artem profitebatur, in Carellianum, domum ac patriam suam aliquando ueniret, se quadam eius admiratione ductum, quæcunque ille dixisset, diligentissime semper audiuisset, atque memoria mandasse, illudque præter cætera, cum uix decimum annum ageret, ab eo didicisset, maximam esse sæmina uirtutem, si quam paucissima loqueretur. quod ita dictum esset à quodam Graeco sapiente: Mulierem ornat silentium, atque hanc fuisse causam cur postea semper taciturnitate fuerit oblectata, cum igitur in ea uirginali ætate ita uinceret, & omnibus qui eam agnoscerent, per quam amabiles mores suos uehementissime probaret, & esset quasi quoddam antiqui pudoris, pudicitiaque ueteris exemplar, tu Iuliane pater hac fama impulsus, pro ea, quæ tibi cum eius parente, atque fratribus summa intercedebat familiaritas & amicitia, quamuis adhuc esses admodum adolescens in uxorem tibi petere decreuisti. quam rem, cum propter ueterem familiæ dignitatem atque necessitudinem, quod ab eadem Comitum gente natus esses, cum propter singularem atque egregiam uirtutem tuam facile impetasti. Nec uero postquam uiro copulata liberius uiuendi potestatem nata uideretur, à pristinis illis suis sanctissimis moribus latum unquam (quod aiunt) unguem discessit, uiri se uero suo ornabat, unum amabat, uni placere studebat, neque conuiujs, quod pleraque nouæ nuptæ solent, aut choræis, aut ludis publicis capiebatur, sed ea potius omnia tanquam flagitiorum irritamenta detestabatur, simplex erat in eius ornatu mundicia, non affectata, non exquisita uimis, sed quæ castum, & pudicum animum apertissime præ se ferret, & quamuis in omnibus suis actionibus, & in omni sermone maxime puram, & integram mentem ostenderet, tamen in domestico uictu, atque consuetudine, tanta ingenij suauitate, tanta comitate, atque affabilitate prædita erat, ut te felicem ac fortunatum pater tali coniuge sapissime predicares. nunquam enim tibi se opponebat, nunquam aduersabatur, nunquam contradicebat. sed cuncte plus sapere, plus intelligere persuasum haberet, omnibus in rebus tua uoluntati libentissime morem gerere contendebat. quicquid tibi uel boni, uel mali euenisset, id eo uultu, atque eo animo accipiebat, perinde quasi non tibi tantum sed sibi etiam euenisset, de te uno loqui, de uno cogitare, ab uno pendere perpetuo solebat, neque cum alio uiro quamuis amico atque necessario, aut paulo hilarius ridere, aut familiarius colloqui fas esse arbitrabatur, res uero domesticas tanta cum diligentia tractabat omnes, tam accurate custodiebat, quasi de minimis etiam quibusque rationem esset aliquando redditura. Quid illud? quanti tandem æstimandum est? quantopere

pere celebrandum, à me præcipue, qui à tali matre me procreatus, & nutritum esse, non tantum summe letari, sed etiam magnopere gloriarì soleo? quòd omnes filios suos, quos tibi pater noverim enixa est, se sapius reclamante, & contra nitente proprio lacte nutrire noluit? neque unquam passa est, quamvis interdum esset parum firma valetudine, nutricem præter se aliquam filijs suis adhiberi? qua una in re voluntati tue pater in tota vita sua refragata est, tu enim eius salutem, valetudinique prospicerebas, quòd periculosum esse censeret, ad labores ac dolores, quos in gestando utero, atque enitendo perculisset, græve etiam atque difficile nutriendi munus accedere. sed illa se totam atque integram velle matrem filiorum suorum esse prædicabat, neque sue spei, sui sanguinis, suæ vitæ partem cum alia muliere communicare, quo deinde filij vel duas se habere matres crederent, vel maternum amorem in nutrices transfunderent. nam eas matres penè impias appellabat, quæ cum lacte suo filios satis commodè nutrire possent, costantem ne laborem nutriendi sentirent, ab sese ablegare in animum inducerent. an ideo nobis seminis (aiebat) cum uterum gestamus, ita volente rerum omnium procreatrice natura primum ubera turgescere incipiunt, deinde post partum lac nascitur, ut ab eo postea filios nostros, quos proprio sanguine prius aluimus; statim natos, & natiu suo nostram opem implorantes rejiciamus proprioque ac suo nutrimento privemus? quorsum igitur in sinu mammas gestamus, si nunquam eis usum rapemus? quorsum edito partu confestim ubera lacte complentur, si natos nostros eo spoliemus? & quam primum ut exarescat, efficimus an non hoc est maximam liberis nostris iniuriam inferre? si non eis alimentum cum ipsis natum præbeamus? non ita me docuit Petrus Comes vir excellentissimus frater meus; qui mihi sæpe narrauit id quod omnino verissimum esse censeo; longè plurimum referre, cuius lacte filij nutriantur, quoniam una cum nutricis lacte mores quoque eius, & ingenium plerique sugere soleant, & quamquam à bonis parentibus orti sint, sæpenumero tamen in nutricum vitia atque flagitia degenerare. quare nullo modo patiar ego, ut propter lactis alimentum à nobis, atque à parentibus nostris hominibus honestissimis filij mei degenerent, aut nutricem potius alienam, quam matrem propriam agnoscere statim, atque adamare condiscant, his atque huiusmodi multis alijs rationibus adducta, cum tres masculos, & sex femellas pepererit, omnes proprio lacte nutritæ, itaque factum est, ut cum non esset admodum robusto corpore, sed imbecillo ac delicato, propter assiduum & rerum domesticarum, & nutriendorum filiorum laborem varios in morbos inciderit, & proximis annis superioribus minus prospera valetudine fuerit. non tamen ab officio suo cessavit unquam, neque eam vel secunda, vel adversa fortuna ab honestissime instituto vitæ cursu renouavit, qua enim cura, qua sollicitudine, quo studio

M. AN. MAIORAGIO

nos filios suos educabat? qua humanitate, qua comitate, qua indulgentia, quæ recta & honesta essent? admonere? qua dicendi seneritate, quo uerborum pondere, qua castigatione, si quid a nobis non rectè commissum fuisset, reprehendebat? neque enim eius in nos animaduersio unquam ultra uerba procedebat: nam ingenuorum animos non uerberibus (aiebat) sed uerbis, modo acrioribus, modo mitioribus fieri solere meliores. quare plus ipsa uerba nno paulo grauiori proficiebat, quam ceteræ matrone multis plagis potuissent: qua quidem docendi, & castigandi moderatione facile con-
 sequebatur, ut eam omnes, & uehementer amaremus, & plurimum uereremur. in domo autem nihil prorsus neque uisu sedum, neque auditu obsecranum esse patiebatur, nihil quod aliquo modo liberorum suorum animos posset ab honestate detorquere. Iam uero quotidie nos adhortabatur, ut ueris bonis animum & exornare studeremus, uirtutem unam esse, dicebat hominis propriam & stabilem possessionem, cetera omnia fluxa esse, & fragilia, quocirca precipiebat ut nihil nisi de uirtute cogitarem, sed me præter ceteros, quem ad literas propenso esse animo uidebat, fratris sui Petri Comitis exemplo frequenter ad ingenuarum artium studia incendebat. de illo ne presente sepius in se loquebatur, eius doctrinam extollebat. honores & gloriam prædica-
 bat, ut talis euadere conarer, hortabatur. uerum in primis nos omnes ad immortalis Dei cultum & religionem excitabat. neque quemquam nostrum matutinis horis in cubiculo prius exire patiebatur, quàm flexis suppliciter genibus Deo preces piè ac religiosè fudissemus. idem etiam uespere, cum essemus cubitum ituri fieri precipiebat, siquidem affirmabat homini religioso ac denoto nihil mali neque uiuenti, neque mortuo euenire posse. Summam igitur leticiam, & incredibilem uoluptatem ex profectu nostro capiebat. nullus enim ex tot filiis erat, qui non fidelissimis atque amantissimis eius consilijs parere omni diligentia studeret. & qui non illi rebus in omnibus obsequi contenderet. itaq; cùm ceteræ matrone suos ornatus, gemmas, uniones, torques, amillas, preciosas uestes ostentaret, ipsa dicebat, filios suos ita bene & liberaliter educatos, esse suas opes, sua ornamenta suas delicias, & quauis oēs equaliter amaret, in me tamen nescio quo modo propensi ori esse animo uidebatur, quod ex docilitate mea quam mirificè gaudebat, me tantum in literis profecturum sperabat, ut aliquando fratris sui gloriæ respondere possem. meminimus enim decem ab hinc annos, cum adhuc admodum puer essem, & uix duodecimum annum attigissem. Petrusque Comes eius frater diem suum obiisset. quamuis ex fratris interitu, quem unice diligebat, grauissimum dolorem accepisset, tamen eum dolorem ita consolari solitam, quod diceret, se sperare futurum, ut breui tempore frater suus in me reuiuisceret, quæ spes eius, & prædicatio longè maiores, ut uerè dicam, mihi stimulos ad discendum addidit.

addidit, & magis ad optimarum artium studia me semper deinceps accendit, & inflammavit, quam omnes omnium præceptorum admonitiones & adhortationes. quod nisi postea tam turbulenta tempora subsecuta fuissent, fortasse multo magis in bonis literis, quam hæcenus feci, proficere potuissem. sed cum in mentem venit, quot miserijs, & calamitatibus proximis superioribus annis conflictati fuerimus, quam turbulentis tempestatibus propter ingentes bellorum tumultus exagitati simus. cum recorder, quanta etiã nunc in rerum omnium perturbatione uersetur, bene actum cum eis esse existimo, qui ea mente, ea religione, ea fide, qua modo patens nostra cum morte uitam commutarunt. quas enim calamitates non pertulimus? quas misérias non uidimus? quæ mala non experti sumus? quibus tamen omnibus in molestijs laboriosa mater nostra se ita semper gessit, talem animi magnitudinem ostendit, ut non modo ipsa consolatione non egeret, sed alios etiam ultro consolaretur, & ad fortiter omnia perpetienda multis rationibus animaret, cum enim hostium impetu longè lateque vastatis agris omnibus, depopulata regione nostra, direpta domo, rebus ad usum uitæ necessarijs spoliati nos in montes & sylvas abdidiſſemus, ne crudelissimis hostibus præda fieremus, in ea solitudine mater nouem filijs circumdata, qui omnes fame frigoreque confecti miserabiliter lachrymabant, quantum enim pecuniæ non deessent, tamen neque panis usquam, neque cibi ulli reperiebantur, non se tamẽ, ut pleræque alie solebant, fletu muliebri conficiebat, sed potius & ipsa animum ultro colligebat, & te pater præsentem cum propter ingentes illas misérias paulo demissiore animo nidereris, ad constantiam, ad patientiam, ad perseuerantiam excitabat, & nostrum fletum ac lachrymas spe fortunæ melioris quam poterat blandissimè solabatur. Quid ea mentis altitudo parentis nostræ quam admirabilis ac diuina fuit? cum tu pater maximopere sollicitus ne propter inedia[m] penitus in desertis illis locis deficeremus atque interiremus, ubi passim sane eneëtorum proiecta cadauera conspiciebantur, in proximos uicos ut nobis cibos quæres, cum pecunijs descendisses, & statim ab hostibus interceptus atque captus fuisses, quam calamitosus Dii immortales, quam infelix, quam ater ille nobis dies fuit? quam ipsa etiam sola cogitatione horribilis? relicta erat mater in solitudine sine ulla prorsus aut cognatorum, aut affinium, aut sociorum ope, qui uel iam fame interierant, uel in hostium potestatem deuenerant, uel in alias solitudines aufugerant. aderam nos filij longa inedia, & diutina fame penè eneëti reditum tuum pater magni cum auaritate expectantes, & eo ipso die sperantes aliquid te tandem nobis allaturum, quo uescentes famem aliquantulum allenueremus, cum subito nuncius acerbissimus assertur, te captum ab hostibus, spoliatum pecunijs, in uincula coniectum fuisse. Pro Deum hominumque fidem, quæ fuit in hac tam ingenti

M. AN. MAIORAGIO

ingenti calamitate matris nostrae constantia? quae uulner hoc accepto tam repente, tam graui, tã acerbo nuncio, non statim euolutum immensum edidisset non ululatu, & gemitibus totam eam solitudinem repleuisset? non sibi genas ac faciem lacerasset? non diuos, & diuas omnes crudeles appellasset? nõ animum denique prorsus despondisset? at mater nihil huiusmodi commisit, sed cum nos omnes largo fletu totam irrigare faciem & corpus uideret, & miserando gemitu uociferationeque supremam animi dolore testari, diu quidem premarore nos incredibili commiseratione respiciens nihil elocuta est, deinde uerò magno quodam ab imo pectore deducto suspirio, nolite (inquit) omnino desperare, atque animum demittere dulcissimi filij mei fortasse Deus propter aliquod delictum nostrum hanc etiam nouam calamitatem reliquis adiecit; sed bene habet, quod pater uester, non, ut alij plurimi, fuit ab hostibus interfectus, sed tantum in uincula coniectus, hoc à diuina providentia factum esse pro certo habeamus, neque enim omnino Deus nos deslituit, non patietur nos hac miseria diutius affligi, nobis breui patrem uestrum incolumem, mihi credite, restituet, nos tantum certam fidem, & persuasionem animo concipite, atque hoc ab immortali Deo beneficium, hanc gratiam, hoc munus religiosis precibus mecum efflagitate, neque enim mihi dubium est, quin Deus pro sua immensa clementia misericordiaque nostras sit preces audiuimus. quae cū dixisset, nos oēs insit flexis in terrā genibus ad cælum manus extollere, ac primo delictorum ueniā à Deo caelestibusque oibus humiliter petere, deinde salute patris & restitutione uota nuncupare. quae cum omnia quanta potuissimus maxima religione fecissemus, post multam noctem nos longuentes & penitus afflictos in te stulo sub quadam arbore collocauit, ipsa uerò totam noctem insonnem duxit, neque unquam Deo preces suadere cessauit. Ecce autem sub aurorae tu patet quasi de cælo missus derepente nobis adfuisse, summaque cum lachrymis permixta laticia quemadmodum custodes se fellices, atque ex hostium manibus mirabiliter elapsus fuisses, enarraui. illudque silens addidisti, te nullo modo exstimare, humano consilio tuo, aut propria industria, sed diuino potius auxilio tam facile crudelissimis hostibus creptum fuisse. tū uerò mater te complexa, atque ad nos conuersa, en, inquit, carissimi filij, quā cito uobis parentem uestrum Deus elargitus, est quoniam ad eum tota mente confugistis? quod si uos piè religioseque gerere perseuerabitis, etiam à reliquis malis omnibus nos quamprimum liberabit. hunc igitur animum, hanc constantiam, hanc mentis altitudinem in illis tam immensis, atque intolerabilibus miserijs mater ostendit. tum uerò iam mitiora tempora successissent, & hostes quidem à regionibus nostris abiissent. sed propter agriorum uastitatem, & domorum direptionem, atque incendia quae preceperant, intoleranda famēs ubique dominaretur, & passim homines in compitis ac publicis uis strati

strati propter inedia[m] miserrime perirent, tuque pater pro tua singulari industria longinquis è regionibus satis abundanter pro tempore familie tuæ cibos procurares, nobis quotidie mater blanda oratione, pioque sermone suadebat, ut earum, quæ paulo ante fuerant, calamitatum memores, gratum pro meritis ab immortali Deo nobis concessis animum ostenderemus, & quando nihil Deo gratis fieri possit; quàm egentibus hominibus subuenire, nostro comedendi desiderio aliquid subtraheremus, quod esurientibus, & fame confectis ac perentibus vicinis largiremur. itaque nobis eius oratione persuasis eo modo panem mane uesperiq; distribuebat, ut prima portio semper alicui magis indigenti vicino seruaretur; quorum propter incredibilem annonæ caritatem erat infinita propè multitudo. quare postea multi paulo etiam ditiores cum pertristis illa fames quievisset, se uitam suam & filiorum matris nostræ benignitati debere, atq; acceptam ferre palam satcabantur, quibus, cum in tota regione nullus esset cibus, diuitiæ suæ nihil omnino prodesse potuissent. Sed nimis longum esset omnia percensere numerando, quibus mater nostra non solum magnopere laudabilis, sed etiam plurimum admirabilis fuit. hæc autem à me non ideo commemorantur, quia sperem oratione mea satis pro meritis atq; dignitate posse illam exornari, quod longè maioris ingenij atq; eloquentiæ munus esset, uerum, ut honestissimè sanctissimèq; peractam ab ea uitam recolentes mortem eius aliquanto mitius feramus. cum apud animos nostros statum atq; exploratum habeamus, omnibus, qui tam religiose christianeq; vixerint, ut illa semper à teneris, ut aiunt, unguiculis ad hoc usq; tempus uixit, certum ac definitum in cælo esse locum, ubi sempiternis seculorum ætibus iucundissima, purissimaq; uoluptate perfruantur. quod quidem illa tam firmiter credebat, ut sic è uita discesse, quasi à diuturno carcere solueretur, & ab obscurissimis tenebris ad clarissimam lucem euolaret. cum enim acutissima febre correpta fuisset, & iam se morti proximam esse cognosceret, nihil sibi prius faciendum putauit, quam ut optimum sacerdotem accersiri inberet, cui de more christiano peccata sua confiteretur, & à quo panem illum celestem ac diuinum, per quem nobis uerissimum Christi corpus admirabili mysterio communicatur, deinceps acciperet, & qui deniq; sibi omnia, quæ ab ecclesia christiana iam pridem optimè sunt instituta sacramenta subministraret. quibus omnibus summa cum religione ceremoniæq; peractis, postea non recusauit, quo minus etiam si nobis ita placeret, medico adhiberemus. erum magis atq; magis ingrauescente morbo cum nullam amplius spem superesse intelligeret & nos omnes quasi attonitos esse uideret, ac de sua uita maximè sollicitos, ultrò blande consolari cepit, benignèq; rogare ne suum ab hac uita discessum multis lachrymis prosequeremur sibi enim iam paratam esse perpetuam alterius uitæ quietem ac tranquillitatem, ad quam ita uolente, atq; iubente,

M. AN. MAIORAGII

te Deo libentissimè transmigraret. neq; alia de causa mortem sibi paulò grauiorem uideri nisi quia paruos adhuc filios relinqueret qui sua præsencia suoque auxilio plurimum indigerent. tum vero te pater apprensâ dextera multū obsecrauit, ut communium filiorum deinceps totam curam susciperes, & cum laborem quem ipsa maiori ex parte subire consueuisset, tu unus postea totum haud grauâtè sustineres. uobis autem, inquit, ò filij carissimi, quoniam certum habeo fore uos semper, sicut hactenus fuisistis, parentis uestri monitis obtemperantes, nihil aliud moriens mado aut præcipio, nisi quod iam sapissimè præcepi, ut quoad uixeritis, Dei cultum & pietatem ceteris rebus omnibus anteponatis. Deum omnia uidere, omnia procurare, bona bonis, mala malis dare certissimum habeatis: omnia uobis bene & feliciter euenient, si religiosè pieque Deum colueritis, atque ea, quæ à maioribus nostris christianæ religionis auctoribus præcepta atque instituta sunt, diligentissimè obseruaueritis. sic enim & parenti huic uestro satisfaciatis, & mortem mihi leuiorem efficietis, & uobis bona omnia comparabitis. hæc cum dixisset iterum accersito sacerdote rogauit, ut sacratio sibi oleo, prout mos est, corpus inungeret, & animam suam iam è corpore excurrentem immortalī Deo commendaret. hunc habuit finem atq; exitum religiosissimè acta matris nostræ uita, prosperum quidem illi ac felicem, si qua est Deo religiosè iusteq; uiuentium cura, quam esse maximam pro comperto habemus, nobis autem aduersum & calamitosum. illa enim horum infeliciam temporum miseria, & humane uitæ calamitates atque molestias deseruit, iamque ad salutis ac tranquillitatis portum peruenit. nos autem matre optima spoliati maximis molestiarum procellis agitamur, & luctus squaloreq; conficimur, neque ullum adhuc miseriæ finem prospicimus. Sed non committam ut dolori diutius indulgeamus, aut oratione mea uobis maiorem quem pro uiribus alleuare constitui, magis augere, quam imminuere uidear. non est, mihi crede pater optime, quod eius mortem, quæ omne uitæ suæ curriculum maxima cum honestate, fide, religione consecit, tam grauiter ferendam putemus; satis enim diu luximus, satis habenas fletui laxauimus. nam quamuis per asatam, & naturæ legem multos adhuc annos summa cum utilitate, & commoditate nostra mater uiuere potuisset, tamen non tam cogitandum est, quid nobis commodū atque utile fuerit, quam quod immortalī Deo placuerit, & quid ipsi matri nostræ expedierit. cum enim satis iam ad caelestem gloriam acquirendam & immortalitatem uixisset, noluit eam Deus in calum ad se reuocare. nihil porro est hoc tempore, quod eam ad diutius uiuendam inuitare magnopere posset, præter filiorum curam & amorem, quo maximè tenebatur. sed adeo iam infirma erat, & tanta corporis imbecillitate premebatur, ut frequentissimis morbis affligeretur, & propter tam uarias, & tam odiosas ac molestias horum infeliciam

feliciū temporū perturbationes nullā neq; diurne, neq; nocturne quie-
 tis partem percipere poterat. bene igitur cum ea, bene inquam, actū est, quo
 niam omnibus tandem miserijs liberata, præclaris suis actionibus, & uirtuti-
 bus præparata in calo præmia consecuta est. quare si nobis cordi est, quod illi
 gratum sit efficere, cupit illa nos suo potius bono gaudere. quam nostro malo
 trīstari. quæ pro mortali huius uitæ conditione, proq; tam crebris calamitati-
 bus, quas animo quidem constanti, sed iam tandem satigato ferebat, immorta-
 lem ac sempiternam beatitudinem adeptæ est. nobis autem inficiari nemo po-
 test, quin malum quidem grauissimū acciderit, sed postquam ita Deo placuit,
 & id iam immutari nullo nostro dolore aut fletu potest, omnem si quo modo
 fieri potest, sin minus maiorem saltem mæoris partem à nobis fortissimè rei-
 ciamus. quod quidem te pater optimè, pro tua singulari uirtute atq; sapientia
 sine ulla dubitatione facturum credo. nos autem sorores carissime, quatuor ætas
 ad resistendum dolori adhuc est imbecillior, ita cogitate; matrem nostram nol-
 le nos amplius mortem suam deslere, cum longè nunc felicius uiuat, quam an-
 tea cum nobiscum uiuere uidebatur, sed eam putate nobis iubere, ut iam tan-
 dem à fletu mentes nostras ad imitandas eius præclaras & honestas actio-
 nes reuocemus. quod si dum ea uiueret, semper eius præceptis libentissime
 paruistis, uidete ne hoc tempore, cum ad beatiorē uitam transierit; non ci
 parere nobis turpissimum sit: iubet igitur mater, ut iam tandem à lachrymis
 abstineatis, & ea potius frequenter animo repetatis, quæ nobis honeste uiuē-
 di præcepta uiuens tradidit, suisq; uestigijs, quantū uestra facultas fert
 insistere contendatis. hoc ei multo gratius, multoque iucundius
 erit, quam sit immenſus iste dolor ueſter. at nobis cognati,
 & affines, qui præſentia ueſtra noſtrū hoc funus
 honestare uoluistis, & ueſtro mæore decla-
 raſtis, quam moleſta uobis acciderit
 hæc noſtra calamitas, ſaxit De-
 us optimus maximus, ut
 omnia bene, & felici-
 ter eueniant,
 talisq; ſle-
 tus
 ac dolor uel numquam uel ſaltem
 rariffime contingat.

LVTI ENCOMIVM

ORATIO. IX.



LV R I M I S in rebus imperita multitudinis, & vulgarium hominum ignorantiam, ac mentis caecitatem licet intueri, Quirites, qui tam præcipiti, ac temerario in rebus ferè omnibus iudicio vtuntur, & cogitationes suas ita distrabi patiuntur, vt easpissimè vituperant, quæ maximè laudanda esse videantur, contraque sæpenu-meromirificè probent, quæ plurimum essent improbanda. Quotus enim quisque reperitur, qui saluberrimis potiusquam iucundissimis cibis delectetur? aut qui malit cum abstinentia sanus esse, quàm cum intemperantia semper egrotare? similis est etiam opinionum ratio: trahitur sua quisque cogitatione, eaque laudat, quæ putat esse magnifica, vituperatque contraria: sed pauci admodum rerû naturas uerè perspiciunt. & ad id tantum omnes, quod in præsentia vtile esse videtur, toto impetu rapiuntur, cetera quæ sunt à sensibus remota non ita diligenter considerant. Quamobrem cum falsis opinionibus tantopere salantur homines, nulla repente spernenda est oratio, quæ Vulgiferis opinionibus contraria, quamvis enim initio propter insolentiam absurda esse videatur, tamen exitu plerumque vtilissimo atque iucundissimo concluditur. Sed vobis adhortatione mea nihil opus esse intelligo, quos iam erectos omnes, cum hilaritate quadam expectare uideo, quid hac noua, atque admirabili causa deluto hoc est de re, quemadmodum fortasse vos existimatis, tam humili, atque abiecta, dicturus accesserim. Hoc enim ita natura comparatum est, ut insignis semper nouitas mortalium animos erigat, atque excitet; quæ si talis est, ut eos audita commouere possit, affectos aut summa iucunditate, aut ingenti tristitia derelinquit. Ac mihi quidem Quirites, hoc unum erit, in hac oratione studium, ut quacunque dixerò non solum iucunda, sed etiam admiranda vobis esse videantur. Quod si quis mihi Deus vestram ad me audiendum beneuolentiam conciliarit, efficiam profectò, ut intelligatis, nihil esse luto nobilius, nihil preciosius, nihil utilius, nihil denique magis necessarium: modo quam opinionem, iam uestris mentibus comprehendistis, eam si ratio conucllet, ac labefactabit, si denique veritas extorquebit, libenti & æquo animo remittatis. Tunc certe præclara illa quorundam hominum ingenia, negligencia

tia nomine condemnanda esse indicabitis, qui cum eloquentia sua genus humanum ab hoc tanto errore liberare possent, ne rem adeo preciosam, & excellentem aspernaretur, maluerit in nugis quibusdam puerilibus, & annilib. fabulis, ociu suum frustra consumere, diu alius quartana febrim, alius caluitiu, alius muscam, alius item aliquid ridiculum laudat: Quin etiam nouissime) si Dijs placet) inuentus est, qui Stultitiam & scarabæum laudarit, & qui Asinum ad astra laudibus euehere conatus sit: Quæ posteaquam in uulgus disseminata fuerunt encomia, superest (inquit, vir quidam & populo) ut lutum etiã laudetur, quam ego uocẽ cum audiuissẽ, qui iam antea sepius luti uirtutes animo reputaueram, addidisset quæ uir ille, fortasse uerius hoc posset, & magis iure laudari, statim hominis solertiam exosculatus sum, & eius sententiam magnopere comprobau. Quorsum enim quis ingenium aut dicendi facultatem ostendet, ubi non opus esse uideatur? ibi sunt eloquentiæ vires ex promende, ubi vel innocentes, ab iniqua criminatione liberentur, uel ab hominum mentibus falsæ opiniones reuellantur, quæ magnam humano generi perniciem atque ingentes calamitates, apportare se penumero solent; quemadmodum apud Platonem Socrates sapientissime disserit. Quæ me ratio potissimum ad hanc causam impulit, ut hæc quæ iam penitus insecit, & inueterauit in animis hominum opinio, si fieri potest euellatur, & iam tandem intelligent homines quod in omni sæculorum memoria semper antea latuit, nihil uniuerso cali ambitu contineri, quod utilitate, atque excellentialutum antecedit: quod quamuis incredibile primo aspectu esse uideatur, tamen cum rationes meas diligentius audieritis, vos ipsi sponte uestra uerissimum esse, non dubitabitis, confiteri. Primum igitur mihi uidetur de nobili atque excelso luti genere, deinde de præstantia, tandem de utilitate esse dicendum. Genus est enim eiusmodi, quod antiquitate, ac nobilitate, quæcumque in terris gignuntur, antecellit; in quo declarando, si fortasse paulo altius exorsus, repetere memoriam antiquitatis uisus fuero, ignoscite Quirites, hoc enim ipsius rei magnitudo, postulat, quæ me breuiter orationem perstringere non sinit. Antequam cali rotunda conuersio fieret, cum nondum esset humanum genus procreatum, neque ulla adhuc in terris essent animantes, non herbae, non frutices, non arbores, nulla denique rerum earum quæ è terra nascuntur species, ac forma; Unus erat toto naturæ uultus in orbe.

Quem dixere Chaos, rudis, indigestaque moles.

Horum quatuor omnia gignentium corporum; terra, aque, aeris, ignis, natura, permixta erat, neque unum ab altero dignosci poterat, cum tamen maxima esset inter ea discordia, si quidem:

Frigida pugnabant calidis, humentia siccis,

Mollia cum duris, sine pondere habentia pondus.

Donec

Donet ratio Dei sempiterna; propter incredibilem sapientiam suam agnoscit, quam excellentium rerum esset in eis naturis materia, si probus artifex accessisset. Itaque cum ipse Deus probitate maxime præsaret, naturas illas, non tranquillas, & quietas, sed immoderate agitatas, & fluentes assumpsit; easque ex inordinatis in ordinem adduxit. Hoc enim iudicabat esse præstantius: & superiorem igni locum tribuit, quia leuissimum omnium esse uidebat, proximum aeri, tertium aque, quartum & ultimum in medio totius mundi, quo grauius omnia deferrentur, terræ tradidit; ubi cuiusque generis, uel inanimati, uel animantis, uel muti, uel loquentis origo est, ubi uita, ubi interitus, ubi ex alio in aliud assidua uicissitudo atque mutatio. nam ex terra gignuntur omnia, rursusque in eam omnia recidunt, atque ita frequenter immutata, corrupta, deinde rursus generata, uicissitudine quadam aternitate obtinent. Hic mihi forte succlamet aliquis, cui hæc quæ commemoramus diphthera, quod aiunt, Saturnique rebus antiquiora videantur. Quid ista tam obsoleta, tamque rancida prosunt ad Luti tui laudes, & genus celebrandum? Iam profecto intelligetis Quirites, non hæc sine maxima causæ tam ex alto repetisse; hanc enim quam nos terram, & rerum omnium parentem ac procreatricem appellamus, cui locus omnium honorificentissimus in medio datus est, quæ nos gignit, alit, ac sustinet, quæ denique non tantum hominum, sed etiam immortalium Deorum, domicilium gratissimum est, nihil aliud quam Lutum, & totius cæli, reliquorumque omnium elementorum purgamentum esse, perspicuum est. Nam cum constituisset Deus bonis omnibus explere mundum, mali nihil admiscere, quo ad natura pateretur, in medio totius, locum præstantissimum ubi generatio fieret, elegit, quo facile, & cæli ipsam, & reliquæ naturæ, dimittere semina sua, detractionesque confecti, & consumpti alimenti possent. Hac de causa factum est, ut quæcumque grauius sunt & solida, naturæ ipsius instinctu, atque impetu medium mundi locum petant; neque quicquam omnino grauitate præditum potest alibi quam in medio consistere; quoniam semper ex vi naturæ præmitur quod graue est: quis autem est, qui nesciat, Lutum esse grauissimum? ideoque necessario fieri, ut in medio mundi loco perpetuo consistat? quod cum terræ proprium sit uere concludi potest, terram nihil aliud esse quam Lutum. Ignoscite Quirites, si uobis nimium uideor agere Philosophice, nam in hoc uno rei cardo uertitur, unde Lutum generari putemus, aut quid ipsum esse statuamus, quod si rectè semel intellectum fuerit, cætera deinde omnia facillima uidebuntur: Sed ad rem redeamus. Cum igitur in loco maxime omnium honorifico, hoc est, ἐν τῷ Μίτῳ , ut aiunt Philosophi terra sit, cætera autem omnia circumstant, & eam quasi custodię gratia muniant, & quicquid habent purgant, ita atque fecis in eam, procreandi causa demittant, nemini dubium esse potest,

est, quin aut tota, aut saltem ex maxima parte terra, reliquorum corporum purgamentum, atque Lutum sit. Sed ne fortasse nobis idem quod sophistis accidat, qui solent ex ijs quæ probabilia videntur, neque sunt, argumenta sua concludere, querenda est ex gravissimis auctoribus Luti definitio, quæ nihil aliud est, quam involuta res, atque obscura natura explicatio, sic enim explicatio, sic enim facile quod querimus, Luti genus inuenimus. Quis autem post homines natos fuit unquam Platone grauior? quis intelligentior? quis sapientior? equidem huius ego singulis verbis centum aliorum testimonia digne comparari posse non existimo. Is igitur optimus definiendi magister in Thæteto sub eiu persona quem semper grauissimum introducit, hoc est Socratis, Lutum ita definiuit: τὸ ὅτι ποτὶς αὐτῶν πάλαι αἰεὶ τὴν γῆν ἐκ τοῦ αἵματος ἐστὶν ὁμοιωμένην. Terra est humore permixta. Iam igitur Luti preclarissimum genus inuenimus, hoc est terram & humorem, ut humor Luti pater sit, terra uero mater. Quis autem adeo rerum ignorans est, quis tam imperitus, tam rudis, quin intelligat, quanta terræ sit & humoris excellentia? nam humor ille est, quem post conditum orbem, Deus opt. Max. rerum omnium generationi præfecit, ut sine eius auctoritate, nihil quicquam omnino gigneretur, quem non tantum ijs, quæ à terra nascuntur, sed etiam sempiternis illis ignibus, quæ sidera uocamus, alimentum præstare uoluit, persuasum enim habent plerique Philosophi, Solem, Lunam, cæterasque Stellâs omnes humore pasci: quid quod tanta est humoris excellentia, ut per eum solum Dei iurare soleant? & eam iratum habere magnopere caueant? quippe qui præclare intelligant, quanta sit eius apud Summum Deum auctoritas, cui tanta sit administratio demandata, ut omnia gignat, atque nutriat, hac de causa sapientissimus uir Thales Milesius, humorem rerum omnium parentem esse pronunciauit. quid autem de terra dicam? quam non tantum hominum, sed etiam Deorum matrem esse dicunt? Itaque plurima tolluri, apud sapientes illos ueteres dicata fuisse templa legimus; eamque inter Summos Deos fuisse cultam, & honoratam. sed mihi nequaquam omnes humoris & terra laudes commemoranda sunt, quæ sunt prorsus innumerabiles, atque infinita, neque uobis, ut opinor, ignota satis est hoc tempore docuisse, natum esse Lutum ab ijs parentibus, qui omnium præstantissimi atque excellentissimi esse uideantur. Hoc se genere, hoc sanguine procreatum esse Lutum gloriatur, nunc eius etiam præstantiam, atque excellentiam uideamus. quæ tanta est, ut non modo parentibus suis, humori, ac terræ non cedat, sed eos etiam longo intervallo superet: quamuis enim ut iam antea diximus, humor generationi præsit, & sine eius auctoritate nihil gignatur, tamen nihil ei sua potestas proderit, nisi terræ commixtus Lutum procreet, uide postea nascantur omnia: quis enim non intelligit, nihil inueniri posse, quod non ex Luto generetur? deme Lutum ex hac admini-

M. AN. MAIORAGII

rabili mundi machina, non iam erit id quod prouerbio dicitur, ut ex anno tollere, sed idem quod solem extinguere, aut Deos de cælo diripere. Quid enim fiet? quid nascetur? quid procreabitur? quis non omnia uidet statim interitura? nam unde genus hominum? unde tot animantium terrestrium, aquatiliū, uolucrum genera? unde tot arborum formæ? tot herbarum species? tam uarij flores? tot incundi fructus? tot frumenta? tot segetes? an non omnia, primo uitam, deinde etiam uiuendi facultatem Luto acceptam ferunt? nam si tandem omnia, quemadmodum Philosophi docent, in idem abeunt, ex quo prius constituta fuerant, & quotidie uidemus, quicquid interit, in Lutum conuerti, profecto Lutum rerum omnium principium esse necesse est; de quo sanè, nisi planè in physicis (ut ait Cicero) plumbei simus, dubitare non possumus: Quis enim nescit illud in scholis ab omnibus philosophis tantopere iactatum & celebratum Theorema, quod ab Aristotele summo natura interprete sumpsērunt, vniuscuiusque rei interitum, atque corruptelam, alterius esse ortum, ac generationem? Atque in hoc quidem, cum in alijs plerisque rebus mirandam in modum dissentiant, & penè inter se digladiantur Philosophi, mirum quam conueniant, & nullus unquam aliter sensisse uideatur. Omnem autem alicuius rei corruptionem à nobis Lutum appellari, nemo est, quin intelligat; ex quo cum omnia gigni Philosophi dicant, idem, est, ac si clarissima uoce predicarent, rerum omnium parentem esse Lutum. Quid ad hac contra dici potest? nō nos contortis fallaciter argumentis, aut falsis conclusionibus hæc tam uera colligimus; sed ab ipsa natura rationes nostras accipimus; ipsa nobis hæc argumenta suppeditat; ipsa nobis manus inijcit, & paulum consistere iubet, atq; hæc diligentius explanere: cupit hunc errorem ex hominum mentibus radicitus euellere; cupit eximias Luti uirtutes omnibus notas, ac planas fieri; ut tandem aliquando desinant homines ei maledicere, parentemq; rerum omnium, & auctorem suspiciant, ac reuerentur. Quemadmodum igitur Figulus ex argilla nasa sua format, & effingit, ita Natura illa melior, quem Deum uocamus, ad omnium rerum creationem Luto semper utitur: Itaq; ut optimus, ac sanctissimus Agapetus ad Iustinianum Imperatorem scribens, admonet, ut ne quis Maiorum nobilitate gloriatur, quoniam nulla est in ortu differentia; omnes enim, inquit, tam qui Reges sunt, & Imperatores, quam qui humili & obscuro loco nati sunt, eundem primum parentem, Lutum habent. Sed quid multorum testimonijs opus est cum nobis ipsa ueritas sacris in literis apertè dicat, & clara uoce testetur, ex Luto fuisse homines primo conformatos? quod ideo de hominibus potissimum scriptum est, non quod ipsi soli sint ex Luto procreati, sed ne quisquam parentem suum posset ignorare: quod etiam Homerus omnis Philosophie pater intellexisse mihi, uide-

tur, grauiſſimus, & ſapientiſſimus Auctor, à quo ceu fonte perenni, quicquid in omni doctrina eximium eſt, emanauit; qui cum in Iliade ſua Menelaum Græcorum ignauiam increpantem reſert, quod cum Hector ſingulos ad certamen prouocante, nemo congregi auderet, his uerbis uſus eſt ἄλλ' ὅμως μὲν πᾶσι τοῖς ἀνδράσι γὰρ γένοιτο, optat. n. ut intereant, atq; id eo precatur, ut in humorem, & terram conuertantur, hoc eſt in idem diſſoluantur, ex quo prius conſtituti fuerant. Sic enim acutiſſimus Philoſophus Alexander Aphrodiſiens Hæueri ſententiam interpretatur, ex Terra (inquit) & humore gignuntur omnia, & in terram atq; humorem omnia diſſoluuntur. quod etiam ſenſit Epicharmus ſiculus, cum dixit: ἀπ' ἧς οἷον ἵδμεν εἰς γὰρ πᾶσι καὶ δ' αὖθις denique etiam Ariſtoteles in Rhet. indicat olim eos, qui ſeruos ſe profiteri uolent, terram, & aquam domino tradere ſolitos, tanquam omnium rerum in reſeſe abdicantes. Quæ cum ita ſint, iam perfectè Quirites perſpicuum eſt, quàm magnus exornandi Luti campus, nobis apertus ſit, quam amplè, quam graniter, quam copioſe Luti laudes exequi poſſimus: cum enim ut omnes eruditi cenſent, ex terra, atq; humore, quicquid eſt ubiq; precioſum, quicquid eximium, quicquid utile generetur; cumq; (quod caput eſt) etiam nos ipſi, cum cæteris animantibus, ex eadem terra; atque humore fingamur, terra uero humore permiſta Lutum ſit, ut ex Platonis auctoritate paulo ante demonſtrauimus, quod ingenium inueniri tam ſublime poteſt, quæ lingua tam uolubilis, quæ dicendi copia tam præcellens, quæ nimiam etiam laudem partem, quibus Lutum digniſſimum eſt, recensere cõmemorando poſſit? Etenim, ſi magnum quiddam aſſerenti uidentur ij, qui rem aliquam precioſam, ut argentum, aut aurum, aut aliquid eiufmodi ſatis egregiè laudant, ſi difficultiſſum eſſe ſatentur omnes, oratione res honeſtas, atq; laudabiles poſſe vincere, qd tandem in Luto laudando, quod unum omnia complexum eſt, quanta difficultas exiſtimanda eſt? ſiquis enim eius præſtantiam animo diligentiffimè uoluerit, is nimirum intelliget, maius eſſe quiddam, non modò quam homines opinentur, ſed etiam quam cuiuſquam eloquentia capere poſſit, perfectè Lutum exornare uelle, tantoq; eſſe difficultius idem rectè laudare, quanto rebus omnibus precioſis, & præſtantibus antecellit. Hic non Iſocratis incunctoria, non Lyſiæ ſubtilitate, non Hyperidis acumine, non AËſchines ſonitu, non Demotheſis uis, ſed diuina quadam potius opus eſſet eloquentia, quæ nũquam ante hæc audita, nunquam nata, nunquam excogitata fuiſſet: non enim hæc in oratione ſic nobis agendũ, ut in reliquis exornationibus agi ſolet; maiore quadam ingenij ſublimitate; uberiore dicendi facultate, grauiori modo utendum eſt. ſolent enim reliquis in rebus exornandis Oratores, ſemper aliquam adhibere contentionem, atque comparationem, ut rem eam quam laudant, altera, quæ tamen egregia ſit, longe præſtantiorem eſſe demonſtrent,

qua rerum inter se colatione plurimum florere, atque enitescere solet oratio: sed quid est, ex omnibus rebus, quæ cælo continentur, tam eximium, tam excellens, tam rarum, quod si Luto comparatur, non statim uilissimum, atque abiectissimum esse uideatur? Ponite ante oculos quicquid ubique preciosum est; ponite argentum, aurum, gemmas, margaritas: quid est annon in mentem uobis uenit, unde hæc omnia nata sint? nonne paulò ante docuimus, ex Luto, quæcunque in terris nascuntur, omnia procreari? hæc omnia quæ tantopere mirantur homines, quæ magis quam propriam uitam amant; quæ diligentissime custodiunt, pecunia, thesauri, diuitiæ, facultates, qui recte reputat, Lutum plane esse intelligit: quàm igitur absurdum fuerit, si quis unum aliquem terræ fructum, è Luto natum, uelit ipsi rerum omnium parenti Luto comparare? Proh Deum atque hominum fidem, quis adhuc de Luti præstantia dubitare potest? quis non illud ad astra tollat? quis non diuinis laudibus effuset? cum intelligat è Luto tot egregios viros, tot Reges, & Imperatores, tot ingenia præstantissima, tot sapientes, tot philosophos esse profectos? Quid est annon tot egregiæ substructiones, tot opida clarissima, tot nobilissima ciuitates, iacerent prorsus omnes, neque earum extarent uestigia, nisi Lutum prius extitisset? quid, ut minima commemorem, tot herbarum genera depellendis corporum morbis utilissima? quid frumenta? quid glandiferas, ac fructuosas arbores? annon in lucem omnes Lutum edit? quot animantium genera? quam pulchra? quam uaria? quæ naturæ totius uarietas? quot hominum species? hæc omnia Lutum edit, fouet, exultat. à mortaliū genus ingratiſſimum. à detestabilem perfidiam. à mentem penitus execrandam. ergo quod te procreat, quod nutrit, quod educat, quod omnem iucunditatem affert, id tu negligis? & conculcas? & aspernaris? sine quo ne unum quidem diem uitam agere potes id à te non aliter atque rem abiectissimam reijcis? quod tibi lucis huius, atque uitæ causa est, id apud te commorari non sinis? quod omne tibi commodum, omnem uoluptatem præstat, id abigis, expellis, exterminas? Proh Dij immortales, non intelligitis homines cum Lutum contemnitis, nos quidquid in terris bonum est contemnere? non intelligitis parentum uestrum uos negligere, cum Lutum negligitis? non uenit in mentem quæ uestra fuerit creatio? unde nati sitis? ex qua materia conditi? Formauit, inquit Moses, Deus hominem ex limo terræ. ni de quanto sit te Lutum præstantius, quanto ipse Luto sis inferior, quid supra Lutum cristas tollis? quid exeris cornua? quid superbis? ex limo terræ creatus es. ecquid hoc intelligis? ecquid consideras? ecquid genitorem tuum agnoscis? quid aliud est, ex limo terræ, quam ex purgamento Luti? cum initio docuerimus, terram ipsam esse Lutum? Iam tuum homo superbissime parentem agnosce: non aspernare cuius ex genere prognatus es; reuerere quod tibi

tibi vinendi causa fuit, si teipsum aliquid existimas, si rerum generationem honestam esse tibi persuades, si quid in orbe terrarum utile atque honestum esse credis, cur non id utilissimum, & honestissimum esse, à quo nata sint omnia consideris? nati sunt homines à Luto, nata pecudes, nata arbores, nata frumenta, natum denique quicquid in terris inuenitur, & quisquam dubitabit, id esse preciosissimū dicere, à quo sunt omnia quæ preciosa sunt? de Luto sumus, in luto vivimus, à Luto nascimur, in Lutum conuertemur; itaque nihil à scarabæis in hac parte differimus, & tamen excellentiam Luti non agnoscimus: imò tanquam rem immundissimam repediamus. cur? quia falsa trahimur opinione; neque recta animi ratione res definimus. at cæteras res amplectimur, aurum, vestes, frumenta, pecunias, & id genus cætera magna cum diligentia conservamus: qua de causa? quia præsentem videmus utilitatem. sed unde sint hæc omnia, quæ tantopere diligimus, nemo considerat? Quid illud est, quod in arca centum clauibus clausum tam accurate servas? Lutum. Quid est quod in horreis tuis studiosissime congregas? Lutum. Quid in apothecis, & dolijs, tam cupide custodis? Lutum. In summa, quicquid amas, quicquid amplecteris, quicquid observas, quo factus es, quo vestiris, quo pascaris Lutum est. I nunc & illud improba, quo carente nullo modo possis, nisi planè velis ex hac vita demigrare: nam in te quidem nihil est Luto præstantius, p̄ter animū generi humano Deorū munere datum: si bonus fuerit, atq; omni virtutū genere cumulatus, nō dubiū, quin diuinus sit, & felix, ac beatus; sin autem malus, & sceleribus imbutus, non solum Luto est inferior, sed etiam, rerum infimarum omnium utilissimus & abiectissimus. Reliqua omnia mutantur, & vicissitudine quadam oriuntur, & intereunt, eamque mutationem, & vicissitudinem omnem Lutum efficit; quod & Philosophorum auctoritate, & Physica ratione, & diuina etiam scripturæ testimonio facile comprobatur. Quare iam profectò uidetis, Quirites, quem mihi aditum ad Luti laudes patefecerim, quàm patentem cāpiam habeam, in quo plurimum exultare possit oratio: sed mihi sigillatim omnia complecti, nec animus est, nec si esset, ego par essem oneri sustinendo. nam si quis perfectè Lutum exornare voluerit, eum per singula quæ in orbe terrarum laudabilia reperiuntur. ire necesse est: quam rem. quis nisi planè sit insanus, preglare se posse commodè speret? Itaque licet ea quæ Luto conflant, maxima laude digna esse videantur, tamen ne nimium longa sumatur oratio prætermittere omnia constitui: sed mehercle certo scio uos intelligere, Quirites, quantum ex Luti laudibus absceiderim, posse enim argentum, & aurum celebrare, possem uniones, gemmas, quicquid ubique putatur esse preciosum, possem ipsos homines, omne genus animantium, possem herbas, segetes, arbores, omnia denique possem in encomio Luti nominare, cum

omnia, quemadmodum antea diximus, ex eo promanarint; sed me repit-
mam, malo enim ut ueram aliquam Luti laudem à me desideretis, quam fal-
sam afflictam esse existimetis: quare Lutum ipsum per se solum considere-
mus, cuius tam eximia uirtus est, ut Deum etiam immortalem, ad se plu-
rimum conandum alliciat. sed ne fortasse uestrum aliquis hoc esse maledictum,
aut conuiuium in Deum arbitretur, quod ab eo Lutum uehementer amari di-
xerim, eius opinioni mihi satisfaciendum esse iudico; cum ut omnes uos ab
hoc errore liberem, tum ut etiam hac occasione Luti uirtutes, quæ iam in
obliuionem plane concesserant, tandem aliquando magis, atque magis emi-
nere, atque apparere incipiant: uerum ad ea quæ dicturus sum reficite que-
so animos uestros, Quirites; noua quedam, & ante hunc diem inaudita
proferre in lucem molior; sed mihi uestro erecto, atque attento animo opus
est: si quid enim attentionis forte remiseritis, nullo modo fieri poterit, ut
hæc quæ iam aggredior dicere mysteria intelligatis. Nam pro Deum atque
hominum fidem, non mentem uobis uenit, quanta res, & quanti ponderis
agatur? agitur de summa Luti exultatione; id autem eiusmodi est, ut nihil
omnino dici grauius, aut excogitari possit. Cum enim omnes ferè mortales
immeritissimo Lutum odio prosequantur; quamuis paucissimi sint, qui quo sit
in illud animo Deus intelligant, quid futurum putatis, si semel in animis ho-
minum hæc opinio prorsus infederit, Lutum à Deo non diligit? quis enim il-
lud eximium esse credat, quod Deus amare non uideatur? quis non potius id
uile, & abiectum putet, quod à Deo reprobetur? Quod si certissimis argu-
mentis, Lutum, & à Deo diligi, & cæteris omnibus rebus, quæ in terris
creata sunt anteponi docuero, quid erit cause, cur non etiam nos, id omnium
rerum excellentissimum iudicemus? Iam igitur uos illud mirificum uestre
mentis acumen intendite; ego rem ipsam aggredior. Principio cum à Luto
discessum est, nihil in terris homine præstantius inueniri, nemo est qui du-
bitet: quin etiam illud omnes boni consentiant, hominem ex omnibus ani-
mantibus à Deo plurimum amari. quod etiam ipsa nos ratio credere penè co-
git: uidemus enim quæcunque in terris gignuntur, ad usum hominum om-
nia creati, uidemus etiam, ac sentimus Dei providentiam in hominibus ad-
iuuandis, & custodiendis semper excubare. non ignoramus à Deo proprium
filium, ut ab erroribus homines, & ab æternis supplicijs liberaret, & calo de-
missum, & uinculis, ac uerberibus, atque omni supplicio excruciatum, ac ne-
catum fuisse. sed innumcrabilia Dei sunt, erga homines summi amoris indi-
cia, cum præsertim etiam ad imaginem, & similitudinem suam, ut sacra li-
tere testantur, eos creare uoluerit, & rationis, atque consilij participes ef-
fecerit. videamus igitur ex quamateria Deus hoc animal, sui simile, ratione
præditum, prouidum, sagax, acutum, multiplex, memor, plenum consilij,
quod

quod maria, terras, cælum mente, atque cogitatione complectitur, quod unum ex tot animantium generibus, sibi ratione ac sapientia socium affum-
pfit, videamus (inquam) ex qua Deus hoc animal materia finxerit. Credi-
bile est, præstantissimum omnium animal, ex ea materia, quæ Deo maxime
grata esset, conformatum fuisse. quid igitur aiunt sacra litera? unde for-
matum hominem ab initio commemorant? non ex argento quod ab omni-
bus preciosum æstimatur; non ex auro, quod plurimi homines maiore quam
Deum ipsam amore prosequuntur, non ex smaragdis, vnionibus, chrysolit-
is, aut alijs id genus lapillis, qui preciosissimi creduntur, sed ex limo terræ;
hoc est de Luti flore. Quid amplius postulatis? obsecro nos, Quirites, hoc Dei
factum vobiscum diligentius perpendite, tum facilius statuetis quanta Luti
sit excellentia. Deus optimus maximus, qui pro summa sua sapientia, re-
rum omnium naturas etiam antequam eas crearet, optime nouerat, qui fa-
cillimè quid cuique præstet & exquisitissimè discernit, cum simile sibi, & ra-
tione, ac lege socium vellet animal procreare, Lutum ex omnibus rebus po-
tissimum elegit, ex quo formaret eum animantem quem cæteris omnibus præ-
ficere statuerat, cuius rei quid aliud in causa fuisse dicemus, præter miraculā
quamdam Luti præstantiam, quæ Deum etiam ipsam ad sese amandum allexe-
rit? ueniant nunc irrisores huius orationis, & illud sanctissimi vatis, atque
Regis Dauidis interpretentur, de stercore erigens pauperē, ut collocet eū cū
principibus, cū principibus populi sui. quid est quæso, quod de stercore paupe-
rē erigit? quid est quod eum cū principibus suis collocat? nisi quod Luto sum-
mopere delectatur, & eos plurimū diligit, quos omni studio, curaq; Luti ob-
seruare uidet? Quid hoc loco mihi respūdebitis de Luti uituperatores? huc quæ-
so mecum in arenam descendite. conserte pedem, nibrate tela, promite uestram
illam maledicam orationem orationem. Quid præliantes, ut aiunt, de
muro iudicatis? cur infixo iaculo Parthorum more fugitis? cur in portu sper-
nitis tempestatem? est facile est accusare, nullo descendente; facile uituperare,
nullo contradicente. huc adeste, si quid est in pectore roboris, & in me Luto
patrocinate criminationes uestras exponite: efficiam profectò, ut intelli-
gatis, longe aliud esse contra veritatem ipsa præsentē diserere, quam ad
uentos uerba facere. & innocenti nulla causa, nulla ratione maledicere. cur
enim obsecro Lutum improbatis? quo crimine damnatis? cui culpæ Lutum
affine iudicatis? tacent, & ora pallor albus occupat. Proh Di immortales,
tanta ne quæquam mentis caligine circumfundis tantis erroribus excacari?
ut quod in primis Deus diligit, id audeat improbare? quod præstantissimum
esse Deus censet, id existimet esse vilissimum? malum est boni uiri iudi-
cio non acquiescere; peius est amici uerum condemnare iudiciū, pessimum
uero parentis sui sententiā optimā non admittere. quid dicam, quantum
tandem

tandem scelus existimandum sit immortalis Dei iudicium uituperare? sed
 iam querelarum satis, id quod institimus persequamur: non enim in hac re
 solum amorem suum erga Lutum Deus indicauit; sed in alijs etiam quon plu-
 rimis, quas hoc tempore singulas enumerare non necesse est. vnum etiam,
 aut alterum erga Lutum diuine beneuolentie signum commemorabo, deinde
 ad alia uertam orationem meam. Iam plurima Dei filius (ut in sacris histo-
 rijs legimus) admiranda sue diuinitatis indicia dederat, & quotidie magis
 erga homines incredibilem amorem ostendebat, dum alios Daemonibus op-
 pressos liberaret, alios iam uita functos à mortuis excitaret, surdis audi-
 tum, mutis locutionem, egrotis integram ualitudinem redderet; sed illud etiā
 restare uidebatur, ut in hominum parentem Lutum, aliquod beneuolentia
 sue signum ostenderet. Ecce autem cum per quandam regionem iter faceret,
 hominem ab ipso natali die cecum reperit, quem cum uidisset, uenisse tem-
 pus existimans, ut eundem se esse ostenderet, qui mundi initio genus huma-
 num ex Luto formauerat, & ut luti præstantiam omnibus notam faceret,
 quid fecit? expuit in terram, & proprijs manibus Lutum composuit; atq;
 eo Luto cæci illius oculos perunxit; quo factō confestim ille, nunquam antea
 gustatum videndi sensu accepit. Quis igitur non intelligit, omnium homi-
 nem conseruatorem Christum hoc suo factō declarasse, Luto nihil prorsus ef-
 se nobilius, ex quo visum, sensuum omnium excellentissimum reformauit &
 multa alia prius & egregia facinora gesserat, innumerabiles, & varios mor-
 bos depulerat, nullo unquam pharmaco, nullis herbis, nulla arte medica u-
 sus est, sermone tantum, aut tactu, morborum genus omne profigabat.
 Itaque nemini dubium esse potest, quin hunc etiam cecum si uoluisset, uno
 verbo sanare potuisset. cur igitur Luto potissimum eius oculos unxit, & sa-
 nauit? non alia quidem (ut opinor) de causā, nisi, ut Luti præstantiam, atq;
 nobilitatem indicaret, & parentis sui mortales admoneret; quanto. n. quis,
 Luto parenti suo, similior efficitur, tātō maior, atq; beator esse solet: sed hoc
 obsecro mysteriū, Quirites, diligēter aduertite, quā. n. in re uera est, ac summa se-
 licitas? nempe opinor in eo, si quis plurimum à Deo diligatur: quis autem
 vehementius amatur à Deo, quā qui Luti naturam, quo ad eius fieri po-
 testimitatur? & qui præclare intelligit, quantacunque ei sunt accessiones,
 & fortune, & dignitatis, ex Luto se ad eos ascendisse, & non ita multo
 post ab eis ad Lutum se rediturum? hoc est quod ubique Deus præcipit, ut
 qui uoluerit omnium effici maximus, & felicissimus, is primo minimus, &
 abiectissimus fiat. Quid aliud sacris in literis, magis quā summissio com-
 mendatur? uoluite diuinos libros, nullam in eis pene dixerim paginam in-
 uenietis, in qua non humilitas, & abiectio maiorem in modum comprobetur:
 atque illi demum soli felices, ac beati futuri prædicantur, qui se Lutum
 esse

esse cognouerint. sed quam huius rei causam aliam asserre quisquam potest, praeter singularem quandam Dei, erga Lutum beneuolentiam? Agē uerò, quis unquam ex omnium seculorum memoria, Deo grator fuit, quam Hebreus Iuba? atqui hunc diuinis in hislorijs legimus, non tantum in Luto, sed etiam in sterquilinio sedere solitum. quid? quod ipse Dei filius, à uate sanctissimo ita loquens inducitur: Ego uermis, & non homo; opprobrium hominum, & abiectio plebis. quid enim aliud est, plebis abiectio, quam Lutum? clamat igitur Dei filius; cum hoc nostrum terrenum, atque mortale corpus assumpsisset, se Lutum esse factum. quin etiam submissionis gratia, se filium hominis, hoc est luti nepotem frequenter appellabat: sed iam satis, ut opinor, à nobis declaratum est, nihil in toto mundi complexu, Luto esse praestantius, nihil excellentius, cuius tanta auctoritas est, ut sine eo nihil quicquam in terris fiat, quod omnia generet, aliat, augeat, ex quo preciosissima quaeque res originem trahant, unde nos etiam ipsi formati simus, quod denique maiorem in modum à Deo diligatur. Restat, ut etiam de eiusdem utilitate uerba faciamus; quae quamuis ex ijs quae dicta sunt, maxima cognosci possit; tamen, ut clarius etiam eluceat, & de illa dubitare nemo possit, ad ea quae supersunt aggrediar: uos uerò paulisper etiam dum huic orationi meae coronidem imponam, non tantum aures, sed etiam mentes, atque animos uestros accommodate. Non enim mehercle, ita nunc agam, quasi nimis alieni, aut alteri rei tantum utilitatem asserre Lutum dicam, quod in ceteris rebus exornandis praecipuum esse indicatur: nihil in hac oratione vulgare, nihil demissum ex petetis: omnia summa, omnia praestantissima. nihil in omni rerum natura dico esse, nihil toto Caelo contineri, neque paruum, neque magnum, modo sit animatum, cui rei Lutum non utilissimum esse uideatur. cum enim in rebus, quae ex intima atque naturali motione, uitam habent, animarum tria genera dicantur inueniri; quarum una, uitam tantum nutriendam, sine sensu, corpori subministrat, & herbas, frutices, arbores, educit, alit, atque auget, altera non solum uitam, sed etiam sentiendi, atque ingrediendi uim, cunctis animantibus suppeditat, tertia omnium perfectissima atque optima, solis hominibus intelligendi, cogitandi, reminiscendi uirtutem affert, his omnibus uiuentium generibus, plurimam utilitatem asserre Lutum, ad uitae commoditatem ostendemus. sed ne sortassis aliqua cadat in nomen ambiguitas, quoniam multis cognominibus Lutum est decoratum, ea mihi declaranda esse censeo, quod facilius omnes eius utilitates perspicere possint: Atque illud primò sciendum, omnem à nobis putrefactionem atque corruptionem Lutum appellari, siue ea sit in animante detractio confecti, consumptique cibi, siue sit humoris & terrae permixtio, siue quocunque alio modo, res aliqua putrida facta sit. hunc etiam communi uocabulo

fimum

si num atque limum nuncupare consuevimus, ab agricolis. verò letamen dicitur, ob id credo, quoniam, ut paulo post ostendemus, letari agros faciat; quod autem in corpore gignitur animalian, id communiter Stercus uocatur, unde Stercorari dicuntur agri, cum eo Luti genere uestiuntur: sed generatim Lutum omne, cæuon etiam dicitur, quæ sane græca est appellatio, quam si latine uelis interpretari, commune significat; nihil enim Luto communius, quod ut dicere institueram, rebus omnibus animatis maximam asserre solet utilitatem. Primum enim, Quirites, quis uestrum est qui intelligat Luto segetes, atque omnia sata maiorem in modum exhilarari? nam tullus ipsarum omnium parens, nisi Luti filij sui presidio sustentetur, nites integras ijs rebus, quæ nascuntur ex ea, subministrare nullo modo potest; unde factum est hominum solertia, ut agri quo facundiores essent Luto uestirentur, quæ res ab agricolis Stercoratio nuncupatur; cuius tantam utilitatem esse sentiunt omnes, ut quamuis primum auctorem ignorent, tamen eum propter hanc solam inuentionem in Deorum numero collocandum esse enseant. scribit enim Macrobius à Romanis Saturnum fuisse Sterculium uocationem, & eo nomine pro Deo cultum, quòd primis Stercore facunditatem agris comparauit; sed Augustinus in libris de Ciuitate Dei, Pici patrem Stercon fuisse scribit, à quo peritissimo Agricola sit inuentum, ut fimo animalium agri facundi fierent, atque ab eius nomine Stercus dictum: at uerò Plinius (inquit) Italia regi suo Stercutio, Fauni filio, ob inuentum Stercorationis immortalitatem dedit. sunt qui dicant Angiam regem in Græcia Stercorationem primum excogitauisset, quam Hercules in Italia deinde diuulgauit, unde nata fabula sit, Angie stabulum ab Hercule fuisse repurgatum: illud certe constat Stercorationis auctorem, ab antiquis indigitatum, & Stercutium nuncupatum fuisse; & merito: quid enim in tota agricultura Stercoratione utilius? de qua doctus Hesiodus, ut apud Cicronem ait Cato, ne uerbum quidem fecit, cum de cultura agri scriberet, unde uehementer à doctis, atque intelligentibus uiris improbat. Nam Homerus, qui multis, ut mihi uidetur, ante seculis fuit, Laertem lenientem desiderium, quod capiebat è filio colentem agrum, & eum Stercorantem facit. hac de causa uir ille sapientissimus Cato, cum de re rustica scriberet, præceptum optimum his quidem uerbis reliquit: Sterquilinium magnum stude ut habeas, Stercus sedulo conserua. nides ne quanta cura Stercoris, grauissimo niro Catoni fuerit? quis enim nescit quam to letiores ueniant in agris Stercoratis segetes, & quanto messem afferant peruiorem? hoc nimirum illud est, quod agricola cum agnouissent, Luto cognomen indiderunt, & quod latissimas fruges faciat, letamen uocitarunt. Itaque magnam eius rationem habere solent, & magno studio atque diligentia colligunt, quæ suas quisque agros, quam fieri potest optime uestiant: quin

quin etiam Lutum vndique ueniantur, & in uasīs (quod ego hīc oculis uidi) accuratissime collectam, domum portare non dubitant, eumque maxime strenuum atque industrium existimant, qui plurimum ex eo diligentissime collegerit. neque satis habent illud colligere, quod sponte natum inuenerint, sed artem etiam, & diligentem curam adhibent, ut quam plurimum fieri possit, augeretur. Quare non sine causa præter ceteros omnes mortales, agricolæ sanctitatis, & iustitiæ laudem adepti sunt, ut etiam in operibus suis ingeniosissimi viri poetæ finxerint apud agricolas longissimo tempore Deos habitasse, cum propter hominum scelera de ciuitatibus expulsi fuissent: quæ quidem fictio, nihil aliud mihi significare uidetur, quam longe sapientiores agricolas esse, quam ciues; nam quotidie ferè Lutum ex ciuitatibus in agros exportatur; quod si uerum est id quod prouerbio dicitur, Deum esse illum, qui mortales adiuuat, nemini dubium esse potest, quin Lutum maximum numen sit, quod pulsum de ciuitatibus apud agricolas habitet. quid autem utilitatis frugibus Lutum afferat, id in agris ipsis uerno tempore, cum propè, ut spicas incipiunt emittere, uidere licet. ibi tum bene stercoreatos agros aspicias, hilares luxuriare, segetes in eis magnitudine præcellentes, uiriditate conspicuas, culmo crassiore, calamo longiore, spica prominentiore; quæ iam eo tempore, non dubiam spem uberrimi fructus afferat. confer huic alium à Luto non adiutum campum; uides primo quasi tristitiam soli, culmorum raritatem, ac tenuitatem, segetes humiles, quodam pallore suffusas, ante tempus arescentes, spicas minimis, aut nullis. illic uides eximiam ubique leticiam, hic autem squalidam tristitiam, illic messis abundantissimæ spem maximam, hic omnis annonæ desperationem. ecquid intelligitis, Quirites in quorum usum, atque utilitatem cedat hæc frugum abundantia? ecquid agnoscitis quanta sit in hac parte Luti potentia? non adeo vos cædo, aut hebeti puto esse ingenio, quin hæc facillime cognoscatis. Desinite Luto uestros agros obducere, diu demum facilius statueritis, quid Luti presentia conducat, & quid absentia detrimenti ferat. Iam uero non frumentis tantum, sed etiam arboribus Lutum maxime prodest: quis est enim qui nesciat uites, ut reliqua genera prætermittam, quanto magis stercoreantur, tanto copiosorem afferre uindemiam? nam Luti succus ille pinguis, & uidus, quem hebetes, & imperiti homines uilissimum, & sordidissimum esse iudicant, in suauissimum uini saporem conuertitur: quod ne fortasse meum esse commentum putetis, sumus Philosophus, & rerum naturalium diligentissimus indagator. Empedocles, hoc affirmat, ut Aristoteles in topicis auctor est, cuius hæc uerba notauimus. τοῦτο ὁ δ' ἀπ' ἐσὶ σίκετος, καὶ ἄλλοις ἐμπεδοκλέους ποιεῖ σάκεα καὶ οἶνον. fuxo ὁ δ' ἀπ' uinum igitur nihil aliud Empedocles aiebat esse, quam aquæ putrefactionem in uitis: quid autem aliud est aquæ putrefactio, quam Luti suc-

ens ? ergo quod tanta cum iucunditate bibimus, quod tantam nobis letitiam affert, tantam voluptatem, quod tam suave est, tam dulce, tam iucundum, quod (ut ait Horatius) curas abigit, quod cum spe diuite manat, Luti succus est. quid autem attinet hoc loco vini laudes commemorare, cum paucissimi reperiantur homines, qui non illud maiorem in modum appetant, & avidissime bibant ? quid enim esset inter homines leticie, quid hilaritatis, quid voluptatis, quid ingenij, nisi vinum esset ? nam vini magnus amator Horatius eleganter ita clamat :

Fœcundicalices quem non fecere discitum ?

Vina fere dulces oluerunt mane camæna,

Laudibus arguitur vini uinosus Homerus.

Denique uir sapientissimus Cato uino tantopere delectabatur, ut ebrius se penumero fieret, sed neminem prorsus esse arbitror, quin intelligat, rem utilissimam, & optimam esse uinum: quare si quis hunc Deum liberum amat, quem quis non uehementer amat ? is etiam Luto eius parentem ut plurimum amet necesse est. iam uero quantum hortis, oleribus, uiretis, Luto utile sit, ne commemorandum quidem esse censeo, cum ignotum nemini sit, eum demum hortum fructum fieri solere, ea olera tenera, & ampla perpetuo uideri, maxime in eis uiretis amenitatem semper esse, que luto fuerint optime saturata: quis nescit olitores adeo luti studiosos esse ut ciuitates etiam cum gerris, & sportulis peragrantes, illud accuratissimè colligant ? atque etiam precio frequentissimè comparent ? quis non magnopere letetur, atque exhilaretur, cum pinguis horti uultum aspexerit, quem luto diligens olitor saturarit ? quid illo uirore speciosius ? quid illa amenitate iucundius ? hic ingentes brassicae, solido caule, brachia late fundunt, illic nirentes amplo capite porri subalbescunt, hic longe diffuse beta luxuriant, illic ciborum requies lactuca crispatur, hic grauis cucurbita uentrem in longum porrigit, illie asparagi sub luto tenerissimi caput amplissimum exerunt. sed ne ego stultus, qui singula prosequi uelim, cum omnem hunc sermonem possum uno uerbo concludere. quicquid enim in hortis nascitur, id luto mirifice delectatur, augetur. sequitur ut animantibus etiam cuiusque generis, utilissimum esse luto ostendam. Atque illa ratio potissimum animum meum inducit, ut coniunctim de hominibus, atque belluis agendum esse arbitrer, quod neutrum genus uideo sine luto posse diem unum uiuere; hic mihi Poetarum more linguas centum, ora-que centum, & ferream uocem in mentem uenit, exoptare tantam enim rem, & tam egregiam, nullus uerborum splendor, nulla sententiarum grauitas, nulla uis eloquentia, nulla denique animi contentio digne posset explicare; mihi quidem certe uoluntas non deest, ut cetera in dicendo dignare, digna uoluntate suppetant elaborandum est. etenim hæc, quam dicturus sum, luti utilitas

litas eiusmodi est, ut quamuis uerissima sit, tamen prope incredibilis esse uideatur, quis enim ita facile credat, uniuersos homines, omnes tam agrestes quam domesticas belluas, luto uitam exceptam ferre oportere? quid igitur faciam? cum iam dudum de luti eximia uirtute dicam? cum iam prope nimis omnem uerborum effuderim? cum iam quicquid in me facultatis erat in dicendo consumpserim? neque illud omnino prouiderim, ut aliquid ad hunc locum mihi reseruarem? quibus igitur uerbis rem tantam aggrediar? opinor unus modus atque una ratio est. hanc luti tam magnam utilitatem in medio ponam. quæ per se tam clara est atque perspicua, ut nullius hominis ad eam amplificandam oratio requiratur; uos ipsi pro uestra prudentia quanta sit, uideri facillimè poteritis, nisi forte hoc non intelligitis. Quirites, quod ut omnibus cognitum est, sic à paucissimis considerari solet, uos nisi uentris non deponatis, & comedatis, nullo modo posse uiuere. sed cur tandem risum non continetis? non equidem dixi, uentris onus uos comesse oportere, sed ut sepe potest Homerice locutus sum. omnem enim animantem uentrem prius explere necesse est, deinde etiam exinanire: sed ne solertiam meam rideatis, qui hoc excogitarim, uidete quam pauci hoc aduertant, neque expleri uentrem, neque exinaniri sine luto posse. At dicet fortasse quispiam, ego uero sine luto uiuere possum, neque unquam luto uentri uacuo satisfeci. Quid illud quo uesceris, unde natum sit non intelligis? tam ne cito prioris orationis oblitus es? an non meministi, fruges omnes, uinum, ceteraque omnia quibus utuntur homines, ex luto nata fuisse demonstratum? qui tibi cibus? quæ potio? qui uictus? si lutum non sit adesse potest? Proh Deum atque hominum fidem, tu sine luto uiuere diem unum posses? quare obsecro, aut quo cibo uentris egestatem subleuares? panem scimus è frugibus confici, quæ sine luto nasci non possunt, porca omnia de luto nata docuimus: carnes, ais, deuorare, iam uero te non possum stulticiæ non condemnare. carnes comederes? quas obsecro carnes? nempe aut uolucrum, aut aquatilium, aut terrestrium animalium. quod autè horum est animal, quod sine luto uitam agere possit? mitto iam de reliquis dicere, hoc unum premo quod omnium maximum est; qualis hominum esset uita sine luto? non equidem possum quod animo concipio uerbis exprimere, sed quanto minus eloquentia ualeo, tanto diutius in hoc insistam, in quo summam luti utilitatem uideo non posse denegari. ueniant omnes Oratores, Sophiste, Philosophi, Theologi, quid tandem contra hanc orationem meam asserere poterunt? an erit eorum quisquam tam impudens, qui negare audeat, homines, pecudes, uolucres, pisces, omne genus animalium, luto solo uitam propagare? quamuis erit fortasse aliquis, qui cum semel omnes rationis metas transgressus fuerit, etiam apertè ueritati contradicere, & Soli, quod ainit, tenebras offundere, non dubitabit. ceterum si car-

M. AN. MAIORAGII

nes & cupedias ei detrahas, mare statim (ut dicitur) cælo permiscebit, sed non uideo qua ratione possit huic hominum generi persuaderi, sine luto nullam esse uitam, nisi ualidissimis pharmacis, quæ uim habeant expurgandi multos dies exinaniantur, deinde cibus eis triduo denegetur: tunc demum intelligere incipient, atque alta uoce clamare, nullo modo se diutius sine Luto uiuere posse. quam enim impudens est, id insicari quod abscondi non possit? nullum est anni tempus, seu uigiles, seu dormias, siue ambules, siue sed eas, quo non semper tecum Lutum habeas; quod si fortasse casu aliquo, paulo abundantius egeratur, statim infirmus, ac debilis efficeris, nec pedes, nec manus, nec ulla corporis pars satis officium suum facit; quin etiam sepiissime nimio fluxu multi mortales intereunt, quem Græci morbum *δία τῆς λυτῆς* appellare solent. & erit aliquis, qui Luto spoliatum uiuere se posse diutius existimet, cum sola eius imminutione uideat, statim homines fato concedere? quod autem de hominibus dico, idem etiam de cæteris animantibus intellectum uolo, quorum nullum adempto Luto superesse ullo modo potest. cibus enim omnis in ipso stomacho; priusquam alatur, atque uentriat, ut in Lutum conuertatur necesse est, unde perspicuum est, non tantum utile Lutum esse, sed etiam omnino necessarium. Videte, Quirites, quam simpliciter, quam non fucate, quam non artificiosè uobiscum agam, ut nihil subdole, nihil uersute dicam, ut nulla fallaci conclusione, nullis mendacijs utar, ut artis illius phaleratæ prorsus obliuiscar, ut nihil denique dicam, quod non mihi paulatim suggerat ipsa ueritas. nullam enim hactenus de Luti necessitate mentionem feci, cum tamen, quamis utilissimum sit, longe magis necessarium esse, quam utile uideatur. id enim à nobis utile solet appellari, quod ad usum corporis aliquo modo potest accommodari, de quo fructus aliqui percipiuntur, necessarium autem siue quo nullo modo esse possumus, itaque cum sine Luto, nullus ex omnibus animantibus omnino possit esse, quemadmodum apertissime demonstratum est, sequitur ut prorsus esse necessarium, ad cuiusque animantis salutem concludendum sit. quæ in re stultitiam hominum admirari maxime licet, qui quod omnium maxime necessarium est, oderunt, atque reiiciunt, quod autem mare (quod aiunt) malorum sectionem adfert, id obuijs (ut dicitur) uulnibus amplectuntur. quis enim est, qui non Lutum spernat, & aurum diligit? atqui Lutum iam uidetis presentia sua uitam, absentia non dubiam mortem præstare; quo sit ut ad uitam conferuendam sit omnino necessarium, aurum autem si quis recto consideret, ad nullam uite commoditatem conducere prorsus inueniet; quin potius ingentium ac prope innumcrabilium malorum sæpenumero causam esse. hinc enim cades, incendia, rapina, bella intestina, ciuitatum direptiones, agrorum uastitates, tumultus, insidie, fraudes, patriæ prodiones, quicquid

quid dici, aut excogitari sceleris potest, cum interim à Luto nihil mali, nihil detrimenti, sed ut ab optimo parente, uitam, fortunas, commoda, uoluptates habeamus. quod siquid etiam aliud præter Lutum, utile fortasse reperitur, quod fieri posse non inficior, id tamen quicquid est utilitatis, acceptum ferri Luto necesse est, quoniam ab eo, sicuti antea docui, cuncta proueniunt. Agè uerò quale sit in ceteris etiam rebus, erga homines, Lutum uideamus. Non enim solum nos educat, alit, & oblectat, uerum etiam ita sese rebus omnibus accommodat, ut nihil sit, in quo nobis pradesse non possit, quis enim ignorat, edificandi rationem omnem prope Luto constare? quis non intelligit nullam posse ciuitatem sine Luto, nullum oppidum, nullam domum extrui? nulla Deis immortalibus templa dedicari? quis non uidet, cementum, bitumen, cretam, calcem, cetera, quibus omnes fieri substitutiones solent, Lutum esse? iam non longius ab instituto digrediar in declamando, ne me putetis aliquid Rhetorum more confingere, sed profecto uidetis, Quirites, quæm orationis splendorem prætermittam? possem enim dicendo subijcere oculis quod ornamentum, quæ uenustas, quæ dignitas, terrarum orbi deesse uideretur, nisi essent domus, nisi oppida, nisi ciuitates, nam aut in syluis ferarum more peruagari, aut in cauernis, ac terra foraminibus, ut Troglodyte feruntur, habitare necesse esset; sed quoniam ad finem iam spectat oratio mea tantum unum illum addam, quod à multis etiam antiquis eruditissimis uiris animaduersum est, esse mirificam quandam in Luto nim, ad omnes è languenti corpore morbos depellendos, pleni sunt omnes medicorum libri, plena omnia pharmacorum quæ de Luto componuntur. quod si quis mihi fidem minime habendam putet, Plinium legat & Galenū, & quicumque de arte medica scripserunt. tum demum intelliget, quid agris corporibus utilitatis Lutum asserat. quid? quod etiam ea Luti species, quam nos maxime fugimus, quæ de nostro egeritur corpore, maximi est usus in medendo: Nam Plinius certe sterces homines inter magnam morborum remedia connumerat, & Dioscorides tradit, hominis, & canis sterces, cum exaruerit, melle permixtum & gutturi annexum, anginis mederi, curam nunquam fallente, quod etiam mihi belluæ quedam intelligere præclare uidetur, nam Pantheram aiunt, cum Aconitum gustauerit, quod nenum est ei letiferum, ac perniciosum, hominis sterces diligentissime quærere, quo degustato facillime sanatur: nam Vpupam tradit Aristoteles, ex hominis stercore sibi nidum construere. credo quod in eo maximam & sibi, & pullis suis utilitatem experiat: has tam singulares, & eximias Luti uirtutes, etiam à maioribus nostris, quamuis rusticis hominibus, aliquo modo perspectas, & cognitatas fuisse facile crediderim; quippe qui mutato nomine, atque genere Lutum diuinis honoribus dignitati sint: cum enim uiderent,

summum

summum Deorum Iouem marem esse, Lutum etiam suum eo genere insigniri uoluerunt, Stercutiumq; Deum appellarunt; cumque de Luto uiderent omnia creari, Iouem etiam ipsum ex eo prognatum esse, crediderunt, itaque Stercutium, & Saturnum eundem esse dicebant: atque hac (ut opinor) de causa pedes leſti in quo Flamen Dialis cubaret, Luto tenui sicut Gellius scribit, circumlitos esse oportebat. neque uero expectet is à me Quirites, ut hac extrema orationis parte, quod à Rhetoribus fieri solet, ea repetam amplificando, quæ de Luti laudibus à me commemorata sunt; quid enim ea repetam, aut amplificem, quæ nō semel quidem satis pro rei dignitate potuerint explicari? quid? an iterum ea dicam, quæ nemo penitus inficiari potest? nihil esse Luto nobilius, quod à clarissimis parentibus terræ, atque humore natum sit, quibus Deus ipse, rerum omnium curam, atque administrationem demandauit? nihil esse Luto præstantius, unde quicquid est in orbe terrarum eximium generetur, unde non tantum belluæ, sed etiam homines ipsi formati sint? quod ab immortalī Deo mirifice diligatur? an iterum commemorem utile, atque necessarium esse Lutum? quod nullum animale eo priuatum uiuere diutius potest? quod eo frumenta, segetes, arbores, nutriantur, & fecundiores efficiantur? quod ex Luto fiant, quæcunque sunt ad uictum necessaria? quod ex Luto, ciuitates, oppida, domus, templa consruantur? an iterum tot, tantasque Luti utilitates, quas nemo cogitatione, nedum oratione complecti potest, exponere contendam? non faciam Quirites, non diutius incredibiles, atque diuinas Luti laudes ingenij mei culpa diminuiam. quamobrem hanc ultimam orationis partem integram cogitationi nestræ totam re linquam. uos quicquid excellens esse existimatis. Quicquid in rerum natura præciosum, quicquid amplum, quicquid magnificum ante oculos ponite. Ponite ante oculos hanc admirabilem naturæ uarietatem, tot & tam egregios terrarum fetus, tot animantium genera; tot res, & tam uarias ad usum hominum procreatas, ipsos denique homines; & cum diligentissime rerum omnium præstantiam, atque utilitatem consideraueritis, tunc ad Lutum mentium uestrarum aciem reuoluite, & cogitate, nisi Lutum esset, nihil earum rerum tam excellentiam potuisse generari. tum facilius apud uos ipsos statuetis, quantis laudum præconijs dignissimum esse putandum sit, & quantopere fallantur homines in opinionibus suis, tunc omnino decernetis, non esse temere cuiquam assentiendum, cum in hac re, luce clarius uideatis, uniuersos ferè mortales maximopere decipi.

IIIDAROTIAM MA JM 56
PRO SE IN SENATV MEDIO-
lanensi; cum de mutatione nominis
à Fabio Lupo, & à Macrino Ni-
gro fuisset accusatus.

ORATIO X.



*M*ita vitæ megrationes ab incunte etate suscep-
sem, Patres conscripti, ut & parentum meo-
rum optimorum hominum consilijs, & præcepto-
rum, quos mihi plures, & eos perquam erudi-
tos habere contigit institutionibus, & nature
etiam ipsius instinctu, quam semper tanquam
optimam ducem mihi sequendam esse censui, que-
cunque facerem, omnia fugiende turpitudinis,
& honestatis adipiscende causam mihi facienda es-
se statuerem, ut non ocio, sed labori, non libidini, sed industria, non iner-
tijs, sed ingenuis artibus me natum existimarem, sperabam fore, ut non so-
lum ab aduersariorum meorum accusationibus, quos ego semper, propter
eam, quæ cum eis mihi est, collegij societatem, & colui, & obseruari: sed
etiam à maleuolorum hominum oculis, & ab omni denique reprehensio-
ne totius vitæ meæ cursus tutus esset perpetuo futurus. Quid enim aut ac-
cusatorum calumnias, aut obrectatorum maledictiones ille pertimescat,
qui rectè uoluntatis conscientia munitus, primo neminem unquam sponte
leserit, deinde pro uirili parte quam plurimis semper prodesse studuerit? sed
profecto nihil est tam integrum, quod non frangere, nihil tam sanctum quod
non uiolare, nihil deniq; tam munitum, quod nõ expugnare uel nocendi cupi-
ditas, vel inuidia conetur. si quis enim diligentissime querat P. C. nihil aliud
in causa fuisse reperiet, cur aduersarij mei tam in me acriter exarserint, tam
in sensu infestique sint, ut omni intumelia me inuadant, de me fama que
mea detrahant, me accusandum uobis esse censeant. nisi quia tam breui tem-
pore præter spem atque expectationem suam, hac in literarum professione,
qua sibi maxime placebant, in qua primas obținebant, & se perpetuo re-
gnaturos opinabantur, se dignitate nident à me beneficio uestra superatos,
hoc est, quod eos assidue torquet, quo dies noctesque cruciantur, quo peni-
tus disrumpuntur. nam usque eo laudendi cupiditate cæci contra famam di-
gnita-

gnitatemque meam seruiunt, ut dum me nimis cupide, atque importune
insectantur, vobis etiam P. C. petulanter, & imprebe malodiciant. neque
satis aduertant, aut cogitent, me sine op. uestra, sine auxilio, sine auctori-
tate, nequaquam ad hunc dignitatis gradum ascendere potuisse. quos it, ut dñs
mibi procacitate lingue nocere student, dum in me viris acerbitalis sua no-
munt, eodem tempore uestrum etiam de me iudicium perspicue condemnēt.
quicquid enim est in me dignitatis, quicquid glorie, quicquid honoris, id a
vobis P. C. me totum accepisse non solum grato animo cognosco, sed etiam liben-
tissime predico. uos me non hominem ex umbra, qđ aiunt, in solē eduxistis.
uoshanc mihi amplissimā, atq; honestissimā utriusq; lingue publice docende
provinciam uestra sponte demandastis. Vos mihi liberos uestros, atque uni-
uersam Mediolanensem iuuentutem erudiendam commisistis. Vos idem po-
test, cum propter bellorum tumultus intermissis literarum studiis, ab hac ur-
be discessissem, amplificato stipendio me reuocandum anno superiore censui-
stis. neque hoc imprudentissimi homines aduersarii mei considerant, vos sa-
pientissimos & Reip. amantiſsimos uiros, nequaquam ad hoc munus me reuo-
caturos fuisse, nisi probum uirum, & tali dignum officio iudicauissetis. sed
cum nullam in me scelus, nullum flagitium, nullam petulantiam, nullum
eiusmodi crimen, quo meum nomen probabilis de causa deferrent, ne fingen-
do quidem excoſitare potuiſſent. propterea quod ego ſemper ab incunte eta-
te, quoad facultas mea tulit, innocentiam, atque integritatem uitę com-
plexus ſum: uidere quod tandem in me dubili nocendi studio progreſſi fuerint.
hanc unam leuē, & prorsus inane accusationem; quemadmodum uos eā
pro ſummi ueſtra prudentia indicaturos ſpero, quod ipſe mihi nomen immu-
tarim, ſi ſcīperē non dubitarunt. ut ſi quo modo fieri poſſet. ueſtram a me
beneuolentiam, quam in me ſingularem ſemper oſtendiſtis, ueſtrosque an-
mos a dignitate mea, citi ſemper haſtenus magnopere ſanctis ab alienarent.
in eam enim ſpem atque opinionem uenerant, fore, ut iſta ſua tam populari
actione ſtatim opprimeret; & penē prius a uobis condemnaretur, quam ab eis.
reus fierem. nam me propter eorum hoſtile impetum adeo timore perturbis-
ſim exiſtimabant, ut apud uos, quorum animos aſſiduus in me criminationi-
bus accendere, atque inflammare conati fuerant, pro me ipſo dicere nihil
prorsus auderem. ed illud eos omnino ſingit P. C. magnam uim eſſe conſcienti-
ę, quod ait orator, in utranque partem, ut neque timeant, qui nihil com-
miſerint, & penam ſemper ante oculos uerſari putent, qui peccarint. hæc
igitur uires innocentie mee fidem cuique ueſtrum facere debet; quod nul-
la ſceleris conſcientia ter ritus, ſunul atque mihi dies dicta eſt, nihil recuſa-
ui, quo minus uadimonium obire, & ueſtro me iudicio nulla interpoſi-
ta mora committerem, quamuis nulla eſſet; quę contra me facerent boe

pore non ignorarem, primum aduersariorum meorum summa gratia, qua plurimum eos in hac ciuitate posse non mirum est, cum multos nobiles ciues simulatio probitatis deuinctos consuetudine sua teneant, apud quos se deos in docendo faciant, & eruditionem atque doctrinam suam maiorem in modum extollant, & amplificent. qua certe scientiæ opinione multorum gratiam, & fauorem aucupantur, deinde incredibilis eorundem audacia, profuentiaque loquendi, qua mortalibus omnibus antecellunt, ut nihil tam incredibile esse uideatur, quod in quemuis hominem impudentissime fingendo dicere non audeant. mihi uero, quod uos P. C. non ignorare certò scio, mirificus quidam à natura pudor insitus est, ut cum in alienis etiam causis initio dicendi commoueri soleam, tum hoc tempore, quo mihi pro me dicen- dum est, & si recta conscientia fretus, audenti animo in hunc locum uenerim, tamen facere non possum, quin aliquo timore concutiar. sæpe enim mihi uenit in mentem subuereri, ne si forte de me, meæque uitæ rationibus aliqua dicere conatus fuero, in arrogantia suspicionem incidam, quam in hoc orationis meo principio P. C. maxime uelim a uobis deprecari, ut quæ mihi de me necessario dicenda sunt in hac causa, non ea me mea sponte, qui ab omni penitus ostentatione semper alienus fui: sed ab aduersariis coactum, ne turpi iudicio uictus abeam, commemorare existimetis. nam si pudoris atque naturæ meæ rationem habere uoluerò, nihil ut de me libere, nihil magnifice dicere audeam, nullam asserre causam potero, cur me uos dignum existimaueritis, quem ad hoc tam amplum, tanquæ honestum publice docendi munus eligeretis. huc accedit opinio quedam, quæ iam penitus insedit, atque inueterauit, in omnium serè mentibus, non nisi alicuius fraudis atque maliciæ causa solere nomen immutari. qua in re maxime sese extulit, atque exultauit aduersariorum oratio. Usque eo, ut hoc uno nomine se putent effecisse, ut me quam cupidissime uos P. C. damnaturi sitis. sed ut spero & opto, nunquam improbitate sua, nunquam conuicijs, & calumnijs suis efficiant, ut uos ista prudentia, atque sapientia, tam leni criminatione ducti, ciuem enim, in quem tot ac tanta iam pridem beneficia contulistis, quem uestra sponte tantis honoribus condecorastis, innocentem aduersariorum crudelitati ingulandum tradatis. quæ est enim ista accusatio, qua se sperant apud uos non tantum omni me dignitate spoliare, sed etiam si fieri potest, infra mortuos amandare? quam lenis? quam nugatoria? quam indigna uestris auribus, uestroque conspectui? quid est, quod in me reprehendatis boni accusatores? an me fortasse nefarium aliquod, aut impium, aut scelestum perpetrasse coarguitis? nihil minus. quid ergo est tibi aiunt, nomen immutasti. cum enim prius ab omnibus Antonius Maria dicereris nunc te Marcum Antonium uocari iubet. en crimen. en accusatio. digna uero causa pro-

M. AN. MAIORAGII

pter quam tantas isti tragædias excitent, me insectentur, exagitent ex ho-
 minum numero ejiciendum atque exterminandum esse clamitent. nihil enim
 aliud in me tam longo sermone suo, tot odiosis nugis aduersarij reprehende-
 runt, nisi quod unam in nomine meo syllabam immutarim, atque ex Maria
 Marcum fecerim. Equidem cum esse me gaudeo P. C. in quem cum maxi-
 mè cuperent aduersarij, ne uerisimile quidem ullum crimen fingere potue-
 runt. tota enim eorum decusatio, quemadmodum audiuisis, in nominis mu-
 tati reprehensione uersata est. nihil de uita, nihil de moribus, nihil de hone-
 stis fama detraxit. quod ab istis non ideo factum est, quia deesset illis ma-
 ledicèdæ cupiditas; semper enim maledici conuiciatores & fuerunt, & habi-
 ti sunt; sed quia nimis impudenter & aperte mentiri ueriti sunt. cum nihil
 omnino. quod probabiliter accusare possent, inuenirent. Bene habet, ia-
 sta sunt optima defensionis meæ fundamenta. neque enim uereor, ne fraudis
 alicuius aut maliciæ gratia nomen à me quisquam uestrum immutatum existi-
 met, cum prope aduersariorum confessione uir bonus atque integer iam iudi-
 catus esse uidear. Nam qui accusator, nihil in eius uitam dicit, quem ac-
 cusat, is plane uirum probum atque honestum se accusare confitetur. Itaque
 mihi facilis ad aduersarijs, & expedita ratio defensionis propozita est. quo-
 niam, ut ipsi tacendo confitentur, omnis abest à me, meisque moribus frau-
 dis atque maliciæ suspicio. Sed ut facilius intelligere possitis P. C. quod iam
 uobis penè persuasum esse certum habeo, nihil hac in re malitiosè, nihil im-
 probè gestum à me fuisse, date mihi hanc ueniam, accommodatam huic cau-
 se mihi ad uincendum prope necessariam, uobis, quemadmodum spero, non mole-
 stā, ut apud uos de me ipso, et de superiore uita mea paulò liberius aliqua dicā.
 Sic. n. & uerū ex me audietis, & mores meos purgatos probatosque esse intelli-
 getis, & de tota huius causæ ratione liquidius & apertius iudicare poteritis
 Iulianus Comes homo cum innocetia, atque integritate uitæ, tū officio, fide, au-
 thoritate sui municipij facillè princeps, mihi pater fuit P. C. qui cum Maioragiū
 uicū habitaret, atque ita se comiter liberaliterque gereret, ut vicinis omnib. gra-
 tus, & carus haberetur cognomen à loco sortitus est, & Maioragiū appel-
 latus. is cum adhuc esset adolescens, uxorem duxit ex antiqua nobilique co-
 mitum familia Magdalenam nomine, leuissimam, & honestissimam fami-
 nam. ex qua cum primo tres filias suscepisset, tandem etiam me quarto lo-
 co suscepit: quem ex patris sui nomine, qui mortem iam pridem obierat, (si-
 cut à plerisque fieri solet) Antonium appellauit, ut in filio patrem à mortuis
 quodammodo reuocare uideretur. hoc enim præcipue nomine semper delecta-
 ta fuisse familia nostra uidetur. Nam & apud maiores nostros clarissimos
 comites permulti fuerunt, & hoc etiam tempore complures in ea sunt Anto-
 nij. Cum igitur magna quadam cum diligentia atque cura, quæ me unicū
habe-

habebat masculum mater educaret, & quotidie vota faceret, ut uiuax, & superstes essem, boni ominis gratia. quemadmodum ex ipsa sepe audiui, nomini meo Mariam addidit: ut sanctissimum illud diuinæ matris nomen materna quadam pietate, muliebrique religione mihi additum, gratiorem ex nomine meo sanum, atque amabiliorem ad ipsius matris aures apportaret, eam enim sepius commemini dicere se Mariæ nomine mirandum in modum solitam esse recreari. Hinc igitur accidit, ut ab incunabulis usque, non à matre solum, quæ mihi nomen illud addiderat, sed etiam à patre, atque ab omnibus vicinis Antonius Maria semper uocatus fuissim. neque enim unquam alio nomine me passa est mater quoad uix appellari neque pater cum hoc parui esse momenti iudicaret, in eare matris uoluntati refragari uoluit. ab his initijs profectus, ut primum per atatem mihi licuit, & latinis & græcis literis ad humanitatem informari, statim à parente, qui me quam doctissimum fieri vehementissime cupiebat, quamuis ei non admodum ampla rei familiaris copia suppetere, erudiendus doctissimo præceptori traditus sum. sed cum aliquos iam in literis progressus facere cepissem, postea temporum iniuria, quæ diu maxime perturbata, atque tumultuosa fuerunt, effectum est, ut per annos amplius octo, tametsi literarum essem amantissimus, nihil tamen in eis operæ, nihil studij ponere potuerim. donec tandem cum paulo quietiora tempora successissent, à Primo Comite consobрино meo doctissimo uiro Nonocomum, quæ Romanorum colonia fuit ubi tunc ipse publice docebat, magna sanè cum humanitate, atque beneuolentiâ perductus sum. ibi cum aliquod tempus operam Primo dedissem, qui me cum studiose, tum peramanter erudire contendebat, & ipsius præceptoris iudicio tantum iam in literis profecissem, ut non tantum latinis, & græcos auctores per me ipsum intelligere sed alijs etiam interpretari facile possem, Mediolanum in antiquam maiorum meorum patriam & ciuitatem ueni, uiuente adhuc Francisco Sfortia Mediolanensium duce ac principe. Statim Fanniani cum adhuc ignotus in hac urbe penitus essem, me domum suam receperunt, eaque comitate, atque liberalitate erga me longo tempore uisi sunt, ut huic Lancilloto Fanniano uiro summa uirtute, fide, religione prædito non minus quam parenti me debere & sentiam, & libentissime prædicem. sui apud hunc annos circiter quinque. quo quidem tempore literarum studijs adeo uehementem operam dedi, ut totum illud quinquennium in labore atque contentione animi contriuerim, ut me non quies, non remissio, non æqualium studia, non ludi, non conuiuia delestarint. Testis est uir iste grauissimus atque ornatissimus Lancillotus Fannianus patronus meus, qui mihi adest, de me sollicitus est, meum honorem, atque exultationem tuetur. qui cum in studijs literarum me continentur versari uideret, magno quodam cum amore suspici-

sine reprehendere solebat, quod acquirenda scientiæ desiderio, propria salutis obliuisceretur. Testes sunt omnes qui me norant eo tempore, ut non semel propter nimis assiduum studium, cum in grauissimos morbos incidissem, de uitæ periculo dimicarem. Erat autem studijs meis ille finis propositus, ut si quomodo fieri posset, amissa iam pridem in hac ciuitate dicendi ratio, & declamandi consuetudo per me restitueretur. Itaque non tantum ipse prope quotidiana dicendi exercitatione utebar, sed etiam nobilissimos adolescentes incredibili quadam cum animi uoluptate propter eorum excellens ingenium more ueterum assidue declamantes audiebam, & eorum dictionem, quantum per me fieri poterat, ad illius diuinae Cicconis eloquentia modum, atque exemplar informabam. neque tamen inter ceterarum artium ingenuarium studia prætermittebam. nam eodem tempore ab Arunte Batalao ingeniosissimo, & acutissimo uiro in dialectica studiosissime exercebar: quæ, quod ait Cicero, quasi contracta & ascripta eloquentia putanda est. & in mathematicis disciplinis Hieronymo Cardano philosopho medicoque peritissimo, & nostri temporis mathematicorum facile principi dabam operam. Sed cum propter nouam docendi rationem meam maximus quotidie nobilissimorum adolescentium concursus ad me fieret. nam & uos P. C. & ceteri ciues nostri de me iam eam opinionem conceperant, ut mihi rectissime filios suos committi existimarent. cogitare capi longe mihi, & ad famam clarius, & ad erudiendam iuuentutem commodius fore, si publice docendi prouinciam à Gymnasiarchis nostris mihi demandari procurassem. quam in spem & cogitationem adductus sum, postquam uir sapientissimus Philippus Saccus huius publici consilij auctor, & uestri ordinis princeps, me ad eam prouinciam petendam inuitauit, suamque suffragationem omnium potentissimam & probatissimam mihi sua sponte peramanter obtulit. huius igitur præcipue opera, tum etiam studio, atque fauore clarissimi, & amplissimi uiri Francisci Sfrondati, qui cum eo tempore Mediolani primarius senator haberetur, & Caroli Quinti imperatores consiliarius esset, summum dignitatis gradum obtinebat, magno consensu totius ordinis uestri cum uix sextum ac vigesimum annum attigissem, ad oratoriam artem publice docendam electus sum. quo quidem munere duos annos ita perfunctus sum, ut (nequid arrogantius de me dicam) nemo diligentiam aut industriam meam desiderarit. quin potius ita noctes, & dies in omnium doctrinarum meditatione uersabar, ut non tantum propinqui, atque necessarii mei, sed etiam multi ex uobis P. C. me sapissime reprehenderent, quod nimios magnos labores, & uiribus meis impares assumere non dubitarem. ardebam enim (ut ingenue fatear) incredibili gloria cupiditate, quam in adolescente nequaquam esse uituperandam sapientes omnes existimant. nullum igitur omnino diem esse patiebar, in quo

non aut publice docerem, aut priuate mecum ipse meditarer, & vel scriberem, vel declamarem. frequenter autem eodem die hac omnia faciebam. Interim cum apud nos maxima esset belli suspicio, quoniam ingentes Gallorum copiae iam Alpes transcenderant, atque in taurinis cōsederant, omnes publici bonarum artium professores, ut sit in eiusmodi temporibus, dimissi sunt, & studia literarum intermissa. Quare cum iam biennium in publico uersatus fuisset & meum in hac urbe nomen celebrari cepisset, Mediolano sum profectus. ea tamen cogitatione, atque mente, ut, quoniam bellum non semper fore sperabam, ad eandem publice docendi prouinciam instructior atque eruditior aliquando reuerterer. Itaque cum Ferrariam accessissem, & praclare intelligerem: quantum huic meae professioni utilitatem vel mediocris iuris civilis cognitio posset asferre, propter multos, qui passim occurrunt, in probatis auctoribus locos, ex intima iuris prudentia decerptos, atque delibatos; oblatam mihi praeclearam occasionem repudiare nolui; sed eodem ardore animi, quo reliqua studia complecti solitus fueram, etiam ius civile sum amplexus. Itaque Andreae Alciato ciui nostro, iurisconsultorum omnium non tantum huius aetatis, sed etiam ueterum penè principi qui proximis quatuor superioribus annis Ferrariae ius civile professus est, multum operae dedi. Sed quia memineram non idcirco me iuris civilis studium amplexum fuisse, ut aliquando consulentibus de iure possem respondere, sed tantum, ut facilius bonos auctores intelligerem, ideo summum etiam philosophum uincientium Magium eodem tempore audiebam. semper enim admirabili quodam ad philosophiam studio concitatus fui, neque id unquam studium, cum ab ineunte aetate complexus fuisset, mihi dimittendum esse censi. Erant in manibus eo tempore mihi lucubrationes quaedam, quas ut amicis id à me flagitantibus obsequerem, in lucem mittere cogitabam. sed incertus animo ferebar, quo modo meum in eis nomen inscriberem, nam in uerborum delectu, quod C. Caesar eloquentiae principium esse distabat, adeo diligens & penè dixerim superstitiosus eram, ut nullum omnino uerbum, nullam uerborum coniunctionem, nullam dicendi formulam admittendam mihi esse censerem, quā non apud ueteres latinos, atque probatos auctores inuenissem. id igitur in nomine meo praecipue seruandum esse statuebam, ne cum latine linguae, candorem, & elegantiam profiterer, aliquis mihi barbarum nomen, & inusitatum aliquando posset obijcere. atque eo magis, quod mihi nullo modo conuenire uidebatur, ut muliebri nomen cum uirili coniungeretur. quis enim apud antiquos unquam talem nominis coniunctionem uel legit, uel audiuit, ut quis à uiro & muliere nominaretur? legimus quidem à beuis quosdam aliquo euentu cognomina feminea tulisse, ut *Asina* *Scrofa*, *Merula* *Lamia* dicerentur; sed qui à mulieribus cognomen duxerit, necminem om-

M. AN. MAIORAGII

nino legimus. Itaque cum de hac re diu deliberassem, tandem nomen illud Maria, quod, ut initio dixi, fuerat aduentitium & à matre additum, mihi dimittendum esse statui. neque id tamen sine doctissimorum hominum consilio qui: quod infra perspicue demonstrabimus; omnino mihi licere confirmabant, non tantum quod mihi displicuisset nomen repudiare, sed etiam quod placuisset, uel prænomen, uel cognomen assumere. quæ res effecit. dicam enim non deriuandi criminis gratia P. C. sed ut sciatis, quod factum est, ut me Marcum Antonium inscriberem non dubitarem. assumpto etiam à patre Maioragii cognomine. quod ille, quemadmodum antea do cui, sortitus à uico Maioragii fuerat. Primum igitur Ferrariæ, cum orationes quædam meæ, defensionesque Cicconis contra Calium calcagninum in lucem renissent, ex earum inscriptione Marcus Antonius Maioragius ab omnibus, qui me norant, uocari captus sum. deinde cum quantum mihi satis esse uideretur Alciatum audiuissem, & hac in ciuitate restitum iam belli tumultu, studia literarum instaurari intellexissent; mihi statim redendum esse Mediolanum censi, ut intermissum publice docendi munus iterum aggrederer. quod haud ita multo post longè maiori quam antea stipendio, atque existimatione uestro sum beneficio consecutus. Hoc aduersarijs meis adeo molestum atque graue uisum est, ut omni primoratiōe conati sint efficere, ne pristinum locum meum & dignitatem recuperarem, deinde cum præter opinionem illis euenisset, ut uos P. C. me tam liberaliter, tamque benigne reciperetis, nunquam apud ciues Mediolanenses de fama, atque doctissima mea detrabere cessauerunt, donec tandem cum aliud nihil criminis, quod aut uerum esse, aut uerisimile uideretur, excogitare potuissent, hanc immutata nominis actionem in me suscitauerunt. Hic est exactæ uitæ meæ cursus, P. C. hæc studiorum meorum ratio, hoc duorum & triginta annorum, quibus hætenus uixi, spacium, in quo nulla fraus, nullum notabile uitium, nulla insignis malicia reperitur. illud unum ab aduersarijs, in omnem uitam meam studiosè cupideque perquirentibus, grauius est reprehensum. quod in nonnumquam Marianum in Marcum permutarim. quod quidem per se, nullo adiuncto scelere, nullo dolo, nullo fraude, quam leue sit, atque ridiculum crimen, puto uestrum penitus ignorare neminem. Intelligo P. C. totam aduersarij acculationem tres in partes distributam fuisse, & in huius facti mei reprehensione, unam earum, quod contra leges, atque instituta maiorum; alteram quod contra omnium consuetudinem; tertiam quod contra decus atque honestatem sit esse uersatam. quibus singulis ordine mihi respondendum esse arbitror. Ut si forte aliquid oratione sua se perfecisse existimant, hæc illis opinio detrabatur. Et iam tandem intelligant, aliud esse uerè atque iustè accusare, quod in hominem innocentem minimè facere potuerunt

tuerunt, aliud improbe atque maledice conniciari, quod unum in tota sua accusatione consecuti sunt. Ac mihi quidem in hac prima parte non admodum laborandum esse uideo, quoniam etsi contra leges hoc à me factum aduersarij dixerint, nullam tamen penitus neque diuinam neque humanam legem profertre potuerunt, qua cautum sit, ne nomen immutare liceat: sed tantum à quibusdam iurijconsultis se audiuisse dixerunt à legibus nequis sibi nomen mutet, prohiberi. qua quidem in re cum *siemmam*, atque, ut ipsi iurisperdentes uocant, *crassam ignorantiam*, tum etiam maximam leuitatem ostendunt: qui cum apud tales uiros, quales uos estis P. C. iudicium exerceatur, sperent ex eo, quod ipsi aliquando uel audiuerunt, nel quod est uerisimilius se audiuisse commenti sunt, non autem ex eo quod re uera lege sancitum inuenitur uos legum peritisimos, & religiosissimos obseruatores iudicatores. Quamobrem ita cum eis agam, si quo modo conuenire possum, ut hac de causa statim decidatur. Si lex una uel ciuilis, uel diuina, uel pontificia reperiatur, quæ sine fraude mutare nomen prohibeat, nihil mihi profint exempla doctorum hominum, quæ plurima sunt, nihil antiqua consuetudo, quæ uim legis obtinet, nihil denique uita, ad hunc usque diem honestè acta: me confestim damnare: me quouis supplicio dignum exisimare: sed si uerba tantum inania fundunt accusatores, si tantum ea dicunt quæ non modo non auctoritatibus aut rationibus confirmant, sed ne confirmare quidem laborant, poteritis ne uos ista sapientia, ista religione, ista iustitia P. C. animum inducere, ut ea credatis quæ hostili animo, sine ullis testibus, sine legum auctoritate, sine ulla firma probatione, contra me isti falsa crimina quasi uenenata tela coniungunt? noui uestram intelligentiam, uestram fidem, uestram aquitatem, nullo modo feretis, ut is, uestro iudicio damnatus abeat, quem non certo aliquo crimine, sed tantum calumnia quadam, & falsa iuris interpretatione circumuicere aduersarij cupiunt. nam quæ tandem sunt istæ leges contra quas à me factum esse dicitis accusatores? ubi scriptæ sunt? ubi reperiuntur? ciuiles ne sunt? an pontificiæ? an diuinæ? generales, an municipales? aquidem cum & ipse diu, multumque totum iuris ciuilis, & pontificij corpus percurrissem, & utriusque iuris peritissimos homines consulissem, nullam unquam legem, nullum Senatusconsultum, nullum plebiscitum, nullam principum constitutionem, nullum magistratuum edictum, nullum prudentium responsum aut reperi, aut esse audiui, quo speciatim cautum sit, ne quis sibi nomen immutet. quod si uos esse dicitis, cur non quamprimum profertis? cur non in medium adducitis? Legimus quidem Athenis lege cautum fuisse, nequis sibi maternum nomen imponeret, ne ue saminæ familiarum cognomina uel celebritatum susciperent, sed quid hoc ad causam nostram? nam etiam si grauissimis pænis, & sanctionibus apud

M. AN. MAIORAGII

apud alias nationes mutare nomen lege prohibitum esset, non tamen apud nos ideo damnari quisquam deberet, nisi nostra etiam uel ciuiles, uel pontificie leges prohiberent. nunc uero cum nullam neque nostram, neque externam legem inuenire possitis, qua mutatio nominis impediatur, quid est, quod hoc nomine me tam impudenter urgeatis, ut contra leges à me factum fuisse clamitetis? Sed quid in leuissimis istis calumnijs uestris commoror? quid si leges nostra nominis mutationem non modo non prohibent, uerum etiam aperte concedunt? quid si, quod nos contra leges esse dicitis, ego luce clarius à legibus ipsis permitti do, uero? quid erit cause quo minus improbissimi calumniatores esse uideamini? Quid ergo? uos nullam legem quæ prohibeat asserre potuistis, ego uero contra quæ permittat, & concedat, & licere patrum testetur asserre possim. negatis? at iam efficiam, ut uel inuiti fateamini. Recita Diocletiani atque Maximiani legem, quam Iustinianus in suo codice comprobauit, & perpetuo deinceps ratam esse uoluit. Recita. Lex Diocl. & Max. Sicut initio nominis prænominis, cognominis recognoscendi singulos impositio libera est priuatis, ita eorum immutatio innocentibus periculosa non est. Mutare itaque nomen, uel prænomen, uel cognomen sine aliqua fraude licito iure, si liber es, secundum ea, quæ sæpe statuta sunt minime prohiberis, nulli ex hoc præiudicio futuro. Auditis ne P.C. quam clare, quam aperte, quam dilucide nomen uel prænomen, uel cognomen mutare lex concedat? modo liber sit is, qui nomen mutat, & id sine aliqua fraude faciat. quin eadem lex ostendit, hoc non semel esse tractatum, sed sæpe statutum fuisse, cum ait: secundum ea quæ sæpe statuta sunt. quam autem apposita, quam uenusta, quam pulchra quam uera similitudine legislator utitur, ne fortasse aliquis de hac re dubitare posset, & lenitatis aut inconstantie famam timeret, si nomen sibi mutare uoluisset. Hoc, inquit, est in arbitrio atque in potestate nostra, ut quandocunque nobis placuerit, nomen immutemus: quemadmodum enim initio nominis impositio cuilibet libera est, & quodcunque uoluerit, sine pater, sine alius quiuis puero nomen imponere preest, ita quilibet cum adoleuerit, si forte sibi nomen, uel à parentibus uel ab alijs impositum minime placuerit, sine ullo periculo, modo sit innocens, potest illud immutare. Quid hac sententia clarius? quid apertius? quis huius legis uerba potest aliter interpretari? quis in alium sensum detorquere? quis exceptione aliqua contrahere? cum ipsi legislatores una tantum eam exceptionem addat, extra quam si quis fraudis gratia faciat. quo in loco iurisconsulti hoc fraudandi gratia fieri sentiunt, cum sigillatim, & in una tantum, aut alterare nomen mutatur, non autem cum generatim atque in rebus omnibus. cum igitur hanc unam fraudis causam legislatores excipiant, nemini dubium esse potest, quin alias omnes admittant,

mittant, unde Baldus legum interpret acutissimus, totius legis huius summam ita paucis explicat: Mutatio nominis non fraudulenta libera homini est permessa. quod etiam Alciatus noster quarto Dispositionum suarum libro comprobat. quæ cum in memoriam renoco, nullum cause meæ patronum desidero. nam etiam si nihil de hac re lege cautum fuisset, tamen id mihi licere contenderem. quæ enim legibus nunc prohibentur, omnibus ea concedi uidentur. nunc uero cum lex ipsa palam testetur, & aperte clamet, licere cuique homini libero mutare nomen. quid est, cur ego dubitare debeam, quin omnium sententiis uictor in hoc iudicio discessurus sim? nam quod quidam huius legis interpretes ita sentiunt, uiri boni esse officium, ad effugiendam fraudis suspicionem, uniuersæ multitudini nunciare, se pristinum nomen immutare uelle, uel edicto proposito se in posterum alio nomine usurum patefacere, id tametsi non legis præceptum sit, sed tantum ipsorum interpretationem consilium, tamen à me diligenter obseruatum est; qui non prius me Marcum Antonium Maioragium appellauit, quam essent scripta mea typis hæc excussa & passim peruulgata, quibus facile possent omnes intelligere, me deinceps eo nomine semper uti uelle, quamobrem aut lex damnanda est, quæ nomen mutare permittit, aut ego legem absolundus. sed quis tam audax, tam temerarius, tam furiosus esse potest, qui legem tam improbandam esse censcat, quæ iam annos mille ducentos atque amplius, ex quo fuit à Diocletiano, & Maximiano lata, deinde à Iuliano comprobata semper ualuit? quam nemo unquam reprehendere ausus est? cuius auctoritate freti multi doctissimi homines nomina commutarunt? cui nihil unquam ex quo fuit edita, neque abrogatum neque derogatum fuit? quæ tam clara, tam perspicua est, ut cum aliæ pleræque leges uarios sensus admittere posse videantur, hæc nullam alium sensum, nullam interpretationem prorsus admittat? quod si lex ualet, si firma est, si rata, quis non intelligit à me legitime nomen immutari potuisse? quod enim ex lege sit, id etiam iuste fieri existimant, alioquin à iusticia leges discrepant, quod ne dictu quidem fas est. ergo sequitur, ut hoc à me iuste factum sit. ridet accusator meus Fabius Lupus, maximus (ut ipse sibi uidetur) ueterator, orationem se sperat inuenisse, quam e differat. nam reliqui minus aliquanto mihi sunt infensi. hic unus urget, instat, quiescere non patitur, sanguinem meum sitit, me uinum exorbere concupiscit, inimiti quodam atque efferato animo tanquam ictus aper in me ruit. audiuit, ut opinor, nominis mutationem iure civili cuius homini libero permissam esse. quare multis exemplis, & argumentis conatus est ostendere, non omnia quæ iure civili permittuntur homini christiano esse concessa; quoniam multis in rebus pontificiæ leges à civilibus plurimum discrepent. quæ in re supra modum eius exultauit oratio, atque ita se-

se iactavit & extulit, ut uocem illam suam odiosam atque ululantem ea ratione se uendibiliorem posse facere speraret, perinde quasi noua quedam & ante hunc diem inaudita diceret. quæ neque uos P. C. neque quisquam alius literarum studiosus potuerit unquam aduertere. Quid ais bone accusator? qua in re legem à me citatam damnas? quid habes contra illam dicere? quid est, quod eam improbandam censeas? multa sunt, inquit iure ciuili permixta, quæ tamen à diuinis legibus & pontificijs penitus abhorrent. audio. sed quæ tandem ista sunt? potes ne inter ea nominis mutationem commemorare? nihil minus, quid ergo? permittunt, inquit, leges ciuiles esse in ciuitatibus lupanaria: permittunt senora centesimarum, besium, & semissium; permittunt adulterum cum filia nupta deprehensum interfici: nemo tamen uir bonus scortari, senerari, occidere, iustum esse dicet. quid præterea? permittunt leges oppressos esse alieno pauperes in carcere emori; permittunt ut qui uxorem non habet, ei concubinam habere liceat, & alia nonnulla, quæ nemo uir probus laudare possit. sunt ista uera. quis negat? sed quid ad causam, & questionem nostram? habet ne similitudinem aliquam mutatio nominis cum meretrice consuetudine, cum senore, cum cæde, cum pellicatu? quis tam rerum ignarus, tam amens, tam stupidus est, quin intelligat hæc tota, quod aiunt, diametro discrepare? iam uidelicet te auctore & iudice, si puella sibi nomen immutarit, in tam graue crimen incidet, quam si concubina alicuius fuerit, aut meretriciam uitam instituat, si quis religionis gratia nouum sibi nomen assumpsit, æque peccabit, ac si senerator aut homicida factus fuerit. quis hæc tam absurda, tam à communi sensu aliena, tam à ratione abhorrentia sine stomacho potest audire? quis non uidet argumentorum inopia te illa conquirere, quæ non modo tuam accusationem non adiungunt, sed etiam plurimum infirmant? quæ nihil aliud quam hostilem atque iniquum animum tuum ostendant? speras ne talibus uiris iudicantibus istam similitudinem tuam te probaturum? poterunt ne isti iudicare, tam grauiter ab eo peccari, qui sibi nomen mutet, quam ab eo, qui scortetur, sencretur, occidat, concubinam habeat? uide, ne sint ista tua decreta stoicorum, qui non minus eum peccare censebant, qui gallinam galinaccum, quam qui hominem occidisset, qui canem alterius horti fregisset, quam qui deorum immortalium fana spoliasset. salue noue stoice, zenone temperantior, Catone seuerior. sed tamen quæso te nisi molestum est, prius quam ista tua tam firma ratione condemnor, ut mihi pauca quedam respondeas. cupio enim ex te intelligere, utrum diuinis atque pontificijs legibus scortationes, senora, cades, pellicatus prohibeantur, nec ne? quid hoc, inquires, ad rem? nihil fortasse. uerum tamen credo te responsurum esse, quod nullo modo negare potes, talia omnia iure pontificio nominatim esse.

esse prohibita. sed quid de nominis mutatione, eodem ne modo cautum est? Pro summe deus, quamvis hominibus cecitatem improbitas atque nocendi studium inducit. nescit omnino quid respondeat, quid fingat ex templo non habet. uidet enim apertissimè, quæ modo commemorata fuerunt à diuinis legibus & pontificijs esse reprobata, nominatimque de singulis cautum esse, ne cuiquam seortari liceat, ne liceat senerari, atque ita de cæteris. cum tamè interim nusquā aut in sacris literis, aut in pōtificio iure, aut in ijs q̄ sanctissimi homines ediderūt operibus, nomē mutare phibitū sit. hac. n. diligētia sapientissimi uiri maiores nostri qui ius pontificium condiderunt, quod uulgō Canonicum uocant, usi sunt: ut non tollere ius civile, sed emendare quodammodo uiderentur. itaque factum est, ut quæcunque uiderent à fide persuasioneque christiana nihil abhorre, ea firma, atque rata omnia esse uoluerint. quæ uero uel in minima quidem re à diuina lege dissentire intelligerent, ea uel prohibenda penitus, uel corrigenda. saltem esse censuerint. Scortationes igitur & sanora, & pellicatum, & eius generis cætera, qua semper annexam turpitudinem habent, quamuis civili iure concederentur, procul tamen à christianis moribus abesse oportere statuerunt. nominis autem mutationem, quæ nihil honestati, bonisque moribus obesse possit, non modo non prohibuerunt, sed etiam cuius liberam permiserunt. Quare tantum abest, ut christiani mutationem nominis damnandam esse censeant, ut etiam nescio qd religionis habere indicent: nā cum uita rationibus etiam nomen mutare frequentissimè solent, & nullam uestalem uirginem, nullum monachum, nullum summum Pontificem fieri patiuntur, nisi mutato nomine, quemadmodum alio loco docebi mus. Cum igitur apertissimè constet nominis mutationem, & à civili iure, & à diuinis atque pontificijs legibus cuilibet esse excessam, quid est quod amplius aduersarij mei tam indoctè, tanquæ imperitè clamitent, hoc à me contra leges esse factum? Dixi de legibus quæ mihi satis huic causæ facere uidebantur: sequitur, ut quod secundo loco mihi obiecerunt accusatores, hoc à me factum esse contra omnium consuetudinem aperte refellamus. non enim hac in re satis mirari possum istorum ignorantiam dicam, an impudentiam singularem? qui tanquam nouum & inusitatum, & ante hunc diem inauditum id in me reprehendant, quod & antiquis illis temporibus, & patrum nostrorum memoria frequentissime fieri solebat, & hoc etiam nostro tempore sepiissime sit ab eruditis uiris. nam per Deam immortalem, quæ nam est ista consuetudo uestra, quam mihi opponitis accusatores? doctorum ne, an imperitorum hominum? si imperitorum, uno nobis in hac parte uerbo satisfaciam, literato uiro quid imperita multitudo sequi soleat non admodum esse curandum. quid enim absurdius, aut ineptius dici potest, quam cum de aliqua re disceptatur, querere quid baiuli, atque opera-

M. AN. MAIORAGII

vñ non quid homines doctissimi de illa senserint? non est enim consilium in vulgo, non ratio, non diligentia, sed omnia presenti, suoque sensu iudicat, parum admodum sentiens præteritum aut futurum. putatque nihil omnino rectè fieri, nisi quod vulgarem omnium consuetudinem sequitur: à parentum enim suorum uestigijs, etiam si plerumque pessima sunt, uel unguem, quod aiunt, latum discedere scelus existimat. Itaque summa quadam atque immensa religione, uel anili potius superstitione iam pridem inueteratos apud se mores quamuis inepti sint, atque ridiculi, sibi seruandos esse censet. quod si quis non modo aliter faciat, sed etiam contra sentiat, eum statim improbum, nefarium, factiosum appellat, neque sane ex eo, quod plures faciunt consuetudo vim debet accipere. nam si hoc fiat, omnia rectè atque honestè uiuendi præcepta subuertentur. quotus enim quisque est, qui studijs honestis & pertinentibus ad benè beateque uiuendum delectetur? quanto plures & hoc tempore sunt, & semper antea fuerunt, quibus turpia, quam quibus honesta placeant? quam multa sunt in populari uita uulgique consuetudine ridicula, inepta, superstitiosa, uana, sordida, quæ si quis reyciat, & contemnat, eum ne aliquid contra hominum consuetudinem moliri, aut facere dicetis? non equidem adhuc uos eo dementia peruenisse existimo. non igitur imperitorum populariumque consuetudo probanda est. Quod si de sapientum doctiorumque hominum consuetudine uerba facitis, rectè quidem consuetudinis uerbū uos interpretari iudicabo, sed quæ uis sit eius uocabuli non percipere conuincā: equidem ita uidec maioribus nostris eruditissimis, atque sapientissimis uiris placuisse, ut eam consuetudinem quam sequi, atque obseruare debemus, non quemlibet inueteratum morem aut usum esse censerent, sed eum, qui neque ab honestate, neque à legibus abhorreret. quem omnium uoluntas sine scripto longo tempore comprobasset. qui denique naturæ ipsi humane congruere uideretur. Quamobrem Fabius Quintilianus uir ut doctissimus ita etiam probatissimus, ego, inquit, consuetudinem sermonis uocabo consensum eruditorum, sicuti uiuendi consensum bonorum. quibus ex uerbis intelligi potest, duplicem ab eruditis uiris laudabilem poni consuetudinem, alteram sermonis, alteram uitæ. quemadmodum etiam omnis nostra laus atque gloria, cum ab eleganti doctoque sermone, tum à rebus præclare gestis prouenire solet, sed uita consuetudinem à bonis atque honestis hominibus esse petendam. talis enim quisque fieri, & haberi solet, quales ij sunt, quorum consuetudine delectantur. Sermonis autem à doctis atque elegantibus uiris, nam hi soli aptè, distimulè, atque ornate dicendi rationem tradere nobis possunt. quid ergo contra quam ex his duabus me consuetudinem fecisse arguitis accusatores uita ne, an sermonis? de uita mea consuetudine nihil dico amplius, quoniam satis ostendi, nihil contradicentibus uobis, me bonorum hominum semper studio-

sum, atque imitatore[m] fuisse. neque unquam tale aliquod flagitium admisisse, de quo merito condemnari possem. reslat ut de sermonis consuetudine uideamus. Pro Dij immortales quantum in hac parte uoluptatis, quantum oblectationis ex aduersariorum meorum oratione percepissem P.C. si quieto animo fuisset. cum eos tam inepte, tam confuse, tam impolite loqui audirem. vix mehercule risum continere poteram, cum in mentem mihi ueniret coram arrogantie. qui cum se solos, non tantum in hac ciuitate, sed in toto pend terrarum orbe scire putent, cum se bonarum literarum professores, & inscribant, & appellari uelint cum dicendi precepta quotidie discipulis suis inculcent, & optimi Rhetores haberi studeant, in iudicio publico, & quaestione legitima, hoc concursu hominum literatissimorum, hac tanta frequentia, cum res agatur apud vos. P.C. qui propter singulare imprudentiam & egregiam eruditionem in hoc consilium publicum delecti estis, in summa omnium expectatione, tantas uerborum sordes effuderint, tam inculcè, atque rusticè dixerint, tantam denique, ut uno uerbo dicam, barbariem ostenderint. at in qua causa? quam annum integram atque amplius commentati sunt. nam anno superiore cum Ferraria Mediolanum redisset, & à uobis in pristinum locum restitutus fuisset, eos intellexi, iam accusationem hanc in me preparare. sed audebunt ne isti mihi sermonis consuetudinem obijcere? audistis quo eloquentie genere Macrinus iste Niger delictetur. equidem existimo tanta ex hac frequentia neminem inueniri, qui intelligere potuerit, quid diceret, adeo perturbata, adeo rudis, adeo indigesta atque à consuetudine Latini sermonis abhorrens fuit eius oratio. tamen uos qui acutiores estis P. C. & nos, qui causam dicimus, de nominis mutatione uoluisse eum nescio quid dicere suspicamur, tametsi nihil ferè intelleximus. Te uerò Fabi Lupe appello, qui mihi præter ceteros accusatores, uisus es in hac parte cerniculam iactare tuoque lugubri uocis ululatu tantum audientium aures obtulisse, ut cum nullum garrendi finem faceres, & eadem sapius inculcares, credo ut emendares collega tui uirum, quem nemo prorsus intellexerat. te tandem senatus princeps tacere iusserit, atque nobis etiam dicendi locum relinquere. utram tandem existimas propius ad illam ueterum latinorum dicendi consuetudinem accedere, mean ne dictionem, an locutionem tuam? quam enim mihi nihil arrego, quippe qui longissimo sanè me uideam intervallo ueterum illorum uestigia subsequi, non tamen esse te tam impudente existimo, qui praesentibus his talibus uiris, sordidam istam locutionem tuam audeas huic qualiscunque est, orationi meae præponere. cum praesertim ego tot uigilijs & laboribus hanc modo dicam mihi dicendi facultatem compararim. tibi uerò semper, quod satis constet, magis Bacchus quam Minerva, magis Venus quam Musa, magis Silenus, & Genius, quam Mercurius & Apollo placuerit. hinc igitur accidit,

M. AN. MAIORAGII

ut ab eruditorum consuetudine sermo tuus penitus abhorreat. meus autem, nisi me fortasse ipsum, resque meas plusquam satis est amo, se talem audientibus offerat, ut omnes facile iudicare possint, in bonis auctoribus me diu diligentique esse uersatum. nam usque eo polita orationis ab adolescentia studiosus fui, ut nuper etiam nomen meum, quia nescio quid barbarum prae se ferre uidebatur immutarim. Hic te uolumus (inquiunt) accusatores. hoc descende non esse factum contra omnium consuetudinem. imo uerò nihil mihi facilius est, quam apertis rationibus & exemplis ostendere nō tantū hoc non esse contra consuetudinem, sed etiam ex communi consuetudine factum. modo mihi id concedatis, quod non nisi impudentissime negare potestis, omne nomen & totius sermonis arbitrium apud eruditos homines & esse debere, & semper fuisse. ut quicquid uiri scientia clari communiter sentiant, id ab alijs ratum haberi debeat. neque enim nomina naturalia sunt, ut non immutari data occasione facile possint, sed tantum quaedam rerum nota sunt, ut non difficulter excellenti doctrina uiri iam uidere possint, quod cuique rei nomen magis conueniat. Pythagoras sanè maximam eius fuisse doctrinam atque sapientiam dicebat, qui nomina primo rebus imposuit. nam quamuis plurima reperiantur nomina quae rerum uim & naturam expriment, ut apud Platonem in Cratilo Socrates copiosè disputat; omnia tamen ab eruditorum hominum institutione profecta sunt. quod cum ita sit, nemini dubium esse potest, quin eruditorum consensus in nominibus imponendis communis consuetudo uocanda sit. Queramus igitur primo recentium, atque doctissimorum hominum exempla, deinde etiam ueterum, qui uel sibi ipsi nomē immutauerunt, uel ab alijs nouum nomen oblatum libenter arripuerunt, ut tandem aliquando desinant aduersarij eade reme accusare, quae nunquam ab aliquo sapiente fuit improbata. Quis hoc nostro tempore bonarum litterarum professor Baptista Egnatio clarior est? qui iam pridem Venetijs utranque linguam ita proficitur, ut ei plurimum elegantiores literae debeant, qui non aliter atque olim Cato ille censorius, cum annum iam octogessimum exceßerit; tamen in solitis suis laboribus, atque in publico docendi munere perseverat? hunc igitur in iuuentute sibi nomen immutasse constat, neque tamen ea de causa quisquam eum unquam accusandum ante reprehendendum esse censuit. & quae mutatio fuit illa Dijs boni? quam longe petita? quam à priore nomine diuersa? cum enim antea Ioannes de Cipellis uocaretur, postea Baptista Egnatius uocari uoluit. quantopere fremerent aduersarij mei, quam sese iactarent, quam me statim exterminare se posse considerent, si talem in nomine meo mutationem inuenissent? qui propter unam immutatam in eo syllabam, tantas turbas commouent, & in me tam tragice nociferantur? Quid de Fabio uigili uiro non tantum do

Etisimo,

Etissimo, sed etiam sanctissimo dicam? qui propter egregias uirtutes suas dignus est habitus cui Spoletinus Episcopatus à Paulo tertio pontifice maximo demandaretur? is enim cum antea Fabianus uetula diceretur, postea se Fabium uigilem uocari iussit. quo nomine nunc etiam ab omnibus appellatur. ecquid igitur ea de causâ dignitatis amisit? ecquid ideo minus pontifici gratus fuit? imo uerò tanto postea gratior euasit, quanto sibi gratius nomen adoptauit. Iam uero Pierius Valerianus uir in primis eruditus, & in summo precio atque honore propter sacerdotij dignitatem doctrinamque non uulgarem habitus, Petrus ualerij prius dicebatur. quid Phœdrus ille uolaterranus tam clarus orator, cuius omnes actionem præcipue mirabantur? quem Sadoletus in suo de philosophia libro contra philosophiam ipsam disputantem inducit annon antea Thomas Ingeramius dicebatur? ecquis unquam tantam in eo nominis mutationem uel leui reprehensione dignam censuit? quid Politianus uir ita facundus, & oratione politus, ut non sine causa nomen illud ascuuisse sibi uideatur, annon Angelus antea de monte pulciano fuit? quid Domitius calderinus non ne sibi nomen hoc finxit cum antea Dominicus de caldarijs esset? quid Ianus Parrhasius, non ne prius Ioannes Paulus de parisijs dicebatur? doceant igitur aduersarij si possunt, aut hac quæ proferimus exempla uera non esse, aut eorum aliquem, qui sine fraude nomen sibi mutarint, qui sane quamplurimi fuerunt, & recentiores, & uetustiores, ea de causa uocatum in iudicium fuisse. quod si probare potuerint, quo minus secundum eos litem detis, & contra me sententiam feratis. P. C. non recuso. Sed quid cesso doctissimi atque eloquentissimi uiri exemplum in medium asserre, quem ego libenter auctorem secutus sum, qui (ut arbitror) eadem de causa, qua ego, cum idem nomen haberet, repudiato uetere nouum assumpsit? M. Antonius Flaminius qui sua elegantia, dicendique uenustate doctorum omnium in se ora conuertit, cum puer esset, & Bononiæ sub patre suo ludi magistro literis operam daret, quemadmodum à multis fide dignissimis accepimus, & præsertim ab hoc nostro cive Francisco Minutio Caluo, qui maximam cum Flaminio familiaritatem habet iam inde à pueritia ceptam; Antonius Maria dicebatur. Hic postea cum in literis plurimum profecisset, & Bononia Romam transmigrasset se Marcum Antonium appellauit. quæ res illi nunquam dedecori, sed magno semper honori fuit. nam eius pater Ioannes Antonius, cum esset Imole natus obscuro loco, se in Flaminiorum gentem inseruit, & Antonius Flaminius dici uoluit. ut non tantum propter literas, sed etiam propter nominis dignitatem clarior fieret. quod alijs etiam plurimis ante se concessum fuisse intelligebat. & merito. nam si Romani prudentissimi uiri, candidatis suis ut in historijs habemus, quo tempore prehensare uolebant, magistratusque petere, sibi nomi-

na patriciorum, & nobilissimarum familiarum adoptare concedebant, quo gratiores essent ad populum & facilius quem peterent magistratum assequerentur, qua in re de Resp. administratione, atque salute agebatur, quanto magis nobis musarum candidatis concedendum est, nomen illud, quod elegantius visum fuerit assumere? cum praesertim hac in re nemo damnum à nobis possit, aut detrimentum accipere? quare lepide Pomponius Latus, vir summa eruditione atque dicendi elegantia clarus, cum à Paulo secundo pontifice maximo, cuius consuetudine familiariter utebatur, molli quodammodo brachio reprehenderetur, quòd mutato nomine cum antea Bernardinus diceretur, se Pomponium letum uocari iuberet, quid hoc, inquit, ad te pontifex maxime? an si me Faniculum appellari uoluisset id reprehenderes? risit ad hanc responsonem pontifex, neque illum impediendum esse censuit, quo minus suo sibi arbitrio nomen adoptaret, cum igitur prope innumerabilia sunt eruditissimorum hominum exempla, qui suo arbitratu noua sibi nomina finxerint, quos nemo tamen unquam non solum in iudicium uocauit, sed ne grauius quidem reprehendit, nequeo satis aduersariorum meorum inscitiam admirari, qui hac tam clara, tam aperta, tam resitata pro nefario scelere mihi obijciant. cum praesertim hoc non tantum à literatis hominibus sed etiam à plerisque alijs quotidie fiat. quis enim necit eos, quos appellamus monachos, cum in religiosorum conuentus & cœnobiatransmigrant, uetera nomina deponere & alia noua sumere? quòd si mutatio nominis esset improbanda, quis eo tempore, quo maxime religioni se addidit aut sibi nouum nomen eligeret aut à religionis antistitibus pristinum nomen suum immutari pateretur? hoc idem puellae faciunt, quae more uestalium uirginum perpetuam Deo castitatem uouentes, monasteria, quae uocant ingrediuntur. nā aut ipsae sibi permisso praesidium suarum nouum nomen eligunt, uetus repudiant, aut à praesidibus oblatum recipiunt. quid Pontifices maximi? sunt ne eo nomine contenti quo die suo lustrico fuerant insigniti? minime uerò, nam cum pontificatum ineunt, aliud consensim sibi nomen assumunt. Et quisquam adhuc dubitabit, quin accusatores isti me aperte calumnientur, & falsò diffitent, contra omnium consuetudinem me mihi nomen inmutasse? cum & plerique literati uiri, & quicunque religionis gratia nouas uiuendi rationes suscipiunt, nouosque sibi amictus inducunt & ipsi denique pontifices, à quibus tota religio nostra fulciri creditur, sibi nomen immutare soleant? projectò non hac tam perspicua, tamque peruulgata negarent, nisi eos uel malicia, uel inuidia cacos omnino redderet. Nam in eo quoque me non sanè leniter accusant, quod gentis ac familiae meae nomen dimiserim, & Maioragij cognomen assumpsissem. tamque insipientes atque ignari rerum esse uidentur, ut quod ego modo

desilia gratia feci, putent a rogante a me factum. existimant enim Maioragium a me fictum esse cognomen a maiore, quod eis maior esse velim, quorum opinio quam ridicula sit, atque inepta, vel puero perspicuum. Sed ut facilius consilij mei rationem intelligatis P.C. breuiter unde familia nostra duxerit originem explicabo. Quo tempore Longobardorum rex Desiderius apud maiores nostros in hac Cisalpina Gallia remanere poterat, tres fuerunt fratres ipsius regis propinqui atque necessarii, quippe qui ex eius sorore nati fuerant, quorum primus Amphortius, alter Fusius, tertius Catus vocabatur. hoc ipse rex, non tantum quia propinqui erant, sed etiam quia singulares eorum virtutes & in bello & in pace fuerat expertus, maximis honoribus prosecutus est. & prater alias dignitates, atque egregia munera, quibus eos affecit, totum etiam tractum illum, qui inter Nouocomum, & Leuicum extenditur, & sursum uersus usque ad larem diuortia largitus eis est; quo tractu continetur ea, quae plebs Incini dicitur, & tota Brigantij montis regio, vino clarissima, totaque vallis Asinia, atque etiam aliae nonnullae regiones. in quibus locis confidentes tres illi fratres. honoris gratia sunt ab ipso rege Comites appellati. quod nomen non ita pridem eo tempore ceperat esse dignitatis, cum apud veteres Latinos in ea significatione nusquam reperitur. Hinc igitur factum est, ut horum trium fratrum posterij sint comites nominati. Unde postea familia comitum longo tempore Mediolani floruit, atque etiam hodie multis nobilissimis & eruditissimis viris floret. Sed ut ad tres illos fratres reuertar, Amphortius qui ex illis natus maximus erat, Maioragium nunc extruxit, atque in eo turrem, cuius adhuc in domo mea paterna, post septingentos atque amplius annos, quaedam extant uestigia, atque fundamenta, hic nostri generis auctor fuit, atque ab hoc Amphortij Comites maiores mei dicti fuerunt. Fusius autem & Catus nonnullos alios rivos cum turribus aedificauerunt. Unde etiam hoc tempore multi sunt in eis locis, licet obscuri, atque ignobiles, qui comites Fusij, & comites Cati uocentur. ab his maioribus orta Comitum familia complures habuit claros atque illustres viros, qui, ut arbitror, nominis ambiguitatem vitantes, ne re vera Comites esse crederentur, & ea dignitate potiri. quam non haberent, non se Comites, sed uel de Comite, vel de Comitibus inscribebant. Verum cum hoc locutionis genus a consuetudine Latini sermonis abhorreret, primo uir eruditissimus auunculus meus, qui permultos annos Mediolani magna cum gloria publice docuit, cum elegantiae sermonis admodum studiosus esset, non amplius se de Comitibus ut ceteri faciebant, sed Petrum Comitem cepit inscribere. Vidi ego nonnullas eius lucubrationes sane per quam eruditas. cum hac inscriptione Petri Comitum. hunc imitati sunt eius fratres Iacobus & Aluiscus, atque etiam pater meus Iulianus, qui horum sororem Magdalenam, matrem

M. AN. MAIORAGII

meam in matrimonio habebat. nam hi omnes se perpetuo Comites inscripserunt. quos deinde subseculi Primus & Antonus Aluisius filij, consobrini mei pergunt etiam nunc eodem se modo inscribere. Verum ego, cum hoc nomen Comitum hoc tempore ambiguum esse viderem, & ab omnibus, quibus familia nostra nota non est, pro dignitate capi intelligerem, statui mihi esse dimittendum. cum presertim Maioragii cognomentum haberem adhuc a patre hereditarium. ne id fortasse mihi aliuando accideret quod Primo Comiti consobrino meo contigit. qui cum in Germaniam ea de causa profectus fuisset, ut Erasmi consuetudine per aliquod tempus frueretur, priusquam ipsum Erasmus conueniret, ad eum literas dedit, quibus aduentus sui causa declarabat, quarum in extrema parte nomen suum, ut fit, ita subscripserat; Tui studiosissimus Primus Comes Mediolanensis. hanc cum Erasmus subscriptionem uidisset, credidit statim magnum aliquem adesse principem sui visendi gratia. Quare licet admodum senex & infirmus esset. tamen quo studio, quoque apparatu potuit, obuiam consobrino meo longe processit, sed postquam homunculum unum, nullo comitatu, nullo seruorum grege stipatum, & bene quidem literatum, sed nullo elegantiori cultu uestitum reperit, errorem suum ridere incundissime cepit. & tamen cum sibi multo gratiorem aduenisse, quam si magnus princeps fuisset, multis audientibus testatus est. eadem ratione deceptus aliquando fuit in nomine meo vir insignis ac literatus Sebastianus Gryphius. Cum enim ad eum literas dedissem, & me Comitum inscripsissem, ille mihi tanquam alicui principi respondit, & clarissimum Comitem non semel appellauit. Itaque cum hoc aduertissem, & exemplo quamplurimorum & doctissimorum hominum me familie nomen propter mittere posse intelligere, statui nomen illud Comitum omnino mihi dimittendum esse. sunt enim innumerabiles penè literati viri, qui relicto familia nomine, uel a regio ne uel a loco ubi nati sunt sibi cognomen assumpserunt. Ut Erasmus penè diuino uir ingenio, qui de re literaria uostro tempore plurimum bene meritus est, a uico ubi natus erat se Roterodanum appellauit. ut Antonius Nebrisenfis, qui prius apud Hispanos literas illustrauit. ita Petrus Marsus, Antonius Volscus Raphael Volaterranus, Antonius Minturnus, infinitique alij, quod aduersarijs meis nouum uideri mirum est, in hac presertim ciuitate, in qua plurimæ familie nomen a vicis, unde traxerunt originem seruant. unde enim Andreas Alciato iuriconsultorum facile princeps nomen habet? an non ab Alciato uico, qui non amplius quinque millia passuum a Maioragio distat? atque hoc ego nomine nonnumquam gloriari soleo, quod mihi fortuna dederit, ut incunabula generis ex eodem penè loco cum Alciato traxerim. quid Fannianorum nobilissima gens? quid Cusanorum? quid Lampugnanorum? quid legnanorum? quid Cardanorum? quid Briuiorum? quid plurimum aliarum

que

quæ Mediolani clarissimæ sunt? an non omnes à vicis, qui in agro Mediolanensi omnes extant etiam hoc tempore nomen habent? Quis non igitur vehementer admiretur, tam insipientes atque ænantes istos accusatores esse, ut se uobis hoc persuadere posse sperent, contra omnium consuetudinem esse factum, qui tanta estis prudentia, sapientiaque præditi, ut non tantum quid in communi consuetudine sit, uerum etiam quid omnino fieri oporteat, aut liceat, omnium optime cognoscatis, hoc cene igitur uobis præter omnium consuetudinem uideri potest? quod à tot eruditis uiris, à tot religiosis, à tot summis pontificibus, à tot clarissimis familijs frequentissime fieri consuevit? At dicet fortasse quispiam hoc esse nouum, & à ueteribus minime factitatum, quod & si concedam, non tamen ideo uincant aduersarij, contra consuetudinem esse factum, quoniam ex quo tempore nostra persuasio fidesque Christiana uigere cepit, etiam hæc mutandi nominis consuetudo cum ea inuoluit. nam & ipse Christus auctor & parens nostra salutis, nonnullis ex discipulis suis nomina mutauit, & postquam ipse in æternam domum suam concepsit, eius legati, quos apostolos uocamus, eis serè omnibus, quos Christo et sacris eius iniitassent, nomina mutabant. quare tã prisca, tã iniqua, tã uetus hæc consuetudo uideri potest, quã persuasio nostra, quã fides Christiana. Sed quid dissimulare opus est? quasi uero mihi probare difficile sit. mutandorum nominum uetustissimam esse consuetudinem, quemadmodum & ex sacris Hebræorum libris, & ex historijs intelligi facile potest, nisi mihi satis esset ad uictoriam ostendere, nequaquam à Christianorum moribus hanc mutandi nominis rationem alienam esse. Sed tamen illud non præmittam multis de causis apud ueteres illos Romanos diligentissimos nominum obseruatores pristinum immutari nomen consueuisse. Primo enim quoties peregrinus aliquis ciuitate donabatur, & ciuis Romanus fiebat, is arbitratus nomen Romanum, quod sibi magis placuisset, eligebat. Sic Archias poeta posteam quam ciuis Romanus factus est A. Licinius dici cepit. sic Antipater historicus ciuitate donatus L. Cælij nomen assumpsit. Sic Demetrius Mega in Romanã ciuitatem ascitus P. Cornelius factus est sic innumerabiles alij ius Romanæ ciuitatis adepti, quæ gratia sibi fuissent, nomina capiebant, deinde illam etiam apud Romanos fuisse consuetudinem obseruauimus, ut cum plebeius aliquis equestrem dignitatem adipisceretur, nouum sibi repudiato uetere nomen adoptaret, quin aperte Plutarchus ostendit apud Romanos licuisse cuilibet uolenti mutare nomen, cum de Cicerone sic in eius uita scribat: cum primas dignitates Reipub. cepisset attingere; & ab amicis suis crederetur id nomen aut omnino uitaueris, aut in aliud commutaturus, iuuenili quadam audacia dixisse traditur, se certaturum splendidius Scawris atque Catulis nomen Ciceronis efficere, nam quæ ratione credidissent amici sibi Cice-

ronem fuisse nomen mutaturum, nisi fuisset apud Romanos ea mutandi nominis consuetudo? Quid illud annon apertissimum est, omnes quise in adoptionem alicui dabant, nona semper adoptantium nomina sumere solitos? ut Scipio AEmilianus, Fabius Rutilianus, Caesar Octavianus plurimique alij fecerunt? quid in adeundis hereditatibus annon observatum fuisse legimus, ut saepenumero eius à quo fuissent haeredes instituti nomen acciperent? sic M. Brutus Q. Cæpionis nomen assumpsit, unde postea Q. Cæpio Brutus fuit appellatus, sic Pomponius Atticus propter Q. Cæcilij hereditatem Q. Cæcilius Pomponianus à Cicerone dictus fuit, quin etiam sepiissime brbat, ut qui testamenti factionem haberent, cum aliquem sibi ciuem heredem eligerent, eum inherere nomen immutare. quod ad Atticum scribens his verbis ostendit Cicero: Dolabellam uideo Linus testamento cum duobus cohæredibus esse intriente sed iuberi mutare nomē est *περι τούτου* quid *μὰ* rectum e sit nobili adolescenti mutare nomen, mulieris testamento. Quid præterea non ne multi sibi ab alijs oblata nomina libenter arripuerunt? præsertim si novi homines fuissent, & aliquid honoris aut glorie nomen illud nouum allaturum uideretur? unde enim Cato ille maior, uir insignis omni uirtutum genere nomen habuit? annon ex prudentia, atque calliditate sua? cum enim esset prorsus ignobilis, & in agro suo paterno Tusculana Priscus uocaretur, à M. Valerio Flaceo Roman deductus, non ita mutato post ob eximiam uirtutem Cato cognominatus est. nam Romani (quod ait Plutarchus) eum in quo multarum rerum usus atque scientia sit, Catonem nominant, quod quidem nomen adeo sibi libenter adoptauit, ut se non alio nomine postea passus sit unquam appellari. Quid Valerius Publicola non ne libenter honoris gratia sibi oblatum à populo Romano nomen arripuit? Quid Plato cum prius Aristocles ex aui nomine uocaretur, annon cum propter egregiam humerorum latitudinem, & frontis amplitudinem ab ijs qui cum eo uersabantur, Plato cognominatus fuisset, tam cupide nomen illud amplexus est, ut unquam postea dimiserit? Quid Theophrastus Eresius, cui Tyrtamo nomen antea fuerat, non ne cum eum ob diuinam eloutionem præceptor eius Aristoteles Theophrastum appellaret, sibi postea tanquam proprium nomen illud asciuit? & in operibus suis inscribere non dubitauit? Quid Homerus, cum, cum antea Melesigenes diceretur, annon postquam cæcus factus est, & ducis indigeret, Homerus dictus est? Iones enim & Cumæi captos oculis, Homeros uocant, eo quod ducibus egeant. hoc igitur nomen reiecto priore semper postea tenuit. Quin etiam nonnullis clarissimis mulieribus, hanc nominis mutationem uehementer placuisse legimus. Mater enim Euandri illius Arcadis, quæ Latinarum literarum auctor & inuentrix fuisse dicitur, cum antea Nicostirata uocaretur, postea pro-

pter diuinandi scientiarum, & diuinorum carminum interpretationem, Carmenta fuit appellata. Tanaquil autem sapientissima femina, Tarquinij Prisci coniux, postquam Romanam venit, maritumque suum Regem uidit, nomen etiam Romanum habere uoluit, itaque Caia Cecilia dicta est. Quod autem pretermittendi gentis atque familia nominis, antiquissima consuetudo sit, declarant omnes ferè Græcorum appellationes, in quibus, uel à regionibus, uel à ciuitatibus, atque oppidis sibi nomen assumunt. cum tamen credibile sit in suis regionibus, ac ciuitatibus, suarum familiarum nomina, singulos ab alijs habuisse distincta, sic Aristoteles Stagrites inscribitur, Plato Atheniensis, Euclides Megarensis, Theodorus Cyrenaicus, Pythagoras Samius, Gorgias Leontinus, Pindarus Thebanus, Pittacus Mitylenæus, Thales Milesius, Chilo Lacedæmonius, Bias Prienensis, Periander Corinthius, Cleobulus Lyndius, Solon Atheniensis, alijque innumerabiles, Quin etiam apud Latinos eiusmodi sunt inscriptiones, ut T. Linius Patavinus, Apuleius Madaurenensis, Lucanus Cordubensis, Silius Italicus, Ausonius Burdegalensis. multa prætereo consulto P. C. ne uidear magis aliorum exemplis, quam rationi confidere. docet enim nos ipsa ratio nihil referre, non tantum quo singuli homines, sed etiam quo quæque res nomine uocetur. modo tale nomen imponatur, ut per illud res ea quam significare volumus, intelligi possit. Sunt. n. ad ipsos hominibus excogitata nomina, nō alia sanè de causa, nisi ut pereares inter se discernantur. nam qua ratione nisi nomina rebus addantur, hæc ab illa distinguui atque separari poterit? Sed tamen quoties inter homines, de rebus ipsis conuenit, nihil oportet (ut apud Platōnem ait Socrates) de nominibus esse sollicitos, quoniam nullum aliud nobis usum nomina præstant, nisi ut pereares intelligamus, quæ cum à nobis perceptæ fuerint, possumus eas, quocumque nobis placuerit, nomine uocare. quid enim prohibet, quo minus inter se conuenire possint homines, ut quem nunc equum (exempli gratia) uocamus, postea bouem appellent? & contra quem nunc bouem, equum postea nominent? cum enim homines ipsi, nominum formatores fuerint, & noua semper nouis rebus nomina imposuerint, etiam arbitrio suo, possunt ea quoties sibi placuerit, immutare, quod si post homines natos, & primam nominum impositionem, ueteres illi statuisent, nulla esse mutanda nomina, certe nunquam tanta linguarum uarietas, accidisset. sed iisdem nobis Hebræi, Græci, Latini, ceteræque nationes omnes uterentur, nunc cum unaquæque natio suo arbitratu sibi nomina fingat, idque licere omnes arbitrentur, fit ut non tantum in diuersis prouincijs, sed etiam in eadem regione, atque adeo ciuitate, res una uarijs nominibus, appelletur, tantumque in hac nominum mutatione consuetudo ualet, ut non tantum homines, belluæ, plantæ, res uniuersæ, quæ ad usum hominum ac

conmodantur, sed etiam flumina, montes, regio, et, urbes, vetus nomen amittant, & nouum accipiant. è quibus exempli tantum gratia nonnulla commemorabo. Tyberim fluium, ab antiquis Albulam dictum fuisse legimus. Padum scribit Plinius à Liguribus Bodincum olim appellatum fuisse, quem antiqui Rubiconem uocabant, vulgo nunc Pisatellum dicunt què Lirim ueteres, nos Garilianum. Quid ammon vulgo nunc Mongibellus mons ille Siciliæ dicitur, quem Aetnam ueteres appellarunt? nunc caput solis uocant, quod olim Zephyrium promontorium. Coloniam uero, quod aliàs Tacinium. Quid regiones idem ne seruant perpetuo nomen? minime uero. nam Italia quot nominibus appellata fuit? modo anotria, modo Hesperia, nunc Ausonia, nunc Saturnia, nunc Latium. quid Italiae populi, ubi Sannitum hoc tempore, ubi Sabinorum, ubi Volcentium, ubi Volscorum nomen? cum tamen adhuc eadem regiones, sed alijs nominibus supersint. Iam uero ciuitates in Italia plurimæ, sicut alibi passim, nouum nomen sortite sunt. Papia nunc est, quod olim Ticinum fuit. quæ castelli ciuitas nullo dicitur olim Tifernum fuit. quod Vastum hodie uocant, apud antiquos Istonium uocabatur. Populonia dicebatur alias, quod nunc Plumbinum. Cornetum vulgus appellat, quod Ptolemæus castrum nouum. Traiectum nunc est, quæ iam pridem Minturnæ fuerant. Sed quid hæc pauca persequar? cum & in ipsa Italia, & in alijs prouincijs omnibus, omnia ferè uetera nomina sint penitus immutata? rectè enim poeta quidam cecinit. Mors etiam Saxi nominibusque uenit. Videntur enim homines semper hac nominum uarietate magno opere delectati, non tantum in suorum nominum mutatione, sed aliarum etiam pend omnium rerum, ut nihil omnino reperiatur, quod idem perpetuo nomen, apud omnes nationes conseruare posse uideatur. Quæ cian ita sint P. C. uobis iam apertissimè constare potest, non esse hanc nominis mutationem, contra omnium consuetudinem quod aduersarij nimis imperitè. mihi obiecerunt. cum & doctorum hominum, & religiosorum, & Pontificum, & omnium denique, quibuscunque uisum fuerit, hunc esse morem, & semper fuisse docuerim, ut & suo sibi arbitrio, nomen immutarent, & ab alijs oblatum, quod gratum esset arriperent, quam quidem consuetudinem nulla sit ratio, quæ rectè possit improbare, cum aliud, atque aliud, prout hominibus placuerit, res singule nomen accipiant. Satis mihi multa uerba fecisse uideor, quare nominis mutatio sit & à legibus concessa, & à cõi cõsuetudine cõprobata. Restat ut etiam de honestate atque decore nonnulla dicamus. quod cum fecero perorabo, hoc enim tertium fuit eorum quæ mihi accusatores obiecerant. cui quanquam ex ijs quæ iam dicta fuerunt, satis responsum esse uideri possit, (nihil enim contra decorum est; quod ex communi consuetudine, legibus ipsis concedentibus fiat) tamen nequid omnino dubitationis in ciui-

quam

quam animo relinquatur, etiam huic parti respondebo. Opponunt mihi gravissimum honestatis, atque decori nomen, quo fieri non potest, ut non uel mentisimè commovear, etenim id unum semper ab incunte adolescentia, summo studio conatus sum, ut nihil unquam aggredi tentarem, quod aliquo modo turpe atque indecorum esse uideretur, quod si mutatio nominis contra decorum, atque honestatem esset, uani fuissent omnes conatus mei, uani labores, uana omnis industria. Quid enim mihi uita prodesset honestissimè, atque decentissimè acta, si nomini meo turpitudinis, atque dedecoris, nota iniusta esset sempiterna? uerum ut in aliis quæ iam apertè refutauimus, ita etiam in hac parte me accusatores iniuste calumniantur. quid enim turpitudinis habet, quid indecori nominis mutatio? num quia res iniusta sit atque impia? sed quæ iniustitia, quæ impietas, hac in re esse potest? Deorum ne religio, mutando nomine uolatur? generis ne humani societas offenditur? est ne hac in re aliqua aut libidinis, aut auaritiæ, aut ullius improbitatis suspicio? est ne aliquid eiusmodi, quod animum à uirtute alienum ostendere possit? nihil sanè horum non solum dici, sed ne fingi quidem potest, cur ergo in decorum? an quia sapientes, & eruditi homines ab eo factò refugiant? immo uero iam à nobis copiosè demonstratum est, plurimorum hominum qui doctrina, atque sapientia excelluerunt exempla reperiri, qui sibi nomina commutarunt. quod autem sapientum exemplo sit, id etiam omnes rectè fieri existimant. quos enim imitari debemus nisi doctos & sapientes viros? quorum nobis uitam, quorum facta atque dicta proponenda putamus, nisi eorum qui quod pulcherrimum factu, atque dictu est optimè calluerunt? quod si rectum est clarissimorum hominum exempla sequi, profectò erit etiam decorum, atque honestum. quod enim rectè sit, id ut honestè quoque decoreque fiat necesse est, cur hoc (inquam) indecorum? an fortasse quia lege prohibitum est? at hoc etiam ostendimus tam à diuinis, quam ab humanis legibus apertè concessum esse. quod autem iure conceditur, id iustum esse nemo non intelligit, nam quæ legum esset utilitas, aut usus, si quæ sunt iniusta nominatim concederent? ergo sequitur ut idem etiam decorum sit. Quid ad hæc contra dici potest? uel enim hoc factum meum iustum est, uel iniustum. sed iniustum non esse (propterea quod & ab eruditis, atque sapientibus uiris usurpetur, & a legibus permittatur) ostensum est. restat igitur ut iustum esse necessario concludamus. Id ne igitur nos P. C. quod iustum est, contra honestatem atque decorum esse iudicabitis? profectò nunquam cadet in istam sapientiam uestram, tam iniquum iudicium. quis enim non uidet hæc argumenta luce esse clariora? sed quibus tandem rationibus aduersarij nominis mutationem, contradecus atque honestatem esse probare conati sunt? primum (opinor) hoc eorum est argumentum: is quem ueteris nominis

M. AN. MAIORAGII

nominis pœnitet, omnes in leuitatis, atque inconstantie suspicionem inducit, nihil autem inconstantia; atque leuitate turpius, aut magis indecorum uideatur, qua in parte possum id ego dicere, quod olim uulpes cum in cuiusdam artificis domum esset ingreſsa, pulchramq; capitis imaginē intueretur, d quale caput (inquit) sed cerebrum non habet. nam qua ratione probatis aduersarij, eū in leuitatis atque inconstantie suspicionē incidere, quē ueteris nominis pœnitet? q̄ causa est. cur ea suspicio suscitari debeat? cur incōstans aut leuis existimandus est, qui dolet ea re quā immutatā esse cupiat? cū præsertim eā mutare concessum sit? eadē rōne dicitur leuis, quē ignobilitatis, quē paupertatis, quē morbi, quem uitioſorum parentum, quem deniq; status sui pœnitet. Quod si uerum sit, erunt inconstantes omnes, qui sua uirtutes familiam nobilitare, rem familiarem augere, ualitudinem tueri, uitia parentum occultare, dignitates acquirere contendunt. quo quid absurdius dici potest? cur autem magis incōstans esse uideatur, qui nomen, quam qui uitæ genus mutat? eorum enim omnium, quæ à parentibus accepimus, una ratio esse debet, ut ea uel æque conseruari debeant, quamuis minimè grata sint, uel æque mutare liceat, quod si debent omnia conseruari, profecto leuis & incōstans erit, quicumque eorum aliqua mutauerit, quo fiet ut in eodem statu sit unicuique perpetuo uiuendum, neque quisquam ignobilis & obscuro loco natus, unquam emergere, atq; in luce uersari possit. sed etiā si aut salici ingenio, aut prospera fortuna adiunctur, tamen ei necessario delitescendum sit, quod si hæc absurda sunt, & pleraq; mutare licet, eorum, quæ à parentibus accepimus, omnesq; laudentur, qui se suamque familiam quotidie reddere conatur illustriorem, qui quæ semper in melius uitæ suæ rationes promouent, curis incōstans appellandus est, qui cum industria sua, labore, diligentia iā emergere cœperit, & omnia ferè, quæ à maioribus suis acceperat immutari, nomen et cōmutare uelit? quis enim est propriè leuis & incōstans appellandus? aut hoc nomen in quē peculiariter cadit? opinor in eum qui nequaquam in una recta sententia persistit, sed modo hoc modo illud concupiscit, qui uero re multum deliberata, & perpensa, tandem statuit, nouum sibi nomen adaptare, quo postea per omne uitæ suæ spacium utatur, quis eum leuem aut incōstantem inſe potest appellare? non hercle magis quam qui ruri natus, aut in aliqua humili, atque abiecta patria, tandem eam deferere constituit, atque in florentissima ciuitate uiuere, quod si nemo leuem eum existimat, qui nobilissimæ ciuitatis ius acquirere contendit, & priſtinam penitus patriam deserit, cur is leuis hā beat, qui pulchrum sibi nomen querit, uetus repudiat? cum præsertim ea fuerit antiquissima consuetudo, ut qui noui ciues fierent, etiam noua nomina sumerent? At mutatio nominis grauitatem non habet, immo uero tantam habet quantam etiam mutatio patriæ uel ciuitatis. quare Cato Cenſorius,

Forius, cum ex Thufculano Romanus ciuis eſſet factus, etiam ex Priſco (ſic enim prius vocabatur) factus eſt Cato. quod ſi gravitatem non haberet mutatio nominis, cur ſibi Pontifices nomen immutarent? cur Chriſtus quibuſdam diſcipulis ſuis novum nomen impoſuiſſet? cur eiſdem legati quoſcunque ſacris initiaſſent eis nomen etiam mutare voluiſſent? cur etiam noſtro tempore quoties alienigena Chriſtianus ſit, priſtinum nomen repudiet? Sed iterum inſurgit, atque eloquio tonat accuſator Fabius, omnes (inquit) qui ſibi nomen mutant, parentum primum mandatum contemnunt, atque deſpiciunt, parentum prima munera parvipendunt, parentum voluntatem irritam faciunt. Quis has tam acres exclamationes non uereatur? quis hac eloquentie ſulmina non pertimeſcat? equidem toto corpore perhorreſcebam, cum illud parentum repeti toties audirem. itaque quo me uerterem neſciebam. uidebar enim uidere, tam acri lugubrique accuſatoris uoſificatione, à mortuis excitatos adeſſe. cum ſtagello parentes meos, qui me grauiter increparent, & uerba minarentur, niſi priſtinum nomen reſumerem. hoc certe tanti ponderis eſt, quanti illud quo me nuper idem accuſator grauiffime infeſtatus eſt. Cum enim nubilo celo pluuioque mihi domo exennandum eſſet, & toga domi reliſta, pallio breuiori in publicum prodiiſſem, ut primum iſte uidit, ſumma uoce multis audientibus exclamare cepit, me decorum non ſeruare, nimis inhoneſtè gerere, ſibi ceteriſque collegis dedecori eſſe, fore ut breui me leuitatis eius pæniteret. iudicium uidelicet hoc iam tum mihi minabatur. itaque miror cur hoc tantum crimen reliſtae domi propter pluuiam togæ, in accuſatione ſua non inſeruerit, & me non tantum nomen, ſed etiam neſtes & habitum mutafſe coarguerit. en uirum digniſſimum qui moribus preſciatur, quid in grauiffimis criminibus tum facturum exiſtimamus, qui leuiſſima tam acriter infeſtetur? Sed illud mihi Iuuenalis in mentem uenit uſurare.

Vltra Sannomatæ fugere hinc libet, & glaciale

Oceannum, quoties aliquid de moribus audient

Qui Curioſ ſimulant, & Bacchanalia uiuunt. Indoſti primum. nam ſi nihil liberet accuſare, facile poſſem ea de aduerſariis meis proferre teſtimonijsque comprobare, quæ certe nobis P. C. longè grauiora & maiori pænâ digna, quam nominis & togæ mutatio uiderentur. ſed habeant per me. totum uitæ ſuæ ſpaciū multis flagitijs inquinatum ſolutum ac liberum, nihil à me de grauiffimis uitijſ peccatiſque ſuis audiant. neque enim id facere poſſunt, à quo me primo natura deduxit, deinde conſuetudo remouit, poſtremo uoluntas auocauit. ſatis eſt mihi tam caſtè, atque integrè uiuere, ut nemo inſtè me accuſare poſſit, aut ſi accuſet, apertè calumniari uideatur. quo modo autem ceteri uiuant, quos emendare ego, atque in rectam uiam

reducere non possum, non admodum mihi curandum esse censeo. Sed ad rem redeamus. Quod nam est hoc parentum mandatum, quod à me contemptum & spretum dicis Fabi? solent ne parentes filijs suis præcipere ne nomen mutant? certe si ita est, grauiter peccant, quicunque sibi nomen mutant? certe si ita est, grauiter peccant, quicunque sibi nomen mutant. parentum enim uoluntati, quæ non iniqua uideatur, semper obtemperare filij debent. Verum quid alijs accadat nescio, mihi certe nunquam parentes mei. ne nomen immutarc præceperunt, itaque non intelligo cur à me parentum mandatum neglectum fuisse dicas. Sed quid si uiuo patre & consentiente, & approbante nomen mutauim? eris ne tamen tam improbus, ut affirmes à me contemptum fuisse parentum mandatum? Tertius enim hic annus est, ex quo quædam opera mea, sub eo nomine quod mihi adoptauim, typis excussa, & peruulgata sunt, pater autem meus anno superiore meis in complexibus animam egit, contra cuius uoluntatem, atque nutum, quoad uixit, non modo quicquam feci, sed ne facere quidem tentauim. quem ita diligenter obseruabam, ut parentem de cet, ita uehementer amabam, ut cum qui licet in tenuissima re familiari uersaretur, nulli tamen unquam sumptui pepercit, ut me bonis in artibus atque disciplinis eruditum aliquando uidere posset. ita cum eo consilia omnia mea communicabam, ut ne latum quidem (quod aiunt) unguem, ab eius sententia mihi discedendum putarem. hoc igitur ille nomen approbavit, huic mutationi consensit, hoc me nomine sæpius appellauit. adsunt testes ex municipibus meis plurimi, summa uirtute, fide, religione uiri, quibus hoc notissimū est, qui sæpe hoc à patre audierūt, qui de honore atque dignitate mea solliciti sunt, qui sua sponte Mediolanū ad hoc iudiciū testimoniū dicturi uenerunt, hoc si nobis placuerit P. C. testes audietis, quāuis hoc minime necessariū esse uideatur, neque enim leges qui nominis mutationē permiserunt, hanc exceptionē addiderunt, extra quā si parentibus minime placuerit. Itaque crediderim ne à parentibus quidē impediri filios legitime posse, quo minus aliqua probabili de causa si uisum eis fuerit, nomina mutent. quāuis illud ego magnopere laudē, atque approbem, nihil sine parentum consilio, dum uiuunt, à filiis esse faciendum, sed postquā illi mortem obierint, tum cuique liberum atque integrum esse, quod uita genus sequi, quod nomen habere uelit, præclaris enim ingenij sæpius accidit, ut uel imperitia, uel ignobilitate parentum, uilia atque abiecta nomina fortiantur. qua potissimum de causa factum existimarim, ut nomina quæ minime grata fuerint, mutare lege concessum sit, quod si parentes pulchra filijs suis nomina studerent imponere, magnū certē illis ornatum adiungeretur. Tria sunt enim quibus si forte priuati sunt, magno studio parentes acquirere filijs debent, patriam, nomen, artes. quisquis igitur obscuro loco natus pater, claros habere filios concupiscit, primo nobilem,

quam

quam incolat, sibi civitatem eligat, quoniam non tam frequenter familiæ quam civitatis nomen quaritur. ut non sine causa Seriphius quidam obiecit se Themistocli dicatur, non illum sua, sed patriæ gloria splendorem assecutus, cui tamen ingeniosè Themistocles ita respondit; nec hercle si ego Seriphius essem, nobilis, nec sicu Atheniensis esses, clarus unquam fuisses. hoc ergo in potestate patris primum est, ut quam velit filio patriâ paret, deinde ut elegans atque egregium nomen eidem imponat, quæ certè res magnum plerisque decus & ornamentum asferre solet. Postremo, ut ingenuis eum artibus erudire contendat, quæ præcipuè in re splendoris omnis & gloriæ principium est. quod si quis forte parentum culpa privatus his rebus fuerit, in eius est arbitrio, atque potestate situm, si voluerit, ut & patriam, & nomen, & artem commutet, neque ulla lex, aut ulla ratio reperitur, quæ illum iussu possit impedire. Sed urgent adversarij valida quadam (ut ipsi existimant) & quasi cornibus armata argumentatione: qui nomen (inquiunt) familiæ mutat, aut prætermittit, is vel claro illustrius loco natus est, vel certè obscurò atque ignobili, si claris est parentibus ortus, nominis mutatione genus & nobilitatem contemnere videtur, & à maiorum suorum lumine, in tenebras decurrere. Si autem obscuris & humilibus, seipsum eadem nominis mutatione prodidit, & ignobilitatem suam coram omnibus confitetur. hoc Chrysippenum esse Barones isti putant, atque huiusmodi, ut non modo à me, sed ne à Carneade quidem si reuiscat, illo modo dissolui possit. itaque diu atque ad nauseam usque sunt in hac parte commorati, totaque nugarum plaustra super hac una ratione fuderunt. Sed videamus quid ea valeat, cuius ponderis sit. claro loco natus nominis mutatione fit (aiunt) obscurior. quo modo quæso? num quia uilius & abiectius sibi nomen adoptet? quis autem adeo stupidus est, ut hoc faciat? quisquis enim sibi nomen mutat, elegantius & splendidius querit, non autem fordidius, & obscurius. qua ratione ergo fit obscurior? num etiâ si clarius & nobiliter sibi nomen assumat? quis tam verum ignarus est, ut hoc affirmare audeat? Clarus erat Pauli Aemilij filius, datus est in adoptionem Scipionum familiæ, nomen mutavit, postea Scipio fuit appellatus. quid? ea ne de causa contempsisse nobilitatem suam videtur? ea ne de causa à maiorum lumine in tenebras decurrerit? Proh Deum atque hominum fidem, quantum stuporis, quatum imperitiæ præ se ferunt istæ adversariorum rationes nobilissimus erat Octavius, eum C. Cæsar dictator adoptavit, novum nomen sumpsit. Cæsar postea dictus fuit, hac adversariorum meorum argumentatione, factus est scilicet ignobilior, genus suum contempsit, tenebricosus quidam evasit. hæcne sine risu quisquam audire potest? quot homines clarissimi reperiuntur, & apud veteres, & apud recentiores, qui relicto familiæ suæ nomine, se in duas, aut tres clariores familias insinuant? sed ne historiam

contexere uidear, uno tantum summi hominis exemplo contentus ero, qui nostra memoria, uel omnia, uel omnium eruditorum celeberrimus fuit. Aldum enim audio, uirum illum, cui tantum & Latine & Græcæ literæ debent, Bassianatem fuisse, qui tamen prima ætate cum iam floreſceret, se Romanum primo scribere cepit. uidi ego permultas eius epistolas, in quibus ita nomen suum inscribebat. Aldus Romanus. deinde non ita multo post, Manutiorum familia nomen assumpsit, & si longo tempore Aldum Manutium Romanum inscripsit. Postremo cum Alberti Pij Carporum principis amicissimus esset, etiam in eius familiam se insinuauit, & tandem Aldus Pius, Manutius Romanus factus est, hæc autem ideo commemoro, non ut aliquid de tanti uiri fama detraham, quem semper omnium maximè sum admiratus, sed ut apertissimè doceam, hanc semper fuisse doctorum hominum sententiam, ut nequaquam contra decorum esse censerent, & uiam & familiæ nomen uel mutare, uel penitus relinquere, & alia noua sumere. nam ipsius Aldi filius, iuuenis cum summa eruditione, tamen orationis elegantia præstans, hoc tempore duobus parentis nominibus relictis, tantum se Paulum Manutium inscribit. Quod autem aduersarij dicunt, qui sit obscuro loco natus, mutatione nominis ignobilitatem suam coram omnibus confiteri, non satis (ut ingenuè fatear) intelligo quid sibi uelint, nam qua ratione mutando nomine ignobilitas ostenditur? an quia tantum ignobiles mutare nomen soleant? at hoc falsum esse ne aduersarij quidem ipsi negabunt, cum plurimi nobilissimi uiri nomina mutasse legantur. deinde quomodo coram omnibus ignobilitatem confitentur? utrum coram eis, à quibus cognoscuntur, an quibus ignoti sunt? si coram eis, à quibus cognoscuntur, nullam ignominiam, aut dedecus affert. ignobilitatis confessio, quin potius arroganter haberentur, si se nobiles esse dicerent. Itaque multi præstantissimi uiri generis etiam nouitate gloriati sunt, quod à se genus suum, cum antea fuisset obscurum, illustrari capisset. Si coram eis, quibus ignoti sunt, hoc erit monstri simile. quis enim cum ignobilem esset credit, quem ne natum quidem nouit? quare quod hac in parte reprehendant, nihil omnino esse uideo. Sed tamen id concludam, quod quicumque bene senserint, uerissimum esse mihi facillimè concedent, cum in rebus serè omnibus, tum multo magis in disciplinis atque literis, parum admodum, aut nihil ad gloriam & honorem prodesse, quo quisque genere natus esse dicatur, ut enim quisque doctissimus & laboriosissimus est, non ut generosissimus, & nobilissimus, ita in amplitudine, atque celebritate nominis maximè excellit. Quid enim obsuit ad æternam gloriam Socrati, quod Statuarij filius esset? quid Euripidi quod olitoris? quid Demostheni, quod fabri ferarij? quid Virgilio, quod figuli? quid Horatio quod Libertini? quid plurimis alijs, quorum nomine nihil hoc tempo-

re clarus? d'finant igitur aduersarij de genere verba facere, quod utrum clarum an obscurum sit, nihil nobis Musarum cultoribus omnino curae esse debet. concedant tandem id quod inficiari non possunt, siue quis nobilis sit, siue ignobilis, honestè, atque decore si uoluerit, immutare nomen posse. Cum annis superioribus in Ferrariensi Gymnasio iuri civili operam darem, mihi fuit arctissima familiaritas & consuetudo cum Bartholomæo Ferrino, uiro cum morum integritate, tum eruditione certè singulari atque admirabili? cuius morte (nam anno superiore in Regiensi legatione mortuus est) nihil mihi iam pridem acerbius euenit. is igitur, ut mihi narrabant eius familiares, cum esset obscurissimo loco natus, tamen propter excellens ingenium, breui tempore capit emergere, notusque pluribus fieri. donec eius fama impulsus Hercules Attestinus Ferraria princeps, eum accersiuisset, & scribam suum à secretis esse uoluit. Sed cum eum admodum pauperem esse uideret, cuiusdam Ferrarij mercatoris ditissimi filiam, quam ille unicam habebat, in matrimonium ei collocauit. itaque cum iam hac ratione ditior, & clarior factus fuisset, unaque, cum focero, qui uenale ferrum habebat, habitaret, se Ferrinum à soceri ferro cepit appellare, suæque familiæ nomen suppressere, quæ res illi non modo nulli dedecori fuit, sed maximum etiam ornamentum attulit. nam ipse princeps Hercules, eo nomine tantopere delectatus est, ut cum postea nunquam alio quam Ferrini nomine uocauerit, quem secuti quicumque eum norant Ferrinum appellabant, atque ita factum est, ut non ita multo post nullum esset in ea ciuitate clarus nomen, ut etiam nobilissima familiæ nouo homini Ferrino cedere uiderentur. Potest ne igitur quicquam contra honestatem, atque decoram esse, quod sapissimè maximum honorem & dignitatem afferrat? Hæc sunt P. C. rationes, hæc causa, quibus adductus ego putauit nequaquam crimini mihi dari posse, si quod non placebat, nomen immutassent, quod & ab eruditis uiris fieri, & à legibus concedi, & ab honestate, atque decore non ab horrere intelligebam. Nunc igitur perorata causa nihil aliud superest P. C. nisi ut nos orem obtesterque per eam, quam erga me iam pridem ostendistis humanitatem, atque benignitatem uestram, per æquitatem atque clementiam, qua in omnibus iudicijs uestris uti consueuistis, per summam religionem atque incredibilem sapientiam, quam in uobis omnes admirantur, ne in hoc iudicio nullo meo scelere, sed tantum aduersariorum improbitate conflato, dignitatem eam, quam uestra sponte decorastis, & amplissima beneficia, quæ in me contulistis, grauiore sententia de formare, atque obscurare uelit, si me in hoc iudicium non crimen aliquod questionis proprium, non aliquid eiusmodi, quod sit à lege seiunctum, aut ab honestis uiræ rationibus alie-

M. AN. MAIORAGII

num, sed accusatorum invidia, nocendique cupiditas nocavit. nolite queso committere, ut quem nos immortalī penē beneficio nuper affecistis, eundem hoc tempore maleuolorum iniquitate circumuentum, omni dignitate, atque honore spoliatis. si me à pueritia deditum ijs disciplinis fuisse non ignoratis, quibus instruimur ad honorem, ad gloriam, ad dignitatem, si bonorum hominum industriam, continentiamque semper imitari conatus sum, si cum primum mihi per aetatem licuit, adhortandis, docendis, concitandis ad ingenuas artes iuuenibus, de Rep. nostra, quod facultas mea tulit, quam plurimum bene mereristudui, si denique ea quæ nisi uigilantes homines, nisi sobrijs, nisi industrijs consequi non possunt, labore, & diligentia consecutus sum, obsecro uos Iud. ne patiamini potius exterarum nationes, laborum meorum fructus, quam iuuentutem uestram percipere. Mihi quidem hæc patria longè uita mea charior est, ut optimo cuique ciui esse debet, sed si quid in hoc iudicio (quod Dijs omen auertant) decretum à nobis fuerit, quodsamam aut exstimationem meam aliquo modo lædere uideatur, omnino mihi maximo quidem cum dolore atque gemitu, sed quodam modo necessario patria discedendum erit. neque enim exultantes hac uictoria inimicos meos, & quotidie mihi insultantes, ullo modo pati potero. neque in hunc tam mihi iucundum atque gratum conspectum uestrum prodire unquam amplius ausim. denique ciuium, amicorum, familiarium, cognatorum consuetudinem, congressum, oculos euitare contendam. O tristem & calamitosum diem illum, quo mihi à domo mea, ab aris, atque sociis, à domesticorum amplexibus, à patria denique recedendum erit. d. spem fallacem, & inanes cogitationes meas, quæ in hoc medio uite spacio franguntur & corruunt, quæ in hoc amplificata nuper dignitatis curriculum, ante seculissimis tempestatibus obruuntur, quam portum conspiciere possint. nam quid ijs dicam, qui me frequentes interrogabunt, cur hoc potissimum tempore in hac quam nobis Dijs immortales bonitate sua concesserunt, pacis tranquillitate, in hac studiorum, ac liberalium artium instaurazione, cum reliqui nostri professores omnes in pristinum locum restituti sint, ego solus à patria discessem potero ne seueritatem uestram accusare P. C. quos omnes exquisitos & elementissimos esse sciunt & potero ne cuiquam probare me nullo scelere, nullo flagitio, nullo ne mediocri quidem crimine condemnatum, sed aduersariorum potentia, gratia, libidine, uobis auctorioribus oppressum, in eam calamitatem deuenisse? quisquam ne crederet, unam tantum in nomine meo syllabam immutatam, tantopere uestros animos commouere potuisse, ut ea de causa me notandum infamia censeritis? ubi igitur uestra iam pridem spectata & cognita fides P. C. ubi religio? ubi misericordia? nihil ne poterit, apud nos innocentia mea & nihil

amico-

amicorum preces? nihil cognatorum lachrymæ? contra inimicorum improbitatem, sanctitatem, crudelitatem? quid ergo? uitæ integritas ubi consistet, si apud uos locum non inuenerit? quid erit, quod quisquam in hac ciuitate laboris, industriæ, diligentia sue præmium aliquod se speret assecuturum? qui me quo tempore uigiliarum mearum fructus aliquos percipere debebam, tam leui accusatione prostratum, atque abiectum uideat? Nolite per Deos immortales P. C. hanc tantam, atque exoptatam aduersariis meis asferre letitiam, ut me nunc primum uestris beneficijs florentem, asperiore sententia, tanquam turbine aliquo, aut subita tempestate peruertatis, conseruate ciuem patriæ amantissimum, uobis deditissimum, bonarum artium studiosum. quem si hoc iudicio (quod spero & opto) sententijs uestris absolueritis addictum & obstrictum perpetuo nobis, ac liberis uestris habebitis. Facite ut eosdem uos in conseruanda tuendamque dignitate mea cognoscam, quos iam in tribuenda, atque amplificanda magno cum gaudio cognoui. sic enim fiet ut mihi post hac duplo magis elaborandum esse statuam. primum ut eo, quod mihi demandastis, munere, quam fieri potest optime persungar, deinde ut uobis qui me conseruandum esse censueritis, & aduersariorum maleuolentiæ, atque inuidiæ resisteritis, pro virili parte quam gratissimum esse ostendam. Quibus ex laboribus meis, mihi credite P. C. efficiam ut omnis inuentus nostra fructus uberes diuturnosque percipiat.

PRO DECRETO ALFONSI
Auali & Senatus Mediolanensis,
in Aleatores.

ORATIO XI.



MAXIME letandum nobis esse arbitror, viri Me-
diolanenses, maximasque Deis immortalibus
agendas gratias, quod hunc sapientissimum, in-
uictissimumque principem Alphonsium Aualum,
hunc prudentissimum atque integerrimos Patres Con-
scriptos, hunc denique omni uirtutum genere
cumulatum senatus principem Philippum Saccum,
huic nostrae civitati ac summae Reip. praesse uo-
luerint. Omnes enim hi quorum patrocinio uniuersa ciuitas nostra denan-
data est, non publicarum tantum rerum, communiumque fortunarum,
quod eorum proprium esse uidetur, curam sibi suscipere satis esse iudicant,
sed mores etiam nostros recte informare, uitam honeste instituere, men-
tes à prauis erroribus ad sanctissimae religionis cultum renouare student.
qua quidem re nihil nobis omnibus aptius, nihil laudabilius, nihil sancti-
tatis inueniri posse existimo. nam ad uitae tranquillitatem, & imperij per-
petuitatem nulla res est accommodatior, quam effrenatas improborum
hominum cupiditates, sanctissimarum legum freno coercere. nihil ad san-
nam aequitatem praestantius, quam benefactis iusta praemia, malefactoris meri-
tas pignas constituere. nihil denique propius ad illam caelestium immortalita-
tem accedere potest; quam ita homines sub imperio contineri, ut omnia su-
gienda turpitudinis, & honestatis adipiscenda causa sibi facienda esse fla-
tuant. Ac mihi quidem, cum caetera omnia, quae clarissimus hic Princeps
noster, ex sapientissimi ordinis senatorum sententia nuper decreuit, recte ui-
situta esse uidentur. De Blasphemis puniendis. De cohibenda faminarum
ambitione, ac nimis precioso cultu. De seruanda in templis reuerentia, tum
illud multo rectissime sanctum in Aleatores, & cuiusque generis Lusores,
Ne cuiquam expositis pecunijs omnino ludere liceat. Iam enim longè late-
que flagitium hoc alicuius atque omnium ludorum ciuitatem nostram, ut plera-
que etiam alias occuparat. quamprimum domus erant, & ignobilium, &
nobilissimorum hominum, in quibus aleatorum consortiatis greges fere quo-
tidie

idie videbamus nullam erat dinerforium, nullum hospitium nullus angulus, in quo non conglobata multitudo vel ad aleam, vel ad aleæ spectaculum consideret. ibitum illa fiebant, quæ damna aleatoria ferè comitari solent, dissidia, contentiones, maledicta, perinria, cades. Sed iam tandem caput hominum perditissimorum temeritas & audacia coerceri, postquam huic tanto flagitio grauissima senatus auctoritas intercessit. qui quidem ordo, uiri Mediol. ut facillimè potestis intelligere, nihil aliud nisi de communibus commodis, & de patriæ nostræ salute cogitat, nec aliter ciues uniuersos tuetur & custodit, non modo ab omni calamitate, uerum etiam crimine quam uigiles & accurati pastores à luporum in cursibus & ferarum laniatu greges suos. quare nimis insipientes & iniuriosi esse uideremur, nisi quicquid nobis ab hoc ordine sanctissimo præceptum fuerit; id omni studio cura, & diligentia persiceremus: cum præsertim id omne sit in maximam nostram utilitatem & laudem redundaturum. quæ quidem ratio me potissimum impulit, ut coram uobis hodierno die, pro decreto nuper in Aleatores, auctoritate Senatus interposito uerba facerem. ut cum apertè cognoueritis, quam tetrum & execrandum sit hoc aleæ flagitium, tum facilius statuatis, quantum uobis enitendum sit, ut rectissimis atque honestissimis & Senatus & principis nostri institutis obtemperetis. Atque ut ab ipso sceleris huius nomine primum oratio mea proficiat, nequa fortassis in uocabulum cadat ambiguitas, ludum omnem in fortune uarietate positum, & qui non urbano ingenio, ciuilique more, sed casu & fraude tractari solet, aleæ nomine comprehendi intelligimus. qui quantum ab homine christiano, & à probo uiro sit alienus, vel inde facillimè cognosci potest, quod religionem, fidem, caritatem, cæterasq; bonas artes penitus euerit. quæ enim ratione fieri potest, ut qui frequenter aleæ uacat, is religiose uitam suam instituat? quæ semel captum hominem totum ad se rapit; nec de honestate finit, aut iusticia quicquam cogitare? neque uerò qui fidem seruare, singulosq; homines, sicuti diuina leges præcipiunt, tanquam seipsum diligere studuerit, ullo modo conabitur alea quemquam irretire, & fortunis ac patrimonio spoliare. uir enim probus atque intelligens honestis tantum rationibus & artibus, non fraude, non dolis, non alea lucrum quaerit. ista est perditorum hominum, & impiorum conditio, quos neque diuini numinis horror, neque exilimatio populi neque leges ullæ coercere possunt. quin omni corporis & animi contentione, per fas & nefas pecunias accumulare studeant. Sed uideamus queso breuiter, quibus de causis adducti plerique homines hoc turpissimum uitæ genus amplectantur. sic enim facilius, ut opinor, ei remedium inueniemus. nam ut in curandis corporibus, primum ad bonam ualitudinem & salutem graus est

morbi cognitio, sic etiam in animis nullum unquam vitium recte sanari poterit, nisi causæ prius illius indagatæ reuellantur. Itaque mihi sæpe multum ac diu cogitanti quid sit, quod cum omnes ferè homines inhonestum aleæ ludum esse indicent, eo tamen vitio plurimi tam facile transuersi rapiantur, illud in mentem uenire solet, ut existimem duabus maximè de causis id euenire, nempe quod in eo uel lucrum uel utilitatem appetant. Quod si rationibus & argumentis apertissimis euicero, neutram ex his omnino causam neque tutam, neque honestam esse, quin potius ambas non tantum turpes sed etiam perniciosas, & christianæ religioni maxime contrarias, quis erit tam amens, qui tam detestabile vitium ambobus, quod aiunt, pedibus non esse fugiendum existimet? Primum igitur si quis lucri causa se ludere dixerit, cum ego grauissimis uerbis accusare atque insectari non dubitabo; quod insatiabili lucri cupiditate ius omne diuinum atque humanum peruertere audeat. deinde eundem etiam stultitiæ coarguam, quod inde lucrum speret, unde sæpiissime detrimenta maxima proueniant. Tu igitur cum intelligas ab homine probo non esse magnificiendas omnino pecunias, neque quicquam magnopere curandum, nisi quod ad comparandam animi quietem atque beatitudinem utile esse uideatur, sic te ipsum prosternes, atque abijcies, ut propter pecuniarum auaritiam nullum questum turpem putes? quotidie fraudes, decipias, auferas, eripias, socios expiles? & denique turpissimo uiuendi generi deditus, nullum dedecus, nullam infamiam uerearis? cumque sæpe uel legeris, uel audieris, nihil tam parui, tamque angustii esse animi, quam amare diuitias, earum tam cupidus, tantoque amore incensus esse uideberis, ut etiam contra omnia iura diuina atque humana te ipsum aleæ lucri causa tradas? obsecro te quicumque es aleator, non aliquando in te descendis? non te ipsum respicis? non cogitas quam turpem personam sustineas? non tibi uenit in mentem nullum conuiuium atrocius inueniri posse quam si quis aleator appelletur? quis unquam asperius inuectus est in aliquem hominem, quam Cicero in M. Antonium? qui cum eius impurissimam uitam & mores maxime detestabiles execrari uehementissime studeret, summum ei uisum est opprobrium ita dicere: domus erat aleatoribus referta. Idem Cicero cum Catilinæ socios & coniuratos asperrimis atque atrocissimis uerbis insectaretur, in his, inquit, gregibus omnes aleatores, omnes adulteri, omnes impuri, impudicique uersantur. uidetis ne quam gloriosum, & insigne nomen sit aleatorum, qui inter execrandos patriæ proditores, & scelestissimos homines ab oratore sapientissimo numerentur? quin etiam apud Nenum, ut Festus attestatur, cum nescio quis in eum cui maxime iratus fuerat, acriter inueheretur, & conuiuijs incesset, pessime, inquit, audax, ganeo, lurco, alco, quasi nullum potuerit grauius conuiuium

cium inuenire, sic aleonem ultimo loco nominauit. quod in Mamurram Catullus quoque scribens obseruauit, cum ita inquit: Quis hoc potest uidere? quis potest pati? nisi impudicus, & uorax, & alco? Aristoteles omnium philosophorum facile princeps, cum in libro de Moribus quarto de liberalitate uerba faceret, aleatores maxime insanes esse ostendit. eos enim cum furibus & latronibus connumerans, illiberales esse dixit, & in turpi, ac sordido lucro uersari. propterea quod omnia quæstus causa faciant, & probra sustineant, nec non ab amicis, quibus dare oportebat, lucrari studeant. Quis autem nescit antiquis legibus apud Romanos interdictam fuisse aleam? nam in Pandectis caput extat, De Aleatoribus, ubi non tantum lusores ipsi puniuntur, sed etiam illi, qui forte quempiam ludere compulerint. quin etiam in secunda Ciceronis Philippica Licinium Lenticulam M. Antony colusorem lege quæ est de Alea condemnatum fuisse legimus: quem id circo hominem omnium nequissimum Cicero appellat, quod non dubitaret uel in foro alea ludere. Horatius quoque uetitam fuisse legibus aleam indicat eo uersu: Seu malis uetita legibus alea. Cum igitur apud eos homines, qui de uera sapientia & probata religione procul aberant, tanta esset aleatorum ignominia, quid apud christianos fieri par est, qui in ueritatis luce uersantur? Sed quid hæc ego commemoro? nonne ipsa nobis ratio manus inijcere quodammodo uidetur, & iubere, ut diligentissime perpendamus, quantum flagitij sit ex alea lucrum sperare, quod in ceteris etiam rebus non omnino magnificare debeamus? Nihil est enim tam sublimis & excelsi animi, quam diuitias contemnere, & cogitare nos ad multo maiora quædam atque excellentiora, quam ad istas terrenæ fecis quisquilias natos esse: uide scit profecto animus, & hominis præstantia deprimitur; qui ad hoc solum procreatus est, ut cælum suspiciat & assidue contempletur. quemadmodum affirmare solebat Anaxagoras, cum relictæ cælestium atque diuinæ rerum cogitatione, sese ad ista infima, caduca & fragilia fortune membra demittit, & nullare, nisi pecuniariam multitudinem recreatur. Itaque quo magis diuitijs & auaritiæ studuerit, tanto uilior atque demissior efficitur. Quæ cum ita se habeant cogitate quæso uiri Mediol. quantopere contemnendi sint, & improbandi leuissimi isti homines, qui lucrandi gratia ludum aleæ sequuntur qui tantum abest, ut animum suum erigant, & se maiores diuitijs præstent, ut etiam ita se demittant, ut turpissima quæque pecunie causa & facere, & pati paratissimi esse uideantur. Quid enim dicam quo studio, qua cura, qua sollicitudine ludent? ut nec tibi, nec somni recordentur? ut totas sapissime noctes uigilent? ut lucem tenebris, & tenebras luci copulent? & tandem ab alea sessi non satiati recedant? quod si quis eos forsasse cogeret honestæ alicuius rei gratia paulo diuinus aut uigilare, aut à ci-

M. AN. MAIORAGII

bis abstinere, deum atque hominum fidem implorarent & se nullo modo ferre posse clamarent. tanta est eorum perversitas atque malicia. ludendi uero gratia facile omnia patiuntur. nihil est quod eos ab alea remorari possit: non fames, non sitis, non frigus, non calor, non denique somnus omnium sensum quies placidissima. Ludo soli student, dormientes de ludo somniant. uigilantes in ore frequentissime ludum habent. undique socios magna cum diligentia conquirunt, quibus cum ludant, nec unquam aequae sibi placere uidentur, atque cum talos, tesseras, lusorias chartas, & cetera ludendi instrumenta pertrahant. cum interim neque publicas, neque priuatas res curent, tempusque quod omnium rerum preciosissimum est, ut Theophrastus est auctor, in otio nefario consument. iacent neglectae res domesticae, nulla familiae cura nihil eos mouent coniuges, nihil liberi, nihil patriae caritas. haec & reliqua huiusmodi lucra sunt, quae solent ex alea prouenire: ut interim eos pratermittam, quibus male res in ludendo succedit, qui cum alicuius furore incaluerint, uno iactu patrimonium omne profunderi non dubitant, neque enim, ut ait Satyricus poeta, oculis comitantibus itur

Ad casum tabulae, posita sed luditur arca.

& quamuis maxime contraria fortuna esse uideatur, non ea tamen de causa perterrentur, sed inconsulta quadam spe recuperandi, quae iam profuderunt, quanto, rem aduersus euenire uiderint, tanto magis inflammantur, donec ut ait ille.

Nec quicquam fundo suspiret nummus in imo.

Tum uero tanquam ore fulmineo spumantes apri nulli neque deorum, neque hominum parcunt, impias atque horrendas blasphemias euomunt, totam domum ac familiam magno tumultu complent, nullis affabiles, nullis amicis plerumque etiam ad manus ueniunt, & una cum pecunijs vitam quoque miserabiliter amittunt. ut uerissime dixerit Horatius:

Ludus enim genuit trepidum certamen & iram,

Ira truces inimicitias, & funebre bellum.

Quae profecto intelligitis uiri Mediol. quam ab omni humanitate sint aliena. Sed quoniam illud etiam nonnihil ad rem pertinere uidetur, intelligere quibus principijs, aut quo auctore profecta fuerit alea si diligenter attenderitis, paucis uerbis explicabo. Philostratus in Heroicis à Palamede Nauplij filio censet in bello Troiano repertam fuisse aleam, quam milites in otio delectarentur, cum longa obsidione Troiam premerent. Herodotus historiarum pater, ut cum Tullius appellare solet, lydos populos aleam, & omnia ferè ludendi instrumenta. praeterquam talos inuenisse primos tradit, sed quanquam à grauisimis auctoribus notatam fuisse lydorum impuritatem, ut aequae turpitudine non ignorem, ut, qui nihil aliud quam intemperantiae atque libidinis stude-

fluerent, tam pernicioſe rei facile auſtores credi poſſint, tamen maior eſt apud me Platonis auſtoritas, qui Socratem in Phædro loquentem facit, & ait, circa Naucratem Aegypti nobilem urbem fuiſſe dæmonem quendam, cui dicata ſit auis quam Ibin uocant. Dæmoni autem ipſi nomen Theuth. primum mathematicas diſciplinās inueniſſe, talorumque atque alearum ludum. deinde profeſſum ad Aegyptiorum regem, qui Thamus uocabatur, atque illi ſuas artes demonſtraſſe, dixiſſeque illas diſtribui deinceps cæteris Aegyptijs oportere. Quis igitur non intelligit hanc peſſimi dæmonis fuiſſe fallaciam, quam iſeros mortales lucri, atque uoluptatis illecebris in retitos tene- ret. nam quod etiam numeros, & Geometriam, & Aſtologiā Theuthi in- ueniſſe dicitur, quæ honeſtæ atque utiles artes eſſe uidentur, id ea de cauſa factum eſſe putandum eſt, ut honeſtatis atque utilitatis ſpecie facilius homi- nes deciperet. Solet enim aſtutiſſimus ac fallaciſſimus demon, quod perni- cioſum ac mortiferum eſt, ea calliditate occultare, ut honeſtum ac rectum eſ- ſe uideatur. planum igitur & perſpicuum eſt, aleæ ludum pernicioſiſſimi dæ- monis inuentum eſſe. quot hominum millia implicantur, quo plerique ita af- ſiciuntur, ut nihil aliud omnino curent, & ſe ludendo ſælices ac beatos exi- ſtiment. At obijciat fortasſe aliquis, quid? an non aliquando multum in alea lucrari contigit? fateor equidem. Verum id primum in dubio eſt. nullo. n. mo- do fieri pōt, ut aleæ ludus omnib. æque feliciter eueniat, deinde lucrū illud qua- le aſſimari dēt, quod ex tā infami arte, & tam turpi flagitio naſcitur? niſi forte quis exiſtimet, lenoniam artem, aut meretriciam eſſe laudabilem. propterea quod interdum accidat, ut ingentem pecuniarum numerum in honeſtiſſimo corporis abuſu meretrices acquirant. ut de Rhodope Aſopii fabulatoris con- ſerua legimus, quæ magnificam in Aegypto Pyramidem ex congeſſis mere- tricio quaſtu pecunijs conſtruxiſſe dicitur. ſed nemo ſane mentis, quod ab om- ni iuſtitiaſt alieniſſima, id honeſtum eſſe aut laudabile iudicabit. itaque cum liquido conſtet minime iuſtam eſſe aleam, imo ſanctiſſimis legibus im- probatam, qui per eam lucrari ſtuderit, is profeſſo turpitudinis infamiam ſubterfugere nullo modo poterit. cum præſertim ex Theologorum omnium ſententia, quæ per aleam quis acquiſiuerit, ea nequaquam iuſte poſſit in uſum ſuū retinere, ſed aut priori domino ſi commodè fieri poteſt, aut mendicis largi- ri oporteat. quid igitur ſultius, quā animū ad aleam applicare; in qua uel tibi ſumma cū indignatione, ſiſma cū ignominia ſunt amittēdæ pecuniæ, uel ſi quid lucratus fueris, id omnino tibi reddendum eſt. ſi modo iuſtè religioſeq; uiuere uolueris. Sed per Deum hominumque fidem, quæ noſtra eſt iſta tam effrena- ta cupiditas? quid petimus? quid optamus? nunquam ne prudentium homi- num cogitationem ad punctum temporis ſuſcipiemus? quid ex iſtis pecunijs, quibus tantopere inhiamus, nobiſcum morientes auferre poterimus? ò men-

M. AN. MAIORAGII

tem cimmerijs tenebris obscuriorem . nefas est plurimam in congerendis pecunijs operam insumere quamvis honestis artibus eas acquiramus , & tam multi reperiuntur , qui nullam scelerum speciem lucrandi gratia refugiant ? qui pecuniarum siti flagitiosam aleam persequantur ? in qua tot deceptiones , fraudes , doli suboriuntur ? hoc enim laudentium proprium est , ut quacunque ratione fieri potest , socios fraudent ac decipiant . quod quidem nihil à furto , atque latrocinio differre , quis est , qui non intelligat ? quicquid enim alienum iniuste siue clandestina malitia , siue aperta vi rapimus , atque retinemus , id sine dubitatione furti , atque latrocinij appellatione comprehenditur . Quare videte viri Mediol. an dubitandum vobis sit , quin sint gravissimè damnandi , demeritisque notandi nomine , qui lucri causa tam perniciosum vitæ genus eligendum sibi esse statuunt , ut totos dies in alea consumant . quæ omnem religionem & fidem violat , caritatem tollit , inimicicias & odia concitat , & amentes & blasphemos reddit homines fraudulentos & rapaces efficit , rerum suarum neglectores . alienarum appetentissimos , quæ virtutum omnium obliuionem & scelerum memoriam atque cupiditatem inducit . quæ diuinum atque humanum ius omne pervertit , quæ denique si fors aduersa fuerit , patrimonio spoliât , si prospera gravissimo crimine conscientiam inficit , nisi per eam quaesita restituas . Age uero quæ uoluptas in alea esse potest ? hoc enim alterum eorum fuit , propter quæ aleam expeti solere diximus , quæ (inquam) uoluptas in eare potest esse , quæ tot malorum causa est ? tu ne igitur ut aliquantulum voluptatis acquiras , nihil Deum immortalcm , nihil homines , nihil leges , nihil iura vereberis ? te tam ingenti , tam tetra uitio uoluptatis gratia trades ? quid si nulla est in alea uoluptas ? quid si maior potius ac tristitia ? tam ne obstinatè tamen operam dabis ut in aleæ uitio consenescas ? Ve vobis ait Christus qui videtis , quoniam flebitis . Vix nobis in rebus honestis multum licet gaudere , ne fortassis in superbiam atque arrogantiam incidamus , & tu in alea , hoc est , in uitio : um omnium sentina quadam , & scelerum lerna letaberis ? an tibi periuria , maledicta , blasphemiae , tumultus , inimicitiae , vulnera , caedes , quæ ab alea frequentissimè proueniunt , uoluptatis loco ponenda esse uidebuntur ? vidi ego non nunquam , qui multo celsius amicissimi primo uoluptatis gratia cepisse inter se ludere , deinde paulatim incallescendo vincendi cupiditate , non prius à ludo destitisse , quam ad manus uenientes mutuis uulneribus conciderint . hi sunt aleæ fructus , hæ uoluptates , quas insani homines tam studiose , tam cupidè , tam impotenter appetunt . hæc aleam iucunditas , hæc uoluptas , hæc delectatio consequi solet , firmissimarum societatum disunctiones , amicitiarum sanctissimarum violationes , rixæ , odia , dissidia , furores , multa quæ huiusmodi cetera , quæ sicuti uoluptates esse uidentur , cum ego non tantum communi sensu carere , sed omnino de-

mentem ac furiosum esse iudico . quem uerò ista non commouent , nec ab aleæ uitio retrahunt , debemus eum non iam hominem , sed immanem potius belluam existimare . qui nihil in posterum prospiciens , ad id tantum quod adest , quodque præsens est , toto impetu rapiatur , & breuissimè ac falsa uoluptatis gratia res maximè laudabiles , & honestissimas derelinquat . At fort assè quispiam hominum grauisimorum exemplo , qui sæpenumero lussisse reperiuntur , animi sui nitium excusare conabitur . ut de Porcio Catone , & Octauiano Augusto scriptum legimus . qui animi relaxandi gratia , post grauisimas occupationes taxillorum ludo sese oblectare soliti traduntur , quod etiam de Archyta Tarentino memoria proditum est , quem cum pueris suis ac seruis ludos agitare consueuisse permulti scripserunt . quin etiam Heraclitus Ephesius uir alioqui tristissimus optimè astragalis lussisse perhibetur . Quintus Scæuola uir grauisissimus ac sapientissimus , & propter egregiam iuris ciuilis prudentiam celeberrimus , remisso à negocijs animo , corporis exercendi , & se recreandi gratia studiosissime pila ludere solitus est , multosque præterea clarissimos & amplissimos homines accepimus , cum à grauioribus negocijs respirassent , aliquo lusu fatigatum animum relaxare solitos . sed hæc ludorum genera , quæ colligendi animi , uel exercendi corporis causa parantur , neque nos omnino reuicimus . sumus enim homines , & præclare intelligimus , nullam esse tantam animi uim , quæ perferre continuum laborem possit . illos uerò penitus ludos detestamur , quibus expositis pecunijs plerique solent auidissime ludere . propterea quòd omnes sanctissimæ religioni nostræ sunt inimicissimi , quæ quidem pessima ludendi consuetudo tanquam perniciofa quædam contagio , sicut initio diximus , domos præcipue nobilium , & potentissimorum hominum arripuit , ut non iam uerna solum ac famuli , sed ipsi patres familiarum quod maxime ignominiosum est totos plerunque dies & bonam nocturnam partem in ludendo conterant . hinc filij qui maxime dociles ad uitiâ solent esse parentum inuitatores , prius ludere ciunt quam explanate loqui . & cum nutricis lacte paterna uitiâ statim imbibunt . nam uere Satyricus poeta dixit :

Si damnosa senem inuat alea , ludit & hæres

Bullatus , paruoque eadem mouet arma fritillo .

ita enim est hominum ingenium , ut uelocius & citius nos , quod ait idem poeta , corrumpani uitiorum exempla domestica . magnis cum subeunt animos auctoribus . quid quod à parentibus filij non solum non reprehenduntur , uerum etiam , quod summo opere deplorandum est , ab eisdem ultro ad ludum inuitantur ? itaque prauam istam consuetudinem in naturam ita sibi conuertunt , ut quamuis postea cupiant , aleam tamen relinquere non possint . Et quisquam mirabitur tam paucos esse adolescentes , qui rebus honestis , & ingenuis

M. AN. MAIORAGII

ingeniis artibus animum applicant? cum à teneris annis indulgentia parentum effaminati. ludisque cuiusque generis dediti, nullam aliam credant esse maiorem uoluptatem, nullam uitam beatiorē, quam continenter in alea versari? quid unquam egregium atque excelsum ab eo iuuenē sperare poterimus, cuius animum iam hoc infecerit insatiabile ludendi desiderium? iam per diuersoria, per lustra per ganeas, cum perditissimis nominibus cupit euolare. iam paternas facultates dissipare iam cum nilissimis scortis & leonibus impurissimis uitam ducere. iam quotidie nota facit, ut tandem nimum uiuax pater efferatur, ut scilicet impuniū ei liceat alea quicquid habet facultatum effundere. hinc ad furtā, ad latrocinia, ad infandas cedes consumpto patrimonio conuertuntur. nullum eos dedecus, nulla pœna refricare potest, nullum est scelus tam audax, nullum tam atrox facinus, ad quod post aleam impelli non facillime possint. quæ licet apertissima sint, tamen tanta est hominum improborum insolentia, ut quam paucissimis persuaderi posse uideantur. quod tamen mirari desino, cum ad eos respicio, quibus religionis & honestatis cura demandata est, qui populum ignarum, & imperitam multitudinem diuinis legibus atque institutis erudiendi curam susceperunt. hi enim maiorem partem non solum alios non reprehendunt, uerum etiam. quod indignissimum est, ipsi totos plerumque dies ac noctes in ludendo sunt occupati. sed de hac ciuitate nostra nihil dubito quin breui tempore mores sit in melius commutatura. cum tam religiosum & christianum principem habeamus. & tam prudentissimum senatum, qui uitia seuerissime vindicet, & uirtutes amplissime remuneretur. neque enim cuiquam dubium esse potest, quin ut cætera omnia quæ nuper instituta sunt, ita etiam hoc sapientissime decretum sit, ne ludendo pecunias exponere cuiquam liceat, cum omnem aleam honestati maxime contrariam esse liquidissime constet. hæc enim, ut docuimus, efficit ut plerique mortales diuinum cultum deferant, humanam societatem uiolent, obliuione iustitiæ capiantur, hæc leges iudicia, fidem amiciam, probitatem euertit, hæc dedecus & ignominiam affert maximam. hæc priuatas domos exhaurit, patrimonia dilapidat homines falsos fieri cogit, hæc ad omne flagitium ad omnem turpitudinem impellit. hæc denique hominem de mentem perfidum furiosum reddit. ut non aliter atque immanissima bellua, nullos neque deos, neque homines vereatur. Quanobrem vos uiri Mediol. per eam, quam colitis religionem, per christianam fidem, per salutem uestram atque omnium ciuium, per totius Reip. nostræ tranquillitatem oro, atque obtestor, ut aleatorum petulantia uestram opponatis auctoritatem, & mihi credatis id quod ipsi uidetis istā aleæ libidinem omni religioni atque iustitiæ maximè repugnare. facite igitur ut domus uestræ nulli omnino pateant aleatori liberos uestros procul a tan pesti-

pestifero morbo relegate, neque fidem eis ullam præstandam esse censeatis, quos alea deditos esse noueritis. hos non aliter uobis caucudos esse censeo, quam qui patrie, parentibus, aris atque focis bellum inferunt, atque eo magis, quo se occultius amicitie nomine uobis insinuant. nam malos atque scelestos homines, qui se palam hostes profitentur, facile cauendo uitare possumus. hoc uerò aleatorium occultum & intestinum malum frequenter opprimit, antequam perspici atque explorari potuerit. hominemque penè ad insaniam pertrahit, priusquam se ab illo captum esse provideat. Itaque ne queso tam horrenda, tam turpia, tam execranda flagitia quæ iam ab alea nasci demonstrauimus, in hac uestra religiosa ciuitate committi patiamini. cohibete tandem istorum furentium hominum impetus, nefariosque conatus, qui sese in familiaritatem uestram omni studio conatur insinuare, ut uos, aut liberos uestros ad aleam alliciant, expellite, profligate, exterminate de ciuitate uestra tantam ignominiam. ne finite per Deum immortalem tantam labem & infamiam in uestro nomine inueterare. commune est hoc malum, communis metus, commune periculum serpit ista contagio, & quotidie magis inualescit, nisi quamprimum medicæ manus adhibeantur. ô scelestorum omnium indagatrix alea, quo miseros mortales sui penitus oblitos, consiliorum inopes, cæcos, amentes, assidue raptas? in quæ probra semel à te captos præcipitas? nullum est vitium, mihi credite, uiri Mediol. quod ad se magis animos attrahat, atque alliciat, nullum quod hominem perditiorcm efficiat, nullum quod magis fortunas, famam, honestatem profundat, & omnino dissipet. Quæ cum ita sint, omnem penitus aleam, perinde ac pestilentiam quandam atrocissimam nauibus & quadrigis, ut dici solet, & remis ac uelis non solum ipsi effugere debemus, uerum etiam insectari, & ab alijs, quantum per nos fieri potest, auertere, ac propulsare. sapientissimoque & mitissimo Principi nostro Alphonso Aualo, & integerrimo Senatui, atque in primis ornatissimo Senatus præsidi Philippo Sacco maximas & agere, & habere gratias, atque eorum fidelissimis & amantissimis consilijs iustissimisque decretis obtemperare. quippe qui nos cunctos suos, ut optimi patres, mansuetissime corrigunt & ut bene beateque uiuendi uiam ingrediamur omni cura, atque diligentia prouident. Hæc ego uiri Mediol. cum honestatis & religionis amore commotus atque inflammatus, quam ab istis amantissimis aleatoribus prosternei atque pessundari uidebam, breuiter simpliciterque pro consuetudine mea dicere coactus sum, tum ut prudentissimi ordinis senatorij, & sapientissimi principis decreta, quæ iam partim introducta sunt, partim breui tempore diligentissime confecta promulgabuntur, à uobis libentissimis animis accipienda, & accuratissime ser-

M. AN. MAIORAGII

manda esse censeatis. quam quidem orationem meam confido nobis proba-
 tam esse omnibus, & in meliorem partem acceptam. vos pro uestra fide,
 religione, sapientia provideate, nequid ob sanctissimarum legum &
 decretorum violationem detrimenti patiamini. quan-
 to enim clementiorem obediētes, &
 subditi Senatū Principem-
 que nostrum experi-
 untur, tanto
 severio-
 rem
 & infestiores pertinaces &
 superbi sentient.



78

A D V E R S V S E O S , Q V I

ornandæ orationis studium, & dicen-
di Elegantiam vituperant.

O R A T I O XII.



VNT quidam homines, ornatissimi auditores, tam agreslibus, & impolitis auribus, ut omnem orationis ornatum, & sermonis elegantiam, tamquam rem inanem, & superuacaneam omnino negligendam esse existiment, eumque satis esse discretum ac eloquentem affirmant, qui sensamentis apertè quoquo modo atque intelligenter explicare dicendo valeat. ea vero quæ orationis ornamenta nominantur, nihil aliud esse dicant, quam quasi calami strocos, & fucati medicamenta candoris ac ruboris, quæ omnem orationis uim, & gravitatem, & constantiam infringant, & prorsus effaminent. multa quæ alia in hanc sententiam fallaciter, & captiosè disputent; ut totum hoc nostrum, cui iam pridem dediti sumus, exornandæ orationis studium, quantum per eos fieri potest, & deprimant, & inutile ac uanum esse ostendant. Itaque statui hodierno die coram uobis omnis elegantie candidatis, & cultoribus, quoad facultas mea tulerit, istorum hominum falsam & absurdam opinionem verissimis & firmissimis rationibus, exemplis, argumentisque refutare. ne fortasse qui iuniores adhuc, & rerum humanarum imperitiores sunt, eorum auctoritate, uerbisque persuasi rem omnium præclarissimam & honestissimam derelinquant. Vos quæso nostram hanc disputationem contra barbaros homines, rudis & incœpti sermonis amatores, & omnis politionis discipline, atque humanitatis expertes, patientissimis, & æquis auribus attendite. Ac mihi qui de illud in primis maxima dignum esse reprehensione uidetur, quod isti, qui de orationis ornatu sententiâ suâ tam graui supercilio proferunt, uel tam imperiti sunt, ut quod inter uirtutes orationis, & uitia discrimen sit, non satis intelligant, uel si fortassis intelligunt, iniquo atque inuidio animo, quod ipsi, aut propter insolentiâ neglexerunt, aut propter inertiam assequi minime potuerunt, ab eo ceterorum etiam hominum industriam retrahant. Cum enim orationis ornamenta calami strocos, & fucum appellent, nonne perspicuum est, eos nimis impe-

M. AN. MAIORAGII

ritè flagitiosèque rem pueritiam turpissimò nomine dedecorare? quis non intelligit in mulieribus unde hæc nomina transfulerunt, alium esse laudabilem, honestum, decoratūque ornatum, alium calamistratum & fucatum? an forte uobis aut pudica matrona, aut casta uirgo, quæ præstanti sit corpore, & liberali atque honesta facie, cùm præciosis uestibus, auro, argento, gemmis, unionibus, armillis, annulis, cæterisque huiusmodi ornamentis excolitur, calamistrata & fucata esse uidebitur? nihil ne ergo inter meretriciam lasciuiam, & matronalè cultū uirginalemq; ornatum interest? nihil inter calamistros & baccata monilia? nihil inter fucata medicamenta, & exor natum uenustatem. ostultitiam hominum atque insipientiam, qui tantarum rerum differentiam repugnantiamque non uideant. iam credo, isti qua temeritate atque importunitate sunt, si quem paulò comptiorem esse uirum conspexerint, eum penitus effeminatum esse clamitabunt. si liberaliorem, prodigum appellabunt, si fortiorem, dicent esse temerarium. sed nequaquam animum inducere possum, ut existimem istos esse tam insipientes & rerum ignaros ut non intelligant, aliam esse comptam & ornatam orationem, aliā esse lasciuientem, effatam, & quodammodo pictam. verum quia summa iam pridem ipsi barbaria sunt infecti, quod spinosum, exile, ieiunum, languidum, enervatum, incultum dicendi genus semper secuti sunt, & pecudiam, suillie generis more glandes, multo magis quam fruges adamantur; neque posthac ullo modo sperant, ex illo barbarico ceno se linguam suam unquam educere posse, nobis ideo uobisque ornatissimi iuuenes hanc elegantie laudem, & styli dignitatem, & expolitæ orationis gloriam inuident. secumque ad eadem luti uoluntabra, deformemque sermonis habitum, atque impuritatem loquendi deducere contendunt. At, si Dijs placet, ydem isti sordidi, rudes, & inculti homines, se Mercurium non in lingua, sed in pectore habere gloriantur, qua in re duplici nomine sunt odiosi, uel quod intolerabili arrogantia se solos esse sapientes atque intelligentes opinantur, nos autem, qui dicendi uenustatem ac leporem sequimur, tanquam inanum tantum uerborum se effatores irrident, uel quòd eloquentia Deum atque parentem Mercurium sibi similem hoc est, infantissimum esse mentiuntur. quis enim est, qui nesciat, apud Græcos tritum esse uulgi sermone prouerbium, quoties rem inauditam, & penitus incredibilem significare uolunt, ut Mercurium infantem esse dicant? prodeat quæso Mercurius iste uester è sordido pectore. exeat ex ore luti mento, deformato habitu, uerborum illius squalidus, & prorsus informis, quis eum ut eloquentia patrem agnoscat? cui gratus erit? quis esse Mercurium existimabit? à quo non statim contemnetur? quis non eū irridere tanquam aliquem histriionem & fictum & Plauti scena cū seruili sebetima Mercurium? ita ista uestra seruili sapientia barbaris sordibus infuscata locum

locum apud ingenios ac liberales animos, & apud teretes elegantium hominum aures ubi consistat, nullum habere potest. At contra si quis nō in pectore tantum, ut nos insulse falsoque iactatis, sed etiam in ore Mercurium habeat: ut ea, quæ rectè ac sapienter intelligit, aptè, distinctè, ac ornatè proferat, quid hominum aut auribus, aut mentibus iucundius accidere poterit? quis cantus ornata oratione dulcior? quod carmen artificiosa verborum conclamatione aptius? quid admirabilius quam res splendore illustrata verborum? sed nimirum illud verissimum est, quod Heracitus aiebat, Asinum stramenta malle quam aurum. Solidis enim ac barbaris hominibus magis ea placent, quæ rudia sunt, & scabra, & impolita, quam quæ emendata, & exulta & planè perfecta sunt, non capiunt crassa & obtusa aures compositam & modulatam orationem. Midas Thrygiorum rex, ut ad fabulas ueniamus, insulsum atque ineptum Marsie tibicinis strepitum suauissimis Apollinis carminibus prætulit. Unde meritissimo iratus Apollo traditur asininas illi aures affixisse: quales iam inde ab incunte aetate nostros aduersarios semper habuisse crediderim. quid enim causæ dicemus esse curi isti liberalem atque ingenuam eruditionem, & differendi elegantiam tantopere damnent, ut neque ipsi ornatè dicere aut scribere studeant, neque aliorum elaboratam expolitamque orationem admirentur, nisi quia deprauatos animi sensus habent? ut illis, non aliter atque scarabæis continenter in oleto uiuentibus, alabastris unguenti plena puteat. vetus est proverbium. Nihil graculo cum fidibus, quoniam longè magis odioso garrivum cum sui generis anibus quam harmonia musica graculus delectatur. huc etiam illud pertinet; Nihil cum amaracino sui. quamvis enim quod ex amaraco fit oleum laudatissimum & odoratissimum sit, suo tamen generi uenenum est, cui uidetur id demum olere suauissime, quod cænum grauissimè redoleat. At isti quo uitium suum aliqua ratione celare ualeant, ideo se dicendi uenustatem & orationis ornamenta refugere clamant, quod ea sit, quasi quædam uoluptatis illecebra lenociniumque quo popularium animi capiantur, & errore decepti, ut hamo pisces, ita blanda oratione, suauisque sermone in falsam sapenumero persuasionem inducantur, quasi uero stolidi atque insipientes homines exulta orationis dulcedine atque incunditate, non fraudibus & dolis improborum capiantur. non habet hoc in se uitium copia dicendi, & suauitas orationis, ut quemquam decipiat, aut in errorem inducat. præsertim si recta intelligentia, & definita moderatione animi gubernetur. non est hoc politæ orationis crimen, sed eorum qui ceteris etiam bonis plerumque ad perniciem utuntur, ut alio in loco dicemus. isti uerò qui ieiunam, & exilem, & incomptam orationem, magis quàm uberrimam & exaggeratam, & uenustam diligunt, perinde faciunt, ac si rusticanam uitam potius quam ciuilem, sordidatam uestem, quam elegantem, illu-

M. AN. MAIORAGII

niem corporis quam mundiciam. res denique potius odiosas ac molestas, quam gratas & incundas amplectantur. Sed auctoritatibus etiam causam istam suam tam ridiculum & absurdum confirmare conantur. aiunt enim grauisimos homines Theologos, Philosophos, & Iuriconsultos nihil de exornanda oratione penitus cogitare. uerum potius huius nostrae concinnitatis & elegantiae contemptores. qua in re primum eos aperte mentiri dicimus, quamuis .n. recetiores Iuriconsulti ut Azones, Bartoli, Baldi sint incompti, ac plane barbari quod eo tempore nixerint, quo bonarum artium studia minime uigebant, tamen antiquis illis Iuriconsultis, quorum adhuc leges, & responsa in Pandectis leguntur, nihil politius aut limatius inueniri potest. ut satis appareat, eos non minus eloquentia, quam iuris civilis fuisse studiosos. Quid de Philosophis dicam? an fortasse quia Auerroes, & Albertus barbari sunt, ideo Plato etiam, & Aristoteles, & Theophrastus in eodem numero censendi sunt? Iam Theologi ueteres, non rustice locuti sunt, sed quantum eorum facultas tulit ornamenta dicendi scriptis suis adhibuerunt. Quis enim Basilio sublimior? Chrysostomo dulcior? Hieronymo uehementior? deinde illud oppono, quamuis aliqui Philosophi Theologique nostra haec dicendi ornamenta non sequantur, non ideo tamen esse à nobis, qui mansuetiores atque elegantiores Musas colimus relinquenda. qua enim inuidia est, si hac in re nos neque philosophi, neque Theologi esse uolumus? eadem ratione licet etiam pleraque res alias eximias & praestantes contemnere, quoniam eas philosophi Theologique uilipendunt. proiciamus opes, aurum, gemmas, preciosas uestes, mundiorem omnem suppellectilem, quoniam sine his rebus plerique philosophi uitam agunt. negligamus rem familiarem, deferamus artes ingenuas, in solitudine uiuamus, nudis pedibus ambulemus, bardocucullos induamus, quoniam haec nonnulli theologi faciunt quod si haec in communi uita degenda, ridicula sunt, & insulsa cur potius in contemnenda sermonis elegantia quam in ceteris rebus; & actionibus à civili uita remotis philosophos ac theologos imitari debemus? quis non intelligit rationem hanc istorum esse absurdissimam, nullumque pondus aut momentum habere? non enim illud à nobis querendum est, an aliqui in ea sint haeresi, quae nullum sequitur florem orationis, cum plurimi sint, qui res omnes egregias ac praestabiles ob animi demissionem quandam refugiant, & magnopere contemnunt. sed utrum uilis sit an perniciofa, honesta an turpis, incunda an odiosa haec exornanda orationis disciplina, de qua certe nisi plane agrestes atque inhumani sumus, dubitare nullo modo possumus. Ac incundam quidem & suauem esse negare non audent, quoniam hoc esset plane sensui repugnare sed esse nitilem & honestam id uero pernegant, imo contra perniciosam & fugiendam esse asserere non dubitant, quoniam in-

quiunt,

quunt, multi iuvenes in discendo splendorem & elegantiam uerborum con-
 seſcantes plerunque rerum obliuiscantur, & in expolienda oratione occupa-
 ti bonarum artium studia derelinquant, qua ratione fiat, ut qui hac dicen-
 di uarietate copiaque delectantur, dum compositam orationem, & orna-
 tam, & artificio quodam atque expolitione distinctam efficere student, om-
 nem maiorum rerum scientiam, & sapientiam negligant. quæ cum isti di-
 cunt, studio dulci maledicendi non satis aduertere uidentur, se non ipsam
 orationis uenustatem atque elegantiam improbare, sed eorum studium &
 inanem laborem, qui solam eam, relictæ rerum scientia conſeſcantur. nam
 certè nihil tam furiosum est, ut etiam L. Crassus attestatur, quam uerbo-
 rum uel optimorum atque ornatissimorum sonitus inanis nulla subiecta sen-
 tentia nec scientia. quod si quis rerum cognitioni, quod optimo quisque in-
 genio facere debet, elegantiam hanc, & politam dicendi rationem adiun-
 xerit, quid in homine præstantius aut diuinius inueniri poterit? audebunt
 ne etiam infantissimi homines eum orationis ornatum uituperare, qui re-
 bus iam cognitis & planè perceptis summa quadam cum auriæ atque ani-
 mi incanditate adhibetur? audebunt ne ueteres illos scriptores tam Græcos
 quam Latinos, in quibus præter uariam & multiplicem rerum scientiam,
 inest etiam summa quadam & incredibilis orationis elegantia condemnare?
 nimirum ego istam perfrictam frontem & os durum uidere nimium uelim,
 quo procaciter eos uitupernt, qui nulla penitus eloquentia satis commenda-
 ri posse uideantur. At qui ab istis ego hominibus, libentissime petcrem,
 cur eos, qui ornate dicunt, improbandos esse censeant, eos autem, qui cæ-
 teris in rebus ornate aliquid efficiunt, magnopere laudent? nam si omnino
 quæ accuratè studioſèque poliuntur, eos offendunt, multo plura atque ma-
 iora in operibus ipsis ornamenta, quam in oratione reperientur. deinde il-
 lud absurdum esse omnino uidetur si eos latet, nos ideo & Deos immortales
 ornate colere, & pietatem adamare, & iusticiam exercere, & cæteris uir-
 tutibus incumbere, non ut agrefiores, & impolitiores habeamur, sed ut
 ornatioreſ, & humaniorem exiſtimemur. quo enim cultu, quo studio, qua
 cura templa Deorum immortalium, aræ, soci, loca omnia sacra, uasis præ-
 ciosis, uestibus, instrumentis cuiusque generis. auro, argento, ebore, gem-
 mis, unionibus exornantur? quid adificia? quid ludi? quid magnifici ap-
 paratus, nonne quanto sunt ornatioreſ, tanto magis commendari solent.
 quid omnis uitæ cultus cum elegantia & copia quantopere delectat? quid ar-
 tes, scientiæ, uirtutes, quibus ad humanitatem informari solemus, nonne ut
 maxima sunt animi ornamenta, sic etiam appellantur? atqui nemo est quin
 artifices omnes eo magis esse laudandos exiſtimet, quo politius opera sua con-
 ficiunt, quin ipsum totius mundi conditorem Deum uel hac una de causa mi-
 randum

M. AN. MAIORAGII

randum in modum suspicinus, quod uniuersam tali complexum tanto uariarum rerum ornatu compleuerit. Vnde & consensu gentium, ut Plinius ait, quem ἱσηγορῆς Greci nomine ornamenti appellauerunt, eum etiam nos a perfecta absolutaque elegantia mundum nominauimus. cur ergo quod in alijs rebus & actionibus omnibus maxima dignum esse laude iudicatur, id in oratione sola, quæ mentis interpret est, et hominis maxime propria tanquã res improba uituperatur? Quod si uenustam & elaboratam orationem ideo damnamam esse statuerunt, quod ea quidam & prauam & publicè parum iuste utantur, & fallaci, blandaque persuasione multos decipiant, cur non eadem ratione pulchritudinem, diuitias, fortitudinem, & nonnulla alia bona uituperant, quandoquidem plurimi sepe reperti sunt, qui per ea, & sibi, & ciuibz suis plurimã detrimenta importarunt? sed minime uidetur æquam esse, neque propter impudicos homines pulchritudinem, neque propter insolentes ac proternos diuitias, neque propter sicarios & percussores fortitudinem improbare. neque omnino ad res ipsas hominum peccata transferre. sed illi potius damnandi sunt, qui rebus per se bonis addita animi peruersitate male utuntur. & quibus rebus facile quamplurimis hominibus prodesse possent, eis ad cinium suorum perniciem abuti non dubitant. Sed ex istis aduersarijs nostris ornata locutionis uituperatoribus aliqui sunt paulo moderatiorez, qui maledictis quidem abstinent, uerum similitudine quadam dicendi elegantie dignitatẽ elenare atque imminuere contendunt. aiunt enim in oratione leporem & elegantiori stylo dant operam, eos neglectis fructibus & folia. quare qui elegantiori stylo dant operam, eos neglectis fructibus, tantum flores & folia consuetari dicunt, qui autem posthabito dicendi lepore rebus ipsis attendunt, eos aiunt solidos & maturos fructus decerpere. quia quidem similitudine parum cautos iuuenes in fraudem inducunt, & efficiunt, ut ornanda orationis studium deserant. cum non intelligent, non tantum unum esse sed uaria & multiplicia orationis expolienda genera. sunt enim quedam in oratione ornamenta tanquam flores ad uenustatem accommodata, quæ maximam tamen afferunt in dicendo uoluptatem, & audientium animos atque aures ita alliciunt, & ad sese trahunt, ut formosi atque odorati flores oculos & nares afficere solent. quedam foliorum frondiumque similia sunt, quæ non tantum arbores ornant, sed etiam fructuum sunt integumenta. ut eos a caloris & frigoris offensione tueantur. quedam sunt ut in corpore uestimenta, quibus res ante acutè inuenta, & prudenter disposita eleganter ac polite uestiuntur, atque exornantur, ut auribus & animis maiori cum dignitate suauitateque percipiantur sunt aliqua salis instar in tota oratione sparsa quæ dictionem uniuersam condiunt, & multo iucundiores efficiunt, quæ alioquin esset fatua atque insipida, quales spoliati

fiati sale plerique etiam preciosi cibi solent esse. quedam denique sunt quasi lumina, quibus tota illustratur oratio atque admirabilis efficitur sunt autem & uerborum & sententiarum hæc, quæ dicimus, lumina. quibus tanquam stellis & insignibus in ornatu suauissime distinguitur omnis oratio. non ergo tantum qui flores & solia sectantur, sed qui distincte, qui explicitè, qui abundanter, qui illuminate & rebus, & uerbis dicunt, & in ipsa oratione quasi quendam numerum uersumque consciunt, si sunt, qui ornate dicunt, qui clamores, & admirationes efficiunt. ad quos audiendos concursus undique fieri consueuerunt. ueniant igitur irrisores huius suauis & illuminatæ orationis, tenebricosi homines. qui clarissimum lumen oderunt, & iam uel ipsi indicent, utrum se horum alicuius uel Auerrois uel Alberti, uel Scoti sectatoris, uel aliorum eiusdem generis scriptorum, qui ieiunitatem in dicendo qui spinas, qui sordes, qui barbariam, qui tenebras, qui infantiam sequuntur, an Platonis, Aristotelis. Demosthenis, Ciceronis, & aliorum ornatissimorum auctorum quorum omnes copiam, suauitatem, puritatem elegantiam, lumina, uarietatem admirantur ac suspiciunt similes, esse malint. Ac mihi quidem isti, qui ornatam orationem improbant, tantum aberrare uidentur, ut non aduertant, se rem eam damnare, quæ bonorum omnium, quæ à natura homini data sunt, aut certe quamplurimorum causa fuit. nam ceteris in rebus homines nihil ferè à bestiis differunt. uerùm & uelocitate & robore ceterisque corporis commoditatibus longè humiliores & infirmiores sunt. una fuit oratio, quæ nos à victu belluino segregauit, quæ postea studio, atque industria sapientissimorum hominum expolita atque exornata effecit, ut qui cascire uerentur, quantum ceteri homines bestiis præsent, tantum ipsi ceteris hominibus antecellerent. Itaque postea quam sapientes uiri graui & polita oratione uti didicerunt. tum urbes incolere capimus, tum naturale ius & ciuile descripsimus, tum artes excogitauimus. tum denique res omnes & priuatam & publicam utilitatem continentes inuenimus. hæc (inquam) oratio suauis & elegans non illa agrestis & barbara de rebus iniustis & iniustis, de honestis & turpibus, de utilibus, & perniciosis leges instituit. hæc urbibus iam constitutis fidem colere, iusticiam retinere labores communis causa commodi suscipere docuit. hæc est domina rerum & regina oratio, quæ facinorosos homines inuadimus, uirtutes exoramus, imperitos docemus. hæc est illa quæ sola res honestas atque utiles persuadere potest. quæ consolamur afflictos, quæ deducimus perterritos à timore, quæ gestientes comprimimus, quæ cupiditates iracundiasque restringimus, quæ denique quicquid est in omni uita rectum ac laudabile gubernamus. hæc illa est uehemens & incitata oratio quæ cum rapide fertur,

M. AN. MAIORAGII

Flineri nullo modo potest, quæ adolescentes acriter à uitijs reuocat, & ar-
 denter ad uirtutem cohortatur, quæ seniores languentes excitat, & ad Reip.
 gubernationem attentiores efficit. quæ imperatores in bello milites suos ad
 patriæ defensionem & uictoriam acquirendam alacriores reddunt. quæ popu-
 los ad religionem ad cultum Deorum immortalium, ad patriæ pietatem, ad
 communem utilitatem tuendam inducit, quæ conciliatrix est humana socie-
 tatis, quæ denique semper uel in ocio uel in negocijs maxime propria est hu-
 manitatis, atque sapientia. nam excellens & expolita oratio excellentis &
 expoliti animi certissimum est indicium. Vetus est illud; Qualis uir talis ora-
 tio. nam omnis mentis habitus ex ipsa oratione tanquam è speculo perspici-
 tur, ut qui sordidam & incultam orationem adamant, ij sordidi & inculti
 omnino esse uideantur. qui uerò polite atque elegantis orationis studiosi sunt,
 ij quendam animi candorem, & præstantiam, & ingenuitatem præferant.
 atque hoc sanè non in singulis tantum hominibus, sed in populis etiam ac na-
 tionibus intueri facile possumus, ut montani homines & summorum alpium
 incolæ seram atque horridam naturam suam sermone ipso declarant, & si
 quis paulo diligentius aduertat, in Germanorum locutione barbariem quan-
 dam & asperitatem semper esse sentiet. in sermone Gallorum stoliditatem, in
 uerbis Hispanorum iactationem, in oratione Italorum ueram nobilitatem.
 quid ueteres Attici? nonne ut erant ingenio acuti, celeres, & præstantes,
 ita etiam oratione maxime limati, suaves, & elegantes erant? Vnde Attici
 sales, & Attica eloquentia prouerbio celebratur. itaque si quis eo tempore.
 quo Athenis ingenuarum artium studia florebant, politius & elegantius
 loqui cupiebat, is Atticam linguam imitari omni studio diligentiaque con-
 tendebat. at contra Thebani agrestes et indocti rusticanisq; moribus homi-
 nes sermone etià incomposito et impolito naturæ suæ uitia declarabant, usque
 eo, ut qui tardi atq; hebetis ingenij probro notaretur, is bæoticū animum,
 bæoticamque locutionem obtinere diceretur. quemadmodum igitur acumen
 ingenij, honesti mores uitæ integritas laudabilis est, ita etiam dicendi uarie-
 tas, composita oratio, sermonis elegantia est amabilis, ut qui uerborum
 splendorem, & orationis lumina uituperat, is animi tenebras, & mentis ca-
 citatem laudare uideatur, siquidem oratio, quod antea diximus, apertissimū
 est, ac certissimum animi simulachrum. hac de causa prudentissimi quiq; uiri
 semper huius rei studiosissimi fuerunt. neque quisquam unquam aut in lo-
 quendo, aut in scribendo magnam laudem meruit, nisi qui politè & ornate
 uel scripsit uel locutus est. quanta enim est Platonis elegantia? quæ dicendi
 maiestas? quæ ubertas? quæ copia? quæ incunditas? Iouem ipsum aiunt, si
 loqui unquam uoluisset, non melius aut ornatus fuisse locuturum. quis Ari-
 stotele pressior, atque polior? quis eodem cum opus est eloquentior? quæna
 orationis

orationis flumen aureum fundere Cicero uerissimè dixit. Quis Theophrasto dulcior? quem à diuinitate loquendi nomen inuenisse constat. Quis Xenophonte incundior? quem propter eximiam dicendi suauitatem ueteres apem & musam Atticam appellarunt. quid horum omnium (ut uerè dicam) magister Socrates, nonè totius iudicio Græciæ cum prudentia, & acumine, & uenustate, & subtilitate, tum uerò eloquentia, uarietate, copia quam se cunque in partem dedit, omnium facile fuit princeps? Iam uero nihil est, quod de Isocrate, & Demosthene dicam, qui hac præcipuè ornate dicendi laude clauerunt. quorum alter intra domesticos parietes cum officinam dicendi instituisset aluit eam gloriam, quam nemo postea est consecutus, alter, in Reip. luce uersatus tantum & ornatu uerborum & sententiarum luminibus excelluit, ut omnium, quicunque nati sunt, oratorum iure optimo princeps habeatur: quin etiam heroicis temporibus iam in maximo honore ac precio fuit ornata oratio. nam plurimum laudis in dicendo Ulyssi tribuit Homerus, & Nestorem ita commendat, ut ab eius ore meliore dulciorem fluere dicat orationem. ipse uero poeta tam ornatus est, ut plane orator esse uideatur. Sed quid exemplis in re minime dubia opus est? cum nullus omnino scriptor apud eruditos & urbanos homines in precio sit, nisi sit idem elegans & politus? ut enim alios omnes præstantissimos auctores tum græcos, tum latinos, qui nomen suum in orbis terræ memoriam sempiternam disseminarunt, & elegantissima conscripserunt opera dimittimus, cur Cicero præter ceteros tantopere celebratur? nisi quia dono quodam providentiæ, sicut ait Fabius, genitus esse uidetur in quo totas uires suas eloquentia experiretur. qui tam clarus, suauis, ornatus, grauis, & incundus est ut nihil prorsus addi posse uideatur. in quo tam absoluta & perfecta est omnis dicendi ratio atque elegantia, ut quicquid in omnibus cæteris auctoribus uel ingenio expolitum, uel industria elaboratum, uel artificio excultum reperitur, id totum in uiso Cicerone longe speciosius, & splendidius appareat. Proh Deum atque hominum fidem fieri ne potest, ut tam peruersa mente quisquam inueniatur, ut cum ei Ciceronis in mentem uenit, cuius ornamenta dicendi splendoremque orationis omnes admirantur, quo nemo scriptis nunquam limatiùs atque ornatiùs, tanen sermonis elegantiam, & expoliende orationis studium damnare audeat? Sed iam ualeant isti nescio qui humiles ac demissi homunculi, urbane ciuiliſque dictiõis inimici, ex hâra producti non è schola, qui uerborum sordibus oblectantur, & nihil eximium, nihil ciuile, nihil magnificum sentire, nedum eloqui possunt. qui tam alienata mente sunt, ut non intelligant se ista sua lingue petulantia & procacitate, qua uobis dicendi elegantie studiosis maledicunt, omnibus præstantissimis scriptoribus tam græcis, quam Latinis maledicere. vos

3 M. AN. MAIORAGIO

antem ornatissimi iuvenes, qui ueram laudem & dignitatem queritis. neglecta barbarorum inscitia nostrum hoc bene dicendi studium amplectimini semper uiris magnopere placuit, quod omnia, quæ prudenter mente concepta sunt, audientium auribus mirifica cum iucunditate representat. quod non modo summam orationi gratiam in dicendo, sed etiam scriptis immortalitatem elargitur. in hoc uno reliquorum omnium studiorum fructus est collocatus. quid enim prodest rectè sentire, & prudenter intelligere si quæ rectè sentias, & prudenter intelligas, polite eloqui non possis? quam indecorum est res egregias & præstantes barbara & incondita oratione proferre? ut si quis incanoso & putrido loco gemmas atque uniones conseruet, aut uenustissimo corpore feminam laceratis atque immundis centonibus induat. faciemque liberalem & honestam atramento lutoque commaculet. sed profecto nimium indocti, atque agrestis est animi, politæ orationis dulcedinem suauitatemque non degustare. qui autem liberaliter educati, atque instituti sunt, quales, ut uerè dicam, uos estis egregij iuvenes, non minus eleganter dicere, quam rectè facere totis uiribus elaborare debent, ut clarissimorum hominum cuncta, tum orationem imitantes parem aliquando laudem & gloriam assequi merito possint.



83

DE CONTEMNENDIS Obrectatoribus, ad Mediolanenses.

ORATIO XIII.



*Cum multis in rebus uiri Mediolanenses, eos qui studijs optimarum artium dediti res egregias & excellentes expetunt, magno atque cre-
cto animo esse oportet: tum in eo præcipue ut
maluorum & obrectatorum uoculas, quam-
uis ab eis assidue uexentur, contemnunt, ac pro
nihilò ducant. Hoc enim commune est omni-
bus ijs qui labore, atque industria sua, in aliquo
laudis genere florere incipiunt, ut statim ab in-
uidis eorum fama quasi à turbine aliquo quatiatur, & labefactetur. Qua
in re qui adeo timidi atque pusilli animi sunt, ut perterreantur, & ab incepto
desistant, ij nihil unquam egregium, nihil laudabile præstare poterunt. qui
uero tam generosa, tamque excelsa mente præditus est, ut quamuis undique
maledictorum aculeis incesatur, nihilominus tamen quod rectè insituit iter
persequitur, & ad honoris atque dignitatis arcem enittitur, ut uere magnus
& omni laude dignus uir existimandus est, neque enim minoris fortitudinis
atque constantiæ est, aduersariorum non frangi calumnijs, neque debilitari,
quam aut assiduos perpeti labores, aut in arduis rebus nunquam animo defa-
tigari. Sed tamen aliqui magno ingenio uiri reperiuntur, qui plurimo qui-
dè suis in actionibus omnibus studio, cura, labore, diligentia utantur, sed adeo
calumnijs atque maledictis inimicorum moueantur, ut si quæ in re præter
spem, atque opinionem, de fama sua detrahi fortè sentiant, maiorem in mo-
dum discrucientur, quo quidem in errore atque dolore, quoniam hoc mul-
tis bonis accidit, etiam me longo tempore fuisse, nihil me pudet confiteri.
uerum deinde cum ratione ipsa, tum sapientissimorum hominum exemplo sum
ita confirmatus, ut, quod præclare Poeta cecinit: Quid procures uaniquè
leuis quid opinio uulgi, de me sentiat, planè securus sim. Quamobrem ratio-
nes eas & exempla quæ mihi uehementer hac in re profuerunt, statui uobis
hodierno die breuiter commemorare: ne fortasse uestrum quenquam impro-
ba maledicorum uoces & calumnie, quæ quouis gladio (quemadmodum Thea-
das quidam dixisse fertur) acutiores sunt, à recta uiuendi ratione dimoucant,
quod dum facio, queso uos pro incredibili humanitate uestra, ut me si-
cuti*

M. AN. MAIORAGII

tuti facere instituitis diligenter audiat. Est quoddam hominum genus viri Mediol. in laboriosis quidem & honestis rebus atque actionibus iuers. & ignauū, sed in alienis rebus indicandis, & reprehendendis nimis audax, & temerarium. hi cum nihil ex sese dignum laude, dignum luce parere possint, cum nihili nisi abiectum, nisi humile spectent, tamen cum aliquem natum atque industrium virum, propter res egregie gestas in bonore ac precio esse vident, adeo cruciantur & affliguntur, ut non eis cibus, non potus, non lux, non uita suavis nihil denique praterquam maledicere iucundum sit. Itaque summo cum animi liuore, non aliter atque uipera, modo in hunc, modo in illum acerbitalis suae uirus euomere non desistunt. horum iudicio si quis eloquentissimus sit, infans habetur, si maxima sit eruditione praeditus, imperitus & arrogans appellatur, si constantissimus & fortissimus, imbellis & eneruatus praedicatur. interdum etiam uirtutes ipsas finitimis uitijs inquinare student, magnanimum enim uirum superbia nomine accusant, doctum, & eloquentem ostentationis, & loquacitatis, religiosum superstitionis, prudentem maliciae, uerecundum timiditatis. quod si quis adco praestans & praeclarus sit, ut in omnium ore laudeque uersetur, usque eo tamen eum frigide laudant, ut longe magis uituperare quam laudare uideantur. hi sunt qui claros & excellentes uiros continenter mordent, uexant, lacerant, qui nobilium mensis affidentes, ut aliquid ipsi praeter ceteros sapere uideantur, quos alij suspiciunt & admirantur, eos miro quodam supercilio despiciunt, & aspernantur, qui arrepta censoria uirgula, de doctorum hominum lucubrationibus adeo temere iudicant, ut quae rectissime bonorumque scriptorum auctoritate posita sunt, ea pessime barbareque dicta pronuncient. quae denique nulla unquam in re sibi aequae placent, atque cum de alicuius boni uiri fama detrahunt. Hos ego penitus ab eis, qui dignitatis, etque honoris uiam ingressi sunt, contemnendos ac negligendos esse censeo: quod ita facillime facient, si primo cogitent, nequaquam in nostra potestate situm esse, quid de nobis quisque sentiat, ac loquatur: atque idcirco insipientis esse hominis ea de dolore, quae corrigere nullo modo possit, deinde si ita egerat, ut nulla in re non eritos possint unquam accusari. illud enim egregie uereque dictum est ab Ouidio: Conscia mens recti famae mendacia tennit. nam qui conscientiae rectae uoluntatis inimitur, is nihil certe calumniarum turbines, aut maledictorum procellas pertimescit. sed illud ex Ennio secum ipse tacitus frequenter insinuat: Dum clauum rectum teneam, nauimque gubernem, dicat quisque de me quid uoluerit. Quis enim nescit ignauissimo atque imperitissimo cuique licere, non solum clanculum in cruditissimos & fortissimos uiros, sed etiam aperte debacchari? & in quem uis quocunque libido tulerit maledicta profunderet? Sed profecto rectissime Philemon dixit, nihil est iucundius, & doctus

nirō dignis, quam ferre posse conuiciantem, quoniam si ille cui fit conuiciū dissimulauerit, in ipsum auctorem redundat. neque malē Pythagoras de sapiente quodam & strenuo viro, qui nihili conuicia pendebat, ita ceciniſſe fertur. εὐδ' ὁ σὺν αὐτῷ σὺν ἑρῶν ἐμαρξέτο μὲν ὧν. verba (inquit) illa contumeliosa multo minus curabat, quā si à musca laderetur. potuit ne magis iniūcti animi virum ostendere, quā hac similitudine? quis enim in unius Musca morsu vehementer indolet? quis non hoc leuissimum esse malum, ac propè nullum existimat? nos igitur eodem modo, cum falsum aliquod in nos iactari conuicium audimus, non solum nihil dolere, sed ne quidem illud ad nos per tinere significare debemus. nam qui dolorem ex calumnijs capit, is se se affinem esse culpæ ostendit. neque ferè quisquam maledictis multum irascitur, nisi qui prauæ voluntatis conscientia mouetur. Sed tamen interdum accidit, ut calumniatorum inuidia, cum nos in aliqua re praeclarè gesserimus, non solum nobis laus & gloria pereat, sed quod longè peius est, etiam eo nomine malè audiamus: quæ certe res non potest animum optimi cuiusque uiri non mediocriter commouere. uerum huic dolori facile medebitur, illud egregium Alexandri Magni dictū, qui cum audisset ab obtrectatoribus quibusdam de fama sua detrahi: Regium est (inquit) bene facere & audire malè. Est enim profectò magni & excelsi animi (quemadmodum censet Aristoteles) nihil omnino calumnijs moueri, atque iniurias non tantum æquo animo tolerare, sed etiam prorsus negligere, unde non sine causâ Cicero magnopere Casarem in eo commendat, quod nihil præter iniurias obliuisci soleret. At contra qui calumnijs & conuicia pertimescit, is certè magnis in uiris habendus nō est. dum enim omni ratione studet inuidiam omnem euitare, atque omnibus placere. plerunque fit ut in eas angustias incurrat, ut de salute atque dignitate periclitetur. quod Callicratida Lacedæmoniorum duci & Cleombroto contigisse testis est Cicero. Longè uero sapientius & melius confector ille Fabius se gessisse dicitur, qui cum fractas ab Annibale populi Rō. opes atque vires intelligeret, æquo Marte cum eo dimicare nunquam uoluit, sed eum per montes & aspera loca sequebatur, unde per contempionem a nonnullis Annibalis Pædagogus dicebatur. at ille nihil hoc conuicio per motus, institutum suum sequi perseuerabat. donec tandem patientia sua ferocientem, & iuueniliter exultantem hostem perdomuit. de quo Ennius.

Vnus homo nobis confector reslituit rem

Non ponebat enim rumores ante salutem,

Ergo postque magisque uiri nunc gloria claret.

Idem Fabius in familiari colloctione frequentissimè dicere solebat: eum qui conuicia metuat, longè sibi timidiorem uideri quam qui hostes fugiat. Socrates uir Græciæ sapientissimus etiam utile esse dicebat cōniciatores audire.

nam si vera (inquit) dixerint, ea corrigere, atque ita meliores euadere poterimus, sin falsa nihil ad nos ea pertinere facile declarabimus. Quod etiam fortissimum illum atque sapientissimum Macedonię Regem Philippum nō fugit, qui se principibus Atheniensium, maximam habere gratiā predicabat, eo quod suis conuicijs efficerent, ut ipse quotidie & moribus & oratione melior euaderet: dū eos (inquit) conor & dictis & factis mēdacij cōvincere. idē Rex cum audisset maledicū quendā frequēter sibi detrabere, nihil penitus se curare ostēdit, cūque amici suaderent, ut illum si minus extremo supplicio vellet afficere altem relegaret, imō verò subridens (inquit) hoc non faciam ne fortasse apud plures externos ambulans de me male loquatur. Quid si magnam inimicis nostris dolorem magnamque tristitiā adferre studemus, illud Diogenis Cynici multō pulcherrimum dictum seruare oportebit. quem cum inuenias quidam interrogasset, quo modo posset inuidos atque obreſſatores suos punire: si te ipsum (inquit) quotidie meliorem pręstiteris. Hoc enim certe maximum est inuidis tormentum, hic ingens est cruciatus, hoc summum supplicium cum in dies uident res nostras melius succedere, nosque diligentia atque assiduitate nostra quotidie fieri clariores. hoc illos perpetuō uexat, hoc cruciat, hoc efficit, ut inuidia disrumpantur. Quid cum intelligunt à nobis se prorsus contemni? quo tandem dolore, quo furore, qua rabie concitantur? Quis enim id non uel legit, uel audiuit, quod de Dione Alexandrino, Philosopho Academico, memoria proditum est? quem Conuiciator quidam inſecutus, cum toto die uexasset, neque ullam ab eo uocem elicere potuisset, nihil ne tandem responderet (inquit) at ille: ne gry quidem ait. quo audito conuiciator, tanto dolore affectus est, ut statim abiens se suspendere. annon hac ratione longē atrocius inimicum suum punitus est Dio, quā si rusticorum more tota (quod aiunt) conuiciorum planstra regeſſisset? Idem penē quidam Socratis inimico dicitur accidiſſe, qui conuicijs non contentus, quę in Socratem multa coniecerat, eum etiam calce percussit, cum autem amici quidam Socratem adhortarentur, ut percussorem in ius uocaret: ridiculum (inquit) an si mihi asinus calcem impegiſſet, in ius uocarem? Itaque cum ille se negligi penitus à Socrate intelligeret, sibi ipse manum uiolenter intulit. hæ sunt inuidorum & maleuolorum furie, hæc tormenta, hæc supplicia, quę multo magis auctoribus ipsis nocent, quā eis quibus maledicunt. uide uerē suauiterque poeta quidam Græcus in hunc sensum cecinit.

Pessimus est certē, sed habet quędam optima liuor,

Inuidi enim meritō corda oculosque uorat.

Hoc igiturnos maximē consolari debet, quod inuidi longē maiorem ex felicitate nostra dolorem accipiunt, quā obreſſando nobis damnum adferant, & maius ipsi dedecus subeunt, quā nobis infamiam comparare possint, sed illud

Illud in primis cauere debemus, ne nos ira transuersos ita rapiat, ut presentem maledicto respondeamus. turpis enim illa contentio & non tantum prudenter ac literato viro, sed quouis homine prorsus indigna; cum maledictis maledicta rependuntur. hac de causa Demosthenis illud dictum magnopere laudatur: qui cum ab obtreffatore quodam conuicijs pronocaretur, non descendam (inquit) in huiusmodi certamen, in quo qui uictus fuerit, multò melior est eo qui uicerit, & certè tantò leuior & abiectionior a sapientissimis uiris quisque existimatur, quantò maledictis laceffitus magis excandescit. Aristippus cum eum maledictus quidam plurimis conuicijs incessest, nihil responderebat, sed tacitus ire contendebat, ille autem magna uoce clamans cur (inquit) 'ausugis? tunc Aristippus; quia tibi potestas est male loquendi, mihi uero non audiendi. Cleomenes Rex Lacedemoniorum, cum ei quidam maledicere non cessaret, an ideo de omnibus (inquit) male loqueris, ne nobis ocium sit de tua malicia loquendi? Sed omnium maxime ciuilitè, hoc in genere se gessisse Pericles Acheniensium princeps legitur, quem cum improbus quidam conuiciator per totam urbem sectaretur, & magno cum clamore obiurgare, uituperare, despuereque toto die non cessaret, nihil unquam ei respondere uoluit, sed omnia maledicta summo cum silentio pertulit, quamuis in singulas horas ille maledicendo magis atque magis incalcesceret, quin cum uespè domum redisset, & eum ad ianuam usque maledictus infestatus fuisset, tanque noctis tenebræ superuenissent, quendam ex seruis suis ad se uocauit, & accepto lumine iussit hominem illum comitari, domumque deducere. quæ re quid constantius aut ciuilius excogitari potest? Quis hoc nostro tempore tam mitis, tam patiens, tam constans non dicam princeps (nam ij ne uocem quidem cuiusquam liberam ferre possunt, nedum conuicia) sed quis tam mansuetus homo reperitur qui in tanta conuiciatoris improbitate, uel dissimulare uel tacere posset? ex hoc intelligi facile potest, quanta animi magnitudine, quo mentis robore præditus ille uir esset, quem non tanta maledictorum multitudo mouere potuit, ut sua benignitatis obliuisceretur, fuit hæc quondam in animis ueterum illorum constantia atque sapientia, nihil ut iniurijs mouerentur; ut longe promptiores ad ignoscendum essent, quam ad ulciscendum. Pittacus Mitylenæus cum in eius potestatem uenisset, quidam à quo grauiter læsus fuerat, eum tamen impunitum dimisit, illud pulcherrimum addens elogium: ueniam ultione multò præstantiorem esse, propterea quod uenia mansuetæ naturæ ultio uerò beluina sit indicium. Quod etiam Lycurgus Lacedemoniorum Legislator, exemplo memorabili maximeque laudando comprobauit: cum enim iuuenis quidam Alexander nomine, illum odio inflammato secutus fuisse percussisset, & oculum etiam eruiisset, nullam ipse quæsiuit ultionem, uerum Alexandrum

publico decreto sibi traditum tantum absuit ut puniret, ut etiam optimis & saluberrimis consilijs & praeceptis eruditum ita emendauerit, ut postea vir probissimus & Reipub. utilissimus extiterit, quid hac placabilitate, atque clementia diuini? quid admirabilius? At nos quidem si quis paulo liberior accusauerit, statim indignamur, dolemus, ultionem querimus: cur non potius imitamur Paulum illum Tharsensem nostrae religionis antesignanum? qui ad Corinthios scribens, ita de se gloriatur: conuicijs afficimur, & bene dicimus, persecutionem patientes, suslinemus, maledictis incessumus, & obsecramus, aut si ad perfectionem hanc nostrae mentis imbecillitas peruenire non potest, ut inimicis & obtreffatoribus nostris benefaciamus, saltem eos clarissimorum hominum exemplo contemnamus, nam quis nescit cuiusque mentem & linguam esse liberam? & ex hominum numero longè plures esse, qui alios improbare, quam qui laudare parati sint? An postulamus, ut nostra melior sit conditio. quam praestantium omnium uirorum qui post hominum memoriam floruerunt, unquam fuerit? Quis enim unquam tam eruditus tam excellens, tam ab omni laude felix extitit, qui obtreffatore caruerit? quis unquam tanta sapientia uirtuteque praesitit, qui maledicorum sermones effugere potuerit? Est enim uirtuti comes inuidia, eamque non aliter sequitur, atque umbra corpus, itaque nullo modo fieri potest, ut qui uirtutem amplectitur, non etiam in inuidiam, & obtreffationem incidat, sicuti ambulare in So e nemo potest, quin etiam umbram secum trahat: non desuit Homero, non tantum Poetarum sed etiam doctrinarum omnium principi Zoilus suus, habuit Plato, ille uerè diuinus obtreffatores plurimos, Aristoteles, Demosthenes, ille Philosophorum, hic oratorum princeps, maledicorum morsus euitare non potuerunt. Quid M. Tullius Cicero? quem uerè Quintilianus ait dono quodam providentis genitum in quo totas vires suas eloquentia experiretur, qui omnes ex se ipso uirtutes extulit immortalis ingenij beatissima ubertate, qui uim Demosthenis, copiam Platonis, iucunditatem Isocratis effinxit, non ne à sui temporis hominibus ita incessebatur, ut tumidus, ut asianus, ut redundans, ut in repetitionibus nimius, ut in salibus aliquando frigidus, ut in compositione fractus, exultans, ac pene uiro mollior diceretur? Quid P. Virgilij Maronis diuinum illud, & immortalitate dignum ingenium? an non obtreffatoribus adeo patuit, ut nullum eius opus extiterit, quod non Hipponacteo (quod aiunt) praconio fuerit additum? nam Aeglogas Pato quidam tanquam non Latine scriptas irridere ausus est, notò illo et peruulgato uersu. Dic mihi Danata ciuium pecus ane latinum? alius absolutum prorsus atque ex omni parte perfectum Georgicorum opus irrigit, eo carmine Nudus ara, fere nudus, habebis frigora febrem. quin etiam Carbilij pictor contra diuinam

*A*Enceida iustum uolumentem conscribere non dabitur, unde satis aparet nihil esse tam eximium, quod non incesse et atque uiolare maledicendi libido audeat. Quid quod apud Græcos meretricula quadam Leontium nomine contra Theophrastum hominem in eloquentia tantum, ut à diuinitate dicendi nomen inuenerit, scribere ausa est? unde prouerbiū natum esse dicunt, suspendio arborem esse deligendam. sed quid hæc commemoro? quasi uero nesciamus etiam Christum ipsum nostrę salutis auctorem inuidorum maledictionibus, quoad in hac uita fuit, expositum fuisse, nam eum Pharisei legum uiolatorem, uini auidum, carnum appetentem, improborum socium, atque amicum appellabant, & quę diuina potestate uirtuteque faciebat, ea malorum Demonum artibus fieri clamitabant, quare si Christo, non tantum hominum præstantissimo, sed etiam Dei filio, maledicorum lingua non pepercit, quis est omnium qui se ab ea tutum fore sperare possit? & si ea quę diuinitus fiunt obrectatoribus non carent, quid illis fiet, quę natura humanarum cauere potuit? itaque nemo unquam sapiens ea re multum sibi dolendum censuit, quod à multis sibi detraheretur. quoniam hoc uitari nullo modo posse quisque intelligit, semper enim parati sunt qui obrectatione alienę uirtutis, aut scientia famam sibi aucupentur: & ij potissimum (ut ait Plinius) qui uerę laudis expertes sunt. Quę cum ita sint uiri Mediol. non est quod quisquam nostrum amplius posthac unquam angatur, aut doleat etiam si multos esse, qui sibi detraherent intelligat, modo nos ita caute geramus, ne maledicendi cuiquam occasionem præbere uideamur, immò uerò quāto plures esse, qui de fama nostra detraherent intellexerimus, tantò maiorem animo letitiam, modo innocentes simus, capere debemus. qui enim innocens multos habet obrectatores, is ut multis etiam uirtutibus antecellat necesse est. nam nihil habenti nihil detrahi potest: ei uerò qui plurima bona possidet, etiā si multa detraherentur, tamen semper aliqua supersunt, quibus iucundè frui possit. clement igitur licet in nos quantum uoluerint, inuidi a quę improbi homines, obstrepant, latrent, debauchentur, nos exemplo sapientissimorum hominum, nihil eos omnino timeamus uel potius uehementer negligamus, neque ullo modo patiamur, ut eorum calumnie nos ab instituto uirtutis ueręque nobilitatis cursu reuocent. Sed quo magis obrectatorum improbitas in nos incaluerit, eo nos erectiori animo, promptiorique res egregias & laude dignas amplectamur. Sic enim fiet ut illi secum ipsi inuidiæ ueneno contabescant, nos autem leti, quasi de hostibus assidue triumphantes in honore atque dignitate, quod reliquum est uite traducamus.

DE VITÆ ATQVE MORVM disciplina, ad Mediolanenseis.

ORATIO XIV.



*M*ulta diuinitus, viri Mediolanenses, à ueteribus illis sapientissimis uiris inuenta atque instituta fuerint, quibus humanū ingenium, quasi rude, & à natura tantum inchoatum non autem perfectum bene atque eleganter expoliretur, tum nihil præclarior, nihil humano generi salutarior, nihil rebus publicis utilior ea disciplina, in qua de uita & moribus petrastratur. hæc enim una ratio fuit, quæ concilia cætusque hominum, quæ oppida, quæ urbes moliri & iure sociare capit. quæ dispersos olim homines in agris, & in tectis syluestribus abditos, sibi quæ uictu feno uitam propagantes, ex feritate illa ad iustitiam atque mansuetudinem traduxit. quæ ius humanum atque diuinum constituit, unde leges exorta, unde uita tranquillitas, unde omnis denique humana felicitas atque beatitudo. Ac mihi quidem uiri Mediolanenses cum apud uos hodie uiros omni laude præstantes, de tam excellenti disciplina uerba facturus in hunc locum ascenderim, uenit in mentem non mediocriter subueneri, ne meis fortasse humeris impar onus temere suscepisse uidear. quis enim meritis eam artem laudibus prosequi se posse confidat, à qua, tanquam à perenni quodam, & lucidissimo purissimoque fonte, quicquid est in hominum uita laudabile continenter effluit? omnes enim honestas actiones, propter quas homines solas laudari merito consueuerunt, quis non intelligit à uita morumque cognitione ac disciplina promanare? nam quis egregie res gerere ualeat, nisi rectè gerendi uiam & rationem intellexerit? neque enim cuiquam dubium esse potest, qui in præclaris rebus agendis intelligentiam præcedere necesse sit, & uoluntatem subsequi, quæ studium ac diligentiam ad bene agendum excitet atque impellat. quamobrem hæc uirtutum ac uitiiorum cognitio, quæ uitæ morumque disciplina continetur, & sola bene beateque uiuendi rationem docet, tam eximia atque diuina est, ut eam potius admirari, & tanquam e longinquo loco suspicere, quam dignis laudibus exornare ualeamus. Sed tamen quoniam hic est campus noster, in quo statimus hoc anno decurrere, & materia, quam publicè hoc in loco tractare uolumus, non alienum à proposito

proposito nostro uisum est, quamuis non plenè ueram hanc philosophiam laudare possimus, nonnulla tamen quasi argumenti uice coram nobis hodie de illa proponere, qua specimen aliquod summe iucunditatis, atque utilitatis, quam ex ea consequi studiosissimus quisque facile possit, aperitè præbeant, quod dum facio, queso uos, ut facere institutis, diligenter attendite. Socrates ille, qui unus ex omnibus Apollinis oraculo fuit olim sapientissimus appellatus, philosophiæ moralis auctor à plerumque fuisse traditur. is enim cum alios philosophantes de natura & rebus occultis, de cælo, de syderum magnitudinibus, interuallis, cursibus, de numeris motibusque studiosè tractare uideret, & unde omnia orirentur, quo ne recederent, primus (ut Cicero scriptum reliquit) philosophiam deuocauit de cælo, & in urbibus collocauit, & in domos etiam introduxit, & coegit de uita & moribus, rebusque bonis & malis quærere. Sed hoc certè non ita intelligendum est, quasi ante Socratem nemo bene iustèque uiuendi præcepta tradiderit. cum ante illum plurimi sapientes uiri fuerint, qui pulcherrimas atque utilissimas ad honestè uiuendum sententias nobis reliquerint. nam ab initio generis humani credibile est leges & iura tam diuina, quam humana semper uiguisse, sed quia Socrates primus ex eorum numero, qui philosophi nominati fuerunt, quorum princeps & auctor nominis Pythagoras extitit, relictis rebus ab ipsa natura inuolutis, quas supra cognitionem humanam esse censebat. tantum ea tractare cepit, quæ ad uitam & mores honestè instituendos attinerent. illud enim in ore frequenter habebat, quæ supra nos, nihil ad nos hanc uerò sapientiæ partem omnium reliquarum honestissimam atque utilissimam esse iure optimo iudicabat. in qua uidebat omnes ferè priscos illos sapientes uiros, & legislatores omne suum studium, omnem curam ac diligentiam collocasse. nam etiam antiquissimi poetæ Musæus Atheniensis. Orpheus Thrax, Linus & Amphion Thebani multa rectè uiuendi præcepta tradidisse memorantur. unde posterius sinxerunt, ab Orpæo, & Amphione non tantum homines, sed etiam feras, & arbores & saxa sono testudinis fuisse commota, quoniam agrestes & duros homines sapientiæ suæ mites & mansuetos reddiderunt, quam rem Horatius in Arte poetica scitè atque eleganter explicat post hos etiam poetarum princeps Homerus ad hominum mores honestius informandos totam poesim suam accommodasse uidetur. nam ab eo philosophi deinceps omnes (ut Plutarchus attestatur) tanquam à copiosissimo scientiarum flumine sententias suas hauserunt. neque cuiquam dubium esse potest, quin Hesiodus honestè uiuendi magister optimus extiterit, cum in eius poemate crebrè tanquam stella quedam insignes eluceant pulcherrimæ sententiæ, quibus ætas uniuscuiusque potest, ad honestatem informari. Sed nullum unquam tempus fuit, quin apud omnes ferè nationes aliqui sapientes uiri

niri fuerint, qui honestè uiuendi præcepta traderent, ut apud Persas Magi, apud Indos Gymnosophistæ, apud Assyrios Chaldei, apud Aegyptios prophetae, apud Gallos Druidæ. Iudei uerò non ab aliquo mortali homine, sed ab ipso immortalis Deo leges suas accepisse perhibentur, quas eorum legislator Moses à Deo acceptas ad perpetuam memoriam lapideis in tabulis descripsit. constat igitur ab Hebraeis, qui longissimo tempore religionis Antistites, & ueri Dei cultores fuerunt, ad alias gentes ac nationes omnem sapientiam promanasse. hinc Aegyptiorum mysteria, Chaldaeorum prædictiones, Magorum superstitio, Græcorum leges & instituta profluxerunt. in hac gente plurimi uates diuino afflati spiritu multa de animorum immortalitate; de futura proborum hominum beatitudine, de christiana religione, quam nos omnium purissimam & sanctissimam colimus, uaticinati sunt, donec tandem apud eosdem natus est ille, qui pulsus omnium errorum tenebris ipsam nobis ueritatem aperuit, & mortis suae pro totius humani generis salute libentissimo animo subiuit, ad caelestem uitam iter patefecit. O fortunatos nimium christianos, si quam ab immortalis Deo gratiam acceperunt, eam omni studio conseruare, & honestis actionibus amplificare contenderint. nobis enim solis, qui Christi leges & instituta sequimur à superioris datum est initia, progressionem beatissimæ uitæ uidere, amplecti, consequi. ut qui tanto beneficio, quod immensa Dei ipsius benignitate cunctis hominibus pater, negligentia sua spoliantur, & meritisimo sint æternis supplicij uiui mortisque macerandi. quod enim tam celeberrimi uiri, summo ingenij acumine, omni industria, infinitis prope laboribus exquirendo, nunquam tamen inuenire plenè potuerunt, ut uiam certam intelligerent, qua posteaquam corporum uinculis exuti fuissent, in caelestem domum conuolantes, beati uosempiterno persuerent, id nobis diuina gratia, Christo auctore, incredibili beneficentia concessum est. Sed præ Deum atque hominum fidem, quis paulò prudentior sine summo animo dolore possit illud aduertere, multo meliores & sanctiores olim fuisse, qui falsam religionem colerent, quam nos hoc tempore, qui in ueritatis luce uersamur? quot enim apud Græcos quondam uiri sapientes, qui omni uirtutum genere floruerunt? quot apud Romanos tanta præstantia uiri, ut summa cum honestate & religione uiuerent? quot in toto pendè terrarum orbe, qui morum innocentia, uitæ integritate, animi sanctitate, iura omnia diuina atque humana diligentissime custodirent? at hoc nostro tempore quotus quisque est, qui mores suos bene componere, uitia refugere, uirtutes amplecti, mentem suam honestis præceptis informare studeat? cuius rei quid aliud esse causæ dicemus, quam quòd adolescentes parentum, & magistrorum negligentia, in uirtutum & uitiorum cognitione disciplinaque non amplius exercentur, ut olim

olim fieri consueverat. hoc enim in primis, aut ait Socrates, in Rep. bene institutam curandum est, ut iuvenes honestis instructi disciplinis, quam optimi fiant, ut enim agricolae nouellas arbores summa cum diligentia colunt, ut tempestiuos edere fructus ualeant, ita iuuentutem ad fortitudinem & temperantiam ceterasque uirtutes instruere oportet, quoniam hoc est totius Reip. seminarium. Xenophon ille Socraticus quem propter orationis suauitatem apem, & musam atticam appellarunt, memorie prodidit, apud Persas olim fuisse Gymnasia in quibus adolescentes equitatem & iusticiam publice docerentur, quid Athenis annon Academia, Liceum, Porticus, omnium uirtutum erant officina? quid aliud in illis Gymnasijs tractabatur, quam quid honestum esset, quid turpe, quod extremum bonorum & malorum, ad quod essent omnia referenda? Roma uero non tantum praeceptores ipsi, sed etiam parentes filios suos ad honestas uiuendi rationes instruebant, atque etiam in conuiuijs clarorum uirorum laudes ad tibiam canebant, ut ad eorum imitationem iuuenes excitarent. At hoc tempore tantum abest, ut schola sint honestatis, & temperantiae, ut etiā plerumque quod dicere pudeat, ab ipsis praeceptoribus & parentibus adolescentes ad uitia proclines & dociles nefanda flagitia discant. Itaque non mirum est, si res tam priuata quam publica in peius quotidie ruunt. cum iuuentus domesticis imbuta uenenis, non ad honestatem adipiscendam, sed ad libidinem suam explendam, & perfruendas corporis uoluptates animum inclinet, quo fit, ut nemo iusticie, nemo fortitudinis, nemo temperantie laudem assequatur. ex hac autem uirtutis & honestatis contemptione, patria prodiciones, rerum publicarum euersiones, caedes, latrocinia, furta, stupra, adulteria, scelera denique omnia profiscuntur. nam ut homo quemadmodum scite ait Aristoteles, si omnibus suis partibus & numeris perfectus, absolutusque sit, multo ceteris animantibus antecellit, ita si leges & iusticiam deserat, nulla ferarum fraus est tanta, nulla malicia, quae possit cum eius malicia contendere. cum enim iniustitia armis instructa maximè sit horribilis, hominique à natura quasi arma quaedam data sint prudentiae ac uirtutis, quibus in contrarias partes plurimum uti possit, nihil eo si uirtute careat, sceleratius esse potest, nihil immenius, nihil denique ad libidinem & intemperantiam abiectius. hec igitur uiderunt olim uera certaue religionis ignari, nos christiani non uidebimus? beatum iudicauerunt eum, qui omnibus uirtutibus instructus, & ornatus esset, quæ nullus metus terreret, nullæ agritudines cruciarent, nullæ libidines incitarent, nullæ futiles laticiae exultantem languidis liquefacerent uoluptatibus, nos non idem iudicabimus? illi prudentiam, iusticiam, fortitudinem, temperantiam, pluri quam diuitias, quam opes, quam omnia corporis & fortuna bona facienda esse censuerunt, nos non censebimus? cla-

mat sapiens ille legum lator Atheniensium Solon, at nos non commutabimus
 eum uirtute diuitias, celebratur illa Crilolai libra, qui cum in alteram lan-
 cem animi bona imponeret, in alteram corporis & externa, tantum propen-
 dere illam boni lancem putabat, ut terram & maria deprimeret. quanto
 igitur diligentius & ardentius nos, quibus ipsa ueritas clarissime lucet, ho-
 nestatem adipisci, turpitudinemque fugere contendere debemus? cum præ-
 sertim id certum exploratumque nos habeamus, de quo illi perpetuo magno
 pere dubitarunt, animos nostros omnino esse immortales, & post hanc in-
 felicem & calamitosam uitam, aliam esse perpetuam ac sempiternam, in qua
 illis, qui se optime gesserint, immensa præmia, illis uero qui se uitiorum il-
 lecebris commacularint ingentes pœnæ sint constitutæ. hac fide atque persua-
 sione induciti studeamus ea perficere, quorum gratia nos natos esse pruden-
 tissimi uiri statuerunt. aiunt enim hominem ad intelligendum & agendum
 esse natum, quasi mortalem Deum. quoniam omnis intelligentia ad aliquem
 actionis finem semper est referenda. sed quid potissimum curare debet ho-
 mo ut intelligat? certè qua ratione primo se ipsum, deinde familiam suam.
 Postremo Remp. uniuersam quam optime administrare sciat. hic enim triplex
 est moralis disciplina factus, quem qui bene perceperit & obseruarit, is & sa-
 pientissimus & optimus appellari meriti poterit. ac seipsum quidem optime
 reget, si quæ de uirtutibus ac uitij ab eruditis auctoribus scripta sunt, &
 quæ à laudatis uiris fiunt, diligenter aduertat, ediscat, memoria teneat; de-
 inde in eis multum ac diu se exerceat. parum enim ea nosse, quæ facien-
 da sunt, nisi quis re ipsa præstare, atque exequi agendo contendat. unde be-
 nè dictum est; uirtutem esse actiuam, & eius omnem laudem in actione
 consistere. neque enim quisquam unquam ideo magnam laudem est assecu-
 tus, quod ea, quæ recta sunt, intelligeret, sed quod in eorum actione studiosè
 diligenterque se exerceret. hic Aristidis iusticia. Themistoclis fortitudo.
 Phocionis temperantia celebratur. non quod illi præstantes uiri uirtutes
 has, quæ & quales essent, intelligerent. sed quod primus eximig iusticia, al-
 ter fortitudinis, tertius temperantiæ opera præstiterit. discat igitur qui seip-
 sum optime regere concupiscit. primo quid in quaque re uerissimum sit, quid
 expetendum aut fugiendum, deinde quid in hominum societate tuenda tri-
 buendoque suam cuique, & rerum contractarum fide conueniat. tum quid
 animi excelsi atque inuicti magnitudinem ac robur efficiat, atque conseruet;
 denique in omnibus quæ fiunt, quæque dicuntur, qui modus, & ordo seruan-
 dus sit. postremo quibus modis appetitus rationi pareat, quo nihil est ad om-
 nem uitam accommodatius. eodem modo qui familiam ac domum suam accura-
 tè uelit instituire, prius ea percipiat oportet, quæ de re uxoria, de paterno
 imperio, de herili potestate, de instrumentis tam animatis, quam inanima-

sis, de tuenda re familiari traduntur, in eisq; se frequenter exercendo in usum & habitum deducat. omnis enim uirtus ex frequentibus sit actionibus, neque satis est, semel atque iterum bene aliquid agere, ut bene agendi tibi habitum compares. uerum optima intelligentia, constanti uoluntate, longo tempore, magna exercitatione opus est. & quo res illa cui studemus, præstantior fuerit, eo etiam maiori ingenio, & diuturniore labore semper indiget. ut qui bene Remp. uelit administrare, quod tertium in morali philosophia docetur, cum non tantum longo rerum usu magnam sibi prudentiam comparasse oportet, sed omnibus etiam alijs uirtutibus instructum esse, ut reliquos omnes & consilio regere, & constantia tueri, & æquitate conciliare, & uitæ integritate quocunque uoluerit, impellere possit. necesse est igitur ut ius ciuile perdiscat, leges cognoscat, omnem antiquitatem percipiat, senatoriam consuetudinem, iudiciales controuersias, disciplinam Reip. iura sociorum, fœdera, pactiones, causas imperij teneat. hæc enim una est sapientia, quæ reliquis omnibus humanis rebus antecellit, de qua ita apud Cicronem Scipio superior; Nihil est enim illi principi deo, qui omnem hunc mundum regit, quod quidem in terris fiat, acceptius quam concilia cætusq; hominum iure sociati, quæ ciuitates appellantur, harum rectores, & conseruatores hinc profecti, huc reuertentur. quod si quis hanc triplicem facultatem asequi potuerit, ut & seipsum, & familiam, & ciuitatem optime regat, quid ei deesse poterit, ad bene beateque uiuendum? profecto nihil. atqui hæc omnia moralis una philosophia sui studiose præstaturam se pollicetur, ut non sine maxima causa Cicero cum hæc præclare intelligeret. ita exclamare non dubitarit; O uitæ philosophia dux, o uirtutis indagatrix, expultrixque uitiorum. quid non modo nos, sed omnino uitæ hominum sine te esse potuisset. tu urbes peperisisti, tu dissipatos homines in societatem uitæ conuocasti, tu eos inter se primo domicilijs, deinde coniugijs, tum literarum & uocum communione iunxisti. tu inuentrix legum, tu magistra morum & discipline fuisti. hæc, & huiusmodi alia multa in morali philosophiæ laudem iure optimo clamat Cicero. quid enim aut pulchrius aut incundius esse potest eo uirtutum catu, quo cum exornatus est animus quasi in clarissimo quodam ac sublimi loco positus, infra se cæcas hominum mentes uidet, uarijs erroribus implicatas, & pro ueris bonis inanes tantum bonorum umbras persequentes. assiduis fortune tempestatibus agitata, se uero tantum in tranquillissimo portu constitutum, nullas amplius turbulentas per timescere tempestatas. nam uerissime poeta Satyricus ait; semita certe

Tranquilla per uirtutem patet unica uita,
Ac primo quidem sese offert illa, quam Plato reliquarum uirtutum ducem
& moderatricem appellat, Aristoteles principem architectandi ceteras uir-
tutes,

M. AN. MAIORAGII

tutes, Cicero uiuendi artem & magistram, quoniam reliquis uirtutibus tanquam administris ad sapienter agendum utitur, & earum ordinem, opportunitatem, agendi rationem ostendit. ipsa uerò tanquam mentis oculus est undique lucidissimus, quæ, ut scienter ait Horatius.

Quod uerum atque decens est, curas, & omnis in hoc est.

Hanc latini prudentiam, quod res expetendas & fugiendas, ueras & falsas acutè pronideat, appellare uoluerunt, eius enim unius propria est indagatio atque inuentio ueritatis. Græci *ποσειδων* uocant, quod à uera perfectaque mente profisciscatur, unde modum & exemplar pulcherrimum omnium suarum actionum deducit. quod si qua nobis cum Dijs immortalibus communitas intercedit, ea maxime uirtutis huius gratia consistit. itaque non sine causa Iuuenalis clamat;

Nullum numen abest si sit prudentia. Est autem prudentiæ comes, ut ait Plato, ueritas, quæ cæli ciuius est, & sola Deorum conuictu fruitur. quæ mens audissimè complectitur. & cum ea semper esse desiderat. hæc eadem uirtus est, quæ grauissimo nomine sapientia uocatur, quæ scientia pollet una, quæ qui uerè præditi sunt soli sunt beati, dupliciq; nomine decorantur, quatenus enim rerum diuinarum, atque humanarum scientiam tenent, sapientes appellantur. neque tantum moralem, sed etiam naturalem, & diuinam philosophiam amplectuntur, quatenus autem res expetendas, fugiendasq; discernunt, prudentes nominantur. ac sapiens quidem talis existit, qualem Ouidius Pythagoram describit, hoc modo;

Mente Deos adiit, & quæ natura negauit
Visibus humanis oculis ea pectoris hausit,
Cumq; animo & uigili perspexerat omnia cura
In medium discenda dabat, cætumque silentium.
Dictæque mirantum, magni primordia mundi,
Et rerum causas, & quid natura docebat,
Quid Deus, unde nives, quæ fulminis esset origo.
Insuper an uenti discussa nube tonarent.

Quid quateret terras, quæ sidera lege mearent,
Et quod cur quæ latet. quid autem illo homine beatus esse potest, qui in his habitet, pernoctetque cogitationibus? qui omnium eorum, quæ in cælo, quæ in mari, quæ in terra fiunt, diligentissime causas inuestiget, & inueniat? qui non hac tantum sapientia, sed etiam illa prudentia fretus cum ad res gerendas adhibetur, possit eauerè dicere, quæ Ulysses apud Ouidium de se ipso contra Aiaccem hoc modo iactat, & gloriatur;

Tu vires sine mente geris, mihi cura futuri,
Tu pugnare potes, pugnandi tempora mecum

Eligit Atrides, tu tantum corpore prodes,

Nos animo, quantoque ratem qui temperat, anticit,

Tantum ego te supero. omnino prudentes ac sapientes uiri maximam ubique dignitatem obtinent, eos reges, principes, imperatores obseruant, populi admirantur, omnes denique suspiciunt. hi soli ciuitates bene regere, leges & instituta condere, mores emendare, discordias & seditiones tranquillare, summamque in populis concordiam & pacem conciliare facile possunt. hic est ille sapientissimus uir, quem diuinus poeta uirgilius in seditione uulgi furentis ita describit;

Tum pietate grauem ac meritis si forte uirum quem

Conspexere, silent, arrestisque auribus astant.

Ille regit dictis animos, & peccata mulcet.

Huc succedit ea, quam iusticiam appellamus, quæ tantæ dignitatis est, ut virtutum omnium, quæ in actione totam commendationem suam habent, domina & regina meritisimò prædicetur. ut enim prudentia in intelligendo, ita iusticia in agendo principem locum obtinet. unde rectè dixit Euripides; iusticiam os aureum habere, neque hesperum aut luciferum tantam sui admirationem concitare. ex quo factum est iam tritum sermone proverbi-um; Iusticiam in se uirtutes omnes continere. hæc enim (ut ait Cicero) societatem hominum inter ipsos, & quasi uita communiter continet. in hac virtutis splendor est maximus, ex hac una boni uiri nominantur, nulla ciuitas, nullus hominum cætus, nulla uita communitas sine iusticia esse potest. imo uero neque latronum & improbisimorum hominum conuenticula nisi iusticiæ aliquo nunculo colligentur, ullo modo consistere diutius possunt. Herodotus auctor est apud Medos olim iusticiæ fruendæ gratia bene moratos reges fuisse constitutos. quoniam hoc munus omnino regum est, populos iusto imperio continere, quæ de causâ poetæ iusticiam Iouis ipsius Deorum atque hominum regis filiam esse consinxerunt, & esse perpetuo uirginem, quia sit constans, fidelis, uera, atque integra. hæc una nobis Deorum religionem, patriæ caritatem, parentum pietatem, fraternum amorem, bonorum hominum amicitiam ingenerat. hæc honeste uiuere, alterum non ledere, suum cuique tribuere docet. ab hac initium est perpetuæ commendationis & fame sine qua nihil omnino potest esse laudabile. hæc est legum omnium, iurium, institutorum decretorum, conuentionum, fœderum, pactorum fundamentum. ut qui iusticiam contemnit, nullo penitus humanitatis iure cum alijs sociari possit. Ecce autem illa, quæ in magno & excelso animo posita, pro iusticia & æquitate pugnat. quæ pro communi utilitate, pro honestate, pro dignitate, pro gloria pericula quæque subire parata est, & mortem doloresque contemnit, quæ iniuriam à se atque à suis propulsat, quæ nullo metu nullo

M. AN. MAIORAGIO

la cupiditate frangitur, quæ inuictam se à labore, atque à uoluptate præstat, quæ nunquam in rebus asperis perturbatur, quæ in omni re gerenda consilio- que capiendo constantiam seruat, quæ uiri maximè propria est, fortitudo. hæc est illa quæ res humanas despicit, atque infra se positas arbitrat, neque fortune ulla fulmina pertimescit, neque ulla egritudine concutitur, neque unquam malis cedit, sed in ea semper audentior insurgit. hic est ille fortis & constans animus, quem, si fractus illabatur orbis (ut ait Horatius) Impau- dum ferient ruinae. qui pro patria, pro aris & focis vitam exponere nihil dubitat, & sua sponte se periculis obicit, neque expectat ut ab aliquo ex- citetur, sed ultro alios ipse excitat, ut apud Virgilium Turnus milites suos;

Quod votis optastis adest, perfringere dextra

In manibus Mars ipse uiri, nunc coniugis esto

Quisque suæ, tetique memor, nunc magna referto

Facta patriæ, laudes, ultro occurramus ad undam

Dum trepidi egressisque labant vestigia prina

Audentes fortuna inuat.

Sunt autem hæc splendidissima, quæ animo magno elatoque humanasque res despiciente fiunt, & nescio quo modo pleniori ore laudantur. hinc omnis di- sciplina militaris, & bellica uirtus, quæ cæteris præstat omnibus, in cuius tutela ac præsidio, omnes urbanae res, & omnia præclara studia latent. hinc Camilli, Fabij, Scipiones, Decij, Cæsares innumerabilesque alij sibi ater- nam gloriam pepererunt. Sequitur ea, quæ rebus in omnibus modum at- que ordinem seruare docet, quæ reliquarum uirtutum quasi condimentum quoddam est, quæ pacem animis affert, & eos concordia quadam placat ac lenit. quæ moderandis cupiditatibus, regendisque animi motibus lauda- tur, cui temperantiæ nomen est. in hac est uerecundia, & quasi quidam or- natus uitæ, omnisque sedatio perturbationum animi. hæc est rationis in li- bidinem, atque alios non rectos in petus animi summa & moderata dominatio. hanc unâ Menander uirtutis domicilium esse censuit. hanc Plato in Charmide humana uitæ custodem appellat. idem in Gorgia præcipit, ut qui felix ac bea- tus esse uelit temperantiâ exerceat. Xenophanes nihil in homine mali nasci pos- se dixit, qui temperantiam, quæ sapientiæ fundamentum est, amplexus fue- rit. neque enim uirum temperatum blandissime domine uoluptates un- quam decipiunt. hic à rebus alienis manus, oculos, mentem continet. hic nullis uiciorum illecebris irretitur. hic parcè, continenter, seuerè, sobriè vitam agit, neque ulla unquâ luxuria diffluit. quin etiam hæc una uirtus non tantum aliarum uirtutum custos & conseruatric est, sed etiam bonæ ua- letudinis mater. itaque sapientissimis uiris semper amicissima fuit. quanta enim temperantia uixisse memorantur olim apud Græcos Socrates, Plata,

Xeno-

Xenocrates, alijque plurimi, apud Romanos Fabricius, Curius, Scipiones, denique omnes apud uniuersas nationes, quicunque audi landis, & gloria, magnique nominis appetentes fuerunt, & honestè uiuere concupierunt? Hic est ille concentus omnium uirtutum undique perfectus & absolutus, quo noster animus cum informatus fuerit, diuinus efficitur, & eo splendore decoratur, ut nihil admirabilius in toto terrarum orbe, nihil præstantius, nihil speciosius esse possit. quæ non modo ego breui hac oratione mea, sed ne uir quidem diuina præditus eloquentia quisquam immensis voluminibus explicare, atque exornare satis pro dignitate ualeat. Quamobrem uos quæso uiri Mediolanenses, quod nemo uerbis efficere potest, ut omnium uirtutum excellentiam persequatur, supplete cogitatione uestra, quæ omnis infinitatis facile capax est, & quæcunque uult ita sibi repræsentat, quasi ea, quæ oculis cernimus. fingite igitur animis uestris eam honestatis & sapientiæ formam, quam oculis ipsis uidere non possumus, quam putatis illam ardentis amoris excitaturam sui si uideretur? nam si corporum pulchritudine tantum incendimur, quid futurum censemus, si mirificam illam animorum dignitatem, omnium uirtutum numeris absolutam ac perfectam oculis cernere possemus? sed belluarum est atque imperitissimorum hominum sensibus tantum corporis, non autem animi intelligentia moueri, neque cogitare quantum animus corpori præstat, tantum etiam animi ornamenta corporis ornamentis antecellere, uos autem iuuenes & expoliti uiri, qui dignitatem, qui laudem, qui gloriam queritis, dies noctesque animo uestro perpendite, quid grauitas, quid integritas, quid magnitudo animi, quid denique uirtus ualeat. quam quibus uerbis melius aut elegantius quam ipsius oratorum principis Ciceronis commendare uobis possumus? uirtus igitur (ait Cicero) in tempestate sua quæta est, & lucet in tenebris, & pulsa loco, manet tamen, atque hæret in patria, splendetque per se semper, neque alienis unquam sordibus obsoleuit. hæc altissimis defixa radicibus nunquam ulla ui labefactari, nunquam dimoueri loco potest, hæc neque eripi, neque surripi potest unquam. neque naufragio, neque incendio amittitur. hæc qui præditi sunt, soli sunt diuites. Cogitate quid illo uiro nobilior, quid præstantior, quid honorificentius dici aut fingi possit, qui ita suum animum exornauit, ut omnia prudenter, iustè, fortiter, & temperatè gerat. qui tanquam Deus quidam mortalis, & seipsum, & familiam, & uniuersam Remp. optimè regere, atque administrare sciat. ad quem tanquam ad oraculum undique consilij capiendi gratia populi ac nationes confugiant, quem omnes suspiciant, omnes admiuentur, omnes digito commonstrent, una uoce laudent, extollant, felicem ac beatum prædicent. & cum illum animo uestro tam præstantem atque ex-

M. AN. MAIORAGII

miu uirum intuiti fueritis, tum in uos ipsos descendite, & omni cura, studio, labore tales esse contendite. ut, uel cum eo conferri, uel saltem ad eum quam proximè accedere ualeatis. quod ita demum assequi poteritis. si hanc uobis nescire uiuendi artem atque disciplinam, quam hoc anno uobis explicare decreuimus, summa cum attentione primo didiceritis, deinde quotidiana exercitatione, ad usum atque experientiam deducere contenderitis, neque enim huius discipline finis est cognitio, sed actio. quod si uos ullus laudis amor tangit, si praeclare ceteris animantibus studeatis, si denique uobis aliqua est, bene beateque uiuendi cura, quae maxima esse debet. hac, ad quam uos adhortati sumus, omni diligentia persicietis.



DE PARENTVM IN ERVDIEN-
dis liberis, atque Adolescentium in
studijs optimarum artium offi-
cio, ad Mediolanenſeis.

ORATIO XV.



QUO ego uos unâ mecum frequenter admi-
rari uiri Mediol. quid in cauſaſit, quôd cum
omnes ſerè noſtri adoleſcentes, præter cæteros
ingenio, memoriaque præcellant, & quodam
etiâ naturali mentis inſtinctu, aſſlatuq; qua-
ſi diuino trahantur ad cognitionis & ſcientiæ
cupiditatem, magnæque ſint in hac ciuitate li-
terarum ſtudijs, uel ad gratiam, uel ad opes,
uel ad dignitatem propoſita præmia, tam pau-
ci tamen ex eis emergere, & bonis in artibus excellentes euadere ſoleant.
Ac mihi quidem diligenter hoc animo uolenti, atque reputanti, cum hu-
iuſce mali permultæ eſſe cauſa, tum duæ præcipuè uidentur, quæ ſi quo mo-
do radicitus extirpari, atque euelli poſſent, tum uero ſpem minime dubiam
concipere fore ut breui tempore noſtri homines multum cæteris hominibus
omnium gentium, literarum gloria præſtarent. dicâ enim audacter id quod
uerum eſt, nimis indulgentes ſunt in liberos ſuos, ciues noſtri, & teneriore
quam conueniat ac deceat, eos animo complectuntur: quæ ſane mihi prima
atque maxima uidetur eſſe cauſa, cur plerumque tardiores atque ſegniores
ad humanitatis ac literarum ſtudia ſiant. ita enim ingenium eſt omnium ho-
minum (quod ait Comicus) à labore procliuè ad libidinem, ut niſi puerorum
atque adoleſcentium animi ſeueritate quadam, & frequentiffimis quaſi ſti-
mulis orationis ad honeſtatem excitentur, inurgijs autem & minis, uel etiâ
grauiori, cum opus fuerit reprehensione à turpitudine retrahantur, facile
ſtudijs honeſtatis dereliſtis, in omne dedecus prolabantur. nescit enim atas
illa rerum ullum modum ſuis in actionibus obſeruare, ſed quocunq; rapit
eam uehementior appetitus, atque cupiditas, eo ſine diligenti cogitatione
facillimè declinat. Altera eſt eiufdem mali cauſa, quoniam labores, & ui-
gilias, camque ſine qua nihil quod laude dignum ſit aſſequi quiſquam poteſt
diligentiam adoleſcentes plerique noſtri, refugiunt, & ea tantum à pueritia
per-

percipiunt, quæ præceptorū ope, sine studiō suis sine industria, sine labore percipere possunt. Nam per Deos immortales quid adolēscētibz nostris, dū ijs in artibus, quibus ætas puerilis informari solet, à præceptoribus detinentur, ingeniosius? quid acutius? quid magis docile? quam enim facile quæcunque traduntur percipere solent? quam fideliter continere? quam denique mirabiles breui tempore progressionēs, in percipiendis disciplinis efficiunt? quoniam eo tempore non sua sed præceptorum tantum industria atque diligentia nituntur. Sed postquam è pueris exceſſerunt, nec amplius adest illis præceptorum cura, quæ sedulo prius ad studia traherantur, liberius uiuendi potestatem naſti, literarum studia quasi seruire quoddam iugum aspernantur, & reiſciunt, tantumque abeſt ut eam quam à primis annis perceperant eruditionem, augere studioſe contendant, ut etiam quæ antea summa cum præceptorum assiduitate didicerant, obliuioni penitus tradant. Huius igitur ceſſationis atque negligentie partem sibi parentes ipsi uendicant, qui filiis suis habenas usque eo laxant, ut in eis plerunque sit omnium rerum infinita, atque intoleranda licentia, partem etiam adolēſcentes, quos cæca & temeraria dominatrix animi cupiditas, tantum exagitat, ut ante eorum oculos, non honor, non gloria, non dignitas, sed ludi, ioci, conuiuia, uoluptates obuersentur. Itaque cum hanc tantam adolēſcentium corruptelam, plerunque multarum in Republica, causam eſſe calamitatum, non ignorem, neque publicis tantum, sed etiam priuatis rebus sapissime, maxima uideam asferre detrimenta, statui si quo modo fieri poterit, hodierna concione mea, rationem atque modum ostendere, quo non solum uitium hoc emendare, sed etiam facile possint, & parentes liberos suos in dignitatis, atque amplitudinis uia continere, & adolēſcentes ad eam scientiarum & uirtutum metam, quæ sit etiam ad posteritatis memoriam gloriosa, contento studio, cursuque peruenire. Quod dum facio quaſo uos, ut me attentissimis animis summa cum benignitate, sicuti facere inſtituiſſis, audiat. Eſt enim (ut hinc primum exordiar) in ipsis parentibus maxime situm, ut intemperantiam caneant, & uerecundia meminerint adolēſcentes, & honeſtatis cursum teneant, & denique capiant gloriæ portum, & dignitatis, quod ita facillimè facient, si ab ipsis statim incunabulis, acerrimam illis curam impenderint, ut cum nutricis lacte moribus quam optimis imbuantur; ut non in delicato sed simplici uictu, non in ocio, sed labore, non in luxu sed rerum omnium parsimonia, non in temeritate & audacia, sed modestia & uerecundia, non in licentia sed timore, non in puerilibus nugis, sed in liberalibus disciplinis, primam eam ac teneram ætatem traducant. atque illud in primis apud animum suum parentes ſtatuant, nullas se filiis suis præſtantioreſ poſſe diuitias relinquere, quam si eos bonis artibus inſtructos & bene moratos reliquerint,

querint, tales enim (aiebat Aristippus) nobis opes comparandæ sunt, quæ si forte naufragium facere contingat unâ cum domino possint enatare, quæ nec eripi, nec surripi possint, nec temporum, nec tempestatum permutatione mutari, quas nobiscum habere, nobiscum semper asferre possimus, ut si forte peregrinari, solumque uertere contigerit, liceat nobis cum Biantic Priuenis dicere, ego omnia mea mecum porto. Quare multo magis filiorum animos, quam corpora curare parentes debent. sic enim queso mecum optimi cives cogitate. sicui uestrum forte filius, dilaceratis uestibus, deformata facie, luto, squaloreque oblitus, macie atque fame confectus occurrat, annon cuiusque uestrum animum ad misericordiam ita commoveat, ut lachrymis præ nimio matore totus destillet? cur igitur, cum eundem filium ab omni honestate alienum, improbum, flagitiosum, obscenis tantum voluptatibus deditum, uidetis non eodem modo commoueamini? non omni studio, cura, diligenter laboratis, ut in uiam redeat? ut turpem illam uiuendi consuetudinem relinquat? cur uos ipsi indulgendo facitis, ut deteriores quotidie fiant? utinam (ait Quintilianus) liberorum nostrorum mores, non ipsi perderemus, infantiam statim delicijs soluimus mollis illa educatio, quam indulgentiam appellamus neruus omnes & mentis & corporis frangit, quos enim uirtutum fructus, adulta iam ætate lateurum cum animum sperare possimus qui à teneris unguculis uicia statim imbibit? quid non ætatis progressu concupiscet, cuius infantiam parentes, argento, auro, purpura præciosas, atque holoserics uestibus exornant? quam in adolescentia temperantiam præstare poterit is, quem à pueritia parentes ebriosum efficiunt? Hæc nimirum in causa sunt, ut optima nostrorum adolescentium ingenia tam facile currumpantur, ut omnis ferè inuentus nostra uoluptati se dedat, laborem effugiat, nihil cessatione melius existimet, educantur enim ab infantia molliter & delicate stipiantur muliebri & delicato ancillarum puerorumque comitatu, molles tantum, atque etiam sæpissime turpes audire sermones assuescunt, adest in mensa mater, quæ illis ad nutum quæcunque uoluerint obsonia subministrat, quæ merum assatim præbens cor & uitam suam appellat, quæ cuiusque generis bellaria dulcissima frequenter ingerat, adsunt qui illis assidue blandiantur, qui adulentur, qui dominos ac principes appellent, qui iam puellas & amicas illis præparent, ipse uero puer fulget in purpura, tantis affluens delicijs, ut ad omnia quodammodo nauſeare uideatur, omnes iam quodam supercilio contemnat, & iam uulnera, iam mortes minitetur. cum interim parentes gaudeant, si quid forte maiore cum licentia dixerit, & uerba quauis acri reprehensione dignissima, cum risu & osculo excipiunt, & quisquam erit qui cum hæc

M. AN. MAIORAGII

intelligat admiretur, tam paucos esse qui doctrinarum gloriam capeſſant & magna uis eſt conſuetudinis, quæ non facile cum inheret extirpari poteſt, ſed quaſi in naturam abit. Itaque fit ut iuuentus noſtra poſtquam adoleuerit, ne ſi uoluerit quidem has infantie delicias prorſus exuere poſſit. Et quamuis nonnulli fortæſſe reperiuntur, qui inter hanc tam mollem uiuendi rationem, inter tantam parentum negligentiam, atque indulgentiam, nonnunquam emergant, & in præſtantes uiros euadant quales multos habet hæc noſtra ciuitas, non tamen ideo ſperandum eſt etiam reliquos horum uſſigia ſecuturos, id enim ueriffimum eſt, quod ait Satyricus

Forſitan hæc ſpernant iuuenes quibus arte benigna

Et meliore luto ſinxit præcordia Titan,

Sed reliquos fugienda patrum uſſigia ducunt,

Et monſtrata diu ueteris trahit orbita culpa.

Quamobrem qui parentes liberos ſuos ad gloriam, ad opes, ad dignitates aliquando maximas peruenire concupiſcunt, hos penitus exuere mores, hanc immutare conſuetudinem prorſus oportet, quæ tam pernicioſa eſt, ut puerorum ingenijs detrimenti tantum aſſerre ſolet, ut etiam ſi optima nata fuerint, omnino breui tempore deprauentur. Seruandumque eſt eiſdem Poete præceptum illud optimum.

Nil diſſu ſædum, uſuque hæc limina tangat,

Intra quæ puer eſt, procul hinc procul inde puella

Lenonum & cantus pernoſcantis paraſiti,

Maxima debetur puero reuerentia:

Conſeſſim igitur ita puer educandus, atque monendus eſt, ut ne quid cupide, nequid improbe, nequid impotenter faciat, habendumque in animo ſemper illud Virgilianum: adeo à teneris aſueſcere multum eſt. abeunt (ut ait Ouidius) ſtudia in mores. ſerunt olim puerum quendam Platonis diſcipulum, cum domum reuerſus parentem ſuum nimis effuſe ridentem uideret, uehementer admiratum dixiſſe, quid hoc pater eſt, quod tam immodice rides? equidem apud Platonem nihil unquam tale conſpicatus ſum. faciles enim ad utramque uiam puerorum animos natura gignit, ut cum ducem naſſi ſunt, uel ad honeſtatem, uel ad turpitudinem non admodum repugnantes ſequantur. Itaque præcipuum hoc parentis officium eſſe ſtatuo, ut nulla in re filiis ſuis nimium indulgeat, ut omnes ab eis delicias moueat, ut neminem ex familia, quem obſcenis moribus eſſe ſciat, cum filiis conſuetudinem habere patiarur, ut eos cuiuſque generis laboribus aſueſciat, ut in uitæ frugalitate temperatis eſcis, modicisque potationibus educet, ut & ipſe doceat quæcunque poteſt, & probos atque eruditos eis præceptores querat, imiteturque Catonem illum Cenſorium, uirtutum omnium pulcherrimum exemplar, qui præceptor

præceptor ipse filij sui esse uoluit, quænuis Chilonem optimum apud se Grammaticum haberet, eum enim & literas & leges Romanas edocuit, cum iaculâri & arma tractare, equitare, calorem, & frigus, famem & sitim tolerare, rapidos gurgites, & uelocissimos flumines tranare, ita assuescit, ut nullus ex omni Romana iuuentute his in artibus eum antecelleret, præterea Romanas Historias manu propria maiusculis literis exarasse dicitur, ut maiorum suorum exempla, qui fuerant omni genere uirtutum cumulatim semper ante oculos habere filius posset, à uerbis non tantum obstentitate atque turpitudine, sed etiam licentia præsentis filio, perinde temperauit, quasi cum Vêstalibus uirginibus loqueretur, legerat enim (ut arbitror) Platonem illum grauissimum honestatis præceptorem in omnibus ferè Dialogis suis, parentes in primis ad rectè liberos educandos adhortari, primam enim & maximam Reipubl. curam in iuuentute liberaliter instituenda consistere Plato iudicat, quæ deinde parentibus succedens, uniuersam Rempub. & prudentia, & optimis consilijs, & morum integritate, non solum tueatur, atque conseruet. sed etiam exornet & amplificet. Quod si quando magna opus est, in filiis custodiendis diligentia, tunc certè maxima est adhibenda, cū à priuatis præceptoribus profecti, uiuere liberius incipiunt, nam antea non ita facillè scire possumus, aut ingenium noscere, dum ætas, metus, magister, ut ait Terentius, prohibent. at uero cum à pueritiæ disciplina discesserint, tunc maximè cuiusque natura sese effert, quæ quasi custodia uinculis exempta quocunque tulit eam impetus, sine cogitatione defertur, quod nisi rector aliquis adsit, & moderator, qui auctoritate sua consilioque reuocet, ab ijs cupiditatibus, quibus ætas illa maiorem in modum obnoxia est, ad deteriorem partem plerumque sese applicat, tunc enim, quemadmodum rectè ait Persius.

• Iter ambiguum est; & uitæ nescius error,

Deducit trepidas ramosa in compita mentes,

• Tunc quiniis est (ut Horatius uirissimè scribit).

Cærens in uitium flecti monitoribus asper.

eo potissimum tempore corporis uoluptas illecebra turpitudinis temerè & effrenatè sensus mouet, quæ boni naturam fallaciter imitando adulterat, quæ Plato escam malorum appellat, in cuius regno uirtus consistere non potest, ab hac blandissima domina nisi omni cura, atque diligentia retrahantur adulescentes, sæpe maiæres animi partes à uirtute detorquent, & paulatim omnem honestè uiuendi rationem deserunt, quod utinam non nimis frequenter nostris adolescentibus accidere uideremus, quorum eo tempore curam parentes dimittunt, quo maximè curare eos oporteret, decimum enim sextum aut septimum agentis annum, quæ quidem ætate propter sanguinis fer-

M. AN. MAIORAGII

morem, cuiusque generis uoluptatibus afluare magnopere solent, sine ullo morum custode, sine studiorum moderatore, uel ad publica Gymnasia quæ nostra tempestate scatent omni flagitiorum genere, mittunt, uel libere quocunque uoluerint, euagari patiuntur. Itaque mehercle minime mirum est, si labores omnes & uigilias aspernantur, uoluptates autem & otium ambabus (quod aiunt) ulnis amplectuntur, cum ab ipsa pueritia delicijs affuentes, nullam unquam corporis incommoditatem sentiant, ineunte uero adolescentia rerum omnium infinitam licentiam nanciscantur, ut suo arbitratu, quicquid libido præscripserit, aggredi possint, ut eorum tantum quos flagitijs atque improbitati suæ fauere senserint, consuetudinem, & familiaritatem sequantur. Non hæc erat ueterum illorum sapientissimorum hominum Romanorum consuetudo, qui ita suos adolescentes instituebant, ut ætate illa lubrica cui inest maxima imbecillitas consilij maiores natu non aliter uererentur, quam si communes omnium parentes essent, ex quæ his deligerent optimos & probatissimos, quorum consilio, atque auctoritate niterentur, putabant enim ineuntis ætatis inscitiam senum prudentiâ constituendam atque regendam esse, maximè autem hanc ætatem à libidinibus arceandam, exercendamque in labore patientia, & animi & corporis arbitrabantur, ut eorum & in bellicis & in ciuilibus officijs uigeret industria, quem quidem exercende magnis in laboribus iuuentutis morem antiqua Italiæ suis se Numanus quidam apud Virgilium, his uerbis ostendit.

Durum à stirpe genus natos ad flumina primum

Deserimus sæuoque gelu duramus & undis,

Venatu in uigilant pueri syluasque fatigant

Flectere ludus equos, & spicula tendere cornu

At patiens operam paruoque assucta iuuentus

Aut raris terram domat, aut quatit oppida bello,

Legimus Lycurgum Lacedæmonium legislatorem inter alias præclarissimas leges suas instituisse, ut adolescentes perpetuis in laboribus exercerentur, uia tantum uestire, siue hyems siue æstas esset, uterentur, sine ullo pulmento uescerentur, nihil sibi somni causa substernerent, uenando, currando, sudando, ciborum condimenta quærerent, sitim tolerarent, quibus ex rebus fiebat, ut inuictis prorsus animo spartana iuuentus esse uideretur, Persarum in adolescentibus instituendus morem & consuetudinem Xenophon exponit, quos à natu maioribus in omni disciplinarum genere magnisque in laboribus continenter exerceri tradit & præterea tam tenui victu sustentari, ut eos neget ad panem adhibere quicquam præter nasturcium. Iam uero (ut ad Romanos reuertar) maiores natu superiorum suorum res egregie gestas ad tibiam carmine comprehensas recitare solitos accepimus,

ut ad eas imitandas iuventutem alacriorem redderent. Quod si quando iuuenibus relaxare animos & dare se incunditati concedebant, in eiusmodi etiam rebus, ut facilius intemperantiam cauerent, maiores natu volebant interesse. Inde oriebantur imperij clarissima lumina, Camilli, Scipiones, Fabricij, Catones, Fabij ceterique innumerabiles uiri præstantissimi, qui honoribus & rerum gestarum gloria florentes maximum patriæ suæ splendorem, atque adiumentum attulerunt, suum uero nomen in orbis terræ memoriam sempiternam disseminarunt. Hac tam egregia ueterum, in custodienda exercendaque bonis in artibus iuventute si nostri ciues exempla sibi præponerent, eaque imitari magno studio, summaque industria contenderent, minime dubitandum esset, quin plurimos non tantum ijs qui diuersis in regionibus uiuunt eruditissimis uiris præstantiores, sed etiam qui cum antiquis scientiæ gloria certare facile possent, breui tempore latura hæc esset ciuitas, neque enim existimandum est tardiora, aut hebetiora esse nostri temporis ingenia, quam antiquorum fuerint, quod sanè multis in rebus haud difficulter intelligi potest, quæ longe subtilius, aut ingeniosius hoc nostro tempore tractantur, quam antiquis temporibus tractatæ fuerint, sed si qua nos in re ueteres antecelluerunt, non mentis acumine sed industria, non ingenij sagacitate sed incitato studio, non denique memoriæ tenacitate, sed assiduo labore superarunt. Itaque si nobis idem labor idem studium, eadem industria qua illi utebantur, statim ab inennte ætate adhiberetur, fortasse & in Philosophia Platonem aliqui, aut Varro, & in Mathematicis Archimede aut Caij Sulpitij & in arte Poetica Homeri, aut Virgilij, & in eloquentia Demosthenes aut Cicero, & in iure civili Solones, aut Scæuolæ, & in arte medica Hippocrates, aut Cornelij Celsi, & in Historia Thucydides, aut Salustij, & denique in Grammaticis Aristarchi aut Palemones, nostri etiam temporibus exoriri uiderentur. Dixi de parentum officio nunc de ipsis adolescentibus, quorum maximè interest, aliquanto plura dicam. Quamuis enim parentum cura, atque diligentia ad filiorum eruditio- nem & excellentiam omnium maxime proficit, non tamen ideo sola sufficit, nam nisi ipsorum etiam adolescentium studium & amor adiungatur, uanus est omnis parentum labor, inanis omnis industria. quot enim ferè quotidie uidemus optimos ciues mirè de suis filiis esse sollicitos, ut & præceptores eruditos habeant, & in literis assidue exerceantur, & ab alijs omnibus curis atque negocijs auocentur? cum tamen interim isti sub tanta parentum diligentia parum admodum proficiant, & nunquam ad optatam metam perueniant, cuius rei quid aliud in causa dicemus esse, præter summam ipsorum adolescentium negligentiam atque secordiam? qui tam remisso atque uili animo sunt, ut quamuis apertam dignitatis ac gloriæ uiam oculis ipsis penè uideant, & eis

omnia

M. AN. MAIORAGII

omnia copiosè suppetant, quæ ad uirtutis culmen hominem proueheri facile possunt, tamen ita sese abijciunt, atque prosternunt ut nihil inter eos & quæ drupedas aliquas interesse uideatur. Quare nos ego suauissimi mibi quæ charissimi adolescentes, & qui nobiles estis, & qui ingenio, & uirtute nobilitatem consequi potestis, non tantum moneo, sed etiam uobis meo quodammodo iure præcipio, si laudis & dignitatis, & honoris uiam ingredi concupiscitis, ut duo illa semper ante oculos habeatis, quæ isti atati uestræ non tantum utilissima, sed etiam maximè necessaria sunt: ut & ijs qui recta præcipiunt parere animum inducatis, & plurimum etiam sponte uestra laboretis, neque enim is qui relinquit & abijcit obedientiam, eosque non audit, quibus est subiectus lege naturæ, quicquam poterit unquam præstare, quod laude dignum esse uideatur, qui uero laborem atque animi contentionem refugit, is planè (quod ait Musonius Philosophus) seipsum bonis rebus omnibus indignum ostendit, uerissimè namque dictum, ab Epicharmo Siculo, laboribus omnia bona Deos immortales hominibus uendere, iustus enim ac honestus labor (quemadmodum ait Cicero) præmijs honoribus splendore decoratur. Primum igitur adolescentis officium est, ut cis omnibus (si fieri potest) quos consilio & prudentia plurimum ualere intelligit obtemperet. Est enim magna quædam uirtus, & precipuum in adolescente bonum obedientia, cuius uis atque utilitas, tam longè latèque diffunditur, ut nullum non modo uitæ grauius genus, sed ne minimæ quidem actiones, eius officijs uacare debeant. Hæc una uirtus est, quæ non solum humana omnia, sed etiam diuina regit, gubernat, administrat. nam qua ratione cæli perpetua conuersio cuncta moueret, & quæcunque in terris uiuunt progigneret, quo pacto signorum ortus & obitus desinitum quendam ordinem continenter seruarent, ut annuæ commutationes semper eodem modo fierent, atque ad utilitates rerum omnium accommodarentur, nisi motori suo primo semper obedirent? quid in ciuitate quæ rectè soleant administrari? annon ciues omnes ita affectos esse oportet, ut prudentiores & sapientiores semper audiant? ut magistratibus omnibus in rebus pareant? ut sese legibus submittant, quæ domus necessarijs rebus instruita atque apparatus reperiri potest, in qua non omnes & patrifamilias, & ijs quibus est familiæ cura demandata diligentissimè pareant? quid in nautibus? an aliter optimè cursum suum conficere possunt, nisi perito gubernatori nautæ omnes obediant? Iam uero tota serè militaris disciplina constat obedientia, quis enim quantumuis sapiens & callidus imperator exercitum commode regere, munia belli obire potest, cui non milites ad nutum præsto adsint? itaque non sine causa ueteres illi Romani uirtutem hanc tantopere seruandam esse consueuerunt, ut ne Rempub. quidem egregie gerere uiolata obedientia uoluerint, inobedientes autem tanta dignos esse pœna putauerint, ut ne

paren-

parentes quidem proprijs filijs mandata transgredientibus, etiam si rectissime se gessissent, ullo modo parcerent. Quis enim non audiuisset à Manlio Torquato proprium filium securi percussum fuisse, non alia de causa nisi quia edictum suum, qui consul erat eo tempore, cum Geminio Metio Thusculano, se ad singulare certamen prouocante, congregi non dubitasset, quamuis insignem interfecto Geminio uictoriam reportasset? Quis nescit Fabium Rutilianum Magistrum equitum uix totius Senatus & uniuersi populi Romani precibus, L. Papirij cursoris eripi seueritati potuisse? quoniam ei denunciauerat, ne se absente, cum hoste manum consereret, quamuis ingentem Samnitum exercitum profligasset? quanto igitur Seueriores in eos fuissent, qui non obediendo peccassent, cum tam atrociter eos qui bene rem gessissent, puniendos esse censerent? quid autem in priuata uita, quantam non tantum à filijs sed etiam ab omnibus communiter adolescentibus obedientiam exigebant? quamuis ea natura præditi fere omnes essent eo tempore iuuenes, ut natu maioribus libentissime parerent, ut eos non aliter atque parentes obseruarent, & uirtutes eorum imitari studiose conarentur. qua de causa fiebat ut frequentissimè filij non tantum parentum gloriam rebus suis præclare gestis adequarent, sed etiam longe superarent, quod certe nunquam ullo modo facere potuissent, nisi præceptis eorum, qui recta atque honesta proponebant, obtemperare studuissent. Est enim ætas ista iuuenilis, maxime consiliorum inops, ut non facile quid rectum prauumue sit per se diiudicare possit, Itaque bene moratus atque ingenuus adolescens optimis semper consilij aures patefaciet, ut quoniam nondum in primo bonitatis gradu consistere potest in quo statuuntur illi, qui per se quæ recta sunt intelligunt, & faciunt, at in secundo saltem esse possit, ne prorsus inutilis efficiatur, sic enim Hesiodus.

Felix qui potuit per se cognoscere, uita

Quæque sequenda foret, quæque effugienda uicissim,

Fortunatus & ille audit qui recta mouentem

Qui uero per sese ignarus, honesta docentem

Negligit ille sibi prorsus, & inutilis orbi est.

Nihil igitur eorum omnino quæ rectè præcipiuntur à quouis homine contemneri debet adolescens, sed in primis ut fidelissimis atque amantissimis parentum præceptorumque consilijs pareat oportet, neque enim minus ab eo qui plurimum in literis proficere studet, præceptores quam parentes amandi sunt, quoniam hi nobis tantum uitam tribuunt, illi uero dignitatem & gloriam quam plurimi cum uita commutarunt, hi corporis curam suscipiunt, illi autem animorum, quos multo corpore præstantiores esse, quis ignorat? ut non sine causa Magnus ille Alexander multo se magis Aristoteli præceptori,

M. AN. MAIORAGII

ceptori, quam patri Philippo debere prædicaret, nam Philippus (aiebat) pater ut essem tantum effecit, Aristoteles autem ut bene essem, quin apud veteres Romanos, illa erat adolescentium consuetudo, quam commendat etiam Quintilianus, ut non minus quam studia præceptores amarent, & parentes esse, non quidem corporum sed mentium crederent. Itaque non immerito maiores suos summe commendat ille Satyricus, & magnam eis felicitatem his quidem uerbis præcatur :

Dij maiorum umbris tenuem & sine pondere terram

Spirantesque crocos & in urna perpetuum uer,

Qui præceptorem sancti uoluere parentis

Esse loco. Sit igitur hoc primum bonæ spei iuuenis officium, ut sese meliori semper iudicio submittat, ut nihil suo consilio temere, & arroganter gerat, ut obedientiam tanquam pulcherrimam morum reginam, sine qua nihil egregium præstare possit amplectatur, ut denique parentes & præceptores æque sibi colendos & amandos esse censeat. Proximam est ut quemuis omnino statuatur æquo animo laborem sustinere, quod quidem facile præstabit ille qui litterarum studia plurimum amare incipit, qui uirtutis studio ducitur, qui dignitatis & gloriæ splendore trahitur, qui denique nihil sibi præter honestatem in uita magnopere expectandum esse existimat. hunc nulla difficultas ab instituto cursu reuocabit, non libido ad uoluptatem, non ocium ad animi remissionem, non denique somnus ad quietem nihil est enim (ait Cicero) quod studio & amore effici non possit. hic primus est ad omnem dignitatem atque amplitudinem gradus, si quis amore uirtutis incendatur, quod in libris de Oratore Crassius apertissime declarat. cum enim ab eo Cotta quæsisset, quid sibi ad summam eloquentiam comparandam assumendum putaret. Tunc Crassus arridens: quid censes (inquit) Cotta nisi studium & ardorem quandam amoris, sine quo cum in uita nihil quicquam egregium, tum cerè hoc quod tu expetis, nemo unquam assequetur, quin ad Brutum scribens idem Cicero, cum perfectum Oratorem formandum suscepisset: Magnam (inquit) opus omnino & arduum Brute conamur, Sed nihil difficile amanti puto, illud igitur Poetarum princeps, in pastoritio suo carmine uere scriptum reliquit: omnia uincit amor, atque ideo non sine magna ratione prudens finxit antiquitas, non tantum homines ipsos, sed etiam Deos amoris subiectos esse, quoniam nihil tam alte positum est à natura nihil tam arduum atque eminens quo studium & amor eniti non possit. odit enim amor res turpes, viles & abiectas, amatque tantum pulchras ornatas, magnificas. hunc igitur uere diuinum amorem studiosi iuuenes colite, hunc querite, hunc amplectimini, hunc semel apprehensum nunquam postea dimittite, hic enim solus, uos in agendis rebus cautos, & prudentes, in disserendo subiles, & acutos,

acutos, in dicendo graues & ornatos, in arduis negocijs fortes, atque magnanimos efficiet, amore duce nihil erit, neque in humanis neque in diuinis rebus, quod non facile scientia comprehendatis. amor enim triplicem illum animi sortum inuenit, quorum unus in cognitione rerum & in explanatione naturæ positus est, alter in uita, atque in moribus conformandis, Tertius in diserendo & quid uerum, quid falsum sit indicando, amor inuenit errantem Lunam solisque labores. Vnde hominum genus, & pecudes, unde imber & ignes, amor totius mundi motus conuersionesque perspicit, Syderaque uidet innumerabilia calo inhxrentia, cum eius ipsius motu congruere, certis infixæ sedibus, septem alia suos quæque tenere cursus, multum inter se altitudine aut humilitate distantia, quorum uagi motus rata tamen & certa sui cursus spacia definiant, amor initiorum, & tanquam feminum indaginem mouet, unde sint omnia orta, generata, concreta, quæque cuiusque generis uel inanimi uel animantis, uel muti, uel loquentis origo, quæ uita, quis interitus, quæque ex alio in aliud uicissitudo, atque mutatio, unde terra, & quibus librata ponderibus, quibus cauernis maria sustineat, in qua omnia delata grauitate medium mundi locum semper expectant, amor rerum causas alias ex alijs aptas & necessitate nexas uidet, quibus ab æterno tempore fluentibus in æternum, ratio tamen mensque moderatur, salicem eum certè animum, qui amore ductus in his habitat, pernoctatque cogitationibus, felicem etiam quem idem amor, à rebus occultis, & ab ipsa natura inuolutis, ad uitam communem adducit, ut uirtutem solam amplectatur, cui (quod ait Plato) quicquid auri uel supra terram est uel sub terræ uisceribus occultatur, nequaquam satis digne conferri potest, quam Orpheus Heronem matrem appellauit, de qua Solon exclamat; at nos non commutabimus uirtute diuitias, quam se ipsa contentam ad bene beatæque uiuendum Stoici contendunt. quæ semper libera, semper inuicta, semper amabilis, semper clara æternaque habetur. cuius denique forma, & tanquam species licet oculis non cernatur, admirabilem tamen amorem excitat sapientiæ, qui solus mentem atque animum mirandum in modum accendit ad id inuestigandum, quod natura spectet extremum in bonis, quod in malis ultimum, quo referenda sint officia quæ degendæ ætatis ratio deligenda. docet idem amor res singulas definire, genera dispertire, perfectæ concludere uera, & falsa diiudicare, præterea congruenter & cum ratione loqui, ueterum monumenta, atque omnem antiquitatem euoluere, Musarum domos ingredi, Poeticamque suauitatem degustare, aptè distingere atque ornate dicere. Quid quod etiã ad tuendam Rempub. idem amor transit? quo nihil in magno uiro, casusque omnes humanos despiciente potest esse præstantius, qui non propriam, sed communem ciuium utilitatem spectet, religionem obseruet, pietatem colat, amicitia-

rum fructus persequatur, quibus ex rebus, tam ingenua delectatio, tam di-
 gna sapiente homine incunditas percipi solet, ut nulla pendē uita possit esse bea-
 tior. O uerē sanctum atque admirabilem hunc amorem. O mira huius amo-
 ris opera. O summam diuinę mentis providentiam, quę nobis hunc tam ex-
 cellentium rerum amorem innisit, quo duce nihil est, quod assequi non pos-
 simus. Hęc inuestigate, per Deos immortales querite, percipite, uos qui
 dignitatem, qui laudem, qui gloriam queritis, hęc ampla sunt, hęc diuina, hęc
 immortalia, hęc fama celebrantur, monumentis annalium mandantur, pō-
 steritati propagantur. cur adhuc cessatis? cur tam tardi estis? quid est quod
 nos à tanta laude reuocet? à tam precioso Thesauro distrahat. à tanta felici-
 tate remouetur? nos uos appello pręstantes ingenio adolescentes, qui magnā
 de nobis spem atque expectationem concitastis, quid est quod institutum iter
 tam pauci perficitis? cur in medio cursu deficitis? cur tam frequentes diuersa
 sam ab his disciplinis uiam capitis? an nos fortasse deterret difficultas? labor
 debilitat? Equidem adolescentes hanc ego uiam, si aut asperam, atque ar-
 duam, aut plenam esse difficultatum & laborum negem, mentiar, pręsertim
 cum id non modo iam pridem intellexerim, sed etiam quotidie sentiam, ma-
 gno enim animi robores (mihi credite) opus est, magna indole uirtutis & con-
 tinentię, respuenda sunt omnes uoluptates, omittenda sunt studia delecta-
 tionis, ludi, ioci, conuiuia, omnis uita cursus, in labore, atque in animi cō-
 tentione consuecendus est. Verum ille quicumque fuerit Poeta relictissime dix-
 it: Si te id quod multi inuideant, multiq̃ue expetant inficitia sit postulare si
 tu laborem summa cum cura efferas nullum. Nam ratio illa sempiterna,
 quem Deum uocamus, qui procurat celestia maximē, deinde in terris, quę
 ad usum hominum pertinent, ut excelsos animos ab abiectis, industrios
 ab ignauis, excitatos à remissis discerneret, huic naturali quo trahun-
 tur omnes cognitionis amorī comitem uoluit laborem adiungere, ne, si
 fortē facilis & plana uirtutis esset, atque doctrinarum uia, tardissimus
 eam & ignauissimus quisque posset ingredi, atque ita nulla forent industria
 studio, labori, diligentia, separatim propozita premia, nunc autem cum ne-
 mo dulcissimos uirtutis fructus (ut appellat Isocrates) percipere possit, nisi
 prius amaras eius radices gustauerit, facile generosus atque excellens adole-
 scentis animus, quem (ut ait Seneca) labor ipse nutrit, qui noctes & dies
 gloria stimulis concitatur, quem nulla difficultas detertere, nulla uis labefa-
 ctare potest, emicat ipse per se, splendetq̃ue pręter ceteros, uelut inter
 ignes luna minores, quemadmodum ait Horatius: cum interim tenebrosus
 ille aliter, ignauia proiectus, lutulentis in uitis, tanquam sus in uolutabro
 cœni iaceat, nihil aliud quam truncus quidam, ac putrida caro, saturandis uer-
 mibus reservata, qui nunquam se erigat, nunquam resipiscat, nihil hominē
 dignum

dignum cogitet, sed stupore quodam inertia pressus, quous modico labore frangatur, hoc est quod egregius Poeta suavi cantu clamat Hesiodus.

Angustum collem tenuis quo semita ducit,
Ipsa colit uirtus magno stipata labore,
Sic uoluere Dei, sed summo in uertice montis
Planicies ignota iacet tutique receptus,
Semper ubi seſſæ poterunt requiescere mentes.

quod Homerus herba sua Moly, quæ contra Circes ueneficia tantum ualuit, ut Plyſſis socios ex belluis iterum in priſtinam hominum formam reduxerit, candidum quidem ſtorem ſed nigram radicem attribuit. quod Maro noſter aureum illum ramum ſine quo nemo poteſt eorum qui ad inferos deſcenderint, reuocare gradum, ſupercrasque euadere ad auras, ait latere arbore opaca. & ab omni luo tegi, & ab umbris claudi in obſcuris conuallibus. quod diuinus Plato ſæpiſſime repetit, difficilia que pulchra: quod Euripides ſine labore ſalicem fieri poſſe neminem affirmat. Nam Heraclides Lycius (ut in uita Sophiſtarum ait Philoſtratus) unum de laboris laudibus librum edidit, ſcne quo dicebat nihil in rebus humanis frugiſerum, nihil utile, nihil laudabile geri poſſe, adeoque probari, ut uanus etiam labor, modo non uicioſus, ocia ac delicijs ſit anteſcendus. Laſſus Hermioneus interrogatus à quo ſapientiam didiciſſet, à labore (inquit) atque experientia. ſenſit uir prudentiſſimus, non quous modico labore ſapientiam poſſe comparari, ſed eo qui tam aſſiduus & diuturnus ſit, ut uſu frequenti rerum prope omnium peritiam nobis afferret. hic eſt ille labor quem Euripides, gloriæ parentem eſſe dicit, de quo Sophocles intelligebat cum ait: Laborare cum opus eſt, qui fortunam habere proſperam cupit, quod idem his ſere uerbis Theodectes approbat: qui laudem & gloriam conſequi ſtudet, eum magnos ſubire labores oportet. uita enim ocioſa præſenti quidem fruitur uoluptate, ſed dolores poſtea ſolet afferre maximos. A Gellius Catonis hæc uerba recitat, ex oratione quam ad equites habuit Numantia. cogitate cum animis ueſtris ſi quid uos per laborem recte feceritis labor ille à uobis cito recedet, benefactum à uobis dum uiuetis, non abſcedet, ſed ſi qua per uoluptatem nequiter feceritis, uoluptas cito abibit, nequiter factum illud apud uos ſemper manebit, Alexander ille Magnus frequentiffime dicere ſolebat laboribus innutiri, Principe rem proſus eſſe digniſſimam, Cleanthes cum ab adolescente quodam Lacone probari laborem audiuiſet, ſtatim Homeri carmen illud ſubiccit.

Maſſe puer uirtute, & nate ex ſanguine claro.
Sed quid pluribus exemplis aut teſtimonijs opus eſt? cum pleni ſint omnes ſcriptorum libri, omnes ſapientum uoces, que clariſſime teſtentur rem tam neceſſariam eſſe laborem, ut ſine eo nihil annuo laudabile poſſit acquiri.

M. AN. MAIORAGII

quo fit ut vulgare prouerbum illud, non frustra iactari uideatur.

Qui uitat mokam (aiunt) uitam farinam,

Quamobrem duæ res potissimum in eo adolescente esse debent, qui uirtute sua sit, aliquando se, suamque familiam plurimum illustraturus, hoc est amor, & labor, quas quidem ambas, non sine magna ratione Maiores nostri, imo diligentiae nomine comprehendi uoluerunt, quoniam in eis tantum rebus excellere possumus, quarum studium amamus, atque unice diligimus. Est enim ea diligentia qua ingenium ipsi ex tarditate incitat. quæ cum omnibus in rebus, tum in literarum studiis plurimum ualet, hæc præcipua collenda est nobis inquit Antonius apud Ciceronem, hæc semper adhibenda, hæc nihil est quod non assequatur. nam quaecunque sunt in cura, attentione, animi cogitatione, uigilantia, assiduitate, labore, uno uerbo diligentie complectimur, qua una uirtute, omnes uirtutes reliquæ continentur. Sed qua ratione tandem hæc diligentie uirtutem amplectetur adolescens? certe si spem animo firmam conceperit fore ut aliquando laborum suorum præmia consequatur. omnes enim (ut ait Democritus) labores tunc iucundiores esse solent, cum illa se adepturos homines sperant, propterque laborauerint, nam dissidentia plerumque (quod ait Imperator Iustinianus) à discedendo iuuenum animos auertit. sed ea nunquam ferè constantem & excelsum animum attingit, qui non aliter atque palma solet, contra impositum onus semper absurgit, & non modo laborum atque uigiliarum difficultate, sed ne morte quidem ipsa terretur, quem si fractus (ut ait Horatius) illabatur orbis inpauidum ferient ruinae. sed quoniam inter mortales pauci admodum tam erecto, tanque firmo sunt animo, ut penitus contemnere ac pro nihilo habere labores possint, multique suis uiribus tantopere diffidunt, ut nunquam etiam si plurimum laborauerint, ad summam eruditionem se peruenturos sperent, uel quia paruo se esse ingenio, neque admodum tenacimemoria putant, uel quia tam uarias & difficiles percipere disciplinas, tanque multa cognoscere, non humanum sed diuinum esse potius existimant, atque ita quos præstare doctrina uident, potius admirandos, quam imitandos arbitrantur, his etiam si fieri potest oratione mea conabor aliquam asserere medicinam. Ac primum quoniam nulla tanta est humilitas, quæ dulcedine gloriæ non tangatur, nolo sibi proponat adolescens; quam pulchrum sit alijs excellere, quam turpe labi, errare, decipi, nolo credat atque persuasum habeat, falsam omnino querelam eorum esse (quemadmodum testatur etiam Fabius) qui paucissimis hominibus nimis percipiendi, quæ tradantur esse concessam dicunt, plerosque uero laborem & tempora tarditate ingenij perdere, nam sicuti aues ad uolatum, equi ad cursum, ad salutem feræ gignuntur, ita nobis propria est (inquit) mentis agitatio, atque

solertia

solertia unde origo animi celestis creditur. hac de causa fit ut animus hominis (quod ait Seneca) quicquid sibi imperavit obtineat. Itaque non est quod quisquam desperatione debilitatus, à literarum studijs animum auertat, sed par est omnes (ut ait Cicero) omnia experiri, qui res magnas, & magno opere expetendas concupiverunt, Quod si quem aut natura sua, aut illa præstantis ingenij uis forte deficiet, teneat tamen eum cursum quem poterit, prima enim sequentem, honestum est in secundis tertiisque consistere. neque ita multo post ait idem Cicero: Non est cur eorum qui se studio eloquentiæ dediderunt, spes infringatur aut languescat industria, nam neque illud ipsum, quod est optimum desperandum est, & in præsentibus rebus magna sunt ea, quæ sunt optimis maxima. Sed certe nunquam attinget eum desperatio, qui frequentissime cogitabit, quid possit, qualibet in re quantulacunque sedulitas, qui silices itinere formicarum attritos uideat, qui non ignoret id esse uerum quod Tibullus ait

Longa dies mollis saxa peredit aqua.

quæ sapientium in hanc sententiam dicta sæpius animo reuoluat. Nam Democritus frequentissimis solebat usurpare sermonibus: diligentia, atque exercitatione longe plures quam natura præstantes fieri, & Epicharmus idem ferè prædicabat, multò plura bona mortalibus, à diligentia, quam à natura donari. Sed diligentia uim atque potestatem clarius expressit Antiphanes, cum dixit: nihil esse quod breui tempore non sibi diligentia subiiciat, & in seruitutem redigat. Menander etiam ait: nihil tam difficile est, quin inuestigari quærendo possit, & Philemon omnia possumus (inquit) inuenire, si laborem eum, qui rebus quæ sitis adest, subire uoluerimus quid? annon etiam Maro noster, quasi uoce magna clamat:

Labor omnia uincit Improbis, & duris ugens in rebus egestas?

Quam igitur angustæ, quamque pusilli animi indicandum est, desperatione frangi, atque debilitari, cum tanta sit industria, tanta laboris uis, ut nihil tam arduum, nihil tam difficile sit, quod assequi non possit? Hæc profecto spes perueniendi quo uelis maxime animum excitare, atque alacriorem ad subeundos labores efficere solet, cum præsertim quæ labores sequi solent præmia, tibi proposueris, diuitias, honores, dignitates, gloriam, nominis celebritatem, quam non sine causa ueteres Musarum nutricem esse dixerunt, quoniam ea maxime omnium generosum animum accendit. hoc est quod Valerius Flaccus ait. Tu sola animos mentemque peruris gloria. sed multo etiam magis inflammatur alterius æmulatione, quem in magno esse honore uiderit. Itaque uir grauiissimus, & princeps Græciæ Themistocles cum nocturno tempore per ciuitatem uagaretur, interrogatus cur id faceret, Miltiades (inquit) trophea nequaquam me dormire patiuntur, quin etiam Iulius

Cæsar

M. AN. MAIORAGII

Cæsar cum Gades peruenisset, animaduersa apud Herculis templum, Magni Alexandri statua, uehementer ingenuit, quod ætate illa nihil memorabile gessisset, quia iam Alexander orbem terrarum penè subegerat. Quid Demosthenem afortum primo puerum, & delicijs affluentem, annon Cleostrati Rhetoris gloria sola commouit? ut sese eloquentiæ studio traderet? in qua deinde facultate primas obtinuit? tantam enim hæc gloriæ cupiditas in animo se dilatatam, tam incitatum studium, tantam curam ingenerat, ut quinis labor quodammodo suauis ac dulcis esse uideatur, atque etiam sape licet grauis sit non sentiat, unde uerò Ouidius.

Et non sentitur sedulitate labor.

Plurimum etiam laboranti iuueni proderit, ea cogitatio si reputet animo suo, laborem quotidie fieri leniorem, foreque ut in maximam breui tempore uoluptatem conuertatur, ideo Pythagoras nos hortatur, ut optimam uiuendi rationem à pueritia statim complectamur, quoniam etsi difficilis initio uidetur, eam tamen postea incundam consuetudo reddere solet, quin etiam immortales Deos laborantibus adesse, atque eos subleuare persuasum est, atque idcirco dixit Euripides: Deus libenter qui laborant adiuvat, Quid quod eximiam quandam post se incunditatem relinquere labores solent? ut etiam prouerbio dicatur: iucundi acti labores, & suauis est laborum præteritorum memoria, quod sane eleganter bis uerbis affirmat Seneca.

Quod fuit durum pati, meminisse dulce est
Itaque Philemon cum laborum suorū fructus uberes, suavesque perciperet, frequenter exclamabat. O iucundos adolescentiæ meæ labores, nam nisi eo tempore laborassem, nunc certe tantas animo leticias percipere non possem, Aeneas autem ille Virgilianus maiorem excogitare consolationem, non potuisse uidetur, quam cum sociorum animos ad spem futuri temporis his uerbis excitat.

Reuocate animos mestumque timorem,

Mittite, fors an & hæc olim meminisse iuuabit.

Quid si frequenter animo uoluas & diligenter cogites? opifices parui lucri causa negligare, laborare, nullam diei, neque noctis partem quieti tradere, Mercatores maria pertransire, labores immensos tolerare, maxima subire pericula. assidue de uita periclitari, agricolas nunquam cessare, magnos aestus inmensa frigora, famem, sitim, continenter perpeti, milites plenam armorum uitam agere, assidue sub pellibus esse, algere, aestuare, ad mortem ante oculos positam parua mercede conduci. tibi uerò bonarum artium studio, & uitam longe quietiorem, & multo ampliora præmia esse proposita? quantam tibi laborum alienationem, poterit hæc asserere cogitatio? Quid cum circulatores & prestigiatores circumforaneos uideas, longa exercita-
tione

zione, res tam arduas & admirabiles, quæ tamen nullius omnino sint utilitatis, efficere, ut alij per extensos funes cursitent, alij per gladiatorum aciem ambulare non exstimescant, alij distantia tellis saltu transiliant, alij denique multa incredibilia faciant ut reliquis uoluptatem sibi uitium acquirant, non ne tibi tandem turpissimum esse putabis, non ijs in studijs assidue nigilare, atque insudare, quæ res omnes, & actiones humanas, prestantia superent? quid si apum in conficiendo melle, quo nescantur, industriam consideres? quid si formicas, non tantum interdum sed etiam noctu laborantes aspicias? & tam assiduus in opere esse, ut ita in cre suo silices etiam atterant? nonne statim tibi ueniat in mentem multo magis homini, cum ut res sibi necessarias pareret, cum ut ceteros antecellat in optimis artibus esse laborandum? optimum autem obsequium est labor senectuti. quare pulchra quadam translatio ne iuuenes ad laborem hortatur Hesiodus, cum ait.

Ætæas non semper fuerit componite nidos.

sed longe Lepidius ille fabulator e phrygia, declarauit eum in senectute frustra caterorum opem implorare, qui non in iuuentute laborauit. Quadam (inquit) hyeme cicade propè inedia confecta præcario cibum petentes ad formicas acceperunt, eas autem interrogauit formica, cur non æliuo tempore sibi uitium, ad annum proximum præparassent? hic illa, non licuit (inquit) nobis, quoniam Musica per ætatem operam damus, & suauiter canimus. Tunc formica, ergo si quo tempore laborandum est ocio indulgeas, & canitis, nunc aliud uobis nihil superest, nisi ut saltetis, nos enim nobis tantum, non etiam uobis laboramus. Hac omnia diligens ille, quem querimus adolescens animo reputabit, & uiam quæ ad opes, & gloriam proxima est arripiet, quemuis sub eundem sibi esse laborem statuet, attentissime literarum professores audiet, omne scriptorum genus excutiet, neque unquam quantum didicerit, sed quantum adhuc ignoret, considerabit, frequenter etiam id in memoriam reuocabit; quod uerè Plato tradit in Theæteto: corporum (inquit) habitus quiete atque ocio corrumpitur, exercitatione uero, atque motu magna ex parte conseruatur, eo dem modo animi habitus, disciplina atque meditatione, qui motus quidam in scientijs sunt, seruatur, euaditque melior, ocio uero, quod ab omni meditatione disciplinaque natiua est, neque discit quicquam, & si qua didicerit, obliuiscitur. Statuet etiam nihil omnino sibi esse negligendum, quod ad eruditionem augendam aliquo modo pertineat, etiam si minimum esse uideatur, rectè enim Hesiodus.

Si paulum paulo addideris, pergasque frequenter

Hoc facere, exurget magnus tibi forsitan aceruus.

Nunquam omnino sibi remittendum esse diligentiam putabit, ut enim remiges

M. AN. MAIORAGII

ges quanto sapius remos inhibuerint, tanto tardius ad portum perueniunt. ita iuuenes, quanto studia sapius intermittunt, tanto minus, proficiunt. Sed in primis cauebit idem diligens iuuenis, ne ad expertas olim uoluptates aliquo modo retrahatur, seruetque Magorum præceptum illud, qui discipulis suis imperabant, ne omnino respicerent, & Pythagoræ qui quodam in symbolo suo per eandem uiam reuerti prohibet, ita enim in omni sensu implicata insidet imitatrix boni uoluptas malorum autem mater omnium, ut cum quis eam respicit, non facile deinde possit ab ea diuelli, sed eius desiderio quodammodo contabescat & omnes honestas actiones derelinquat. quod elegantissima sanè fitione Poetæ nobis declarant, cum aiunt à Proserpina datam Orpheo legem hanc fuisse, ut si uellet Euridicem suam secum ad superos reducere, non eam prius aspiceret, quam in patriam reuersus esset, tunc enim futurum, ut eius complexibus quantum uellet frui posset, at ille cum nondum iter inceptum perfecisset.

Reslitit Euridicemque suam, iam luce sub ipsa
Immemor heu uictusque animi respexit ibi omnis

Effusus labor, atque immitis rupta Tyranni. Fœdera,

Quod ne nobis etiam accidat optimi iuuenes magnopere cauendum est ne dū fugacem Euridicem respicere, & persequi studemus, gloriosam illam & immortalem, quam ex laboribus, & præstare gestis rebus emanare scimus uoluptatem amittamus, moueant igitur nos immensa uirtutum, atque disciplinarum præmia, moueant Maiorum exempla, qui tanto scientiæ ardore flagrabant, ut nunquam studia literarum intermitterent, qui tempus omne perir existimabant, quod literarum studio non impenderent. cui non sunt auditæ Demosthenis uigilie? qui uehementer se dolere dicebat, si quando opificum antelucana uictus esset industria? Quis Pythagoram, Platoem Democritum, Anaxagoram non audiuit acquirendæ doctrinæ gratia, totam penè terrarum orbem peragrasse? Quis Solonis perpetuam in discendo diligentiam? Euclidis audentem animum? Chrysippi labores? Carneadis industriam? non uel legit, uel audiuit, Quis Cleanthem & Xenocratem, nescit hebetes, & tardissimo ingenio uiros, tamen infinitis prope laboribus effecisse, ut inter clarissimos sui temporis Philosophos haberentur? Quid de Catone Censorio dicam? qui extrema senectute Græcæ celsare literas noluit, imitatus Socratem illum Atheniensem, quem tradunt admodum senem fidibus discere uoluisse, satius esse prædicantem quamuis ingenuam artem sero quam nunquam percipere, sed mehercule mihi tempus deficiet, si minimam eorum partem recensere uelim, quorum in scientijs percipiendis, ac memoriæ prodendis immensus atq; labor industria celebratur, quorum hominum uestigia, qui non omni studio sequuntur, nullo modo fieri potest. ut ad amplissimos dignitatis gra-

dus

Aus perueniant. Quare uobis egregij iuuenes, hæc exempla frequenter
 oculis ob uersentur, atque ipsa uos doctrina, suis illecebris trahat, ad ue-
 rum decus, quæ quasi ex alto loco iucundissima, suauissimaque uoce, ad sese
 inuitans atque alliciens ita proclamât: O quicumque magno atque excelso
 animo estis, quos illa prepotens, & gloriosa felicitatis uia delectat, qui om-
 ni laude prestare atque excellere pulcherrimum esse iudicatis, huc ad me toto
 animo remis uelisque contendite, huc uestræ mentis aciem dirigite, huc om-
 ni cura studioque properate, uobis enim ego quicquid in uita laudabile, at-
 que expetendum est Condonabo, rerum omnium intelligentiam, dicendi
 vim, atque facultatem, agendarum rerum prudentiam, opes, amicitias, di-
 gnitates, gloriam immortalitatem. uestrum ego animum, qua nulla pars ho-
 minis passantior est, ueris illis ac preciosis bonis exornabo, temperantia,
 pietate, iusticia, fortitudine, modestia, uirtutum omnium cumulo, rerum
 denique omnium honestissimarum amore, hæc enim sola certa animi atque
 inuiolata sunt ornamenta. ego uobis eximia ueterum exempla qui me duce
 super astra uolarunt imitanda proponam, uobis antiquorum non tantum
 res egregie gestas & admirabiles actiones sed etiam orationes atque uerba
 declarabo. nihil omnino si me sequi uolueritis, uel eorum quæ præfiscis illis
 temporibus acciderunt, uel quæ facienda sunt hoc tempore, uel quæ in po-
 sterum proficienda, uos fugiet, atque (ut breuiter dicam) quæcunque in di-
 uinarum atque humanarum rerum cognitione posita sunt, ea uos ego breui
 tempore condocesciam. Quod si quis uestrum in præsentia pauper aut igno-
 bilis est, eum ego non ita multo post non solum diuitem & illustrem, sed etiã
 admirabilem, & penè diuinum efficiam. Nam, mihi credite Iuuenes, si
 uobis ego lumina mea prætulero, nemo sibi querendum existimauit quam
 alto loco, aut quam illustri genere nati sitis. Sed omnes certatim uos ho-
 norabunt, laudibus ad cælum ferent, & inter optimos atque clarissimos ui-
 ros enumerabunt, quin etiam ij qui diuitijs & nobilitate præcellunt, &
 vos magnopere suspicient, & secum habere quam frequentissime concupi-
 scent. non uobis diuitie non præciosæ uestes, non argenti, non auri copia
 deerit, in patria uestra Magistratus, Imperia, Præfectura, facile conse-
 quemini, si quando peregrinari, nationesque externas adire uolueritis, talia
 uobis insignia circumponam, ut non obscuro aut incogniti sed apud omnes
 etiam infimi generis homines notissimi esset nideamini, nam quicumque uos
 aspiciet, statim eum qui proximus erit cubito commouens digito uos commo-
 strabit, & de uno quoque uestrum dicet. hic est ille. Quod si quid aut inter ami-
 cos, aut in ciuitate, graue, magnique momenti forte contigerit, uos solos
 omnes intuebuntur, ad uos tanquam ad oracula quædam confugient, & si
 quid in concione forte dixeritis, ab ore uestro pendens admiratio multitudo

M. AN. MAIORAGII

eam attentione uestram orationem audiet, uosque prorsus salices ac beatos,
 quod tantum dicendo ualeatis existimabit. Quanti nero illud estimandum
 est, quod etiam ego sola prestare facile possum, ut cum ab hac uita migra-
 ueritis auo sempiterno beati perfruarini? neque tamen uestri memoriam
 unquam delebit obliuio? sed per hominum ora perpetuo uolitet? & nunquā
 uos inter eruditos uersari, & cum optimis uiris colloqui desinatis? uide-
 tis ne Demosthenem illum cultoriam fabri filium quantum ego tamen ora-
 tare effecerim? uidetis Aeschinē à Tympanistria natum, quem tamen
 Rex Philippus propter me coluit? uidetis Socratem Statuarii filium, qui me
 duce sapientissimus omnium uel Apollinis iudicio factus est? Quid Euripi-
 dem olitorem? Quid Homerum spurium, cæcum mendicum, & obscurissimo
 loco natum commemorem? Quis M. Tullium Ciceronem nouum hominem, à
 parnis initijs ad summum Imperium & consularem dignitate euexit? annon
 ego? Quis Virgilium figuli filium, & Horatium libertinum Macenati pri-
 mo, deinde etiam augusto Casari tantopere Commendauit? annon ego? Quis
 Nicolaum Quintum humillimo loco natum, & terræ (quod aiunt) filium.
 Quis Innocentium Octauum Mercenarium hominem. Quis Pium Secundum
 hostiatim primo cibum emendicantem, ad Pontificatum maximum proue-
 xit? annon ego? Et quisquam adhuc erit qui dubitet, me rebus omnibus an-
 teponere, de me noctes & dies cogitare, mei curam nunquam intermittē-
 re, propter me labores uigilias, pericula, detrimenta, rei familiaris iactū-
 ram, sitim, inedia, sudores, frigora, constanter tolerare, cum apertissime
 uideat, eam esse uiam, ac potestatem meam, ut ex abiectissima conditione,
 hominem ad eam amplitudinem atque excellentiam extollam, ut tanquam
 immortalis quidam Dens, inter homines uersari uideatur? Hæc atque huius
 modi plurima uerba doctrinam ipsam uobiscum assidue facere lu-
 uenes optimi cogitate, neque tam humaniter, tamque li-
 beraliter ad sese uos inuitantem despicite. Sed con-
 stanti atq; alacri animo, per eam quam paulo
 ante monstrauimus, uirtutis uiam, om-
 ni cura, studio labore, diligentia,
 properate, quo citius his tā
 amplis, tam diuinis tā
 immortalibus
 doctrine
 mun-
 ribus, tandem aliquando summa cum
 letitia, atque uoluptate
 perfrui possitis.

DE MODO PROFICIENDI IN eloquentia, atque in studijs bonarum artium, ad iuuenes Mediolanenses.

ORATIO XVI.



NIMADVERTI iuuenes, omne studium uestrum, omnem curam, atque diligentiam, qua summa in literis uti soletis, eo spectare potissimum ut per has quibus assidue fideliterque incumbitis, ingenuas artes, nobis expolitans dicendi facultatem, qui uel maximus doctrinarum fructus est, aliquando comparctis, itaque cum de Senatorij ordinis sententia Rhetoricam artem, que uobis omnium maximè placere, atque cordi esse uidetur, ex hoc loco profiteri decreuerim, superuacaneum omnino, neque satis opportunum existimaui, coram uobis eam ut certe dignissima est, laudibus in cælum ferre. cum præsertim omnes uno eam ore prædicent, & cæterarum artium reginam, atque dominam appellent, ne fortasse uestrum aliquis id mihi merito possit obicere, quod olim Sophiste cuidam Lacedæmonius Antalcidas obieciisse dicitur, qui cum eum rogasset, ut à se conscriptam orationem audiret, & percunctanti quodnam esset eius orationis argumentum, respondisset, Herculis encomium, quis (inquit Antalcidas) illum uituperat? quasi stultum prorsus atque inane sit, in ea re laudanda, frustra tempus consumere, quam omnes egregiam atque præstantem esse consitentur. Quare mihi potius in eo laborandum, & innigilandum esse censui, ut uiam atque rationem aliquam uobis aperirem, qua magnam uobis facultatem & eloquentiam acquirere possitis, quam ut artem hanc dicendi, que probatur ab omnibus, & ad quam sponte uestra uos satis incitatos esse uideo, laudare contenderem. Quæ res licet ardua supra modum, atque difficilis esse uideatur, ut quis ad optatissimum eloquentiæ culmen perueniat, & pauci quos æquus amauit Iuppiter, aut ardens euexit, ad æthera uirtus, id assequi potuerint, non tamen ideo desperandum, aut animo deficiendum est. uerum illud semper animo uoluendum, atque cogitandum, nihil tam arduum, aut difficile reperiri posse, quo facile uirtus inflammata non aspires. neque quicquam tam alte positum à natura, quo studium & amor eniti non possit.

M. AN. MAIORAGII

possit. Est enim (ut ait Fabius) aliquid certè perfecta eloquentia, neque ad eam pervenire natura humani ingenij prohibet, quod si non contingat, aliis tamen ibunt, qui ad summa nitentur. Omnibus enim in rebus ita natura comparavit, ut quæ in quoque genere præstantissima atque honorificentissima sunt, ea maximas etiam secum annexas difficultates habeant, sed animi fortitudo atque constantia nullam omnino difficultatem pertimescit, quin potius ipsius honestatis, atque gloria causa, quæ virtutis amplissima præmia sunt, quemvis durum atque immensum laborem subire non recusat. Est igitur hæc in adolescente prima atque maxima proficiendi ratio, si persuasum habuerit nihil in omni disciplinarum genere tam esse obscurum, nihil tam reconditum, nihil tam admirabile, quod non possit hominum intelligentia facile percipi, & illustrari, ingenij acumine penetrari, studio atque industria superari. Si spem animo conceperit fore, ut aliquando suo labore, doctrinarum arcem & eloquentiæ summam obtineat, ut aliquando plerisque sui ordinis homines longe infra se positos, læto atque alacri animo desiciat. nihil enim est, quod iuveni tantopere noceat, nihil quod ab ingenij disciplinis magis retrahat, quam ad summam eruditionem evadendi dissidentia, hæc pestis ingeniorum est, hæc fortem & audentem animum infringit, hæc discendi cupiditatem, atque ardorem reslinguit. hæc omnes animi vires debilitat, hæc denique non tantum remissum in studiis & frigidum, sed etiam prorsus negligentem atque inertem reddit. at contra quæ non erigit haud dubia spes propòsita? quæ non incendit honor certus? quem non inflammat aperta dignitas? quos animi impetus, quas flammæ, quos ardores ad discendum non commouent ad opes, ad gloriam, maximam atque certissimam præmiâ concipiendâ igitur animo spes optima. certo credendum est, nihil esse uolenti difficile, non dubitandum est, animum hominis, quicquid sibi imperavit obtinere. Nam qui sunt hac mente præditi, iam ad disciplinas patentem sibi viam & planam munierunt, ut nihil sit omnino quod discendi gratia non aggrediantur. Quamvis ego vobis optimi iuvenes, non asperam aliquam, aut molestam proficiendi rationem proponere, sed ea patefacere, quantum ferat facultas mea, constitui, quibus diligentissime conservatis, unusquisque uestrum adoptabilem eam quam queritis, & maxime gloriosam eloquentiæ summam poterit haud difficulter pervenire, neque enim discendi cupidus, tam labor à disciplinis absterret, quam aperta studendi ratio allicit, atque inuitat ad laborem. sed nemo uestrum existimet me noua quædam, aut ante hunc diem inaudita præcepta vobis asserre, quid enim minus attinet, quam regiam (quam appellant) viam munientem, obscuras aliquas aut angustas, & nondum planè tritas semitas inuestigare? sunt igitur hæc præcepta nostra iam olim peruiulgata, & præ oculis atque in conspectu omnium posita,

quæ

quæ licet eiusmodi sint, (quod mihi magnopere mirandum esse videtur) pauci tamen admodum aducrtere illa atque observare solent. Tria sunt enim sola quæ non disertum tantum atque eloquentem hominem, sed etiam disciplinarum omnium peritissimum diligenter observata possunt efficere, quorum primum ac præcipuum est audire, alterum legere, tertium scribere, quæ tria sunt ita inter se connexa atque colligata, ut nullo modo rectè diuelli, aut separari possint, sed quandam ternarij numeri, quem sapientes maxime celebrant, perfectionem atque diuinitatem præ se ferre uideantur, neque enim quicquam rectè poteris unquam scribere, nisi multa prius audieris atque legeris, neque ad eruditionem & eloquentiam comparandam; tibi frequens auditio, atque lectio multum proderit, nisi multum etiam scriptitaris. De his igitur tribus dum aliqua singulatim disputo, queso nos, sicuti hæcenus se cistis diligenter attendite. Est enim audiendi sensus (ut de hac primum parte loquamur) ideo nobis à natura datus, quemadmodum sapientissimi uiri con fuerunt, ut per ingenuas ac liberales disciplinas, quas audiendo percipimus, prudentiam nobis summam acquiramus, solus enim omnium sensuum auditus ad animi institutionem multarumque rerum perceptionem plurimum confert, quo fit (ut quemadmodum libro de sensu tradit Aristoteles capiti oculis, & ab ipsis usque natalibus cæci) prudentiores fieri possint, quam qui surdi, mutique nati sunt, quoniam auribus longe magis ad prudentiam & scientiam, quam oculis adiuuamur. Id adeo licet inde cognoscere, quod etiam cum in disciplinis multum profecerimus, res tamen omnes longe nobis clariores & apertiores, audiendo fiunt, quam legendo. Non enim sine causa tantopere fuit illa semper uita uox ab antiquis laudata, quoniam ipsa docentis oratio, disciplinarum artium quasi uita est. licet enim (ait Fabius) satis exemplorum ad imitandum ex lectione suppeditet, tamen uita illa (ut dicitur) uox alit plenius, præcipueque præceptoris. Nam licet acriora sint, aut etiâ doctiora quæ legas, altius tamen in animo sedent quæ pronuntiatio, uultus, habitus gestus etiam dicentis adfigit. Quod etiam magnus ille nostræ religionis interpres Hieronymus his uerbis comprobat, habet nescio quid latentis energie uita uox, & in aures discipuli, de doctōis ore transfusa, fortius sonat. hoc illud certe est, quod iucundissimus orator Isocrates Demonicum suum ad libenter audiendum adhortatur, quippe qui præclare intelligeret, adolescenti ac Iuueni, nihil utilius esse posse, quam si plurimum in audiendis bonarum artium professoribus, operæ atque temporis collocet. hoc enim modo facile fit, ut quæ professores ipsi, diuturno studio, plurimo labore, multis uigijs perceperint, ea temporis quasi momento, modica attentione, nulla difficultate discant, qui diligenter audire uoluerint. Ergo prima sit illi, qui summam adipisci doctrinam concupiscit, audiendi cura, quæ
tanto pe-

tantopere delectetur, ut nihil ea potius, aut antiquius habere uideatur, ut cum eruditum aliquem audire professoris facultas datur. nequaquam in legendo potius, aut scribendo consumere otium uelit, longe enim utilius à sapientissimis uiris audire, quam legere, aut scribere iuuentuti semper iudicatum fuit, cum præsertim multi dentur, ad legendi, atque scribendi studia reditus, audiendi uero docti professoris non perpetuo sese offerat occasio. Quod nisi præstantissimus, & acutissimus omnium Philosophus Aristoteles, hanc audiendi consuetudinem rerum earum omnium, quæ ad studia pertinent, utilissimam esse censuisset, non sane Platonem illum diuinum annos uiginti perpetuos ita audiuisset, ut ne unam quidem interim eius lectionem, nisi grauissimis obstrictus negocijs prætermittcret. Iam uero satis ex historijs constet, nullum eorum, qui in aliquo doctrinæ genere clarissimi fuerunt, non audiendi fuisse studiosissimum? Quis enim ignorat Platonem ipsam, Pythagoram, Democritum, Anaxagoram, innumerabilesque alios, maxime diuersas atque distantes regiones non alia de causa peragrasse, nisi ut uarios disciplinarum præceptores audirent? Quid quod Euclides Socraticus audiendi tanto flagrasse desiderio, perhibetur, ut eius rei gratia capitis etiam periculum adire, sepius non dubitaret? Cum enim Athenienses decreto suo canissent, ut Megarensium ciuium pedem Athenas inferre auderet, alioquin ea res illi homini capitalis esset, erant enim Athenienses odio Megarensium maiorem in modum accensi, tamen Euclides Megaris natus, qui ante id decretum frequenter & esse Athenis, & audire Socratem consueuerat, postquam decretum esse factum audiuit, sub noctem priusquam ad uesperasceret tunica longa muliebri, indutus & pallio uersi colore amictus, uelato capite e domo sua Megaris Athenas ad Socratem commeabat. ut uel noctis aliquo tempore consiliorum sermonumque eius fieret particeps, rursusque sub lucem millia passuum paulo amplius uiginti eadem ueste illa tectus redibat. O miram hominis constantiam, O discendi ardorem incredibilem, quantum enim illud sciendi desiderium fuisse putandum est, quod hominem domi suæ nobilem à quiete nocturna, à domesticis penatibus, à tam longinquo loco lectionis unius audiendæ gratia ad pestem ac perniciem ante oculos positam traheret? Quis est hoc nostro tempore qui non dicam aggredi talia audeat, sed qui longioris paulo itineris laborem suscipere uelit, aut antelucano tempore surgere ut ad professorem aliquem quamuis celeberrimum & eruditissimum audiendum accedat? Itaque minime profecto mirandum, si nulli Platones, nulli Aristoteles nulli Euclides hoc nostro tempore reperiuntur illi enim audiendi gratia totum perne terrarum orbem peragrabant nos etiam eos quos domi habemus eruditos homines audire nolumus. illi non sex tantum aut octo annos sed etiam uiginti plerumque doctorem eundem audiebant, nos si uiginti lectiones audierim

mus etiam professorem ipsum à nobis superatum esse existimamus . Illi capitis periculum adire , modo memoria dignum aliquid audivissent non recusabant , nos ne presentes quidem cum doctorum hominum lectionibus intersumus audire curamus , sed interim aut nugamur , aut animi peregrinamur , aut quod longe peius est , audientibus obstrepimus , & ipsos praeceptores conturbamus . At longe aliter adolescentiam instituendam sapientissimus vir Pythagoras censuit , qui nullo modo fieri posse statuit , ut quis eruditionem aliquam acquireret , nisi prius audire didicisset . Itaque statim ab initio adolecentes , qui se ad discendum obtulerant tacere & audire precipiebant , non uno quidem aut altero die , sed longo omnes tempore , nullus enim apud eum minus quam biennium tacuit . is autem qui tacebat , quæ dicebantur ab alijs audiebat , & intra tempus illud tacendi audiendique ænovis quasi ad audiendum accommodatus vocabatur . At ubi res didicerant omnium difficilimas tacere , & audire , tum verba facere & interrogare , quæque audissent scribere , & quæ ipsi opinarentur , expromere potestas erat . Quam certe Pythagora consuetudinem licet in ea parte aliqui non magnopere laudent , quod tandiu tacere iuvenes assuefaceret . in eo tamen omnes ad unum consentiunt , omnium rerum audiendi rationem utilissimam esse . Quod cum ita sit ad ea semper attentissime sunt aures inclinanda . quæ utiliter & honestè dicuntur . ne quid eorum quod nobis aliquo modo usui esse possunt , pereat , aut decidat . imitandaque est M. Antonij illius disertæ summa diligentia , qui de sua audiendi ratione predicat illud egregium , nihil à se unquam auditum quod quidem memoratu dignum esset , quod non animo suo penitus insedisset . At nos (si Dijs placet) longe diligentius circulatorum cantiones , & mimorum ethologorum , scuriles ineptias quam doctissimorum hominum gravissimas disputationes audimus . quin etiam ad scholas si quando nobis in mentem venit accedere , non ad eas discendi causa . sed tanquam ad Theatrum , & ludorum spectacula , gratia tantum voluptatis accedimus . cum sapientum viro- rum præceptum sit , ut non aliter ad audiendum , quam ad sacrum quoddam convivium placido & quieto animo proficiscamur , & doctrina qui unus su-

M. AN. MAIORAGII

cum lotus aut detensus intensiorina fueris ait Plutarchus non ne soles in spe-
culo teipsum contemplari, ut uideas an ex lotione pulchrior effectus sis? cur
non igitur idem in Gymnasio facis, ut postquam audieris consideres, an ex
lectione doctior euaseris? cogita quid agant in ludo gladiatorio iuuenes, non
enim tantum ad lanistarum ictus ac percussiones caesim punctumque uibratas
accedunt sed arrepto rudi ille gladio secum ipsi eosdem illos ictus meditantur;
aliique recte nunquam digladiandi artem perdiscunt, idem igitur tibi facien-
dum existima, ut non tantum praeceptoris uocem attente diligenterque au-
dias sed ab ea statim librum ipsum manu capias, & quae doctae ac praeclare
dicta fuerint, in memoriam reuoces, est enim admodum res fragilis, & ca-
duca memoria, cui nunquam satis fidere oporteat. Nam illa etiam quae te
rectissime tenere putas, nisi frequenter meditando confirmes, excidere de
memoria, atque effluere plerumque solent. quanto igitur illa facilius efflu-
ent, quae semel tantum audieris, nisi tecum saepius repetas atque animo uol-
uas? neque enim sine causa credas à sapientissimo Philosopho Platone plu-
ribus in locis praeceptum illud fuisse, ut δὲ τῆς τοῦ νοῦ κατὰ φύσιν. hoc est bis &
ter, quod pulchrum est repetamus. uidebat enim uir ille diuinus, nihil in bo-
nis diuturnum esse posse, nisi quod meditatione frequentissima familiare no-
bis, & quasi domesticum reddiderimus nulla est enim in nobis scientia, nisi
quae per habitum (ut uo cant Philosophi) hoc est per diuturnam consuetudi-
nem ita nobis infederit, ut non facile possit ab animo atque de memoria no-
stra dielli. uerum habitum ipsam sapientes docent, non ab una tantum at-
que altera, sed à plurimis atque iisdem frequentatis actionibus gigni consue-
uisse. Quamobrem hoc primum eius adolescentis officium, qui doctrinarum
amore captus est, esse statuo, ut quam diligentissime fieri potest, operam in
audiendo consumat, & quaecunque memoratu digna audierit, ea uel scri-
ptis mandet, ut cum opus fuerit inde petat, uel quod longe praestantius est,
ita meditando memoriae adfigat, ut nunquam amplius elabantur atque hac
prima est, atque praecipua proficiendi ratio. Sequitur altera non minus
quidem utilis & necessaria, sed longe maioris certe laboris, atque operis, ut
scilicet quamplurima legamus. neque enim si audire, quemadmodum osten-
dimus, multo sit utilissimum, atque necessarium ideo solum ad magnam eru-
ditionem comparandam sufficit sed longa etiam atque uaria lectione opus
est, cui tum commode dare operam poterimus, cum ex longa audiendi con-
suetudine bonos intelligere per nos ipsos auctores inceperimus. Qua in
re potissimum ea quae plurimum ubique commendatur adhibenda est dili-
gentia. facile enim nisi diligenter aduertamus nos ipsa lectio decipit. Nam
ferè fieri solet ut ea frequenter in legendo per incuriam transcamus, quae
notatu multo dignissima fuerant. neque enim quo tempore legimus, facile
est, . . .

est, eodem temporis momento, sensum authoris, subiectam materiam, argumentorum inuentionem, rerum & uerborum collocationem, sententiarum grauitatem, uerborum exornationes, exempla, similitudines, ceteraque eius generis dicendi lumina diligenter aduertere. Quamobrem eorum consilium qui præcipere solent, ut egregios authores nequaquam semel euoluisset contentissimus, optimum esse uidetur, est enim in clarissimorum hominum scriptis id admirabile, ut quanto frequentius ea legeris tanto semper iucundiora tibi uideantur, & in eis plura notatu reperiās. Itaque cum ad aliquem nunquam à nobis antea uisum scriptorem aggredimur, eam primo quasi per transennam totum percurrere nos iubent, aut si implures distinctus libros fuerit, integrum primo librum legere, deinde, rursus ad initium regredientes, totum eius argumentum animo comprehendere, & qua ratione tractetur, ab eo sigillatim aduertere, ut si quando nobis in eodem aut simili materie genere uersari opus fuerit, quam imitemur paratam rationem habeamus. Sed ut lectio nobis non unam tantum utilitatem praebeat, interea dum legimus, paratum semper habere calamus, mirandum in modum utile est, ut si forte aliquod in legendo dictum occurrat, insigne, noua aliqua locutio, suauis exornatio, sententia grauis, illustris amplificatio, notabilis historia, similitudo non uulgaris, præceptum egregium atque id genus cetera accuratissime describantur, & ad communes quosdam locos à nobis antea præparatos, tanquam ad nidos, seu fontes suos reducantur unde cum opus fuerit expromi facillime possint, hac sane consuetudine & alias semper usi sunt, & hoc etiam tempore utuntur eruditi uiri, ut ex omni lectionis genere semper aliqua decerpant, quæ ad eruditionem aliquo modo amplificandam pertineant. Nam cui non est auditum Plinij Noucomensis studium? qui tanto legendi & audiendi ardore flagrabat, ut sine staret, sine sederet, sine domi esset, siue iter faceret, semper aliquid aut ipse legeret, aut alium legentem audiret, cuius etiam illud sapientissimum dictum celebratur. omne perire tempus quod studio non impertitur, hinc igitur cum multa scriptorum milliatum externorum, quam Romanorum perlegisset, nunquam tamen ullum legisse librum perhibetur, ex quo non aliquid notatu dignum exciperet, quippe qui frequenter etiam dicere solebat, nullum esse tam malum librum, qui non aliqua ex parte utilis esse posset. Quod ante illum Plato, Aristoteles Cicero innumerabilesque alij sapientes uiri consueuerunt, qui fortunas suas serè uniuersas coemendis libris profuderunt. Nam Plato qui tenui admodum pecunia familiari fuisse dicitur, tres Philolai Pithagorici libros decem millibus denariorum mercatus est, quod tamen ei precium donasse quidam amicum eius Dionem Syracusanum memorie prodiderunt, Aristotelem quoque tradunt libros pauculos Speusippi.

Philosophi post mortem eius emisit, talentis atticis tribus, quæ summæ fir-
 anreorum nostrorum mille & octingentorum, Cicero modo librorum copi-
 am habere possit Cresum diuitiis superare, atque omnium uicos & prata se
 contemnere testatur, atque alibi ad Atticum scribens Bibliothecam (inquit)
 tuam caue cuiquam despondeas, quamuis acrem amatorem inueneris, nam
 ego omnes meas vindemolas eo reseruo, ut illud subsidium senectuti parem.
 tanta erat eis hominibus legendi cupiditas, ut nullam aliam maiorem uolup-
 tatem, nullum mains solatium existimarent, itaque nullum idoneum, ne-
 que diurnum, neque nocturnum tempus intermittebant, quin etiam tum-
 cion alijs negocijs distraberentur successiuas quasdam horas ceteris occupa-
 tionibus subter furari conabantur, ut interim aliquid legere, atque notare
 possent, quod de Catone Maiore legimus, qui etiam in extrema senectute
 Grecis erudiri literis uoluit, cuius egregia proles inferior Cato tanta doctri-
 nae cupiditate flagrant, ut ne in curia quidem dum Senatus cogeretur tem-
 peraret sibi, quo minus Græcos libros legeret, sed nullus exemplorum fi-
 nis esset, si singulorum ardens, atque assiduum in legendo studium, eorum
 qui clarissimi fuere, commemorare uelim. Quare quicunque gloriam eo-
 rum, & dignitatem emulantur, etiam industriam & laborem imitari con-
 uenit. Quamuis ego uobis auditores nequaquam author sum in ista ætate
 iuuenili quoslibet authores aggrediamini, Seruetur ad annos maturiores,
 hæc uariatio euoluant scriptores omnes: qui iam elegantem & politum si-
 bi stylum compararunt, hoc nostræ ætati non conuenit, non utile est non est
 probandum eligendi sunt uobis excellentiores, & in eis insistendum; atque
 insudandum, ut Romana linguæ puritatem, atque elegantiam; quæ in pau-
 cis admodum authoribus perspicitur, in adolescentia percipiatis, nam nisi æta-
 te ista, uobis ornatam dicendi copiam acquiratis postea (mibi credite) fru-
 stra laborabitis, duos igitur uobis præcipue latinos scriptores, nos (inquam)
 qui dicendi rationem, & artem oratoriam colitis, eligite Cæsarem, & Ci-
 ceronem, duos etiam Græcos Isocratem & Demosthenem, quibus immore-
 mini, quos imbibatis, quorum singula uerba notetis, quorum locutiones,
 figuras dicendi formulas ediscatis, quos ita uobis familiares efficiatis, ut
 quicquid uel Latine, uel Græce pronuncietis, quicquid literis mandatis, id
 semper aut Cæsarianum, aut Ciceronianum aliquod dicendi genus præ se fe-
 rat, aut Isocratea Myrothecia. aut Demosthenis lucernam redolet. Nam
 hi uobis Latini atque Græci scriptores, ad omne fere locutionis genus satis
 uberem materiam suppeditabunt, neque ulli unquam omnino uerba deerunt,
 qui sint Cæsaris, atque Ciceronis familiaria scripta, atque domestica, neque
 uero incunditate, aut gravitate carere poterit, cui bene notus Isocrates at-
 que Demosthenes fuerit, sed hæc ratio longa eget exercitatione, diurno

studio

Studio diligenti atque assidua lectione, Quid ergo? dicet aliquis, an alios
 tot ac tantos auctores relinqueamus & negligemus, ut his duobus tantum
 latinis operam danus? imo uero cum quis uestrum iudicio recto uti noue-
 rit, & rerum atque uerborum delectum habere. nullum ab eo negligendum
 esse scriptorem censeo, & eorum præsertim, qui uel Augusti Cæsaris etate
 fuerunt, uel eam præcesserunt, quoniam eo tempore Latinus adhuc sermo
 florebat. Itaque non tantum ab ijs qui iam aliquid profecerunt legi, sed
 etiam si fieri posset edisci, scriptores illos magnopere uelim. Sed quia non
 eos omnes in hac præsertim dicendi arte, atque ratione imitari possumus,
 duos illos quos initio diximus, ut omnium præstantissimos eligamus, quo-
 rum in dicendo uestigijs insistamus, quos è manibus nunquam deponamus,
 quos ediscamus, quos nobis familiarissimos efficiamus, reliquos uero etiam
 omnes quam fieri potest diligentissime legamus, non tantum imitandi gratia;
 nisi siquid occurrat egregium, quantum ut solidam nobis eruditionem ex ua-
 ria lectione comparemus. Nam (ut ingenue fatear (si quis Cæsarem tan-
 tum atque Ciceronem lectionaret, alios autem omnes optimarum artium scrip-
 tores contemneret, quales ego nonnullos agnosco) is certe nunquam inter
 eruditos enumerari posset quamuis enim elegantem ac politam sibi fortasse di-
 cendi facultatem pararet, tamen si quis diligentius aduertat in eius oratione;
 nullæ uires, nulli nervi, nulla solida doctrina, nulla denique recondita eru-
 ditio, sed uerborum tantum ornatorum uolubilitas, & inanis quidam cum
 incunditate sonus, perspicitur. Quod sane in Christophoro Longolio quem
 unum maxime Ciceronianum esse uolunt, apertissime uidere licet, qui non
 apes è florum succis, mel optimum atque suauissimum conficientes, sed puel-
 las è solis floribus corollas contexentes, inuitatus fuisse uidetur, uoluendum
 est igitur (ut Fabius censet) omne scriptorum genus, sed optimis insisten-
 dum, nam ex rerum cognitione redundet oportet, & efflorescat oratio, qua
 non nisi per multorum aucthorum lectionem comparari potest. Ergo ab alijs
 scriptoribus doctrinam & eruditionem, à Cæsare uero, atque Cicrone uenu-
 stam cam, quam querimus, & exornatam dicendi rationem petamus. Ter-
 tia atque ultima studiosi iuuenis cura, illa esse debet, ut posteaquam mul-
 ta diligenter audierit. multa accurate lectionarit, magnumque sibi uerborum
 optimorum & sententiarum cumulum ex audiendi consuetudine, atque ex
 varia lectione, congererit, tum demum omni cura atque diligentia scribere
 aliquid incipiat, & ad usum atque exercitationem ea deducere laboret, qua
 prius cognitione perceperit. neque enim eorum labor approbandus est, qui
 relicta audiendi & legendi cura nimis propere, atque ideo intempestiue sese
 ad scribendum conferunt, nam eos nequaquam solidos atque integros, pla-
 neque perfectos partus, sed inanes (ut Plato vocat) ἀνὰ πύξιν. quasi uento

M. AN. MAIORAGII

conceptos dicas, emittere necesse est, quam enim eruditionem in scribendo possunt illi promere, qui neque ex auditu neque ex mutis (quod aiunt) magistris longo studio, plurima notarint? licet hoc tempore quorundam hominum, qui se doctos atque eruditos existimari uolunt, scripta uidere, tam inania, tam leuia, tam succi expertia, ut nihil aliud in eis quam uerba reperiās. non reconditiorem aliquem sensum non antiquitatem non doctrinam, non denique aliquid quod à uulgarī omnium cognitione abhorreat, hi sunt (ut ait Horatius) uerfus inopes rerum, nugęque canore, nam omnino sine rerum plurimarum scientia, uerborum uolubilitas inanis, atque irridenda est. Quid est enim (ait Cicero) tam furiosum, quam uerborum uel optimorum atque ornatissimorum sonitus inanis, nulla subiecta sententia uel scientia, comprehendenda est igitur prius, multarum rerum scientia, & audiendo & legendo, tum demum eleganter & polite scribere incipiemus. unde enim copiosa, atque elegans oratio prouenire solet? annon à sola sapientia? Nam quod Poeta Venusius ait, omnino uerissimum est.

Scribendi recte, sapere & principium & fons,

Rem tibi Socraticę poterunt ostendere chartę

Verbaque promissam rem non inuita sequentur.

Quin etiam illud esse probabile fatetur orator, quod Socrates dicere solebat omnes in eo quod scirent, satis esse eloquentes. Itaque nemo sperare debet, aliquid se magna laude dignum conscribere posse, nisi prius multa didicerit. Sed hæc duo sunt ita inter se coniuncta atque conglutinata, ut neutrum sine altero perfectum esse possit, quemadmodum enim nullus diserte loqui aut scribere potest, nisi cognitione ac scientia multa comprehenderit, ita quantum multa didicerit, audierit, legerit, & non dicendo ac scribendo, sese multum ac diu exercuerit, nequaquam tamen ea quæ uel optime nouit polite eloqui poterit. Sed quantæ sit utilitatis ad dicendi facultatem acquirendam, diuturna atque accurata scriptio, nullus profecto melius atque exquisitius exprimere posset, quam Crassus ille uir eloquentia singulari, dicendique gloria præstantissimus, apud Ciceronem his uerbis expressit: Caput est autem (inquit) quod (ut uere dicam) minime facimus, est enim magni laboris, quem plerique fugimus, quamplurimum scribere, stylus optimus & præstantissimus dicendi effector, ac magister est, neque iniuria, nam si subitam & fortuitam orationem commentatio & cogitatio facile vincit, hanc ipsam profecto assidua ac diligens scriptura superabit. Omnes enim siue artis sunt loci, siue ingenij cuiusdam atque prudentiæ, qui modo insunt in ea re de qua scribimus, inquirentibus nobis omnique acie ingenij contemplantibus ostendunt se et occurrunt omnesque sententiæ, uerbaque omnia quæ sunt cuiusque generis, maxime quæ illis inania, sub acumen styli subeant, & succedant.

cedant necesse est. tum ipsa collocatio, conformatioque uerborum perficitur in scribendo non Poetico, sed quodam oratorio, numero & modo, hæc sunt quæ clamores & admirationes in bonis oratoribus efficiunt, neque ea quisquam nisi diu multumque scriptitarit. etiam si uehementissime se in his subitis dictionibus, exercuerit consequetur, & qui à scribendi consuetudine, ad dicendum uenit banc affert facultatem, ut etiam subito si dicat, tamen illa quæ dicantur similia scriptorum esse uideantur, atque etiam, si quando in dicendo, scriptum attulerit aliquid, cum ab eo discederit, reliqua similis oratio consequetur ut concitato nauigio, cum remiges inhibuerunt, retinet tamen ipsa naui motum & cursum suum intermisso impetu, pulsique remorum, sic in oratione perpetua, cum scripta deficiunt, parem tamen obtinet oratio reliqua cursum, scriptorum similitudine & ui concitata. Quis est igitur uestrum iuuenes qui cum ex his Crassi uerbis intelligat, quanta assidue scribendi utilitas, non omni cura studio, labore, opera diligentia, sese ad plurimum scribendum conserat? nam quæuis initio res admodum laboriosa ut quæ ardua uideatur, postea tamen consuetudine, fit quotidie faciliior & planior. Sed illud inter scribendum obseruare diligentissime oportet, ut non quicquid sub acumen styli subit ac succedit, admittatur, multa enim scribenti occurrunt quæ uel leuia sunt, uel à re de qua agitur aliena, uel denique inculta, horrida, lepore omni spoliata, quæ reijcienda sunt omnia, tantumque illa sunt admittenda, quæ causa nostræ primo sint accommodata, deinde quæ cuiusque generis dicendi luminibus distincta sunt, habendus est enim rerum ac uerborum delectus, ut rationes & argumenta quibus causa nostra confirmetur accurate queramus, & excogitemus, eoque ordine disponamus, ut nihil alienum à re proposita, nihil importunum atque intempestiuum à nobis dici uideatur. Sed ita inter se omnia colliguntur, ut unum quoddam absolutum & elegans corpus omnium membrorum apta compositione, & partium conuenientia confletur. Verba uero ipsa primo latina sint & polita, & antiquam illam Ciceroniani temporis maiestatem ac dignitatem præ se ferant, deinde splendida, consonantia, grauius rebus denique ipsis accommodata, uerborum compositio plena, & quodammodo rotunda, ut aure ipsa clausularum numeros, metientes semper expleantur, ne aut non compleatur uerbis, quod propositum aut redundet. oratio tota dilucida, nam (ut ait Aristoteles) prima uirtus orationis perspicuitas est, & quo quisque fuerit excellentior, tanto etiam in dicendo faciliior esse solet, quod adeo licet apertissimis, Caesaris, Ciceronis, & Virgilij, exemplis agnoscere, qui cum omnium scriptorum præstantissimi, atque excellentissimi sint, & habeantur, omnium etiam (ut perspicuum est) facillimi, atque dilucidissimi sunt. Quamobrem eorum consuetudo, qui sermonis obscuritatem, & aestu

M. AN. MAIORAGII

diose scribunt, quæ potius mirentur, aut spernant homines, quam æque intelligant irridenda est. est enim ideo nobis à natura data oratio, ut per eam animi sensa dicendo exprimamus, quo fit ut quanto quis apertius & clarius id efficit, is tanto etiam excellentius & loquatur & scribat. Sit ergo uestra iuuenes oratio, clara, aperta, dilucida, sed eo tamen studio, atque industria elaborata, ut omnes dicendi Veneres, omnes exornationes, omnia Lenocinia complectatur, illustris enim illa atque suavis oratio, concentu quodam atque apta modulatione condita, crebrisque figuris distincta mirandum in modum audientium animos delectat, eam autem quomodo, & quibus præceptis efficere possitis, ex arte quam docebimus Rhetorica percipietis, usum autem atque experientiam in ipsius Ciceronis orationibus, quas interpretabimur expressam nidebitis. Quamobrem ut aliquando dicendi finem faciam, & summarim omnia colligam, optimam in adolescentia proficiendi rationem hanc esse statuiamus, ut prima sit artium professores attentissime audiendi cura, sine qua nihil recte percipi nihil clare intelligi potest, & quæ nos à magnis, quos alioqui subire opus esset, laboribus & obscuritatibus liberat. Altera ut quam plurima legere, atque euoluere studeamus variasque disciplinas percipiamus, sine quibus nulla potest esse satis exornata, atque laudabilis oratio, & ut eos quos imitari nolumus authores, nobis frequentilectione familiarissimos efficiamus. Tertia atque ultima, ut multum atque accurate scribamus, quoniam neque artes optimæ, neque rerum cognitio ad eloquentiam sine scribendi assiduitate multum inuuant. Quid igitur superest, nisi ut uos rogem obtesterque iuuenes, per ipsas quas maxime colitis, uenerandas atque amabiles Musas, per exoptatæ à uobis eloquentiæ, pulchritudinem, atque claritatem, per ipsius humanitatis splendidissimum, & maxime suspiciendum nomen, sic ad hunc locum audiendi mei gratia ueniat, ut uos modestissime gerentes, & silentium quod istam ætatem uestram maiorem in modum exornat, amplectentes ex omni lectione utilitatis aliquid referre studeatis, deinde priuatim ita bonos authores euoluatis & scribendo stylum exerceatis, ut nullum omnino diem (quod aiunt) sine linea transeatis. Ita fiet ut apertas Musarum ianuas ingressi facili promptoque animo ingenio, Musis ipsis fauentibus eo splendore atque dignitate ab eis reuertamini, ut uos omnes tam nostrates, quam extræ nationes, tanquam eximios quosdam ac prope diuinos uiros, magnopere suspiciant & admirentur.

108
DE AVDIENDI RATIONE,
ad iuvenes Mediolanenseis.

ORATIO XVII.



*V*M non ita pridem Auditores Christianorum Principum discordijs & bellico tumultu percussos uiderem, ac perterrefactos omnium animos, uerebar equidem ne id accideret, quod in huiusmodi temporibus & calamitatibus contingere solere scimus omnes; ut neglecta liberarum artium ac disciplinarum studia desereretur; dolebamque nec mediocriter angebar, post longum temporis interuallum renascentes iam in hac florenti ciuitate bonas literas tam cito temporum iniuria penitus extinctas. Nihil enim (ut ingenuè fatear) fiducia, nihil denique erat, fore, ut hoc anno quisquam publice profiteretur. ita uidebam iam prostratas iacere literas omnes serè professores, stipendio suo priuatos, solum Tici-nense Gymnasium, edito publico discipulos auditoresque dimissos ut nullam unquam alleuationem, nullam amplius dignitatem habitura literarum studia viderentur. Sed uicit tandem prudentissima Senatus auctoritas temporum iniuriam, nolunt optimi parentes ui Martis ac belli seruore fieri, ut penitus intereant. Erigunt in speciem pramiorum ac dignitatis professores, memores sunt non minus doctrinam atque eloquentiam quam artem militarem, Reip. conducere. Itaque nullo modo pati possunt, ut hac Mediolanensium iuuentus ingeniosissima, sine ullo rectore sine moderatore studiorum, sine duce uiuens, rectissimam uitæ rationem deserat. Quæ sapientissimi Senatus humanitas & clementia, quo præconio quibus laudibus in cælum digna sit efferrî, quis est uestrum auditores, quin intelligat? Quis non uidet hoc tanto beneficio, tantum Senatui nostro, omnes ingenuarum artium amatores debere, quantum persolvere difficillimū esse uideatur? Reliquū est igitur egregij iuue-nes, ut quoniam ad utilitatem uestram, uidetis omnium bonorum diligentiam ex-cubare uobis ipsi non deesse uideamini. Sed hominum sapientissimorum exam-pla, qui omne suum tempus perdiscendis literis transmittendum esse uolue-runt, uobis ob oculos proponatis, quorum imitari industriam continentiam-que maximè debetis, ut eundem, quem optimi ac nobilissimi, petere cursum laudis ac dignitatis facile possitis. Et quoniam præter ceteros omnes cuiuslibet

M. AN. MAIORAGII

bet nationis adolescentes, vos Mediolanenses ingeniosissimos esse, & literarum appetentissimos, iampridem cognitum ac perspectum habeo. sed tamen (ut sit) in ista aetate plerumque vestrum aut ignorare quibus modis id assequantur, quod magnopere concupiscunt, aut apertam ac patentem Mulsarum ianuam non ingredi. Statui vobis hodie breuiter exponere, qua ratione publice profitentes auditis, plurimum in doctrina proficere valeatis, ut quemadmodum diligentissimi solent agricolae priusquam semina proyiciant terram conscindere, vepres adurere, silices extirpare, sulcos omni diligentia praeuolire, ut quam optime grana foucantur, ita nos etiam vestros animos, si quid in eis fortasse uitij reperitur, prius repurgemus; deinde ad audiendum & percipienda liberalium artium semina, praeparemus, quae fructum cum tempus fuerit vobis uberrimum, & amplissimum afferant. Sic enim facile omnes intelligent, mihi neque industriam neque diligentiam deesse, in eo exequendo, quod magna cum ratione suscepi negotio, & vos cum ad me audientem congregabimini, non sine magna utilitate quotidie discedetis. adesite igitur aequo animo, & quod sit vestrum officium in audiendo cognoscite. Primum igitur mihi uidetur quales esse debeant auditores, deinde quod eorum sit officium esse dicendum, & quoniam mihi cum eis potissimum sermo est qui iam a priuatis magistris discessere, & publicas tantum lectiones audituri sunt, ij quoniam & facilius & periculosius, peccant a me in primis admonendi sunt, ut assuescant, recte & salubriter admonentibus, obtemperare; est enim quasi propria florentis istius aetatis intemperantia, quae toto impetu fertur ad voluptates, neque facile cuiusquam imperium patitur, quo fit ut dum se liberos ac solutos id aetatis adolescentes, quia praepceptore carent arbitrantur in multo peiores ac perniciosiores pedagogos (ut ait Plutarchus) incidant, hoc est in prauas cupiditates, quae hominem ita commouent & perturbant ut nihil, de bonis moribus, nihil de uirtute sinant cogitare. Itaque iuuenes eos qui iam a praepceptore discesserunt, aut doctorem hominum fidelissimis atque amantissimis consilijs parere opus est, aut ipsos per se quae sit optima uiuendi ratio considerare, atque illam omni contentione sequi. Praeclare enim Hesiodus scriptum reliquit, omnium ille mortalium esse optimum. qui per omne uita suae tempus, quae sunt optima per se cogitat, quin etiam illum bonum esse, qui recte consulenti parere studet. Qui uero neque per se quicquam recte sapit, neque rectis obedire consilijs animam inducit, cum & sibi & alijs penitus inutilem esse. Vobis igitur iuuenes siquid unquam egregium praestare concupiscitis, omni cura ac solitudine providendum est ne in eorum numero sitis, qui penitus habentur inutiles, quod dedecus & infamiam facillime fugietis, si praecellam eam sententiam quae inter septem Graeciae sapientum oracula

enla celebratur audiueritis, quæ iubet ut Deum sequamur, hoc est (ut Plutarchus interpretatur) ut rationi parcamus, quæ sola in nobis diuina est, quæ semper animum ad res honestas à turpibus reuocat. hæc est ea Pallas quam apud Homerum Achilles audiendam esse censet, quam prudentissimum uirum & Iyssem audire, Socrates prædicabat, quæ à turpitudine semper eum abstraheret, & ad honestatem impelleret. hæc est ea natura, quam se tanquam optimam ducem sequi Cato Maior apud Ciceronem prædicat, cui qui paret à recta uia nunquam aberrare potest. cum hoc diuino numini cæca ac temeraria dominatrix animi cupiditas, non permiscetur. Quare si eam animi uestri partem quæ mollis est, & rationis experts, quoniam apud sapientes in duas partes animus diuiditur, ita effeceritis ut obedire consilio, rationique possit, maximum ad omnem uirtutem ac disciplinam gradum iam uos parasse intelligetis, cætera enim omnia leuia & facillia uidebuntur. Nam qui apud animum suum ita constituit, ac decreuit, ut nihil aliud quam uir probus esse uelit, is profecto nulla cupiditate, nullis uoluptatum illecebris, ab honestarum artium studijs, ad ocium retrahetur. Itaque mihi dentur ij auditores, quos primum literarum ardor trahat, atque ijs studijs dediti sint, quæ nobiles atque ingenuos deceant adolescentes, deinde qui rationem non appetitum sequantur eos ego nunquam incontinentes, aut temerarios fore pertimescam, in ijs ego nunquam desidiam aut tarditatem uerebor. Testis est enim Socrates eos multum breui tempore proficere, qui discendi studio atque amore ducuntur. quibus uero consilio ac ratione nihil est antiquius, ij nihil unquam temere, nihil turpiter, nihil inconstanter efficient. Restat igitur quoniam docuimus quales auditores esse oporteat, ut etiam de eorum officio nonnulla differamus quod dum facio queso uos, sicut hætenus fecistis diligenter audite. Nulla est enim mihi credite iuuenes proficiendi uia breuior, nulla melior, nulla præstantior, quam eos qui profitentur reuereri, & amare, deinde quibus de rebus uerba faciant, libenter, & diligenter attendere. Nullo enim modo fieri potest, ut qui professorem non suspicit ex eius uerbis utilitatem capiat, quin potius in deteriorem partem omnia contemptor trahit, & quæ præclare dicuntur ea prætermittit, siquid in dicendo titubatum fuerit illud arripit, & memoriæ mandat, Discit enim citius (ut ait Horatius) meminitque libentius illud.

Quod quis deridet, quam quod probat & ueneratur.

Quapropter aliquando mihi præceptorum sortem ac fortunam uenit in mentem deplorare, adeo sunt multi qui sinistro quodam more nihil attendant, quam multa & erudita, & recondita publici lectores afferant, quanta cura & industrialectiones suas amplificent quam memoria & quo ingenio de uarijs rebus edisserant, quo denique labore plurima peruestigent, uerum si quis eo-

M. AN. MAIORAGII

rum breviorē aut longiorē in dicendo syllabam, unam pronunciarit, aut si in orationis cursu lingue non mentis errore parum aliquid appositè dixerit statim imperitum appellent, bonarum literarum ignarum, barbarum nullius frugi hominem, hinc contemptio professorum: quæ pestis usque comen- tem auditoris inuadit, ut nihil amplius proficiat. Hoc igitur providendum est iuuenes, ut ne uobis in mentem unquam ueniat auctorem uestrum irri- dere, quod ita facillimè fiet, si uos per etatem nondum rectè indicare posse intellexeritis, si cogiteris à sapientissimo Senatu, id est à doctissimis homi- nibus eligi qui publicè doceant, qui non admitterentur ad tam graue munus, nisi prius eruditionis & doctrine specimen de se præbuissem, si denique pu- tetis neminem esse tam audacem ac temerarium qui nisi multa audierit, lege- rit, scripserit, annotarit, publicè profitendi munus suscipiat. Postremo si apud animum uestrum ita statueritis, nullum, esse mortalium qui omnia sci- re possit, aut qui non interdum in re aliqua labatur, sed illius Horatianæ sen- tentiæ memores esse oportet.

Vtrum ubi plura nitent in carmine non ego paucis

Offendar maculis, quas aut incuria fudit

Aut humana parum canit natura. Hoc enim modo etiam si quando profes- sor uno uerbo lapsus fuerit, quod quis non facit? non statim contemnetis sed potius tanquam paruentem amabitis, qui nihil magis cupiat, quam ut uos in omni doctrinæ genere sub eo duce præstantes euadatis, qui dies & no- ctes illud unum cogitat, quomodo quamplurimum de uobis bene mereri pos- set. hæc si cui uestrum in mentem ueniant, non dubito quin ille præcepto- rem suum maximo sit amore prosecuturus, qui primus est, & maximus ad doctrinam gratus. proxima est audiendi ratio, quæ si diligens fuerit nihil in studijs utilius esse potest. Itaque Demonicum suum Isocrates sapientissimè cohortatur, ut omne suum tempus omnem iuuenilem etatem in audiendo con- sumat. sit enim ut quæ præceptores ipsi longo tempore laborantes longo stu- dio & industria perceperunt, ea siue labore statim auditores ediscant, quod si bonos & eruditos esse magistros acciderit, non tantum audientes in disci- plinis proficiant, sed honestos etiam mores ac probitatem imbibunt, docet enim Theophrastus audiendi sensum ad affectus commouendos omnium ma- xime pollere. Quippe uariæ cupiditates præceteros sensus in animum ir- repunt, per uisum, per tactum, per gustum, per odoratum, Sed ut ad hone- statem ac bonam frugem iuuentus perducatur, una uia, atque una ratio hone- stis præceptionibus aures inbuantur. Bene autem & sapienter Xenocra- tes præcepit, ut auribus nostris ab una parte quasdam quasi sepes apponere- mus, ne sadi ac perniciosi sermones ingrederentur, ab altera disciplinis at- que optimis Philosophiæ præceptis pateret aditus, nequid eorum quæ hone-
stè,

sic, ac salubriter dicuntur decadat & evanescat, verum nescio quo pacto con-
 taminatus est, & corruptus in plerisque sensus hic omnium utilissimus
 audiendi. Nam si quis in foro circulator aut praelegiator meas, nugae, &
 ficulis gerris uaniores, atque inutiles fabulas recitet, aut si quis Thraeo glo-
 riosus ferociam suam ostendet, & martios furores ac bella percrepet, deni-
 que si quis, de lautis epulis de meretricijs amoribus, de chorais de tripudijs
 uerba fecerit, multi statim ad sunt auditores, qui singula notent, qui ex il-
 lius fabulatoris ore pendentes fileant, atque (ut ait Virgilius) arreptis auri-
 bus assent. Si uero qui de literarum studijs de honestate, de recta uiuendi
 ratione differat mirum dictu, quam paucos inueniat, qui animum inten-
 dant, qui cupide audiant, qui finem orationis expectent. adeo multi sunt
 hoc tempore (ut ait Cicero) discum audire malunt, quam Philosophum. Sed
 nos quasi desperatos istos relinquamus, qui omnis uergete laudis expertes, ni-
 hil quod utile sit audire, nihil discere concupiscunt, mihi uobiscum sermo est
 egregij iuuenes, quos uirtutis ardor excitat, quos dignitatis ac fame cupidi-
 tas incendit, quos memoria posteritatis inflammat, qui nihil ocio literario
 dulcius, nihil doctrimis amabilius, nihil uirtute formosius intelligitis, uos
 igitur oportet ad professorem (ut optime Plutarchus docet) non aliter atque
 sacrum epulum accedere animo uidelicet placido & benigno, ut ea laudetis
 quae pulchra, & apposita memoriaeque commendetis. praeterca beneuolen-
 tiam & officium doctoris ametis, cui nihil est potius, quam ut uestram iuueni-
 tutem alat, & ad ueram laudem ac gloriam inducat. Hae est ea modestia
 quam apud Platonem requirit Socrates, quam tantopere laudat in Thaeeto
 quodam attico iuvene, quem ait ad liberalium artium disciplinas magna cum
 mansuetudine uenire solitum non aliter atque solet oleum sine strepitu desue-
 re, & merito, quis enim modestum adolescentem & uerecundum, qui fre-
 no rationis aetatis feruorem coarceat, & se gerat in rebus omnibus, ut nihil
 petulanter, nihil improbe, nihil temere faciat, non uehementer amet? quis
 non placidos adolescentis mores, & pene maturam in florenti aetate pruden-
 tiam exosculetur? quis non eum iuuenem admiretur, qui nulla proteruitate,
 nulla petulantia, nulla libidine trahatur ad dedecus? sed ad studium uirtutis
 & honoris inflammatus, nullam inuandio rem aut beatiorum uitam esse iu-
 dicat quam in optimis disciplinarum artibus aetatem suam conterere, an non
 ille iuuenis amandus? non (ut dicitur) in sinu gestandus, non summis laudi-
 bus extollendus? qui omni studio, cura, diligentia, prouidet, nequid om-
 nino committat quod sibi uicio uerti possit, & nihil honestate praestantius ef-
 se iudicat. confer huic effrenatum illum & intemperantem adolescentem
 quem neque ratio, neque existimatio, populi, neque leges sapienter institu-
 ti & possunt a turpitudine reuocare, qui spreta religione, contemptis disci-

nis eam tantum qua nulla capitalior pestis est, corporis voluptatem sequitur: que omne consilium ac rationem impedit, que mentis perstringit oculos, nec ullum habet cum uirtute commercium. quis non uidet, quanta sit inter eos dissimilitudo? quantum laudandus ille sit hic improbandus? neque hæc dico quod quisquam eorum quos ego nomi ex uobis hac labe dedecoris sit infectus. Nam ut liberè de uobis quod sentio dicam, multis in rebus Mediolanensis iuuentus excellit, promptum habet ingenium, felicem memoriam, naturam omnibus literis accommodatam, sed unum est quod in uobis reprehendatur, quod tamen est eiusmodi, ut emendari facillimè possit. Nam ut elegantem & ueram similitudinem inducam, quemadmodum Momus ille Deorum reprehensor, nihil in uenere quod reprehensione dignum uideretur inuenire potuit, nisi quod illius sandalium, ut stridulum, nimisque loquax, & strepitu molestum calumniabatur. Quod si Vcnus sandalium illud abiecisset, nullam omnino Momus ansam calumniandi reperisset, ita ego si uos paulo quietiores, & attentiores in audiendo uideam, tantum inter alios omnes excellere indicarem, ut etiam ipsi Momo satisfacere possitis. Atque utinam ea mihi dicendi facultas esset ea uis, ea copia, qua uestros animos, ab ijs uitijs que fert adolescentia penitus amouere, & ad unicum benè beateque uiuendi scopum inflammare possem, profecto intelligeritis nihil mihi magis esse in optatis quam ut prastantes in omni genere uirtutis, ad magnos dignitatis gradus aliquando ueniat. Ponite uobis ante oculos Palemonis exemplum, qui uasapientissimi hominis reprehensione mutatus, ex infami ac perditio Gancone, maximus Philosophus euasit. Hic enim ditissimus erat Athenis, sed luxu perditissimus adolescens, qui non solum uoluptatum illecebris, sed ipsa etiam insania gaudebat, sed cum aliquando è conuiuium non post occasum solis uernum matutino tempore domum reuertetetur, uino grauis, unguenta redolens, sertis capite redimito, necte pellucida conspicuus, Xenocratis Academici Philosophi patentem ianuam uidit, itaque scholam eius turba doctorum hominum refertam, cum eo ornatu petulantè intrauit, nec contentus tam deformi introitu, consedit etiam, ut clarissimam Xenocratis eloquentiam, & prudentissimam Philosophiæ præcepta temulentie, lasciujs irrideret, sed cum inter omnes orta esset indignatio, Xenocrates ipse nullum in eodem habitu continuit omisissaque re de qua differebat, de modestia ac temperantia loqui caput, qua in oratione tanta fuit sententiarum grauitas, tantum uerborum pondus, ut rescipiscere coactus Polemo primo coronam capiti detrahitam proiecerit, paulo post brachium etiam intra pallium reduxerit, atque ita summa cum attentione, Xenocratis orationem audiens, eam temulentiam ac lasciuiam quam è conuiuium portauerat eloquentiæ uic coactus deposuit, postremo totam penitus lasciuiam exiuit, atque ita uini orationis saluberr-

luberrima medicina sanatus, turpissimam illam uita consuetudinem dereliquit, & tanto ardore ac studio Philosophiam complexus est, ut inter primos breui tempore Philosophos haberetur, & Xenocrati magistro succederet, ecquam creditis mentem Polemoni fuisse Iuuenes, ecquem animum? sapientissimam Xenocratis orationem audiens, etatis suae labem, & ignominiam apud se cogitaret, equidem eum credo, adeo commotum ac perurbatum amissi temporis recordatione, ut nullo modo lachrymas continere potuerit, atque ita secum tacite locutum. O miseram & infelicem uitam meam, qui florem etatis frustra conteram, qui non intelligam has delicias & voluptates breui dilapsuras, qui non aeternitatis dulcedine commouear. O triste fatum si quidem inglorius & infamis semper futurus sum. ergo Xenocrates in omnium ore uersabitur, Polemoni per ignauiam tempus peribit? O si pueriles annos recte collocassem, quibus illi negocijs, quibus ineptijs per imprudentiam mihi defluxere? heu sortem iniquam nemo unquam mihi uirtutis speciem ostendit, nemo desidem ac inertem excitauit nemo scientia pulchritudinem aperuit, sic infelix pupillus neglectus ab omnibus, rerum ignarus turpiter uixi. Sed iam ualeant delitia, ualeant conuiuia, procul ò procul absint uoluptates, quibus nullum est cum uirtute commercium, en unicum est remedium, toto impetu ferar ad labores, ardentius ac vigilantius literarum studia complectar, nullam me ocium, nullus somnus retardabit. non fames, non sitis, non frigus, non calor ab incepto studio remouebit, ingens enim ut video gloria longo labori comitatur. O factum egregium & ab omnibus uobis imitandum Iuuenes. O summe parens & omniam conditor Deus hac uota mea que tibi sanctissime nuncupo fac ut rata sint, fac ut hanc nobilissimorum adolescentium consociationem uirtutum omnium amore flagrare uideam. O felicem ac beatum istam etatem uestram Iuuenes si relictis uoluptatibus, & quaecunque uobis infamiam possunt ac dedecus apportare, unam honestatem & literarum gloriam ac splendorem amplexi fueritis, quod nescio qua permotus animi diuinatione futurum confido.



CVM MEDIOLANO DISCES-
surus esset, ad auditores suos.



ORATIO XVIII.



IVTVRNI laboris Auditores, quo publica
quidem utilitatis gratia, sed inuiti mihi diligen-
tia, sum his temporibus usus, in hac (ut uere di-
cam) non satis fortunata ciuitate, finem hodie-
nus dies attulit : neque enim post hac ex hoc lo-
co more solito, me quisquam summos auctores
Tullium ac Demosthenem interpretantem, atque
officio meo studiosè inuigilantem fortasse unquā
audiet. Decretum est enim iampridem mihi,
quod uos omnes iam audiuisse exislimo ciuitatem hanc derelinquere, sedes-
que alias & uitæ conditiones inuestigare, Quamobrem meas partes esse du-
xi, uobis hac extrema oratione discessionis meæ causas aperire, simulque o-
stendere quantum huic ciuitati debeam, quantumque uos omnes eolam ac
obseruem. Ac primum illud uos intelligere sanè peruelim me non inte-
gerrimi Senatus nostri causa qui me, quod quiuis facile iudicare possit, &
uehementer amat, & certatim beneficijs suis & priuatis, & publicis digni-
tatem meam amplificat discedere statuisse, sed partim temporum iniuria, par-
tim etiam quodam consilio meo. Nam cum grauissima Senatus auctoritatē
diligentissime prouisum esset, ut non imperitos iuuentus nostra disciplinarum
ferè omnium professores haberet, eiusmodi tempora secuta sunt, ut non iam
doctrinæ, sed rei militaris peritis præmia proponere, ac stipendia persolvere
necesse sit. Itaque rectissime illi facere uidentur hoc tempore, qui de publi-
cis præmijs desperantes, aut priuatam sibi uiuendi rationem eligunt, aut pa-
trijjs sedibus derelictis, alias sibi conditiones & prouincias querunt, ubi nec
Bellonæ nec Martis nomen audiat. Nam quis non uidet eo redactam esse
ciuitatem nostram, ut non solum iam ærarium omnino sit exhaustum, sed
etiam omnium ferè priuatorum domus exinanitæ, quod nisi Deus aliquis ex
improviso apparens (ut in Tragædijs fieri solet, ab impendentibus miserijs
eam liberet, uereor ne uehementius etiam affligatur, sed hæc ille uiderit
qui cælestia maxime procurat, deinde in terris, quæ ad homines pertinent.
Ego certe si quis unquam amator patriæ fuisse perhibetur, & qui pro ea in
qua natus & alius est Rep. non opes solum ac fortunus. Sed ipsam etiam si sit

opus uitam, profundere paratus sit, ut eam ab imminentibus malis & calamitatibus liberet, ex eorum esse me numero profiteor, qui neque Codro Atheniensis, neque Thebano Menecæo, neque Romanis Decijs Cæsuri sint. Sed cum eum esse Reip. statum uideamus, ut nibilei neque nostra operante consilio prodesse, aut opitulari possimus, stultum est in ea diutius commorari, cum præsertim alibi commodius esse liceat, ac non eam potius Teuctri uocem usurpare, quam Tullius ait ad omnem rationem accommodari posse Patria est ubicunque est bene, quod neque male dixisse uideri potest Ouidius:

Omne solum forti patria est, ut piscibus æquor.

Ut uolucris uacuo quicquid in orbe patet.

Hinc illa diuini Socratis sapientissima responsio, qui cū aliquando ciuitatē se esse diceret, interrogaretur, mundanū se esse respondit. Totius. n. (ut ait Tullius, mundi se incolā & ciuē arbitrabatur. Quippe nouerat ille Philosophorū præstantissimus, animal hoc prouidū, sagax, multiplex, acutum, memor, plenū rationis & consilij, quem uocamus hominem præclara quadā conditione generatū esse à summo Deo, ut globum hunc totius cæli, medium tueretur, quæ terra dicitur, non ut hanc, aut illam tantam partem tenere necessitas aliqua cogeret. sed ut omnes terrarum orbis regiones, si libuisset ei, peragrarè posset. Itaque multos accepimus suam rem bene gessisse, & publicam patriæ procul, multos qui domi ætatem agerent, propterea fuisse improbatos. Nam qui nunquam à patria sua nunquam discedunt, ij profecto mihi spongijs ac Lepadibus, persimiles esse uidentur, quæ quoniam sentire creduntur, à quibusdam inter animalia numerari solent, sed cum ab eo loco, cui semel natiuis testis adhererint auelluntur non ita multo post intereunt. Quid ergo? nonne Zephytis istis, ut Aristoteles appellat, ij simillimi sunt qui nusquam locorum sciunt, nisi in patria sua uiuere? Atqui longe aliter sensere Pythagoras, Plato, Democritus, Anaxagoras alijsque pene innumerabiles Philosophi, qui states suas in perpetua peregrinatione consumpserunt. Quid quod ex nobilissimis Philosophis plurimos accepimus, semel patriæ fines aggressos, domum nunquam reuertisse? ita Xenocrates, Creanto, Arcesylas, Lacydes, Aristoteles, Theophrastus, Zeno, Cleanthes, Chrysippus Antipater, Carneades, Panætius, Clitomachus, Philo, Antiochus, Posidonius, infinitique alij. Quis igitur non hos inuitari potius uelit, quam istos inertes, ac desides, qui tanquam Claudij sutores aut Cochleæ perpetuo domi sedent, neque unquam agelli sui fines egrediuntur? Hæc est medijs fidius res homines libro dignissima, uarias lustrare prouincias ac regiones, celebres inuisere ciuitates, multarum nationum mores ac uitas ediscere, sinus, portus, promontoria, montes, flumina, Mariæ, Chersonesos insulas, loca denique

M. AN. MAIORAGII

nique quaecunque sunt insignia diligentissime cognoscere, Nihil enim hæc prudentia fieri potest ornatus, Quare cum poetarum ille Corypheus Homerus, à quo ceu fonte perenni. Vatum Pieris ora rigantur aquis, Vlysses suum amplissimis laudibus in cælum ferre decreuisset, illum à peregrinatione primo laudauit, ut plurimarum rerum peritissimum ostenderet, sic enim ab Vlyssis nomine quod inscripsit opus inchoauit.

Dic mihi Musa uirum captæ post mœnia Troiæ

Quimores hominum multorum uidit & vrbes.

¶ merito? Quid enim fuisset Vlysses? Ithacam illam suam saxulis asperis inherentem, tanquam nidum semper incoluisset? Quid Alexander Magnus si Macedonia fines unquam esset aggressus? Quid Democritus, nisi obscurissimam Thraciæ Ciuitatem Abderam patriam suam reliquisset? Quia Diogenem Cynicum agnouisset, si perpetuo Sinopem in qua Ciuitate natus erat. incoluisset? Anacharsis non in Scythia sed Athenis cognitus est. Tarquini (Priscus non in patria sua, sed Romæ Regnum adeptus est. Hercules etiam ut ad subulas uenianus non Thebis Beotijs neque in Græcia tantum, sed in extremas occidentis partes progressus, atque erectis ibi duabus columnis sempiternam gloriam, ac diuinos honores acquisiuit, Saturnus à sedibus paternis expulsus à filio, non tantum regnum in Italia sed etiam diuinitatem adeptus est, stultum est omnino atque inane uotum eorum, qui sperant in perturbata patria atque etiam in tranquilla, & quæta multum excellere posse. Scitum est enim ac vulgatum illud & euangelio neminem esse prophetam acceptum, aut honoratum in patria. Nam qui ciues, tam benigni, tam comes, tam candidi reperiri possunt, quibus non illud Ephesiorum elogium placeat, de quo scriptum esse dicitur apud Heraclitum Thyficiæ de Principe Ephesiorum Hermodoro, quem cum ciuitate expellerent ita locuti sunt. Nemo de nobis unus excellat, sin quis extiterit alio in loco & apud alios. Ita est profecto nemo est qui non velit ciues suos apud exteras nationes esse quam florentissimos, & celeberrimos præsentibus uero cum in aliqua re uident excellere, uel eis inuident uel aliqua ratione conantur expellere clarissimus fuit superior Africanus, dum in Hispania, dum in Africa dum in Asia bellaret, dum Penorum impetum, Annibalis crudelitatem, Antiochi temeritatem, à prouincijs Romanorum, à Mænibus patrijs, à socijs atque amicis propulsaret, sed cum Romæ in toties conseruata, & uictorijs ac triumphis illustrata patria cepisset immorari, plurimis calumnijs, & iniustissimis accusationibus exagitatus, furori tandem ciuium cessit, & in uilla sua Linterni mortuus, Sepulchro suo tale iussit Epitaphium inscribi: ingrata patria ne ossa quidem mea retines, Quid AEmilianus Scipio huic uirtute similis, rerum gestarum gloria maior, quo de-

muni splendore, quanta dignitate, qua celebritate fuit in Africa dum Car-
 taginem Romanis Imperiis pertinacem amulam expugnaret ac penitus dirue-
 ret: quæ post hæc uirumque admiratione dum in Hispania Numantiam decem
 annos obfessam à Romanis radicibus euelleret, tamen domum reuersus pro-
 pinquorum suorum insidijs interfectus est, Tempus mehercule citius quam
 oratio descenderet si de Themistocle, Alcibiade, Miltiade, Cimone, infini-
 tisque alijs commemorare uelim, qui de patria sua bene, uel potius optime
 meriti tamen cum apud exterarum nationes summam gloriam & honorem ade-
 pti fuissent, à ciuibz suis maximas iniurias perpessi sunt. Sed nemo uestrum
 existimet, me hæc ea de causa recensere, ut aliquem à patriæ salute desren-
 denda ac tutanda deterream, hoc enim omnino scelus atque impium es-
 set, cum ut nobilissimorum sententia, Philosophorum est, magis patriæ quam
 parentibus, ac nobismet ipsis debeamus, uerum ut ostendam non debere
 quenquam nimium dolere aut cruciari, si dignitatem suam in patria diutius
 obtinere non possit, neque multum iniquo ferre animo, cum ab ea fuerit si-
 bi recedendum, At dicet fortasse quispiam, quid est quod tu de ciuibz tuis
 conqueraris, quasi uero non ego iam initio proposuerim me hodie uelle de-
 clarare quantum ciuitati debeam, tantum enim abest ut quicquam ego de
 Mediolanensibus uiris conquerar, ut etiam eos omnes diuinis prope laudi-
 bus exornare contendam, & tantum eis me debere libentissime fatear &
 agnoscam, quantum persolvere difficillimum esse uideatur. Neque fuit aliâ
 causa quæ me impelleret ad hæc habendam hodierno die coram uobis oratio-
 nem, nisi ut hæc extrema uoce mea de hoc loco quantum facultas mea ser-
 uet, testatum apud animos uestros relinquerem mecum erga uos omnes in
 ere dibilem beneuolentiam uel potius pietatem, ut Mediolanensium ci-
 uium, ut sapientissimi Senatus, ut principum nostrorum immortalia erga me
 beneficia predicarem, ut omnium nobilium uirorum propensam in me nolum
 tatem extollerem. Nullus enim fuit iam multis annis (ut arbitror) ex ordi-
 ne meo, cui magis faverit, hæc uniuersa ciuitas, quam mihi, cuius rei ce-
 les nati sunt omnes, qui hæc adacrescere solent. Cum enim adhuc essem igno-
 rus plurimis, propterea quod quinque perpetuos annos dedita opera studia
 mea uocaueram, amplissimis præmijs nonnulli me tuos inuitauerunt, ut filios
 suos erudiendos susceperem, quod cum aut granate sceissem breui tempore
 tanta nobilissimorum adolescentium ad me multitudine confluxit, ut uix on-
 eri sustinendo sufficere possem. Subsecutum est postea tempus, quo de ani-
 corum consilio ac sententia publicè legendi prouinciam à Senatu petere sum
 aggressus, Dis boni quam faciles in fauorem meum totius Senatus animos in-
 ueni: quam paratos ad amplificandam dignitatem meam? quam promptos

ad mihi gratificandum, qua comitate, quo cultu, qua hilaritate me excipiebant? uerè hoc iurare possum Auditores, à nemine me penitus eorum, qui publici consilij sunt authores, non modo non repulsam tulisse, sed ne asperiore quidem uerbo, me unquam appellatum. qua in re non mediocrem animo cepi uoluptatem. cum longè maiorem apud sapientes, uiros de me conceptam opinionem reperissem, quam unquā non modo sperassem, sed ne cogitassem quidē publicè capilegere. quid relictum est à principibus nostris, quod ad augendam & illustrandam gloriam meam pertineret? ipse nostri Senatus princeps eximius Philippus Saccus, quem amplitudinis & honoris causa nomen. iam senio confectus, multis ex ordine Senatorio comitantibus, orationi nostrę prima interesse uoluit, grauissimumque mihi testimonium eruditionis ac doctrinæ plurimis audientibus reddidit. quod item alij multi doctissimi homines approbarunt, quanta uero fuerit auditorum mihi semper frequentia, non opus est ut ego commemorem. uos ipsi testes estis optimi. Opinetiam quod mirum sit omnibus cum domi meæ discipulos exercebam in declamando, multi Senatores Iurisperiti, medici, multi denique Principes ciuitatis aduentitabant cum ut pueros, quibus nihil fieri poterat festinus audirent, tum etiam ut honori meo uelificarentur. Quid quod etiam magnus hic noster princeps Alphonsus Analus humanissimus, & clementissimus, qui non minor apud Carolum Quintum Imperatorem Augustissimum habetur, quam olim apud Alexandrum Macædonem, Ephesion, apud Scipionem, Lelium apud Octavianum Augustum Agrippa, nos domum suam inuitauit & apparatu munificentissimo ac regio, cum discipulis nostris excepit, ut Terentianam Eunuchum eos agentes audiret. O miram tanti Principis modestiam, o prædicandam facilitatem. His igitur tot ac tantis affectus honoribus, quid causæ est, cur non omnes ciues Mediolanenses uniuersam ordinem Senatorium, omnes principes nostros totam denique ciuitatem uerbementem amare, colere, celebrare debeam? Nam quicquid honoris gloriæ, dignitatis, amplitudinis adolescentium moderator assequi potest id ego sine controversia, uel inuidia esse sum in hac urbe consecutus. Nihil est quod amplius addi possit, ad meam in hac arte dignitatem. Itaque nunc alio mens aspirat, & altiora concupiscit, maiora quædam tentare animus est. Video Grammaticorum, quæ summa est, si cum aliarum liberalium artium gloria conferatur, tenuissimam ac minimam esse gloriam, labores uero plusquam Herculeos, uideo nullum esse genus uitæ magis molestum, ac turbulentum. Video denique non esse mihi tam speranda maior laus, in hac arte, quam uerendum ne quam hactenus acquisiui, si quid de summo labore ac diligentia amifero, fortassis amittam, cum hoc uereor, tum illud etiam non mediocriter

ter pertimesco . ne Respublica nostra propter hos belli tumultus qui iam pridem vicinis in regionibus excitantur , grauius perturbetur . Sed absint tam inuisa mala . Bene omnino , bene inquam , sperandum est his præsertim tam egregijs & sapientibus ducibus , ac principibus nostris , qui nunquam cogitare cessant , & omni diligentia providere qua ratione fieri possit , ut nequid Respub. detrimenti patiatur . Nos uero quo maximus ardor mentis , & recta (ut opinor) ratio trahit proficisci decreuimus . & sacrosancta Philosophiæ legumque Christianorum adyta perscrutari . quo nullum aliud hominibus à Deis immortalibus maius donum concessum est . hæcenus præceptoris partes sustinui , posthac me discipulum diuinarum , atque humanarum rerum peritorum fore profiteor , longè enim præclarius esse statuo Philosophum ac Theologum esse infimum , quam Grammaticorum summum , nam si hac in parte uelim orationis uela tendere , & ostendere quanto sit excellentior , uel mediocris Theologiæ cognitio , quam exquisita Grammaticarum doctrina facile probare possem omnibus consilium meum , sed non faciam sinam plebsque collegas meos errare , & suum unicuique (quod dici solet) pulchrum esse . Non enim me latet multos fore qui me imprudentem & nullius consilij uirum appellent , qui cum in hac ciuitate possim magno (ut ipsi putant) cū honore , & lucro more solito uersari , malim tamen longè minori cum dignitate alibi uiuere . Ac me quidem Auditores , si nihil hac hominum de me existimatione moueri dicam , mentiar profecto , non enim mediocriter me perturbat , sed tamen nihil erit unquam tam graue , quod ab hoc me proposito dimouere possit . uideo enim quasi ea quæ oculis cernuntur hanc ritæ commutationem , & utilissimam , & honestissimam mihi futuram . Restat (ut quoniam explicui uobis omnem consilij mei rationem , uos orem , atque obtester iucundissimi auditores , ut quem ego semper erga uos animum habui , atque etiam hoc tempore labeo eundem erga me uos habeatis . En uestrum Maioragium , nobis totum deditum , uestri auarissimum , laudis uestra cupidissimum , qui ubicunque fuerit modestiam uestram , uestros amabiles mores summum ingenium uestrum , probitatem , honestatem prædicabit . Eo qui uos parentes uestros , fratres , propinquos , amicos , uestra , denique omnia , magis quam se , quam uitam propriam amat . en qui perpetuo paratus erit , quibuscunque rebus poterit , uobis gratificari , qui uestri memoriam summa cum beneuolentia semper retinebit , qui uos cælum summis laudibus semper feret , qui uestram nobilitatem & morum integritatem magnis extollet præconijs , ubicunque uester hic erit Maioragius , ibi quotidie Mediolanensium laudes personabunt . uos spero ita gesturos , quemadmodum hæcenus fecistis , ut meis laudibus dignissimi esse

M. AN. MAIORAGII

videamini, quod quidem facillimè præstabitis, si literarum gloriam, cuius maiores nostri semper appetentissimi fuerunt, etiam vos omni conatu vestro complexi fueritis. Illud in extrema orationis mea parte, de me vobis polliceor ac spondeo, sit Deus ipse qui cuncta videt, mihi testis, me quibuscunque in regionibus fuero, Mediolanensium inuenturi, quantum facultas mea tulerit, libentissimè fau-

rum, futurumque ut omnes intelli-

gant, me ciues meos, præ-

cipuo quodam

amore

singulari beneuolen-


tiaque prose-

qui.



DE PRÆSTANTIA LITERARVM,
ad Senatum Mediolanensem; quam
primam habuit, quo tempore
publicè docere cœpit.

ORATIO XIX.



*Q*uod propter egregia Principum nostrorū institu-
ta, & singularem in Rep. gubernanda diligen-
tiam, vestramque in primis fidem, atque integri-
tatem Patres Conscripti, bonis uiris & indu-
strijs spem dignitatis uberissimam, præmiisque am-
plissima, & ad opes & ad magnificentiam pro-
posita esse uiderem, ijs uero qui se uitiorum illece-
bris & cupiditatum Lenocinijs deditissent, non
omnem solum honoris uiam interclusam, sed etiā
dedecus & ignominiam, subeundam esse maximam, eam mihi uiuendi ra-
tionem ab ineunte ætate suscipiendam censui, ut in hac optima Rep. in ocio
literario, quo nihil dulcius, aut iucundius est, cum dignitate esse possem.
Nihil enim omnino uidebam in quo ego maiori cum laude ueros omnes æta-
tis industrieque meæ contenderem, aut in quo magis huic ciuitati prodesse
possem, quam si omnes undique literarum & ingenuarum artium flosculos,
ex amantissimis doctissimorum hominum uiretis carpens atque delibans libe-
ris uestris impertirem, Ac me quidem diu laborantem præmiisque labo-
riam meorum, nullum aliud quam laborem gloriamque expetentem, diutur-
na spes ac expectatio non fefellit. uere enim dicam quamuis timide propterea
quod intueor, coram hac lumina atque ornamenta Reip. sic à bonis omni-
bus coli, sic obseruari me uideo, ut multo plura quam ego non modo optare
unquam ausus fuisssem, sed ne cogitare quidem potuisssem me consecutum es-
se existimem. Vos mihi certatim charissimos liberos, unicam spem uestram,
cum primum ludum aperuisssem in disciplinam tradidistis. uos me iucundissima
consuetudine ac familiaritate uestra dignum consuisistis. uos me quamuis æta-
tem uideretis, hoc amplissimo publicè legendi munere libentissime decora-
stis, Quare merito ingratus esse uidear, nisi istam uestram tam propen-
sam, in me uoluntatem, tam incredibilem humanitatem tam liberalem ani-
mum, non ubique prædicem, non extollam non omni studio meo dignum
putem,

M. A. N. MAIORAGII

putem, sed nihil est (mihi credite) P. C. quod quisquam de me, aut de mea possit industria dubitare. Ego enim a pueritia & literis omnibus deditus, & voce doctissimi præceptoris eruditus & sapientissimorum virorum exemplis admonitus, & ipsa denique uatura impulsus, cum primum per ætatem quid optimum atque expetendum esset, potui cognoscere, semper illud quantum facultas mea tulit amplecti studiū, nec ullum unquam per socordiam atque ignaniam rei bene gerendæ tempus amissi, nunc uero cum ad hanc honestissimam prouinciam uestra liberalitate atque beneficentia delectus accesserim, beneficium equidem maximum à uobis accepisse me fateor, cum occasionem mihi pulcherrimam oblatam esse uideam, pro multorum ciuium liberis atque adeo tota huius ciuitatis iuuentute, & uigilandi, & laborandi, Itaque maiori mihi quam antea studio, maioreque diligentia opus esse intelligo ut multorum expectationi quam de me concitauī, aliqua saltem ex parte respondeam, uos uero P. C. sic existimare, ac uobis ipsis persuadere debetis, totam me profectus mei spem, honoris adiumentum, studiorum præsidium, in amplitudine uestra collocasse, uobis fretus hoc cum maximo uestro beneficio negotium suscepi, uestra autoritas uirtus integritas fecit, ut non recrerer pene uiribus meis imparonus aggredi, quod tamen non dubito quin auxilio uestro facile perlaturus sim, uos enim uniuersos literarum cultores & ingenuarum artium professores, plurimum obseruatis, uos studiosam omni ni conatu atque auxilio iuuentutem subleuatis, uos denique nullam penitus uirtutem, diutius iacere sustinetis. Et quoniam me tam erectis animis summi cum attentione auditis, utar ista benignitate uestra, & de studiis humanitatis ac literarum, quibus uos cum in eis plurimum excellatis, etiam filios uestros omni diligentia incumbere & nihil aliud quam de illis cogitare desideratis, paulo dicam liberius, ut hos adolescentes, & qui nobiles sunt, ad maiorum suorum imitationem excitem, & qui ingenio & uirtute nobilitatem consequi possunt, ad eam uitæ rationem in qua multi homines noui & honorē & gloria floruerunt ingrediendam adhorter, quod dum facio quæso nos P. C. quamuis hæc ad uos oratio, parum aut nihil potius pertinere uideatur, tamen quoniam me præsentia uestra decorare uoluissis, bona cum uenia audiat. Hæc enim res iuuentuti ad discendum præclarissima, neque mihi perdifficilis ad docendum. Nam qui nihil in uita penitus expetendum putat, nisi quod sit cum laude atque dignitate coniunctum, eum summa opo niri deet, ut ea complectatur quæ nisi uigilantes homines, nisi sobrii nisi industrii consequi non possunt, tantoque uehementius literarum studiis incumbat, quanto ea præstantiora, & utiliora cæteris omnibus studiis esse plani ac manifestum est. Nam per Deos immortales quid humano generi datum est à prouidentia maius aut clarius quam studia literarum? quid honestius?

neſſius? quid dulcius? quid quod magis ac ſublimem animum deceat,
 quod magis à vitiorum ſordibus, & effrenatis cupiditatibus, poſſit ho-
 minum mentes ad uirtutem ac honeſtatem ſubleuare? Ac mihi quidem de
 his ſtudijs ſapius cogitanti ac pertractanti uenit in mentem admirari ſien-
 tiam Dei immortalis beneficentiam, & benignitatem incredibilem, qui
 primo nos hoc munere tam eximio literarum beare uoluerit deinde cognitio-
 nis ac ſcientiæ deſiderium noſtris mentibus inſpirarit, neque enim ullus
 mortalium inueniri poteſt, qui natura ipſius inſtinctu ſcire non deſideret,
 unde factum eſt ut aſſidua mentis agitatio quæ nunquam inqueſcit, tot ac
 tam uarias diſciplinās atque ſcientias excogitauerit, quibus animum ſi quis
 ita excoluerit ut excellat, quaſi deus aliquis interris, in ſumma omnium
 eſt admiratione, ab omnibus, obſeruatur ac diligitur. Hæc eſt una uia (mi-
 hi credite) & laudis, & dignitatis, & honoris, bonis artibus ac diſcipli-
 nis animum conformare, nullus eſt animi cultus ſanctior, nulla occupatio li-
 beralior, nullum ocium amantius, nullum ſtudium præſtantius; Quis enim
 ignorat ſtudio literarum fieri ut ſcire poſſimus quid maiores noſtri. quid ex-
 teræ nationes, quid omnis antiquitas geſſerit, aut dixerit? Age uero nonne
 literis docemur perfectè loqui, poliè dicere, ueri ac falſi cognitionem habere,
 calum, maria, terras intelligentia perneare. totius nature uim & re-
 rum cauſas cognoscere, priuatas domos regere. Reſpublicas adminiſtrare. ui-
 tia propulſare, mores emendare, bellorum ſedare tempeſtatem, pacis ſerua-
 re tranquillitatem? Prob Diſc immortales tantum ne fructum tam amplum,
 tam immenſum, non toto pectore capiamus? non remus (ut aiunt) uelſque
 petamus? non manibus pedibusque teneamus? Quod ingenium tam acre,
 tam ſublimè, tam uarium; tam ſecundum quis tantus eloquentiæ torrens in-
 ueniri poteſt, qui literarij ſtudy præſtantiam, atque optimarum artium am-
 plitudinem poſſit oratione comprehendere? obſecro uos per Deos immorta-
 les. P. C. date mihi hanc ueniam, ut liceat orationi meæ in hoc quaſi dicendi
 campo ſuo quodammodo iure pari ſemper exultare. Atque utinam ea mihi ſa-
 entias eſſet orationis, quæ rei magnitudinem dicendo poſſem aſſequi, cum uos
 omnes hæc uerba mea uideam tam humaniter ac diligenter audire, ueſtra
 iſta gloria P. C. erumpet enim ex me uera uox, & dicam andaſter, coram
 manſuetiſſimo Senatu (quod ſentio) ueſtra iſta tam egregia, tam excellens,
 tam omni laude ſerenda gloria qua proximè ad Deorum immortalium digni-
 tatem acceditis, omnino iaceret in tenebris, neque diuinum illum fulgorem
 ſuum explicari poſſet, niſi literarum lumen accederet. tot facta memorabi-
 lia domi, militiaeque tot res geſtæ, tot dimicationes, tot prælia, tot triumphi,
 tot imperi, quæ maxima cum laude celebrantur; iam pridem in æternam ob-
 bliuionem conceſſiſſent. Quis ex tot egregijs, & probatiſſimis uiris, ex tot
 fortif

M. AN. MAIORAGII

fortissimis Imperatoribus, qui maiorum nostrorum ætate, & Præcis illis temporibus floruerunt hoc tempore nosceretur, nisi sacratissima litterarum monumenta extitissent & uanus esset omnis labor nobis, uana spes omnis posteritatis, uani conatus, uigilia curæ, sollicitudines, occideret una cum corpore rerum omnium gestarum memoria, nulla laus esset homini relicta post cineres, nulla gloria, quam unam mercedem laborum ac periculorum suorum uirtus maxime desiderat. literæ sola rebus præclare gestis immortalitatem donant. literæ tanquam smaragdi preciosissimi, suauiter ac perpetuo uiuent. literæ sunt fidelissimæ uitæ duces, uirtutum indagatrices, expultricesque uitiorum, literæ sunt dominæ rerum, quibus persuademus, quibus afflictos consolemur, quibus cupiditates iracundiasque restringimus quibus iuris, legum, urbium, societate deuincimur, quarum maiestate omnia uitæ ac fortunæ ornamenta decorantur, literæ sunt lumina ueritatis, uiuendi magistri, nuntia uetustatis. Iam uero literæ in omnibus negociis, & rebus agendis, maximam solent hominibus asserre prudentiam, dum nobis ob oculos clarissimorum uirorum exempla proponunt, dum inuestigandi ueri desiderium inspirant, animi, atque mentis agitationem excitant, omnium uirtutum uiam per scientias aperiunt. nec minora nobis ad iusticiam adiumenta præbent, religionem enim docent, pietatem in patriam in parentes, in liberos, in amicos concordiam, fidem, constantiam, uitæ communionem ac societatem: Quid ad animi magnitudinem quantas in nobis fauces accendant? ut labores ac pericula toleremus, uilium rerum contemptione, magnarum appetentia ducamur placabilitatem, clementiam, abstinentiam, complectamur, Ad modestiam autem ac temperantiam uel inuitos pene dixerim homines literæ trahunt, cum toties libidinum eradicationem inculcent, uigilantiam sobrietatem, rerum omnium modum. Sed quo rapimur amore litterarum? Pro Deum atque hominum fidem. uideo literis cælum etiam ipsum aperiri, æternam animis nostris salutem condonari, uideo per literas tantam nobis industriam, tantum mentis acumen tantam solertiam inspirari, ut cælestes etiam globos cognitione penetremus & quasdam ibi naturas, ab omni mortalitate separatas esse intelligamus, quarum summa sit ratio sempiterna, quam eandem mentem sapientiamque perfectam, & Deum appellamus, omnium rerum quæ sunt ei subiectæ, conditorem procurantem cælestia maxime, deinde interris, ea quæ ad homines pertinent, præterea nouem orbibus cuncta esse omnia quorum in infimo Luna per tristes tenebras, pauidasque umbras feratur prorsus horrida, & tenebrosa, nisi Phœbi radijs illustretur, cuius mutabilitate maria nunc exurgant, nunc refluxendo deprimantur. Supra Lunam æterna esse omnia, infra nihil nisi mortale & caducum præter animos nostros, qui Dei benefici-

tio sunt immortales, inter se coniuncta esse rerum elementa concord. discordia, qua vicissim generentur & corrumpantur, ita ut vicissitudine quadam omnia renouentur. nominus per literas que sit uentorum tonitruum, pluuiorum causa, que terrestrium, aquatiliu, uolucrum amphibiorum animalium natura sit, quaratione fieri possit, ut certis momentis, atque eo semper tenore temporis decedant, cur nunc annus, odorum suauitate, qui affiantur è roris ac floribus, & camporum amenitate, uernet, nunc maturos fructus afferat, nunc horrida tempestate teneatur: O iucunda natura contemplantio, O mira rerum spectacula his ego rebus pascor, his delector, his perfruor.

✓ *Falices anima quibus hæc cognoscere primis*

✓ *Inque domos superas scandere curra suut.*

Nihil est in terris, nihil in mari nihil in cælo, nihil denique in uniuersumundi ambitu, quod homines animo non inuestigant, mente non penetrant, ingenio non comprehenderint, eloquentia non exornant, & inditis literarum monumentis non prodiderint. Itaque nemini dubium esse potest, quin literæ sint omnium rerum pulcherrimarum quasi preciosissimus quidam thesaurus. Nefas est (meo quidem iudicio) credere, literas quibus nihil excogitari diuinitus potest, aliorum quam Dei immortalis inuentum fuisse. scribat mendax Græcia quicquid uoluerit, fuisse quodam olim in Æthiopia populos, qui mortalium primi literas inuenerint, à quibus eas Ægyptij, qui Æthiopum coloni fuisse dicuntur, postea sumpserint, moxque ab ijs, qui ex Thebis Ægyptiacis migrauerunt, in Phenicam fuisse delatas. Vnde Cadmus Agenoris filius earum usum in Græciam deportarit, deinde successu temporis Euandri matrem Nicostратam qua eadem & carmēta dicta est, eas in Italiam aduxisse, uel quod apud Platonem legimus Ægyptium quendam de monem nomine Theuth literarum fuisse repertorem. Vt uolet quisque accipiat ego tamen Iosephi non ignobilis Historici, de hac re sententiam uerissimam esse iudico, is enim scriptum reliquit. Adami filium nomine Sethum literarum usum habuisse & in duabus eum columnis, cælestium rerum disciplinam, quam scilicet ab Adamo patre, didicerat conscripsisse. que si uera est sententia cuiusmodi dubium esse potest, quin literas à Deo primus omnium parens Adamus acceperit, & filium Sethum quem post Abelis mortem unice diligebat eas docuerit? sunt igitur literæ præstantissimum Deorum immortalium munus, quod eius rei gratia mortalibus traditum est, ut noster animus in hoc mortali corpore, tanquam obscuro quodam carcere penè uolenter inclusus splendorem illum pristinum diuini luminis reciperet, & rerum omnium diuinarum, atque humanarum cognitionem acquirat. Ad hæc ut per literas, & quid superiori tempore gestum esset recordemur & quid in præsentis gerendum sit intelligamus, & quid postea sit futurum præuideamus,

M. AN. MAIORAGII

ut per literas omnis uita & communitas contineatur, ut nullum commercium inter mortales, nullus contractus non pax, non bellum, non inducia sine literis sanciantur. sed nimium multa de re minime dubia loquor. Quis est enim qui nesciat, nihil esse tam excellens, tam sanctum, tam religiosum, quod merito possit cum scientiarum cognitione comparari? quod cum agnouissent, illi antiqui prudentissimi ac sapientissimi uiri, quorum gloria disseminata in orbis terrarum memoriam sempiternam, nullam unquam tempus ab ijs studijs uacuum esse sinebant, & quo maiorem atque altiore dignitatis gradum obtinebant, tanto ardentius ad percipiendas disciplinas inflammabantur. neque hoc solum sed etiam literatos omnes omni studio & honore prosequabantur. Nam cui non auditum est Augustum Caesarem summum orbis terrarum Monarcham, summum etiam ingeniorum ac literarum fautorem extitisse, & liberalibus studijs adeo deditum, ut nulla omnino diem pretermitteret, in quo non aliquid aut legeret, aut componeret, qui quauis praeclare intelligeret res gestas suas immortales futuras, nec ullo modo fieri posse ut iniuria temporum nominis sui fama intercideret, nihilo tamen minus etiam ex literis quarebat. Quid huius pater, & adoptione Iulius Caesar? nonne sicuti bellica gloria, maiores omnes superasse ita etiam eloquentiae palmam arripuisse uidetur? ut uni Cicroni cesserit, ceteros omnes longo intervallo post se reliquerit. Atque hunc etiam doctorum hominum, ita studiosum fuisse accepimus, ut omnes liberalium artium professores, ciuitate donauerit. Iam uero Scipiones duo belli fulmina, superiorem & inferiorem africanos, ambo Panorum & Hispaniorum debellatores, ita doctrina cupidos fuisse legimus, ut ille superior, cum Africa ruinam uolueret, inter difficillimi belli mollitiones, & apparatus, bonarum artium studia non pretermitteret, sed Philosophorum Scholas crepidatus, in Sicilia frequentaret. Hic autem posterior Aemilianus, etiam Poeticae studiosus fuisse fertur, ut Terentium comicum, qui cum familiarissime uiuebat, in conscribendis comedijs plurimum adiunxisse dicatur. Quid autem Catones duos commemorare, Censorium & uticensem sapientissimos uiros? quos constat senes admodum operam dedisse literis, & adeo flagrasse dicendi cupiditate, & ille superior Censorius annuum natus, sextum & octogesimum, in ueni tamen animo in discendo persisteret. Uticensis uero in ipsa curia dum Senatus cogeretur graecos libros le etitabat. O uere sapientissimos homines quos a colendis his literarum studijs, quae omnium utilissima esse intelligebant, nullum unquam tempus abstraxerit, nullum negotium auocarit, non denique etas iam ingrauescens retardarit. Age uero quid de Anaxagora Philosopho dicemus? qui patrimonium amplissimum amicis suis largitus est, ut libcrius Philosophiae uadere posset? Quid Democritus Abderites cuius pater adeo diues fuisse dici-

rur, ut epulum Xerxis Persarum regis exercitui dare potuerit. nonne discen-
 di gratia tot ac tantis spretis diuitijs, patriam deseruit & diuersas mundi re-
 giones peragrauit? Nec mehercle Megarensis Euclides silentio pratermit-
 tendus est, qui usque eo discendi cupiditate flagrauit, ut uel capitis pericu-
 lo, sumpta muliebri stola, noctu Athenas quod Megarensibus erat capita-
 le, commearet, ut Philosophantem Socratem audiret. Quantus autem fuit
 Cleanthis ardor in literis? quanta industria? qui cum usque eo mendicitate
 præmeretur, ut ne cibi quidem facultas suppeteret, nocturno tempore ad
 aquam è puteis hauriendam operam suam locabat, ut eo saltem questu ino-
 pian sustentaret. unde etiam uulgo phreanteles appellatus est. interdum uero
 principem Stoicorum Zenonem audiebat. Quid uero dicam quantam obsc-
 rissimis hominibus, & humili loco natis, gloriam asferre soleant literæ? Quis
 Melesigenem, Homerum ex ignobili genere, imo potius ex adulterio, & in
 certo patre natum agnosceret nisi Poetica illa diuina, per eum quasi quædam
 immortalitatis incunabula recepisset, & ad summum quasi perfectionis gra-
 dum processisset? Quis Ennium Rudem hominem natum sciret, nisi per do-
 ctrinam ad hominum existimationem dimanasset, quem superior Africanus
 adeo charum habuit, ut eum & ciuitate donarit, & sepulchro suo constitui
 iussit. Quid Socratem Phenarete matre obstetrice, & Sophronisio patre
 Marmorario natum commemorem? qui non nisi propter singularem & ad-
 mirandam philosophia scientiam ad tantum gloriæ lumen euasit, ut nullus
 unquam fuerit, non solum hominum consensu sed etiam Apollinis oracula sa-
 pientior. Euripidem uero quis ignorat non generis excellentia, sed doctri-
 ne uera nobilitate inclaruisse? cuius matrem Clito ferunt olera solitam fuisse
 venditare. Iam uero Demosthenis patrum cultorum uenditorem fuisse. me-
 moria proditum est, & quid hoc oratore nobilior, aut clarius? ut intelligi
 facillime possit, ueram gloriam in literis & doctrina positam esse. non in
 fanois maiorum imaginibus. Quid Aeschinem tympanistria filium Dema-
 dem piscatorem, Anacharsim Tartarum, Aesopum, & Epictetum Stoi-
 cum ambos seruos, Lucianum Syrum, Lapidam. Quid innumerabiles
 alios commemorem? quorum genus obscurissimis ignobilitatis oppressum te-
 nebris, fulgentissimo literarum splendore fuit illustratum. Sed neque tem-
 pus, neque loca, neque uox sufficeret, si minimam eorum partem quorum
 in mentem exempla mihi ueniunt, commemorare uelim, quare mihi modus
 potius, quam copia querendus est, cum præsertim huc me cursus orationis,
 non uoluntas mea detulerit. Incredibile dictum est P. C. quam saepe mecum
 admirer antiquorum hominum studium, & diligentiam in perquirendis, &
 memoriæ prodenda disciplinis, quos non fames, non sitis, non frigus, non
 inmensa pericula retrahabant, nihil erat tam arduum nihil tam difficile, nihil

M. AN. MAIORAGII

tam periculosum, quod discendi desiderio non adirent, omnia loca peragrabant omnes regiones in quibus aliquid egregium, & cognitione dignum percipere posse confidebant, quin etiam cibi somnique immemores totas sapissime noctes, totos dies in literarum studiis consumebant. Itaque non mirum est, si tantum de se nomen tantum decus, tantam memoriâ reliquerunt. Hæc igitur egregia indolis adolescentes imitamini, per Deos immortales, qui dignitatem, qui laudem, qui gloriam queritis, hæc sunt excelsa hæc magnifica, hæc fama celebrantur, hæc posteritati propagantur, est quidem his studiis magna quedam difficultas & labor propositus multo sudore, multis uigilijs opus est, omittenda sunt uoluptates relinquenda studia delectationis ludus, iocuna, conuiuium, uerum infestius est, honorem aut famam sperare, cum à laboribus, à curis, uigilijs animus abhorruerit, tristissimum est uetustate prouerbiū, difficilia quæ pulchra, & uerissime Poeta quidam cecinit.

Non datur ad Musas currere lata uia.

Sed mihi omnis ratio est cum uirtute non cum desidia, cum dignitate, non cum uoluptate, cum ijs qui patria, qui suis ciuibus, qui laudi, qui gloria, non qui somno, & conuiuijs, & delectationi natos arbitrantur. Quare moneo nos adolescentes, atque hoc nunc iure præcipio, qui dignitatem, qui gloriam spectatis, ut hæc studia literarum, tam ampla, tam diuina, tam immortalia, omni animi conatu, omni labore, omni industria completamini. Nam quem generosum animum, labor, quamuis inmensus possit, ab his tantis præmijs remorari? ceteros pudeat umbras hominum, inutiles terre pondera, qui seipso ita prosternunt, atque abijciunt, ut corporis tantum uoluptatibus inferuientes, nihil unquam eximium animo uolunt, qui pro vilissimo diuitiarum cano, præciosissimos uirtutis uniones derelinquunt, qui more pecudum, uentri somno obedientes, sædissimis libidinibus, & ocio ueteroso marcescunt. quires fluxas ac fragiles, æternis & clarissimis uiris relictis ac neglectis persequuntur, nos uero cogitemus corpus hoc esse mortale, animi uero motus, & uirtutis gloriam sempiternam. cogitemus animi uero nos cum Dijs communem habere, corpus uero cum belluis, quantoque animus corpus præstantior est, tanto etiam animi ornamenta corporeis ornamentis antecellere, valeant apud uos uota hominum illa, quæ multos usurpare sapissime auditis. O si mihi repuerascere liceret, quo ardore animi literas amplexarer. optimum est (aiunt) aliena frui infania, quod alij iam in prouectiori ætate, non fecisse dolent, id uos in ista florenti iuuentute atque adolescentia præoccupate, nulla sunt alia (mihi credite) præter literas claræ uirtutis rudimenta, atque incurabula, quibus animi ad gloria cupiditatem accendantur, nihil est in quo flores ætatis vestre consumentes, ubiorem postea fructum demetatis. Quare agite cum iuuenes uera nobilitatis amato-

res, tantum literarum, fructum, tantam utilitatem, tantam gloriam amplexa
mini, sapientissimorum hominum vestigijs insitite, ad immortalitatis arcem
enitimini. Me vobis ducem, siue manibus commitem pollicor, atque offero.
non omnino pigrum, neq; remissum hortatorem, sed eum qui simul & stre
nui militis, & boni Imperatoris officia possit exequi, me (ut spero) videbi
tis. Si vos capit nunquam vlla gloria atque aeterni nominis cupiditas, si studi
um virtutis ac honoris nunquam oblectauit, si clarissimorum virorum exem
pla vos commouent, si vos huius illecebris ipsa virtus trahit, ad verum decus,
incumbite per Deos immortales, spretis & conculcatis voluptatibus, in hoc
optimarum artium studium, quod & viuientibus vobis summus dignitatis
gradus, acquireret, & factis functis nominis vestri memoriam, eternis moni
mentis consecrabit. vos vero P.C. & ciues nobilissimi egregiam prolem ve
stram si quam habetis huic gloria destinare, cum nutricis lacte facite, ut bo
narum quoque rerum scientiam complectatur, nihil nunquam in vita felicius
disceat, quam quod ab ipsa statim infantia discitur, nec quicquam tenacius
haeret, quam quod rudibus annis semel perceptum est, sed nihil opus est vos
adhortari, cum sponte vestra satis accensos esse videam. Quare finem dicen
di faciam, si prius vnum illud addidero, quod ut spero postea melius intelli
getis, nihil mihi magis esse in optatis, quam ut liberis vestris, ut omnibus
bonis, ut tolli Reip. quantum ingenij facultas potest, max. me prosim ad
hoc negocium amore patriae, quam salute propria chariorem habeo, vobis
ita discernentibus accessi, nec me profecto res vlla potuisset ad tantum labo
rem impellere, praeter hanc meam summam erga patriam charitatem, quo mu
nere omni studio & industria, ut quam fieri poterit optime fungar, diligentis
sime prouidebo. Itaque vos P.C. obsecro atque obtestor, quod tamen liben
tissime vos facturos certum habeo, ne meum hunc animum tam promptum
ac paratum ad huius Reip. utilitatem contemnatis, sed in dies magis atque
magis ut iam capitis auctoritate vestra fateor gratia subleuetis. Ego his te
stibus qui praesentes sunt, omnibus illud de me polliceri non dubitabo, quan
tum humano consilio ac labore fieri potuerit, nihil me praetermissurum quod
quidem ad prouehendas bonas literas & instaurandos ad disciplinas ado
lescentium animos pertine e videatur, quod si mea diligentia vestra
quoque auctoritas, suffragata fuerit, nullus eris (ut opi
nor) tam iniquus iudex, quin ex hac re plu
rimum huic nostrae ciuitati censeat
utilitatis accessurum.

DE GRAMMATICÆ ARTIS
excellētia, ad Senatū Populūque
Mediolanensem.

ORATIO XX.



SI quis est uestrum Patres Conscripti, uosque ceteri ciues honestissimi, qui forte miretur, me qui iam duos ab hinc annos hanc publicè docendi atque humaniores literas profitendi prouincia eo animo reliqueram, ut ad iuris ciuilis studium, quod omnium opinione putatur esse grauius atque præstantius me transferem, subito nunc immutata uoluntate, ad eandem illam, quam antea reliqui disciplinam profitendam descendere, is si mei consilij causam, rationemque cognorit, profecto, & id quod facio probabit, ex hac nostra quam à pueris secuti fueramus liberali scientia, nullam neque utiliore, humano generi, neque honestiorem existimabit. Nam cum sextum, ut opinor, ab hinc annum in hac amplissima ciuitate nostra, cum adhuc admodum essem adolescens ex amicorum sententia ludum aperuisssem, & non tantum priuatim, sed etiam publicè Mediolanenses adolescentes ita erudire instituissem, ut nemo prorsus diligentiam aut assiduitatem meam desideraret, multumque ex diurni, & nocturni laboris, ut suscepto negotio plene satisfacerem, per annos quattuor suscepissem, secutum est, deinde perniciosum tempus illud, cum hac ciuitas propter assiduum bellum quod à Carolo Quinto Cesare inuictissimo, permultos annos in Taurinis contra Gallos gestum est, grauisimis tributis atque exactionibus assidue uexaretur, quo quidem tempore nulla neque publicè neque priuatim, erat studiorum cura aut gratia. Nam bello occupati principes literarum studia negligebant, neque debita professoribus præmia reddebant. Ciues autem propter crebras tributorum exactiones pecunijs exinaniti, etiam filiorum erudiendorum curam abijcere cogebantur, quinetiam in adolescentium animis (ut sit) in eiusmodi temporibus, ardor ille discendi pristinus penè extinctus esse uidebatur. Quæ cum ego neque obscura, neque incerta uiderem, nullusque omnino tatorum finis malorum appareret, & iam me satis in hac arte docendi nominis & gloriæ consecutum existimarem, cæpi de mutanda uirg ratione cogitare, meque totum iuri ciuili perdiscendo tradere, uidebam enim

enim me adhuc admodum esse iuuenem, ac penè adolescentem, quippe qui
 nondum octauum, & uigesimum annum attigissem. itaque sperabam facile
 posse, si legum studia fuisset complexus breui tempore Iurisconsultus euade-
 re, quod meum consilium cum amicis omnibus placuisset, & plerique me
 sponte mea satis incitatum impellerent, Ferrariam eo animo profectus sum,
 ut magnum illum Alciatum ibi profitemem audirem. Ac primo quidem
 Alciati copia atque elegans delectatus, deinde etiam ipsorum Iurisconsulto-
 rum ueterum, quibus nihil purius aut politius inueniri potest, eloquentia
 captus, egregiam mihi operam in iure prestaturus uidebar. Sed postquam
 Bartolos, Alexandros, Paulos, Iasones uoluere cepissem, Dij boni quem mi-
 bi metum quem horrorem (suis commentationibus incusserunt? quantas mi-
 bi salum uerborum insolenti tenebras offunderunt? nihil enim in eis purum
 nihil elegans, nihil candidum, sed omnia horrida, squalida, tenebricosa in-
 ueniebam, quare factum est, ut animus meus, qui in artis oratoriae incun-
 ditate, & poetica amenitate, a lacte nutricis educatus antea fuerat, ab eo
 scientia genere penitus refugeret. hac igitur spe destitutus, ad eam quam an-
 tiqui illi sapientes maxime excoluerunt, diuinariam atque humanarum re-
 rum scientiam, animum intendere, cepi, quippe qui preclare intelligerem,
 unam esse Philosophiam, quæ omnium laudaturum artium procreatrix ac re-
 gina merito dici possit. Sed in hac etiam re multum mea me fefellit opinio,
 quam enim cultam ac nitidam me uisurum esse scientiam existimabam, eam
 omnium maxime inquinatam atque sordidatam reperi, tam enim fœdis atque
 insolentibus uerbis, tam inauditis atque portentosis uocabulis Philosophi
 nostræ tempestatis utuntur, ut paulo delicatores aures, sonum illum tan-
 quam Cyclopicum omnino refugiant, ac nullo modo ferre possint. Quæ cum
 omnia mihi præter spem atque opinionem euenissent, diutius mecum cepi
 cogitare, quenam esset huiusce rei causa, quod due nobilissimæ omnium ar-
 tes iurisprudentia, & Philosophia tam inculte tam sordide uiderentur, tan-
 dem intellexi eorum hominum qui artes istas nostra & patrum nostrorum
 memoria professi sunt imperitia atque ignorãtia hoc accidisse, qui cum gram-
 maticas rationes neque scirent, neque percipere curarent, fœdissima Bar-
 baria libros omnes referserunt hæc enim quæ Grammatica dicitur, una scien-
 tia est, quæ ceteras omnes ingenuas artes, non solum nutrire atque educa-
 re, sed etiam excolere atque exornare mirifice soleat, & quæ non tantum
 reliquarum principum atque fundamentum est, uerum etiam condimentum
 suauissimum. Atque ut nullus cibus tam preciosus inueniri potest, qui si
 sale careat aliquam in se suauitatem habere uideatur, ita nulla scientia ope
 Grammaticæ destituta, splendorem aliquem aut nitorem habere potest, &
 quemadmodum præstantia hominum corpora, illota facie & laceris, in-
 quinisque

M. AN. MAIORAGII

natiq; uestibus, dignitatem omnem ac uenustatem amittunt, ita iurispru-
dentia & Philosophia, ceteraque liberales scientie, nisi à Grammaticis subsi-
dia sibi atque ornamenta petant, ut omni lepore, atque gratia careant ne-
cesse est. cum igitur nostri temporis iuriconsultos, & Philosophos, non alia
de causa tam ieiunos, tam sordidos, tam denique Barbaros esse intelligerem,
nisi quia latine loqui nunquam didicissent, eosque ipsos, qui inter eos, maxi-
me barbari sunt aduenterem, sufficere tamen eum, atque admirari si quem
sui ordinis paulo cultius, atque elegantius loquentem audirent, statim ne-
quaquam mihi famam inconstantia pertimiscendam, si quod plerique sapien-
tes fecisse perhibentur, postquam errorem meum cognouissem, ad pristinam
vite rationem iterum me conferrem, eamque artem repeterem atque cole-
rem in qua & à pueritia nutritus educatusque fuissem, & quæ mihi longo
tempore magnos, atque uberes fructus, neque parum honoris attulisset, &
quæ denique cæteris omnibus ingenius artibus maximum lumen atque orna-
mentum asferret, cum præsertim ac uariatione maximam hominibus no-
stris utilitatem asferre me posse intelligerem, ut percepta diligenter à me
Grammatica, possint excultiores atque elegantiores ad legem & Philoso-
phie studia peruenire, ut tandem si quo modo fieri potest, omni relicta bar-
barie, incipiant iurisperdentes atque Philosophi, pure ornateque dicere.
Hoc sane consilium meum bonis omnibus, atque intelligentibus uiris ma-
xime probatum iri confido, atque illis præcipue, qui politæ orationis suau-
itatem & oratorium splendorem iam aliquo modo degustarunt, sed ex omni-
bus (ut ego quidem arbitror) ij maxime nostram sententiam laudare, atque
in calum tollere non desistent, qui quantum utilitatis ex hac arte, quantum
decoris, quantum ornamenti, non ad eos tantum qui illam audiendo, & le-
gendo perdiscunt, sed ad eos etiam qui docendo exercent, peruenire cognoue-
rint. Hæc autem ideo coram nobis P. C. cæterisque civilibus commemo-
randa mihi censeo, non quia nos hac nostra disputatione indigere, aut ar-
tem hanc in ista ætate magnopere curare oportere existimem, sed ea potissi-
imum de causa ut cum luce clarius intellexeritis, multo referre plurimum, uel
potius caput esse omnium à teneris annis optima iecisse fundamenta resque
Grammaticas diligentissime percepisse, nobis eum ipsi uestra summa prudent-
tia atque sapientia gaudeatis, qui tam prompti atque alacres peritos huius
artis professores, qui liberos uestros & uniuersam Mediolanensem iuuen-
tutem, in hoc humanitatis genere diligenter exerceant, & communi con-
silio conducere, & pro meritis benigne remunerari soleatis, de qua re
dum paulo supersus, aliqua commemoro, queso uos pro incredibili humanitate
uestra ut orationi meæ patientes aures accommodetis. Ego quidem Patres
Conscripti uerissimum illud semper existimavi, quod omnium præstantissi-
mus,

mus, & acutissimus Philosophus Aristoteles, in Ethicis suis scriptum reliquit, in omnibus rebus expotendis tria esse præcipue quæ considerari atque expectari debeant, primum utrum ea res, quam nobis amplectendam proponimus, honesta sit an turpis, deinde, utrum utilis an inutilis, postremo utrum incunditatem in se aliquam habeat, an potius molesta, atque odiosa sit. quod si in una re aliqua concurrant hæc omnia, ut eadem & honesta & utilis, & incunda, tum uero nemini dubium esse, quin ea maxime sit ab omnibus expetenda tantoque etiam magis, quanto reliquis, & honestior & utilior & incundior uisa fuerit. Quæ cum ita sint, quis est omnium qui dubitare possit, quin ea quæ ingenuarum artium prima numeratur, quam à literarum nomine Grammaticam appellare maioribus nostris placuit, æthabus (quod aiunt) uis suscipienda, atque complectenda sit? nam si honestatem querimus, quid arte illa honestius excogitari potest, sine qua nihil certo sciri, nulla scientiæ re esse percipi potest? & quæ nisi cæteris liberalibus artibus, tanquam lumen aliquid præluceat reliquæ omnes cæcæ penitus, obscuræ, incultæ, atque obsoletæ reperiuntur? si uero quis utilitatem intuemdam censeat is cogitare debet, quicquid ex omni studiorum genere haberi solet utilitatis, huic uni totum referri acceptum oportere, quæ nisi præcæserit frustra quis in alijs studijs elaborabit, ut enim substructionis atque nauigij fundamentum stabile, atque firmum esse oportet, alioquin in ædificio quicquid superstructum fuerit, derepente corrui, nauigium autem uitiatò fundo facile mergitur, ita nemo præstans in aliqua liberali scientia, potest, euadere, nisi prius hac arte percepta solidum ad reliquas gradum efficiat, quod si quis etiam incunditatem requirat, is certe reperiet, omnem prorsus uoluptatem atque oblectationem, quæ summa atque incredibilis ex ingenuis artibus, & ex authorum intelligentia, quod præcipuum Grammaticæ munus est, prouenire solet ab hac una scientia, tanquam à perenni quodam fonte manare. Sed quoniam nonnulli nescio, omni malitia impulsu nostram hanc artem quasi uilem & abiectam contemnere, atque irridere solent, ideo singillatim hæc omnia quæ proposui tractanda atque diligenter excutienda esse censeo, ut hæc quæ in aliquorum animis iam penitus insedit atque inueterauit opinio, per me si fieri potest euellatur, & tandem omnes intelligant, quam magna, quam honesta, quam diuina sit hæc scientia. Nam si nobilis ideo medicina existimatur, quod ægris corporibus aliquando pristinam ualitudinem restituat, si ideo iuris prudentia laudatur quod lites dirimere, & de pecuniarijs controuersijs recte disceptare doceat, quanti tandem ars illa existimanda est, quæ rudes adhuc & in choatos planeq; imperfectos puerorū animos ita instituit & informat, ut primo literarum figuras agnoscere, & syllabatim dictiones componere incipiant, deinde per gradus quosdam atque regu-

las progeſſi, pure & candide loqui, atque emendate ſcribere diſcant, poſtremo tantum efficiant, ut excellentiſſimorum authorum ſcripta per ſe intelligere, atque omnem antiquitatis memoriam evoluerè poſſint? que cognitio quantum & honeſtatis & utilitatis in ſe habeat, quis eſt adeo rerum ignarus quin intelligat? nam ſi nullum maius malum quam ignorantia atque inſipientia eſt, quemadmodum in legibus Platoni, atque in Tuſculanis Ciceroni ſapientiſſimis uiris placet, & ſi tantum inter eruditum hominem, & literarum ignarum intereſt, quantum inter uiuentem & mortuum, quod Ariſtolelem reſpondiſſe dicunt, quid illa præſtantius, atque honeſtius arte fieri poteſt, que nos à grauiſſimo omnium ignorantia malo liberat, & eruditionem hoc eſt ueram uitam elargitur? quod enim unius hominis non aliorum animantium proprium eſt. ut animi ſenſa loquendo poſſit exprimere, in eogenus humanum, hæc ſcientiam tantopere adiuuat ut id & prudenter & eleganter efficere poſſint. ipſa uero per ſe bene loquendi prudentia tanti ſemper extimat ſuit, ut maximo quique ingenio uiri, ſummo ſtudio atque labore tam aſſequi contenderint, & in alijs maiorem in modum ſuſpexerint, quin etiam permulti homines atque nationes, ob hanc unam, maxime cauſam, immortalẽ ſibi gloriam acquiſiuerint, quis enim Atticorum leporem atque elegantiam non celebrat? ut etiam iam olim prouerbio iactentur Atticiſales. atque Attica eloquentia? Quid de Romanis hominibus loquar? qui quanuis ab infantia ſtatim latini ſermonis qui natiuus illis erat ſplendorẽ imbibere, eos tamen maxime ſuſpiciebant, qui politiſ etque candidiſ quam alij loqueretur, hinc illi Catuli, Lælij, Craſſi Corneli, quos etiam ipſe Romana parens eloquentiæ Cicero, uel ob hanc unam uirtutem maxime celebrat quod bene loqui latine putarentur. quid enim in homine magis honeſtum, atque admirandum eſt quam ornata & polita oratio, & ſermo nulla in re rudis? Iam uero recte ſcribendi ratio tanti faciendã eſt, ut ea quæ quaſi præclari interpretis uice fungatur nulla enim ferè difficultas in eis intelligendis eſſe ſolet, quæ cum recta ratione ſcripta proponuntur. ad contra quas tenebras, quam obſcuritatem, quas difficultates uitiola ſcriptura legentibus inducit? quod ſi iam à præſcis illis temporibus rectam ſcribendi rationẽ librarij tenuiſſent multo certe faciliorẽ in authoribus interpretandis uiam habere mus, nunc propter coram imperitiã, qui clariſſimorum hominũ ſcripta deſcribere conſueuerant, in eas anguſtias deuenimus, ut pleroſque locos ex authoribus, tam Græcis quam latinis nequaquam interpretari poſſimus, ſed in eis diuinare nobis neceſſe ſit. Age uero quam honeſtum illud, eſt ac dignitatis plenum, tam uaria poematum genera cognoscere, tot exempla, tot hiſtorias ediſcere quibus & mores componere, & maximam in gerendis rebus acquirere prudentiam poſſis, illa enim huius artis officia præcipua ſunt ut literarum

ſum edoceat, linguam noſtram expoliat, ſcribendi rationem oſtendat, Poetas enaret, res antiquo tempore geſtas aperiat. Itaque nemo ſane mentis dubitare poteſt, quin non tantum honeſta ſit, atque utilis, ſed etiam humana uita profuſus neceſſaria atque ideo cum omnes intelligant, tam ſummi, quam infimi homines, quicumque modo facultates aliquas habent filios ſuis magiſtris erudiendos tradunt, neque ingenuum aut nobilem quemquam exiſtimant, qui huius ſcientia rudis omnino reperiatur. uident enim atque ſentiunt id quod maxime perſpicuum eſt, neminem eſſe qui diſciplinam ullam aliam acquirere poſſit, niſi prius huic noſtrę diligentem operam nauet, neque ſane quiſquam eſt, quin intelligat, quanto quis in hac arte peritior fuerit, tanto ei faciliorem eſſe uiam, ad reliquas omnes percipiendas. Quod ſi ex ſcientiarum cognitione, quod omnibus planum atque maniſeſtum eſt, magne provenire ſolent utilitates, à qua id arte reliqua acceperunt, ut humani generi utiles eſſe poſſint, eam profeſſo cæterarum omnium utiliſſimam, ut iudicemus neceſſe eſt, cum præſertim hæc ſola ſine reliquis, plurimum tamen decoris atque emolumenti afferre poteſt, at uero cætera omnes huius ope deſtitutę ſuum munus tueri nullo modo poſſunt, cum igitur hæc una ſcientia ſit, quæ rudes animos ad humanitatem informet, quæ puerorum os tencrum atque balbum figuret, quæ ad auctorum intelligentiam inducat, quæ mores inſtituat, prudentiam acquirat quæ niſi cuſtos & moderatrix reliquis acceſſerit, aut nullo modo percipi poſſunt, aut certe ſquallida, ieiuna, inculta, horrida, denique omni decore atque gratia ſpoliata uidentur. poterit necuiquam dubium eſſe, quin omnium utilis atque honeſta ſit? Quid quod ex nulla penitus ſcientia tanta voluptas percipitur? Proh Dij immortales quod ingenium, quæ facultas dicendi, quæ à quoquam excogitata oratio, minimam poſſet eius oblectationis partem exprimere, quæ ex legendis authoribus, & euoluendis antiquorum ſcriptis emanare; atque in animum noſtrum inſuere ſolet? quid enim ſummarum poetarum lætione incundius? in quibus & clarorum hominum laudes, & improborum uituperationes, belli togeque, præcepta utiliſſima, & locorum ameniſſimas deſcriptiones, & perturbati maris horrorem, & pugnarum horribilem ſtrepitum, & ducorum uictum per cruentas cædes, exultantem uictoriam, & cadentium hominum eiulatus & principum uirorum cum Deis congreſſus, atque conſabulationes & æquatam calo uirtutem uidere licet. quis aut ſonus? quæ harmonia? qui concentus egregiorum carminum modulatione dulcior? certe neque in diebus feſtis celebrandis, neque intempeſtinis conuiujs, neque in alea, neque in ruſticanis amenitatibus, neque in amore ulla tanta oblectatio eſt, quanta in Poetarum ſcriptis euoluendis. Ipſa porro rerum antiquarum cognitio, quæ legendis hiſtorijs acquiritur, quanta tandem incunditatis, atque volupta-

M. AN. MAIORAGII

tis est? mitto enim hoc loco dicere, quod uerissime Cicero pronunciauit, histo-
 riam esse testem temporum, lucem ueritatis, uitam memoriæ magistram ui-
 tæ, nunciam uetustatis, ut si quis nesciat, quid antequam natus sit accide-
 rit, is semper esse puer uideatur. quid antiquitatis commemoratione dulcius?
 quid historia iucundius in qua pura est, atque illustris claritas in qua distin-
 ctæ ornatæ narrationes habentur, & regiones sæpenumero, atque pugna
 describuntur, interponuntur etiam conciones, & cohortationes nihil in ea
 falsi, nulla, suspicio gratiæ, nulli simulatæ, & exitu plerumque tali concluditur,
 ut expleatur animus iucundissima lectionis uoluptate, At fortasse insur-
 get aliquis, qui ipsam quidem per se Grammaticam, & honestam, & utilem,
 & iucundam esse fateatur, atque ideo cognitionem eius liberalem, atque
 ingenuam haberi sed tamen eius professionem, ut ieiunam, & tenuem ca-
 uilletur, neque ullam penitus esse dicat in docenda Grammatica dignitatem.
 huic igitur etiam opinioni quantum est situm in nobis occurrere tentemus
 neque enim (ut plerique existimant) tam angustis finibus Grammatica con-
 tinetur, ut nihil aliud quam recte loquendi & scribendi scientiam comple-
 ctatur, sed eius uirtus, tam late patet ut uerear ne si eam ex primere uolucro
 permultos qui nunc Grammaticorum nomine, subnixi atque tumidi ambu-
 lant, christas (quod aiunt) deponere cogam quæ si recte reputare uoluerint,
 intelligent profecto tantum abesse ut hoc tanto nomine digni sint, ut etiam
 absint ab eo quam longissime, nam cum reliquæ artes suis finibus, non sane
 amplissimis coerceantur, hæc una tantum extenditur, ut reliquas omnes
 complexa esse neque ullis terminis circumscribi, sed omnem infinitatem pe-
 regrinari uideatur, quod etiam primo de Oratore Cicero fatetur cum esse
 Grammatica pene infinitam uim, & materiam affirmet neque enim Poe-
 tas tantum, atque historicos legisse sufficit, sed omne scriptorum genus ex-
 cutiendum illi est, qui se Grammaticum profiteri uelit, aut Grammatici
 nomen relinquendum, noscenda est omnis historia, notanda sunt pene sin-
 gula uerba, quæ frequenter ius ab authoribus sumunt, percipienda est etiam
 Musica, & de metris Rythmisque recte possit indicare. Quid de syderum
 ratione commemorem quam si quis ignoret quomodo quæso Poetas intel-
 liget, qui ut alia prætermittam oportet esse Grammaticum in declarandis tem-
 poribus utuntur? quin etiam Philosophia non ignarum oportet esse Gram-
 maticum, cum in omni ferè carminum genere plurimi loci reperiantur, ex in-
 sima questionum naturalium subtilitate repetiti: iam nisi tanquam digitos no-
 menque suum, Rhetoriam figuras & ornamenta dicendi, Dialecticorum rationes
 & argumenta tenuerit nullo modo poterit in authoribus interpretandis in-
 tegram præstare operam, quid quod ex medicine scientia, & iurisprudentia
 multa inueniuntur à Poetis ex historicis decerpta, quæ si quis earum artium
 penitus

penitus ignarus & rudis sit, qua ratione rectè poterit interpretari? Quis igitur eos serat qui hanc artem, & tenuem ac ieiunam cauillatur, quæ (ut ait Quintilianus) nisi reliquis scientiis fundamenta fideliter iecerit, quicquid superstruxeris corruet, quæ necessariæ pueris est, incunda senibus, dulcis secretorum comes, & quæ uel sola omni studiorum genere plus habeat operis quam ostentationis. Est igitur quiddam maius quam plerique homines opinentur, sese Grammaticum profiteri nam apud antiquos quicumque hoc nomine dignus habebatur, is de omni scriptorum genere iudicabat, unde & Critici fuerunt appellati, quod in discernendis aliorum scriptis, suo iudicio uterentur. Quo quidem ita seuerè sunt usi ueteres Grammatici Quintiliano teste, ut non uersus modo censoria quadam uirgula notare. & libros qui falso uiderentur inscripti tanquam subdititios submonere familia permisserint sibi, sed auctores alios in ordinem redegerint, alios omnino exemerint numero. Quid quod multi Grammatici reperti sunt, qui Philosophorum, Medicorum, & Iurisconsultorum libros, luculenter, & ingeniosè sunt interpretati? Nam Ioannes Grammaticus cognomento Philipponus, multa Aristotelis opera fideliter exponit, Didimus autem Alexandrinus qui propter assiduum studium, & indefessum laborem Adamantinus, & Chalcenterus appellatus fuit, & Zenocritus cœus, & Aristæas Rhodius Calcagninus insignis Grammaticus, multos ex iure ciuili titulos, una cum ipsis libris, & nonnullos ex Aristotele libros interpretatus est, Quid in Cælij Rhodigini lectionibus antiquis, annon omnium scientiarum quasi gemmula quedam elucet? Nos etiam anno superiore Paraphrasin in quatuor Aristotelis de cælo libros, & duos de generatione & interitu consecimus, quæ propediem (ut spero) uulgabitur. At contra maximos in alijs scientiis & facultatibus uiros ab hac nostra professione non abhoruisse satis constat, si quis enim ueterum monumenta scrutari uelit, inueniet profecto summos illos Philosophos, Aristotelem, Theophrastum Theodectem. Stoicos plerosque in hac arte docenda, atque tradenda se frequenter exercuisse. Quid quod Iulium Cæsarem summum illum Imperatorem, qui totum terrarum orbem suis uictorijs illustrauit, cuius animi sublimitas (ut ait Plinius) omnium capax fuit, quæ cælo continentur accepimus non solum de hac arte copiosè conscripsisse, sed etiam ad minutissimas eius partes excutiendas demississe? Hoc idem P. Nigidius. M. Varro, M. Messala. C. Plinius, multique alij præterea ex ipsa nobilitate Romana clarissimi uiri facere, quæ res apertissimè declarat hanc professionem semper habitam fuisse liberalem cum præsertim à præcis illis temporibus inter ingenuarum artium professores, etiam Grammaticos fuisse connumeratos satis constet. Nam illos etiam accepimus, qui primi Romæ per huius artis ad hominum cognitionem sanamque peruenierunt. Ser-

M. A. N. MAIORAGII

nium Nicanorem Aurelium, Opiliū, Antonium, Gniphonem, magno in honore habitos. proditum enim est ipsam etiam Ciceronem, cum iam in foro & causis floreret, & omnium Oratorum ætatis suæ princeps haberetur, nobilissimoque præturæ munere fringeretur, ad Antonium Gniphonem audiendum frequenter accessisse, & præterea Curtij Nicæ consuetudine mirifice delectari solitum, Nam Crates Mallotes, qui Grammaticæ studium primus in orbem intulit, Atisarchi æqualis, nobilissimus sane fuit, quippe qui Attali regis legatus antea fuerat, uerius autem Flaccus tanta beneuolentia populi Ro. docuit, ut non aliter atque Imperator quispiam egregius in foro statuam meruerit. Sed quid singulos commemoro? cum uniuerfos simul Grammaticos, non semel à summis Imperatoribus, atque Principibus honestatos fuisse legamus? Nam Iulius Cæsar uir omni laudum genere cumulatus cum iam in Rep. princeps unicus, atque dictator esset, Grammaticos omnes qui eo tempore Romæ profitebantur ciuitate donauit, cuius liberalitate imitati Scæuerus & Antonius, omnes qui hanc artem docerent, à publicis muneribus, immunes ac liberos esse uoluerunt. Sed longe maiorem Grammaticis honorem & utilitatem Antonius ille Pius principum omnium dignissimus exhibuit, qui omnes ubicunque docerent, ab omnibus tributis, atque exactionibus prorsus immunes esse constitutione sua pulcherrima atque sanctissima stabiliiuit. Age uero quantus demum honor ille existimandus est, quo nostrum ordinem diuinus Imperator Constantinus affecit? qui non solum res nostras atque fortunas immunes ac liberas, sed etiam nos à prinatis quasi castos Musarum Sacerdotes, maxime ijs qui nos laderent, proposita pæna prorsus inuiolatos esse noluit, iussit enim eos arbitrio indicis puniri, à quibus nostri ordinis homines aliquo modo uexati fuissent. Quid quod M. Antonius Imperator qui Philosophus cognomento dictus est Frontonem præceptorem suum Consulem creauit? Quid? annon eandem consularis dignitatem Gratianus Ausonio Burdegalensi Magistro suo tradidit. At fortasse dicet aliquis, hæc quidem antiquis illis temporibus accidisse; nostro uero tempore paruo esse in honore Grammaticos. Verum si quis diligenter aduertat, eos profecto intelliget, qui hoc nomine digni sunt, non minoris hoc tempore fieri, quam olim apud ueteres habiti sint, ut enim Hadrianum prætermittam, quem non ita pridem Carolus Imperator ex obscuro loco natum ad Pontificatus maximi dignitatem euexit, ut nihil de Politiano Calderino Beroaldo Cælio commemorem qui patrum nostrorum memoria maxime floruerunt. Quid Baptista Egnatio nostro tempore clarius, quem annos iam amplius quadraginta publice docentem summis honoribus Venetorum Respub. persecuta est? Quis Romulum Amaseum eloquentissimum grammaticum non celebrat quem nuper Fernesus Cardinalis, magnis propositis & ad opes, &

ad dignitatem præmijs Roman accersuisti? Quid de Lazaro Bonamico dicam? ad quem Patavij profitemem, non tantum ex tota Italia, sed etiam ex Germania, cæterisque ex gentibus magni concursus sunt. Quid Alexandrium Guarinum commemorem, qui quamvis non valde Grammaticus sit, tamen ab Hercule secundo Ferrariensium Principe magnos honores atque dignitates quotidie consequitur, nam & principis consiliarius est, & honestis plerumque legationibus fungitur, necesse esset profecto in hac côm memoratiōis parte Riccium meum prætermittere, qui cum uir eiusmodi sit, ut quavis amplissima dignitate dignus esse uideatur, ab eodem principe Ferrariensium non quidem pro meritis amplo, sed tamen honesto stipendio susceptus cum tota familia sustentatur. Nostrium etiam collegam Othonem Lupanum, quem præsentem aflare uideo, uirum certe non tantum in grammaticis, sed etiam in alijs scientijs peritissimum, duos ab hinc annos quamvis ob bellorum tumultus admodum concussa esset Respub. tamen à Senatu nostro scimus omnes satis amplo stipendio conductum fuisse, qui in hac ciuitate literas humaniores profiteretur. De me autem nihil opus est dicere, quem uir integerrimus Philippus Saccus, Senatus princeps itemque sanctissimus Antistes, Angelus Arcimboldus Nouariensis Episcopus, qui duo Gymnasio publico præfecti sunt, ex totius ordinis Senatorij consensu, penè inuitum ac repugnantem ad hunc amplissimum (ut ego quidem iudico) dignitatis gradum euerunt. Sed quid exemplis opus est? cum in omnibus fere ciuitatibus magnoprecio uirtutem hanc extimari uideamus? Prob Deum atque hominum fides, erit ne quisquam tam rerum ignarus, tam amens, tam nullius neque consilij, neque intelligentiæ, qui grammaticæ professionem improbare audeat? quæ nos ab ignorantie tenebris prima liberat? quæ nos ab immani atque agresti uita ad civilem cultum, atque humanitatem reuocat? quæ mentes atque animos nostros ad omnem uirtutem atque honestam actionem conformat? Quod enim uite genus? quæ conditio? quæ uiuendi ratio reperitur, cui non utilis maximè Grammatica sit? nam siue malitiam exerceas, siue mercaturam sequaris, siue teipsum demiseris, ut officina aliqua contentus sis, hæc te semper scientia plurimum adiuuabit, quod si maiora quædam aggredi uolueris, & ad res gerendas, aut Rempub. administrandam animus tuum applicueris. non tantum tibi utilis sed etiam necessaria erit ista scientia, quam enim Reip. partem literarum omnium expertus homo sustinere potest? Quid de scientijs illis dicam, ad quas aspirare omnes intelligo, Rhetorica, Dialectica, Iurisprudentia, Medicina, quæ si Grammatica non sit, nullæ prorsus esse possunt. Itaque mihi libet exclamare: O uita Grammatica Dux, scientiarum omnium indagatrix, expultrixque ignoran-

M. AN. MAIORAGII

tia, quam enim sine te obscura quam rudis, quam imperfecta, quam denique calamitosa esset hominum uita. Te certe quoniam pro dignitate, nulla est tanta dicendi uis, tantaque copia quæ satis laudare atque extollere possit, te (inquam) ante omnes ingenuas artes, tanquam humano generi maximè propitiam atque salutarem Deam, tota mente atque animo semper colemus, & uenerabimur. Tu nostros animos ex altissimo domicilio, depressos atque istis corporis compagibus alligatos, erudiendos prima suscipis. Tu nos ad humanitatem princeps informas tu linguam nostram blesam & balbutientem, ad pure loquendum prima resoluis. Tu literas informare, atque scriptis mandare quacunque mente concipimus, sola condocere facere potes. Tu igitur sola totum terrarum orbem regis ac gubernas. Quis enim sine te Inuisconsultus quis Medicus, quis Mathematicus, quis Reipub. administrator, quis Princeps, quis Legislator? annon omnia prorsus in tenebris, iacerent nisi tuum lumen accederet? Tu tuo diuino fulgore cuncta collustras, tu mores hominum componis, tu uitæ rationem insituis, tu priuatam domum custodire, tu ciuitatem regere doces, per te animi sensa dicendo exprimimus, uerum à falso distinguimus, res obscuras, atque ab ipsa natura inuolutas indagamus. Tu nobis aditum in calum patefacis, per te denique calum, terras, maria, cognitione comprehendimus, O diuina atque admirabilis scientia, O mentis nostræ clarissimum lumen. O uita humane præcipua moderatrix, tu mihi magistra, tu patrona, tu domina dum hoc cælo fruatur exis sempiterna. Agite ergo generosa, uos autem iuuenes appello, quos hæc omnium præstantissima doctrina numine afflauit suo. per Deos immortales animum erigite, totis remis uelisque ad hanc contendite, quæ auro splendidior, margaritis præciosior, æthere ipso clarior est. Quod ita facillime facietis, si uos famæ, si gloriæ, si dignitatis aliqua cura caperit, nihil enim est, quod maiores uobis honores, maius emolumentum, maiorem celebritatem afferre possit, quam si uos ita literarum studijs dederitis, ut nullum frustra tempus coneratis. En aperta uobis uia est me socium aut comitem assanite, non uos somnus non uoluptas, non frigus, non calor, ab hoc tam præclaro incepto retrahat, non uos labor ullus absterreat, animi uestri præstantiam, atque pulchritudinem intuemini, quam nisi hac doctrina excolueritis, omnino prorsus euanesceat. Hæc una dignitatis, atque nobilitatis uia est, non enim ij nobiles existimandi sunt qui preciosis atque avaritis uestibus induuntur, & qui aurea monilia collo circumponunt, sed qui uirtute sua se suosque pro uirili parte conantur illustrare, ad quam quoniam hæc nostra quam profitemur scientia uos facillime perducere potest, ita mentem, atque animum ad eam percipiendam applicare debetis, ut nihil sit quod ea uos magis moueat, at-

que

que delectet, ita enim facile fiet, ut vobis maximam gloriam ac dignitatem,
 parentibus vestris solatium, & animi quietem & patrie decus & ornamen-
 tum, inimicis mororem, amicis letitiam comparetis, Reliquum est P. C.
 vosque ceteri cives nobilissimi qui me vestra praesentia tam benignè decora-
 re, & tam attentè audire voluistis, ut non quas debeo, quod penè esset in-
 finitum, sed gratias agam, cum praesertim nulla ratione referre possim,
 nisi fortasse vos, ut parentes patrie decet, quae in Rempub.
 beneficia conferuntur, in vos ipsos collata existime-
 tis, hoc enim pacto me omni cura, studio,
 diligentia polliceor effecturum, ut
 erudiendis assidue iuuenibus, &
 officio meo diligenter, &
 integre praestando,
 vobis & cumu-
 late satis
 factum, &
 abunde relatam suis-
 se gratiam à me iudicetis.



DE VARIETATE

ORATIO XXI.



Si quantum animi mei sensus celeres & varij sunt ad cogitandum, tantum etiam uberes & copiosi essent ad explicandum, sperarem profecto, quæ mihi de varietate dicenda proposui, non minus eleganti politaque oratione completi, quam eadem suavi iucundaque cogitatione concepî. sed tam veloci præcipitiue cursu mens mea per infinitatem naturæ summa cum iucunditate peregrinatur, ut vix ea uolando satis aduertere possit, in quibus eius interpret oratio linguaque versatur, quod nisi iucundissimus conspectus noster concitata menti meæ quasi frenos iniiceret, sine dubio iucunda hæc & maxime uaria, quam hodie sum habiturus oratio mihi tota excideret. Itaque ne forte animus tanta rerum uarietate distractus à proposito longius euagetur, facite queso, ut mihi silentium & audientia uestra suffragetur. Non enim de re vulgari aut inani, sed de ipsa beatitudine uerba facturus adueni, quam res omnes, tanquam extremum bonorum, & finem suum expetunt, de qua cum tam uarias ac multiplices inter se hominum esse opiniones uideam, perlongo sanè tempore mecum hæsitant, quæ potissimum & tam diuersis opinionibus mihi sequenda esse uideretur, aut cui sententiæ tanquam certiori adhærescerem. Alios enim esse intelligebam, qui finem bonorum esse dicerent, secundum naturam uiuere, sic affectum, ut optime affici possit, ad naturamque accommodatissimè, quam opinionem à Stoicis acceptam carneades accuratissimè defendebat, alios, qui ita sentirent, nihil esse bonum præter scientiam, quod Herillus affirmabat, alios qui securitatem, quæ est animi tranquillitas, quam appellant eudæmoniam, tanquam summum bonum amplecterentur, ut Democritus alios, qui ad corporis & animi uoluptatem omnia referrent, ut Cyrenaici, atque Epicurei. alios, qui doloris uacuitatem extremum felicitatis esse statuerent, ut Hieronymus Rhodius, fuerunt etiam, qui uoluptatem censerent ad honestatem adiungi posse, ut summa felicitas existeret, quod Calliphoni, Dinomachoque placuit. sed qui melius sensisse uidentur, ij corporis & externa bona cum honestate copulata sanctam efficere beatitudinem censuerunt, ut Academici atque Peripatetici. Ego uerò tandem possi frequentes & diuturnas animi agitationes, diligentissimè perspectis & cognitis aliorum opinionibus in eam sententiam

tentiam discessi, ut existimem, nihil aliud esse finem bonorum ac beatitudi-
 nem, quam summam uitæ incunditatem in uarietate collocatam. quæ mea
 sententia ne fortasse cuiquam uestrum aut mira propter nouitatem, aut ab-
 surda propter discrepantiam ab alijs, esse uideatur, rationes & argumenta,
 quæ me in eam quasi inuitum & repugnantem pertraxerunt, breuiter ex-
 plicare constitui. nos quæso diligenter attendite. rem enim perulgatam il-
 lam quidem, & ab omnibus ferè cognitam, sed tamen quod mirum est, à pau-
 cis animaduersam, & adhuc à nemine penitus hoc modo tractatam audietis.
 Ac primum quidem nullum esse hominem tam clienum à ueritate, tamque
 auersum à communi sensu arbitror, quin illud mihi concedendum esse statuat.
 à incunditate beatitudinem separari nullo modo posse, cui tanquam pars quæ-
 dam siue species suo generi subiecta est, ut nihil sit beatum, quod idem non
 etiam incundum sit. nam si quis omnem uitæ incunditatem auferat, quæ bea-
 titudo uel pars beatitudinis poterit existere? quis est, qui beatus appellari
 possit, si uitam agat prorsus in incundam? quenam in miserijs & calamita-
 tibus uita dici beata potest? ualeant enim hac in parte stoici, quæ minutis qui-
 busdam & contortis conclusiunculis asserunt etiam in tormentis & cruciatibus
 uitam sapientem omnino beatum esse. qui dicunt etiam in Phalaridis
 taurum beatam uitam esse descensuram. meo quidem iudicio longè melius ille
 Terentianus Pamphilus, qui Deorum uitam propterea sempiternam esse ar-
 bitratur, quod uoluptates eorum propriæ sunt. nam si beatitudo posset in ca-
 lamitatibus & miserijs aliquando reperiri, certè Dei immortales, qui per-
 petuò beati sunt, & æuo sempiterno perfuuntur, interdum in miserijs esse
 uellent. quod quam absurdum sit, quis est, qui non intelligat? exulant enim
 à Deorum uita calamitates omnes atque miseria, neque ibi potest ullus esse
 dolor, aut tristitia, ubi sempiterna incunditas est, & leticia, maneat igitur
 hoc fixum, & probè stabilitum, non posse beatitudinem à incunditate sepa-
 rari. quod si probare potuerimus incunditatem omnem esse in uarietate con-
 sistentem, nimirum id erit perfectum & conclusum, quod inuisio nobis place-
 re diximus, nihil aliud esse beatitudinem ac summum bonum, quam uitæ in-
 cunditatem in uarietate positam, quo igitur potissimum argumento probari
 potest, nihil esse incundum, quod non ipsa uarietate commendetur? Satis
 hoc quidem aperte declaratur eo, quod omnibus in rebus, ut etiam oratore te-
 statur, similitudo est satietatis mater. nihil enim tam incundum est aut sua-
 ue, quod si semper simile sit, & nihil unquam uarietur, non illico molestiam
 asserat. idem semper cibus nauscam creat, eadem semper oratio sensum an-
 nium non mediocriter uexat. quid in reliquis rebus, nonne cum eadem sa-
 pius iterantur, maximum semper secum asferre fastidium solent, unde tri-
 tum illud est sermone prouerbum; Crambe bis posita mors. at sine ulla du-

bitatione remota est omnis à beatitudine molestia. cum beatus ille dicatur,
 qui sit omnibus bonis cumlatus nullo adiuncto malo. quare iucunditatem
 eam, quæ beatitudo nominatur, in uarietate positam esse necesse est. quam
 rem Mimus etiam ille peruulgatus affirmat; Nihil iucundum, nisi quod
 commendat uarietas, & Aristoteles primo Rhetoricorum his quidem uer-
 bis; & commutatio res est iucunda. nam commutari natura accommoda-
 tum est. quod enim semper idem est in exuperantiam transit, & presentem
 habitum corrumpit. unde bene dictum est; omnium rerum uicissitudo iucun-
 da. Est autem uarietas (sicut ait Cicero) latinum uerbum. idq; propriè quidem
 in disparibus coloribus dicitur, sed transfertur in multa disparia. uarium poe-
 ma, uaria oratio, uarij mores, uaria fortuna uoluptas etiam uaria dici solet, cū
 percipitur è multis dissimilibus rebus, atque hæc quidem est illa uarietas
 de qua nos loquimur, quæ semper cum uoluptate iucunditateque percipitur.
 in qua positam esse beatam uitam, non tam rationibus, quæ firmissimæ sunt
 atque apertissimæ. quam etiam exemplis pendè infinitis & euentibus ac ma-
 nifestis intelligi potest. Nam Deus ipse beatus & æternus ita statuisse per-
 spicitur, ut propter uarietatem natura non tantum sensus omnes exteriores
 visum, auditum, odoratum, gustatum, tactum, sed etiam interiores, com-
 muniem sensum, uisionem, cogitationem, memoriam, mentem denique ip-
 sam mirificè deleteret. atque à rebus hisce caducis & fragilibus, quæ maxi-
 mè uariæ sunt, ad æternas illas & immortales, quæ nullo sensu corporis, sed
 tantum intelligentia comprehenduntur omnes cogitationes nostras subducat,
 ut animus tandem hoc mortali corpore solutus, & quasi carcere caeco libe-
 ratus in celum subuolans, in illa diuination atque immortalium rerum uarie-
 tate purissima cum uoluptate conuiescat. hac ductus ratione Plato censuit
 oculos nobis ad Dei cognitionem esse duces optimos, qui cum opera Dei aspe-
 ctabilia, tam pulchra, tamque uaria conspiciunt, diuinam sapientiam &
 potestatem admirati, cogitant quanto pulchrior, quantoque magis uaria
 sit illaratio perfectæ, mensque sempiterna, quæ procurat cælestia maxime,
 deinde in terris ea, quæ ad homines pertinent. Quid est enim in hoc toto
 Mundi complexu, atque in omni rerum uniuersitate quod non à rerum om-
 nium conditore Deo uarietate quadam distinctum ac perpolitum sit. Nam si
 liber ab ipsa prima causa bonorum omnium procreatrice principium duca-
 mus, & eius opera præstantissima quasi per transfennam breuiter percurra-
 mus. sic enim faciliè intelligemus non tantum in procreatis rebus, sed etiam
 in ipso Deo quandam esse uarietatem, in qua sit omnis felicitas atque beatitu-
 do. tradunt enim sanctissimi religionis interpretes, unum quidem esse De-
 um, sed in tres tamen personas distinctum, ut una sit omnino diuina natura,
 variè uero personæ. patrem ipsam uniuersitatis aiunt esse qui mentem siue
 filium

filium unicum ab aeterno genuit, atque omnes illi perfectiones attribuit, in eo-
 que tanquam in horto quodam amantissimo maxime varias ac diuersas, &
 ab omni parte perfectas rerum omnium ideas ac species quasi conuenit, unde
 Platonici non sine maxima ratione commoti mentem illam Iouis paradysum
 appellare consueuerunt. filium autem dicunt esse, qui genitus à patre sapien-
 tiam omnem ab initio secum habuit. ut hæc omnia, quæ sunt in uniuersa mun-
 di machina ad idæarum exemplar, & pulchritudinem uariaret, atque con-
 formaret. in quibus omnibus quanta sit uarietas, nemo est, nisi plane cæcus,
 quin apertissime uideat. Spiritum denique tradunt esse, qui res omnes à di-
 uina illa mente procreatas fouet, alit, auget, & per omnes mundi partes
 insusus totam, ut ait poeta, molem agit, & magno se corpore miscet. quem
 ipsius mundi esse animum ac uitam rectissime Platonici censuerunt. Porro
 Deus ipse uarijs etiam nominibus delectari respectu nostri magnopere uide-
 tur: nam Hæbraei rerum diuinarum eruditissimi homines tradunt plurima quæ
 idem esse Dei nomina sed præcipua decem, quæ tanquam numina quædam in
 res procreatas influunt, ac primo quidem in nouem intelligentiarum ordines,
 & beatorum choros, deinde in cælestes globos, & fixas stellas, atque er-
 raticias, tum in homines, postremo in alias res omnes, ut ab illis diuinis no-
 minibus res singule nim atque uirtutem accipiant. quam rem etiam M. Var-
 ro uidetur attigisse, cum ait, sicut omnes animæ reducuntur ad unam animam
 mundi siue uniuersi, ita Deos omnes referri ad unum Iouem, qui idem Deus
 sub uarijs colitur nominibus. hæc penè eadem ratione Themistius Philosophus
 Valentem Imperatorem (ut Sogonens scribit) ab impia Christi anorum per-
 secutione retraxit. cum ad eum scripsisset, propter uaria de religione dogma-
 ta crudelem esse non oportere. quandoquidem plusquam trecentarum sectarum
 uarietas in Deorum cultu reperiretur, & unusquisque pro dogmate se-
 ctæque propria in diuersa uariaque sententia consisteret ac perseneret. At-
 que hoc ipsi Deo longe gratius esse, dum non facile cognoscitur, & uarijs mo-
 dis magnifice glorioseque colitur. quibus Themistij rationibus multo mitior in
 christianos Imperatorum factus esse dicitur. Iam quantam Demonum, &
 Angelorum multitudinem, quantamque uarietatem Deus procrearit testes
 sunt omnes Theologi ueteres, qui prope innumerabiles eorum myriades esse
 tradiderunt. non enim tantum supra totius mundi ambitum, in conspectu di-
 uinæ maiestatis atque sapientiæ summa cum leticia semper exultantem incre-
 dibilem angelorum, feliciumque animorum multitudinem astare dicunt, sed
 etiam singulis cælestibus globis, & saderibus ac stellis quasdam præesse mo-
 trices intelligentias uolunt, quæ certa quadam ratione perpetuoque ordine
 cælum in gyrum torqueant, quin etiam elementis, & mixtis corporibus, &
 regionibus & urbibus, & denique singulis hominibus genios custodes as-
 signant,

M. AN. MAIORAGII

signant, quorum non una sed maxime varia sit natura nam alios esse dicunt igneos, alios aereos, alios aqueos, alios denique terrestres. in quibus permagnam etiam morum uarietatem constituunt. Sed hec quæ sunt obscuriora dimittamus, quæ sensum omnem effugiunt, & cogitatione tantum apprehenduntur, ad ea ueniamus quæ sensibus ipsis percipere, atque indubitatis argumentis quasi manibus ipsis tenere possumus. quis est enim, qui cum oculos ad cælum extollit, non eius uarietatem, & multiformem aspectum admiraretur? nam usque eo uarium ac multiplex cælum est, ut in eo si uel una cum uoluptate siue Deus, siue natura lussisse uideatur. quot enim sunt in octauo globo stellæ fixæ, quantumque inter se diuersæ ac uariæ? quibus innumeras animalium effigies, rerumque cunctarum impressas esse, argumentis, ut ait Plinius, indicatur. quoniam inde deciduis rerum omnium seminibus innumeræ (inquit) in mari præcipue, ac plerumque confusis monstrificæ gignantur effigies. quot deinde sphaera cælestes plurimum inter se dissimiles? quam varia stellarum errantium vis atque natura? quam multiplices in his inferioribus rebus effectus stellæ producant? in hac enim una re omnis astrologorum ars permagna sanè perque obscura summa cum animi contentione occupata est. quæ comites etiam alias, quæ Mathematicæ uocantur, in magna uarietate uersantes ad se trahit. quanta uerò admirabilitas est cælestium rerum, ut perpetuo gyro tanta machina contorqueatur, & erraticæ stellæ singulæ suos ac maxime uarios motus habeant, & modo ad Septentrionem modo ad Austrum uergant, tum occultentur, tum rursus aperiantur, tum abeant, tum recedant, tum præcedant, tum subsequantur, tum celerius moueantur, tum tardius, tum omnino ne moueantur quidem sed ad quoddam tempus insistant. Iam Sol ipse luminum omnium moderator & parens quot & quantas tum in cælo, tum reliquis mundi partibus uarietates efficit? dum orbem illum uarijs distinctum signis quem Zodiacum appellant, quotannis totum illustrat. nam modo uernam temperiem summa cum æninitate nobis affert, dum Arietem, Taurum, Geminos peruagatur, modo æstatem torridam maturis frugibus inducit, dum Cancrum, Leonem, Virginem peragrat, modo fertilem autumnum efficit, dum in Libra, Scorpio, Sagittario spaciatur, modo sæuam nobis atque horridam hyemem longius abscedens relinquit, quo tempore Capricornum, Aquarium & Pisces breuissimo die percurrit. Quid climatum uarietatem commemorem, quibus dies & noctes penè quotidie commutantur? Quid diuersas, & maxime varias mundi regiones persequar, cum, ut ait Poeta.

Quinque zone cælum teneant, -- quarum una corusco

Semper sole rubens, & torrida semper ab igni

Quam circum extrema dextra læuæque trahantur

Cerulea

*Cerulea glacie concreta, atque imbribus atris, .
 due uero tantum sint habitabiles, hæc, quam nos incolimus, & altera quam
 Antipodes tenere dicuntur. hæc autem omnia. quæ cælo continentur, tam mul-
 tiplicia tam uaria, continuo mundi motu, syderumque influxu & uario lu-
 mine sapientes homines regi atque guberari uolunt. Age uero Luna, quæ
 stellarum omnium infima est, & humoris atque adeo generationis domina,
 quantas singulis mensibus uarietates ostendit? semper enim aut augetur, aut
 senescit; & modo curuata in cornua, modo æqua portione diuisa modo, sinua-
 ta in orbem, maculosa, eademque subito præmitens, immensa, orbe pleno, ac
 repente nulla. Atqui supra Lunam, ut eruditissimi viri statuunt, æterna
 sunt omnia, immortalia ac beata. nihilque inter ea traditur esse, quod non uä-
 rietate mirificè delectetur. Quare sine ulla dubitatione concludendum esse ui-
 detur, in una uarietate summam esse beatitudinem. Quid enim opus est, ut ad
 caducas fragiles, continenterque mutabiles res descendam, & elementorum
 instabilem naturam, maximamque uarietatem persequar? inter quæ tamen
 perpetua quedam concordia discors, & discordia concors esse percipitur.
 nam ignis calor cum aere conuenit, siccitas ab eodem discrepat. aeris humor
 aquam attrahit, calor aquæ repugnat, aquæ frigus terra amicum est, humor
 inimicus. quæ quæuis omnia aliqua ex parte, repugnantia sint, & multum
 uaria ac diuersa, tamen ad corporum omnium reliquorum generationem be-
 ne conueniunt. nullum est enim omnino corpus præter illud caeleste, quod nõ
 ex quatuor elementis constituitur. Iam illa quæ in sublimi aere sunt, quæ
 græco nomine Meteora nominantur, & à quibusdam imperfectè mixta cor-
 pora, quam diuersa, quam uaria sunt? quanta in rore, pruina, niue, pluuia,
 grandinibus, tonitruis, suburationibus, fulminibus, nebulis, uentis, come-
 tis, ignibus per aerem discurrentibus, exterisque eius generis non solum quo-
 tantis, sed etiam singulis pene diebus & noctibus uarietas apparet? Quid
 de maris natura multiplici, de fluxu atque refluxu, de aquarum mirifica uarie-
 tate dicam? sint. n. alibi sulphureæ, & calentes, aquæ, alibi frigide alibi salæ, ali-
 bi dulces, alibi salubres, alibi pestilentes, maris, lacustres, fluminales fontana,
 palustres, puteales pluuiæ innumerabilium penè generum. adde huc fontium
 gelidas perennitates, liquores perlucidos amnium riparum uestitus uiridissi-
 mos amenissimas lacuum piscationes, irrigationesque prætorum. Quid terra
 uniuersa, locata in media sede mundi, solida & globosa, & undique ipsa in
 sese nutibus suis conglobata, uestita floribus, herbis, arboribus, frugibus.
 quorum omnium incredibilis multitudo insatiabili uarietate distinguitur. ni-
 bil sane opus est, ut ea recitem, quorum uarietas in omnium conspectu posi-
 ta est, ut montes, campos, nemora, syluas, uineas, arua, uillas, urbes, ædi-
 ficia, quæ nemini penitus ignotum est, quam inter se uaria, quam diuersa
 sint.*

sint. Quid marmorum, saxorum, lapidum, gemmarum, metallorum varia genera proferam? ex quibus quam varia sibi homines instrumenta consecerint, & quam ad varios usus accommodarint, nimis longum esset enumerare. nam sine ferro, ære, plumbo uix ullum opus effici commode posset, ut omnis penè opificum uarietas, quam propè infinitam esse omnes intelligunt, eis metallis debeat, aurum autem atque argentum cum multis alijs. usibus accommodatur, tum uerò nummis, & pecunijs conficiendis omnem humanarum actionum uarietatem uarie regit & gubernat. uerum ut ea qua nutriuntur, & aluntur etiam attingamus, in herbis anni unius intervallo & nascentibus & intereuntibus, quantum uarietatis inest? quanta amenitate prava virentia, uarijs floribus uarijsque coloribus distinguuntur? quis est, qui non summopere letetur, cum uideat ea, quæ terra nascuntur, tam uarijs formis ac figuris esse distincta cum intelligat herbarum tantam & tam uariam esse uirtutem ut ad omnia serè morborum genera sint utiles & diuina quadam prouidentia progenita. plures ad uescendum aptæ sint, plures uarios ex se fructus, uariasque fruges proferant. nam quis non uidet, quot sint frumentorum, leguminum, seminum, quæ uel sua sponte nascuntur, uel hominum industria coluntur, species? licet hortos bene cultos, & herbescentem ex se uiriditatem fundentes contemplari, licet arua sata segetesque iam flauescentes, & maturas spectare, licet colles apricos uerno tempore cum genitalia semina ui noui caloris excitantur. intueri, sequuntur frutices & arbores, quæ non solum uarijs generibus inter se discernuntur, sed etiam in unoquoque genere perquam uarie sunt, ac diuersæ species. quod elegantissime Virgilius in Georgicis ita expressit;

Prætereagenus haud unum nec fortibus ulmis,

Nec salici, lotoque, nec ideis Cyparissis,

Nec pingues unam in faciem nascuntur oliuæ

Orchades, & radij, & amara pausia bacca.

Pomaque & alcynoi syluæ, nec surculus idem

Crustumis, syrjsque pyris, grauibisque uolemis,

Non eadem arboribus pendet uindemia nostris

Quam methymneo carpit de palmite lesbos.

Et non ita multo post, sic ait;

Sed neque quam multæ species, nec nomina quæ sint

Est numerus.

Quid pomorum? quid nucum? quid frugiferarum arborum quanta est dissimilitudo? quam multiformes, quam uarij fructus? neque sanè minor, atque baud scio an etiam maior in animantibus uarietas inuenitur. nam, ut omittam, alias uagas celo frui libero, alias nantes, & aquarum incolas esse alias in terra tantum nutrirî, alias denique quasi accipites

cipites modo in aquis, modo in terra uiuere, quid in auibus, uolucrisque
 quam uaria est natura? quot earum species? quot formae? quot figurae? quam
 inter se uariae, quamque diuersae? quin etiam non modo in formis nulla si-
 militudo conspicitur, sed neque in pennis ac plumis ipsis mirifica quadam
 colorum uarietate distinctis. At uero in piscibus ceterisque omnibus, quae
 in mari, quae in lacubus, quae in fluuijs, quae in fontibus, quae in stagnis,
 quae in paludibus degunt, quam multiformis natura sit, nemo est quin in-
 telligat. quin terrestres bestias uel feras, uel domesticas perquam uarias
 esse planum est ac manifestum, quibus homines uariè utuntur, partim ad
 uescendum, partim ad cultus agrorum, partim ad uehendum, partim ad
 corpora uestiendi, neque tantum genera ipsa, sed in singulis generibus spe-
 cies sunt maxime uariae. quam enim multiplices equi? quam uarij canes? quid
 illa uarietas in bestijs quantopere delectat? quod alia corijs testæ sunt, alia
 villis uestita, alia spinis hirsuta, pluma alias, alias squama uidemus ob-
 ductas, alias esse cornibus armatas, alias habere effugia pennarum? Sed
 iam sentio me nescio qua uarietatis dulcedine distractum longius abiisse, tem-
 pus est, ut ad homines ipsos ueniamus, & quanta sit inter eos uarietas
 consideremus, quamuis enim omnes rationis sint participes, & hac in re
 similes esse censeantur, tamen neque corporis, neque animi similitudinem
 seruant. Mirum enim hoc profectò est, neque sine diligenti consideratione
 praetermittendum, quod in tanta hominum multitudine, qui Europam Afri-
 cam, Asiam incolunt, & si quis est alius in toto terrarum orbe locus habita-
 bilis, nequaquam duo reperiri possint, etiam si gemelli nascentur, tam in-
 ter se similes ut non aliquo tamen signo distingui ualeant. omnino Deus ipse,
 cum animal hoc prouidum, sagax, multiplex acutum, memor plenum ra-
 tionis, & consilij, quem uocamus hominem præclara quadam conditione ge-
 nerauit, quanti uarietatem faceret, apertè declarauit. cum enim ex tot ani-
 mantium generibus atque naturis hominem solum participem rationis & co-
 gitationis, cum cetera omnia sint expertia, conformarit, & omnibus homi-
 nibus eandem formam, eandemque faciem affuxerit, tanta tamen singulos ua-
 rietate discreuit, ut unus ab altero faciliè dignoscatur. atque in corporis qui-
 dem partibus non alia de causa tanta sunt opportunitates, habilitatesque ni-
 si propter earum uariam uim atque potestatem, in quibus etiam instrumen-
 ta sensuum oculi, aures, nares, palatum lingua, uarias nobis rerum scien-
 tias, atque differentias afferunt, eadem etiam uarietas in uocibus & locu-
 tione sentitur, ut frequentissimè cum aliquos inter se loquentes audimus, quã-
 uis ipsos non uideamus, tamen ex sermone ipso alterum ab altero dignosca-
 mus. ut interim de linguarum uarietate nihil dicam, quae quanta sit, quis est,
 qui nesciat? Mithridatem Ponti regem mirum quiddam præstitisse legimus,

M. AN. MAIOR AGII

et duarum & viginti linguarum uarietatem intelligeret, neque tantum diuersi populi, & longinquæ nationes uarieloquentur, sed frequenter accidit ut in eadem regione magna sit in parum distantibus locis loquendi uarietas. Iam uerò de animis & uoluntatibus, uerissimum est illud, quod ait Cicero: ut in corporibus (inquit) magnæ dissimilitudines sunt sic in animis existunt maiores etiam uarietates, ut non sine causa tritum sit iam sermone proverbium; Quot homines, tot sententia, & Persius iure optimo clamat;

Mille hominum species, & rerum discolor usus;

Kelle suum cuique est, nec uero uiniur uno,
neque male uarietatem hanc animorum ad palatum transfudit Horatius, cum ita inquit;

Tres mihi conuiue propè dissentire uidentur

Poscentes uario multum diuersa palato.

Idem Horatius totam primam canticum suam in ea re consumit, ut ostendat uarias hominum est uoluntates, uariaque studia. nam alij dignitates & honores exquirunt. Remp. administrant, magistratus ambiunt, alij ludos & publica certamina consecrantur. alij rem militarem amplectuntur, alij mercaturam exercent, & diuitijs inhiant, alij nihil uenatione incundius arbitrantur, alij re sua familiari delectati uiuunt in agris, & agricultura dedit operam. sunt qui literarum studijs immorantur, sed etiam qui se totos voluptatibus & ocio dedant. nam quid explicare contendam, quantum artes & scientiæ uarietatis habeant? testes sunt ipsi artifices & periti homines, qui suis in artibus perquam uarijs singuli quotidie noui aliquid excogitant, & tamen se nunquam ad earum perfectionem omnino peruenisse & agnoscunt, & consistuntur. testes sunt omnes quicumque animaduertunt, opera ferè quotidie noua reperiri. quæ uarietas extrinsecus etiam in uestibus appareret. neque enim tantam à nationibus, populis, gentibus, ordinibus, sacerdotibus, profanis, rusticis, ciuibus, cuiusque generis hominibus ueritas uariantur, sed etiam in unaquaque domo ac familia pro cuiusque arbitrio atque libidine, uel longæ, uel breues, uel latæ, uel angustæ, uel nigra, uel candida, uel dubio uarioue colore conspiciuntur. Quid dicam de moribus etiam, sexuum, ordinum, nationum? quantum inter adolescentem & senem interest? quantum inter marem, & feminam? quantum inter pauperem & diuitem? quantum inter grauem & barbarum? Quin etiam animus, qui maxime simplex esse uidetur, tamen in duas partes uarias, & plurimum inter se distantes diuisus est, hoc est in rationem & appetitum. quæ due partes inter se perpetuo quodam certamine digladiantur, & contendunt. appetitus enim uarijs assidue perturbationibus & motibus rationem quasi de gradu deicere tentat, dum, aut nimis effuse letatur, aut uehementiori agitudine contrahitur,

hinc, aut acriori libidine incitatur, aut nimio metu deprimitur, contra uero ratio tanquam domus conatur exultantem, & imperium rennientem appetitum sibi subycere. hinc uariarum uirtutum & uitiorum seminaria. quoties enim ratio superat, uirtutes & praeclara actiones prodeunt, & maximo quodam splendore praesurgunt. quoties autem appetitus superior fit, uicia statim emergunt, & uirtutes omnes obruunt. ita fit in animo perpetua quaedam pugna; in qua si ratio denique uictrix fuerit, animus uigum & liberum tandem in aeternam illam domum, & caelestem uarietatem iucundissimam cum uoluptate perducit. Ipsa uero degenda uita ratio quo magis uariatur, eo iucundior esse solet, itaque nemo est, qui in eadem actione, quamuis honestissima iucundissimaque sit, diutius persenerare possit atque illi felices existimantur, qui tantas opes habent, ut arbitrio suo modo in urbe, modo in ruri, modo in uno loco, modo in alio uiuere commodè possunt. Quid in dicendi facultate, quam grata est, & quam iucunda uarietas? quis enim eum a quo animo potest audire, qui eodem semper tenore, atque eadem uoce uerba faciat? quis contra cantus uaria orationis pronuntiatione dulcori inueniri potest? quid suauius quam acuta crebraque sententiae? quid admirabilius, quam res uario splendore illustrata uerborum? quid plenius, quam omni rerum genere cumulata oratio? quin uocem, uultum, gestum, pro rebus quae dicuntur, & aguntur uariare plurimum iuuat. Iam musica cantiones, & harmoniae, quo magis uariæ sunt, eo iucundiores & suauiores habentur, quia de causator & tam uaria musicae artis instrumenta reperta sunt. Quid spectacula? quid ludi publici? quid magnifici apparatus? quid conuiuia? nonne quanto magis uariantur, tanto plus commendationis & admirationis in se habent? Quere in sacris anniuersarijs, in celebratibus, in diebus festis, in nuptijs, in rebus denique omnibus, quae uel religionis uel consuetudinis, uel laetiae gratia comparantur, nihil omnino reperies, quod sine uarietate laudetur. Quere inter lusus puerorum, amores adolescentium, actiones iuuenum, nota ueniam, maximam ubique uarietatem inuenies. Quere inter agricolas, inter urbanos, inter milites, inter principes, denique inter homines cuiusque generis ubique certe uidebis gratiarum omnium matrem atque dominam esse uarietatem. Sed quid moror in medium muliebrem genus adducere de quo poeta praestantissimus ita Virgilius clamat; *Varium & mutabile semper Fœmina.* Quamuis enim hoc propter iratam Aeneae discessu reginam Didonem quasi in seminarium uituperationem poeta dixisse uideatur, tamen illud certum & exploratum est, nullam in mulieribus esse gratiam, nullam uenustatem, nullam decorem, nullam denique iucunditatem, nisi uarietas eas exornet, & amabiles efficiat. hoc in uestibus earum maxime uarijs, uariisque coloribus depictis, in capitis ornamen-

M. AN. MAIORAGIO

tis, in aureis redimiculis, in torquibus, in haccatis monilibus, in armillis, in annulis, in varijs gemmis ac lapillis, in margaritis in omni denique mundo muliebri facile perficitur, cui quidem ornamentorum varietati si corporis uenustas & pulchritudo; quæ in proceritate in conuenientia partium, in coloris suauitate posita est, accesserit, tum uerò nullum spectaculum magis iucundum, nulla res magis conspicua, nihil quod magis animos alliciat, & amoris illecebris ad se trahat, inueniri potest. Ex hac autem de quâ iam dudum loquimur varietatis commendatione factum est ut cum aliquam rem aut hominem uehementer laudare uolumus, eum uarium & multiplicem appellemus, ita Virgilius de agricolarum felicitate;

At secunda quies, & nescia fallere uita,

Dives opum uariarum, ita Cicero de Platone suo, quem unum omnium maximè admiratur, quem Deum Philosophorum uocat, quem ubique miris in celum laudibus extollit; Plato (inquit) uarius & multiplex, & copiosus fuit, & de Socrate sic ait; tum uero eloquentia, uarietate, copia quam se cunque in partem dedisset omnium fuit facile princeps, ipsius autem Socratis disputationes uehementer in eo laudat, quod uaria, & diuersa, & in omnem partem diffusa fuerint. cum igitur omnibus in rebus quæ intelleguntur, & quæ sentiuntur, quæ sempiternæ sunt, & quæ mortales, quæ simplices sunt, & quæ coagmentata quæ animata sunt, & quæ inanimata, quæ ratione utuntur, & quæ non utuntur, maxima quedam, & admirabilis uarietas esse uideatur, & sine uarietate nihil omnino sit, quod aut gratum, aut iucundum esse possit, nemini profecto dubium esse debet, quin omnis felicitas, omnis uita iucunditas, omnis beatitudo sit in uarietate constituta, quam rerum omnium conditor Deus omnibus suis operibus idcirco miscere uoluit, ut eam homines præstanti animo atque ingenio continenter intuentes, etiam animos suos ad illud uarium & multiplex eternitatis exemplar, uarijs artibus, scientijs, & uirtutibus exornarent, & ipsi Deo procreatori suo, qui ideo beatissimus est, quoniam omnem rerum uarietatem perfectissimè intelligit, quam simillimi esse studeant, nihil enim optabilius, quam uarias & diuersas rerum causas effectusque cognoscere, & unde omnis rerum uarietas ortum habeat, quo ut recedat, intelligere, quod ita Virgilius clamando testatur;

Felix, qui potuit rerum cognoscere causas.

hæc uerò rerum causæ, uarietatesque tantum ab ijs intelligi possunt, qui se se optimarum artium studijs dederunt, & qui omnem curam, diligentiam, studium in scientia & sapientia collocarunt. Quamobrem qui hanc ueram & gloriosam animi felicitatem assequi concupiscit, & ea perpetuo frui, cum in presenti uita, dum, ut ait poeta, spiritus hos regit artus,

tum in calo, Deorumque domicilio, cum in illud varium beatorum concilium ceterumque proficiscetur, is honestarum rerum uarietatem semper insueatur, eam unam admiretur, suspiciat, amplectatur, & per scientias atque artes ingenuas eam intelligens, bonis & uarijs actionibus exprimat, ac representet. Sic enim demum id assequetur, quod nulli fortasse ueterum philosophorum, falsis opinionibus inherentium, & qua in re stantium bonum esset, nequaquam satis intelligentium, assequi potuerunt,



DE AMORE

CVM VIRGILII LIBRVM

quartum *Aeneidos* iterum publice interpretaturus esset.

ORATIO XXII.



Cum in omnibus suis operibus Virgilium admirabilem, ac uerè diuinum, si quidem diuinitatis nomen poetæ sibi uendicant, esse semper iudicarem, tum in *Aeneidos* suæ libro quarto se ipsum etiam uicisse, atque omne suum ingenium, artem, & doctrinam ostentasse, facillè quibus paulo doctior intelligere potest. Quam enim ingeniosè quam artificiosè, quam doctè in eo uires amoris indicat? quid ad graues illos Didonis affectus. & ad amoris impotentiam ostendendam hoc Virgiliano poemate fieri potest illustrius, atque euidentius? cum autem uerus opinio sit à priscis illis ducta temporibus, & sapientum hominum consensu approbata eam amoris esse uim quæ cæteras omnes uires antecellat, non alienum ab instituto nostro futurum existimaui, si priusquam ad huius poetæ carminum explanationem uenio, de amore nonnulla præfatus fuero. Quæ in re non sanè mihi explicata dicendi ratio proponitur, cum non tantum de amore ipso, sed etiam de ipsius nomine magna sit apud authores controuersia, prius ergo de amoris nomine, postea uero etiam de ipso amore disseremus. Igitur apud Græcos *amor* ἔρως, nominatur, quod quidem nomen in Phædro Plato ἀπὸ τῆς πύρης, hoc est à robore deductum existimat, quod impetu quodam non ratione mortales ad uoluptatem impellat. Plotinus autem eo in libro, quem de amore composuit ἀπὸ τῆς ὀρέξεως, hoc est à uisione deductum ἱπὸ τῆς αἰσθητικῆς, hoc est ex aspectu plerunque nasci solet amor, quod etiam proverbiali quodam Senario iactatur apud Græcos. ἐν τῷ ἑσπερίῳ γὰρ ἵππῳ τὰς ἀσπιδόωνας πᾶν, & Propertius eo carmine satis indicat.

Si nescis oculi sunt in amore duces

Quare Iuuenalis quasi prodigium senem quendam refert.

Qui nunquam uisa flagrabat amore puella

In Cratylo uero Plato putat $\alpha\pi\alpha\rho\alpha$ trahi $\alpha\pi\circ\tau\epsilon\upsilon\iota\epsilon\gamma\eta\alpha$ hoc est ab influenda quod extrinsecus per oculos in animum influat, Sed pluribus sane nominibus, apud Grecos amor appellatur, nam etiam $\iota\mu\epsilon\tau\epsilon\alpha$, dicitur, quod nomen $\alpha\pi\iota$ quod est fluo deduci Socrates existimat; quem sane intemperatum Sophocles appellauit, hoc est $\alpha\upsilon\pi\alpha\iota\sigma\iota\varsigma$ $\iota\mu\alpha\sigma\alpha\upsilon$. Quidam etiam $\pi\acute{o}\tau\epsilon\alpha$, amorem appellari uolunt uerum in Cratylo Socrates ostendit $\pi\acute{o}\tau\epsilon\alpha$, absentis tantum rei desiderium esse, non presentis amorem, unde sunt qui Apollonium reprehendant super illis uerbis $\alpha\iota\epsilon\tau\epsilon\rho\alpha\sigma\iota\varsigma$ $\pi\acute{o}\tau\epsilon\alpha$ quod $\pi\acute{o}\tau\epsilon\alpha$ pro amore usurparit. $\pi\acute{\iota}\epsilon\tau\alpha$ uero dicunt a celestibus appellari, quasi sit alis praeditus, quod tanquam uolucres, huc & illuc uolitent amantium uota, Propertius uentosas amoris alas appellat, ob inanem credo spem, eius carmen hoc est.

Idem non frustra uentosas addidit alas.

Fecit & humano corde uolare Deum

Alexander Aphrodisiens in problematis scribit, ueteres ideo sultum aliam amorem sine iuste, quod in alium tanquam lites amantium uota collantur, $\gamma\iota\lambda\iota\epsilon$ etiam atque $\epsilon\pi\alpha\sigma\iota\varsigma$ pro amore nonnumquam apud auctores reperire est, Latini uero sine ulla discrimine utuntur, amoris uocabulo sine paruum affectum, indicare siue magnū uoluerint, & tam honestis, quam turpibus nomen hoc accommodant. Quamuis cum aliquam turpitudinem & obsecram consuetudinem indicare uelint, amores potius in multitudinis numero, quam amorem appellare consueuerint, uanum quidem & lasciuum amorem etiam in singulari numero dixerunt, sed qui honestum & laudabilem amorem in multitudinis numero exprefferit, uix quenquam ex probatis auctoribus inuenies, hoc autem nomen latissime patet, & ad omne desiderium transfertur, ut in Sexto Sybilla loquens ad Aeneam.

Sed si tantus amor (inquit) si tanta Cupido,

Bis stygios innare lacus, & in eodem libro.

Tendebantque manus ripae ulterioris amore. quin etiam mortis desiderium amoris nomine Cicero interpretatur ex Aescylo, amore mortis terminem inquirens mali. Cupido uero & pro amoris Deo, & pro uehementiori appetitu, solet ab authoribus usurpari. Iam uero nis illa amoris intensissima, nomine furoris plerumque significatur, quem Graeci $\mu\epsilon\tau\alpha$ uocant, quamuis in multitudinis numero politiores scriptores frequentius usurpent, quod eo Catulli carmine intelligitur. Indomitos in corde ferens Ariadna furores.

Quod autem etiam cura pro amore, frequenter inuenitur, nemini dubium esse arbitror, quod uel ex huius libri carmine libro, satis intelligi potest.

At Regina graui iamdudum saucia cura, & paulo post.

Nec placidam menti dat cura quietem.

Sed quid amor sit tandem, utrum aliqua natura quae per se possit esse, ut Deus,

351 M. AN. MAIORAGGIO

homo, aut demon, an affectio tantum animi quadam non satis inter Scriptores conuenit. Poetæ namque Deum illum esse uolunt omnino qui potestate sua non homines tantum, sed immortales etiam Deos sibi subijcias. Unde Euripides eum stolidum & imperitum uocat, qui non amorem maximè omnium esse Deum censet, cuius hæc carmina citantur à Stobæo, ἔρως δ' ὅστις μὴ θεῶν κρείττω γὰρ καὶ τῶν ἀνθρώπων δαίμων ὑπὲρ, τὸν ἡσυχαιοὶ εἶσι. ἢ καλῶς ἀπαρτὸς ὦν ὑπὸ δειδῶρ μὴ γίνομ' ἀνθρώπος θεῶν. alibi uero scribit idem Euripides non tantum uiros, & mulieres ab amore inuadi solere, sed etiam Deorum animos uulnerari ut ne Iuppiter quidem illi resistere possit. sed ab eo frequenter dometur, Hesiodus in Theogonia sua scribit primo quidem factum chaos fuisse, postea terram, postremo amorem produxisse, Simonides autem ex Venere & Marte natum asserit Acusilaus ex nocte & athere, Alceus ἐκ τῆς ἐρίδος καὶ ἐρηρίας, Sappho ueneris, & cæli filium tradit. Cicero de Natu. Deorum libro 3. tres cupides memorat, quorum primus Mercurio & Diana prima natus dicitur, secundus Mercurio & Venere secunda, Tertius qui Anteros dicitur, Marte, & Venere tertia. Sunt etiam qui Venere & Vulcano genitum amorem uelint, ut Tragædia nona Seneca testatur. Platonichs uero Phædrus amorem magnum esse Deum in conuiuio Platonis probare contendit. Itaque multis in locis apud antiquos, tanquam Deus colebatur legimus enim Athenis iuxta Palladis statuan etiam amoris simulacrum extitisse, cui non aliter quam Palladi rem diuinam Athenienses facerent, Lacedæmonios uero accepimus priusquam cum hoste congredierentur, amoris sacrificare solitos, tanquam is Deus solus uictoriam ac salutem præstare posset. Iam apud Thebanos etiam gymnasium amoris dicatum fuisse comperimus, ubi cohors quedam quæ sacra diceretur, ex amantibus, & amatis constabatur. Maxime uero omnium Thespienses, & pariani qui in Helesponto sunt, amorem uolunt, & omnium Deorum principem habent. Sunt etiam qui Amorem neque Deum neque hominem esse asserunt, neque marem, neque feminam quemadmodum Athenens libro 13. scribit, ubi plurima de amore tractantur, Fingebant autem puerum, & uolucrum & sagittis armatum quemadmodum elegantissimè Propertius libro 2. cecinit, Eubulus tamen neque leuem, neque penigerrimum amorem esse dicit. Sed grauem potius & stabilem, & Alexis minime uolucrum esse uult, quamuis ab ignavis pistoribus ita fingatur, sine præterea qui illum cæcum esse uelint, quia quod ait Propertius, infans nemo in amore uidet, & id Theocriti auctoritate probare contendant, qui ita cribat; ἰν' ἰδύλλῳ αὖ τοῦτο καὶ τίτλος ἐστὶν. τυφλὸς δὲ οὐκ αὐτὰρ ὁ πρῶτος καὶ ἄλλος πρότερος ὅπως. hoc est non tantum Plutus cæcus est, sed etiam curarum plenus amor, uerum Moschus in eo pulcherrimo carmine quod ἀφ' αὐτοῦ ὅπως inscribitur. Amorem oculos acres & ardentes, hoc est ἐρίμην καὶ φλογὸς ὀφθαλμοῦ

parata habere scribit neque sane memini legere ubi apud probatos auctores, amor pro Deo cæcus fingatur. At uero quid amor sit optimè Seneca Tragedia nona quæ Octauia inscribitur, his uersibus edocet:

- Volucrem esse amorem fingit immitem Deum
- Mortalis error, armataque telis manus
- Artusque sacrus instruit Scena face
- Genitumque credit Venere Vulcano satum
- Vis magna mentis, blandus atque animi calor
- Amor est, inuentæ gignitur luxu
- Ocio nutritur, inter læta fortuna bona.
- Quem si fouere atque alere desistat cadit,

Brevi; uires perdit extinctus suas. Non igitur Deū, neq; Demonem, neq; hominem esse amorem, sed uim quandam mentis atque animi calorem, existimandum est, atque ideo nonnulli dicunt amorem, nihil aliud esse quam boni desiderium, alij uero dicunt appetitum esse fruendæ pulchritudinis, quæ sane definitiones ambæ à Platonis schola profluxerunt, Theophrastus autem eximius Philosophus, qui diuinitate loquendi nomen inuenit, amorem ita describit *ἡμῶν ἐστὶ ἀλογιστὸν ἐπὶ αὐταῖς ὑπερβολῇ* hoc est amor est, eius quæ ratione careat cupiditatis exuperantia, sed difficillimum esse rectè intelligere, quid sit amor Plutarchus ostendit cum scribat amorem ab alijs mentem, quandam suæ intellectum, quem ille *ἰσχυρὸν* uocat existimari, ab alijs diuinam animi motionem, atque Demonium, atque alia præterea multa refert, quæ tamen amoris naturam apertè non declarant. Quamuis autem plures amoris species ab aliquibus numerentur, duæ tamen sunt in primis, quæ a Platone atque Plotino celebrentur, aliam enim uulgarem amorem appellant, qui ab ea pulchritudine quæ sensu percipitur, oriatur, quam quidem pulchritudinem, uulgarem etiam uenerem appellare solent, aliam autem caelestem nominant, qui à diuinarij rerum quæ intelligentia cognoscuntur pulchritudine nascatur, & hanc caelestem & diuinam uenerem uocant. Itaque Lucretius Poeta & Philosophus egregius cum hoc intelligeret suum opus ita exercus est, Aeneadam genetrix hominum, Diuumque uoluptas, Alma Venus. In hac enim parte, præclarissime Platonici Philosophati sunt. dum colligunt oculos nobis, ad Dei cognitionem & immortalitatem duces esse, nam cum amor pulchritudinis desiderium sit (ut ait Plato) per huius pulchritudinis, quæ sub sensum cadit, aspectum paulatim erigimur, ad caelestem pulchritudinem atque diuinam, cuius Ideam animo concipientes, admirabili quodam desiderio ad eam trahimur, atque hæc terrena quasi uilia & abiecta negligimus, hoc est, quod etiam Paulus Tharsensis, uir sanctissimus ad Romanos scribens ait, diuina mysteria, per harum rerum quæ cernuntur,

M. AN. MAIORA GII

considerationem intelligi posse, Vates autem ille diuinum cabum (inquit) Dei gloriam euarrat, & Anaxagoras ad cali contemplationem homines esse natos asserbat. Sed ad amorem nostrum reuertamur quem ante res omnes genitum fuisse quidam existimant, unde etiam Phanes dictus est, quod primus apparuerit, qua in sententia Parmenides fuisse uidetur, cum ita cecinerit.

πρωτισον μὲν ἔρως θεῶν μάλιστα πάντων.

Aristotiles quidem ait Hermetinum Clazomenium, & Parmenidem & Hesiodum statuisse, amorem rerum omnium motricem atque efficientem causam. Plato in conuiuiio scribit amorem, in natalibus Veneris, in hortis Iouis, cum Porus Penia coniunctus fuisset esse genitum, Sed diuersos animo amores esse consentiunt, omnes, qui tamen ad duas species, quas diximus reducuntur, unde Seneca geminum cupidinem appellat, in ædipo: Concinit tædas geminus cupido, & alibi. Quam uocat matrem Geminus cupido, Nos tri etiam Theologi primum illum amorem diuinum mirificis laudibus celebrant, Itaque Dionysius Areopagita cum de sacris nominibus ac diuinis scriberet, amorem nō prætermisit, inde illa eius uerba. Ζῆλος ἔρως, ἀγάπη, ἀγάπη δὲ τὸ ἁγιάζον. docetque ab amore diuino, bona omnia profluxisse, Mentis vero illas supremi chori, que Deum prope contingunt, ab amoris incendio Seraphin nominatas fuisse Hebræa lingue periti testantur. Sed plurimum refert, à qua Venere nosster amor oriatur, hinc enim omnis uita felicitas, & omnis miseria pendet, si quidem omnes naturali quodam instinctu boni amore trahimur, sed à Venere hoc est ab earum rerum quarum amore capimur, pulchritudine plerunque decipimur. hic enim nihil pecunia speciosius esse putat, atque ideo studium suum omne congerendis pecunijs accomodat, alius amore militie ducitur, alius sine literis uitam non uitalem (ut ait Ennius) existimat, plurimi si corporis uoluptatibus priuentur, se miseros esse iudicabunt, sunt etiam quonuis admodum rari qui tanto uirtutis amore flagrent & cætera omnia pro nihilo habeant, neque nisi quantum cogit necessitas, Curent, atque hi soli sunt, quos celestis amor ad immortalem gloriam & felicitatem aliquando perducet, hic autem amor ille est, quo referti sunt omnes, & Platoniorum, & Theologorum libri, cuius tam mirabilis effectus, ut animum à corpore prorsus abstrahat, & ad res sublimes, atque pulcherrimas considerandas erigat, cum enim mentis oculis sapientiæ splendorem, intueri quis potest, admirabiles in eo amores excitantur sapientiæ, atque ita rerum altissimarum cogitatione fruatur, ut ad hæc infima stupeat. hoc est quod in Phædone Socrates ait, Philosophorum uitam nihil aliud esse quam mortis contemplationem. nam qui alicuius rei amore captus est, de ea semper cogitat, & in ea quasi uiuit, unde Pythagoras dicere solebat amorem unam esse animam

in duobus corporibus habitantem, hinc est quod Poetæ mulieres eas quas amant, uitam suam appellant, ut Propertius.

Quid iuvat ornato præcedere uita capillo?

Teque peregrinis uendere muneribus.

Volunt autem amorem primum ac principalem actum esse uoluntatis, unde uoluntate amoris efficientem esse causam statuerunt, pulchritudinem autem, quasi materiam quandam ex qua amor generetur, quæ quomodo fiat generatio, sane quam egregie Picus in hymnis suis ita cecinit.

Namque ubi membrorum vultus discordia concors,

Fulserit & grata fuerit compage reuincta

Ipsa oculos afflat subito celerique meatu.

Labi tur affecti tacita ad penetralia cordis

Idque trahit ueluti chalibem Magnesia cautes

Et tractum incendit generatque in pectore flammam

Illicebris sotam placidis gratoque de core.

verum non alia ratione quisquam ab hoc amore vulgari se liberare poterit, nisi id efficiat, quod Architas Tarentinus in eo libro quem περὶ σοφίας inscripsit præcepisse dicitur, ut ab ipso Deo ad res ab eo procreatas, cogitatione procedamus, rursusque à creatis rebus, ad ipsum Deum reuertamur, cum enim res aliqua pulchritudine sua nostrum animum monet. statim ab ea progredientes cogitare debemus quanto debent ea pulchriora esse, quæ non oculis sed intelligentia percipiuntur, rursusque ab illis ad Dei pulchritudinem ascendere, in eaque deum acquiescere, cum ab hoc amore diuino, quemadmodum antea diximus felicitas omnis atque beatitudo pendat. hic autem amor etiam in Deo est, quippe qui (ut Platonicus uoluit) amore ductus hunc mundum procreauit, & Aristoteles duodecimo, primæ Philosophiæ libro primam illam mentem omnia mouere propter amorem censet, Plato in conuiuio docet ab amore, diuina ad homines & humana ad Deos transferri eoque qui harum rerum peritus sit, maximè salicem nuncupauit. Clemens Alexandrinus, id in nobis situm esse asserit, ut amoris diuini periti siamus. ideo initio eius libri quem paedagogum inscripsit, ita inquit: το φιλοσοφῶν ἄνθρωπος ἀνθρώπων ἐστίν. Atque hic sane diuinus amor tant opere incenditur, ut ab alijs rebus mentem alienet, atque in amatum Deum mirabili quadam potestate transformet, ut Dionysius ecclasiæ ab eo fieri censet. hoc illud sanctissimum coniugium anime cum Deo est, de quo multa Theologi nostri uerba faciunt, & Proclus in hymno ad Lyciæ Venere ita canens σοφὸν ἔχει το σῶμα, γὰρ με, τοσούτῳ μεταίω. nunquam autem hic amor nimius, aut nimis intensus esse potest, cum reliqui amores, cum intenduntur, magnas animo perturbationes afferre solcant, scribit enim Theophrastus in amatorio libro chæ

remorem tragicum existimasse amorem, si mediocris sit esse gratiosum, si uero fuerit intensus, molestias & perturbationes asserre quamplurimas, sed neque illud pratermittendum, quod hac una ratione uel maxime ceteris animantibus homo praestat, quod rerum pulchritudinem intelligit, atque eius amore capitur, quod de Officijs primo Cicero fatetur his uerbis, itaque eorum ipsorum quae aspectu sentiuntur, nullum aliud animal pulchritudinem, ne uisum convenientiam partium sentit. In quarto Tusculanarum libro probatur, aptam membrorum figuram, cum quadam coloris suauitate corporis esse pulchritudinem, animi uero pulchritudinem esse censuit, opinionem iudiciorumque aequalitatem & constantiam, cum firmitate quadam & stabilitate, quae uirtutem subsequatur, utrum autem à corpore, an ab animo, principium habeat sensilis pulchritudo questio est, nam plerumque accidit ut animorum, magis quam corporum pulchritudine moueamur, multique ad amandum magis femina honestate ac pudicitia, quam pro cauitate & lasciuia concitantur, quis enim nisi uilis & perditus homo meretricis amore quamuis pulcherrima sit, capitur? at contra, quemadmodum praecclare Lucretius cecinit:

Deteriore sit, ut forma muliercula ametur

Nam facit ipsa suis interdum femina sacris

Morigerisque modis, & mundo corpore culta

Vt facile insuescat secum uir degere uitam.

Quid quod propter iudiciorum uarietatem saepenumero sit, ut quae non pulchra sunt pulcherrima uideantur? quod etiam eo carmine Theocritus indicat, *πολύκιον ὄψιν ἢ πρὸς τὰ μὴ καλά τέφραται* unde Poliphemus apud Ouidium rigidus homo ita canit

Barba uiros hirtaque decens in corpore setae.

apud Persas autem propter summas delicias nihil pulchrum habebatur, quod non molle atque effeminatum esset, At contra Virgilius in hoc libro Diodonem feminam quidem, sed quae tamen uirile nescio quid praeferret, non tantum Aeneae pulchritudine captam inducit, quantum eius fortitudine & rebus gestis, quibus admirata clamat. Quam sese ore ferens, quam forti peccore & armis, & non ita multo post Heu quibus ille, iactatus fatis, quae bella ex hausta canebat. morum enim similitudo ea est, quae maxime amorem conciliet, non igitur mirum si bellicosa femina fortem & bellacem uirum adamaret, nam illam habitu quodam quasi uirili postea depingit. Sidoniam picto chlamydem circumdata limbo, cui Pharetra ex humero. Erat enim clamys, non muliebris uestis, sed potius militaris, unde Plautus in curculione queratis Clamydem & Macheram, hanc unde ad me proueneris, & ipse Virgilius, in Octauo: Ipse agmine Palas. In medio chlamyde & pictis conspexit

Eius

Etus in armis. & Cicero pro Rab. Posth. statuam Scipionis cum clamyde in Capitolio fuisse, & Neapoli Syllam Imperatorem Chlanidatum scribit. sed qua de causa accidit, ut amata mulier longè pulchrior amanti, quam ceteris uideatur? & contra uir armatus amanti mulieri? hoc quidem propter ideam illam atque formam amata rei, quam semper animo uersat amans accidere necesse est. longe enim pulchriores animo formas accipimus, quam quæ oculis subiiciuntur, itaque tantum ea cogitatione qua sibi formam absentis amicae representat, incenditur. ut omnino talem etiam re uera esse, qualem animo concipit existimet. potest etiam in causa esse temperamentorum corporis, atque humorum uarietas, ex nonnulli facinoræ alicuius amore capiantur, quam tamen alij deformem existiment, sic Plato Archiasse Colophonie pulchritudinem præcellere omnibus existimabat. sic Aristoteles Herpildem amicam suam ceteris omnibus, tanquam omnium pulcherrimam anteponebat. Hoc est quod Horatius Sermonum libro primo scribit.

Illuc præuertamur amatorem quod amicae

Turpia decipiunt cæcum uitia, aut etiam ipsa hæc

Delectant, ueluti Balbinum Polypus Agnæ.

Hinc est quod quidam cæcum amorem esse dicunt, quoniam amantes recto iudicio plerumque priuare solet. Magna sanè atque obscura quæstio est, qua ratione, aut causa fieri possit, ut homines ab amore tantum immutentur, ut non amplius idem esse uideantur. nostri omnino Theologi censent prauorum demonum maleficijs frequenter accidere, ut quis amore turpi capiatur. Nam saepenumero uidere licet, non adolescentes tantum atatis seruire concitatos, sed etiam prouectioris ætatis uiros, licet uxores castissimas & forma præstantes habeant, ita meretricis alicuius petulantissima amore detineri, ut ob eius consuetudinem, non tantum uxorem, sed rei familiaris & filiorum curam negligant. ab hac autem Theologorum sententia, non admodum discrepat Porphyrius, qui spiritus quosdam incorporeos ab eiusmodi hominibus attrahi, atque hauriri censuit, à quibus ad amores tam turpes impellantur, nonnulli genios in causa esse uoluere, sunt etiam qui syderum atque astrorum potestati furorem hunc acceptum ferant. sed quis genius, aut quæ astra possunt experia rationis animalia ad homines amandos impellere? Tradit enim Theophrastus in amatorio suo, puerum quendam Olenium Amphilocum nomine, non mediocriter ab anserè fuisse dilectum, Nicander etiam author est, Nicomedis Bithyniæ regis filium, qui secundus diceretur Gallinaceo Gallo in delicijs fuisse, Quid quod Clearchus Peripateticus tantum Pauonis amorem in Puellam Leucadiam fuisse memoria prodidit, ut puella mortua non amplius uiuere uoluerit. sed eius desiderio uita exceßerit? quot exempla Delphinorum à Plinio memorantur, qui puerorum amore capti sint. Sed horum amo-

M. AN. MAIORAGII

rum nihil aliud certe . quam imaginationem quandam in causa crediderim , qua non homo tantum , sed cetera etiam animantes teste Aristotele præstant . capiuntur autem homines amore , obiecta quidem totius corporis pulchritudine , sed tamen propter faciei splendorem maxime , qua in parte magis etiam oculos quam reliqua spectant , nam , ut Aristoteles Ethicorum libro nono scribit , amantibus ipse aspectus charissimus est , ique sensum hunc præ ceteris expetunt , quod ex eo potissimum amor nascatur . Sed idem Aristoteles à pudore homines in amoris retia impelli subindicat , cum amatores nihil magis in amato corpore , quam oculos respicere affirmet in quibus habitare aut pudori inesse , aut ipsam esse pudorem , unde maxime tunc incendi amatores Poeta fingunt , cum amatas uirgines , pudore suffundi uiderint , quod de Lavinia & Turno scribit in duodecimo Virgilius his uersibus .

Accipit uocem lachrymis Lavinia matris
Flagrantes persusa genas cui plurimus ignem
Subiecit rubor & calefacta per ora cucurrit
Indam sanguineo ueluti uolauerit ostro
Si quis ebur , uel mixta rubent ubi lilia multa
Alba rosa tales uirgo dabat ore colores
Illum turbat amor . figitque in uirgine vultus ,

Ardet in arma magis . Sic etiam Anacreon Teius uirginalem aspectum in puero suo celebrat his uerbis ἀπὸ τοῦ πρῶτου βλεπὼν ad quod alluisse uidetur Phrenicus in Troilo . cum dixit amoris lumen in purpureis splendere genis . Pindarus autem faciei splendorem celebrat in Theoxeno Tenedio , cuius hæc sunt uerba ἀπὸ τοῦ πρώτου παραπρὸς τοῦ εὐχόμενου . uerum non tantum apta nembrorum compositione , sed etiam animi qualitatibus . que cum aliqua gratia atque uenustate in corporis actionibus splendent , amatores capi non dubium est , sed qua ratione fieri possit , ut quis ab amore libretur , uaria præcepta dari solent , nam Ouidius cum artem amandi tradidisset , etiam eius remedia uersibus mandare conatus est Galenus autem medicus eximius , & Auicenna cum amorem putent uehementem esse animi morbum propterea curandum esse corpus præceperunt , & de curandi ratione non pauca præcepta tradiderunt , Cicero Tusculanarum libro quarto de amatore loquens sic inquit , affecto , hæc adhibenda curatio est , ut & illud quod cupiat , ostendat quam leue , quam contemnendum , quam nihil sit omnino , quam facile aliunde , uel alio modo perfici , uel omnino negligi possit , adducendus est etiam nonnunquam ad alia studia sollicitudines , curas , negocia , loci denique tanquam agroti , non conualescentes sepe curandus est , etiam nouo quodam amore ueterem amorem tanquam clauum clauo eiciendum putant , maxime autem ad-

monen-

monendus, quantus sit furor amoris, omnibus enim ex animi perturbationibus est profecto nulla uehementior, alij causas illas pracidere iubent, quibus in amoris laqueos homines incidere plerunque solent ut computationes & conuiuia, nam (ut ait Comicus) sine Cerere & Baccho friget Venus, ideo noster ingeniosissimus Poeta fingit in conuiuio splendido atque regali, inter lusus & blanditias amoris captam esse Diodonem, sic enim Venus amanti filio precipit.

Vt cum te gremio accipiet latissima Dido

Regales inter mensas, Latioemque Lyceum

Et dabit amplexus atque o'cula dulcia figet,

Occultum inspires ignem fallasque ueneno.

vitanda est mulierum consuetudo, proponenda sunt exempla continentie, ut Cyrus apud Xenophontem cum in Assyriorum praeda diuidenda, pulcherrima quedam mulier, quæ suorum regis uxor fuerat, sibi obtigisset eam nec aspicere quidem uoluit, ne in aliquam obscenæ libidinis cupiditatem incideret, & Alexander ille Macedo cum Darij uxorem, quæ forma ceteras omnes Persicas mulieres antecelleret, eiusdemque regis filias cepisset, eas honestissime custodiri iussit, & Africanus Scipio præstanti pulchritudine uirginem hispanam, cum admodum ipse iuuenis esset, sponso suo tamen intactam illi batamque restituit, plurimum igitur prodest uirtutis amor, atque animi propositum, ad insani amoris stimulos auertendos. Sed nihil magis hunc furorem arcere potest, quam si quis cogitet, quæ inde mala proueniant, nam ut ait in Eunucho Terentius (in amore hæc omnia insunt, uitia, iniuriæ, suspensiones, inimicitia, inducia, bellum, pax rursus. certe amatores uidere licet modo algere, modo aestuare, nunc spei plenos, nunc plane desperantes, denique præcipites in omne facinus, atque illud Plautinum in ore habentes, iactator, crucior, agitor, uxor, ui amoris totus miser, Tibullus sane quanta sit amoris impatientia, quantus dolor his uersibus ostendit,

O ego ne possem tales sentire dolores

Quam mallet ingelidis montibus esse lapis

Stare vel insanis cautes obnoxia uentis

Naufraga quam uasli tonderet unda maris

Menander cum amoris incommoda sensisset clamare non dubitauit quod quod potius: *οὐδὲ τίς μὲν ἀνδρὶ μῆν. heu quā magnū mortalibus malum amores sunt,* quisenim facile numerare possit quot regna subuersa, quot deletas urbes, quot homines trucidatos, quot familias exitio traditas, quot bella, quot cades, quot regiones ferro ignique uastatar, insani huius amoris causa. Scriptores & Greci & latini memorie prodiderunt, ut non illepidè Plautus dixisse uideatur amorem primum apud homines carnificinam commentum fuisse Poe-

M. AN. MAIORAGII

ta uero non alia de causa finxerunt homines in belluas, à circe commutari, nisi quia capti amore uim omnem rationis amittunt, possunt autem amatores se arò pisces nò inconcinne comparari quem præ cæteris omnibus piscibus aiunt libidine furere, cum enim piscatores unam ex eo genere seminam habere possunt, eam in insidijs collocant, & rete circumponunt, tunc scari cius potius endæ semina desiderio, quasi æstro quodam perciti ruunt, & alius alium præuerrere contendit, ut prior amata semina fruatur, quo fit ut eorum maxima multitudo, parata in retia se inuoluat, atq; ita quædamodù M. Antonius Philosophus & Imperator scribit, *ἡ δὲ δόξα ὅτι τινος ἐργασίᾳ ἀποδίδεται τὰ τῶν ὀνείρων*. Magnum etiam corpori detrimentum affert intempestiua Venus, unde illud Demosthenis dictum, penitere tanti non emo, quoniam Venerem semper dolor & penitentia sequitur. Nam (ut ait Aristoteles in problematis) semen ab homine pro corporis proportionem plurimum emititur & ab omni corporis parte, quo fit ut totum corpus concutiat, hinc est quod Abderites Sophista, paruam quandam epilepsiam coitum esse censuit. Quam quidem sententiam Gellius Hippocrati ascribit his uerbis, Hippocrates autem diuina uir sciētia de coitu uenero ita existimabat partem esse quandam morbi teter rimi, quam nostri comitalem dixere, nam ipsius uerba hæc traduntur *τὸ ἐκ τῆς κοίτης αἵματι μίσηται, ὡς ἂν τῆς ἀντιόχου*. & Cornelius Celsus frequenti coitu corpus dissolui scribit. Auicena longe minori detrimento sanguinem peruenarum sectionem emitti, quam intempestiue semen fundi existimat.

Cogitandum est igitur quod ait Picus.

Vt semper multos Venus immoderata dolores

Afferat innumeras labe, morbosque necemque

Et curue ante diem prætendat damna senectæ.

Quamobrem hanc turpem Venerem, Atque hunc furiosam amorem relinquere, & illum castum ac castem, qui à uirtutis, & sapientiæ pulchritudine splendoreque proficiscitur se qui decet, qui alios omnes ex animo procul amores eicit, & præsentia sua magnam hilaritatem, & uoluptatem affert incredibilem. ueri autem amatoris signa sunt, ad amatam rem semper inclinare, de ea cogitare, loqui, scribere somniare neque enim (inquit Virgilius) patrius consistere mentem

Passus amor, & alibi.

Qui amant ipsi sibi somnia fingunt.

Satis enim constat intensam amorem etiam dormientes suis imaginibus, aut oblectare, aut etiam contristare, quod multo ante Virgilium Smyrneus Dionidit, qui in suis Bucolicis ita de amore cecinit: *ἡ μὲν γὰρ ἀλὰ μὲν πνεύματος ὅς ἐστιν ὁ ἀνδρὶς*. Aristoteles in Rhetoricis ad Theodectem scribit ueros amatores, de re amata etiam cum gaudio somniare, & propter perpetuam eius me-

morian

amorem quamvis absit, tamen quasi presente letari, quin etiam *ἐν τοῖς πόντοις* in his, hoc est in luctibus & lamentationibus quandam tamen amata rei recordatione suboriri voluptatem, quam oculis animi tanquam presentem inuentur. Itaque summus hic Poeta noster sicut omnes animi affectus, ita ingeniosissime utriusque amoris explicans, ita de amante Didone scribit. illum absens, absentem auditque uidetque. Quae res effecit, ut etiam in dolore gratus sit amor. unde apud Poetas dulcem amaritiam frequenter inuenies, quod uno uerbo *γλυκύπικρον* Graeci uocant. Catullus in quodam Epigrammate, ita de Venere scribit.

Multa satis lusi non est Dea nescia nostri.

Quae dulcem curis miscet amariciem

Apud Plautum in Pseudolo, quidam adolescens de amicae suae epistola sic ait, dulce amarumque una nunc misces mihi. Quod si aliquam rei amatae imaginem, aut si quam prolem, habere potuerint, tum uero senos dolores, aliquantulum mitigare solent, atque ideo Dido cum abiturus esset Aeneas ita inquit:

Saltem si qua mihi de te suscepta fuisset

Ante fugam soboles, si quis mihi paruulus aula

Luderet Aeneas qui te tantum ore referret

Non equidem omnino capta aut deserta uiderer.

Ac sane cum quis amare incipit, statim etiam incipit id quod amat laudare, quod cum Poeta noster non ignoraret, amore captam Didonem statim facit, tanquam Deum quendam suum Aeneam admirari: Credo equidem (inquit) nec uana fides genus esse Deorum & quemadmodum amans rem amatam maxime suspicit, & nihil non magnum atque honorificum de ea sentit & loquitur. ita nullo modo ferre potest, quae illi molesta esse cognouerit, quam intensi amoris proprietatem Virgilio non incognitam fuisse declarat illud quod in secundo libro de Choræbo scribit, qui cum passim crinibus Casandram amantem suam à Graecis trahi uideret:

Non tulit hanc speciem furiosa mente choræbus,

Et sese medium iniecit moriturus in agmen.

Quibus uerbis ostenditur amantes, non tantum incommoda propter amatam rem pati paratos, sed etiam si ita accadat mortem quod de Alceste Admeti uxore Poetae fabulantur, quamvis hoc pro re certa in Platonis conuiuio recitetur, & de Tyberio Graccho loquuntur historiæ, nihil autem durum, nihil asperum refugit amans, modo amata re potiatur, quod in egloga decima sic ostendit Poeta:

Galle quid insanias (inquit) tua cura Lycoris

Perque nives alium, perque horrida saxa secuta est.

quin etiam nullam conditionem subire durissimæ seruitutis recusant, ut id

M. AN. MAIORAGII

tandem quod concupiscunt, assequantur, sic Hercules seruiuit omphale, sit Jacobum quatuordecim annos ob Rhachelis amorem Labano seruiuisse sacrę literę testantur. sed quoniam pluri satis iam fortasse Philosophati sumus, hæc quę reconditiora uideri possunt relinquamus, & uideamus quā de causa Virgilius Aeneam suam quem tanquam aliquod insigne probitatis & sapientię exemplar nobis proponit, amoris tamen laqueis irretitum fuisse uelit, atque ut illas quę uerisimiles sunt causas prætermittam, Aeneam ideo se Didoni coniunxisse, non quia captus esset eius amore quod nusquam Poeta docet, sed quia se hospitem gentem uagum uideret, ut ea ratione Didonis gratiam seruaret, quoniam (ut ait Cicero) tempori cedere, hoc est necessitati parere, semper sapientis habitum. Quis enim non intelligit si Didonis amore inflammata, et quę furentis congressum Aeneas refugisset fore ut paulo post à Dido- ne, uel expelleretur, uel etiam aliquid grauius pateretur, notum enim erat Aenę sapientissimo uiro furens quid famina posset, igitur illi noluit indulgere. Dum pelago seuiret hyems & aquosus Orion Quassatęque rates & non tractabile cælum, ut uerno postea tempore commodius posset in Italiam nauigare, potuit etiam illa grauis esse causa quę Virgilium ut amatorem Aeneam fingeret impulerit, quoniam etiam Homerum, quem unum emulaba- tur idem de Vlyssē suo prudentissimo uiro finxisse uidebat, quem scribit in insula quadam à calypsone diu detentum fuisse, donec Iouis imperio coacta fuit eum dimittere, sed ut ego quidem arbitror, uoluit hoc in libro Poeta quanta sit uis amoris ostendere, qui non fæminas tantum, sed etiam grauíssimos uiros plerunque deuinciat, ut id Aeneas dicere posset.

Omnia uincit amor & nos cadamus amori. cum præsertim uideret Poeta duos summos illos Imperatores, quos suis carminibus maxime illustrare cupiebat. Iulium Cæsarem, & Octavianum Augustum amoris illecebris fuisse delinitos. Nam Iulius Cæsar in Aegypto Cleopatrá, amoribus indulsit Octavius autem Augustus amore Livię Drusilę tantopere incensus est, ut eam (quemadmodum scribit Suetonius) à matris monio Tyberij Neronis, & quidem prægnantem abduxerit, dilexit quę semper unice ac probavit, perseueranter; ea uero maxima causa Virgilio fuit, ut Poeticę artis consuetudinem seruaret. nam apud Poetas, non hominum tantum, sed etiam Deorum amores celebrantur, Theseus qui sapientissimus fingitur duas sorores Phedram & Ariadnam Minois Cretum regis filias abdu- cit, Peleus Thetidis amore capitur. Hercules amore Deianirę flagrat, Aga- memnon parenti, quamuis Appollinis iussum intelligat chryseida reddere re- cusat, Achilles abductam Briseida tanquam puer deplorat. Quid Iasonem Paridem Menelaum. Orestem Protezilam, innumerabilemque aliorum multitudinem referam? Ipse Iuppiter, modo Taurus fit, ut Europam rap-
piat,

piat, modo Cynus cum Lada concumbit, modo aurum in Danae gremium
fluit, modo Amphitruon in Alcimene complexibus Herculem generat, Pluto
per uim Proserpinam rapit. Venus, cum Marte cum Vulcanio, cum An-
chisa denique coniungitur, Iuno Zelotypia flagrat Apollo Daphnes amore
cruciat. Quid plura? nullus apud Poetas Deus est, nullus homo paulo cele-
brior, qui non amoris uinculis colla subdidit. Quid igitur mirum si Poeta
noster Aeneam suum amoris indulgentem faciat, cum hoc non à sapientissimis
tantum uiris, sed à Deis etiam ipsis immortalibus fieri Poeta omnes consen-
tiant? à quasane opinione, neque historiae, neque sacrae literae discrepant, in
historiis enim habemus sanctos illos Philosophos, Socratem & Platonem
Aristotilem laqueos amoris effugere non potuisse, quin etiam Socrates, cum
nihil omnino se scire profiteretur, artem tamen amandi se didicisse fatebatur,
apud Romanos omnium sapientissimus Cato vincitur & expugnatur ab amo-
re Quid M. Antonius Philosophus & Imperator, quanto Faustine amo-
re incensus traditur, multa pretereo consulto, ne nimis longa summa-
tur oratio, iam uero in sacris literis, non adolescentes tantum, sed etiam
grauissimi & sapientissimi homines amore capiuntur. Quis Sampsonem
fortior habitus est? tamen ab inimicis Philistaeis in amatae gremio sopi-
tus comprehenditur, & catenis ferreis alligatur. Quis post homines na-
tos fuit unquam, qui pietate & religione Dauidem regem superaret? quem
unum ipse Deus immortalis falsus est, in omnibus rebus sibi planè satisfecisse,
tamen hic in sano amore Bersabae captus non tantum adulterium cum
ea commisit, sed etiam uiro eius eadem crudeliter machinatus est. Age ue-
ro quis de summa Salomonis sapientia non audiuit? ut nihil penitus esset in
rerum natura, nihil in diuinis mysterijs, quod ille uir ignoraret, qui tamen
quantopere sit immutatus ab amore, à uobis in sacris literis legi, quam à
me commemorari malo. quid ergo? dicet aliquis haec tu probas? aut hoc
modo laudes amoris celebras? ego uero tantum abest ut probem, ut etiam
maxime damnanda esse censem. Sed haec ideo commemoro, primum ut
Poetam nostrum ostendam non sine ratione suum Aeneam finxisse, non nihil
amori concessisse, deinde ut doceam quam difficile sit, nisi quis diligentissi-
me caueat in amoris illecebras non incurrere, à quo tot ac tales uiri deuin-
cti fuerint. uerum ea paratissima atque expeditissima ratio fugiendi amoris
huius est ut cum alio amore (quod ait Cicero) tanquam clauum clauo tradat
nus, & Venerem amoris Musarum amore propellamus, sole enim Mu-
sa uincula & laqueos amoris non exhorrescunt, quod elegantissimo quodam
epigrammate graeco satis indicatur, in quo Poeta fingit Musis Venerem fuisse
se minitatum, nisi numen suum colerent, se in illas cupidinem filium suum
armaturam Musas autem respondisse posse eam Marti nugas illas intentare,

se nero prorsus ab amoris iaculis tutas esse, carmen autem illud quidam Musici Poeta quidam Platonis esse volunt, quod in hunc modum conscriptum est.

Ἀνὲρ μὲν οὖν, καὶ ἄρ' αἰ τὰ ῥά φροδῖται
τιμᾶτ' ἢ τὸν ἑρὸς ὕμνῳ ἑορπλίσσεται
καὶ μοῖσαι πολὺ κῆρυγ' ἔχουσι τὰ σὺν ἅμα ταῦτα
ἡμῖν δ' οὐ πῖταται τοῦτο τὸ πιδάριον.

Quae quamvis ea uenustate reddi latinè uix possunt qua Graecè scripta sunt, ea tamen nos olim, sic in latinum Sermonem conuertimus:

Alma uenus Musis Venerem obseruate puella

Aut in nos stringet spicula nos ter amor

At Veneri Musa uerba ista procacia Marti

In nos nil iuris iste puellus habet.

habemus igitur paratam Antidotum. quo flagitiosi amo-

ris tela uitare facile possimus, si nos uirgineus

Musarum chorus, in clientelam

suam admisserit.



DE MUSICA.

ORATIO XXIII.



*V*M aliquandiu mecum ipse tacitus animo uoluisse Auditores, quoniam apud uos in hoc huius anni professionis nostræ principio dicendi genere potissimum uteretur, quod & animos uestrorum exhilarare, & ad bonarum artium studia vehementius incitare posset, suauissimis ac dulcissimis Q. Horatii Flacci cantibus, quos interpretari uobis hoc anno decreuimus tandem admonitus, de cælesti illa, ac uere diuina scien-

tia, quam græco nomine Musicam uocamus, cuius magna quædam atque ampla pars est poetica facultas, uerba facere, atque eiusdem laudes, uires, comoda quæ pene sunt innumerabilia, quo ad per me fieri poterit, explicare constitui. neque enim ex tot, tamque uarijs ac multiplicibus artibus, quæ uel hominibus excogitatæ, uel Dei beneficio sunt nobis traditæ, ulla tam humanitatis est propria, nec quæ facilius animum nostrum regere, mores immutare, mentem, ad sese rapere, & quibusdam quasi uinculis cōstrictam atque alligatam retinere ualeat. hæc illa est scientia, quæ dono quodam providentiæ data est humano generi, quo se ex tantis miserijs, laboribus, & calamitatibus aliquo modo recreet atque reficiat. neque enim tam graues & acerbos casus, tam turbulenta uita tempestates, tot tristitia fortuna uulnera ullo modo pati natura humana diuini posset, nisi molliores interdum & deliciores cantus adhiberet. nec uerò quicquam in uita iucundum aut dulce uideretur, nulla quies, nulla animi remissio, nullum naturæ blandimentum, nullum suauis solationis ac arte sublata reperiretur. hæc omnibus & studijs, & sexibus, & ætatibus opportuna, atque accommodata est. hæc infantes in cunis adhuc uagientes oblectati nutrimentum dulci murmure sopiuntur, hæc pueri cum æqualibus cantillantes frequenter utuntur. hæc iuuenes atque ætate florentes maxime capiuntur, hæc senes reliquis iam deservescuntibus uoluptatibus naturæ dulci quodam instinctu delectantur. nulla denique natio est, nulla gens, nullus ordo, quæ non artificiosa canendi ratione moueatur. saxa & solitudines, ait orator. uoce respondent, bestia quoque immanes cantu flectuntur atque consistunt. quæ de causa sapientissimi poetæ fictis fabulis tradiderunt ab Orpheo Linoque cantoribus non tantum homines, sed etiam pecudes, feræ, aues syluas, montes, saxa, muta denique omnia cantu fidibusque suis-

M. AN. MAIORAGII

se commota, quoniam nihil est penitus in omni rerum universitate quod ab arte musica remotum aut alienum esse videatur. unde caelestes etiam globos, generalemque totius Mundi animam quadam harmonia constare Platonici crediderunt, neque quicquam rectum, honestum, laudabile esse posse censuerunt, nisi quod esset arti musica congruens atque consentaneum. Quare de tam eximia singularique scientia dum breuiter aliqua dissero, queso vos, sicuti facere instituisitis, diligenter attendite. primum enim mihi uidetur de origine atque antiquitate musica, deinde de formis eius atque partibus, tum de uiribus atque utilitate esse dicendum. nam ea est huius artis tum antiquitas tum dignitas, ut Timagenes auctor sit omnium in literis studiorum antiquissimam extitisse musicam. & iam illis antiquis temporibus in tanta ueneratione, tantoque studio fuerit ut iidem musici & uates, & sapientes iudicarentur, sic Musæus qui multum in hac arte prastitit & uir uerus Theologorum sapientissimus habitus fuit, & post mortem in beatorum sedes ac domicilia, translatus putatur, de quo ita Virgilius in Sexto,

Musæum ante omnes, medium nam plurima turba
Hunc habet, atque humeris extantem suspicit altis. Sic Orpheus, qui, cum
homines in agris pasim bestiarum more uirgarentur, & sibi uictu serino uitam propagarent, nec ratione animi quicquam sed pleraque corporis uiribus administrarent, musica quadam ratione compulsi in unum locum & congregauit, atque ex feris & immanibus mites reddidit & mansuetos, sic Linus, qui propter excellentem artis musica scientiam Apollinis filius habitus fuit, sic alij plurimi prope diuinos honores ob hanc artem consecuti, fuit enim olim Musica cum diuinarum rerum cognitione coniuncta, cuius rei testes sunt, clarissimi poetæ, apud quos inter regalia conuiuia laudes heroum ac Deorum, ad citharam caneantur, & res altissima questioneque dignissima cantibus inferebantur, Ut apud Virgilium, Cithara crinitus Iopas

Personat aurata docuit, quæ maximus Atlas

Hic canit errantem Lunam, solisque labores

Vnde hominum genus, & pecudes unde imber & ignes. & in Sileno,

Namque canebat uti magnum per inane coacta

Semina terrarumque, animæque, marisque fuissent

Et liquidi simul ignis ut his exordia primis

Omnia & ipse tener mundi concreuerit orbis.

Quæ uero artis tam egregia fuerit origo uariè traditur. Quintilianus ab ipsa natura putat, ad tolerandos facilius labores uelut numeri nobis esse traditam. siquidem (inquit) & remiges cantus hortatur, nec solum in ijs operibus, in quibus plurimum conatus incunda uoce conspirat, sed etiam singulorum fatigatio quamlibet se rudi modulatione solatur. Quis enim nescit, aut quis

non

non fere quotidie audit laborantes atque opus facientes, agricolas, artifices, & mares, & sennas in ipsis laboribus medijs aliquo sese cantionis genere oblectantes. quam rem in Georgicis ita Virgilius exprimit

Interea longum cantu solata laborem

Arguto coniunx percurrit pectine telas. & in Bucolicis

Hinc alta sub rupe canet frondator ad auras.

Cum enim hominem natura nudum & in nuda humo natali die statim ad natus & ploratum abiciat, nullumque aliud ex tot animalibus ad lachrymas, & hoc protinus uita principio, generet, ut natus iaceat manibus pedibusque deuinctis flens, & a supplicijs uitam auspicietur uoluit etiam eadem provida parens natura solatium aliquod tantis miserijs inuenire itaque musice dulcedinis sensum etiam ipsis infantibus ingenerauit quo fit, ut nutricum nenijs & uarijs modulationibus mirifice recreentur, & cessantes a uagitu lucidè sopiantur. Est enim tam hominis propria, tamque sensibus nostris coniuncta musica, ut Plato censeat, nihil facilius in teneras puerorum mentes ingredi quam uarios canendi modos. quod apertis ac manifestis indicijs facile quibus intelligere potest. quamplurimi enim pueri nostra etiam tempestate reperiuntur, in omni parte musices eruditi atque excellentes, cum tamen in alijs artibus aut scientijs nullus omnino puer excellat. neque tantum homines ipsi, sed etiam bestia cantu musicaque delectantur. nam Plinius ait ceruos fistularum sono mulceri, Strabo tradit Elephantos cantu plurimum oblectari. Pindarus testis est Delphines citharæ sono mira quadam exultare letitia. compertum est etiam usu ipso mulos tintinabulorum sonitu strepituque ualde gaudere, qua de causa muliones, ut facilius in itinere sarcinarum onera laboresque tolerent, mulorum collo plurima suspendere tintinabula solent. Quid in bello nonne tubarum clangore, & tympanorum pulsu non minus equi quam milites animantur? Quid autem ille tam uarius, tamque multiplex concentus in agris, nonne declarat apertè musicam ipsis etiam auiibus à natura datam & ingentam? nam luscinia, si Plinio credimus, cantum edit perfectæ musice scientia modulatum, & tam paruulis in faucibus omnia concinnuntur, qua tot exquisitis summo ingenio atque industria instrumentis ars hominum excogitauit. non est autem mirum si in rebus omnibus musica plurimum ualeat, cum totus diemundus inferior, & omnia qua in eo sunt, à cælesti corpore pendeant, atque ab eo uitam ortum & incrementum accipiunt, præstantissimi uerò Philosophi subtilissima indagazione deprehenderint, totum mundum & globos præcipuè cælestes atque ipsam mundi animam ab immortali Deo musica ratione fuisse præcreatam. atque ideo magnum quendam & dulcem sonum impulsu, & motu ipsorum orbium effici existimant, qui acuta cum grauibz temperans uarijs æqualiter concentus efficiat.

M. AN. MAIORAGII

efficiat. quem docti homines nervis imitati atque cantibus aperuere sibi re-
ditum in celum, & Græci quidem, ut Eusebius testis est, musica harmonia
inventionem Dionysio attribuunt, ipse vero Eusebius Zethum & Amphio-
nem fratres, qui Cadmi temporibus fuerunt musica repertoires facit, Plinius
etiam ab Amphione repertam musicam scribit, de quo sic Horatius.

Dicitur & Amphion Thebane conditor arcis

Saxa mouere sono testudinis, & prece blanda

Ducere quo uellet. Solinus musicę studium e Creta insula promanasse cre-
didit, quod ibi idæi dactyli crepitu ac tinnitu aris deprahenderint, & in
ordinem, ac proportionem transtulerint. Polybius arcadibus acceptam mu-
sicam refert qui semper huius artis studiosi fuerint, quod etiam Virgilius in
Bucolicis

Innuat cum ita scribit, Cantabitis Arcades inquit

Montibus hæc uestris soli cantare periti Arcades. & alibi

Ambo florentes ætatibus Arcades ambo

Et cantare pares, & respondere parati. quod ideo fortasse memorię tradi-
tum est, quia Pan Deus Arcadię fistulam inuenisse perhibetur. Virgilius
Pan primus calamos cera coniunge: e plures instituit. harmonias tamen uo-
cans à Mercurio fuisse excogitatas Diodorus Siculus primo libro auctor est. à
quo etiam lyra siue cythara fuisse inuenta traditur, unde Horatius de Mer-
curio, Te canam magni Iouis & Deorum Nuncium curæque lyra paren-
tem. eam Apollini postea Mercurius dono dedisse dicitur, qua ita se Apollo
exercuit, ut optimus omnium Citharædus enasceret, & Orpheum etiam fili-
um suum, quem ex Calliope musa suscepserat, ita docuerit, ut non seras mo-
do sed saxa etiam syluasque cantus suauitate duxerit. Virgilius, Threicius
quondam uates fide creditur canora Mouisse sensus acrium ferarum atque an-
nes tenuisse uagos, quod figmentum Horatius in Arte poetica sic interpre-
tatur, Syluestres homines sacer interpretque Deorum

Cadibus & nißu sedo deterruit Orpheus

Dicitur ob hoc lenire tigres rapidosque Leones. Iosephus de Iudeorum anti-
quitatibus libro primo tradit Iubalem Lamechi filium musicam artem pri-
mum coluisse, & psalterium ac citharam potissimum laudasse, quod etiam in
sacris literis scriptum legimus. itaq; ueram hanc esse sententiam existimare de-
bemus ut ab hebræis ad Aegyptios, ab Aegyptijs ad Græcos Musica sicut etiã
litera ceteraq; artes ingenue promanarit, quã ita postea uiri sapientes adama-
runt, ut neminem satis eruditum putarent, qui non artem musicam percal-
leret, sunt qui tria Musica dicunt fuisse principia merorem uoluptatem, at-
que enthosiasmum, hoc est diuinum aflatum, nam in merore musicam adbi-
beri nostro quoque tempore uidemus, ut in mortuorum exequijs ac funeri-
bus

bus quæ sacerdotum cantibus procurantur, quæ quidem consuetudo fuit antiquissima, ut apud Ovidium, cantabat mæstis tibia funeribus. Quamvis sedandæ potius tristitia, quam incitandæ causa reperta esse musica videatur: unde magnam secum asferre uoluptatem consuevit: & tristes animos, atque afflictos mirabiliter recreare: quod ita perspicuum, ut nullius omnino probationis indigeat. qui uero diuino sunt aslari numine, ij plerunque solent futura cantu prædicere, sicut apud Virgilium sybilla cum esset Aeneæ uaticinatura; de qua ita Poeta scribit maiorque uideri

Nec mortales sonans aslata est numine quando

Iam propitiore Dei. & alibi Anchises ita inquit. Sola mihi tales casus Cassandra canebat. Sed iam de origine, atque antiquitate musica satis diximus, nunc de formis eius, & partibus aliqua percurramus. Tres enim Musæ species eruditi uiri constitunt, Mundanam, Humanam, & quæ instrumentis conficitur. Mundana musicæ dicitur, quæ ex calæ conuersione, elementorum compage, & temporum uarietate colligitur. est enim in omnibus Mundi partibus conuenientia quædam & proportio musica quæ dum calæstes globi mouentur suauissimos sonos efficit, quamuis Aristoteles lenibus quibusdam argumentis antiquam hanc Pythagoræ, Platonis, reliquorumque bene sentientium philosophorum opinionem refellere conatus sit, verum nostri etiam Theologi non tantum Platonicos, quantum ueritatem ipsam, & diuinam secuti oracula suauissimum in celo sonum, dum orbes assidua conuersione uoluntur, perpetuo fieri confirmant. neque enim (ait orator) silentio tanti motus incitari possunt, & natura fert ut extrema ex altera parte grauius, ex altera autem acutè sonent. Quamobrem summus ille calæ stelliferi cursus cuius conuersio est concitator acuto & excitato mouetur sono, grauius autem hic Lunaris atque infimus, atque hac de causa Dorilaus dixit; Mundum nihil aliud esse, quam musicum diuinitatis instrumentum, quia illi concordēs in celo dulcissimos emittant sonos; quos tamen aures nostræ multis de causis capere non possunt: Sed cum animus ex hoc tenebroso domicilio in illam clarissimam, atque æternam domum commigrabit, tum calæstis illius harmoniæ mirifica dulcedine perfruemur. quemadmodum sempiternis seculorum ætatibus Spiritus illi diuini, quos Plato Sirenes, nostri Theologi Angelos uocant, iam fruuntur, & una cum motu calæstis inbilantes canere, Deumque rerum omnium parentem celebrare non desistunt. neque aliud antiqui philosophi nouerunt Musas à Poetis tantopere celebratas esse uoluerunt, quam musicos esse globorum calæstium sonitus, & unam omnium simul conuenientiam, quam orbes efficiunt. unde Hesiodus in Theogonia musam octauam ab ipso celo deducto nomine Uraniam uocat, quod sursum uersas septem errantes stella primo nobis decurrant, eglum uero stelliferum sit octauam,

mutantur

N n nonan

M. AN. MAIORAGIO

nam autem Musam, quam efficit sonorum omnium concursus uniuersitas, Calliopen appellat ex nomine uocis dulcedinem, uolens iudicare, nam Apollinem Musarum presidem ideo dicunt esse, quod Sol sit dux, & princeps, & moderator luminum reliquorum, mens mundi, & temperatio, qui medio in loco planetarum constitutus, lumine suo moderatur, ab hac persuasione, fideque, quod cum suauissimo sonitu celum moueatur, fluxit ea consuetudo, sicut ait Macrobius, ut soni musici sacrificijs adhibeantur, atque, ut mortui ad sepulturam cum cantibus efferrantur. persuasum enim plerique habent proborum hominum animos post mortem ad originem musica dulcedinis hoc est ad Caelum reuerti, & ibi perpetua frui beatitudine. quin ideo in hac uita musicis sonis animum oblectari sapientiores existimant, quod & caelo ueniens in corpus hoc eius musicae quandam memoriam deferat, quam antea iam in caelo degustarat. nam homines omnes ita iucundis cantibus delinuntur, ut nullum sit tam inimicum, tam asperum, tam efferratum peccatum, quod non oblectamentis huius scientia capiatur. neque sane mens nostra quicquam praestantius optare potest, quam ut his corporeis uinculis absoluta celestibus illis animis tandem associetur, ut cum eis sempiterna, & ineffabili musica suauitate perfruat. Humana uero musica uocatur ea, qua corpus hoc nostrum animae sociatum est, quaque animae partes inter se bene conueniunt, & summationi parent, ut & ea concordia virtutum omnium pulcherrimus quasi concentus efficiatur. nam animam nostram, non aliter atque illam generalem totius Mundi animam, ex harmonicis numeris constare sapientes Viri tradiderunt. Vnde homo paruus mundus appellatur. Sicut igitur totum caelum musica ratione perfectum est, ita etiam totus homo. atque haec quidem causa est cur Plato, atque Aristoxenus ex iisdem numeris quibus omnis harmonia contextitur animam etiam nostram esse constare ac linet. quin etiam certa numerorum ratione corporibus animas coniungi putant. qui numeri dum supersunt, & ordinem, ac proportionem musicam seruant, corpus uiuere perseverat: cum autem deficiunt, confestim arcana uis illa soluitur, qua societas ipsa constabat. & hoc est quod fatum, ut ait Macrobius, & fatalia uitae tempora nominant. neque tantum anima corpori musicis harmonijs copulatur, sed etiam elementa quibus corpora constant, inter se non sine musica ratione commiscetur. Vnde Hierophilus Medicus nennarum, atque arteriarum pulsus per musicae rythmos moueri credidit. haec est igitur humana musica, ex qua tum anima ipsa constat, tum anima partes inter se conueniunt, tum ipsi corpori anima copulatur, tum denique elementorum diuersa qualitates in humano corpore connectuntur, & bene sociantur. Socrates tamen humanam musicam in uoce, atque oratione constituisse uidetur, sed Aristoxenus, & in uoce, & in corporis motu, Theophrastus

phrastus non tantum in his, sed etiam in animi commotionibus humanam musicam collocavit. Quamobrem rectissime colligi potest eum qui concinne, atque aptè uocem, corpus, & animum moucat, humanam musicam peritum esse, quamuis nullam canendi rationem, aut artem teneat. canendi enim ars atque ratio, ad tertiam Musicæ speciem pertinet, de qua, iam tempus est, ut aliqua dicamus. Est igitur tertia Musicæ species ea, quæ instrumentis ex hominis ingenio, atque industria conficitur. instrumenta uerò musica, uel naturalia sunt, uel artificiosa. naturalia dicimus instrumenta, quibus uox humana suauis quadam harmonia regitur, & per artem musicam dulci modulatione conformatur, ut pulmones, guttur, lingua, palatum, dentes, & labra; quæ si bene conueniant, & natura dono claram, atque suauem uocem efficiant, ars ipsa deinde naturam adiuuans perfectum facile musicum reddit. hanc autem nonnulli Musicam harmonicam uocant, quæ uocem regit, & numerum habet, & certam soni per tempora dimensionem, quare tria potissimum in se continet, uerba, numeros, atque ictus. huic uicinia atque finitima est ea, quæ certa pedum ratione conficitur, & metris constat, unde metrica musica nominatur, & frequentiori nomine poetica, quam poetæ, doctorum genus antiquissimum, ut putat Cicero, profitentur, quæ quidem musicæ pars, ut initio diximus, longè lateque patet, & varia, atque multiplicia carminum genera, plurimas scientias, atque artes una complectitur, ut nemo possit omni laude cumulari esse poeta qui non omnium maximarum rerum cognitionem fuerit affectus. quod autem poetica Musicæ arte tamquam pars quedam subijciatur licet nemini ferè sit incognitum, tamen etiam ex eo facile potest intelligi quod ipsi poetæ canere se profitentur, & comici, Tragici, Lyrici musicam artem exercere dicuntur, quin Socrates eum in somnis ab Apolline fuisse admonitus, ut musicæ operam daret, carmina pangere, uersusque facere aggressus est. præterea musarum aues à Grecis poetæ uocantur, quibus ipse musæ dicuntur præsidere, itaque frequenter eas in poematibus suis inuocant, & omnem eis scientiam acceptam ferunt, is uerò qui sine magno labore uersus laudabiles facit, apertas musarum ianuas habere predicatur, ut penè soli poetæ uerè musici possint appellari. Sed de arte poetica seorsum alibi plura diximus. nunc ad propositum redeamus. iam enim docuimus, quæ naturalia sint Musicæ artis instrumenta, nunc uidendum est, quæ sint artificiosa: quæ quamuis penè innumerabilia sint, tamen una natione omniapercipi, atque comprehendere possunt, quæcunque enim uel tactu, uel pulsu, uel statu modulatum, & artificiosum concentum efficiunt, ea musica instrumenta nominantur, qualis est cithara, psalterium, organum, tibia, cæteraque eius generis plurima. quibus in singulis excellere permagnum est. rarissimi autem in pluribus excellent, nulli in omnibus. sunt

M. A. N. MAIORAGII

enim qui fidibus egregie sciunt, & tamen aut nauliam tangere, aut tibiam inflare ne ciant, sed antiquis temporibus præ ceteris omnibus musicis instrumentis citharam, quæ eadem lyra dicebatur in maximo honore, ac precio, fuisse notauimus, ut citharædi ceteris artificibus musicis longè antecelleret, quo factum est, iam tritum uetustate prouerbum, *Aulæus sit, qui citharædus esse non potest.* quatuor autem tantum chordas initio cithara dicitur habuisse, quas *Mercurius* excogitauit, deinde *chorebus* lydorum rex quintam addidit, *Hyagnis phrygius* sextam, *septimam Terpander* *Lesbius*, septem errantium stellarum numerum, & similitudinem secutus, quæ septem distritos interuallis sonos efficere motu perpetuo dicuntur, unde uocum etiam septem discrimina Musici notare, de quibus *Virgilius* *Orpheum* celebrans,

Nec non Threicius longa cum uesle sacerdos

Obloquitur numeris septem discrimina uocum.

ianque eadem digitis iam pectine pulsas eburno. Et in *Bucolicis* ita pastor ille gloriatur. Est mihi disparibus septem compacta cicutis *Fistula* *Damoetas* dono mihi quam dedit olim. Octauam postea citharæ chordam *Simonides* addidit, ut *Plinius* auctor est, nonam *Timotheus*, quia nouem esse Musæ perhibentur. Tria sunt igitur Musicorum artium genera, quæ maximam, & honestissimam animis nostris oblectationem afferre solent. Vnum eorum, qui uoces, & numeros obseruant, & modulationes suas cantusque assa uoce concinunt, alterum eorum, qui poetæ uocantur, & pangendis carminibus studium, & operam impendunt. Tertium eorum qui musicis instrumentis tangendis, aut inflandis, aut pulsandis artem suam ostendunt, illud etiam obseruatione dignum est, apud ueteres cantionum genera nomen à gentibus ducere solita. Nam aliqui cantus *Phrygiæ* dicebantur, aliqui *Doriæ*, aliqui *Lydiæ*, aliqui *Æoliæ*. quæ quattuor genera priscis illis temporibus præcipuè viguerunt, *Phrygius* cantus partim ad oblectationem animi, partim ad pugnas excitandas adhiberi consueuerat. qui cum acrius intenderetur, quasi furore quodam ad prælum animos inflammabat, *Dorius* ad honestatem, ca-s-litatemque præcipue animum componere putabatur. *Lydius* intelligentiam acutere, & æ terrenis rebus ad celestis ac diuinæ cogitationem extollere, *Æolius* animi perturbationes sedare, somnumque iam pacatis attribuere, persuasum erat, in serijs autem rebus *Dorium* cantum adhibebat, in iocosis uerò *Phrygium*, itaq; cū Latino, ac iucundius aliquid uel dicendum, uel optandum esset, à *Dorio*, dicebant, ad *Phrygium*. Atque hæc de Musicæ partibus dicta sufficiant, nam omnia diligenter persequi sicut uis solent, qui de ipsa Musica scribunt, nostri non est instituti; Reliquum est ut aliqua de uiribus, & utilitate musica dicere aggrediamur. quod cum fecero, perorabo. maximas esse vires in hac arte declarat illud, quod præstantes musici quoties libet ani-

mos

mos hominum audientium uel in perturbationes uarias impellunt, uel ad tran-
 quillitatē renouant. nā Timotheus in arte musica celeberrimus cū in cōuiuio
 phrygium cantum inceperat, usque eo regem Alexandrum incitauit ut statim
 ad arma capiendā profliret, atque eundem iterum mutata modulatione redu-
 xit in conuiuium. Pythagoras ebrium ac furentem adolescentem cantu mi-
 tiorem, & sui compotem reddidit. Quid Empedocles nonne tutum & inco-
 lumen ab inimicis hospitē suum musica artis praesidio seruauit? Iam uero
 Terpander & Arion musicis cantionibus ciues suos à grauissimis morbis eri-
 puerunt. Xenocrates modis organicis lymphatuos curabat. Thales Creten-
 sis ciuē suauitate morbos & pestilentiam fugabat. Asclepiades medicus
 phreneticorum mentes per symphoniam sanitati restituēbat. Ismenias The-
 baius multos ex Bæotijs qui doloris ischiatici tormentis uexabantur, ab eo
 morbo cantu liberauit. tantam uerò prisce philosophiæ studijs dediti musica
 artis uim esse cognouerunt, ut Pythagorici cum uesperti cubitum ire statue-
 rent, quibusdam cantilenis uterentur, ut lenis & quietus sibi somnus irrepe-
 ret, eadem ratione matutino tempore surgentes è lecto somni stuporem men-
 tisque caliginem alijs cantibus eueiebant. Plato libro legum septimo musi-
 cum omne genus decorum opus arbitratur, apud Homerum Vlysses eam de-
 mum niuendi rationem optimam esse uult cum letis hominibus conuiuas ali-
 quis cantu demulcet anano ordine dispositos. Quippe uitæ degēda ratio
 non tantum honesta esse debet (ut ait Aristoteles) uerum etiam iucunda om-
 nium consensu, quandoquidem in his duobus beata uita consistit. musica ue-
 rò sine dubitatione in ijs rebus ponenda est, quæ summam afferunt uolupta-
 tem siue nuda sit, siue concentu coniungatur. itaque Musæus rem suauissi-
 mam cantum ait esse mortalibus. recte igitur eam & in consuetudine, & con-
 gressibus & in uita adhibent homines, quod uoluptatis sit effectrix. ex quo
 intelligi potest eam pueris esse discendam. nam quæ res uoluptatem sine detri-
 mento afferunt, eæ non solum cum siue congruunt, sed etiam ad quietem per-
 tinent. huc accedit quod musica animi habitum recte constituere potest, quia
 nobis cum harmonijs ac numeris quadam uidetur esse cognatio, quare multi
 sapientes tradunt partim animum esse harmonicam, partim harmonicam habe-
 re. illud autem permirum esse uidetur, quod Plato quarto de Rep. libro tan-
 tam uim in musica esse censet, ut musicis cantibus immutatis mutari ciuita-
 tum status existimet. Quocirca plures græcorum ciuitates, (ut Martiannus af-
 firmat,) ad lyram leges decretaque publica recitabant. Quid multa? tanto
 semper in honore ac precio propter excellentem utilitatem Musica fuit ut ne-
 mo paulo doctior atque ingeniosior unquam fuerit quin ei plurimam operam
 impendere uoluerit, & præstantes musicos ita suspexerit quasi diuinos quos-
 dam, & multum supra se positos homines. itaque Socrates Philosophorum
 sapien-

M. AN. MAIORAGII

sapientissimus iam senex institui lyra non erubuit, dicens satius esse præclaram artem serò quam nunquam perdiscere. Plato civili uiro non tantum utilem sed etiam necessariam musis in credidit, duces maximos & fidibus & tibis cecinisse traditum est. Achillem grecorum fortissimum lyre cantum mirifice delectari atque recreari solitum memorant, quam artem à Chirone magistro sapientissimo uiro didicerat, quem imitatus Alexander Magnus citharæ sono frequenter maximas animi curas eieciat. Epaminundam græciæ principem fidiibus optime cecinisse testis est Cicero, Dauidem regem sanctissimum tantum cithara præstitisse memoria proditum est, ut iuuenis adhuc & penè puer Sauls regis atram bilem & demoniacas vexationes artificioso cantu tranquillaret, Lycurgus durissimarum Lacedæmonijs legum auctor musices disciplinam probauit, & Thales cretensis magno stipendio conductus est à Lacedæmonijs ut pueros eorum musicam edoceret. quin exercitus Lacedæmoniorum musicis accendi solitos modis ad prælium fama traditur, sicuti romane legiones cornibus & tubis accendebantur, quorum concentus quanto erat uehementior, tanto romana in bellis gloria ceteris præstabat. Iam uero Grammatica quondam & Musica iunctæ fuerunt, nam (ut Quintilianus ait) Architas atque Aristoxenus etiam subiectam Musicæ Grammaticam putauerunt, & apud antiquos iidem erant utriusque rei præceptores. si namque autem eruditionem, Græci solam censebant in neruorum uocumque cantibus unde etiam ille mos ut in conuiuijs post cænam lyra circumferretur, quam cum Themistocles recusaret, est habitus indoctior. quin etiam Romani ueteres huic arti plurimam operam impendebant. Maiores enim natu in conuiuijs (ut Val. Maximus scribit, ad tibias egregia superiorum opera carminè comprehensa pangebant, quo ad ea imitanda iuuentutem alacriorem redderent. & tertio de Oratore Crassus quorum (inquit) illa summa vis carminibus est aptior & cantibus, non neglecta, ut mihi uidetur, à Numa rege doctissimo, maioribusque nostris, ut epularum solennium fides ac tibias, saliorumque uersus indicant. & de legibus secundo Cicero sic ait, honoratorum uirorum laudes in concione memorantur easque etiam ad cantus ad tibicinem prosequantur. Quia uero Musica semper diuina quadam res habita fuit ideo iam inde à prisca illis temporibus perpetuo rebus sacris adhiberi solita est, ut nulla omnino sacrificia nullæ supplicationes, nullæ solennes preces sine eâ tu fierent, nam hoc etiam à sanctissimo rege Dauide præcipitur, ut psalterio, cithrara, tuba, tympano, fidibus organo Deum laudemus, & apud omnes ferè nationes Deorum laudes cantu musicaque celebrantur, nostraque religio passim in templis omnibus & uocibus & musicis instrumentis personat. Quæ res profecto declarat omnium gentium consensu musicam artem præstantissimam & sanctissimam fuisse semper existimata. & qui ea non delectantur

tur rudes & imperitos haberi solitos . ut etiam in Græcorum proverbio celebratum sit, indoctos à Musis atque Gratijs abesse . Vos igitur viri Mediolanenses, omni studio, cura, diligentia providere debetis, ne tam insane proverbum in nos iactari merito possit . Itaque toto pectore atque omnibus (ut aiunt unguiculis tam præstantem, atq; eximiam artem amplecti etiam in hac disciplina plurimū laborare debetis, & in ea præcipuè Musica parte, quæ à dî nino quodâ afflatu sensuore profisciscitur, quâ poeticam appellamus, in qua tum in animis oblectandis, tum in moribus componendis, tum in celebrandis heroū Deorumq; laudibus, potissimum excellunt, qui quoniam ad lyram carmina sua concinebant, lyrici fuerunt appellati, qui licet plurimi fuisse memorentur, duo tamen omnium habentur præstantissimi, apud Græcos Pindarus, apud nos Q. Horatius. qui sicut ait Quintilianus, serè solus lyricorum poetarum legi dignus est. nam & insurgit (inquit) aliquando, & plenus est iucunditatis & gratiæ, & varijs figuris, & verbis felicissimè audax, cumque duo sint, quæ poetæ præstare debeant, hoc est utilitas & voluptas nemo sanè vel dicendi figuris metrorumque varietate iucundior Horatio, vel recondita doctrina crebrisque sententijs utilior inueniri potest. cuius nos Odas sic interpretari, quoad facultas nostra feret enitemur, ut tanti poetæ summam scientiam rerumque variarum cognitionem vobis luce clarius explicemus. Sed quævis Musica suauitas nos suis illecebris ad se traxerit, & multa de præstantia sua nos dicere coegerit, non tamen ideo veterem amicam nostram, cuius delicijs iam pridem in nutriti sumus, & quæ nos gremio suo longo iam tempore mira quadam beneuolentia detinet, omnino deferere uolumus, ea uerò est dicendi ratio, & Rhetorica doctrina, Ciceronis quam (ut scitis) ego semper plurimum adamaui. Quare cum alias oratorem ad Brutum interpretati fuerimus, tamen una cum Horatio libros etiā illos de Oratore ad Q. Fratrem, qui totam dicendi uiam & rationem & elegantissime & copiosissime patefaciunt, interpretabimur, ut uno eodemque tempore & poetica mella, & oratoriam dulcedinem non tantum degustare sed etiam haurire pleno ore ualeatis.

DE ARTE POETICA.

ORATIO XXIV.



SI QVIS est vestrum, viri Mediolanenses, qui forte censeat, aut me, cuius ingenium est per exiguum, aut quenquam alium qui maiore quadam orationis ubertate copiaque scateat, quanta sit artis poeticæ præstantia dicendo satis commodè explicare posse, is cerè aut sanctissimas Musarum fores nunquam penetrasse, aut eloquentiæ plus facultatis atque uirium; quam ipsa ueritas concedat attribuerè merito

indicandus est. quis enim totius humana uita magistram; benè beateque viuendi speculum, ueritatis imaginem, omnis denique sapientiæ fontem merita laude prosequatur? Ac mihi quidem auditores, quamuis impellente nemine, mea unius sponte tantum, huius artis ornande publicæque docende prouinciâ suscepim, tamen cum in mentem uenit, quæ sit eius maiestas, quæ amplitudo, quæ dignitas, ut non tantum arti rhetoricæ, quam tres annos superiores proximos ex hoc loco docuimus, uerum etiam ceteris omnibus artibus & scientijs antecellat, profectò uideor humeris meis nimis magnum onus imposuisse, quod uix me ferre posse intelligo, nisi uestrum istud incredibile audiendi studium, & humanitas erga me singularis, illud aliqua ex parte subleuet. est enim ab ingenioso poeta uerissimè dictum;

Excitat auditor studium, laudatæque uirtus

Crescit, & immensum gloria calcar habet.

ut nihil omnino reperiatur quod magis dicentem ac docentem adiuuare soleat, quam audientium fauor, & approbatio. Quare si quis fortasse Deus uestras ab alijs rebus omnibus mentes auerterit, & ad me diligenter audiendum inclinauerit, quamuis plenè perfectæque, quod nullo modo fieri potest, poeticam artem exornare minimè ualeam, tamen illud efficiam profectò, ut intelligatis, nullum hac arte bonum unquam optabilius, nullum præstantius, neque datum esse mortaliū generi Deorum concessu, atque munere, neque postea datum iri. Principio satis constat id esse uerissimum, quod sapientissimi quique uiri semper censuerunt, nihil esse in homine sagaci ac bona mente melius, si igitur mentem, quæ pars est hominis præstantissima, longe perfectiorem & diuiniorem ab arte poetica, quam ab ulla alia disciplina fieri solere docuerimus, nemini dubium esse poterit, quin hæc ars omnium excellen-

tissima

tissima sit, ac maxime diuina, quid est autem quod magis mentem nostram perficiat, quam rerum diuinarum atque humanarum cognitio? quæ licet multis nominibus appelletur, tamen grauissimo nomine sapientia dicitur, quæ eandem poeticam, & philosophiam eruditissimi uiri nominarunt. Maximus enim Tyrius auctor grauissimus elegante oratione probat sapientiam & poeticam rem quidem esse nomine duplicem, sed natura simplicem, minimeque re ipsa differentem. quod si quis est (inquit) qui poeticam à sapientia differre putet, idem est, ac si quis existimet, diem aliud esse, quam solis lucem terras illustrantem, aut cursum solis supra terram, aliud esse quam diem opinaretur. hoc idem uir doctissimus Strabo contra Eratosthenem scribens, qui flagitiose ausus fuerat poeticam nihil aliud esse dicere, quam anile deliramentum, multis rationibus & argumentis affirmat. Antiqui uero (inquit) primam quandam philosophiam esse poeticam affirmarunt, quæ nos ab ineunte ætate ad honestas uiuendi rationes adducit, quæ bonis moribus instruit, quæ motus animi turbidos placat, ac regit, quæ res gerendas summa cum incunctitate præcipit. quin ueteres illi prudentissimi uiri solos poetas sapienter esse crediderunt. quocirca graecorum cinitates, ab initio liberos suos poeticam in primis doceri uoluerunt, non tantum quia maximam animis afferre uoluptatem solet, quam ut ab ea casti animi moderatione uti discerent. nam poeta ut sunt, ita etiam se morum magistros, & emendatores esse profitentur. qua in sententia non modo Pythagorici omnes, sed etiam Aristoxenus musicus fuit. & Homerus ipse poetas appellat. & apparet, quod intemperantes homines ad temperantiam deducere soleant, qualis ille poeta fuit, quem rex regum Agamemnon cum ad Troianum bellum proficisceretur, uxori suæ Clytemnestræ custodem apposuit. neque sane Aegystus adulter improbißimus decipere Clytemnestrem potuit, priusquam ut ait idem Homerus;

Abductum natem deserto in litore liquit,

Ipsam deinde alacrem proprias perduxit in aedes.

longe enim melius poetæ, quam ulli philosophi honestè uiuendi uiam ac rationem, & morum præcepta tradiderunt. quod ad Lolium scribens Horatius sic attestatur;

Troiani belli scriptorem maxime Lolli

Dum tu declamas Roma, prænestre relegi.

Qui quid sit pulchrum, quid turpe, quid non,

Plenus ac melius Chrysippo, & crantore dicit.

quod autem poetica sit eadem quæ sapientia seu philosophia, innuit etiam Aristoteles, qui doctissimos & elegantissimos Platonis dialogos, in quibus maxima quæque res & diuinæ, & humanæ tractantur, inter poemata connume-

M. AN. MAIORAGII

est, quod idem etiam Maximus Tyrius facit: neque tantum de vita & moribus poeta philosophantur, sed etiam res occultas, atque ab ipsa natura involutas sciuntur & explicant. quod satis ostendit Ioppas ille Virgilianus, qui in conuiuio Didonis arrepta citbara.

- canit errantem lunam, solisque labores,
Vnde hominum genus & pecudes unde imber & ignes,
Arcturum, pluuiasque Hyadas, geminosque triones,
Quid tantum Oceano properent se tingere soles
Hyberni, uel quæ tardis mora noctibus obset.

Quæ cum ita sint, quis dubitet omnem mentis atque animi nostri perfectionem à poetica manare? cum ab ea rerum omnium & diuinarum & humanarum cognitio scientiaque proficiatur? Quid illud? quanti tandem æstimandum est, quod poeta qui primi uirtute & consilio præstanti extiterunt, perspecto genere humana docilitatis, ut orator eis, atque ingenij dissipatos homines unum in locum congregarunt, eosque ex feritate illa, qua prius utebantur, ad iusticiam, atque mansuetudinem traduxerunt. tum res communem utilitatem continentes, quas publicas appellamus, tum conuenticula hominum, quæ postea ciuitates nominatæ sunt, tum domicilia coniuncta, quas urbes dicimus inuento & diuino & humano iure manibus sepererunt, quod etiam Horatius ita canit; -fuit hæc sapientia quondam

Publica priuatis secernere sacra profanis,
Concubitu prohibere uago, dare iura maritis,
Oppida moliri, leges leges incidere ligno,
Sic honor, & nomen diuinis natibus, atque
Carminibus uenit.

quod igitur M. Cicero primo de inuentione tribuit eloquentiæ, quinto uerò Tusculanarum ad philosophiam transfert, id sine ulla dubitatione poetica proprium est, quæ omnium laudatarum artium parens, & procreatrix semper fuit. quare longe uerius de poetica, quam de philosophia, quæ poetica quædam filia est, idem poterat ita M. Tullius exclamare; ò uita poetica dux, ò uirtutis indagatrix, expultrixque uitiorum, quid non modo nos, sed omnino uita hominum sine te esse potuisset? tu urbes pepcristi, tu dissipatos homines in societatem uitæ conuocasti. tu eos inter se primo domicilijs, deinde coniugijs, tum litærarum & uocum communione uinxisti, tu inuentrix legum, tu magistra morum & disciplinæ fuisti. hanc uerò tantam laudem communis eruditorum consensus Orpheo diuino poeta tribuit, de quo ita Virgilius;

Sed placidis hominum distlis sacra corda mitigauit,

Doctæque

Doctaque nitam uoce temperauit,
 Insitiam docuit, catu quoque congregauit uno,
 Moresque agrestes expoliuit Orpheus.

Et quoniam antiquitas rebus præclaris maiestatem quandam asserre solet, tanto enim præstantiora quæque iudicantur, quanto antiquiora esse creduntur, uideamus quæ poetice fuerit origo. sic enim facile quiuis intelligere poterit id, quod uolumus, nullum esse scriptorum genus poetis aut antiquius aut diuinis. Marcus quidem Cicero primo Tusculanarum ait, apud Græcos antiquissimum è doctis genus fuisse poetarum, si quidem (inquit) Homerum fuit & Hesiodus ante Romam conditam, Archilochus regnante Romulo, sed tamen non satis his uerbis Cicero, quod nos quærimus, explicat. Illud quidem certè satis constat multo ante fuisse poeticam, quam oratio soluta reperita fuerit, quod Eusthatus in Homerica Iliade, & primo Geographiæ Strabo testatur. Cadmum enim aiunt, & Pherecidem, & Hecataum primos fuisse, qui soluta oratione scribere ceperint. atque ita paulatim quasi à summo quodam fastigio delapsos fuisse scriptores à poetica, ad artem oratoriam. Plato quidem tertio de legibus. rã antiquos esse poetas existimat, ut eorum genus diuinum esse dicat, & à Deis ortum, atque etiam à Deis agi solitum, sicut in Ioue, non arte, sed afflatu diuino fieri poetas affirmat, atque adiungit nihil aliud esse poetas, quam Deorum interpretes. in Phædro præclara poemata non esse ait hominum inuenta, sed caelestia munera, quam imitatus M. Cicero pro Archia poeta sic ait; Atqui sic à summis eruditissimisque hominibus accepimus, ceterarum rerum studia, & doctrina, & præceptis, & arte constare, poetam natura ipsa ualere, & mentis uiribus excitari, & quasi diuino quodam spiritu instammari. quare suo iure noster ille Ennius sanctos appellat poetas quod quasi Deorum aliquo dono atque munere commendati nobis esse uideantur. Ante bellum troianum poetas quosdam fuisse plerique tradunt. Pausanias Olenem quendam primum poetam nominat. Marcus Cicero de claris oratoribus ita scribit; Nec dubitari debet, quin fuerint ante Homerum poete, quod ex eis carminibus intelligi potest, quæ apud illum & in Phæacum, & in procorum epulis canuntur. Eusthatus in præfatione Iliades Musæum & Syagrum poetas ante Homerum fuisse memorat. Carmen autem heroicum ab Apolline profectum fuisse Plinius auctor est, quod etiam Pausanias & Plutarchus affirmant, Eusthatus Phæmonen Phæbi sacerdotem primam id genus carminis effudisse censet, quod uida cremonensis in Arte sua poetica sic expressit;

Munere concessum Phæbi, uenerabile donum
 Phæmonoes, quæ prima dedit (si uera uetustas)

M. AN. MAIORAGII

Ex adyto haud alijs numeris responsa per orbem.

Aristoteles poesim ex imitatione primo natam fuisse censet, quoniam imitandi studium sit ab ineunte etate cunctis hominibus innatum, qua in re à bel-
 luis homo differat. qui igitur ad metrum natura proclives fuerunt, eos ait
 poesim primo protulisse, ex quodam imperito rudique principio, atque ex
 subita ac fortuita dictione. sed deinceps ex hac imitandi ratione, quasi in plu-
 ra membra diuisa poesim multas in species abiit, atque ita poetæ dicti sunt alij
 Comici, alij Tragici, alij Epici, alij Melici, alij Dithyrambici, alij alio no-
 mine. nam pro cuiusque natura & moribus imitandi studium proferebatur.
 honestiores enim poeta res egregias & praestantes, & laudabiles actiones si-
 bi canendas proponebant. itaque in regum & deorum conuiuijs uirorum ex-
 cellentium laudes, resque praeclare gestas heroicis carminibus concinebant,
 ut adeas imitandas iuuenes excitarentur, & alacriores redderentur. qui
 uerò abiectioni essent animo, uiles etiam & humiles actiones canere cape-
 runt, atque hunc & illum irridere, salibusque inuadere. unde postea como-
 dia atque Satyra nata est. nam initio res tantum eximias ac diuinas poeta
 pertractabant. itaque scribit Aristoteles apud antiquos eosdem fuisse poetas
 & Theologos, quin Strabo neminem inter poetas connumerari solitum tra-
 dit, qui non idem etiam probus uir atque integer esset, ut omnino uerissimum
 esse appareat id, quod Eusebius Pamphili memoriae prodidit: apud Hebraeos
 omnium antiquissimas gentes artem hanc poeticam primo inuentam atque
 exultam fuisse. nam Iosephus etiam in antiquitatibus suis scribit; Mosem
 illum magnum Hebreorum imperatorem atque legislatorem, cum ex Aegy-
 pto populum Hebraum in patriam reduceret, atque diuino consilio mare ru-
 brum undis sua sponte cedentibus transgressus fuisset, ex ametro carmine Deo
 gratias egisse. testatur etiam Hieronymus & Iubam illum patientissimum
 uirum, & Dauidem regem sanctissimum, & Salomonem sapientia clarum,
 & Esaïam uaticinandi peritissimum poetas fuisse praeclarissimos, qui omnia
 pulcherrimis carminibus opera sua conscripserint. quid igitur hac arte anti-
 quius aut nobilius, per quam iam inde ab initio diuina mysteria literarum
 monumentis tradita sunt? nam & oracula Deorum immortalium uersibus
 edebantur, & sybille per carmina responsa dabant, & diuina per carmina for-
 tes, ut ait Horatius. Quare poetarum non enim tam sanctum semper habitum
 fuit, ut nulla unquam illud barbaria uisum. nam quondam etiam apud Gal-
 los feroces atque agrestes homines tanti poetæ fiebant, ut quoties in populo se-
 ditiones aut praelia nascerentur, poetis interuenientibus statim ab armis dis-
 scederent. eis enim non parere necesse esse iudicabant, cum assensu diuino tan-
 tum impelli censerent. Tribus autem potissimum signis Platonici probant
 poesim

poesim afflatum quendam, & quasi insaniam esse diuinam, primo quia ceteri homines nullam penitus artem percipere possunt, nisi præceptores habuerint, & nullum ac diu in ea sese exercuerint, prædari uero poetæ, quales fuerunt Orpheus, Homerus, Hesiodus omnium omnino scientiarum indicia plurima suis carminibus inferunt, per quæ facile docent, se illas artes optime callere, quamuis nunquam didicerint. deinde quia nonnunquam poetæ repentino quodam animi motu res eximias & admiratione dignissimas effundere solent. quas postea calore illo animi sese paulatim remittente uix ipsimet intelligunt, quasi non ipsi, sed Deus aliquis eorum ore locutus fuerit. quemadmodum apud Virgilium Sybilla, de qua sic ait;

Insanam uatem afficies, quæ rupe sub ima

Fata canit, solisque notas & nomina mandat.

ideo Democritus dicebat, absque diuino furore nullum magnum poetam fieri posse, quam sententiam Ouidius secutus sexto Fastorum libro ita canere non dubitat;

Est Deus in nobis agitante calescimus illo,

Impetus hic sacra semina mentis habet.

postremo signum illud poetica diuinitatis haud minimum est, quod optimi uates ab eorum nemine doctrina superantur, qui uel natura prudentiores esse uidentur, uel longioribus magisque assiduis studijs operam ingenuis artibus tribuerunt. Quare non sine causa. Plato in Cratylo naturæ nominum & proprietatis solos poetæ ueros esse doctores censet, & quamuis esset ipse omnium doctissimus tamen Sophronis Mimorum poetæ usque eo studiosus fuit, ut moriens libros eius capiti subiectos habuerit, & sanè Plutarchus in Homeri uita multis argumentis probat, nullius philosophiæ partis Homerum expertem fuisse, quamuis post eum & nata; & alta omnis philosophandi ratio esse uideatur. quam rem quiuis paulo prudentior, etiam in Virgilio, & Horatio nostro uidere facile potest. sic enim eleganter & eruditè scripserunt, nihil ut omnino uideantur ignorasse, quod non ab humano ingenio, neque ab arte aliqua, sed ab animorum diuina quadam inflammatione (quemadmodum Platonici placere diximus) provenire indicandum est. hac etiam de causa poetarum sententijs (ut Fabius ait) non orationes modo sunt reſerta, sed libri etiam philosophorum. qui eis tanquam deorum testimonijs utuntur. Igitur optime institutum est, ut sicut omnium rerum à Dijs immortalibus principia ducuntur, ita poetarum carminibus tenera puerorum mentes ab infantia statim imbuantur, scitum enim id, quod Epistolarum secundo libro scribit Horatius;

Os tenerum pueri, balbumque poeta figurat.

Torquet ab obscenis iam nunc sermonibus aurem,

Mox etiam peccatis preceptis format amicis.

Asperitatis & inuidia corrector, & ira,

Recte facta refert, clementia tempora notis

Instruit exemplis, inopem solatur & agrum.

Quid quod Plutarchus doctorem omnium approbatione censet, omnis disciplina principium esse poeticam? nemo sane poterit ad alicuius rei exitum, quod ait Fabius, nisi precedentibus initiis peruenire. quo fit ut nisi quis poeticam discat, is omnis disciplina semper ignarus haberi debeat. at vero qui hac arte delectatur, is facile deinde poterit ad aliarum disciplinarum suscitium ascendere. verum est enim quod ait Sophocles,

Initia si bona cuique des negotio,

Talem rei speres licebit exitum.

neque vero sunt audiendi quidam imperiti homines qui poetas audent vituperare, quasi bonis moribus officientes, atque in eo Platonem laudant, quod ex ea ciuitate poetas eduxerit. quam finxit ille, cum mores optimos & optimum Reip. statum exquireret, illud enim primum omnino falsum est, cum sanctissimas liceat ex optimis poetis passim sententias colligere. quae honeste uiuendi rationem edoceant: cumque ueri poetae, quemadmodum superius demonstratum est, & boni uiri sint, & uirae magistri. quod diuini illum Augustinum religioni nostrae columen, & sapientissimum virum non fugit, qui aperte clamat, à Poetis se utilia multa didicisse. neq; Hieronymum, & Ambrosium, & alios plurimos insignes praestanti sanctimonia uiros, qui maximo studio poetarum scripta leſitarunt. quod eorum opera poeticis referta uerbis & sententijs apertissime declarant. quod autem è ciuitate sua Plato poetas eduxerit, id quidem nullum est contra illos argumentum. cum praesertim alijs in locis plurimis idem Plato prope diuinis in celum laudibus eodem efferat, & mirandum in modum admiretur. Verum quemadmodum in ea ciuitate, ubi nullus omnino sit egrotus, sed omnes bene ualentes, & corpore bene constituto, nihil medicis opus est, ita Plato cum omnium beatissimam & sapientissimam fingeret ciuitatem, ex ea poetas eduxit, quoniam ei ciuitati, quae iam optimum finem esset consecuta, nullis uitae magistris, nullis institutionibus, nullis morum preceptis amplius opus esse uidebatur, cum per se contenta esset ad bene beateque uiuendum. quae de re multa sunt à maximo Tyrio quadam in oratione copiose & eleganter disputata, quanto autem semper in honore ac precio non tantum apud eruditos homines, sed etiam apud reges, & principes poetae fuerint, nobis monumenta literarum atque historiae manifestò declarant. quae hoc in loco recitare, nihil est necesse, tantum illa

illa politissima Ouidij carmina, quæ sunt in tertio de Amandi arte libro, audi-
te, quoniam ad hanc rem magnopere pertinent, Sic igitur Ouidius;

Curâ ducum fuerant olim regumque poetæ
Præmiaque antiqui magnatulare uiri,
Sanctæque maiestas & erat venerabile nomen
Vatibus, & largæ sæpe dabantur opes.
Ennius emeruit calabris in montibus ortus
Contiguus poni Scipio magne tibi

Sed si forte quis est, qui dicat non esse mirum ab Ouidio poeta poetæ assumptè
re commendari, is ad Ciceronem accedat, qui cum alijs in locis plurimis tum
pro Archia multis argumentis & exemplis probat & ostendit maximam sem-
per fuisse poetarum gloriam. Sed quid hæc agimus? quasi uero cuiquam in
bonis artibus mediocriter erudito dubium esse possit, quin ut ab Oceano uis
ammium fontiumque omnium cursus initium capit, ita à poetis omnes sapien-
tiæ partes, & ortum & incrementum accipiant. unde enim illa copiosè lo-
quens sapientia, domina rerum & regina eloquentia? an non à poetis? unde
illa rerum obscurarum inuestigatio, ars recondita multiplex ac subtilis cogni-
tio rerum caelestium, & æternarum? annon à poetis? Unde historia fabu-
læ, recte uiuendi rationes, lumina mentium, ornamenta uitæ, unde denique
omnis excellentia, atque gloria mortalium? annon à poetis? merito igitur
Lucanus, cum hæc atque alia multa uideret, hoc modo exclamare non du-
bitauit;

O sacer & magnus natum labor, omnia sato
Eripis & populis donas mortalibus æuam.

Quæ cum ita sint, cuinam dubium esse potest, quin poetarum cognitio sit cæ-
teris omnibus anteponenda. quam semper optimus quisque uernis omnibus
expetendam esse duxit, quæ laudem, quæ gloriam, quæ immortalitatem asser-
re solet. rusticus est profecto, atque ab omni humanitate alienus, qui poetica co-
gnitionis desiderio non teneatur, siue qua nemo docti nomen assequi merito
potest. nos igitur quorum animus Musarum amore perfusus, alta & subli-
mia spectat, poetas amemus, amplectamur. ediscamus, eis denique nosmet-
ipsos addicamus. cum præsertim nihil eorum lætione dulcius, nihil incundius,
nihil amanius inueniri possit. Proh Dij immortales, quæ suauitas poetice lo-
cutionis? quæ concinitas? qui lepos? quæ uenustas? quod inuentionis ac-
men? quæ compositionis harmonia? qui uerborum splendor? quæ sententia-
rum grauitas? quæ denique generum omnium dicendi maiestas? modo enim
tanto impetu sonituque feruntur, ut tonare, fulminare, permiscere omnia ui-
deantur, modo paulo præsciores, aurea quadam mediocritate procedunt, ut
nihil

M. AN. MAIORAGII

nihil possit, aut concinius aut suavius excogitari. modo ita sese demittunt, ut
quamvis humi serpere uideantur, tamen expleatur animus iucundissima le-
ctionis uoluptate. Quamobrem si quis studiorum utilitatem summa coniun-
ctam amantitati uoluptatique diligit, is poeticam artem amplectatur, in ea
dies atque noctes inuigilet. in eam denique totam mentis acies intendat. Sic
enim uberrimos studij sui fructus aliquando consequetur. quod nos optimi iu-
uenes omni studio, cura, diligentia facturos spero. Vos enim uideo, & animo
excelso esse & optimarum artium studijs deditissimos, qua res effecit, ut artis
huius poetica uobis hoc anno declaranda provinciam libentissimè su-
sceperim, cuius quidem utilissima praecepta si uobis, ut spero &
opto, ita perspicuè explicuero, ut ea facile percipere pos-
sitis, tum nero me laboris mei praeium quam
amplissimum consecutum existimabo.



149

DE BIBLIOTHECA PVBLICA
Mediolani instituenda, & omni gene-
re librorum instruenda,

Ad Alfonsum Aualum Oratio imperfecta.



Cum multis in rebus immortalis Deo gratias agere debemus, Alphonsi princeps Illustrissime, qui tantarum calamitatum causas, quantas superiori tempore pertulimus, a nobis tandem auerterit ac profligavit, & optatissimam pacem inuenerit, ac rerum omnium abundantiam; tum nulla re magis ei debere nos existimo, quā quod te nostrae civitati, & summae Rei P. praesse uoluerit, ut amplissimus, ac prudentissimus imperator, pro tua singulari Sapientia, atque incredili uirtute, Remp. bene gerendo, Diuorum immortalium templa colendo, sanctissimas religiones obseruando, Remp. conseruares. sepe numero mecum Alphonsi mirari soleo. cū tuae religionis ac uirtutis mihi neni in mentē considerare. qui cum tantopere bellicis in rebus & imperatoria laude, ceteris omnibus antecellat, ut non solum eorum hominum, qui nunc sunt, gloriam, sed etiam antiquitatis memoriam superaris, tamen ita religioni deditus, ita modestus ac summissus, & ut breuiter dicam ita christianus es, ut tibi religiosissime uiuere, summa uotorum esse uideatur. Et quoniam ad bene beateque uiuendum, exploratum habes, plurimum conducere studia literarum, studiosos earum ita faues & amplecteris, ut non solum eos, qui sunt in hac ciuitate subleues, sed alios etiam huc, ex longinquis regionibus, proponens eis uberrima praemia conducas. Quare iam in certam spem uenerunt, huius ciuitatis homines, fore, ut optimarum artium studia, superiori tempore, bellorum tumultibus, & hostium incursionibus prostrata & inculta, per te restituantur. nimirum hoc unum ad amplissimam gloriam tuam, & res gestas immortales, adhuc deesse uidetur, ut hanc tui amantissimam ciuitatem, olim studiorum parentem ac altricem, nunc literarum inopia laborantem contendas subleuare. cum igitur animum tuum in hanc partem, tam propensum & inclinatū esse uideam, ut nihil addi posse uideatur, existimaui me facturum ope-

M. AN. MAIORAGII

*reprecium, si tibi, quasi digito uirar: demonstrarem, qua possis in hac ciuitate cum paruo labore, neq; maximo sumptu, literarum studia reuocare, iuuen-
tutem excitare, ciuitatē hanc honore maximo cohonestare famam tui nominis
relinquere sempiternam. Quod si res ulla potest inueniri, digna maiestate tua,
digna uirtute, digna religione, quam tibi relictis omnibus rebus, amplecti
fas sit, & perfici, hac profecto quam nos hoc tempore, in consultationem
adducimus, tanta est, ut reliquis omnibus, anteponi digna esse uideatur.
quam tu, pro tua sapientia, fide, potestate, suscipias; susceptam industria,
consilio, diligentia perficias, quæ perfecta, inuentuti Mediolanensium, ac
studiosis omnibus incredibilem afferat utilitatem, tibi uerò gloriam acquirat
immortalem. Non te praterit Alphonse, duas solas artes in orbe terrarum
inueniri, quæ mortalem possint in amplissimo dignitatis & laudis gradu col-
locare, & hunc breuem uita nostra curriculum, ita posteritati commenda-
re, ut in linguis & ore omnium, unius uiri memoria perpetuò celebretur:
disciplina militaris, & studium literarum, quarum artium in altera tu iam-
pridem ita uersaris, ut uirtutis tuæ bellicæ splendor tanquam sol quidam
exortus, res gestas antiquorum tanquam minora sydera præstrinxeris. artem
autem literarum (ut in initio dixi) ita complecteris, ut mihi facillimum fore
sperem, quod uehementissime cupio, tibi persuadere, cum præsertim utilis-
simum sit, & optimum. Est hæc nostra ciuitas Mediolani uerum omnium
(ut optime, nosli) copiosissima. non frugum abundantia, non agorum uberta-
te, non magnitudine passionis cuiquam est inferior. Præterea floret ingenio
rum acumine, nobilitatis splendore, animorum in rebus gerendis sagacitate,
domi militiq; claritate. Ad hæc tanta est artificum cuiusquemodi præstan-
tia ac industria, ut nulla ciuitas unquam post homines natos excellentiores
habuerit. Huc accedunt duæ mirificæ substructiones, quæ merito possint in-
ter commemorata illa mundi miracula numerari. Quarum altera saniam est
pulcherrimum ac religiosissimum, quod in maximam solet admirationem
spectatores omnes inducere, quippe sub astra tendens machina columnia
crassas ac sublimibus innixa, tantum extollitur, ut oculorum acies uix possit
ad eius cacumen perungere. longitudine ac latitudine iuxta sublimitatis pro-
portionem accommodatissima. totum autem ex solido marmore fabrefactum,
sed arte tam egregia, ut uix hominis ingenio factum esse credibile uideatur.
Alteræ uero substructio castrum est Mediolanense. de quo, quid ego plura
commemorem, quam quod omni nationi planum est, ac manifestum, esse po-
nitus inexpugnabile. atque adeo communitum esse, ut non solum fieri muni-
tius non possit, sed ne excogitari quidem, ut etiam ex re nomen assecutum
esse uideatur. Arx enim Iouis appellatur, Declaratum est hoc superiori tem-*

pore

pōre, cum tot bellis ac obsidionibus petitus fuerit, tot iniuriis, aggeribus, tormentis, oppugnationibus, nunquam tamen ullus ex tot ducibus atque imperatoribus eximius, & in arte militari peritissimus potuit illud expugnare. Quare iam satis superque cognitum est hoc unum castrum ab omnibus belli tumultibus & oppugnationibus esse tutissimum. nec ullo modo fieri posse, ut humanis viribus expugnetur. Quae cum ita sint, unum adhuc ornamentum huic praeclarissimae civitati, & his tam admirandis substructionibus, deesse videtur, quod si quis addat, sibi decus acquirat sempiternum, cuius quidem ornamentum te cupimus esse principem & auctorem. ut in hac civitate, perpetuae tui memoria conservetur. & tuam posteritas omnis sentiat ac laudet munificentiam & liberalitatem. Hoc autem illud est, de quo loquimur, ornamentum, ut in templo illo maximo & religiosissimo Bibliotheca librorum omnium generum refertissima constituitur, & aedes hinc adificentur, altere iuxta templi sacra, altera in ipsa Iouis arce, quae sint huic tantummodo rei destinatae. ut, quoniam incerti sunt temporum exitus, si quando bellum exciteretur, possint in arcem munitissimam volumina transferri. & ibi tuta esse ab omni praeliorum violentia. Quid ego nunc commemorare, quantopere res ista memorabilis & gloriosa futura sit, ubi diseminabitur apud exteras nationes, & olim apud posteros memorabitur, Alphonsum Davaalum, omni bellica laude praestantissimum, cuius ad omnes ferè mundi regiones virtutis fama pervaserit, tantopere literas etiam dilexisse, ut locupletissimam Mediolani Bibliothecam reliquerit. Quis non sapientiam tuam laudabit? prudentiam admirabitur? consilium approbabit? certatim tollent in astra nomen tuum ubique studiosi literarum, multorum scriptis & praconijs ubique gentium praedicaberis, nunquam poterit hoc factum tuum vetustas abolere. Dum hunc terrarum globum, sol è caelo radijs suis illustrabit, dum stabit hac immensa mundi compago, virtutem tuam genus humanum praedicabit. Nam si quidam obscuri mortales, aut non admodum excelso loco nati, non alia de causa, nisi quod librorum magnum numerum collegerint, aeternum nomen inveniunt, Quod futurum censes, cum tu iam pridem maximis rebus gestis tuis clarissimus, ad literas excolendas animum etiam adieceris? Quis Tirannionem grammaticum agnosceret, aut tantopere celebraret, nisi magno studio & industria librorum tria millia collegisset? Quid patrum nostrorum memoria, Cosmus Medices florentinus civis, num alia de causa fuit ubique laudatus. ut etiam celeberrimum nomen, doctissimorum hominum scriptis habuerit, quam, quod literas amaverit, & litteratorum hominum studiosissimus & amantissimus fuerit, & undique congestis libris copiosissimas Bibliothecas refereret? Sed ne for-

M. AN. MAIORAGII

de negotium hoc, tanquam maiestate tua minus dignum asperneris, habes
 authores grauisimos ac sapientissimos uiros, qui non solum omni studio ad
 colligendos libros, & instaurandas bibliothecas incubuerunt, sed etiam po-
 ceritis undique doctissimis & peritissimis uiris eos summo honore profecto-
 ti sunt, & eis amplissima pramia proposuerunt. Nam ut pri-
 mum Ptolemeum illum Euergetem referam, qui be-
 neficientiam suam uidetur ipso nomine
 declarare, nonne pulcherri-
 mum & cele-
 berrimum Alexandrie Gymnasium instituisse legimus? & multa
 librorum millia comparasse. cum prius ex omni mun-
 di regione, prudentissimos ad se uiros
 euocasset, nel hoc solo.



151

LIBELLVS SVPPLEX
AD SENATVM,

De hora vespertina, qua docebat Maioragius, in matutinam commutanda.



V M uestrae prudentia, atque auctoritatis sit P.C. non solum intelligere, quid in publicis negocijs agatur; uerumetiam providere, ut omnia, quam fieri potest optime rectissimeque gerantur: M. Antonio Maioragio publico utriusque linguae Mediolani professori, qui omnia prius expertus est, ne molestus esse uideretur, nobis in praesentia significare iussim est, se iam quattuor ab hinc annos magno incommodo suo, studiosaeque iuuentutis ho-

ra vespertina Latinae publice docuisse: cum eo tempore forum mercatorum gymnasio vicinam magnis undique clamoribus obstrepat. nam semper aut pueri uociferantes huc atque illuc dimissi de schola cursitant; aut aliquis circumforaneus circulator lyrae cantu, uel asina uoce plebeios homines congregat; & iuuenes ad se potius audiendum allicit; aut praeco publicus tuba inclamat, ut quae decreta sunt à magistratibus, enunciet; aut tortor maleficum aliquem in equuleo suspendit; aut denique quod omnium est molestissimum, uaga iuuentus & intemperans, quae per forum illa hora deambulare solet in gymnasium ascendit, & uel sibilis, uel pulsatione subselliorum, uel pulueris & lapidum coniectu audiendi cupidos interturbat. Itaque uos orat, atque obsecrat, ut pro communi iuuentutis utilitate, pro ciuitatis dignitate, pro uestra sapientia, pro honore suo uelitis iubeatisque eum utramque linguam matutino tempore profiteri. Sic enim & omnia praedicta incommoda facile uitabuntur; & multi iuuenes, qui mane Gracae lectionem ab eodem audiunt, etiam Latinam eodem tempore multo libentissimè audient: quoniam bis in die non eis incommodum est in forum accedere. Neque hoc ullo fiet Othonis Lupani publici professoris incommodo: modo is obseruare uelit, quod alias auctoritate uestra constitutum est, ut paulò tempestinius lectionem suam incipiat, & tunc legere desinat, cum xre Campano minore signum datur. eodem enim tempore Gracae lectionem in alio gymnasio Maioragius absol-

uere

M. AN. MAIORAGII

re uere solet, quare deinde statim Orboni succedet, ut Latine legat, atque
hac uariatione studiosa iuuentus, si uoluerit, utriusque professoris quoti-
die Latinam lectionem audire, facili poterit. Hæc ideo nobis

P. C. significare Maioragius uoluit: quoniam cer-
tum atque exclaratum habet, nos pro
consuetudine uestra, quod

fructuosum
& utile iuuentuti fore
uidebitis, illud
decreturos.



LIBELLVS ALTER, DE immunitate publicis professoribus conceden.




*Q*UONIAM summa aequitas, atque iustitia uestra P. Conscripti, splendorem ac benignitatem uam proportionem aequalem in omneis, de Repub. benemerentes diffundere solet: ideo nos Otho Lupanus, & M. Antonius Maioragius, quos in hac ciuitate uos artis Oratoris professores esse uoluistis, supplicantes petimus, ut eadem immunitate nos donetis, quae iam Ticinensis gymnasiij professores donastis, cum praesertim sit eadem nostra, quae illorum causa, & magis etiam uobis debet, quam illis immunitas uideatur. primo quia in Metropoli ciuitate legimus, deinde, quia non tantum publice, sed etiam priuatim Reipub. prodesse contendimus. Rogamus igitur, ut etiam nos, sicuti alij omnes lectores publici uestro munere gaudeamus.

LIBRARY OF
 THE
 UNIVERSITY OF
 CHICAGO

THE UNIVERSITY OF CHICAGO
 LIBRARY
 540 EAST 57TH STREET
 CHICAGO, ILL. 60637
 U.S.A.





M. ANTONII
MAIORAGII
IN HOMERI ILIADEM.

P R A E F A T I O I.



ET SSES Ithacensis ille, quem Poetarum pa-
rens Homerus prudentissimum ac sapientissi-
mum finxit, cum per ea loca nauigaturus esset,
ubi Sirenes Acheloi Calliopesque filiae dulci mo-
dulatione prateruentes nautas in fraudem peri-
culumque allicere consueuerant, sociorum suo-
rum aures obturandas esse cera existimauit, ne
fortasse cantus suauitate commoti sese præcipi-
tes e nauibus in mare deiicerent. suas autem au-

res obturare quidem noluit, sed tamen malo nauis firmissimis se uinculis al-
ligauit, ut & earum uoces audiret, & tamen securus præternauigaret. Ita-
que lice: eum illis suauissimis ac iucundissimis uersibus inuitarent.

O decus argolicum quin puppim fleētis *V*lyses

Auribus ut nostros possis agnoscere cantus

Nam nemo hæc unquam est transuectus carula cursu

Quin prius aslitterit uocum dulcedine captus

Post uarijs auido satiatus pectore musis

Dollior ad patrias lapsus perueniret oras

Nos graue certamen belli clademque tenemus

Græcia quam Troia diuino numine uexit

Omniaque elatis rerum uestigia terris,

non tamen eas audiendas esse censuit, sed ad illam, quam iterum tandem ali-
quando uidere uehementissime cupiebat, patriam spreta Sirenium uoce pro-

M. AN. MAIORAGII

peravit . hic igitur tam divina , tamque incredibili sapientia uir in legendis poetarum operibus est à nobis diligenter imitandus . tam enim dulces tamque iucundi sunt , ut nisi quis . lius animum suum efferat , & non quid in uerborum cortice , sed quid in sententiarum recessu lateat accuratissimè perpendat , in eorum figmentis tanquam in Sireneis scopulis consenscat . Quare qui se infirmo atque imbecilli esse animo sentiunt , & doctrinæ reconditorie expertes , quales *Vlyssis* socij fuisse finguntur , ij debent poetice suauitati , & catminum fabularumque uarietati penitus aures occludere , atque alijs sese studijs ac negocijs tradere , ne fortasse leniculis in rebus occupati nibil dignum cognitione percipiant , & quæ sunt utilissima prætermittant , quemadmodum plerique mansuetiorum Musarum professores facere consueuerint , qui cum se totos poetis dederint , & eorum se interpretes esse promittant , in fabellis deinde simpliciter enarrandis totos dies sine ullo fructu conterunt , & auditores suos duplo stultiore quam acceperint reddunt , qui uero tam acuto tamque constanti animo fuerit , ut pleno gradu poetice sapientia penetrabilia ingrediaudeat , quod *Vlysses* fecisse *Homerus* iunuit , is rationi , reconditaque doctrinæ tanquam malo nanis inhærens poetarum scripta frequenter euoluere atque interpretari secure potest . sunt enim præstantiores poeta celebratis illis *Alcibiadis* *Silenis* non absimiles . nam *Alcibiadem* ferunt imagines quasdam habuisse , qui *Sileni* dicerentur , ita fabricatas , ut clausa qui dem ridiculum : aliquam & monstrosam speciem præ se ferrent , aperte uerò statim diuinam numen ostenderent . eodem modo clarissimi poetæ fabellis quasdam aspectu primo ridiculas & inanes ita concinnant ut ludere uelle uideantur , uerum in eis fabulis , si quis diligentius introspectat , aliqua semper diuinæ celestisque sapientia mysteria reperiunt . Hæc causa est cur imperitiores Grammatici quam uis poetarum Deum *Homerum* in manibus semper habeant , tamen ex eius lectione paruum admodum fructum percipiant , quia scilicet in uerbis ac figmentis tantum occupati uirtutes eius uidere nullo modo possunt , nam si quis unquam post homines natos fidelis fabulis res cognitione dignissimas significauit is certe omnium eruditorum iudicio atque consensu *Homerus* fuit , ut magni sit uiri sicut ait *Quintilianus* , uirtutes eius non amulatione , quòd fieri non potest , sed intellectu sequi , quippe qui humani ingenij modum excedat , & omnes sine dubio in omni generis doctrinæ procul a se reliquerit . Itaque posteriores omnes non tantum poetæ , sed etiam Philosophi caterique scriptores ab *Homero* plurima sumpserunt , unde non sine causa clamat *Ouidius*

Aspice Mgonidem a quo cœu fonte perenni

Vatum pietijs ora rigantur aquis.

Nam quemadmodum ab Oceano flumina , fontes , puteique omnes exeunt
sic

sic ab Homero omnis eloquentiæ copioseque loquentis sapientiæ fluxit initium. itaque nemo uel eorum qui res occultas & ab ipsa natura inuolatas pertractarunt, uel de uita & moribus scripserunt, uel sese ijs artibus quæ pertinent ad dicendi facultatem tradiderunt Homeri poema tanquam amanissimum diuersorium non appetiuit, sed apud eum omnes commorari uoluerunt. nam & Apollinis oraculum Homeri carminibus saepe traditum legimus, & Philosophorum principes Plato atque Aristoteles Homeri testimonio frequentissime utuntur, & ab Homero tanquam omnis sapientiæ fonte Omnes Philosophantium sectæ promanarunt. Rhetores Homerum ita suspiciunt, ut eum omnibus eloquentiæ partibus exemplum & ortum dedisse fateantur. Grammatici non ad alium finem quam ad Homericam dicendi rationem omnes regulas suas dirigunt, poeta qui post Homerum aliquid conscripserunt, quantum facultas tulit eum omnes imitari uoluerunt. ut enim cæteros hoc tempore præmittam, apud eminentissimum poetarum nostrorum Virgilium nihil ferè paulo ingeniosus & eruditus dictum reperitur, quod non ad Homeri imitationem sit conscriptum atque adeo penè ex Homero descriptum. qua de re cum ab æmulis aliquando Virgilium carperetur, dixisse fertur non minus esse difficile carmen ab Homero commode sumere quam Herculi clauam de manibus eripere. Geographi quoque scientiam Homericam uenerantur ac suspiciunt, quod Strabo primo libro copiose persequitur, Medici præterea uulnerumque curatores, quos chirurgos appellant, plurima ab Homero bona mutuuntur, Quid quod etiam principes, imperatores atque reges Homericæ dulcedine singularique sapientiæ delectantur. cuius rei testis est amplissimus Alexander ille Magnus qui cum inter Darij Persarum regis thesauros preciosissimum unguentorum scriniolum totum ex auro, margaritis, gemmisque lectissimis consecutum reperisset, amicique uarios eius usus demonstrarent, imo Hercule (inquit) librorum Homeri custodie detur, ut preciosissimum humani animi opus, quam maxime diuini opere seruetur. nam in ipsis etiam bellis tumultibus Homeri libros tanquam animi quoddam uaticinium & passum suauissimum secum habere consueuerat. & cum somnum capere opus erat, eos capiti suo subiiciebat, ut neque in somnis ab Homeri cogitatione abstinere uideretur, sed in ipsis etiam uisionibus quæ dormientibus euenire solent præclara sibi somnia obseruarentur, Achillemque ideo fortunatum fuisse clamabat ut testis est pro Archia Cicero, quia laudum suarum præconem Homerum inuenisset, atque in familiari colloquutione pot tam hunc modo summum uirtutis præconem, modo uatem regium appellare consueuerat & re uera Homeri poësis regia quedam res est, & Ilias præcipue qua tot belli duces, tot reges, tot heroes celebrantur. quam nō enim proverbio dicatur malorum Ilias, quoniam in Iliade Homericæ multa

*mali genera memorantur, tamen reſtius (ut ait Euſtſbachius omnium bono-
rum ſuas diceretur, plena eſt enim eloquentiæ) Philoſophiæ artiſ Imperato-
riæ, moraliſ diſciplinæ, uariarum denique ſcientiarum nam & dolos ex ea
bonos ac laudabiles, & mendaciorum utiliſ conſtitutiones & diſtorum acu-
mina licet perdiſcere. encomiorum præterea vias ac rationes atque in geren-
diſ rebus ſummam prudentiam. quin etiam quæcunque ex hiſtoria bona
percipiuntur, eadem ex Homeri lectione percipi poſſunt. ut multarum re-
rum experientiæ, mirifica incunditas, animi inſtitutio. ad virtutem adhor-
tatio, quibꝯ in rebus omnibꝯ multum hiſtoriciſ Homeriſ antecellat. Quod
ſiquiſ hunc poetam ideo non admirandum & ſuſpiciendum exiſtimet, quod
multis fabuliſ ſit reſertus, iſ certe non intelligit Homericæſ fabulaſ non
inaniter, neque tantum ad riſum concitandum aut delectationem aſſerendam
eſſe conſtituſ, ſed rerum cognitione digniſſimarum umbræ atque integri men-
ta quedam eſſe, quaſ ſiquiſ recte explicuerit, tunc denique quanta ſit in eiſ
quædamque recondita ſcientia perſpiciet. neque enim alioquinſ ſapientiæ, qua-
liſ Homeriſ fuit, ſimpliçibꝯ & amilibꝯ fabuliſ delectari poteſt, cum ſa-
pientiæ nihil aliud ſit quam veritatiſ contemplatio cognitioque. Sed ut ru-
deſ adhuc atque imperitoſ alliciat poeſiſ ſuæ fabulaſ inſerit, quarum dulcedi-
ne captuſ animuſ paulatim ad altiora atque utiliora pronebitur. fuit enim
hæc antiquaſ ſapientiſſimorum hominum conſuetudo, ut reſ celeſteſ ac diui-
naſ & ſapientiæ myſteria fabuliſ tanquam cortice quodam obtegerent, ſi-
cut etiam Theologi uſtrꝯ parabolis ac ſimilitudinibꝯ in rebus diuinis frequen-
ter utuntur, quo rudeſ animi faciliuſ à cognitiſ & ſub ſenſu cadentibuſ
rebus ad incognitiſ & ſublimeſ extollantur. cum igitur ex omnibꝯ græciſ
poetiſ mihi eſſet facultat eligendi, quem hoc anno publice interpretaretur, Ho-
merum mihi potiſſimum in manuſ ſumendum eſſe cenſui, cum enim ut ait
Horatiuſ, Aut prodeſſe uelint aut delectare poeætæ, nulluſ Homero maio-
rem neque incunditatem aſſerre poteſt. Quapropter ut Aratuſ quod ait Quinti-
lianuſ, ab Ione incipiendum putat, ita noſ rite cepturi ab Homero uide-
mur, qui non poetica modo, ſed etiam oratoria uirtute eſt eminentiſſimuſ.
neque uluiſ extat opuſ humanuſ quod Homericæſ poeſiſ præferendum eſſe
uideatur. illud uerò uideatur admirabile quod in tot carminum millibꝯ nihil
unquam Homeriſ neque de patria neque de parentibꝯ ſuiſ meminert, ne-
que operibꝯ nomen ſuam inſcripſerit. uir. proſecto diuinuſ & alta quadam
mente prædituſ quem nulla ambitio, nulla nominis ac gloriæ cupiditat inſtam-
mauit, ſed ipſuſ tantum uirtutiſ & ſcientiæ gratiaſ ſcripſerit. hæc de cauſa
factuſ eſt, ut multæ Græciæ ciuitateſ ſuum fuiſſe ciuem Homerum uelint,
& dum patriam ſuam occultat eſſecit ut multæ patriæ ſibi eum conentur uen-
dicare. unde illud Diſſichon uulgo celebratur ſeptem urbeſ certant de ſede in
ſignie*

signis Homeri Smyrna Rhodos Colophon Salamin Ios Argos Athenæ Cicero pro Archia poeta sic ait, Homerum Colophonij ciuem esse dicunt suum, alij suum uendicant, salaminij repetunt, Smyrnaei uerò suum esse confirmant, ita que etiam delubrum eius in oppido dedicauerunt, per multi alij præterea pugnant inter se atque contendunt, extat elegans super hac re Anipatri Epi-gramma quod ita Politianus conuertit.

Diceris à multis Colophonis alumnus Homera

Hic te Smyrnæum credit & ille chium

Quin & Ion quidam, quidam Salamina superbam

Theſſaliani multi te genuisse ferunt.

Sunt & qui memorent alijs te sedibus ortum

Sic uarijs natus crederis esse locis

Dicere si liceat mihi Phæbi oracula cælum

Certa tibi patria est calliopea parens.

Natus est etiam incerto patre. nam Critheis eius mater amore furtiuo facta grauida apud Meletem fluuium eum peperit. Vnde primo fuit Meleſigenes appellatus. Postea uerò cum apud Cumæos graui lipitudine premeretur, obexatus est, atque ideo Homerus est appellatus. nam (ut scribit Herodotus, Cumæi solent eos qui cecisunt, Homeros appellare. sicut etiam Ephorus attestatur Artemidorus libro somniorum primo fictum hoc esse uidetur innuere cum ita scribit, qui se cæcum esse somniauerit, si poeta sit, bonum significat, quoniam multa quiete opus habent, qui poemata scribere cupiunt, unde sermo inualuit Homerum poetam cæcum fuisse. Plutarchus auctor est ab Aristotele scriptum fuisse Homerum Damonis cuiusdam ex eorum numero qui cum Musis uersari solent, fuisse filium. Vnde fortasse Dionysius Hæcarnæus δαμωνιοῦ τοῦ εὐμῆος eum appellat, quod non humanam. sed diuinam quandam potius naturam præferat. Scribit Herodotus Critheidem Homeri matrem cū paruulo infante à Phemio quodam Smyrnæo ludi magistro fuisse hospitio susceptam, atq; ita adamatam, ut eam Phemius secum postea semper habuerit, & Homerum puerum ingenuis artibus erudierit, in quibus ait eum tantum profecisse, ut mortuo Phemio cum omnium admiratione per aliquod tempus literas Smyrnæ docuerit. postea totam Græciam peragrasse, & in Italian usque atque Hispaniam profectum, deinde iterum in Græciam, reuersum arti poetice, usque ad extremum uitæ diem incubuisse, neque satis constat inter scriptores quo tempore vixerit. nam Herodotus centum sexaginta octo annos post Troianum bellum floruisse Homerum scribit, alij belli Troiani tempore natum dicunt, alij non ita multo post. Cornelius Nepos centum & sexaginta annos ante Romam conditam fuisse auctor est. Eutropius Agrippæ Syluij temporibus Homerum in Græcia fuisse perhibet. Sed quo-

M. AN. MAIORAGII

quoque tempore vixerit satis constat egenum ac mendicum fuisse, ut uix sibi uictum recitandis ac uendendis carminibus suis posset acquirere, quæ de causa factum est, ut Homeri carmina per totam Græciam sparsa sine ullo ordine legerentur, donec Hipparchus Pisistrati filius, ut Plato scribit, diligenter & collegit, & adhibitis eruditissimis uiris in libros ordine literarum sicuti nunc eos habemus accuratè digerenda curauit. quamuis Plutarchus hanc laudem Aristarcho tribuat, qui tam ingeniosè tamque acutè uera Homeri carmina ab ijs, quæ falso illi tribuebantur, distinxit, ut postea quicunque de alienis scriptis uerè iudicaret Aristarchus fuerit appellatus. nam Varro de Lingua Latina criticos grammaticos qui de libris iudicant Aristarchos appellat, & Cicero uocat Atticum suarum orationum Aristarchum. obiit autem Homerus morte misera quidem illa, sed tamen memorabili. cum enim federet in litore, piscatoresque e naui egresos percunctatus esset, ecquid prædæ fecissent, illi responderunt, quæcunque cepimus, ea reliquimus, quæ uerò non cepimus nobiscum serimus. hanc sibi propositam a piscatoribus quæstionem cum soluere nullo modo potuisset, tanta indignatione correptus est, ut dolore absimptus credatur, quod præter ceteros etiam Valerius Maximus libro scribit. & at tamen quæstio illa piscatorum non admodum ardua nam cum nihil piscium cepissent apricantes in sole pediculis se purgare aggressi sunt, atque ita quos pediculos ceperunt eos interfectos proiecerunt ac reliquerunt, quos autem non ceperunt, eos secum in uestibus intulerunt. Reliquit autem duo pulcherrima præstantissimaque opera Iliadem & Odysseam, nam Margites, Himni Deorum Battacomyomachia; & si qua alia Homero attribuuntur lusus potius & exercitationes quædam quam iusta opera esse appellanda doctiores existimant. sunt qui opinentur Iliadem Tragediæ instar habere, Odysseam comædiæ sed omnino falluntur, licet eorum errorem etiam Erasmus secutus sit. nam utrumque opus tragicum est, ut in arte Poetica clarissimè docet Aristoteles. carmen enim Heroicum atque exametrum Tragediæ quædam species est. illud probabilius uidetur quod Plutarchus tradidit Homerum in Iliade corporis fortitudinem in Odyssea uero animi præstantiam exprimere uoluisse. nam in Iliade pugna, prælia, cædesque tractantur, quæ corporis uiribus indigere certum est. in Odyssea pericula, tempestates, uarij casus ponuntur, quos nemo nisi præstanti animo superare, aut commode tolerare potest. Jam uero mirum est quod idem Plutarchus ostendere pluribus exemplis conatus est, & Politianus Plutarchi penè dixerim interpretes, cum tot sint Philosophorum tamque discrepantes sententia, unumquemque tamen cuiusque sectæ principem Homeri auctoritate nixum sententiam suam confirmasse. Dion certe Chrysostomus Socratem qui primus è celo philosophiam deuocasse dicitur ut de uita & moribus differeret, Home-

ri discipulū appellare non dubitat, licet ante Socratem Homerus multis ætati
 bus floruerit Basilii Magni Theologorū grauiſſimus & præſantiſſimus to-
 ran Homeri poeſim laudem eſſe uirtutis affirmauit, quod Anaxagoras Me-
 trodorum ad Homeri lectionem adhortans antea dixerat Arceſilaus tanto
 huius poete ſtudio tenebatur, ut nunquam manē e leſſo ſurgeret, nunquam
 neſſeri cubitum iret, quin prius aliquid ex Homero leſſitaret. Ptolemæus
 Philadelphus Zoilum Homeri detractorem, qui ideo Homero maſtix diceba-
 tur, quod Homericum inſectari non deſiſſeret, diu prius deluſum tandem uin-
 ctis ac uerberibus atque omni ſupplicio exercitium necauit. & merito
 quanta enim temeritatis & impudentiæ fuit eum damnare poetam quem
 omnes certatim ſapientes ſummis in calum laudibus ſerunt, quem omnes ſu-
 ſpiciunt, admirantur, ſemper in manibus habendum cenſent. itaque præter
 acerbam ac miſeram mortem illa etiam inſamia notatus eſt, ut poſtea laudum
 alienarum obreſcitores & inuidi, ab eius nomine Zoili dicerentur. Cicero
 Tuſculanarum quaſtionum libro quinto ita de Homero ſcribit. Traditum eſt
 etiam Homerum cæcum fuiſſe at eius picturam non poeſim uidemus, quæ re-
 gio, quæ ora, qui locus Græciæ, quæ ſpecies formæ, quæ pugna, quæ acies,
 quod remigium, qui motus hominum, qui ſerarum non ita expictus eſt, ut
 quæ ipſe non uiderit, nos ut uideremus effecerit. ſed inſtituti noſtri non eſt
 Homerum ipſum hoc tempore laudare, quem integris uoluminibus multi
 exornare conati ſunt. & tamen nemo unquam ſatis eum laudaſſe dicitur.
 illud potius nideamus cur hoc opus quod interpretaturi ſumus Ilias dicatur,
 & quid nam ſit in eo poete noſtri propoſitum. neque enim ſicut Odyſſea ab
 Ulyſſe ita hoc opus ab uniꝝ uiri nomine uocatur, licet ab Achillis ira ſu-
 mat exordium quæ multorum malorum cauſa fuit. neque quod tantum Ilien-
 ſium mala factaque contineat ideo uocatur Ilias, ſed quia completitur ea,
 quæ Troiani belli tempore circa Ilium acciderunt, & præcipue quo tempo-
 re Achilles Agamemnoni iratus erat. multæ uero calamitates & Troianis,
 & Græcis eo tempore contigerunt. unde malorum Ilias de immenſis miſe-
 rijs prouerbio dicitur, Cicero ad Atticum tanta malorum impendet Ilias.
 Stratonicus interrogatus cur nollet apud Ilienſes uiuere reſpondit, Semper
 Ilio mala, quod deinde in calamitoſos & afflictoſos dici captum eſt. & quia
 longum eſt opus in quatuor & uiginti libros eo quod totidem græca literæ nu-
 merantur Hipparchi iuſſu ſine patris eius Piſiſtrati digeſtum ideo factum
 eſt, ut quoties nimis prolixam ac moleſtam orationem ſignificare uolumus
 eam Iliadæ longiorem eſſe dicamus, quod Iulius Pollux ſexto libro ſcribit.
 Ilias igitur dicta eſt quod hoc in opere ſcribantur ea, quæ Græci Troianiꝝ
 circa Ilium geſſere. propoſitum eſt autem Homero commemorare quot ma-
 la propter ſeditiones & rixas principū ſepiſſimè populis & exercitiis acci-

M. AN. MAIORAGII

dero soleant. Itaque sumpsit exordium ab Achillis ira, quam perniciosam uocat, quæ innumerabiles Achivis dolores attulerit. Horatius sanè quadam ad Lollium epistola præclare docet quid Homerus in Iliade significare uoluerit. sic enim ait;

*Fabula qua Paridis propter narratur amorem
Gracia Barbariæ lento collisa duello
Stultorum regum & populorum continet ætus.
Antenor censet belli præcidere causam
Quid Paris ut saluus regnet, uiuatque beatus
Cogi posse negat. Nestor componere lites
Inter Peliden festinat & inter Atridem
Hunc amor ira quidem communiter urit utrumque
Quicquid delirant reges plestuntur Achivi
Seditione dolis scelere atque libidine & ira
Iliacos intra muros peccatur & extra.*

Illam igitur præter ceteras maximam etiam utilitatem ex Homero percipimus quod mores nostros componere, & uitam melius conformare doceatur. nam (ut idem ait Horatius,) Quid sit pulchrum, quid turpe, quid utile, quid non plegius ac melius Chrysippo & Crantore dicit, Quamobrem opus tam eximium, ambabus, quod aiunt) manibus atque obuijs uulnibus amplectendum est, & in sinu gestandum. Equidem quod ad me attinet eximias huius poetæ uirtutes pro uirtutis parte uobis aperire, interpretari ac planas facere conabor. Vos uidete ne propter aliquam fortasse negligentiam tantum utilitatis tantumque boni amittatis. nam si magna cum diligentia quotidie lectionibus nostris interesse uolueritis profectò nos quantum proficietis nunquam (ut spero) panitebit.



P R A E F A T I O I I.



P A C E R E non possum, optimi auditores, quin
arcana pectoris mei vobis aperiam. ita enim me
natura conformauit, & expoliuit industria, ut
nihil fucatum, nihil simulatum mihi placere pos-
sit. omnia ingenue, & simplicitate quadam pro-
fitear, neque mihi falsam doctrinæ, atque scien-
tiæ laudem arrogare uelim. Itaque cum Home-
ri Odysseam, coram uobis interpretandam su-
sceperim, hæc eo iuuenes cruditissimi, neque quod
principium orationis, aut quem finem inueniam prorsus intelligo. atque ego
ille, qui nonnunquam tota uerborum plaustra prosodere soleo: in hac ma-
teria tam ampla, tam immensa quid dicam non inuenio, non aliter atque ij
qui diutius in. tenebris uersati, repentinum solis splendorem ferre nullo mo-
do possunt. Quid igitur faciam? taceam ne Homeri laudes? quem nemo est
bonis literis imbutus qui non ad celum ferendum esse censet? laudem ne?
aut uerbis exornem? cuius tantus est decor & præstantia, ut facilius eru-
ditissimus quisque tacitus admirari possit, quam dicendo minimam ex laudi-
bus eius partem explanare? Quare ego supernuacaneum omnino existimo,
in Homero laudando operam sumere, quem omnes uno consensu admirantur,
& uno ore prædicant, ne mihi quis uestrum fortasse dictum illud Antalcida
succinat. qui, cum sophista quidam eo præsentē Herculis Encomium recita-
re uellet, quis (inquit) illum uituperat? Sed neque de Homeri uita quicquam
uobis assero, cum Plutarchus, Herodotus, Suidas, Politianus, & alij, de ea co-
piose scripserint. Quid igitur (inquit aliquis) nobis asfers noui? equidem in
bacre non multum me iactabo, omnia iam uulgata, nihil dictum, quod non
dictum sit prius. hoc unum spectavi, quod uerissime Quintilianus scripsit: op-
time institutum esse, ut ab Homero, atque Virgilio, lectio inciperet. Quid
quod neque de Homeri patria quicquam certi possum uobis affirmare? Nam
& Rhodij, & Thesali, & Ieta, & Chij, & Salaminij, & Colophonij as-
ferunt sibi, & Argiui Milesij, Smyrnei, Cimeique contra uendicant: re-
peruntque eundem ad se, quasi Licinia, & Mutia lege (ut ait Politianus) Athe-
nienses. alij dicunt Aegyptium fuisse, apud A. Gellium referuntur hæc car-
mina ἔτα πόλις διερίκουσιν τοῖς ἱεῖσι θύμῃσι σμύρῃσι, ῥόδῳ, πολοφῶν, θαλα-
μῖνι, σοῖ, ἀργείοι, Ἀτῖναι. Quare merito Antipater, cum uarias de Homeri

Rr patria

M. AN. MAIORAGII

patria recitasset opiniones, subiunxit hoc distichon : πατρί τοι γένεσθαι μέγας
 ἕρως, ἢ δὲ γυναικὸς ἔσθαι, ματρὸς δ' ἔσθω καλλίστης,

Nempe tibi calum patria est, non semine natus

Mortali, genuit te Dea caliope.

Sed hæc reliquamus, quæ ab alijs iampridem diligentissime disputata sunt, nos uero cum præclare intelligamus Homericam lectionem plurimum ad eloquentiam, & ad omnium ingenuarum artium studia nobis prodesse posse, videamus an ad mores etiam conformandos, & honestatem adipiscendam aliquid adiumenti conferre possit. Plutarchus autor grauissimus, ait Homerum cum duo poemata composuerit Iliadem, & Odysseam παρὶς τοῦ σώματος καὶ τῆς ψυχῆς ἀνθρώπου, hoc est per Iliadem corporis fortitudinem representasse per Odysseam uero animi præstantiam. quin & Horatius in epistola quadam ad Lollium scribit: Homerum melius quam quoslibet philosophos declarare, quid sit honestum, quid turpe, quid utile, & quid item inutile, de Odyssea uero sic ait

Rursus quid virtus, & quid sapientia possit

Vtile proposuit nobis exemplar Ulyssæ.

In hoc igitur opere iuuenes suauissimi ἡ φιλικώτατος licet fieri sapientes, cum primo uidebitis singularis semine Penelopes temperantiam, quæ cum adhuc esset iuuenis atque adolescentula, multis expetita procis, atque ijsdem nobilissimis, nunquam tamen animum ad obscenitatem inclinauit. Nam qui cum ingenijs conflictatur eiusmodi (ut ait comicus) neque commouetur animus in ea re tamen, scias posse habere iam ipsum sue uitæ modum, Deinde sapientissimum Ulyssæ in rebus aduersis patientissimum, nullis periculis, nullis calamitatibus animo cadentem, sed alacri semper animo & imperturbato quicquid accidisset moderate ferentem, præterea nullis delictis, nullis uoluptatibus delinitum, sed acriter uitia repellentem & suenum voces, ac Circes pocula desipientem, in quibus rebus ueram esse sapientiam, uestrum puto latere neminem, quæ dum interpretabimur, suis locis singula Deo fauente declarabimus. Quod si quis uestrum forte me roget quo tempore fuerit Homerus, in hoc etiam auctorum sententias uariare video, sed tamen ex Cicerone certi aliquid asserre possum, scribit enim Cicero quinto Tuscul. Homerum fuisse temporibus Lycurgi Lacedæmoniarum legislatoris, ante urbem conditam. Lycurgus autem floruit ante Romam conditam annos circa 134. à troia capta 298. idem Cicero libro primo Tuscul. ita scribit. Homerus & Hesiodus, ante Romam conditam fuerunt, sunt qui putent Homerum & Hesiodum eodem tempore floruisse, quod Ioannes Grammaticus & Philosophus falsum esse ostendit, & probat Homerum multo fuisse antiquiorem. nam Aristotiles inquit stesichorum poe-

cum Hesiodi filium fuisse, ex Etimene, qui quidem Stesichorus fuit ἐν γὰρ οὐκ
 ἰδὲστ' coctaneus Pythagoræ Philosopho, & Phalaridi Agrigentinorum Ty-
 ranno, bi uero post Homerum floruerunt annos 400. ut scribit Herodotus
 quæ quidem supputatio ferè conuenit cum Ciceronis sententia, Nam Pytha-
 garos fuit in Italia temporibus iisdem quibus Iunius Brutus patriam libera-
 uit, quod accidit anno ab urbe condita 245. cum Homerus fuerit ante Ro-
 mam conditam annis 160. ut Cornelius Nepos in libris Chronicorum tradit,
 sed hæc fortasse curiosius quam oporteat. cum autem sint uaria poetarum ge-
 nera (ut scribit Ioannes Grammaticus) sint enim Monodi, Lyrici, comici,
 Tragicæ, & infinita alia nomina sunt etiam Poetæ: οἱ καὶ ἐξ αὐτῶν καὶ ἀμύμονος
 καὶ ἑμμενός, qui per excellentiam quandam solum poeta dicuntur, sine alterius
 nominis adiectione; ex quorum genere quinque fuisse celeberrimi
 καὶ ἐν ὅλοις, Homerus omnium princeps, Hesiodus Ascreus,
 καὶ ὁ ὀνόματι Antimachus Colophonius, Panyssis, Pisander Came-
 ρensis τῶν δ' ἄλλων ὅσπερ μέγα πόντος οὐδ' οἱ λόγος.



IN HESIODVM.

PRAEFATIO III.



Um ex Grecis omnibus auctoribus Hesiodum potissimum hoc tempore nobis interpretandum susceperim auditores ut eum Poetam, qui non tantum eruditioni prodesse, & dicendi facultatem alere possit, sed mores etiam hominum componat, & utilissima uitae praecepta tradat, non alienum ab interpretis officio me facturum arbitror, si quae de eius uita, & de totius operis materia, atque scopo, mihi apud probatos auctores legere contigit, antequam ad carminum explanationem veniam in medium asseram, cum praesertim multa sint in eis, quae nondum apud Latinos planè explicata sunt. Fuit igitur Hesiodus (ut Suidas tradit) cumaeus genere, non quidem à cumae campaniae ciuitate, sed ab ea cumae quae in Aeo lia est, quam Stephanus tradit, ante Lesbum esse sitam, & ab Amazone quadam, quae cumae diceretur esse denominatam, à qua ciuitate tradit idem Stephanus Ephorum historiam, & Hesiodum Poetam oriundum esse unde etiam Cumaeus uates fuit appellatus teste Suida. Quin etiam Val. probus insignis grammaticus. super eo Virgilij carmine in Bucolicis.

Ultima cum. ei uenit iam carminis aetas.

Non alium quam Hesiodum à Virgilio designari credit, quoniam Cumaeus Hesiodus primus aetates à metallorum nomine distinctas appellauit, primam auream, alteram argenteam, tertiam Abeneam, ultimam ferream, ut in opere cui titulus est opera, & dies expressum legitur. Cumae igitur natus est Hesiodus eius pater Dius fuit Ampellidis filius, mater uero Pycme de, sed cum eius parentes magno are alieno pressi soluendo non essent, in Bæotiam ausugerunt, atque in Ascræico ignobili habitauerunt, ubi puer Hesiodus nutritus atque educatus est, quae de causa factum est, ut Ascræus diceretur ut in Bucolicis Virgilius:

Hos tibi dant calamos en accipe Musæ.

Ascræo quos ante seni. dictus est etiam Bæotius, quoniam Ascræ Bæotiae uicus est, ut Columella, non minimum nostrae professioni contulit Hesiodus Bæotius, fuit autem Ascræ uicus ignobilis & infæcundus, quem etiam ipse Poeta (ut refert Strabo) his uersibus damnauit.

οὐδ' αὖτ' οὐδ' ἄλλ' ἐλκύνουσιν ἐν γῆνι κάρμυ

Ἴσχυρ' ἤματι καὶ τὴν ἀρχαίην ἀνδρῶν ἱερόν. hoc est

Ascream rus miserum penes hic Heliconam colebat,

Hyberno dirum, triste aestu, optabile nunquam.

ferunt autem Hesiodum primo pastorem omnium fuisse, quod Ovidius *fastorum* libro 6. testatur his verbis.

Ecce Deos uidi non quas praeceptor arandi

Viderat Ascreas cum sequeretur oues.

Cum autem parentis armenta custodiret, in Helicone monte dicitur, à multis adamatus fuisse, pulchram eius atque egregiam indolem admirantibus. Itaque statuerunt, eum Poetam efficere, sacraeque ideo laurum gustandam puero praebuere, tradunt enim eam esse Lauri naturam, ut qui eam frequenter mandunt, nates fiant, qua de causa Lycophron Poeta natem quandam δαφνιφάγον, quasi dicas, Laurinorum nominat, sic etiam apud Tibullum Sybilla de se loquens ait

Vera cano, sic usque sacras innoxia Laurus

Vescat, & aeternum sit mihi uirginitas.

Aphthonius etiam Rhetor Laurum uaticinationis symbolum esse scribit, itaque ueteres ipsam laurum, μαντινὸν φυτόν, hanc diuinationis uim habentem plantam uocauere, & Claudianus ait: Venturi praescia Laurus, qua de causa uoluit eam plantam Apollini sacram esse, qui Deus praescire diuinationi creditus est. Qui uerisimilius hanc historiam persequuntur, tradunt Hesiodum in Helicone obdormiuisse, nouemque illi mulieres in somnis astitisse, quae Laurum porrigentes gustare iusserint. postquam autem experectus fuisset, somnio illo monitus sese literarum studijs & ingenuis artibus tradere cepisset, quippe qui cogitaret munus illud Musarum sibi oblatum gustatu quidem amaram esse, sed tamen uirorem perpetuum conseruare, neque enim unquam dum uiuit, Laurus uiriditatem suam amittit, ita liberales artes, licet initio subanare uideantur, immortalem tamen secum gloriam afferunt, tantum igitur postea labore, atque industria suae effecit, ut ex abiecto ac uiliouum pastore Poeta clarissimus euaserit, legimus eum peregrinationibus delectatum fuisse, quemadmodum etiam Homerum, quoniam ex multarum ciuitatum cognitione, maxima solet acquiri prudentia. duxit autem uxorem Ctemenen Phrygae filiam, ex qua Stesichorum Poetam suscepisse dicitur, sed quo tempore, aut qua aetate floruerit, non satis apud authores constat, sunt enim qui illum Homeri tempore fuisse tradant, sunt etiam qui homerum longe antiquiorem faciant. nam Cicero & Porphyrius & plerique alij uolunt Hesiodum Homero multis annis iuniorem esse, natumque ante primam Olympiadem, quam opinionem etiam Solinus sequitur; qui ita scribit. Inter Homerum & Hesiodum Poetam, qui in auspicijs olympiadis primae obiit, cen-

et um & triginta anni interfuerunt. Sed eum cum Homero aliquo tempore floruisse rerum antiquarum diligentes authores prodidere, quamvis sit, ut Gellius & Pausanias tradit, vetus inter grammaticos disceptatio, uter eorum aetate praeceperit, qua de re Ponticum etiam Heraclidem, duos Dialogos conscripsisse memorie proditum est. sed Philostratus, & Velleius Historicus, & M. Varro in primo de imaginibus libro, quemadmodum Gellius refert non esse dubitandum asserunt, quin eodem tempore uixerint Homerus & Hesiodus, atque id ex epigrammate quodam probari potest, quod in Tripode Musis in Helicone dedicato inscriptum legebatur, quem quidem Tripodem Hesiodus ipse dedicauit, cum aliquando in Chalcide diuinum Homerum cantu superasset, id autem epigramma & apud Dionem legimus, & inter epigrammata Graeca circumfertur in hunc modum:

Ἡσίοδος μὲν οὖν ἑλικωνίῃσι τῶν δ' ἀνέγκυς
ὁ μαιωνικὸς αἶν' ἐκκληίδι γούρ' ὁμῶν. hoc est

Hesiodus posuit Musis Helionibus istum

Cum cantu uicit diuinum in chalcide Homerum.

atque hanc quidem historiam bis apud Plutarchum relatam legimus, & in quinto symposiaco libro, & in eo Dialogo qui septem sapientum inscribitur, quem nos olim in latini sermonem conuertimus, ibi enim cum Perianther uellet antiquam fuisse consuetudinem ostendere, ut aenigmata proponerentur sic ait, apud ueteres Graecos, ὁ cleodeme fuit hac consuetudo, ut tales inter se dubitationes proponerent, accepimus enim olim cum ad Amphidamantis exequias in chalcidem celeberrimi sapientes ac Poeta conuenissent, fuit autem Amphidamas uir peritus administranda Reipub. qui cum Eretrientes uehementer afflixisset in praelijs, quae propter Lilantum agrum facta sunt, occubuit, & cum de recitatis carminibus iudicium ferre difficultimum esse uideretur quoniam omnium essent optima, propter aequalem excellentiam, cum praesertim etiam certantium Homeri & Hesiodi gloria multam hesitationem, cum uerecundia iudicibus afferret, ipsos Poetas ad huiusmodi sese interrogationes contulisse, & proposuimus (inquit Lesches) hoc modo prior Homerus aenigma tale.

Μῆσα μοι ἱγγιγνέ' ἐκείνα, τὰ μὲν δέγοντο παρ' ὅθεν, μὲν ἔσαι μετόπισθεν. hoc est

Dic mihi quae nunquam aut ante hac o Musa fuere.

Aut nunquam post haec sunt euentura.

respondit autem Hesiodus ita (ut fertur) ex tempore:

ἀλλ' ὅταν ἄμφω δίοις τύμβῳ παναχέκοδαι ἵππο, ἀργατὰ συνέριπυσσι, πεπόμενοι, περὶ ἵνους. hoc est.

Cum Iouis ad tumulum sonipes certamine franget

Accelerans

Accelerans cursum, quia sit victoria cura,
Atq; hac de causa dicitur Hesiodus, cum omnibus de se maximam admiratio-
nem concitasset, victor declaratus Tripodem re portasse, quem postea Mu-
sis in Helicone dedicauit, nixit autem Hesiodus longissimo tempore, adeo
ut etiam proverbio iactetur Hesiodi Senectæ de ijs qui ad modum inuaces
sunt, extat etiam de Hesiodi longa ætate Pindari epigramma huius modi:

ἤναι δὲ ἡβήσας κ' δὲ τὰ φη ἀρτίβολός τε
ἠοιοδὲ, ἀνδρῶν μὲν τὸν ἥναι σοφίῃ, hoc est.

Salue bis pubes, & bis mandate sepulchro

Hesiode, o sapiens quantum homo scire potest.

Quod autem Hesiodum bis pubuisse referat Pindarus, de extrema senectute
intelligendum est, quæ quodammodo pueritiam referre uidetur, unde etiam
proverbio perantiquo iactatur δὲ πῦδης ἡ γέροντες, bis pueri senes, sed
quod eundem bis sepulchrum appellat, ad historiam alludit de qua Plutarchus
in conuiuio septem sapientum meminit in hunc modum ut nos olim transtuli-
mus: Cum esset locris Hesiodus in hospitis domo cum homine quodam Mi-
lesio, qui filium hospitis nutriat, & in stupro deprehensus fuerat, in
suspicionem uenit tanquam ab initio sceleris illius conscius fuisset, & id
tamen occultasset, cum omni prorsus culpa uacaret, nihilominus in odium
& iniustam criminationem incidit, nam puella nutritæ fratres circa Locren-
se Nemaum insidias illi struxerunt & cum unacum eius socio, qui Troilus di-
cebatur, interfecerunt horum corpora cum essent in mare proiecta Troi-
li quidem cadauer in Daphnum fluvium à mari eiectum adhasit scopulo. non
ita multum à mari distanti, & ad hanc usque diem scopulus ille Troilus uo-
catur. Hesiodum uero mortuum à littore statim suscipiens Delphinorum mul-
titude in Rhium exposuit, iuxta Molycrion, ibi tum forte Locrenses flata
sacra peragebant. erat enim ea celebritas, quam etiam hoc tempore splen-
dide seruant. Itaque cum allatum corpus uisum fuisset, admirati omnes (ut
fit) ad litus accurrerunt, & cum recens cadauer agnouissent, rebus omis-
sis cædis authores inuestigarunt propter egregiam Hesiodi famam, & hoc
quidem celeriter effecerunt, nam inuentos eos & comprehensos, in mare ui-
nos precipitauerunt, & eorum domum subuerterunt, porro Hesiodus in Ne-
mæo sepultus est, sed pauci sunt alienigenæ qui sepulture locum sciant si qui-
dem propter Orcomenios occultatus est, qui moniti Oraculo huius uiri reli-
quias apud se seruare conabantur. Hac quidem Plutarchus, sed tamen ab
Orcomenijs, qui Minya dicti sunt, postea Poeta huius ossa exportata fuisse
legimus, & in medio foro cum hoc epigrammate collocata.

ἀσχερὸν μὲν πᾶσι τοι ἡλθίσι, ἀλλὰ θάνατον
ὄσα πλεῖστα κ' ὠνέει μιν ὡς κατὰ χεῖρα,

ἡσίοδος, τοῦ τῶν ὀνείων ἀνθρῶπων ἐκλήσεως

ἀνθρῶπων ἐνέμεναι, ἐν βασιλείᾳ σοφίᾳ.

Qua nos paucis quibusdam immutatis ita conuertimus

Astra quidem secunda fuit tibi patria, uerum

Bellaces equites, ossa tenent Minyæ

Hesiodè ante alios fama præstantior omnes

Qui sapientum unquam nonine præstiterint.

quanquam autem de eius interitu non nihil uariant auctores, tamen in hoc omnes conveniunt, ob admissum à socio stuprum interfectum fuisse. nam Suidas eum ab Antiochò & Ctimenò per errorem interfectum tradit, cum enim ab eis hospitio susceptus fuisset, et illa nocte soror illorum uitiata esset, illi sororis constupratorum sese interficere ratì Hesiodum interemerunt, scripsit autem opera multa, quæ Pausanias in Bæoticis commemorat, præter enim opera & dies & Theogoniam, & scutum Hercules, quæ sola sunt in manibus hoc tempore, scripsit etiam Astronomica, & Hypothecas, idest uiuendi præcepta. Quæ tamen Quintilianus Hesiodi negat esse, licet Aristoteles aliter censeat, præterea Heroum, & Heroidum genealogias, & de mulicribus, & de uaticinandi arte, quam ab Acarnanibus teste Pausania didicerat. Nicocles ut etiam Pindari interpretassetur Hesiodum ait primum per Rhapsodias, carmina composuisse cuius etiam carmina refert in quibus Hesiodus de se fatetur cum Homero certamen inisse, & in Apollinis honorem cecinisse, eius hæc carmina sunt.

ἐν δὲ καὶ τότε πρῶτος ἔγνων ὁ μικρὸς αἰὼς

μελπομένην νεαρόν, τῶν ἀφ' αὐτῆς αἰὼς

φύλλον ἄλλοις χρυσείον ὄντι μελῶσι.

hoc est.

In delo tum primum ego Meonidesque Poeta

Lusimus inque nouis carmen cantauimus hymnis

Auricomum Phebian, quem Latona edidit alma.

Scripsit etiam de Dactylis idcis, & Pelei Thetidisque epithalamium, & Epi cedium in Batrachum amicū suum, Plutarchus in conuiuio septem sapientiū tradit etiam de Medicina Hesiodum scripsisse, Plinius de herbis ab eodem scriptum fuisse tradit uolunt etiam quidam Hesiodum Apologorum eorum, qui ab Aesopo nomen habent auctorem fuisse. M. Manilius secundo Astro nomicon, multis uersibus explicat, quæ scripserit Hesiodus quæ si quis uide re cupit ab eo petat, est enim ipse Poeta in manibus, quin etiā apud Lucianū Dialogus est, qui Hesiodus inscribitur. ubi multa de eloquente ipsam Poetā Lucianus inducit, sed de Hesiodi uita satis dictum sit, nunc operis huius quod interpretandum suscepimus, inscriptionem & materiā uideamus inscribitur enim opera & dies & in eo tractatur de agricultura scientia, ex quibus die-

bue,

bus, hoc vel illud facere conveniat. scripsit autem hoc opus ad Persem fratrem suum. quod exhortationes ad laborem pulcherrimas, & præcepta moralia & tuenda rei familiaris rationem continet, & præterea de Erinam Agriculturæ, temporaque quibus arandum, seminandumque sit, & quibus metendum, quique dies felices sint & auspicati, qui nefasti, & inauspicati. ferunt enim post parentum obitum facultates inter se Persem & Hesiodum divisisse, sed Perseus statim se voluptatibus dedisse & brevi tempore totum patrimonium dilapidasse, cum interim Hesiodus frugaliter & honestè viueret, deinde cum iam nihil sibi restare videret Perseus, cepisse cum Hesiodo litigare, & turpi iudicio cum fratre conflictari, unde ab illa vitiosa vita atque inerti conatur cum Hesiodus ad bonam frugem & laborem reducere, sed cur opera & dies inscripsit, & non potius contra dies & opera, aut cur opera primo loco posuit? quæstionem hanc soluit Poeta huius interpres Ioannes Rezes quoniam (inquit) ad eundem & inertem fratrem scribens, prius eum ad opera excitare voluit, quam illi dies præscriberet. in quibus operandum esset, frustra enim querit quis, qui dies ad opera & ad laborem apti sint nisi prius apud animum suum aliquid operari, ac laborare decreverit. Quæ sunt autem hæc tandem opera quæ docet Hesiodus? nempe quæ ratione quis procul ab omni strepitu possit, honestè vivere, & per nullius iniuriam rem suam amplificare, terram scilicet colendo, & quæcunque ad eam artem spectant, diligenter preparando. nam ut primo de officiis docet Cicero, omnium rerum, ex quibus aliquid acquiritur, nihil agriculturæ melius est, nihil uberius, nihil dulcius, nihil libero homine dignius, quam apud eundem Ciceronem in eo libro, qui de se neccitate inscribitur Cato Maior copiosè laudat, & nos alias integra oratione quantum facultas nostra tulit, in cælum extulimus, opera aigitur, quæ ad agriculturam pertinent hoc in libro tradit Hesiodus, sed quinam sunt illi dies qui titulo designantur? sciendum est eam esse dierum partem, onem apud Hesiodum, ut alios admittat, vel ad inspiciendum, vel ad efficiendum, rursus ut alios velut emortuos prætereat. tres tamen Iouis appellat ut primum diem mensis, quartum & septimum. cur autem hoc faciat, conatur in quadam ad Picum epistola Politianus rationem reddere, quarto Lunaris mensis die rectè nuptias contrahi censet Hesiodus, & naues ædificari, septimum Sacrum appellat, in quo natus Apollo sit, & atque ob id conflare septenis fidibus Apollinis lyram existimant. sextum puellis inutilem, generandis vero maribus utilissimum perhibet, quo die castrare agnos iubet, & pecora septis includere, quinetiam cauillis, & mendacijs, & blanditijs, & susurationibus hunc diem dedicat, octauum maximè laudat, tanquam operibus aggrediendis, admodum efficacem, atque etiam sues & boves eo die rectè castrari existimat, nonum appellat innocuum & procreandis liberis

M. AN. MAIORAGII

accommodatum, quo die rectè etiam arbores conseri arbitrat, undecimū in colligenda messe, lanisque tondendis consumi iubet, quibus tamen rebus peragendis duodecimum præfert, n. m. in eo die scribit araneum sua filanere, & suas telas contexere, formicam autem ex granorum a ceruis prædari, præterea duodecimo die mulos sine periculo castrari posse tradit, tertiumdecimum ait conserendis arboribus idoneum esse, quoniam (ut ait Plutarchus) plenior iam lumine insita vis radicibus diffunditur, eundem diem seminibus iaciendis incommodum esse vult. Quartusdecimus à Poeta sacer appellatur, laudaturque tanquam idoneus sæminis gignendis, bubusque & ovibus, nec non etiam mulis & canibus mansuescendis, ac domandis, atque eodem die relinendum esse dolium, & degustandum uinum. Sextusdecimus, nequaquam sationi utilis est, & potius gignendis maribus quam sæminis conuenit, neque eo die nuptiæ sunt auspicanda. Decimo septimo die Luna cedi arbores tempestiuum est, quoniam decrescere Luna tum incipit, & humor qui lignis cariem inducere solet minuitur. comportarique eo die fruges in arcam iubet. Decimumnonum lustrationi tribuit. Vigésimum diem magnū appellat, & ait in eo prudentes, & industrios homines gigni solere, vigésimum quartum matutino tantum tempore probat. solet autem Hesiodus quartos omnes laudare quintos uero vituperare, in quibus ait furias errare, & periuros omnes punire, uetat autem uigésimo quarto die curi animum conficere tanquam eo die maxime noxium hoc sit. Trigésimus etiam magnopere laudatur, in quo iubet ut opera diligenter inspiciamus, & familiaria cibaria diuidamus, hæc est eorum summa quæ de diebus hoc in opere tradit Hesiodus, iam igitur profecto uidetis, quæ sit huius tituli significatio, & cur opera & dies inscribatur, Quinetiam ipsius Poetæ scopus, atque inuentio manifesta & perspicua est, nam (ut eius interpretes Proclus ait:) *παύειν τὸν δέσιν*, hoc est ad docendum accommodata. uidetur enim non alia de causa opus hoc scripsisse, nisi ut primo fratrem suum deinde reliquos etiam populos, ad rectè atque honestè uiuendum informaret, totum enim primum librum in præceptis ferè uitæ laudabiliter instituendæ consumit. & ad colendam iustitiam præcipuè adhortatur, quæ de causa non tantum Græci ueteres, sed etiam Romani Poetam hunc suis liberis ediscendum proponebant propterea quod, nullum ad teneram ætatem bonis moribus informandam utiliore esse censebant. Vnde Cicero ad amicum suum Leptam scribens hortatur, ut filium suum iubeat Hesiodum ediscere, & eius præclaras sententias in ore habere, cuius hæc uerba sunt. Lepta suauissimus ediscat Hesiodum & habeat in ore. *Ἰὼ δ' ἀγαθὸν δέσπον*. Plato etiam quarto de legibus primo Hesiodum (inquit) sapientem multi prædicant cum dicat uiam ad uitia planam esse, ac sine sudore peragi, quia breuissima sit, sed ante uirtutem (inquit) Dij

immor-

immortales sudorem posuerunt, & uia quæ ad eam ducit, longa, ardua & aspera. primum est, sed postquam ad summa fastigia peruentum fuerit, quæ prius ardua uia fuerat, facilissima redditur. Quin & Aristoteles Ethicorum primo, iubet eos, qui sapientiæ præceptis, ad rectè uiuendum indigent, Hesiodi carmina audire. quare non potest, non probatissimus uideri Poeta ille, quem non tantum celebris omnium fama prædicat, sed etiam reliquorum omnium præstantissimi scriptores Plato; Aristoteles, Cicero suis suffragiis maxime comprobarunt. His accedit Quintiliani Calculus, acuti sanè atque ingeniosi Rhetoris, qui hunc Poetam ita celebrat, ut dicat. utiles eius ad præcepta sententias esse. Lenitatemque uerborum & probabilem compositionem eius prædicat, denique palmam huic in illo mediocri dicendi genere facile concedit. Itaque cum aperte intelligatis, ex huius Poeta lectione, non

tantum Græcæ linguæ eruditionem, quæ per se uos maxime mouere debet, uerum etiam grauissimas sententias, & præcepta uiuendi utilissima percipere posse, unusquisque uestrum contendere, atque eniti debet, ut ad eius audiendam interpretationem, animi alacritatem, & celeritatem; ad intelligendam mentis acumen, ad ediscenda carmina memoriam accommodetis.



IN PINDARVM.

PRAEFATIO IV.



*Q*UAE res in omni uita dua plurimum ualent. Auditores, hae mihi semper in maiorem in modum lauuerunt, amor & labor, quarum altera me incendit, & inflamauit, ad optimarum artium studia altera uero fecit, ut quod cupiebam, aliqua ex parte consequeretur, amor ad contemplandam uirtutis pulchritudinem scientiarumque uarietatem me induxit. labor, quam putant alij difficilem, atque arduam Musarum uiam, eam mihi plauiam atque facilem reddidit, atque adeo in hanc mentem me primo induxit, sapientissimus Poeta Virgilius, qui & amoris & labori uim eandem attribuit. cum enim in pastoritio carmine suo iam dixisset, omnia uincit amor, non dubitauit etiam in Georgicis exclamare: Labor omnia uincit. Deinde, cum peruenire Graecorum uireta, mihi spatium datum fuisset, nihil apud ueteres illos sapientissimos, homines amore ac labore magis celebratum inueni, sed ex omnibus eorum sententijs, quae penè sunt innumerae, duas mihi eligendas censui, quibus mea ratio melius confirmaretur, quarum altera Menandri est, de amore: ἔρωτις ὁδὸν ἰοχύνεται, altera Euripides de labore: ὁ πόνος ἐν καλῇ τέλει. quibus rebus effectum est, ut à sapientissimo Senatu nostro Mediolanensi quem honoris, & amplitudinis causa nomino, cum iam pridem mihi latius literas, publice profuturi provinciae demandata fuisset, hoc tempore dignus existimatus fuero, cui etiam Graecarum literarum publica professio committeretur. Quare quid mihi homini nouo, uel ad praesentis temporis fructum commodius, uel ad posteritatis memoriam gloriosius accidere potuisset? Meum est igitur auditores, cum in labore, & amore tantas esse commoditates expertus fuero, uos adhortari, ut duas has res sic amplectamini, nihil ut magis uobis esse cordi uideatur, quod & alias saepe feci, & post hac quoties sese offert occasio libentissimè faciam. Nunc cum ex Decreto Senatus nostri, quem ordinem (ut dignus est) tanquam numen aliquod ueneror, Graecam sim linguam publice professurus, reddenda mihi ratio est, cur ex omnibus Graecis auctoribus Pindarum potissimum mihi interpretandum elegerim, ne si rationem instituti mei non reddidero, id sine causa fecisse uidear. Mea semper sententia fuit, Audi. boni professoris officium esse non ea quae trita sunt atque uulgata, atque omnibus

omnibus cognita, sed quæ recondita sunt, & non ita multis intellecta, ad interpretandum esse sumenda, si modo pulchra sint ea, magnamque audientibus utilitatem allatura. Quis enim per publicam viam (quod aiunt) nescit ambulare? quis à plurimis iam impressa uestigia sequi nescit? tentanda via est, per quam non anseres, non corui, non graculi, sed tantum Musarum aues volare possint, uerum inter Græcos Poetas neminem ex probatis esse censeo. qui non minus vulgatus, sit, quam Pindarus, uel reconditiorem uariarum rerum eruditionem uel grauiores sententias, uel feliciorem uerbatatam in sese contineat, quæ non mea sed doctissimorum hominum sententia est. Quis enim Quintiliani testimonium, & encomium de Pindaro, legens, non ad eum amandum, legendum, & ediscendum excitetur? Quem non moueat his uerbis Quintilianus? Nouem uero Lyricorum longè Pindarus Princeps, spiritus magnificencia, sententijs, figuris, beatissima, rerum, uerborumque copia, & uelut quodam eloquentis flumine, propter quæ Horatius eum merito credidit nemini imitabilem. Quid Horatij carmina? quam in sublime Poetam hunc efferunt.

Pindarum quisquis studet emulari

Iule Ceratis ope Dedaleæ

Nititur pennis nitrea daturus:

Nomina ponto,

Monte decurrens uelut annis imbres

Quem super notas aluere ripas

Feruet immensusque ruit profundo

Pindarus ore. & quæ sequuntur.

Julius Firmicus ex eius genesi diuinum Poetam Pindarion appellat. Quid Græci scriptores quantopere Poetam hunc admirati sunt? Nam Philostratus in imaginibus suis, hunc præter ceteros maxime commendat. & propter eius natalem Nymphas ac Deos omnes festum celebrasse scribit, Quinetiam aiunt Pindarum Apollini gratissimum fuisse, quæ opinio dum adhuc ipse Poeta uiueret, tantopere inualuit, ut ab Apollinis sacerdote frequenter in templum ad eam uocaretur, & eorum quæ offerebantur, sic precipiente oraculo partem acciperet, quod quid honorificentius, aut gloriosius excogitari potest? Ferunt etiam Pana pastorum Deum Pindari hymno, quem in eius laudem conscripserat tantopere laudatum fuisse, ut in syluis & montibus, eum frequentissime concineret. illud ex historijs sanè constat, Alexandrum magnum tantum uenerationis huic Poetæ tribuisse, ut cum Thebas diriperet Pindari familia, penatibusque parci inberet, cuius rei Plinius auctor est, hoc etiam antea Lacedæmonius fecisse memorie proditum est, cum enim Thebas expugnasset, Pindari domui, samithaque pepercerunt, quoniam

M. AN. MAIORAGH

quoniam in foribus uersum hunc scriptum legerunt. τὸ μυστικὸν τὸν ἐὶς τὸν μὲν
 αὐτὸν. fuit autem Pindarus (ut aliquid de eius uita attingam) Thebanus gene-
 re unde & Dirceus Cygnus ab Horatio dicitur: Multa Dirceum leuat aura
 Cygnum, est enim Dirce Mons apud Thebas, Pater eius Tibicen fuit,
 qui Scopelinus, atque etiam Deiphantus dicebatur, primo igitur Pinda-
 rus p:tiis artem didicit, postea uerò cum à patre Lasso Hermionæo Poeta
 Lyrico, in disciplinam datus fuisset, tanta fuit eius diligentia, atque diui-
 na uis ingenij ut non ita multo post præceptorem ipsum, longe superasset.
 diceretque uerissimum illud esse prouerbium, quod apud Græcos uulgo ser-
 tur. πολλοὶ μαθηταὶ κρείσσειε διδασκαλῶν. Tradit Pausanias, cum Pindarus
 esset adolescentulus & Thebis Tespias iret, æstu meridiano fatigatum pau-
 lum è uia diuertisse, atque in umbra quadam obdormiuisse, apes uero mul-
 tas, dum dormiret, ad eum accessisset, & eius ori mel inseruisse, quæ res
 suauissimam eius eloquentiam portendit, unde Poeta quidam Græcus ita
 Pindarum alloquitur: κτῆρε μισαὶν ἱερὸν σῶμα καὶ λαλῖσιν. floruit eo tē-
 pore, quo Xerxes Persarum Rex magnū illū exercitum in Græciam adduxit,
 quo tempore etiam Æschylum in scena florebat, uixit annos quinque &
 quinquaginta (ut Suidas auctor est) deinde cum petisset ab Apolline, ut
 quod omnium esset optimum sibi daretur cum esset in Theatro in gremio pue-
 ri, à se dilecti mortuus est, Val. Max. libro nono, cap. 12. Poeta huius
 mortem scribit, multa quidem opera scripsit, sed hymni tantum in quatuor
 ludorum genera, Olympia, Pythia, Nemea, Isthmia supersunt reliqua eius
 scripta temporum iniuria interierunt, Poeta Lyricus, ideo dictus, quod ad
 Lyram carmina sua concineret. nam erat hæc apud ueteres consuetudo (quem
 admodum Isacius Zezes Lycophronis interpret scribit) ut Lyrici Poetæ, ad
 Lyram carmina sua concinentes certarent, & chorus quinquaginta homi-
 num astaret in circulo, uictores autem præmij loco Taurum acciperent, fuit
 autem Lyra Musicum instrumentum, quæ eadem etiam Cithara dicebatur,
 & à Græcis πορμίσ, multum enim diciuntur illi, qui putant Lyram à
 Cithara diuersam esse, propterea quod uulgo, quæ nostro tempore Lyra
 vocatur ab ea quam Citharam uocant longe diuersa uideatur, nam apud
 antiquos eadem erat omnino Lyra, quæ Cithara, quod in opusculo quodam
 ad Hieronymum Cardanum multis argumentis probamus, fuerunt autem
 Lyrici poeta celebres nouem, quorum nomina quodam epigrammate Græco
 sic exprimuntur.

ἐπλάγεν ἐν ἐνθῶν μέγα πινδαρος τρεῖς ἰέρτα
 ἡδὺ μελιφτόγγυ μῦσα σιμωνίδην
 ἀλμπὰ σπείχοντα καὶ ἱβυκος ὄνυχον καὶ ἄλκμαν
 λαρεὶ δ' ἀπὸ σομάτων φθίεσθαι βακχυνίδην

πρὸς τὴν ἀρχαίαν ἐν τῇ πόλει αὐτῇ

ἢ λαοῖς καὶ λαοῖς ἀποδιδόναι

Ἀνδρῶν δ' ἐνέσταντο Σαρῶν πάλιν ἀλλ' ἐρῶντων

ἐν μυσταῖς, δὲ καὶ ἐν μυσταῖς καταγράφου.

Hoc Poetarum genus scribere solebat Deorum hymnos uictorum in publicis ludis, laudes iuuenum amores, & conuiuia, quod Horatius in arte Poetica.

Musa dedit fidibus, Diuos puerosque Deorum.

Et pugilem uictorem, & equum certamine primum

Et iuuenum curas, & libera nina referre.

Sed ad Pindarum nostrum reuertamur, qui suauissimis cantionibus suis uictores publicorum certaminum sibi celebrandos sumpsit fuerunt autem apud Græcos olim, quattuor ludorum præcipue genera, in quibus propositis præmijs, & cursu, & pugillatu & lucta, & saltu, & disco certabatur, primum ludorum genus Olympia dicebantur (nam apud Græcos horum certaminum nomina numero multitudinis, & neutro genere proferuntur) ab Olympia ciuitate cognominata, quæ eadem etiam Pisa uocata est, auctore Stebano, apud quam agebantur, fuerunt autem ab Hercule, in honorem Ionis instituta, ut suo loco declarabimus, & quinto quoque anno celebrabantur, uictores horum ludorum Olympionice uocari, & oleastro coronari solebant, secundum ludorum genus Pythia uocabantur, sic à Pythone serpente, quem Apollo interfecerat appellata, tradunt Euryhocum Thefalum Amphytionum ducem, debellatis Cirrheis, hos ludos primum apud Delphos instituisse, in Apollinis Pythij honorem qui quinto quoque anno celebrarentur, quemadmodum etiam Olympia, Sed uictores primo coronam esse uleam accipiebant postea uero succedente tempore Lauream, sic enim Ouidius Met. 1.

Hic iuuenum quicumque manu pedibus ue rota ue

Vicerat, Efulas capiebat frondis honorem

Nondum Laurus erat.

Tertium genus ludorum uocabantur Nemeæ sic à loco ibi fiebant dicta, est enim Nemea regionis Argiuorum pars, celebrabantur autem primo in honorem Archemori pueri, Lycurgi sacerdotis filij, quem serpens interfecerat, & erat funebre certamen, in quo ueslibus atratis Iudices induiti, de uictoribus pronuntiabant, uictores Apio uiridi coronabantur, postea uero Hercules deuicto Nemeo Leone, Iouis sacros hos ludos esse uoluit, Quartum & ultimum ludorum genus dicta sunt Isthmia, propterea quod apud Isthmum Corinthium agebantur, est autem Isthmus terre quædam angustia, quæ Ionium & Aegæum mare seperat, hi ludi fiebant in honorem Melicerts, seu Palemonis Athamantis filij, quem Marinum Deum putabant.

Sylphus

M. AN. MAIORAGII

Sisyphus Corinthiorum Rex primus hos ludos instituisse dicitur, corona ex pinu victoribus dabatur, & tertio quoque anno ludi renovabantur, quod Nemaorum oda Sexta Pindarus indicat, licet Plinius aliter sentiat, extat apud Gracos epigramma satis egregium Archia Poetæ, eius quem descendit Cicero, in quo quatuor hæc ludorum genera, & in quorum honorem fierent, & quæ victoribus essent proposita præmia breviter cōcludit hoc modo.

Τῶν ἀρετῶν ἐστὶν ἀγῶνες ἀνδράδων ἰσάμενοι ἑαυτοῖς

Ὅς δὲ νόμος ὑπερῶν αἰθέρος ἀθανάτων,

Ζηνὸς ἀντιπάλαιος, παλαιὸς μορσιάρχης μόριος,

ἀβλαδί τῶν κείνων, μάλα σέθεν ἀπὸ ἴσου.

Hæc sunt igitur quæ Poeta noster Pindarus celebrat horum certaminum victores, summis ad cælum effert laudibus, ac primo loco ponit Olympicas, secundo qui Pythia nicherunt, tertio qui Nemea, postremo, qui Isthmia, sed dum patriam cuiusque victoris originem civitatum ac familiarum peruestigat, magnas sæpe tenebras, & obscuritatem lectoribus offundit, atque ut in summa dicam, siue res quas tractat Pindarus, siue locutionem, siue carminū varietatem spectes, magna est in eo difficultas, magna obscuritas, quæ tamen neminem nostrum detertere debet, cum præsertim tantam sitis utilitatem ex Pindari lectione reportaturi, quem ego tam aperte, tam facile sum interpretaturus, ut etiam literarum Græcarum penitus rudes, si modo diligenter audire voluerint, omnia possint intelligere, nos igitur prompto, atque alacri animo Poetam hunc amplectimini, amate, colite, quo duce Græcorum difficultates, atque (ut itam dicam) Labirinthos, & Meandros facile transibitis, nam si hunc rectè intellexeritis, reliqui omnes longè faciliores vobis postea videbuntur excitet igitur ille, qui superat omnia virtutis, & scientiarum amor, nam (ut ait Cicero) nihil est quod amore & studio effici non possit, facite ut Epicharmi sententiam illam in animo atq; in ore semper habeatis: τὰς πόδας πολεῖσιν ἡμῖν πάντα τ' ἀγαθὰ ὀδεῖν, nam si (quod initio dixi) duas has

res coniunxeritis, amorem (inquam) & laborem, nihil.

est quod quisquam nostrum dubitet, quin non tan-

tum hunc Poetam sit intellecturus, sed

etiam brevi multum in omni

ni disciplina-

tum genere profecturus.

165
IN DEMOSTHENEM.

P R A E F A T I O V.



T S I uereor Iuuenes ne fortasse ingenij mei ac uirium infirmitas in Demosthenis omnium oratorum principis, orationibus explicandis, in hac praesertim tam florenti ciuitate, in qua plurimi sunt, & latine & graece doctissimi. plerisque satisfacere non possit, minimeque deceat, cum nulla sit eloquentia, nulla dicendi facultas, quae uel auiditati meae uel rei magnitudini, uel eruditissimis auribus uestris satisfaciat. Demosthenis ipsius

immortales laudes attingere tamen iste frequens consensus uester, & hic locus ad profitendas literas, ornatissimus, & ad dicendum amplissimus non alium authorem, quam Demosthenem, interpretandum ac laudandum postulat, neque enim uobis bonarum tantum literarum amatoribus placere potest ullus author, qui non eximius esse uideatur, neque publicum hoc quo nos fungimur interpretandi munus, ut uulgares istos ac minutos sequamur authores. Quamobrem ueteris illud ac laudati prouerbij memores, quo rectè sanè precipitur, ut ad res summas, & egregias enitamur, sic enim futurum, ut ad mediocritatem perueniamus, hunc summum omnium authorem uobis exponendum elegimus, nam quamuis multis enitentibus nullus unquam fuerit, qui perfectè diuinam eius eloquentiam exprimeret, cuius orationes (ut Demades ioco dixit) ad aquam scriptae, non nisi à sobrijs ac uigilantibus possunt intelligi, tamen ut qui frequenter in sole ambulant facile natura sit ut colerentur, ita qui Demosthenis orationes suas earum cantu quasi colorari. Itaque consilium meum à uobis omnibus probatum iri confido, quod ex Graecis auctoribus, hunc potissimum elegerim, quem omnium eruditorum consensus, sic esse primum statuit, ut nullus omnium seculorum memoria fuerit, qui cum eo conferri posse uideatur. cuius ego statim ab ineunte adolescentia, tanto studio ardoreque flagraui, ut non solum frequenter accurateque legerim & totum euoluerim, sed etiam duos annos penè quotidie multis audientibus interpretatus fuerim & iuuenili quodam seruire, ac prope dicam temerario nonnullas, etiam orationes, in latinum sermonem conuerterim, quae res tantum mihi profuit, & ad dicendum & ad intelligendum, ut quicquid in graecis literis me profecisse sentio, quicquid dicendo consequi possum, id uni penè Demostheni acceptum seram, Quapropter ingra-

M. AN. MAIORAGII

*tus sum nisi quantum in me est, eximius eius laudes essetam, & quasi magis-
 gistrum eum agnoscam. Quod enim nobis exemplum, aut quem scopum ex-
 cellentiorum praeferre possumus, quo studium & cogitationem nostram di-
 rigamus, quam Demosthenem? cuius tanta fuit uigilantia tantus labor, ut
 de eo merito dictum sit, alterum Demosthenem, matrem, alterum indu-
 striam enixam esse? qui tantopere studiis eloquentia deditus erat, ut nehe-
 menter se dolere diceret, si quando opificum antelucana uictus esset indu-
 stria? sed praestat aliqua de eius patria, uita moribus breuiter commemora-
 re, ut quicumque nostrum honoris & gloriae desiderio trahitur, pulcherri-
 mum sibi ante oculos exemplar, studij ac diligentiae proponat. nam in nullius
 hominis uita clarius elucet quam in Demosthene, quod diuinus Plato dixisse
 perhibetur, gloriam esse laboris filiam. Fuit igitur Demosthenes Athenien-
 sis genere, ut haec eius prima felicitas habeatur. Nam Euripidem tragicum
 Poetam dixisse serunt, eum illustri primum patria prognatum esse oportere,
 quisquis felix homo sit futurus. Quid autem unquam Athenarum ciuitate
 fuit illustrius, quae inter ceteras omnes totius orbis ciuitates tanquam sol
 quidam fulgentissimus, inter minora sidera diutissime reluxit. ex hac enim
 urbe sapientiae principes innumerabiles exierunt, in hac (ut M. Tullius ait) alta
 est, atque nutrita ratio ad hanc urbem tanquam ad bonorum omnium fontem,
 populi ac nationes undique confluebant, & quicumque aliquid percipere,
 aut audire studebant, uel qui de ingenij poterant indicare, cognitione di-
 gnam existimabant. Hinc illi sapientissimi philosophi, Socrates, Plato, Po-
 lemo, Spensippus, innumerabilesque alij quorum ubique nomina celebran-
 tur. hinc historici, hinc poetae, hinc oratores plurimi, quibus primam hic
 nosster Demosthenes palmam praeripuit, hinc omnium disciplinarum profes-
 sores euasere. Ad huius ciuitatis inflammationem & exemplum inflamma-
 ti Romani, ad eam quam scimus omnes amplitudinem imperij perueniunt,
 neque ullum est fere paulo nobilius, aut praeclarius Romanorum factum, quod
 non quasi ad exemplar Atheniensium effectum esse uideatur. Iam uero is
 fuit Athenis uerborum splendor, ea uenustas, ut quoties Romani auctores
 aliquid egregie laudare uoluerint, quo nihil splendidius aut elegantius dici
 possit, atticos sales, atticos lepores, atticam eloquentiam appellare consue-
 uerint. Quin Aristides scriptum reliquit aliorum omnium non solum Bar-
 barorum, sed etiam Graecorum sermonem si cum Atheniensium elegantia
 comparatur, puerorum uideri balbutientium. hinc est quod Cicero Platonis
 Atheniensis dictionem tantum admiretur. ut non dubitaret dicere: Iouem
 ipsum si loqui uelit, non aliter locuturum quam scripserit Plato. hinc est
 quod in Periclis labris ueteres comici leporem habitare dixerint, quod idem
 ab Aristophane poeta fulgurare, tonare, & permiscere Graeciam dictus est.*

Ex hac igitur tam clara ciuitate natus Demosthenes, parentes etiam satis diuites & nobiles habuisse dicitur, quamuis enim Valerius, Max. Demosthenis patrem cultellos uenditasse scribat, Matrem uero dicat Aeschines Gylonis cuiusdam ob prodicionem ab Athenis pulsus, & Barbaræ mulieris fuisse filiam tamen eum ab hac infamia Theopompus historicus omnino liberat, qui Demosthenis patrem tradit, in primis honestum Athenis ac probum uirum fuisse, qui Macheropæus ideo cognomento dictus est, quod gladiatorum egregiam officinam, multis opificibus instructam haberet, quod certe mihi magis sit uerisimile, cum Plutarchus, in satis amplo patrimonio relictum à patre, cum septimum ageret annum Demosthenem scribat, sed cum eius tutores, partim bona surriperent, partim negligerent, non potuit ijs artibus ac disciplinis instrui quibus ætas puerilis, ad humanitatem informari solet. cum præsertim esset etiam imbecillo corpore, nec sineret eum mater laboribus onerari, uerita ne fortasse in aduersam ualetudinem incideret, quod comune ferè matrum solet esse uitium ut infantiam statim delicijs soluant, Mollis autem illa educatio quam indulgentiam uocamus (ut ait Quintilianus) neruos omnes, & mentis, & corporis frangit, itaque cum molliter educaretur à matre puer adhuc Demosthenes, à pueris Batalus cognomento dicebatur. fuit enim Batalus Tibicem quidam mollis & effeminator (ut Plutarchus tradit, quamuis alij lasciuorum carminum Poetam Batalum fuisse uelint. dictus est etiam Argas, ob morum asperitatem, & amariciem. nam Poeta quidam anguem ac serpentem argan uocitarunt uel quod adeo dure loqueretur, ut audientes non mediocriter angeret, ferunt enim Argan quendam fuisse qui leges duras ac difficiles tulerit. sed utinam quemadmodum adolescentes plurimi Demosthenis pueritiam, & mollem & eneruatam imitantur, sic etiam cum ea doctorum hominum gloriam & celebritatem suspicientes, ad honestatem atque ingenuas artes inflammentur. nam ad oratoriam artem initio Demosthenes ab huiusmodi causa dicitur animum appulisse. erat eo tempore Athenis insignis quidam orator Callistratus nomine. Is cum Oropi agendam in iudicio causam suscepisset, maximam omnibus expectationem de se concitauit. Itaque cum ad eum audiendum undique concurrerent. Pædagogum suum Demosthenes obsecrauit, ut se etiam ad eam actionem duceret, ita ut qui cum osiliarijs familiaritatem haberet, facile in foro locum impetrauit, in quo puer clam sederet, & audiret. Cum igitur Callistratus egregie perorasset, atque in eo iudicio uictor extitisset, omnes eum ad cælum laudibus efferebant, omnes admirabantur, omnes ingenti plausu excipiebant. Quæ cum Demosthenes in turba latitans omnia uideret, cepit eum laudis & gloriæ desiderium excitare, dormiebat in eo uidelicet, ea diuina uis ingenij maternis blanditijs consopita, quæ cum primum ac splendorem uidit cepit

emicare, quam creditis mentem Demosthenis fuisse Iuuenes? quem animum? cum tanto in honore Callistratum esse uideret? eum etiam ab omnibus celebrari. à foro magna cum gloria deduci. de illo uno uoces ubique iactari. omnium oculos, in illum unum coniectos? equidem credo laudis amore cor illius adeo cepisse palpitare, ut (quod ait Plautus) artem ludicram facere uideretur, ipsum uero adeo commotum ac perturbatum amissi temporis recordatione ut nullo modo lachrymas continere potuerit, atque ita secum tacite locutum. O me miserum & infelicem, qui florem ætatis frustra conteram, qui non intelligam has delicias & uoluptates breui dilapsuras, qui non æternitatis dulcedine commouear. O triste satum meum siquidem inglorius & infansis semper futurus sum, ergo unus Callistratus in omnium ore uersabitur, Demostheni per ignauiam tempus peribit? O si pueriles annos rectè collocassem, quibus illi negocijs quibus ineptijs, per imprudentiam mihi defluxere? O mater, mater tu tuis me blanditijs perdidisti, heu sortem iniquam, nemo unquam mihi uirtutis speciem ostendit nemo desidem ac inertem excitauit, nemo scientiæ pulchritudinem aperuit. Sic infelix, pupillus neglectus ab omnibus rerum ignarus turpiter nixi. Sed iam ualeant delitiæ, ualeat matris indulgentia, procul o procul absint, uoluptates, quibus nullum est cum uirtute commercium, en unicum est remedium toto impetu ferar ad labores, ardentius ac uigilantius literarum studia complectar, nullum me ocium, nullus somnus retardabit, non fames, non sitis, non frigus, non calor, ab incepto studio remouebit, ingens enim (ut uideo) gloria longo labori comitatur. hac secum locutus Demosthenes, maximo animi ardore ad omnium rerum dominam eloquentiam se contulit, cepitque & meditando & dicendo seipsum exercere. & quamuis eo tempore doceret Isocrates, Isæo tamen uti præceptore maluit, uel quia cum adhuc esset in tutela, decem minas, quas Isocrates à discipulis exigebat, persolvere non poterat, uel quia magis Isæi dicendi facultatem, ut efficaciorum & iudicijs aptiorem probabat. Dedit etiam Philosophiæ operam, & Platonem audiuit (ut quidam scribunt, inter quos etiam Cicero) sed cum iam esset adultus, & se aliquid in dicendo posse intelligeret. tutoribus suis litem intendere constituit, atque eos die dicta in iudicium uocauit, & quamuis multas illi calumnias, & mæandros excogitarent, tamen ob assiduam in eos meditando & scribendi diligentiam, non sine periculo superior euasit. Attamen minimam partem bonorum quibus ab eis defraudatus fuerat exegit. Hinc sumpta audacia atque prandis consuetudine, cum iam æstionum, ac iudiciorum ambitionem degustasset. in lucem prodire constituit, & Rempub. administrare, sed cum ad populum uerba faceret, nimio quoque strepitu mouebatur, omnesque ridebant eius orationem, longo uerborum ambitu confusam, & superuascaneis argumen-

is elaboratam. Quinetiam uox eius exilis erat, & obscura atque incerta locutio, & infirma latera ut non facile posset, quid ab eo diceretur intelligi. Quarian rerum desperatione motus, tristis ac mærens secessit in Pyraum, ut ibi fortunam aduersam suam & infelicitatem deploraret, sed cum in Euno-nium quendam Tharsium incidisset, ab eo uehementer reprehensus est. quod cum eius oratio Periclis orationi persimilis esse uideretur, seipsum tamen per ignauiam ac socordiam proderet neque concionum fluctus ac fori strepitum perferre posset. sed animi mollicia natura bona frangeret. Quibus ille uerbis commotus iterum uerba facturus ad populum processit, sed cum nihilo scilicet successu sperneretur, non mediocriter mærebat. Hic libet hominis mirari constantiam, & animi magnitudinem qui cum plurimos uideret oratores in magno esse honore & attentissime ab omnibus audiri, se uerò penè solum contemni & irrideri, non tamen animo cecidit. sed quo ex sententia rem sibi succedere uidebat, eo magis ad labores, & uigilias incende-batur. Erat eo tempore Ludius quidam satyrus nomine, qui cum magnam Demosthe-nes familiaritatem habebat, neque minorem, quam habuerit postea cum Roscio Cicero, apud hunc cū aliquando tristis cōquereretur Demosthenes, quod cum omniū maximè tempus & diligentia ad dicendū adhiberet, nullā tamen apud populū gratiam assequeretur, ergo (inquit ille) siqua mihi Euripidis, aut Sophoclis carmina recitare uolueris, facilem huius rei tibi medicinam ostendam, quod cum libentissime se facturum Demosthenes respondisset, sic eius vocem & actionem Satyrus emendauit, ut non amplius ille Demosthenes horridus, & incultus, sed alter uideretur, ex hoc tempore tantum homini creuit animus ad eloquentiam, tantus ardor ad dicendum, ut nihil posse ritati reliquum fecerit, ut ad eius industriam, & negligentiam addi possit, Discite igitur iuuenes, quantis laboribus, quantis uigiliis, qua cura, qua sollicitudine sua Demostheni steterit eloquentia, ut ad eius imitationem animum erigatis, neque speretis per ocium, ac negligentiam animi bona parari posse. quibus qui ornati fuerint. ij soli uerè beati sunt. Cum igitur præclare intelligeret Demosthenes, quantum in oratione uocis, & uultus, & gestus moderatio cum uenustate posset, Hypogæum quoddam hoc est subterraneum adificium sibi parauit, quod ingressus quotidie solus, ad uocis suauitatem se exercebat, & gestum ac motum corporis finge-bat. Sed illud animi pertinacis, & admirandi fuit nam ut exeundi sibi è domo præcideret, mediam sibi capitis partem abra-debat. Itaque sexpenunero duos atque etiam tres menses domi inclusus, nunquam scribendi, aut meditandi exercitationem intermittebat, o uerè studiosum & omni laude prædicandum animum hæc est ea diligentia, hoc illud est studium, hæc industria, quæ clarissimum, & celeberrimum hominem reddit, falsa est eorum querela, qui plerosque dicunt,

dicunt, laborem ac temporatarditate ingenij perdere, qui paucissimis domi-
nibus assueverant, nimirum eam percipiendi & efficiendi quæ voluerint esse con-
tessam, sit animus excelsus indefessa, cura studium pertinax, etiam si natu-
ra parum aspiravit. tamen quicquid sibi imperant obtinebit. Hæc ratione
Demosithenes quem plerique crediderunt, natura & ingenio, non multum
valere, tam alte tamen euolavit, ut nullus ad eius amplitudinem potuerit
viquam aspirare. Præliatus est enim (ut ait Valerius) cum verum natu-
ra, & quidem victor abiit, nam cum ab ineunte ætate, primam eius artis
quam assectabat, literam pronunciare nullo modo posset, oris sui vitium,
tanto studio expugnavit, ut postea nullus esset, qui literam eam expressius
referret, Deinde cum eius vox propter nimiam exilitatem, & asperitatem,
auditoribus molestâ esset & acerba, continua exercitatione tantum effecit
ut nemo suavius, aut gratius loqueretur, cum vero laterum infirmitate spi-
ritum indicendo non multum trahere posset etiam huic natura vitio remedi-
um invenit. multos enim versus uno spiritu complectebatur, eosque ardua
loca celeri gradu scandens pronunciabat, cumque ad tumultus concitate
multitudinis in actionibus obtunderetur, ad vadosa littora declamabat, ubi
fluctuant immensi fragores audiebantur, ut eo strepitu completa aures con-
cionum fremitus facilius tolerarent, fertur quoque lapillis, ore insertis
multum ac diu loqui solitus, ut ore vacuo promptius, & solutius loqueretur.
Quas cum omnes difficultates animi pertinacia & constantia superas-
set, intellexit eam Periclandri sententiam quam ipse frequenter usurpabat,
esse verissimam hoc est exercitationem omnia posse, Pene præterieram, quod
minime prætereundum fuit, habuisse domi Demosithenem ingens quoddam
speculum ad quod seipsum contemplans, gestus conformaret, quibus rebus
efficit, ut eius pronuntiatio multitudinî vehementissimè placeret, sed quæ
hactenus à me de Demosithene recitata sunt ideo copiosius ea tractavi quod
viderem ad optimarum artium studia & ad eloquentiam per ea vos pluri-
mum excitari posse. Quæ verò de eius vita restant adhuc, ea multo brevius
perstringam cum quia non admodum ad propositum nostrum faciant, tum
etiam, quia Plutarchus ea, & eleganter, & copiose tradidit, quæ facile
quilibet vestrum, apud cum legere potest, cum igitur omnes sui temporis
oratores Demosithenes superasset, præter unum Demadæm, quem adeo na-
turali ingenio polluisse fatentur omnes, ut non à Demosithene non vincere-
tur, sed etiam ei præstaret, nunquam tamen ex tempore dicebat, neque
nunquam in concione volebat absurgere, nisi rem de aliqua dicturus esset an-
teea cogitasset, unde plerique timidum eum existimarunt, sed in hac re Peri-
clis consuetudinem imitabatur, qui non facile de omni re dicere, neque fortu-
na suam existimationem committere solebat, Cum autem ad Rom. pub. sub
tempus

tempus Phocenſis belli ſe contuſſet, naſtus eſt materiam uberem & bonam, pro Græcorum libertate contra Philippum Macedonia regem decertandi, unde breui tempore nomen & gloriam aſſecutus eſt, neque ſolum ut eloquens ſed etiam ut ſortis uir, & conſtans in omnium erat admiratione, ſuſpiciebat, eum tota Græcia Perſarum Rex obſeruabat, apud Philippum de eo multus erat ſermo, quin etiam eius hoſtes & aduerſarij ſibi contra uirum ſortem & præclarum rem eſſe fatebantur. Quod ſi eius eloquentiæ & uitæ integritati, uirtus bellica reſpondiſſet, poterat ſanè cum Thucydide aut Pericle comparari uerum ad dicendum quam ad faciendum longè fuit inſtruior, tanta fuit enim eius eloquentia, ut cunctas Græciæ ciuitates, quæ partim Philippo propter eius felicitatem ſtudebant, partim Athenienſibus aduerſabantur, dicendo impelleret, ut contra Philippum arma ſuarent, ſed cum ad pugnam uentum eſſet, oblitus uerborum, quibus Græciam contemtarat, abiectis armis turpiter aufugit, quo in pralio Græci maximam cladem acceperunt, poſtea uerò quam Philippus mortuus fuit iterum Graciæ Demotheſenes concitauit, ut aduerſum Alexandrum Philippi filium arma caperet quod cum eſſet factum Alexander in Bœotiam uenit, & Thebanorum ciuitatem euerſit Quamobrem fractis Athenienſium animis, Demotheſenes una cum alijs quibuſdam legatus, ad Alexandrum miſſus eſt, ſed cum regis iram pertimeſceret retroceſſit. Demades autem poſtea regem Alexandrum Athenienſibus reconciliauit. uixit in urbe poſt hæc non ſatis glorioſe Demotheſenes, donec Areopagitarum conſilio condemnatus, quod ab Harpalo quodam, qui Athenas ab Alexandro profugerat, pecunias accepiſſet in carcerem coniectus eſt, unde clam aufugiens in exilium conceſſit, ſed parum uiriliter exilium tuſiſſe dicitur, cum ſubinde Athenas reſpiceret, uocesque & lachrymas non generoſas emitteret exulauit autem in AEGina, & Troezen, quo tempore mortuus eſt Alexander, cuius cognita morte ruſus Græciæ ciuitates conſpirarunt, ſed cum Pytheas orator & Callimedon ex Athenis profuigi Antipatro adheſiſſent, & cum amicis ac legatis eius Græciam peragran-tes, ciuitates in fide ac poteſtate Antipatri, continere niterentur, Demotheſenes legatos Athenienſium ſequutus eis opitulabatur multiſque perſuaſit. inſurgendum eſſe contra Macedones, eorumque dominatum depellendum, Quæ cum Athenis renunciarentur, adeo grata fuerunt, ut eum ſtatim ab exilio reuocarent. Itaque miſſa nauis eſt, quæ Demotheſenem ab AEGina reduceret, cui inagiſtratus omnes obuiam profeſti ſunt & cuncti ſacerdotes, magnaſque ciuium multitudo, ut aduentum ei gratularentur, ferunt autem ipſum Demotheſenem, cum ſe a populo, tanto plauſu uideret excipi, ſepius ad celum manus tetendiſſe, Diisſque gratias egiſſe, quod longè ſibi præclarior quam Alcibiadi reditus contigiſſet, perſuaſis ciuibz non coactis. Sed non

M. AN. MAIORAGII

diu post reditum suum patriæ conspectu gaudisus est nam rebus Græcorum af-
 fectis, & concussis, non ita multo post, cum nunciatum esset Antipatrum,
 & Craterum Athenas aduentare Demosthenes, & qui cum eo sentiebant,
 ex urbe profugerunt, populus autem autore Demade capitis eos condem-
 nauit, quibus uariè dispersis Demosthenes in Calabriam, ad Neptuni tem-
 plum confugit, Ad quem cum Archias quidam cum satellitibus ab Antipa-
 tromissus aduenisset, eum rogare cepit, ut una secum ad Antipatrum ue-
 niret, se enim curaturum ut nihil ab eo mali pateretur Hunc paulisper ex-
 pectare Demosthenes iussit, donec ad Domesticeos suos scriberet, simulque
 ad interiorē templi partem progressus, uenenum quod iam pridem ad eum
 usum secum habebat exhibuit. atque ita uir eximius ac diuinus uir orator ex-
 tinctus est, quem Democares hoc facili genere mortis creptum, e Macedo-
 num seuitia scribit, sed ad ea quæ propositi nostri sunt reuertamur, ut ali-
 quando finem dicendi faciamus, credo neminem uestrum esse iuuenes qui
 persuasum habeat orationem omnium præstantissimam esse Demosthenem, qui
 teste Quintiliano, Ciceronem nostrum quantus est effecit. Itaque non est
 quod in eo laudando ingenij uelim uires ostentare, cum ab ipso M. Tullio elo-
 quentiæ parente multis in locis diuinis laudibus efferratur, ut nihil acutè in-
 ueniri possit in causis nihil subdole, nihil uersute, quod ille non uiderit, nihil
 ruius dictione subtilius, nihil enucleatius, nihil limatius fieri possit, præte-
 reea, nihil grandius, nihil incitatius, nihil ornatius, uel splendore, uel sen-
 tentiarum gravitate, hæc & eiusmodi plura, cum de Demosthene dica: Ci-
 cero, quid est quod nostra laudatione, ad Demosthenis amplitudinem accede-
 re possit? Quare satis ille uobis probatus esse debet orator, quem summus
 M. Tullius & superiorem agnoscit, & admiratur hic nos ingeniosum, &
 grauem orationis cursum acute docebit inuenire hic pulcherrimam quandam
 in disponendis orationis partibus, & argumentis ordinem apperiet. hic exor-
 nationum ac figurarum uarietate mira quadam dignitate, quicquid inuen-
 tum ac dispositum fuerit, expolire uobis ostendet, ut interim prætermi-
 tam Græcarum literarum cognitionem, quam ex hoc autore, qui non nisi at-
 tican Venerem spirat, facillimè percipietis. Quid autem hic attinet Græ-
 cam eruditionem uerbis exornare, quam omnes in literis iudicij homines
 maximè semper expetiuerunt? licet quidam eam aspernentur quod nimis di-
 ficilis esse uideatur, sed hæc ignauorum est oratio. qui sine sudore, & pulue-
 re coronari uelint, uos autem agite nobilioris animi iuuenes, quibus magis
 vigilias ac labores Demosthenis exemplo, quam luxum ac delicias amplecti
 est animus, agite inquam bonis aurbus hunc summum ducem ad æternam
 gloriam Demosthenem sequamur, huius imitatione, quicquid, effemina-
 tum ac mollem reddit animum negligamus, non nos aduersa fortuna, non
ffes

spes sapius frustrata, non irritum uotum ab incepto retrahat, nunquam in magnis, rebus, atque in bonis studijs disperandum, fortuna ipsa quænuis diu repugnet, Deniq; tamen aperit uiam, nulla sit tanta uis quæ debilitare institutum nostrum, aut frangere possit, hunc omnis animi impetus ad uolet, in studio literarû sint omnes cogitationes nostræ, omnis cura, omnis sollicitudo, quantum alij uoluptatibus quantum conuiujs, quantum alceæ tribuunt, tantum uos ad hæc studia recolenda sumatis, ueniat in mentem uobis, quam speciosa, quam admirabilis, quam diuina quedam res sit uarijs disciplinis mens expolita, quam contraturpe, quam indecorum, quam indignum homine luxu dissuere & pecudum more corpus curare, nec sanè uideo quid hæc hominum monstra, qui tantum corpori student, à belluis differant, nisi quod humanam præ se faciem ferant. At nos quibus ignea uis est in pectore, quos illecebris suis ipsa uirtus, trahit ad uerum decus, res arduas & difficiles tentate, quicquid egregium, atque eximium esse uidetis, id manibus pedibus cape, neque ullares sit tam aspera, quæ uos ab optato gloriæ cursu renocare possit,



IN ARISTOTELIS DE ARTE Rhetoricalibros tres.

P R A E F A T I O VI.



VETUSTISSIMA consuetudo fuit, ut ait Plinius referendi benemerentibus gratiam, ut ij, qui mortales, aut omnes, aut certe, quamplurimos beneficijs affecissent, in Deorum immortalium numerum, cum excessissent de vita cooptarentur. Fuit enim olim uniuersis ferè gentibus persuasum, Deum esse mortali iuuare mortalem, & hunc esse unum ad aeternam gloriam cursum. sic Herculem quondam, & liberum patrem post exansatos innumerabiles penè labores tandem grata posteritas numinibus ascripsit. sic Athenienses Cetròpem suum coniugij auctorem, à quo civilem cultum edocti fuerant. Lacedaemonij Castorem, & Polucem qui deinde ceteras etiam apud gentes ac nationes pro Deis habitati sunt. Aegyptij Theuthum à quo literas acceperant. Itali Ianum, quem ob singularem prudentiam, ac sapientiam bisfrontem fuisse consinxerunt. Romani Quirinum Urbis parentem, & conditorem, & denique alios alij complures post mortem numinibus æquatos Deos indigetes appellarunt. Quod si quisquam conditione ac mortali natus, dignus haberi debet, qui diuinos honores consequatur, ij certe non tantum mea, sed etiam honorum omnium sententia digni sunt, qui, quod ait poetarum princeps Virgilius, Phæbo digna locuti, inuentas aut qui uitam excoluere per artes equorum numero, cum hac in re quamplurimum laborarint, duo præstantissimi omnium, qui post homines natos umquam floruerunt Plato atque Aristoteles ingenij gloria sic inter se contenderunt, ut alijs omnibus longo intervallo post se derelictis, uter eorum alteri præstes, nix quisquam sana mentis iudicare audeat, uterque enim est in suo genere summus, uterque uehementer admirandus. sed is, quem nonnulli Philosophorum Homerum appellant Plato, quem eloquentia Romana parens M. Tullius Cicero audent etiam Aristotelis præponere, quoniam, ut opinor, nondum hunc planè intus, quod aiunt, & in cute cognouerat, alta quadam ac diuina mente præditus ea perscrutari conatus est, quæ non modo nullo sensu satis percipi possunt, sed nix cogitatione atque intelligentia comprehendendi. & quod caput est, quorum amegredientes causæ uel uulle sunt, uel saltem non necessaria, qui tamen cum Antifles haberetur sapien-

pietia, sic ab omnibus dum adhuc uiueret, obseruabatur, ut cum non tantumquam aliquem non in terris natum hominem, sed è cælo delapsum Deum intuerentur. Declarauit hoc Dionysius tyrannus alias sanctus, quod ait Plinius, superbieque natus, qui usatam ei nauem, tanquam Apollini Delphico uenienti misit obuiam, ipse uero quadrigis albis egredientem in litore excepit, sed alij Platonem omnes admirari sinit, dum ipse Plato cum omnibus unum præter ceteros Aristotelem suspexerit, constat enim Platonem Aristotelis solertiam, & incredibile ingenium tantopere miratum fuisse, ut quoties in gymnasium docendi gratia ueniret, circumspicere solitus fuerit, an Aristotelem, qui eius frequens erat auditor, alicubi sedentem uideret, quod si forte presens ille non fuisset, exclamabat, *οὐκ ἔστιν ὁ ἀριστοτέλης*, mens non adest, perinde quasi ceteri omnes præ uno Aristotele privati mente uiderentur, tantus, in eo splendor ingenij, tantum animi decus elucebat. nam omnino post Platonem cui dubiam atque incertam uictoriam reliquit, omnium eruditorum testimonio, totiusque Græcia cum prudentia, & acumine, & uenustate, & sublimitate, tum uero eloquentia, uarietate, copia, quam se cunque in partem dedit omnium fuit facile princeps. Quod si fortasse quispiam tam pertinax in sententia fuerit, ut hunc in ceteris Platoni parem, aut etiam inferiorem existimet, quod minime concedo, illud quidem certe fateatur necesse est, in explicandis rerum naturalium causis, atque in tradenda scientiarum uia atque ratione, quam methodum uocant, Aristotelem esse Platonem longe superiorem, cum apud illum nihil ferè cum uia ac ratione tradatur, apud hunc uero nihil omnino sine methodo. Quamobrem mira profecto quedam res fuit, & quæ non ab hominis natura proficisci potuerit, sed quæ à diuinitate quadam necessaria extrinsecus aducernerit, sicut ait magnus ille peripateticus ex Arabia, quod in uno homine tanta uertus ingenij, tam incredibilis rerum omnium cognitio, tanta optimarum artium scientia extiterit, ut omnino diuinum potius, quam humanum Aristotelis ingenium existimari debeat. tres enim omnium excellentissimas artes, ut ait ille idem, Auerroes, ipse solus & inuenit, & perfecit, hoc est differendi rationem, quam logicen uocant, naturalem scientiam, quæ physice dicitur, & primam ac diuinam philosophiam, quæ propriè scientia nominatur, nam quid ab antiquis de his rebus antea dictum fuerat, pro nihilo putandum est, quia nullam harum maximarum artium partem penitus abolerunt, nec quisquam eorum, qui post Aristotelem scripsere, quidquam his artibus addidit, quod alicuius esse momenti uideatur, sed illud multo maxime mirandum est, quod in tot Aristotelis scriptis, quæ passim à præclarissimis ingenijs continentur uersantur, nullus unquam apertus error, aut animaduersione dignus repertus fuerit, nisi quis pincula obijciat in quibus à Christiana pietate dissentire cre-

toricæ præceptis & erudiendis in oratoria facultate iuuenibus assignauit. nam, ut Cicero scribit, adolescentes non ad philosophorum morem tenuiter differendi, sed ad copiam rhetorum in utraque partem diligenter exercuit. non igitur mirum, si in dicendi quædam facultate, uiribusq; eloquentiæ propter assiduum forensem usum Aristoteli Cicero longè antecellit, in arte uero docenda præceptisq; tradendis, quæ in re non tam frequenter uersabatur, multo fuit inferior. in eius enim rebus ingenium ualet, in quibus studium ac diligentia ponitur. quod si præstantissimum omnium dicendi magistrium Aristoteles hac in re superat, multo facilius omnes alios, qui sine dubitatione ad Ciceronis gloriam non aspirant, superabit. Atque hæc quidem causæ me potissimum impulit, ut cum annis superioribus Ciceronis opera, quibus artem, & rhetoricæ præcepta completus est, interpretatus fuero, hoc anno hos Aristotelis libros Rhetoricos aggredere, ut tandem si fieri potest, una cum Cicervone præclarâ illam & eximiam oratoris perfecti speciem, & pulchritudinem admanentes Aristotelicam uim comprehendamus, rerumque cognitionem cum orationis exercitatione iungamus. sic enim nobis aliquando continget id, quod Alexandro Macedonum regi, cui Philippus pater Aristotelem doctorem acciuit, a quo, & agendi præcepta, & eloquendi acciperet, sed laude tantæ utilitati res quædam erat impedimento, quàm nos magno labore, totisque uiribus nos is amoliri studuimus, idque iam ut aliqua parte fecisse uidemur, & quod superest, ut spero, paulatim deinceps conficiemus. nam hic tam eximius eloquentiæ thesaurus, qui tribus his Aristotelis libris continetur, iacebat adhuc apud nos partim barbarorum inscientia deformatus, & squalore quodam obsitus, partim etiam a paulo doctioribus uiris ignoratus, sed huic operi multa adiumenta nuper contulit uir eruditus Petrus Victorius, quem, ut meritis est, honoris, & amplitudinis gratia nomino, qui multos sanè locos & emendauit, & notis pristino restituit, commentariosq; non uulgares in totum opus conscripsit, qui quidem si opus etiam ipsum in Latinum sermonem conuertere uoluisset, & paulo uerius præcepta Aristotelis illustrasset, hoc me labore conuertendi, & interpretandi fortasse leuasset, nunc quod ille dedit, grato animo accepimus, & post hac etiam eius laboribus, quatenus licebit, perfruemur. sed quoniam non omnia, quod ait poeta, possumus omnes, etiam nos plurima quæ ille non attingit, adiungemus, & communi utilitati, quoad facultas nostra tulerit, semper inferuiemus. nam si Aristotelis summi doctores præcepta singula cum Ciceronis oratorum principis, tum aliorum ueterum latinorum exemplis illustrauerimus, rem & nouam, neque ab alijs adhuc tentatam, & per utilem conficiemus. in quo mihi uideor illud iure optimo usurpare posse, quod in Oratore ad Brutum Cicero. Magnum opus omnino, & arduum con-

namur,

M. AN. MAIORAGII

natur, sed nihil difficile ananti puto. uno autem, & semper amari ingenium, studia, mores vestros optimi iuvenes, neque ullus tam magnus est labor, qui pro utilitate uestra susceptus, non mihi iucundus sit futurus incendior porro quotidie magis, cum istam diligentiam uestram, istam assiduitatem, & frequentiam, istam denique alacritatem in optinarum artium studiis conspicio, qui pleno cursu ad eloquentiam properatis, quam intelligitis unam quandam esse de summis uirtutibus, ut apud Ciceronem L. Crassus affirmat, & ueterem illam doctrinam studetis assequi, quæ fuit eadem & recte faciendi, & bene dicendi magistra, neque enim erant apud antiquos distincti doctores, sed idem uiuendi præceptores atque dicendi ut ille apud Homerum Phoenix, qui se a Peleo patre Achilli inueni comitem esse datum dicit ad bellum, ut illum efficeret Oratorem uerborum, actoremque rerum. sed apud nos nihil attinet eloquentiam ipsam laudare, quam rerum omnium reginam poeta nescio quis uerissimè dixit esse. quam esse copiosè loquentem sapientiam prudentissimi uiri definiuerunt. illud tantum dicam, nihil esse ex omnibus rebus, in quo uos ista ætate uel fructuosius laborare uel gloriosius uersari possitis. De hoc autem Aristotelis opere illud audacter & securè uobis polliceri possum, si quis omnia, quæ in eo traduntur, dicendi præcepta didicerit, nihil cum amplius omnino, quod ad persuadendi facultatem attingeat, desideraturum. sic enim accuratè singula pertractat; ita diligenter omnia perscrutatur, ut nihil enucleatius aut explicatius fieri possit. quanto enim studio, quæ communia sunt omnium dicendi generum, & quæ propria singulorum primo libro persequitur? ut nihil omnino, quod aut in deliberationem cadat, aut exornari debeat, aut in iudicium ueniat, inueniri possit, de quo non copiosè præcepta tradat. quanto porro acuminè, quantaque doctrina duo illa, quæ bene tractata ab Oratore admirabilem eloquentiam faciunt, secundo libro præcipit, quorum alterum est, quod Greci *ῥητορική* uocant, ad naturam, & mores, & ad omnem uitæ consuetudinem accommodatum; alterum quod idem *παρασκευαστική* nominant, quo perturbantur animi, et commouentur, in quo una regnat oratio, ac de hoc quidē uehementēs animi commotiones continentur, quod est uehemens, incensum, incitatum, quo causse eripiuntur, quod cū rapido fertur, sustineri nullo modo potest, initio secundi libri copiosè uerba facit, deinde singularium ætatum atque ordinum mores ita perspicuè spectandos proponit, ut ne pictor quidem quisquam eximius alicuius rei speciem euidentius exprimere ualeat, tum locos ac sedes argumentorum, unde uerisimilia ducantur, atque etiam unde fallaces conclusionē faciant, quæ uidentur quidem uerisimiles, sed re uera non sunt ingeniosissimè, atque acutissimè docet. quid in tertio libro quanta cura subtilitateq; tradit ea, quæ ad dispositionem, & elocutionem pertinent? Atque hæc quidem omnia, quæ

In Orat.
ad Brutiū.

tribus

tribus his libris diuinitus à philosopho traduntur, si uobis ut spero clare discideque interpretatus fuero, atque exemplis optimorum scriptorum, & in primis eius, quem in delicijs habemus, Oratorum principis, M. Tulij Ciceronis, illustraro, tum uero me egregie nauasse operam existimabo, neque uos, ut opinor, diligentis meæ penitebit. quippe qui me doctore atque interprete, si diligenter aduertere uolueritis, dicendi præcepta ab Aristotele, usum uero præceptorum ab exemplis facillè percipietis. Iam igitur ad ea, quæ prius examinanda sunt, quæ Aristotelis opus interpretemur, accedamus.

Quæ prædicenda sunt.

Seuerinus Boëtius ait, hanc esse magistrorum consuetudinem; ut, cum aliquot opus interpretandum aggrediuntur, primo sex breuiter expediant; quod sit auctoris consilium siue propositum, qui Græce *ἐντολὴ* dicitur, quæ uilitas operis, qui ordo, quæ inscriptio, an eius auctoris cuius nomine circumscribitur proprium ac legitimum opus sit, & denique ad quam philosophia partem referatur, quæ nos etiam, ne ab alijs deficiamus, paucis uideamus.

Ac primo dicimus, illud Aristoteli propositum esse, ut in hoc opere doceat, quâ ratione uia quæ consequamur ea, quæ sunt in quaque re ad persuadendum accommodata, nam, ut refert Gellius, commentationum suarum, artiumque quas discipulis suis tradebat Aristoteles, duas species habuisse dicitur. alia erant, quæ nominabat *ἐφορισμὸν*, alia quæ *ἀπομαρτυρίαν*, *ἐφορισμὸν* uocabat, quæ ad rhetoricas exercitationes, & ad civilium controuersiarum cognitionem conducunt. *ἀπομαρτυρίαν* uero, in quibus philosophia remotior, occultiorque continetur, ut quæ rerum causas, & naturæ obscuritatem inuestigant, cui disciplinæ tempus tribuebat in Liceo matutinum, neque ad eâ temere quemquam admitteret, nisi quorum antea ingenium, acumen, eruditionis elementa, & denique studium in discendo, & laborem cognitum haberet. illas uero *ἐφορισμὸν* meditationes Pomeridianis horis in eodem Lyceo faciebat: ad eas quæ iuuenis omnes sine delectu admittebat. ac primo quidem has disputationes à causis forensibus, & civilibus ad inanem sermonis elegantiam transulerat; ut apud Ciceronem L. Crassus ait: sed deinde cum florere Isostratem nobilitate discipulorum uideret, mutauit repente totam formam prope disciplinæ suæ, uersumque quandam de Philoſteta paulo secus dixit. ille enim turpe sibi ait esse tacere cum barbaris, hic autem cum Isostratem patretur dicere. Itaque ornauit, & illustrauit doctissimam illam omnem, rerumque cognitionem cum orationis exercitatione coniunxit.

Sunt igitur hi Rhetor. libri ex eorum numero, *ἐφορισμὸν* dicuntur, in quibus accuratè dicendi artem tradit, nihilque prætermittit eorum, quæ fidem in dicendo facere possunt, quod ante Aristotelem nemo planè perfecerat. Utilitatem autem huius operis atque artis magnam esse, pluribus ipse argumen-

tis docet: quippe qui non ignoraret, multos esse, qui totam hanc dicendi rationem non mediocriter improbarent, & multa ciuitatibus incommoda, multa que detrimenta importare contenderent. quorum enumero Socrates præcipue fuit; qui quodam pertinaci studio rhetoras infestabatur, & irridebat, atque contemnebat: eo, quod ipse doctrina quidem & ingenio abundaret, sed à re civili, & à negotijs animi quodam iudicio abhorreret. Aristoteles igitur hanc artem inique uituperari, cum magnam utilitatem, uberrimosque fructus asserat, facile docet. quod etiam multis in locis post Aristotelem Cicero, & secundo libro Quintilianus copiose persequitur. quin Isocrates ad Nicolem scribens, multis rationibus ostendere conatur eos improbe facere, qui dicendi facultatem improbare audent. Extat præterea epistola ad Alexandrum Magnum, quam aliqui Aristotelis aliqui Anaximenes Lampfaceni esse existimant, qua doctissime suauissimeque oratoria dicendi ratio exornatur, & utilissima esse ostenditur. Ordo uero, quo nihil ex omnibus rebus melius inueniri posse Xenophon scribit, sic ab Aristotele seruatur hoc in opere, ut in alijs etiam omnibus solet, neque enim quisquam unquam auctor ordinatus scripsit, neque tam accuratè non solum librum libro, sed etiam sententias singulas inter se copulauit; ut si quis non dicam uersum, sed uerbum unum immutarit, tota quodammodo strictura perire uideatur. Tractat autem ea primo, qua communia sunt omnium dicendi generum, deinde singula rhetorica sua causarum genera persequitur, cum que ad animi commotiones, & singularum statum atque fortunarum mores attinent. denique sedes argumentorum explicat. Postremo qua dispositione, quo elocutionis genere sit utendum, aperit. que omnia sic inter se connectuntur, ut admirabilis harum rerum series appareat. Inscriptio est de Arte Rhetorica, quod in Oratore ad Brutum his uerbis ostendit Cicero. Atque etiam ante hunc Aristoteles principio Artis Rhetorica dicit, illam artem

Cap. 2. quasi ex altera parte respondere dialecticæ. & Quintilianus libro secundo, Aristoteles, inquit, de Arte Rhetorica tres libros scripsit. licet enim multi dubitarent, utrum ars esset Rhetorica necne, sicut apud Ciceronem M.

2. de Ora. Antonius ostendit, tamen Aristoteles artem esse censet, idque accurata disputatione declarat, sicut etiam apud uos Quintilianus secundo suarum institutionum libro, neque tamen unam ex eis artibus esse uult, que exquisitæ ac perfectæ sunt, sed ex eis que sociæ uocantur, eo quod coniecturis plurimum utuntur; qualis est etiam ars medicorum, & gubernatorum. unde facultas potius quedam, quam scientia uocatur. sicut etiam huic affinis dialectica, quamuis enim finem suum non assequatur, neque semper dicendo persuadeat: nihilominus tamen si nihil eorum prætermiserit, que sunt ad persuadendum accommodata, munere suo functa esse dicitur.

non aliter est ars, quam medicina, qua non semper sanare potest. Sequitur, ut uideamus, an hoc opus proprium ac legitimum sit Aristotelis, quod in singulis ferè huius auctoris operibus ab antiquis interpretibus quæri diligenter solet. cuius rei tres fuisse causas Hammonius censet: quia tres occasiones nacti quidam, quæ non erant Aristotelis propria opera, illi tribuerunt. Ac prima quidem fuit nominis ambiguitas. nam alij fuerunt etiam Aristoteles præter hunc Stagyritam; quorum opera propter ambiguitatem quidam huius auctoris esse censuerunt. Altera fuit occasio; quia multa opera cum una atque eadem inscriptione circumferebantur. nam ipsius Aristotelis discipuli, ut Eudæmus Phaniass Theophrastus, præceptorem suum amulati, de isdem rebus quibus ille, scripserunt. Tertia causa fuit huiusmodi. Tradunt enim Ptolemæum Philadelphum operum Aristotelis fuisse maxime studiosum; atque illis pecunias multas tradere solitum, qui sibi aliquos Aristotelis libros attulissent, qua re factum est, ut multi pecuniarum auidi, non nullorum operum inscriptionem mutarent, & apposita Aristotelis nomine Philadelpho traderent. sed tamen a præclaro ingenio uiris duabus quasi notis germani Aristotelis libri cognoscuntur: hoc est, sententiarum acumine, & elocutionis genere. Sed de hoc opere nemo dubitat, quin germanum ipsius Aristotelis sit: quod præter sententiarum acumen, & dicendi genus, etiam te Simonio tum ipsius auctoris, tum aliorum complurium doctissimorum hominum & Græcorum, & Latinorum probari facile potest. quin Cicero noscitur, & Quintilianus multis in locis Aristotelem huius operis auctorem agnoscunt. Illud igitur tantum superest, ut explicemus, ad quam philosophiæ partem hæ libri rhetorici referantur. Ac Cicero quidem initio librorum de Inuentione, ciuilibus scientiæ, quam politicam appellant, magnam & amplam partem esse censet eloquentiam artificiosam, quam, inquit, rhetoricam uocant, & Quintilianus Ciceronis sententiam secutus est, quam tamen Cicero uidetur ab Aristotele sumpsisse. qui & primo Ethicorum Rhetoricam ciuili scientiæ subiecit; & hoc in opere, tanquam germen quoddam eiusdem ciuilibus discipline dicit esse. At uero Simplicius in Categorias scribens, hanc artem ad eos libros pertinere censet; qui continent ea, quæ quasi quadam instrumenta sunt ad differendum. Aristoteles certe primo libro Rhetoricorum, & dialéctica, & ciuilibus scientiæ constata esse: ut ad utranque quodammodo referri posse uidetur. ideo igitur modo sunt explicata sex illa,

quæ ante operis explanationem quæri solere, Boetius scribit. Nunc ad ocus ipsam interpretandum aggrediamur.

IN P. VIRGILII GEORGICA,
in Agriculturæ laudibus.

P R A E F A T I O VII.



NON me latet in more positum esse, Auditores, institutoque maiorum, ut ij qui aliquem publicè interpretandum auctorem suscipiunt; eam primam habeant concionem, qua præstantiam auctoris, & arguementi nobilitatem summis efferant laudibus, qua in oratione nonnulli aliquando sacundi videntur, vel quod apud imperitam multitudinem verba faciant, vel quod de mediocri auctore, & re non admodum egregia satis copiosè loquantur. neque enim difficile est, imperitis, atque indoctis hominibus, & pullato (ut Fabius appellat) circulo, qui omnia quæ supra vires suas esse viderint, maiorem in modum admirantur, eloquentem uideri. cum præsertim ille peritus artifex atque populari deditus, qui tantum vulgo placere studet, eiusmodi causam, in qua quicquid dictum fuerit, emineere videtur, sibi tractandam sumpserit. Mihi autem qui præstantissimi atque omnium excellentissimi Poetæ, doctissimum atque elegantissimum Georgicarum opus, coram vobis optimis artibus institutis viris, & eruditissimis adolescentibus interpretandum suscepi, oblata est omnino durior conditio. Nam neque Poetæ nostri dignitatem quisquam neque agricultura laudes, & utilitatem digna posset oratione comprehendere: neque uerò vobis bonarum tantum litterarum amantibus ulla satisfacere potest oratio, nisi doctæ simul & ornata uideatur. Non enim ego uestrum ad omnia flexibile ac propè diuinum ingenium, noui iudicium, noui mentis uestræ acumen, scio nihil esse tam obscurum, tam difficile, cui si studium adhibere nolueritis, non illud facillimè perdiscatis. Scio nihil nobis placere, quod non elaboratum, elegans, ac politum sit. Hæc cum præclare intelligam, tum illud etiam non ignoreo, eo uos animi candore, ea modestia præditos esse, ut nullius studium, nullius industriam contemnatis, quem multorum studijs prodesse conantem, ex hoc amplissimo atque ornatissimo loco publicè docere intellexeritis. Itaque mihi de modestia, atque humanitate uestra cogitanti, confirmatur animus, & in spem haud dubiam uenio, fore ut mihi de his rebus quas proposui non nulla dicenti faciles aures præstaturi sitis, & quæcunque dixerò meliorem in partem accepturi. quam quidem rem si uos præstare mihi uidero, efficiam profecto.

profecto, ut industria meæ, uos nullo unquam tempore peniteat. Dicendum est igitur mihi prius de Agricultura quæ sapientissimi homines senserint, & quantam eius curam ueteres habuerint, deinde nonnulla etiam de Virgilio nostro & hoc opere Georgico: quæ si diligenter attenderitis, uobis (ut spero) non iniucunda uidebuntur. omnium enim rerum (ut primo de Officijs ait Cicero) ex quibus aliquid acquiritur, nihil est agricultura melius, nihil uberius, nihil dulcius, nihil homine libero dignius. Nam quid ea re præstantius esse potest, sine qua uita mortalium consistere nullo modo potest? cum enim ea quæ in terris gignuntur ad usum hominum (ut Stoici sentiunt) omnia trecentur: omnino declaratur humano genere nihil in terris esse præstantius, cuius gratia Dei immortales omnia condiderunt: Itaque quod homini diuinæ mentis participi, & animalium præstantissimo uictum præstat, id sine dubio, ut sit optimum necesse est. Quis porro est, qui nesciat, nisi terra colatur uictum hominibus nullo modo suppetere posse. est igitur omnium optima agricultura, ex qua fructus tam uarij, tot frumentorum genera, tanta rerum omnium copia, quæ ad uictum hominum, & cultum etiam Deorum pertinent, semper enim boni assidueque domini (ut apud Ciceronem ait Cato) refert cella uinaria, olearia, & penaria est, uillaque tota locuples est. quid uero dulcius agrorum bene cultorum amenitate, pratorum uiriditate, arborum ordinibus, uinearum oliuetorumque specie? Quid bene posita uilla aspectu iucundius? ubi calidior est, & salubritas, ubi terra maxime uarijs herbis, & suauissimis floribus exornata, ubi proceræ arbores, & opacæ maximeque fructuosæ, ubi fruges grauidæ, uitesque fertilissimæ, ubi fontes Lympidissimi, ubi spelunca recessusque amenissimi, quibus rebus quid fieri potest, aut fructu suauius, aut aspectu iucundius? Quare uere uerissimè Cato affirmat agricolarum uoluptates proximè ad sapientis uitam accedere, unde iure optimo sapientissimus Poeta Virgilius, post Philosophiæ studium quod nihil melius (ut ait Plato) Dij immortales hominibus tradiderunt, nihil aliud, quam rusticam uitam desiderat, quod scilicet neque studiorum uita, neque agricolarum sit ulla præstantior. eius mihi uerba libet recitare.

Sin has ne possim naturæ accedere partes

— Frigidus obliterit circum præcordia sanguis

— Rura mihi & rignis placeant in uallibus amnes.

Nouerat enim Poeta uitam agricolarum, simplicem, innocentem, puram ab omnibus uitiorum sordibus alienam, non occupatam honorum ambitionibus, non fraudibus, dolis, insidijs gaudentem; sed quietam tranquillam, operum patientem, paruoque assuetam uariarum opum diuitem, idcirco magna illius dulcedine illectus exclamat. O fortunatos nimium sua si bona norint Agricolas quibus ipsa procul discordibus armis

M. AN. MAIORAGII

Pundit humo facilem uictum iustissima tellus.
 Hoc idem Venusinus uates Horatius attestatur, felicem illum qui relictis
 ceteris uiuendi rationibus, se ad agricolationem contulerit, quin etiam mul-
 tis carminibus rustice uitæ laudes amplectitur, in ea catione quæ ita incipit.
 Beatus ille qui procul negotijs
 Vt prisca gens mortalium
 Paterna rura bobus exercet suis
 Solutus omni senore.

Terra enim cui uni (ut secundo libro scribit Plinius) rerum nature partium,
 eximia propter merita cognomen indidimus maternæ uenerationis, benigna
 est, mitis, indulgens, ususque mortalium semper ancilla, quæ cum gremio
 mollito, ac subacto semen sparsum excepit (ut apud Ciceronem Cato philo-
 sophatur) tepatefactum uapore & complexu suo diffundit, & elicit herbe-
 scientem ex eo uiriditatem, quæ nixa fibris strpium sensim adolescit, cubmoq;
 erecta geniculato uaginis, iâ quasi pubescens includitur; è quibus cū emerse-
 rit, fundit frugem spicæ ordine structâ ex contra auium minorum morsu mi-
 nitur uallo aristarum. Quid dicam quam bona fide, quantoque cum senore
 terra depositum reddat? quæ liberius etiam nullo cogente producat: ut ni-
 bile excogitari possit hominibus necessarium, aut utile, quod non à terra na-
 seatur, sed quando colendorum agrorum usus ceperit, uarie apud authores
 traditur, sunt qui scribant ante Iouem nullam penitus agriculturam fuisse.
 quorum sententiam Virgilius sequi uidetur his carminibus

Ante Iouem nulli subigebant arua coloni,
 Nec signare quidem, aut partiri limite campum
 Fas erat in medium querebant ipsaque tellus
 Omnia liberius nullo poscente ferebat.

At nos in sacris libris scriptum legimus primos illos homines Habelem &
 Caymum agricolas fuisse, sic enim Moses scribit. fuit autem Habel pastor
 ouium, & Cain agricola, neque uero quisquam uestrum mirari debet, quod pasto-
 rem ouium Habelem inter agricolas numerauerim, nam pecudum curam ab
 auctoribus, quibus hæc literis mandare cura fuit, cum agricolatione con-
 iungi notauimus, quam rem etiam Xenophon in æconomico suo, his uer-
 bis affirmat. καὶ γὰρ ὡς περὶ τὰ κτήνη τὰ χωρία τῆς γῆς ἐστὶν ἡ ἀγρονομία. est igitur hæc ars
 agriculturæ omnium antiquissima, atque ideo etiâ nobilissima, & optima, quæ
 ab ipsis (ut ita dicam) mundi incunabulis semper humanum genus aluerit:
 ceteræ enim artes omnes, non tam ad uitæ necessitatem, quam ad ornamen-
 tum sunt inuentæ. hæc sola omnium uidetur esse maximè necessaria. neque
 verò negauerim in diuersis mundi regionibus, diuersos fuisse, qui usum
 agricolationis inuenerint, sicut Habis apud Hispanos, de quo Iulianus ita
 scribit

scribit. Habis Hispanum populum prius barbarum legibus innixit, boues primo aratro domari, frumenta que sulco ferere docuit, & ex agresti cibo, melioribus uesci, Saturnus uero (ut fertur) Iani tempore, qui regnabat in Italia, cum filij Iouis iram fugiens à Creta in eam Italiae partem deuenisset, qua postea Latium cognominata fuit, docuit ignaros Italos arua colere, semina terris dare, matura colligere, & suo tempore stercorebus agros fecundare, ex quo sterculus appellatus est, Deo tanto, atque tali profecto splendendum (ut ait Boccacius) & insigne cognomen, quamuis Seruius libro nono *Æneidos*, Piliuum primo stercoreandorum agrorum usum inuenisse scribat, & inde sterculinum dictum, Macrobius autem *Saturnaliorum* libro primo scribit à Romanis Saturnum sterculinum fuisse uocatum: quod prius stercore fecunditatem agris comparauerit. *Augustinus* de ciuitate Dei, Piciparem stercon fuisse scribit, à quo peritissimo Agricola inuentum ferunt, ut simo animalum, agri fecundarentur, quod ab eius nomine stercon dictum est. *Plinius* Italia inquit regi suo Stercentio Fanni filio, ob hoc inuentum (nempe stercoreationis) immortalitatem dedit. certè hunc stercon seu stercutium quicumque is fuerit, antiqui Deum agricultura indigitaauerunt. Iam uero Ceres quam à gerendis frugibus Cicero appellatam scribit, siculis leges, & agricolationem tradidit, de qua *Ouidius* libro quinto *Metamorphoseos*.

- Prima ceres unco terram dimouit aratro
- Prima dedit fruges, alimenta que mitia terris
- Prima dedit leges, Cereris sunt omnia munus.
- Sic & *Virgilius* *Georgicorum* primo:

Prima ceres ferro mortales uertere terras

Instituit, ferunt etiam *Osirim* quem quidam *Dionysium* esse uolunt. *Ægyptijs* usum arandi demonstrasse, quod *Tibullus* *elegiarum* primo his carminibus significat:

- Primus atrata manus solerti fecit *Osiris*
- Et teneram ferro solici tavit humum.
- Primus in experta commisit semina terræ
- Tomaque non notis legit ab arboribus.

Sunt etiam qui scribant *Atticos* & *Eleusinos* agriculturam à *Triptolemo* *Celei* regis filio doctos fuisse, sed quanto fuerit olim apud *Pricos* illos homines in honore agricultura declarant historici, quibus uidemus etiam reges ipsos agrorum colendorum fuisse studiosos, & pecudum pastores, unde etiam *Homerus* quosdam appellat *πολυαγραι* & *πολυμειλونه*, nihil enim aliud antiqui diuites possidebant, nisi uel pecudes, uel agrorum pradia, quod *Ouidius* libro quinto pastorum his uerbis attestatur:

M. AN. MAIORAGII

Aur pecus, aut latam, diues habebat humum

Hinc etiam locuples, hinc ipsa pecunia dicta est.

Sunt qui scribant Theſeum bouis figura nummos obſignafſe, ut ea ratione Atticos ad agricolationem prouocaret, conſtat ſanè Seruium Tullium Sextum Romanorum regem, pecudis figura nummos ex ære ſignafſe. Ariſto-teles in æconómico putat agriculturam eſſe maximè ſecundum naturam. quin & Cicero ſateſtur nihil eſſe tam regale, quàm ſtudio agri colendi. ergo in hac uita (ait Cato apud Ciceronem) M. curius cum de Samnitatibus, de Sabinis, de Pyrrho, triumphafſet, conſumpſit extremum tempus atatis, in agris erant (inquit) cum Senatores, ideſt ſenes: aranti L. Quintio Cincinnate nunciatum eſt, eum dictatorem eſſe factum, cuius dictatoris iuſſu magiſter equitum C. Seruilius Ahala, Sp. Melium regnum appetentem, & occupare nolentem interemit, à ulla in Senatum arceſſebantur Curius, & cæteris ſenes ex quo qui eos arceſſebant, uiatores nominati ſunt. Quid quod olim regum cura fuit agricultura? Xenophon in eo libro qui eſt de tuenda re familiari, qui æconómicus inſcribitur, ait regem Perſarum non minorem curam agricolarum diligentium, quam ſtrenuorum militum habere ſolitum, cum-que munera dare ſtatuere, primum aduocare milites teſtante[m] & ἰδὲ οὐχ ὅτι πολλὰ ἀπὸ τοῦ αἵματος ἀρίſτοι. nullum agricolationis fructum eſſe, niſi ſint à quibus hoſtium excuſiones & impetus arceantur, ſecundo loco diligentes agricolas addentem illud elogium. & ἰδ' αὖ οὐ ἀλλοίμοι δύναντο ζῆν, αἶμα εἶναι οἱ ἐργάζονται, quod neque ſtrenui milites uiuere poſſent, niſi eſſent agricola qui terram colerent. Quin & Cyrum minorem olim regem clarifſimum, cum ad munera Perſe uocarentur, dixiſſe ſerunt ſe merito poſſe utrorumque munera capere. καὶ περὶ αὐτῶν γὰρ ἄριſτος εἶναι ἐφ' ἡμέραν, καὶ ἐν γὰρ τοῖς κατὰ σκευὰς μέγας, quoniam & optimus eſſet in præparandis excolendis prædijs & potens etiam ea retinere quæ comparauerat. Huc accedit quod Lyſſandro Lacedæmonio ſummæ uirtutis uiro eundem Cyrum iuraſſe Xenophon ſcribit, nam cum oſendiſſet ei pulcherrimam illam paradifum, de qua Cato apud Ciceronem meminit, & ſe dimenſum omnes illos ordines, ac multas illarum arborum ſua manu conſeuiſſe teſtatus eſſet huiusmodi uerba ſub-
texuit ὁ μὲν μὲν τοῦ μίθρου ὅταν περὶ ὑγιάνω μὲν πύποτε δὲ πύσαι πρὶν ἰδρῶ-
σαι, τὸν πολλοὺς κινῶν τὸ ἴδιον γὰρ γινώσκω μελάν: Iuro (inquit) tibi per Mithrā
(Sic enim ſolem Perſæ ſolent appellare) quo tempore ualeo me, nunquam ce-
nare ſolitum, niſi prius aut in aliquo bellico aut Georgico opere ſudorem con-
traxero. Itaque non iniuria Socrates apud eundem Xenophontem excla-
mat τῆς γεωργίας εὖ δ' αἶναι, πανύμνητον δύνανται οἱ πέχεαι. neque qui ualde bea-
ti ſunt ab agricultura poſſunt abſtinere, cuius rei cura cum magnam nobis
ſoleat inuicunditatem ex rei familiaris incrementum apportare, tum ad corp-

ris exercitationem, & ad omnia quæ digna sunt homine libero plurimum ua-
let, bene igitur (ut ait Socrates) ille dixisse uidetur, qui dixit: τὸν γεωργίαν
τῶν ἀλλοτρύχων μετέρα καὶ πρόπον αἰῶνι, agriculturam aliarum artium quasi
matrem quandam ac nutricem esse. Quapropter apud Priscos illos quos Ca-
scos appellat Ennius, maximam ille laudem consecutus uidebatur, qui iis
laudabatur, bonus agricola bonus colonus. Ex agricolis (inquit Cato, &
uiri fortissimi, ex milites strenuissimi gignuntur, maximeque pius questus,
stabilissimusque consequitur, minimeque inuidiosus, minimeque male cogi-
tantes sunt, qui in eo studio sunt occupati. nullum aliud profecto genus ho-
minum magis necessarium est Reip. quam agricolarum. Itaque Plato in ci-
uitate sua, quam ille diuinus Philosophus perfectissimam cogitatione finxit,
primum locum agricolæ, secundum architecto, tertium textori. eius uerba
secundo de Rep. libro notauimus: πρώτη καὶ μεγίστη τῶν τέχων ἡ τῆς τροφῆς πα-
ρασκευὴ, τῇ αὐτῇ τε κίβητι ἐνεκα, δεύτερα οἰκονομία, τρίτη ἐσθλότης, &
paulo post γεωργία μὲν αὖς, ὅδε οἰκονομία, ἄλλος δὲ τις ὑφ' αὐτῆς. Quanta
est igitur agriculturæ laus, quanta maiestas? quæ primum in tam perfecta
ciuitate locum omnium præstantissimi Philosophi iudicio meruerit? hoc ni-
mirum est, quod olim ingeniosissimi Poetæ finxerunt, iustitiam ab omnium
ordinum gentibus expulsam, apud agricolas longissimum tempus habitasse;
hoc enim genus hominum innocentissimum, & ab omni malicia alienissimum
est: quod cum intelligerent illi antiqui prudentissimi homines, liberos suos
procul ab urbibus, plerumque rus ablegabant, & ipsi etiam (ut diximus)
una terram colebant, ut & haberent, quæ ad uitæ necessaria sunt, & la-
boribus dediti, non sinerent animum ocio luxuriantem, sese uitæ & uol-
uptatibus tradere. Nam & ipsorum Imperatorum olim, manu colebantur
agri, gaudente terra (ut ait Plinius) uomere laureato, & triumphali ara-
tore. Diocletianus Imperator deposito sponte sua, imperio, ad uitam ru-
sticam se contulisse dicitur, qui cum ab Herculio, atque Galerio ad recipien-
dum iterum Imperium rogaretur, tanquam pestem aliquam detestans (us
libro nono scribit Eutropius) in hunc modum respondit: utinam Salone pos-
setis uiscere, Olera nostris manibus instituta, profecto nunquam istud ten-
tandum iudicaretis, ad eo longè meliorem uitam agrestium, quam regum
& imperatorum existimauit, in qua ueram felicitatem esse expertus erat,
ut olim Delphicus Apollo de Aglao Psophidio indicauit, quem ideo beatif-
simum esse dixit, quod senior angustissimo (ut uerbis utar Plinii) Arcadiæ
angulo, paruum sed annuis uictibus large sufficiens pradium colebat, nun-
quam ex eo agrestis, atque ut è uitæ genere manifestum est, minima cupi-
dine minimum in uita mali expertus: Attalus etiam Pergami Rex, regni
cura abiecta hortos fodiebat. Abdolomino agrum colenti regimen Tyrio-

rum ultro delatum est, ut, quarto libro *Q. Curtius* scribit, sed quam fuerint olim Romani agricultura studiosi, declarant etiam ipsa cognomina, uel à leguminihus uel à pecore imposita, unde enim *Lentuli*, *Cicerones*, *Fabij*, nisi à *Lente*, *Cicere*, *saba*? unde *Iunius Bubulcus* *Portius Vitulus Taurus*? nisi à *bobus*, *porcis*, *uitulis*, *Tauris*? quin & ipsa *Italia*, ut *Gellius* undecimo libro docet, ab *Ital*is hoc est *bobus*, quibus olim abundabat denominata est, boues enim *Græca* ueteri lingua, *Itali* uocitati sunt, præterea populum Romanum gentium omnium uictorem à pastorebus initium habuisse, quis ignorat? Scribit *Plinius* magnam partem olim Romanos, in agro uiuere solitos, quod etiam *Plutarchus*, in *Problematis* affirmat, & tantam olim Romani colendis agris curam adhiberi uolebant, ut censorio probro nateretur, qui agrum suum male coluisset. præclare enim intelligebant id uerum esse, quod etiam *Theophrastus* scriptum reliquit. ὁ ἀγρὸς τοῦ ἀνθρώπου ἀπὸ τοῦ ἀνθρώπου ἀπὸ τοῦ ἀνθρώπου, agriculturam maximè homine libero dignam esse. Quare sapientissimè *Romulus* urbis parens aruorum sacerdotes in primis instituit (ut libro decimo octauo scribit *Plinius*, sequè duodecimum fratrem appellauit, nam fratres aruales dicebantur, & duodecim erant numero (ut scribit *Fenestella*) cui sacerdotio *Romulus* insigne tribuit, *albas infulas*, & spicicam coronam, quæ quidem corona fuit (autore *Plinio*) omnium prima quæ *Romæ* donata fuerit, postea uero serie etiam sementina instituta sunt, & tria sacra *Floralia*, *uinalia*, *Robigalia*. Nam (ut *Varro* testatur) duodecim olim apud Romanos Dei habebantur consentes agricolarum duces: *Iupiter* & *Tellus*, qui magni parentes dicuntur, & omnes fructus agriculturæ celo ac terra continent; *Sol* & *Luna*, quorum tempora obseruantur, cum quedam feruntur & conduntur in tempore; *Ceres* & *Liber*, quod horum fructus maximè necessarij ad uictum sint; ab his enim cibis & potus uenit è fundo: *Robigus* & *Flora*, quibus propitijs, neque *Rubigo* frumenta, neque arbores corrumpit, neque non tempestiue florent. Itaque publicè *Robigo* serie *Robigalia*, *Flora* ludj *Floralia* instituti sunt, *Minerva* & *Venus*, quarum, unius procuratio oliueti, alterius hortorum est: quo nomine rustica uinalia instituta, *Lympha* & bonus euentus, quoniam sine aqua omnis arida & misera est agricultura, sine successu & bono euentu frustratio est, non cultura. quid præterea dicam quot homines doctissimi de agricultura scripserint? nomenclantur à *Varrone*, primo libro amplius quinquaginta (quos si cui placet) inde facillimè potest ediscere, quare eos ego prætermittam; nonnullos tantum nobis exponam de quibus in eo loco *Varro*, non meminit, fuerunt enim alij multi tum *Græci*, tum *Latini*, atque in primis *Cato Censorius* agri colendi studiosissimus, cuius extat adhuc opusculum de Agricultura, ob antiquitatis maiestatem,

non immerito uenerandum. Duo Sæternæ pater & filius, Tremelius Scrofa, Cor. Celsus, cuius adhuc extant offæ illa elegantissima de Medicina uolumina, Iulius Atticus, Iulius Græcinus, Iul. Hyginus, Gargilius Martialis, Terentius Varro, Plinius, Palladius, Columella, præterea quos Constantinus, Cæsar quartus, cognomento pogonatus, in unum collegissedicatur, qui sunt à Varrone prætermisi, uel quia nondum quidam eorum scripserant, uel quia fortasse, in eius manus non peruenerant. Florentinus, Vindanionus, Anatolius, Berityus, Leontius, Tarentinus, Africanus Pamphilus, Apuleius, Zoroastres, Fronto, Pacannus, Damageron, Didymus Sotion & alij multi: inter tot auctores diuinus Poeta nosæter Virgilius, de quo iam tempus est, ut nonnulla dicamus, locum habere uoluit, & quatuor hos Georgicorum libros, quos Dijs hominibus quæ approbantibus inter prætandos sumpsimus, politissimos reliquit, de quibus, quid attinet multa dicere? cum omnium doctorum sit consensus, nullum opus in hoc genere perfectius inueniri? diuinam enim illam *Aeneida* (ut appellat Statius) morte præuentus auctor expolire non potuit, hoc autem Georgicorum opus, non solum limauit & expoliuit, sed etiam doctissimorum hominum iudicio, dum adhuc uiueret supposuisse dicitur, & omnium calculis Hesiodum quem æmulatus est, longo intervallo post se reliquit. ille enim ad Persæ fratrem de Agricultura satis quidem eleganter, atque ingeniose scripsit, at uerò hic nosæter longè copiosius, doctius, & elegantius omnia tractat. quantam enim rebus obscuris lucem carminis, nitore præbet? quo dicendi genere Dijs bonè quam polito, quam terso, rusticas res persequitur? quam sciitè cultum agrorum, & arationis modum ac rationem primo libro docet? quam ingeniosè secundo arborum sationem? quam copiosè tertio curam animalium? Quid de quarto dicemus? in quo cum in alijs cæteros omnes superarit, seipsum superasse uidetur; qua eloquentia Dijs immortales, quo candore, quam mirabili uenustate, de apibus & mellatione loquitur? Quid de rerum cognitione quam in his libris inserit? de Physiologia, de ortu & occasu syderum, de temporum uarietate, de terrarum distinctione, de regionum differentia, quæ acutè docet omnia? quam prudenter? Hoc enim mihi credite nobilissimi iuuenes. in hoc opere mirabilem esse eruditionem, maximam doctrinam, multa sunt ex intimo Philosophie sinu deprompta, multa ex mathematicis, multa ex omni disciplinarum genere, quæ si modo mihi aures attentas, quotidie præbueritis, facillimè (ut spero) declarabimus. sed ad ipsum Virgilium reuertor, quem Alexander Romanus Imperator Platonem Poetarum appellabat, Diuus Augustinus Poetarum præclarissimum & optimum, Seneca uatem maximum, Plinius uatem præcellentissimum, Martialis æternum, quem nemo satis unquam suspicere potest. Hic profecto Poeta nobis ma-

M. AN. MAIORAGII

gnum ad gloriam incitamentum esse debet, qui non ex claris parentibus sed obscurissimis, non in urbe aliqua nobili, sed in uilla quadam abiectissima, in patris sui figuli siue potius pastoris mercenarij mapalibus, natus, tantum tamen studio & doctrina effecit, ut etiam suo tempore nullus in orbe clarior haberetur, & maximo omnium Monarchæ Octauio Augusto. charissimus esset, & ubi tantam eruditionem tantam rerum omnium scientiam didicit Virgilius? erigite quæso animos nobilissimi iuuenes, hic enim agitur de uestra & maiorum uestrorum gloria; nam hic Poeta quo nullus unquam uixit excellentior, Mediolani stucuit, cum enim Cremonæ uirilem togam sumpsisset, paulo post Mediolanum uenit. & tantam in hac nostra ciuitate scientiam didicit. Tu tu Mediolanum (inquam) æterna laurea digna ciuitas, tantum Poetam effecisti, tu copioso rerum omnium sinu, ægenum, & alienigenam suscepisti. tu eo tempore studiorum parens, epicorum hunc præstantissimum aluisti. Gaudete tanto alumno Patrij Penates. letare ciuitas quæ in partem tantæ gloriæ uenisti. uos autem ingenui adolescentes quid amplius expectatis? cur non magno cum ardore animi bonarum artium studia complectimini? cognoscite uestræ ciuitatis uires, in qua tantus euasit. Virgilius, quanto magis uobis fauebit suis, si fauet alienis? Equidem dicam apertè quod sentio, magna sunt Mediolanensium ingenia, sed eorum pleraque nimia rerum copia obruit. Itaque gloriam alijs derelinquunt. Sed tamen de uobis omnibus spem iam maximam concepi, uideo uos doctrinæ cupissimos. uideo erecta uestra omnium ingenia. uideo uos maxima discendæ cupiditate flagrare, spero fore, ut dignitatem & gloriam, quam olim hæc ciuitas habuit, atque etiam habet hoc tempore, uos ipsi manibus ac pedibus (ut dici solet) arripiatis. quod ita & enim uos facturos certum habeo, si quo capistis animo studijs incumbere persenerabitis, & quotidie quæ dicemus, attentis animis percipietis.



IN P. VIRGILII ÆNEIDOS

Librum quartum.

P R A E F A T I O IIX.



MAGNVS ille Peripateticus ex Arabia quem Auerroem uocant, cū Aristotilis libros qui de Physica auscultatione inscribuntur interpreta-
tus esset, initio libri dixit ostē esse quæ præ-
cipue spectari atq; considerari debeant, inten-
tionem, utilitatem, ordinem, diuisionem, pro-
portionem, nam doctrinæ, nomen Libri, no-
men authoris. quæ licet in Phisicis libris lon-
ge clarius quàm in alijs appareant, possunt
tamen ad alios etiã libros omnes accommodari, neque enim his rebus Poe-
tica minus quam Philosophia indiget, cum Poeta non alièr quam Philoso-
phi, scopum aliquem sibi proponat, atque finem, quo modulationem om-
nem suam atque carmen dirigat, & aliquam cum incunditate utilitatem his
mano generi asferre studeat, quemadmodum notis illis carminibus Hora-
tius attestatur.

Aut prodesse uolunt, aut delectare Poeta
Aut simul & incunda, & idonea dicere uita. Quin etiã ordine pul-
cherrimum quandam egregius Poeta sequi solet, uniuersumque opus suum,
in partes quasdam qui libri dicuntur diuidit, atque ita diuidit, ut aliquam
inter se proportionem habeant omnino, nam præterea doctrinæ suæ certam
habent, quam sequantur & operibus suis nomina semper imponunt, sin-
gulisque libris suum ipsorum nomen inscribunt, cum igitur excellentissimum
Poetam Virgilium publice interpretandum mihi delegerim, priusquam ad
operis atque carminum explanationem uenio, libet hæc singula quæ summus
ille commentator præcipit indagare. Ac generalis quidem in toto opere
Virgilij Scopus atque intentio est, Æneæ quidem res præclare gestas de-
scribere, sed ea occasione Iulium Cæsarem, & Augustum celebrare, quip-
pe qui ab Æneæ traxisse originem dicebantur, magna enim laus a maio-
ribus ad posteros, per nobilitatis gradus descendit, modo posteri à maiorum
suorum uirtute non degenerarint. talem autem Æneam effingere conatur,
qualis tanti imperij, quantum Romanum extitit, conditor esse debebat nul-
los scilicet nūmo uitio deturpatum & omni uirtutum genere cumulatum;
Ita nobis specimen, & exemplar quoddam summæ pietatis & fortitudinis

proponere studet, quippe cum *Aeneam* ostendat, patrie suae usque ad cineres non de fuisse, magna religione Deos uteneratum fuisse, parcitem suum ex hostium manibus, sublatum humeris eripuisse, in tot aduersis rebus animo semper inuicto fuisse, suos hostes omnes tandem debellasse, quaeque ei aduersa accidere, quae prope infinita fuerunt, non ipsius culpa, sed uolentia factorum, quae nullis uirtutibus exuperari possunt, cuenisse, *Homerum* autem non imitari tantum sed etiam emulari studuit, ut multi etiam reperiantur, qui parem illum *Homero* faciant, multi qui praepoant: sed quicumque recte sentiunt, *Virgilium* quidem maxime suspiciendum & admirandum esse dicunt, & omnibus latinis poetis praepoendum, sed tamen nequaquam *Homero*, à quo totus, quantus est, efluxit, parem, sed longe inferiorem existimandum, in hoc uero quarto libro quem interpretatur sumus, quantauis sit amoris ostendere conatur, qui non tantum pudicissimam matronam *Didonem*, sed etiam omnium sapientissimam & fortissimū uirum *Aeneam*, suis laqueis irretiuerit, maximam tamen inter uirum & feminam dissentiam ostendit, licet enim *Aeneam* amoris nonnihil indulgentem inducat, nihil tamen indignum persona sua, nihil alienum à summa pietate, nihil praeter decorum fecisse ostendit, At uero *Didonem* amoris impatientia cetera omnia relinquentem & uni *Aenae* intentam inducit, pudicitiae obliatam, furentem, inquietam, uagam, ardentem, opera interrupta deserentem, & tandem ob amantis discessum mortem sibi consciscientem. haec intentio Poetae est. Quid autem utilitatis haec se habeant, quis est adeo stupidus, quin intelligat? si quis enim *Aenae* uitam sibi proponat imitandam, an non omnium uirtutum, non adumbratam, sed expressam effigiem uidebit, nam ubi melius quid uirtus, & quid sapientia possit, inuenies quam in hoc diuino *Virgilij* opere, quam enim pium, quam religiosum, quam iustum, quam prudentem, quam fortem, quam temperatum *Aeneam* suum fuisse ostendit? quam deinde sanctas quam sapientes ubique sententias inserit? quot ubique praeepta sapientiae colligere licet, certè quod de *Homero* dicit *Horatius* idem nos de *Virgilio* & meritisimo quidem dicere possumus. Qui quid sit pulchrum, quid turpe, quid utile, quid non plenius & melius *Chrysippos* & *Crantor* dicit, addo etiam *Platone* & *Aristotele* melius, nam quae praeeptis, & Theorematibus Philosophi docent, hic Poeta noster expressis exemplis ostendit. Quid autem de uaria atque multiplici doctrina, quae ex *Virgiliana* lectioe percipitur, commemorem? in quo tam pura & candida locutio, tam admirabilis carminum structura, tam suavis rythmorum modulatio, tot reconditas & memoratu dignas historias tot eloquentes, & summa arte oratoria confectas orationes, tot loci, ex intima naturalium quaestionum subtilitate repetiti conspiciuntur ut admirandum maxime sit, in

nino homine tantam fuisse scientiam, ut diuinus certè potius quam mortalis fuisse existimari debeat. nullus enim unquam in hoc autore, errorem inuenit qui alicuius esse momenti uideretur. quenam igitur utilior lectio reperi potest, quam eius auctoris in quo nihil est omnino quod reprehendi possit, & in quo scientiarum omnium quasi lumina quadam fulgentissima splendent, sed cum omnes huius auctoris libri maxime sint utiles, hic profecto quartus quem nos interpretandum suscepimus omnium utilissimus est; Nam præterquam quod nos id uitium fugere docet, quod omnes penè mortales illaqueat, & in maximos errores, & maxima scelera inducit, quot enim ob turpes amores, facinora perpetrantur, quot amicitiarum uiolationes, quot contentiones, quot cades? etiam artem quandam orationis mirificam in se habet, quam (ut spero) uobis notam faciam, & ita grauiores illos affectus concitat ut Diuus ille Augustinus, uir in nostra religione sanctissimus cum Didonis querelam legeret, lachrymas se continere non potuisse fateatur. Quid de Philosophicis questionibus dicam, quibus undique liber hic scatet? quæ quamuis obscuræ, & ab ipsa natura inuolutæ uideantur, spero tamen me tam aperte illas declaraturum, ut etiam ij qui primas tantum literas attigerunt eas præclare intelligant. Iam habetis operis utilitatem, nunc ordinem percipite. qui tamen uulgatior est, quam ut à me pro re noua atque recondita commemorari debeat. Quis enim nescit artem Poeticam non eundem ordinem imitari, quem Historici seruare solent? ut res gestas ab initio repetentes, ad finem usque deducant? quod nulli serè Poetæ faciunt. neque enim (ut ait Horatius) bellum troianum à gemino ouo ordiuntur, neque extremum finem inueſtigant, sed in media narratione rem aggrediuntur de inde per occasionem aliquam ad principia redeunt, quibus recitatis extrema persequuntur, sic Homerus Iliada suam, non à primo belli troiani anno exorsus est, sed à nono, quo propter iniuriam ab Agamemnone sibi illatam Achilles indignatus à prælio capit abſtinere, eodem modo in Odyſſea cum naufragium Ulyſſis deſcripſiſſet, poſtea ſeruatum illum in corcyra facit apud Alcinoũ ea recitare, quæ ſibi & cæteris Græcis ad Troiam militantibus acciderant, quem imitatus Virgilius, non ab excidio Troiæ ſuum opus inchoauit, ſed in primo libro tempeſtatem illam horriſſicam deſcribit, qua Troianorum naues uiuentorum in Africam delatæ ſunt, atque ibi naſſus occaſionem fingit Troianum excidium, quæque poſt illud Aeneæ contigerunt ab Aenea Didonis hortatu commemorari, quem ordinem etiam plerique alij poetæ ſecuti ſunt, ut Silius Italicus, Statius, præter Lucanum, qui tamen inter Poetas à plerisque non habetur unde Martialis inquit: ſunt quidam, qui me dicunt non eſſe Poetam ſed qui me uendit Biblioſola putat. Nihil autem (quemadmodum in æconomico ſuo Xenophon do-

M. AN. MAIORAGII

cet) ex omnibus rebus melius aut præstantius est ordine ipso, quem ab om-
 nibus autoribus egregijs sed ab hoc præcipue nostro seruari maxime uide-
 mus; nam, ut aliorum librorum ordinem prætermittam, quid hoc quarto
 libro magis ordinatum? ubi per gradus quosdam seuius ille puer, qui cupido
 dicitur pudicæ matronæ mentem expugnat; non enim illi statim obscenam
 uoluptatem proponit, ne turpitudinis facies, eius conatum infringat sed
 Aeneæ virtutem, & nobilitatem & pulchritudinem ostentat, quibus ad-
 mirata Dido sororem suam Annam alloquatur, & Aeneam quidem prædi-
 cet, sed tamen fidem Sicheo datam frangere se nolle dicat, uerum Anna mul-
 tis rationibus ostendit, utile Didoni fore si se Aeneæ coniunxerit quibus
 uerbis animon non incensum inflammauit, atque ita paulatim tantum esse
 cit, ut occasione in spelunca nata pudorem omnem excirrit, deinde cū Ae-
 neas discessurus esset quid non effecit, quid non tentauit Dido, ut cum si quo
 modo fieri posset in Africa retineret, sed tandem postquam nullam spem sibi
 superesse uidit, de consciscenda sibi morte capit cogitare. hic est ordo pul-
 cherrimus atque naturalis. sequitur ut diuisionem operis aggrediam-
 mur, quod ut omnes intelligunt in libros duodecim distributum est quæ
 diuisio utrum ipsius auctoris sit, an eorum qui opus hoc suum post Vir-
 giliū mortem emendandum susceperunt, quæstio esse potest: sed tamen
 cum satis constet, Georgicorum opus ab auctore ipso quatuor in libros
 digestum fuisse, credibile est etiam hoc opus ab eodem auctore fuisse diuisum.
 nam de Homero nulla dubitatio est, quin opera sua, indigesta, & indiuisa
 reliquerit, legimus enim usque ad Pisistrati Atheniensium Tyranni tempo-
 ra, per uniuersam Græciam Homeri carmina sparsa, atque inordinata fuisse,
 sed deinde Pisistrati iussu fuisse omnia congesta, atque in libros diuisa,
 quibus illi ueteres grammatici literarum nomina indiderunt, quemadmo-
 dum scribit Eustathius, ut primus liber Alpha dicatur, secundus uita, at-
 que ita deinceps usque ad quartam & uigesimam litteram, quot enim apud
 Græcos literę sunt in totidem libros utrumque Homeri opus hoc est Iliada &
 Odyssean diuiserunt. unde sunt etiam qui scribant, Virgiliū si uita super-
 fuisset, in animo fuisse, ut ad Homeri emulationem, quatuor & uiginti li-
 bros conscriberet, quod an uerum sit, alij iudicent, mihi certe non fit ue-
 rissimile, cum uideam id quod de Aeneæ dicendum sibi Poeta susceperat, esse
 perfectum, neque habiturum præterea quid diceret Virgiliū nisi aliud
 opus inchoaret, duodecim igitur tantum hos libros conscribere atque perfi-
 cere decreuerat, Atque hoc quidem de Diuisione. Videamus nunc huius
 operis ad reliqua eiusdem auctoris opera proportionem, qua in re sciendum
 est, tria esse dicendi genera quæ Rhetores nostri figuras, Græci *χαρακτῆρας*
 vocant unum graue quod *ἀσπερον* Græce dicitur, alterum mediocre quod *μέσος*

vocatur tertium extenuatum, quod *λῦσις* atque *ἵκσις* nuncupatur, Graue est, quod constat ex verborum gravium magna & ornata constructione, Mediocre est quod constat, ex humiliore, neque tamen ex infima & peruvulsi-
tissima verborum dignitate. Attenuatum est, quod demissum est usque ad usitatissimam puri consuetudinem sermonis. in his autem omnibus dicendi generibus Virgilius magnopere excelluit, nam in extenuato dicendi genere Bucolica conscripsit, in quibus tantam apud Latinos gloriam adeptus est, ut Theocrito quem imitatus est, non tantum par sed etiam longe superior habeatur. in Mediocris vero genere Georgica composuit, quo quidem nihil perfectius in suo genere reperiri potest, ut etiam multi non tantum Hesiodo proponant, sed etiam ipsum se in eo opere Virgilium superasse fateantur. Denique in gravi dicendi genere scripsit Aeneida quam quidem, morte preoccupatus, emendare atque perficere non potuit, sed tamen nihil gravius, nihil ornatus haberi manifestum est. possunt igitur hæc Virgilij opera inter se comparari, & proportionem coniungi, ut quemadmodum ad Georgica se Bucolica habent, ita etiam ad Aeneidem Georgica se habeant, & contra quemadmodum Aeneis ad Georgica se habet, ita etiam Georgica se habeant ad Bucolica, quo fit ut Aeneis eminentiorem locum teneat, Georgica medium, Bucolica infimum, non aliter atque si quis binarium numerum ad quaternarium comparat, & quaternarium, ad octonarium. sic enim fiet, ut octonarius in eminentiori parte sit quaternarius in media, binarius in infima. dixi de Proportionem sequitur, ut de via doctrinae verba faciam. que quidem non ita exquisita in Poetis inveniri potest quemadmodum ijs in libris, qui didascalici nominantur in quibus alicuius artis præcepta summa diligentia tradantur, sed tamen etiam in Poetis diligens interpretes, pulcherrimam docendi viam servare potest: ut si ea primo, quæ ad vocum proprietates, & locutiones, & quæ tropi dicuntur, & omnino ad Grammatici officium pertinent obseruet, ut fabularum explicationem historiarum enarrationem, earumque qualitate, Poeticas figuras atque locutiones, deinde consideret, ut aliquid sit quod Rhetoricam attingat, ut argumentorum inventionem atque dispositionem, verborum ornatum & splendorem, sententiarum gravitatem, totius orationis exornationes, notabit etiam ea quibus honesti mores componuntur, quæ ad familie custodiam & Reipub. administrationem spectant; postremo siquid erit, quod ad naturalem scientiam faciat, aut ad Mathematicas disciplinas, id accurate atque diligenter explicabit, hæc doctrina via pulcherrima atque utilissima est. quam nos quantum facultas nostra feret, in hoc divino autore interpretando sequemur. superest ut operis nomen videamus, quod ab eo viro, cuius facta & res gestas sibi commemorandas sumpsit, Virgilius deslexit, quis enim non videt, ab Aenæa

ptione illi incolumem conseruatæ, postremo in Italiam ambos nauigasse, Dares Phrygius Polydamanta, Antenorem, Doloneum, & Aeneam proditores fuisse narrat, Liuius autem ideo nequam à Græcis in Antenorem, & Aeneam seruitum fuisse. scribit, non quia proditores fuerint, sed quia uetustis Græcorum hospites essent, & quia pacis reddendæque Helenæ semper antores fuissent. Restat adhuc ut de auctoris nomine nonnulla dicamus, deinde finem huic sermoni nostro imponamus. tria igitur hic auctor noster ex Romana consuetudine nomina sortitus est, quorum primum prænomen appellatur alterum cognomen, tertium agnomen. Publius enim differentia gratia dictus est, hoc autem pronomen antiquissimum sanè fuit apud Romanos, & à plebe deductum est. Nam apud antiquos qui plebem colerent, & obseruarent Publicolas & publicos appellatos legimus. Fuit etiam hoc nomine Mimorum Poeta quidam Iulio Cæsari familiaris, de quo Gellius & Macrobius meminerunt & Plinius lib. 8. cap. 51. Publij (inquit) mimorum Poeta cæna, postquam seruitutem exuerat, nulla memoratur sine abdomine, etiam uocabulo suminis ab eo imposito. cur autem Virgilius appellatus fuit quidam hanc causam afferunt, quod eius mater cum grauida esset se laurcam uirgam parere somnauit, quæ paulo post ita creuerit, ut mirum esset, & uarios flores & fructus afferret, quinetiam cum in fossa quadam puerum enixa foret, ibi populeam uirgam consensisse dicitur, quæ breui tempore in maximam altitudinem creuerit, unde à uirga Virgilius cognominatus est, quod ille calui uersus qui circumfertur indicat: & uates cui uirga dedit memorabile nomen. quæ si uera sententia est, Frustra Politianus in Miscellaneis suis cap. 77. laborat, qui multis rationibus ostendere conatur, non Virgilium per i, sed Vergilium per, e, scribendum esse, qui mihi sanè rectè uidetur à Barptolomeo Scala, & à Volaterrano irrideri. Nam omnino minutor res est, quàm quæ bona diutius ingenia distorquet. si quis tamen Politiani rationes admittere uelit, huic ego sanè non admodum repugnabo, quoniam in antiquis uoluminibus uaria scriptura reperitur, nam modo Virgiliū, modo Vergiliū, interdum etiam Vergillium per duplex Il per scriptum inuenies, quod etiam Christodorus in statuarum ecphrasi notauit. Quinetiam in Cæcily Minutiani Apulei fragmentis quæ leguntur, modo à uirga Virgiliū dictum, modo à Vergilyls stellis Vergiliū obseruauimus. sed hæc quæ parum admodum referunt missa faciamus, Maro dictus est à patre Marone, quem quidam figulum fuisse existimant, quidam agricolam mercenarium, qui postea syluis coemendis, & apibus curandis rem suam familiarem amplificauerit, adeo ut etiam filio suo sumptus ad studia persequenda suppeditare facile posset, sed mihi non est sententia Poetæ uitam recitare, quam & Seruius Grammaticus, seu quisquis ille fuerit, & Petrus Crinitus, & nouissi-

M. AN. MAIORAGII

mè Lilius Gyraldus copiosè narrarunt, neque sanè Poetę laudes persequi animus est, quas certè ingenij mei tenuitas non patitur. cum nemo prorsus tanta præditus eloquentia reperiatur, qui tam egregium authorem dignè celebrare possit. quem Alexander Imperator Poetarum Platonem, ut Lampridius scribit, appellare solitus est, Augustus autem tantopere suspexerit, ut in eius laudem, carmina componere tantus Imperator non indignatus sit, quę quidem ita concluduntur

Immo sit æternum tota resonante camena

Carmen, & in populo Diui sub numine, nomen

Laudetur uigcat, placeat, relegatur, ametur. Adrianus autem Imperator Ennium Virgilio præponere non dubitauit, Quinctiam Caligula nullius iudicij uir, Virgilium damnare & conuicijs incessere solitus est, At uero Græci cum opibus & imperio florent, Virgilium adeo coluere, ut eius opera non semel in suam linguam traduxerint, Christodorus etiam in Ecphrasi sua, hæc de Virgilio carmina edidit:

Καὶ τῶν ἀνθρώπων ἡ ἐνδοξὸς ἑστὶν ἡ μὴ

Πρωτὴν ἐνέεισι Βιργιλίος ὃν ποιεῖ ῥῶμος,

Τυμῖρος ἄλλοι δὲ μὲν ποιεῖ Ἰσραὴλ παῖρες ἡ Χῆ.

Cygnus, & Ausonij diuinum necessest ab ore

Virgilius spargens aderat, quem Martia Roma

Eloquio ipsa suum patrio nutriuit Homerum.

Sed ut planius agnoscatis, quantopere diuini huius Poeta fuerit obseruata doctrina atque eruditio, accipite quos & quales uiros, in Virgilij carmina commentarios edidisse legimus, Nam & C. Iulius Hyginus, & Valerius Probus, & Scaurus & caper & Aemilius, & Asper, & Urbanus, & Aurelius, & Cornutus, & Pius, & Carnimius, & Iunius, & Philargyrius, & Carpinus, & Donatus, & Seruius Honoratus, & Macrobius, in Virgilium commentati sunt, qui uero Virgilium Romę primus publice prelegerit, Quintum Cæcilium Grammaticum Epirotam, Attici Pomponij Libertum fuisse scribit Suetonius Tranquillus, at postea tantopere cultus & obseruatus fuit, ut nullus sit tam infimus literator, quin eam discipulis suis prælegendum censeat, itaq; iam uulgare factum est, neque magnificum admodum habetur Virgilium interpretari, cum tamen tam insignem Poetam intelligere summa sit eruditionis atq; doctrinæ. Nos igitur (ut spero) tantum in lectionibus nostris elaborabimus, ut quicunque me audierint, ipsi per se iudicent, longe maioris esse negotij Virgiliana uirtutes agnoscere, quam uulgares isti literatores existiment.

IN M. TVLLII CICERONIS
de Officijs ad Marcum filium
Libros treis.

P R A E F A T I O IX.



V M anno superiore studiosi Iuvenes Rhetoricorum libros ad Herennium, quae potui diligentia uobis interpretatus fuerim, & quae uel Aristoteles, uel Cicero, uel Quintilianus dicendi praecepta reliquit, quoniam eos mihi auctores proposueram, pro facultate mea declararim, consequens esse uidebatur, ut hoc tempore Ciceronis orationes in quibus quicquid habebat eloquentia, uir ille diuinus ostendit aggredieremur. cum enim in omni doctrina quemadmodum Aristoteles docet duo sint habitus; quorum alter cognitio uel scientia dicitur, alter usus uel experientia; sit ut idem etiam in Rhetorica contingat, cuius ex praeceptis quae traduntur in libris eius nomine inscriptis cognitio percipitur, ex orationibus autem usus intelligitur. Itaque cum à me iam Rhetorum praecepta declarata sint, quaeque ad artis cognitionem pertinent, iure optimo posset aliquis uelutrum usum etiam ex orationibus à me requirere. Sed quoniam meum semper iudicium fuit, artis praecepta parum admodum, aut nihil ei prodesse, cui non uirtutum omnium atque uiciorum cognita sit ratio, quoniam ab his fontibus ferè omnis oratio nostra profluit, statui priusquam orationes aggrediar, opus planè aureum Ciceronis de officijs hoc anno uobis interpretari quo quidem in opere tam aptè, tam distinctè, tam ornate quaecunque sunt in uirtutibus atque uitijs posita declarantur, nihil ut excogitari praeclearius possit. quae si quis diligenter aduertat ac memoriae mandet, ei tantum ad dicendi facultatem utilitatis adferent, ut omnium magistrorum praeceptis anteponi merito possint. cum enim (ut Aristoteli placet) tria Rhetoricae genera sint, quorum unum est in deliberando, alterum in iudicando, tertium in demonstrando, nullum est ex his genus, quod sine officiorum cognitione, digitum (ut aiunt) dicendo progredi possit. quis enim in concione sapienter sententiam dicere rectèque consulere potest, nisi qui plane cognouerit, quae sint amplectenda quaeque sint reiicienda? cum autem tria sint,

que expeti soleant, honestum, utile, iucundum, & tria quæ naturaliter omnes eunt, turpe inutile, molestum, horum omnium ratio, his in libris explicatur, ut non difficile sit, ei qui persuadere aliquid uelit, hinc quasi è penu quodam, quæcunque sint ad persuadendum accommodata promere. Quid in iudicijs cum accusandus est, aut defendendus aliquis, non ne inæqui, & iustitia disputatione tota conjungitur oratio? quoniam ea uirtus omnium est regina uirtutum, & ad omnem ferè actionem necessaria, quam nemo certe melius tractabit, quam qui explicatis totius humanæ uitæ officijs aperte nouit, quid in eis æque, & quid inique fiat: Iam uerò quis claros homines magnifice laudare, quis improbos acriter uituperare potest? nisi qui uirtutum omnium atque uitiorum species diligentissime cognouerit? cum igitur tribus tantum in generibus, deliberandi, iudicandi, Demonstrandi omnis Rhetorica uersetur, atque in his omnibus hæc officiorum cognitio quodammodo regnare uideatur, cui dubium esse potest quin ad eloquentiam comparandam, & ad orationem pleniorē efficiendam hoc opus omnium maxime possit. Quid quod apud Ciceronem Crassus ait, nullum esse oratorem posse, nisi qui eam Philosophia partem, quæ ad uitam & mores pertinent, omnem perdidicerit? omnis enim ferè nostra oratio sit, ex ijs rebus, quæ uel agenda, uel fugiendæ sunt in quibus cum officium omne consilietur necessario sequitur, ut qui officiorum ignarus est, is etiam in dicendo uerum inops & infacundus est, iam igitur profecto uidetis iuuenes, quæ me oratio potissimum in hanc sententiam duxit ut post explicata Rhetoricæ præcepta ad hos de officijs libros interpretandos agrederer: Huc accedit alia multo certè grauior causa, quoniam his in libris tota bene beateque uiuendi ratio continetur, ut Christianam quodammodo religionem uniuersam completi uideantur, quo sit ut nulla prorsus Philosophiæ pars huic anteponi debeat, nulla enim animorum alia medicina reperitur. Quamobrem hæc moralis Philosophia tanto reliquis disciplinis excellentior est, quanto animi corporibus antecellunt, ut eam non immerito Cicero uitæ ducem, & uirtutis indagatricem, expultricemque uitiorum appellarit, cuius præceptis qui parere noluerit, is quasi extra omnem fortunæ aleam positus casus omnes contemnet humanos, magno erit atque constanti animo, nulla egritudine, nulla enim perturbatione monebitur, sed in perpetua mentis tranquillitate, suauiter & iucunde uitamaget, neque enim (ait Epicurus) iucunde uiui potest nisi cum uirtute uiuatur ideo Socrates à quo hæc omnis quæ est de uita atque moribus Philosophia mansiuit. uirtutem ad beate uiuendum solam sufficere prædicabat, solamque hanc Philosophia partem amplexus est, cum enim omnis Philosophandi ratio triplex sit, una de uita & moribus, altera de natura & rebus occultis, tertia de differendo, quid uerum quid falsum

um quid rectum in oratione, prauum ue, quid consentiens, quid repugnans indicando primam, partem hanc bene uiuendi, solam sibi excolendam, atque illustrandam Socrates exilimauit; cetera uero, quod essent obscura, atque ab ipsa natura adeo inuoluta ut causæ prorsus latebant, relinquenda esse censuit, & dictum illud in ore frequenter habuit: τὰ ὑπὲρ ἡμᾶς εἰδὲν πρὸς ἡμᾶς quæ supra nos nihil ad nos, Itaque de natura, atque de rerum causis, in quibus alij ferè omnes multum temporis atque operæ consumebant, nunquam Socrates disputabat, sed ea tantum studiose perquirebat, quæ ad mores honestè conformandos pertinent, celestia autem, uel procul esse à naturæ cognitione censebat, uel si maxime cognita essent, nihil tamen ad bene uiuendum. omnis igitur eius oratio in uirtute laudanda, & in hominibus omnibus ad uirtutis studium cohortandis consumebatur, ut ex Socraticorum libris, maximeque Platonis intelligi potest, Platonis autem auctoritate, qui uariis, & multiplex (ut ait Cicero) & copiosus fuit, una & consentiens duobus uocabulis Philosophiæ forma instituta est, Academicorum & Peripateticorum, qui rebus congruentes nominibus differebant. nam cum Speusippum Sororis filium Plato Philosophiæ quasi heredem reliquisset, duos autem præstantissimos studio atque doctrina Xenocratem Chalcedonium & Aristotelem Stagiritem qui erant cum Aristotele Peripateticidicti sunt, quia disputabant inambulantes in Lycio, illi autem qui Platonis instituto, in Academia quod est alterum Gymnasium cætus erant, & sermones habere soliti, e loci uocabulo nomen habuerunt, florebat autem Athenis eo tempore liberalium omnium artium studia cumque uariæ Philosophantium opiniones essent, factum est, ut in uarias scholas atque sectas, tanquam in familias quasdam Philosophi diuiderentur, hinc à Platonis Academia dicti sunt Academici, ab Aristotelis ambulatione Peripatetici, à Portu illa uaria in qua Zeno docebat Stoici nominati. hinc quod mordaces atque inuerecundi tanquam cæues essent Cynici dicti, quorum princeps & auctor Antisthenes fuit, illustrator Diogenes, Aristippus Cyrenææ sectæ princeps fuit. Arcesilas nonæ Academicæ Phædon Heliacæ, sectæ, Euclides Megaricæ, Menedemus Eretricæ. sed ne singula persequar, nulli erant eo tempore nobiliores Philosophi, qui non Athenas studiorum gratia perficerentur. ideo in ea ciuitate ait Cicero, natam, & altam esse rationem, ad Romanos autem hæc Philosophiæ studia tardissime peruenierunt. nam qui ante Ciceronem aliquid de Philosophia scribere aggressus est nemo sane perhibetur, atas uero illa Ciceronis ingeniorum maxime secunda fuit, ut nullum inueniatur literarum genus, quod eo tempore non magnopere floreret. quin ipse Cicero, cum esset acerrimo uir ingenio. nullam Philosophiæ partem, nullum Philosophorum genus intactum relinquere uoluit. Sed omnes omnium sectarum

M. AN. MAIORAGII

seſtarum opiuioncs deguſtauit, maxime acro omnium Platonem admiratus eſt & ceteris omnibus Philoſophis antepoſuit, atque eius ſcriptis adeo delectatus eſt, ut ſæpiſſime pagellas integras ab eo ſumat, & uerbum uerbo penè reddat. quin etiam totum de uniuerſitate librum ex Timæo Platonis, ad uerbum penè dixerim interpretatus eſt, multosque Dialogos ad Platonis imitationem conſcripſit, Stoicam etiam diſciplinam propter grauitatem (ut arbitror) ſententiarum non mediocriter adamauit. quod cum ex hoc offici-
 orum opere. in quo Panetium Stoicum ſe inuitatum eſſe conſiteretur, tum maxime ex Tuſculanis queſtionibus & Paradoxis intelligi poteſt, ubi totus omnino ſtoicus eſt, in officijs autem quamuis ſe ſtoicos imitari fateatur, tamen quia communis uita præcepta tribuit, non ita (quod aiunt) ad uiuum reſecat, ſatis enim eſt, illi docere qua ratione, quis in omni uita genere, rectè atque honeſte ingerere poſſit. Itaque reſtiſſimè de officijs hoc opus inſcripſit. quamuis hunc titulum Cælius Calcagninus fruſtra uoluerit, improbare qui cenſet longe melius futurum ſi de officio, quam de officijs auctor inſcripſiſſet: ſed eius opinionem, nos iam apertiſſimis argumentis atque rationibus reſutauimus, in eo libro quem contra diſquiſitiones eius ſcripſimus, cum præſertim ipſe Cicero ad Atticum ſcribens epiſtolarum libro ultimo ſic ait. Quod de inſcriptione queris non dubito. quin uerum officium ſit niſi quid tu aliud, ſed inſcriptio plenior de officijs, uidebat enim Cicero fore ut ſi de officio inſcripſiſſet. de una tantum arte, uel de uno tantum hominum genere intelligeretur. ut ſiquis dicat de Imperatoris officio, aut de officio medici, nunc autem cum de officijs inſcripſerit dubitare nemo poteſt, quin cuiuslibet generis hominum, atque omnis ætatis officia complectatur. præterea cum duplex officium ſit perfectum & medium, ſi de officio fuiſſet hoc opus inſcriptum, dubitare quibus poſſet de quo Cicero poſtiſſimum intelligeret, de perfectò, an de medio, an de utroque, nunc autem hac de officijs inſcriptio dubitationem omnem tollit, cum de utroque tractare eum intelligamus. Sed de officijs primum ſcripſiſſe Zenonem Citi cum Diogenes Laertius & Suidas tradunt, poſt quem idem argumentum, alij multi ſunt aggregiſſi nam & Panætius Rhodius Stoicus Philoſophus Africanus Scipionis præceptor de officijs ſcripſit, quem imitatus Cicero præclarum hoc opus edidit, de quo Plinius in præſatione naturalis hiſtoriæ ſic ait: cum Ciceroniana ſimplicitate, qui in libris de Repub. Platonis ſe comitem proſtitetur, in conſolatione filia Crantorem (inquit) ſequor, item Panætium de officijs, quæ uolumina eius ediſcenda, non modo in manibus habenda quotidie noſtri. Scripſit etiam Poſſidonius de officijs quo Philoſopho, quemadmodum Plutarchus ſcribit, Cicero præceptore uſus eſt. Epiſtetus, etiam Stoicus quem Neronis tempore Romæ uiſiſſe legimus, nonnulla de officijs

officijs tractauit, sed apud Latinos sola Ciceronis officia leguntur, quamuis epistolarum libro 15. Seneca scribat, à M. Bruto librum πρὸ τῆς καλῆς τοῦτος fuisse conscriptum, nam Diuus Ambrosius cum de officijs scriberet, nihil aliud egisse mihi uidetur, quam ut praecepta Ciceronis ad christianam religionem traduceret. Satis autem constat post mortem Caesaris, qui tribus & uiginti uulneribus in Senatu fuit à coniuratis confossus, hoc opus à Cicerone conscriptum, uel quod ex eo loco potest intelligi, qui est in primo de officijs; declarat id modo temeritas C. Caesaris qui omnia iura diuina, & humanaperuertit, propter eum quem sibi ipse opinionis errore sinxerat principatum. & in eodem libro alio in loco: quare L. Syllæ, & C. Caesaris pecuniarum tralatio, à iustis dominis ad alienos non debet liberalis uideri, nam eo tempore, cum à forensibus negocijs cessaret, totum se Philosophiæ Cicerone tradidit, multosque libros breui admodum tempore conscripsit, inter quos hoc opus, ad Marcum Ciceronem filium suum composuit. qui eo tempore Athenis ingenuis artibus operam daret sub Cratippo Peripatetico, quem etiam M. Brutus quem post interfectum Caesarem Athenas uenisset audiuisse dicitur. fuit autem Ciceronis filius, quantum ex historijs colligere possumus, patri suo magnopere dissimilis, quamuis primam aetatem uaria traduxerit. quod ipse Cicero multis in locis ostendit. nam ad Atticum scribens libro 10. dolet filium suum indulgentia corruptum his quidem uerbis: O rem miseram nihil enim mihi accidit, in omni uita acerbius, indulgentia uidelicet nostra deprauatus, eo progressus est, quo non audeo dicere, sed postea patris castigationibus emendatus, rescipiscere cepit, & honestatis uiam ingredi, quo factum est, ut eum Brutus uehementer amaret, & exercitum illi crederet, quin etiam antea bello civili, quod inter Caesarem & Pompeium gestum est, quamuis admodum esset adolescens, tamen à Pompeio equitum turmae praefectus fuit, quod secundo de Officijs testatur his uerbis eius pater, tua autem aetas incidit, in id bellum cuius altera pars sceleris nimium habuit, altera felicitatis parum: quo tamen in bello, cum te Pompeius ale alteri praefecisset. magnam laudem & à summo uiro & ab exercitu consequere. equitando, iaculando, omnia militari labore tolerando. dicitur etiam idem Bruti auspicijs, apud Bilidem in Epiro C. Antonium superasse, multaque strenuè gessisse, auctor Plutarchus in M. Bruti uita, fuit postea Consul cum Augusto Caesare, quod Plinius libro 22. cap. 6. his uerbis attestatur: Ipsum Augustum cum M. Cicerone filio. Consulem. Id. Septemb. Senatus obfisional donauit. post gestum autem consulatum Asiam Proconsul administrauit quamuis esset admodum inquinatis moribus, erat enim adeo uino deditus, ut ebrietate saepissime laboraret, & ea de causa memoriam omnem amiserit. nam Plinius libro 14. cap. ultimo scribit hunc binos congios simul baurire.

haurire solitum. Sed nimirum (addit Plinius) hanc gloriam auferre Cicero noluit interfectori patris sui M. Antonio. hac de causa ferunt eum vulgo bicongium fuisse nominatum. quemadmodum etiam Nouellius Torquatus Mediolanensis Tricongius dictus fuit tribus congijs (ut ait Plinius) e potis uno impetu, spectante miraculi gratia, Tiberio Principe. nihil igitur profuit Cicero filio patris sapientia, nihil Philosophia præcepta, quo minus in omne dedecus ac turpitudinem prolaberetur, quod idem ijs accidit omnibus, qui non optimis consilijs aures patefaciunt. Sed ueluti pecora prona, & uentri obedientia, nihil egregium nihil magnificum animo noluunt. nobis autem egregij iuvenes alia mens, alia cogitatio suscipienda est, ut præstantissimorum hominum uestigijs insistentes, patria uestre splendorem & ornamentum, nobis opes & gloriam comparare ualeatis, quod quidem facillime facietis si diligenter hac Ciceronis præcepta, quæ traduntur, hoc in opere memoria mandantes, omni studio atque diligentia perficere, ea contenditis, nihil enim ab eo prætermittitur, quo ad honestatem atque dignitatem aliquo modo pertinere uideatur. cum enim ad bene beateque uiuendum, quicquid honestum est atque utile requiratur, ita distinguit opus suum Cicero, ut primo libro de honestate, eiusque partibus diligentissime uerba faciat omnemque uirtutem quattuor formis contineri doceat, prudentia, iusticia, fortitudine, temperantia, quas uirtutum species, sigillatim ita tractat, ut nihil clarius, nihil splendidius, nihil ornatus tractari possit. Secundo uero libro quæcunque generi humano, possunt aliquam afferre utilitatem studiosè persequitur, quo in libro docet etiam qua ratione, facile possumus, & magnum amicorum numerum, & ingentem nobis gloriam comparare. sed quoniam accidit aliquando, ut quod honestum est, ab utili quodammodo discrepare uideatur, atque idem contra uoluit etiam parti satisfacere Cicero, quare tertium librum duobus adiunxit, quo perspicue declarat, quid nobis faciendum sit, si quando accidit, ut honestas cum utilitate pugnare uideatur; atque ita tribus libris hoc est perfectum atque absolutum numero, totam bene uiuendi rationem complexus, perfectum nobis opus & elegantissimum, tradidit: nihil enim arbitrator hoc in dicendi genere æquabili atque temperato fieri potius & elegantius posse. Quare non tantum hos libros legere, sed etiam (ut Plinius præcipit) ediscere ad uerbum, & memoria mandare debemus.

185
IN M. TVLLII CICERONIS DE
Oratore ad Quintum Fratrem
Libros treis.

P R A E F A T I O X.



LUSCINIAM Auditores unam ex aëribus, maxime solent ij qui naturas animalium scribunt, admirari, quod in tam paruo corpusculo, tam clara, tam suavis, tam magna, tam incun-
da vox inueniatur, quod uerno tempore, cum frondescere arbores incipiunt, quindecim diebus, ac noctibus perpetuis, sine ulla penitus intermissione canere soleat; unde enim in auicula tam pertinax spiritus? unde uis illa continenda anime in canendo tanta? ut una continuatione cantionis. binæ contentiones uocis & remissiones contineantur? unde tam artificiosa tamque perfecta Musica scientia? tam ingeniosa modulatio? tam gratus auribus sonus? quā modo in longum continuo spiritu trahatur, modo summa quadam cum varietate flectatur, nunc concisa uoce distinguatur, nunc in tota copuletur? quid cum iterum uocem renocat, & integra comprehensione cantum edit? quid cum modulos nec opinato de repenteque commutat? quid cum ipsa secum iucunde tacita? murmurat? nulla mehercle tam abstrusa, tam difficilis, tam uaria cantio est, quam non exprimat una luscinia plenam, grauem, acutam, crebram, extentam summam, median, imam. Quid plura? tam paruulis in faucibus omnia quæ tanto labore, tanta industria tanto studio, tot inuentis instrumentis, genera cantionum, ars hominum excogitauit, integra atque perfecta reperiuntur. Est ne huic auicule perquam similis, in dissimili genere Cicero noster Auditores? est profecto: nam in hoc uno tam perfecta, atque absoluta prorsus omnis dicendi ratio, ut in suo genere non minori sit admirationi, atque haud scio an etiam maiori, quam Luscinia, qui dono quodam (ut ait Fabius) prouidentia genitus est, in quotas uires suas eloquentia experiretur, clarus, suavis, iucundus, gravis, qui diuina ingenij felicitate, quicquid in omnibus alijs auctoribus admirabile, politum, ingeniosum, eximium reperitur, id suis in operibus totum effluxit, in hoc uno uis Demosthenis, copia Platonis, iucunditas Isocratis

M. AN. MAIORAGII

*universa continetur. Quis enim hoc in probando subtilior? in delectando
 imperator? in sceltendo uehementior? Quis cum opus est submissum il-
 lud & humile, consuetudinem ueritatis, dicendi genus melius & acutius exe-
 quitur? Quis insigne & florens orationis pictum & expolitum genus illud,
 in quo omnes uerborum, omnes sententiarum illigantur lepores, quod qua-
 si stellæ quædam translata uerba, atque immutata plurimum illigant, dul-
 cius tractat, aut suauius? Quis in illo sublimi dicendi genere splendidior?
 grauior, copiosior, ornator? Iam uero cum duo sint quæ bene tractata ab
 Oratore admirabilem eloquentiam faciant, quorum alterum est, quod Græci
 ὑπερβαίνοντες, uocant, ad naturam & ad mores, & ad omnem uitæ consuetudi-
 nem accommodatum, alterum quod ὑπερβαίνοντες nominant, quo pertur-
 bantur animi & concitantur, in quo uno regnat Oratio, illud superius co-
 me, iucundum ad beneuolentiam comparandam paratum. hoc uehemens in
 censum, incitatum, quo causæ eripiuntur, quod cum raptim fertur sustine-
 ri nullo pacto potest, in utroque certe genere plurimum excellit Cicero, sed
 posteriori tanto semper impetu usus est, ut saepe aduersarios de statu omni de-
 rexit, huic pro familiari reo, summus Orator non respondit Hortensius,
 ab hoc homo audacissimus Catilina in Senatu accusatus obmutuit; huic pri-
 uata in causa magna & graui cum cepisset Curio pater respondere subito as-
 sedit, cum sibi uenenis ereptam memoriam diceret. Quid de miserationi-
 bus dicam? quibus adeo uehementer uti solebat, ut scipissime totum forum
 eo dicente quæstibus & lamentationibus implectur, ut etiam si plures Ora-
 tores unâ dicerent, Ciceroni tamen omnes perorationem relinquerent: in
 qua tantum exercebat, ut ab hominibus suæ ætatis regnare in iudicijs dictus
 sit. hic igitur tam eximius, tam præstans, tam diuinus Orator non conten-
 tus ea quam ipse magnis laboribus & uigilijs consecutus erat eloquentia, uo-
 luit etiam more Luscinie, ne ab huius auis exemplo discedam, pullos suos iu-
 cundissimis & suauissimis cantionibus erudire. tradunt enim hanc auiculam
 non rē de suis filijs esse sollicitam, ut recte modulateque canere discant, atque
 ideo iuniores ex parentum institutione, magistras summa cum attentione so-
 lent audire. uersusque quos imitentur accipere. quos deinde magna cum di-
 ligentia recitent, quadam enim uiciisitudine quo melius atque facilius di-
 scant, modo canentes parentes audiunt, modo quæ diligenter audire se-
 omnipse meditantur, & attentiore cura promere contendunt. Itaque fit,
 ut si quæ paruule capiantur, cum nondum canere didicerint, atque inter ho-
 mines aluntur longè deterius canent. quoniam ante legitimum tempus à
 magistris subdultæ fuerint. Quid ergo? non ne eadem ratione Cicero car-
 tus nostros, id est orationem quæ si polita atque ornata fuerit, omnem can-
 tionem dulcedine superat, præceptis & institutionibus Rhetoricis expolire
 atque*

et quæ exornare contendit? qui cum multa iuuenis adhuc ac penè adolescens de arte dicendi præcepta tradidisset, postea cum per multos annos in causis cuiusque generis versatus, tantum honoris ac dignitatis esset assecutus, ut Cicero non iam hominis sed eloquentiæ nomen haberetur, uoluit aliquod opus elegantius, atque admirabilius extare; quo & uariam & mirificam in omni genere doctrinam suam ostenderet, & ad certam dicendi rationem, atque ad summum eloquentiæ fastigium uiam præmoniret. Quamobrem hos de Oratore libros ad Quintum fratrem conscripsit, in quibus quicquid erat eloquentiæ, quicquid ingenij, quicquid artis, quicquid eruditionis expressit. ut nullum unquam neque apud Græcos neque apud Latinos hoc in genere præstantius opus fuerit, aut esse possit. Mira profecto res est si quis diligenter aduectat, ab uno aliquo mortali homine, tam uarium, tam elaboratum, tot disciplinis, tot reconditis rebus, & quæstionibus refertum opus excogitari potuisse, cum præsertim tot negotijs publicis tot occupationibus, tot impedimentis semper Cicero distractus fuerit. quin adeo diligens atque industrius in hoc opere fuit, ut personas quas loquentes inducit ita representet, ut non auctorem operis sed ipsas personas loqui existimes. Quid enim Scenola gravitate dignius? Crassi uerbositate floridius? Antonij subtilitate præsius? Equidem ita censeo Auditores si quis hos tres de Oratore libros bene perceperit, etiam si nihil aliud prorsus intelligeret, eum doctè graviter & ornate posse dicere. Quid enim est in ullo doctrinæ genere tam abstrusum, tam reconditum, tam nouum, cuius non aliqua sint in hoc opere, non sanè leuiter expressa uestigia? querantur omnia, cum Græcorum, cum Latinorum dicendi præcepta, atque in unum conferantur, certè cum hoc uino opere, neque orationis gravitate, neque uarietate rerum, neque elegantia sermonis, neque alia quauis laude comparari merito poterunt. quo fit ut hos ego non libros, sed rerum omnium pulcherrimarum Thesaurus appellare soeam, quoniam in eis inuenio tanquam reposita scientiarum omnium ornamenta maxima, neque tamen ideo quamuis eruditionis plenis sint uetus est in eis incunditatis, rerum enim uarietas eiusmodi est, ut nostros animos oblectare maximè possit, cum tam magnificè, tam egregiè suis laudibus orator nestliatur. tam grauitè & ornate quid ualeat Oratoria facultas explicetur, suauissimum certè est, uidere quid oratori natura, quid studium, quid exercitatio conferat, cur eum historia, cur poësis, cur Philosophia, cur ius civile plurimum adiunget? quam latè dicendi materia pateat quæ sint oratori propositæ quæstiones, quæ sit docendi ratio, quæ delectandi, quæ monendi. quo modo fieri possit, ut sermo facetus, ac nulla in re rudis appareat. qui sint affectus orationis initio tentandi, qui perorata causa concludendi, ex quibus locis, ad faciendam fidem argumenta sumenda

sunt, quibus quasi luminibus tota illustretur oratio, totaque dilucida, probabilis, aperta, suavis, efficiantur hæc ea sunt quibus aliter adolescentia, quæ diligenter audire, meditari, memoria mandare Iuvenes debent, in quibus continenter exerceri, dies noctesque uersari, atque insudare pulcherrimum est hac in parte maxime nobis imitanda Luscinae sunt, quæ cantionum dulcedinem & harmonia suauitatem, quam in uoce parentum audiunt, omni studio referre contendunt, unus est eloquentiæ parens Cicero, cuius oratio quoniam melle dulcior est, sapientissimis sententijs grauibisque uerbis ornata & perpolita, quæ merito flexanina atque regina rerum dici potest, ita de horridis rebus nitida, de ieiunijs plena, de peruulgatis noua uideri solet, grauis, erudita, liberalis admirabilis. unus est à nobis hic auctor imitandus, unus suscipiendus, unus semper in manibus habendus, huius sententias, huius uerba, huius numeros omni cura, studio, diligentia persequi debemus, qui distinctè, qui explicatè, qui abundanter, qui illuminatè, & rebus, & uerbis dicit, & in ipsa oratione quasi quendam numerum, uersionemque conficit. hunc si aliquo modo sectari, atque adumbrare cupimus, quoniam æquare, non modo quisquam potest, sed ne spectare quidem debet uerborum in primis delectus habendus est. quod eloquentiæ principium esse Cæsar discitabat, ut nullam penitus dictionem, nullam uocem admittamus, quæ non elegans. Latina Ciceronianæ esse uideatur, deinde compositionis ratio diligens adhibenda est, ut neque asperos habeat concursus, neque disinctos atque biantes, tum rerum ordinem, & argumentorum collocationem, atque probabilitatem aduertere, diligenterque imitari oportet. Postremo sententiarum & uerborum lumina, quas uel figuras, uel exornationes appellamus, summa cum industria persequenda sunt, quibus quia tam frequenter utitur Cicero, sunt qui putent eius eloquentiam uel hac una de causa summo opere esse laudandam, sed hæc non nisi acri studio, magna diligentia, summo labore, longa exercitatione percipi possunt. Itaque non mirum est si tam rari sunt ij, qui Ciceronianam dicendi maiestatem, & eloquentiæ uirtutes expriment, quoniam plerique uel imitandi rationem ignorant, uel laborem omnino refugium, in hac enim parte plurimi decipiuntur, qui cum aliquas ex Cicerone clausulas excerpserint, atque in suis scriptis collocarint, se germanos, atque ueros Ciceronis imitatores arbitrantur; cum imitatio uera non in uerbis tantum, sed in rebus magis, atque ordine consistet, neque quisquam rectè Ciceronem imitari possit, nisi, qui studiis istis quibus ille utebatur, se totum tradiderit; ut non tantum uerba quod plerique faciunt, sed etiam sensus, & uirtutes, quod pauci facere possunt, intellegat. habet enim hoc proprium & quasi peculiare Cicero, ut longè grauius

res & reconditiores plerunque sententias in se habeat, quam prima fronte præferre uideatur. ut non sine causa Quintilianus dixerit: ille se profecisse sciat, cui Cicero nalde placebit. Quod si usquam Cicero doctrinam summam atque eruditionem ostendit, in his certe libris, tam multa recondita sunt, & ex intimis disciplinis decerta, atque delibata, ut nihil doctius aut eruditius excogitari possit, quæ non nisi magno studio, diligentique consideratione possunt intelligi. Quare mihi uestra opus erit attentione Auditores, dum has Latine lingue diuitias, hos eloquentiæ fontes, hos rerum præciosissimarum Thesauros interpretatione mea uobis aperio, quos si degustare semel caperitis, non tantum summam ex eis utilitatem, sed etiam tam incredibilem iucunditatem percipietis, ut nihil vos aliud magis delectare possit, sed iam Ciceronem ipsum audiamus.



IN M. TVLLII CICERONIS
Oratorem ad M. Brutum.

PRAEFATIO XI.



*V*M multa sint Auditores in hac tam illustri Mū-
di Machina tamque immensa rerum uniuersitate,
totiusque celi ambitu, non mediocri digna admi-
ratione, tam in primis humani animi natura mi-
hi diligentius omnia perpendenti, talis esse uide-
tur, ut cā prater cetera quāuis summe admirari,
atque suspicere debeat: ut enim hoc loco prater-
mittam, ex tot animantium generibus, solum
hominem rationis esse participem; per quam (ut
ait Cicero) consequentiā cernat, principia, & rerum causas uideat, ea-
rumque progressus & quasi antecessiones non ignoret, similitudines compa-
ret, rebusque presentibus adiungat, atque annectat futuras, facillē totius
uitae cursum uideat, ad eamque degendam praearet, res necessarias, ut
nihil dicam de tam multiplici scientiarum uarietate, quae uel ad orationem
aptē distinet, politaeque conformandam, uel ad uitam & mores honeste at-
que liberaliter instituentos, uel denique rerum occultarum, & ab ipsa natu-
ra inuolutarum cognitionem pertinet, in quibus tanquam in Campo quo-
dam Martio se exercens, optimi cuiusque mens & cogitatio mirum dictu
quantopere illustretur, & excellat, ut tot & tam uaria instrumentorum,
operum, artium, genera taceam, quae singula si quis paulo accuratius consi-
derare uoluerit, non dubium est, quin obsuiescat, ut haec (inquam) & ce-
tera penē infinita, quae magnam animaduerti facillē possint admirationē
concitare hoc tempore non commemorem: nihil enim est arte, aut manu fa-
ctum quod animus noster excogitando non inuenerit, quid admirabilius dici
aut cogitari potest, quam quod ea uis est animi nostri, nullis ut certis finibus
aut terminis claudi circumscribiue possit, sed omnem infinitatem peregrine-
tur, & nullo certo unquam tempore, aut loco conquiescat, unde eius origo
merito diuina creditur, quia motu cietur interiore, & suo, & niger, & sen-
tit, & meminit, & praeuidet, in infinitum, nam si longhissimē uoluerimus
respicere spacium, praeeriti temporis & hominum memoriam recordari ultri-
mam, tamen ultra etiam animus progredietur, atque illa secula ipse secum
meditabitur, quibus (ut ait Ouidius).

*V*nus erat toto natura uultus in orbe.

Quem

Quem dixere chaos. rudis indigestaque moles. & quibus

Nullus adhuc Mundo præbebat lumina Titan.

Nec noua crescendo reparabat cornua Phœbe.

Et deniq; quibus nihil adhuc esset, conditum, aut creatum, aut id quod beatum est, & æternum sua tantum beatitudine contentum sine ulla societate, uel hominum, uel Deorum uigebat, in quo tamen nullam principium cogitando reperiet. Quid si contra faturi temporis finem aliquem querere cogitatione tentauerimus; id nullo modo patietur animus noster, qui semper ultra tendere paratus est. ut enim uera sit Stoicorum sententia quam etiam Theologi nostri sequuntur, fore aliquando ut totus hic mundus ardore deflagret; tamen etiam ultra deflagrationem illam cogitationem suam extendit animus, & sempiternis seculorum ætatibus, in cælo summa felicitate, se fruiturum confidit. Quid quod etiam supra rotundam illam cæli conuersionem nostra mens euolat? & immensum quoddam spacium ibi consingit, in quo nullus omnino sit finis, aut terminus? Quid quod uniuersas mundi partes momento temporis peragere facillime potest? nulla est enim) ut ait Cicero) tanta celeritas, quæ possit cum animi celeritate contendere, ut longè præstantior sit animus noster, quæ uel Luna, uel Sol, uel Stellæ, uel deniq; calum uniuersam, quod non nisi certo tempore cursum suum conficere potest, cum interim animus, ad totius cælestis spacij peragrationem tempore, non indigeat, sed eam momento conficiat. Huc accedit illa animi maxime celebranda nobilitas, quod rerum omnium imagines atq; formas in se continet, ut hac in re menti illi diuinæ, quam nostri Dei filium appellant, quam simillimus esse uideatur, sicuti enim in mente illa diuina, non aliter atque in ætérnissimo quodam horro, perfectissime rerum omnium idææ confixæ dicuntur, unde uim habeant, uniuersa, quæ in cælo, quæ in mari, quæ in terra gignuntur, ita in animo nostro sunt impressæ, atque insignatæ ab ipsa natura rerum ferè omnium notiones, sine quibus nihil omnino intelligere possemus, uerum ita Deorum providentia conformatissimus, ut nihil sit ex omnibus rebus, quod nobis animus noster non facile representare possit, quoties enim uolumus, uel amici nostri speciem, uel equi, uel canis, uel uillæ, uel ciuitatis, uel cuiuslibet denique rei, animo cernimus, imò uerò noua etiam, & quæ nunquam in rerum natura fuerunt, fingere, cogitatione possumus, ut montes aureos, adamantinam ciuitatem, uolantes hominum legiones. Quid illud, quanti tandem faciendum est, quod omnibus. quandam quasi perfectionem addit animus noster, neque enim res tam pulchra, uel tam absoluta esse potest, qua non pulchriorem, aut absolutiorem cogitare possumus. Sunt enim animi nostri (quemadmodum Platonicis censuere, propriæ rerum omnium rationes, seu definitiones, quoniam generalia tantum, quæ non sensibus sub-

iecta

vet, tamen inductus amore Bruti, quem unice diligebat opus hoc, & doctissimum, & elegantissimum conscripsit, in quo singulas eloquentiæ partes, & dicendi genera ita studiose persequitur, ut nihil enucleatius fieri possit, perfectam uero eum appellari posse ait: qui & familiariter, & magna grauitate, & mediocriter temperate potest dicere, atque ornare, quæ vult omnesque omnium rerum, quæ ad dicendum pertinent, fontes animo, ac memoria continet atque hæc quidem, ea est perfecti oratoris species, ut in opere Cicero describit. Et quamuis post homines natos nullus unquam talis extiterit, neque postea futurus sit, tamen in animo nostro insidet eximia hæc eloquentiæ species, cuius ut cuiusque est ingenium, alius aliam partem arripit, nemo autem unus totam assequitur. nam ut ab Heroicis usque temporibus exordiar, & breuiter aliquos eorum commemorem qui in eloquentia floruerunt, tres potissimum ab Homero poetarum Principe, viros tanquam eloquentes inuenio celebratos fuisse: Menelaum, Nestorem, & Ulysses, quorum tamen nulli perfectam tribuit eloquentiam, nam alium in alia re floruisse ostendit, subtilem enim, & breuem, cum animi iucunditate, & propriam, & carentem superuacancis eloquentiam Menelao dedit. παῦρα μὲν ἀλλὰ μάλα λυγρὸς ἐπὶ τῷ πολυμνίῳ. Nestori temperatum orationis genus, & iucunditatem ea: attribuit, qua nulla fingi maior potest, nam ab eius ore melle dulciorem fluere dixit orationem. ἴσ' ἢ ἀπὸ γλυκύος μέλιτος γλυκύωρ εἶναι τὰ δὲ. In Ulyssæ sublimi dicendi genere, & summam vim esse uoluit, nam eius orationem similem niuibz hybernis esse dixit, hoc est (ut Plinius interpretatur) crebram, assiduam, & largam postremo diuinam & caelestem: ἢ ἔπεια ριψιδέσων ἰσότηα χαμπεύσων. subsequenti uero tempore tradunt Periclem Atheniensium Principem in sublimi dicendi genere longè prioribus omnibus præstitisse, adeo ut etiam, si inuitis Atheniensibus, uerba facere inciperet, tamen eius omnibus mirè grata esset oratio, de quo sic Eupolis scriptum reliquit. πρὸς δὲ γὰρ τοῦτο ταχὺ ἐπαχύνει ἰπικάζουται τοῖς χυλαῖς, οὐτὼς ἐκὼς καὶ μέγας τῶν ἱππορῶν κέντρον ἡγεμῶν ἐστὶν τῶν ἀκροαμένων. Aristophanes uero uim eiusdem Periclis fulminibus comparat ἔτραπ' ἐβρόντα βυβίκενα τὴν ἰλλὰ δα. Iam uero tota florente Græcia, cum iam eloquentia summum ad culmen peruenisse uideretur, nemo tamen inuentus est, qui unus omnia præstare posset. hinc est quod dispartita fuerint. oratorum laudes, & alius alia in re commendatus, nam grauitas, & uis Demosthenis celebratur, iucunditas Isocratis, subtilitas Lysie, Somus Aeschinis, acumen Hyperidis, copia Phatonis, apud Romanos etiam à Quintiliano celebratam inuenio uim Cæsaris, indolem Calui subtilitatem Calidij, grauitatem Bruti, acumen Sulpitij, acerbiteratem Cassij, diligentiam Pollionis, dignitatem Messallæ, sanctitatem Calui, copiam Senecæ, uires Africani, matu-

ritatem Afri, incunditatem Crispi, Sonum Thracali, elegantiam Secundæ
 uerum cum nemo possit (ut iam ante diximus) uirtutes omnes oratorias af-
 sequi, tanto laudabilior quisque est, quanto plures assecutus fuerit. hinc
 in libro de claris Oratoribus, à Cicero prope iam perfectus orator Demo-
 sthenes appellatur, quod nihil acutè inueniri potuerit. in eis causis quas scri-
 psit, nihil subdole, nihil uersute, quod ille non uiderit, nihil subtiliter dici,
 nihil presse, nihil enucleatè, quo fieri possit aliquid limatius, nihil contra
 grande, nihil incitatum, nihil ornatum, uel uerborum grauitate, uel sen-
 tentiarum, quo quicquam esset elatius. Sed tamen etiam huic ad perfe-
 ctam illam oratoris speciem, multa defuerunt, nam & ab Aeschine exa-
 gitatus fuit, ut putidus, & in hoc opere Cicero ita de eo loquitur: usque eo
 difficiles ac morosi sumus, ut nobis non satisfaciat ipse Demosthenes, qui
 quanquam unus eminet inter omnes, in omni genere dicendi tamen non
 semper implet aures meas, ita sunt, auidè & capaces, & semper aliquid im-
 mensum, infinitumque desiderant. At Cicero nosler (ut ait Quintilianus)
 cum se totum ad imitationem Græcorum contulisset, effinxit uim Demosthe-
 nis, copiam Platonis, incunditatem Isocratis, ut dono quodam providentiæ
 genitus esse uideatur, in quo totas uires suas eloquentia, experiretur, quod
 licet ita esse mihi persuasum sit, tamen etiam hunc suorum homines tempo-
 rum incesse audebant, ut tumidiorem, & Asianum, & redundantem,
 & in repetitionibus nimium, & in salibus aliquando frigidum, & in com-
 positione fractum, exultantem ac penè uiro molliorem. unde uerissimum il-
 lud M. Antonij uidetur, nix Deo concessum esse, ut omnes dicendi uirtutes,
 & perfectam eloquentiam habeat. sed tamen ea est huius summa uirtutis
 excellentia, ut quæuis etiam minima pars eloquentiæ plurimum prodesse pos-
 sit, itaque pro se quisque literarum amantiſſimus eniti debet, ut hoc bono,
 quo nullum optabilius nullum præstantius, neque datum est mortalium gene-
 ri, Deorum concessu, atque munere, neque dabitur quam ornatissimus esse
 uideatur. quod ita facillimè faciet, si Ciceronis opera quidem omnia, sed ea
 præcipuè quibus Rhetorum mysteria patefecit accuratissimè studiosissimèq;
 præligerit. quo in numero librum hunc, & primo quidem in loco ponendum
 censeo, qui licet aliquam in se difficultatem atque obscuritatem habeat, ta-
 men hoc utilitate maxima, quæ ex eius intelligentia nascitur, compensari
 potest. mitto enim hoc loco latinum orationis splendorem, qui maximè lu-
 cet hoc in opere, uerborum & sententiarum ornamenta plurima cuiusque
 generis dicendi lumina, reconditam multarum rerum eruditionem, quid uti-
 lius esse potest, ei qui latinè, aliquid uel scribere, uel pronunciare uelit, quæ
 scire quomodo quidque dicendum sit? quo dicendi genere, quauis in causa
 sit utendum? quæ sit forma optimi quod & per se Græcè dicitur? quid porro
 præ-

præstabilis, quam numeros, & quasi pedes orationis intelligeres? quod unum
maximè solet, imperitum oratorem, à perito distinguere. atque hac omnia
tam ingeniosè, tam acutè traduntur hoc in opere, ut qui ea rectè percipere
potest, nullum alium auctorem desideret, neque quenquam uestrum operis
obscuritas perterrefaciat. nam ita nos interpretatione nostra singula illustra-
re statuimus, ut etiam artis oratoriae penitus rudes, si diligenter animum ad-
uertere uoluerint, plurimum se arbitrentur adeptos, & ad dicendum, & ad
intelligendum, ego igitur quantum facultas mea tulerit, communi omnium
uestrum utilitati inservire studebo atque unicuique dictum illud *Aenae*
Virgiliani succinam:

Disce puer uirtutem ex me uerumque laborem.

Fortunam ex alijs. Vos (ut ingenuos decet adolescentes) dis-
scendi cupiditate affecti hunc in locum magna cum
modestia. uenire, & quae declarabun-
tur à nobis, diligenter au-
dire, atque
memorie mandare
debetis.



IN M. TVLLII CICERONIS Topica ad C. Trebatium.

P R A E F A T I O XII.



SENTENTIA medicorum est egregij iuue-
nes, cibi ac potionis mutationem plerunque
valetudini & corporum constitutioni mirifi-
cè conducere: sic Antonius Musa teste Sue-
tonio celeberrimus Medicus, cum Augusti
Caesaris morbum quendam penè iam inuetera-
tum nullo modo calidis unquam pharmacis de-
pellere potuisset, ad frigida conuersus eum
breui tempore liberauit. Sic etiam rationis
expertia quædam animalia ciborum mutatione resciantur; Cerui serpen-
tium cibatu quamuis sint antiquissimi tamen quodammodo iuuentutem re-
parare & corroborari dicuntur: uidimus ab equisonibus, interdum equos,
cum agrotarent, intybo siue cicoreo pasci; obseruauimus etiam canes & se-
les nonnunquam herbas arrodere; adeo non conducit, idem semper cibis sed
potius nauseam creat, & etiam cranbe repetita, prouerbio iactetur, &
Æsopica lingue. Sed quorsum hæc (inquiet aliquis) ut intelligatis me non
sine causa lectionem Virgilianam, quæ solebat anno superiore uobis esse tan-
quam cibus animi quotidianus, in Ciceronis Topica commutare statuisse,
ex quibus tamen nisi uestra peregrinata fuerint aures, non minorem atque
baud scio, an etiam maiorem, quam ex Virgily lectione sitis utilitatem
reportaturi. At fortasse queretis, quæ tam grauis ac uehemens causa me
ab instituto meo remouerit: dicam apertè & ingenuè suauissimi iuuenes, ut
& uos, & natura mea postulat; cum omne meum studium, omnis Labor,
omnis cogitatio, non alio dirigatur, quam, ut uobis, qui mihi luce pro-
pria clarior es, quam plurimum prodesse possim; intellexi, qui literis
inter uos operam impendunt duo præcipue studia sequi solere; hoc est aut in-
ris ciuilis, aut medicine: neque professionem ullam his duabus, apud uos
haberi liberaliorem, aut nobiliorem. Itaque secundum eo cepi cogitatio-
nem intendere, quomodo fieri posset, ut utrisque his studijs lectiones meæ
conducerent: sed cum ad omnem Philosophiam, quæ serè medicina suppo-
nitur, organum esse & quasi clauem Dialecticam intelligerem, iuris uerò
ciuilis magnam & aniplam partem (teste Cicrone) artificiosam esse eloquen-
tiam; quam Rhetoricam uocant, uidebam planè non potuisse, & medicis, &
iurisper-

inrisperitis futuris, me opitulari, nisi & Dialecticam, & Rhetoricam docuisssem, Quod cum commode non posset eodem à me tempore præstare, subiit hoc mihi salubre consilium, ut Topica Ciceronis interpretarer, quæ sedes argumentorum omnium aperiunt, siue quis in Rhetoricis, siue in Dialecticis exerceri uelit, quæ scientia quam utilis sit & necessaria, nemo facile dixerit. nemo enim fieri potest, ut qui sit huius artis imperitus, aut rationes suas dicendo comprobet, aut aduersariorum argumenta refellat, fundet quidem uerba locorum ignarus, & quasi incertis sedibus, huc & illuc sine ullo ordine uagabitur, sed nihil aptè, nihil distinctè nihil ornate dicet. & quod caput est, languida erit & enervata eius oratio: hæc ars locos docet, quasi nidulos argumentorum ad quos sine ullo errore peruenire possumus, & ex eis ueluti thesauris quibusdam ad omnem orationem uel approbandam, uel reprehendendam argumenta ducere, & quemadmodum auciceps, aut uenator, nisi locum notauerit, ubi uolucres, aut fera nidos ac la tibus construxere, totum plerumque diem uenando frustra conterit, & domum uacuis reuertitur: ita qui rationem inueniendi non didicerit, ea quibus proposita res, uel confirmari, uel infirmari possit, sapenumero diu laborans discruciat, & nihil tamen appositè dicere aut scribere potest. Quod si quis præclarum, & utile putat esse posse dicendo facile probare quæ dicat, quod quis non putat? idem etiam artem, quæ id præstat, præclaram & utilem existimare debet. prædicant omnes eloquentiam, & merito diuini extolunt laudibus; Sed omnino sine argumentorum inuentione, nulla esset eloquentia. Quis non Dialecticam artem esse nobilissimam & utilissimam iudicat? attamen quid sine Topicis esset Dialectica? ergo cum in hac arte summa sit utilitas (ut etiam ipse fatetur Cicero) ne uos pigreat excelsi animi iuuenes, eam omni studio completi, erunt quidem in hoc opere multa difficilia, sed nihil est eximium, quod non idem sit etiam difficile, in hoc ab ignauis studiosi dignoscuntur, cum nullo labore, nulla difficultate perterrentur, sed quicquid utile atque gloriosum esse intelligunt, id audenti ac magno animo non uerentur aggredi. Nam quemadmodum inter feras Leones principatum obtinent, non quia sint omnium fortissimi, sunt enim animalia quedam eis multo fortiora, sed quia animi magnitudine maximè præstant. sic inter homines, qui sunt excellentissimi, qui gloriosa facinora forti animo magnoque obeunt. sunt autem quidam angusti, tamque pusilli animi, qui librorum tantum inscriptione terreantur, qui cum audierint scientiam aliquam esse difficilem ab ea statim submouentur. sunt alij qui nullam doctrinam approbent, nisi quam ad se pertinere opinantur, reliquas omnes tanquam inutiles spernant; horum neutri magnam unquam gloriam assequuntur. eum enim oportet hominem, qui magnum ex litteris nomen aliquando reportare studet, qui cupit

M. A. A. MAIORAGII

amēnissima musarum uireta, peruestigare, qui nihil iucundius, quam multa scire intelligit, acrem primo animum & excelsum habere deinde nihil à se alienum putare, quod ad scientiam aliquo modo pertineat: sed cum omnes scientiæ liberales, plurimum utilitatis habeant, tum (meo quidem iudicio) nulla sunt utiliores quam illa quas Græci Logicas quidem ex nostris rationes appellant; cum enim soli omnium animantium homini, ut rationis doctrinæque capaci, parens ille, & autor rerum Deus loquendi atque orationis indulserit munus, & (ut ait Cicero) hoc uno præstemus uel maxime feris, quod colloquimur inter nos, & quod exprimere dicendo sensa possumus, iure ac merito scientiæ quæ nos instruunt, ut quo uno homines maxime beatijs præsent, in hoc hominibus ipsis antecellamus, reliquis omnibus scientijs præstantiores haberi debent. inter has autem scientias ars inueniendi quæ Topica dicitur, sicut ordine naturæ prima est, ita etiam omnium utilissima. Quamobrem quis hanc non iurè miretur, summeque in ea laborandum esse arbitretur, ut eam artem perdiscat. quæ reliquis omnibus antecellit, nulla igitur difficultas, nullus labor, ab ea uos retrahat inuenies, cum tam utilem & præclaram esse intelligatis. Neque uos moueant quorundam imperitorum uerba, qui quoniam diuinam Ciceronis scientiam & eloquentiam nullo modo gustare possunt, impura lingua sua & sordibus illis uerborum inquinata, non desunt omnis leporis & elegantie fontem maledicendo conturbare, & omnis Dialecticæ, atque Philosophiæ ignarum fuisse Ciceronem clamitare. Sed uiuant in eloacis cum Barbaria sua quicunque sunt eiusmodi uersentur in uolutabris, & ceno tanquam sues, qui cum è limpidis fontibus aquam haurire commode possint, malunt è lacunis & sterquilinijs bibere, nos probatos tantum autores, atque in primis Ciceronem amplectamur, hunc amemus, hunc ad uerbum ediscamus, hunc nunquam de manibus deponamus. hic unus est qui nobis ueram eloquentiam & latini sermonis puritatem præstare possit: sed ut magis nos etiam ad amandum Ciceronem concitem: ex decimo institutionum Oratoriarum Quintiliani uerba de Ciceronis laudibus recitabo. Quanquam me non latet uos & Ciceronem mirandam in modum amplecti, & Quintiliani præconium alijs aut audiuisse, aut legisse, nihil tamen prohibet iuxta prouerbum, bis & ter quod pulchrum est recensere. Sic igitur ille. nam mihi uidetur M. Tullius cum se totum ad imitationem Gregoriorum contulisset, effuxisse uim Demosthenis, copiam Platonis iucunditatem Isocratis. Nec uero quod in quoque optimus fuit studio consecutus est tantum, sed plurimas uel potius omnes ex seipso uirtutes extulit, immortalis ingenij, beatissima ubertate, non enim pluuia (ut ait Pindarus) aquas colligit, sed uiuo gurgite exundat. dono quodam providentiæ genitus, in quo totas uires suas eloquentia experiretur. Nam quis docere diligenter,

ius, mouere uehementius potest? cui tanta unquam iucunditas affuit, ut ipsa illa, quæ extorquet impetrare eum credas, & cum transversum ui sua indicem ferat, tamen ille non rapi uideatur, sed sequi. Iam in omnibus quæ dicit tanta autoritas inest, ut dissentire pudeat, nec aduocati studiosius estis, aut iudicis asserat. Tum interim & illa, quæ nihil auditu pulchrius est, oratio, præ se fert tamen felicissimam facilitatem. Quare non immerito ab hominibus ætatis sue regnare in iudicijs dictus est, apud posteros uerò id consecutus, ut Cicero iam non hominis, sed eloquentia nomen habeatur. hunc igitur spectemus hoc propositum sit nobis exemplum, ille se profecisse sciat, cui Cicero ualde placebit. hæc Quintilianus: cuius testimonio, quid grauius dici, aut fingi potest? illa enim ueritas est (ut censet Hector ille Neuianus) quæ procedit à laudato uiro. sed quis est qui non diuinis ad cælum laudibus Ciceronem efferrat? præter eos qui tanquam Scarabæi magis odore luti, quam unguenti delectantur? sicut enim amaracus unde gratissimus odor afflatur, Suillo generi uenenum est, ita mirificam illam Ciceronis dicendi uenustatem, iam in Barbarissimis autoribus inueterate aures ferre nullo modo, possunt; passimque uociferantur imperitum esse Philosophiæ Ciceronem; cum idem grauissimus autor Quintilianus plurimum etiam in Philosophia ualuisse, & Platonis æmulum extitisse, fateatur. Quod etiam ex eius scriptis intelligi facillime potest. Nam ut libros Rhetoricos & orationes, & epistolas prætermittam in quibus omnibus maximam se Philosophiæ cognitionem habere declarat, cum exornationis & eruditionis gratia Philosophicas sententias ubique spargat: Quis nescit quot opera Philosophica quam erudita, quam uaria, quam polita, breui tempore composuerit, cum unius Cæsaris dominatu Romana Respub. teneretur. neque in Senatu amplius eloquentiæ locus esset? quæ partim iniuria temporum interciderunt, partim etiam nostro tempore cum omnium doctorum admiratione leguntur. nihil est igitur quod in Cicerone desideretur, qui maximam etiam cum eloquentia doctrinam ac eruditionem copulauit. in hoc autem opere Topicorum, quod interpretabimur, ostendit etiam se iuris ciuilis ualde peritum fuisse, nam cum ad Trebatium Iurisconsultum scriberet, uoluit ex iure ciuili exempla sinere, quo facilius ipsam artem Trebatius intelligeret, quæ res nobis etiam qui iurisprudentiam appetitis erit utilissima. Nos uero doctissimum uirum, neque omnino Barbarum, sed ingeniosum Boethium præcipue sequemur, qui commentarios in hoc opus edidit, non ita tamen, ut si uisum fuerit, non ab eo libere dissentiamus, aliquando non enim ubique mihi satisfacit. Quinetiam ex Aristotele qui libros octo de locis composuit, multa transferam in lectiones meas. denique quoniam multi sunt & ueteres & recentiores, qui satis ingeniosè de hac arte scripserunt, ex omnibus optima quæque seligam, & ita

nobis

Partitiones oratorias .

P R A E F A T I O XIII.



ARVVM quidem Ciceronis opus de Partitionibus Oratoris, & cum nullis serè ceteris eiusdem auctoris operibus magnitudine comparandum, interpretandum hoc anno suscepimus: sed adco præclarum, & preciosum, ut nullum sit hoc in genere, quod ulla ex parte cum eo conferri posse uideatur. ut non tantum aureolum, sed etiam gemmeum, et si quid gemmis preciosius est, merito possit appellari. quicquid enim ad artis

Oratorie præcepta tradenda pertinet, id miro quodam ordine breuiter, atque satis dilucide complexus est in hoc uno libro Cicero. Quare nullum omnino neque breuius opus, neque inuenturi uilius inueniri posse existimo. Nam quæ fusiis, & enodatis alijs in libris tradita sunt, ea per capita quædam ita digeruntur hoc in opere, ut nihil, quod ad rem propositam faciat, prætermittatur, & tamen diligenter omnia pertractentur. Itaque non modo in manibus habendum, & accuratissime legendum est; sed etiam fieri potest ad uerbum ediscendum, & memorie mandandum. Neque uerò quisquam operis paruitatem aspernabitur, qui plurimas res inueniri cogitauerit. quæ quamuis minimo corpore sint, maximis tamen rebus anteponantur, & multo preciosiores esse indicentur. Quis enim nescit smaragdos, adamantes, carbunculos, uniones, ceteraque huius generis, quamuis admodum parua sint, precio tamen, atque æstimatione longe saxis ingentibus antecellere? Quis nescit paruam auri massam, magnis ferri mobilibus esse preciosiorem? Quin potius ita natura comparatum esse uidetur, ut preciosissima quæque paruo corpore contenta sint, ut enim lapillos, gemmas, margaritas prætermittam, quæ quàm pusilla sint, omnes intelligunt, quid in humano corpore oculorum pupilla præstantius est? quæ quod ait Plato, dux nobis ad Dei cognitionem, & ad maximas quasque res esse solet. quod autem in toto corpore membrum eadem magis exiguum? Quid, quod Philosophi tradunt cor ipsum nostrum, in quo sensuum omnium origo est, & quod nobis uiuendi facultatem præbet, quanto minus in homine fuerit, tanto maiores, & animi, & corporis uires asserre. certè re ipsa probatum,

M. AN. MAIORAGII

& exploratum est, etiam homines, qui nimis magno corpore sunt, hebetiores, & ignaviores existere solere. tradit ille poetarum princeps Homerus Tideum Diomedem patrem, paruo quidem corpore fuisse, sed prestanti animo, & maximo: quare factum est, ut elegantissimus poeta nosler dixerit,

Vtilior Tideus, qui, si quid credis Homero,

Ingenio pugnax, corpore parvus erat.

hinc etiam Papinius eleganter & uerè cecinit,

Maior in exiguo regnabat corpore uirtus,
quod multo ingeniosius & politius ad apes Maro transtulit, de quibus in Georgicis ita canit;

Ingentes animos angusto in pectore uersant.

Ac mihi quidem res singulas diligentissime consideranti uidentur omnia, non tam magnitudine, quam uirtute esse ponderanda, ut non querendum sit quantum quidque sit, aut quam magnum, sed quam bonum, quam utile, quam praeclarum. Quis enim unquam poetam ideo laudauit, quod multa carminum millia facile conscriberet? Quis oratorem ideo celebrandum existimauit, quod maximam uerborum multitudinem ex tempore profunderet? Quis librum ideo magnificandum duxit, quod magnus, atque amplius esset? nemo hercle tam rerum ignarus est, qui non intelligat doctissimorum hominum libellos magnis imperitorum uoluminibus, in quibus nulla sit eruditio, nulla dicendi uenustas, nullus uerborum splendor nulla grauitas, anteponendos esse. Quocirca meo quidem iudicio multo magis haec Ciceronis partitiones si quis eas rectè perciperit, & memoria mandarit, ad dicendi rationem proderunt, dicam audacter quod sentio, quam si quis totum Hermogenem, aut Quintilianum euoluerit. neque hoc ideo dico, quòd hi scriptores artis ingenio, & eloquentia careant, sed quòd ad Ciceronem collati uix quintae classis esse uideantur. Sernauit igitur hoc in opere Cicero, id, quod eleganter in Arte poetica seruandum esse docet Horatius, cum ita inquit;

Quicquid praecipies esto breuis, ut cito dicta

Percipiant animi dociles, teneantque fideles,

Omne superuacuum pleno de pectore manat.

Sed nos perspicuitatis gratia fusiores, & enodatiorem interpretationem adhibere cogitamus. nam haec ipsa Ciceronis praecepta nisi multis exemplis, similitudinibus, & auctoritatibus illustrentur, paulo sunt obscuriora & tanquam semina frustra iactantur, nisi animi discipulorum tanquam agri bene culti, & subacti fuerint, ut pluribus exemplis quasi pinguesceti messes uberiorem proferant. neque tantum ea dicendi praecepta complectar, quae rhetorum in libris tradi solent, sed nonnullam etiam, quae ad disputandi rationem, & dia-

lecti-

leſſicam ſpeſtant, ſine quibus non ſatis commodè hoc opus intelligi poteſt,
 & uera non poteſt eloquentia conſtare. Nam cum omnes artes, quæ ad
 humanitatem pertinent auctore Cicerone quoddam habeant commune uin-
 culum, & quaſi cognatione quadam inter ſe contineantur, tum illæ præſ-
 tæ duæ, quæ probabiliem, & politam orationem efficere docent, non tan-
 tum cognatæ. atque adeo ſorores uidentur eſſe, uerum ita coniunctæ ſunt, &
 connectæ inter ſe, ut uix alteram queas ab altera diſcernere. quæ de cauſa fa-
 ctum eſt, ut grauiffimi auctores forma tantum, atque ut ita dicam, habi-
 tu, diſſerre à Dialectica Rhetoricam exiſtimariunt. nam Zeno ille, qui auctor,
 & princeps Stoicorum fuit, quemadmodum apud Ciceronem, & in Orato-
 re, & in ſecundo de Finibus legimus, manu demonſtrare ſolebat, quod in-
 ter hæc artes in teſſet. nam cum compreſſerat digito, pugnumq; ſecerat,
 dialecticam dicebat eiufmodi eſſe. cum autem. di duxerat, et manum dilata-
 uerat, palme illius ſimilem eloquentiam eſſe dicebat. Atq; etiam ante hunc
 Ariſtoteles principio artis rhetoricæ dicit illam artem quaſi ex altera parte
 reſpondere Dialecticæ, ut hoc uidelicet diſſerant inter ſe, quod hæc ratio dic-
 ti latior ſit, illa loquendi contractior. Itaq; Cicero etiam ipſe dialecticam cō-
 tractam quandam eloquentiam appellat, ut Alexander Aphrodiſeus eo dia-
 lecticam à rhetoricæ diſſerre tradit, quod Dialectica non utatur ratione co-
 pioſa, lateque diſſuſa, quemadmodum Rhetorica ſolet. cum igitur in eadem
 materia uerſetur dialectica & orator, neque ſubiectis rebus, ſed ratione
 diſſerant; priuſque in oratione quaeratur probabilitas, quàm ornatus, ſe-
 quitur, ut artem oratoriam conſequi nemo poſſit, niſi qui dialecticæ etiam
 rationes perceperit, addit enim oratoria facultas dialecticis inuentionibus
 uerborum ſplendorem, & ornamenta, quo ſit, ut rhetorica quaſi fundamen-
 tum quoddam dialecticæ ſubſternatur, quin Ariſtoteles primo Rhetorico-
 rum ex dialecticæ & ciuili ſcientia, quam Politicam uocat, rhetoricam uult
 eſſe compoſitam. nam cum (ut Cicero ſcribit) omnis ratio diſſerendi duas
 habeat partes, unam inueniendi, alteram iudicandi, prior illa pars, quæ ad
 inueniendum pertinet, tota dialectico, & oratori communis eſt. ideo Cice-
 ro locos ac ſedes argumentorum, quæ traduntur in Topicis, ab oratore be-
 ne percipi cenſet oportere, & eos locos tum in hoc opere tangit, tum in ſe-
 cundo de Oratore exemplis illuſtrat, tum in Topicis copioſe perſequitur.
 Alteram uerò dialecticæ partem, quæ iudicandi uiam aperit, maiori ex par-
 te ſumit orator. cum enim eius tria ſint officia, diuidere, deſinire, argu-
 mentari, quis primo non intelligit diuidendi rationem eſſe oratori neceſſa-
 riam? neque enim aliter quid ſibi cum aduerſario conueniat, quid in contro-
 uerſia ſit quid prius, quid poſterior dicere oporteat, qua ratione, quo ne
 ordine diſponenda ſint argumenta, quo modo cauſarum genera, conſtitutio-

nesque inter se differant, intelligere poterit. cum autem Aristotele teste prima uirtus orationis sit splendor & perspicuitas, nullo modo fieri potest, ut orator perspicue dicat, nisi diuidendi, partiendique rationem bene intellexerit, & quodam ordine res singulas ita distribuatur, ut nihil confusè, nihil perturbatè dicat. nam (ut primo de Inuentione docet Cicero, rellè habita in causa partitio illustrem, & perspicuam totam efficit orationem, & Hermogenes initio libri diuisionem non paruum esse rhetorica partem, uel potius maximam esse dicit. quare præclarum hoc, atque auerum Ciceronis opusculum, quod interpretaturi sumus ab hoc primo Dialecticæ officio, suam habet inscriptionem, ut ideo Partitiones dictæ uideri possint, quod partiendi, atque diuidendi rationem orator scire debeat. Quid de ratione definiendi commemorem? nam licet orator non ita curiosè persequatur ut dialecticus, ea tamen solet uti frequentissimè. quotiescunque rei alicuius uim, atque naturam explicare contendit: quin totas aliquando causas in definiendo consumit. unde etiam controuersia quoddam genus in definiendi ratione, Definitorium appellatur. neque sanè rem ullam aptè describere potest orator, quod illi frequentissime faciendum est, nisi definiendi scientiam habeat. Iam uerò tota argumentandi ratio nisi Oratori notissima fuerit, quid est, in quo magnus esse possit? aut quam uim habere potest oratio, nisi argumentis? fieri quidem potest, ut aliquis naturæ ipsius instinctu probabilem aliquam, etiam sine dialectica cognitione orationem habeat: quoniam hæ nobis duæ scientiæ (sicuti docet Aristoteles) sunt quodammodo naturales: sed tamen quoniam (ut ait Cicero) certior dux est ars, quàm natura, notam illi dialecticam esse oportet, quicumque certa ratione probabiliter aliquid dicere concupiscit. cum præsertim tota spes uincendi, ratioque persuadendi posita sit in confirmatione, & confutatione, quæ certe sine argumentatione constare nullo modo possunt. Atque, ut totam hanc quæstionem absolutam, tria sunt, quæ maximè laudabilem orationem efficiant. quorum secundum desit, reliqua gratiam omnem atque uenustatem amittant, necesse est. debet enim oratio esse emendata, probabilis, & polita, quorum primum sola grammatica præstare potest, alterum Dialectica, tertium Rhetorica. Grammaticorum enim officium est, ea tradere præcepta, quæ ad purè, & emendatè loquendum pertinent: Dialecticorum uero est ea reperire, quæ audientium approbationem moueant, & quid uerum, quid falsum sit, & quid consequens, quid repugnans in oratione doceant. Rhetorum denique nullum aliud officium est proprium, ac separatum, nisi quæ quodammodo rudia sunt, & inculta uellire, atque exornare dicendo, quare tres has artes bene percipiat oportet, quicumque laudabiliter aliquid dicere, uel scribere desiderat.

De inscriptione operis.

A Cribi quidem primo quarendum uidetur quid partitio sit, et cur hæc Partitiones oratorie sint appellatæ. neque enim aliter auctoris scopus, & propositum intelligi potest, nisi prius quæ uis tituli sit, & inscriptio- nis intelligatur. Tradunt Dialectici tria præcipue diuidendi genera, quo- rum unum est, cum genus uniuersum in species, ac formas suas diducitur; ut, cum dicimus, animalium alia esse terrestria, alia uolatilia, alia aqua- tilia, uel cum uirtutem diuidimus in prudentiam, iustitiam, fortitudinem, & temperantiam, quo in genere semper species, seu forma generi subiecta: nomen ipsius generis tenet. ut si dicamus, Elementum in quatuor species diuidi, terram, aquam, aerem, ignem; certè qualibet species dicitur ele- mentum, ut terra est elementum, aqua est elementum, & ita in reliquis, & quia prudentia species est uirtutis, certe prouidentia uirtus esse dicitur. atque hoc primum & præcipuum diuisionis genus est. Alterum genus est diuisionis, quando aliqua dictio plures habet significationes, quam omnes uotas facere uolumus, ut cum dicimus canem tria significare, primo terre- stre animal, quod latrat, deinde piscem marinum, tum caeleste sydus, & taurum primo bouem significare, deinde sydus, tum montem, denique uiri etiam proprium esse nomen. ad hoc genus etiam ea reducuntur quæ uarijs modis dicuntur, ut sanum tribus dicitur modis, primo quod in se morbi ni- hil habet, ut animal sanum; secundo quod conficiens est sanitatis, ut ci- bum sanum esse dicimus, & exercitationem sanam. tertio, quod sanitatis signum est, ut urinam dicimus esse sanam. Tertium diuisionis genus est, cum res aliqua tota in suas partes quasi in membra quedam diuiditur, ut si quis totum corpus diuidat in caput, humeros, brachia, thoracem, crura, pedes; aut si quis rem aliquam multis distribuatur, ut apud Virgilium;

Aeneas socios partitur in omnes,

Vina bonus, quæ deinde cadis onerarat Acestes.

Atque hæc partitio proprie nuncupatur, cum totum in partes distribuitur in qua sapenumero accidit, ut partes totius nomen, retinere non possint, neque enim rectè quis dixerit, caput, aut humeros esse hominis corpus, f- uci neque trabem, aut parietem ædificium esse, licet sint ædificij partes. atque his quidem tribus diuisionis generibus frequenter utitur Cicero, Sed nos singulis cuiusque generis exemplis contenti erimus, Ergo primo de Of- ficijs honestum quod genus est in suas species ita diuidit. Sed omne quod he- nestum est, id quatuor partium oritur ex aliqua, aut enim in perspicientiæ veri, solertiaque uersatur, aut in hominum societate tuenda, tribuendoque

sum

eendi doctrinam in hoc opere primo tres in partes Cicero distribuit, in *uero* Oratoris, in orationem in *Questionem*. deinde iterum unamquamque partem in alias partes diducit, quibus expositis, ac declaratis, operi finem imponit.

De Dialogo.

Quoniam hoc partitionum opus dialogo conscriptum est, primum mihi querendum esse uidetur, quid sit Dialogus. Et unde originem traxerit, fuerunt enim quidam imperitissimi homines, qui nominis Etymologiam secuti, dialogum esse duorum sermonem definiuerunt, quorum ignorantiam res ipsa coarguit, quoniam in plerisque dialogis non duo tantum, sed plures saepenumero inter se colloquentes inducuntur. quod in Platonis dialogis, pluribus in locis uidere licet. melius igitur uisum fuisse uideri possunt, qui dialogum à uerbo græco διαλογουα quod est disserere, seu disputare dictum uelint, quoniam in eo semper de aliqua re inter plures disseritur. Quare Diogenes Laërtius in Platonis uita dialogum ita definit, ut dicat esse sermonem ex interrogatione, & responsione compositum, de ijs rebus, quæ uel philosophiam, uel Reip: partes attingant, cum decora, congruentique personarum, quæ inducuntur expressione, accurataque uerborum compositione. Cicero uidetur dialogum interpretari disputationem, sic enim ait; ad Lentulum scribens; Scripsi igitur Aristotelico more, quemadmodum quidem uolui tres libros in disputatione, ac dialogo de Oratore, & in Bruto; Disputatioque esset inter eos, ut est consuetudo dialogorum, & ad Atticum libro quinto, Nos Tarenti, quos cum Pompeio dialogos de Repub. habuerimus ad te perscribemus. Tradit autem Diogenes Laërtius libro tertio Zenonem Eleatem primum fuisse, qui dialogos conscripserit. Aristotiles in primo de Poetis Alexamenum Styreum, siue Tei-um Dialogorum auctorem facit. sicut etiam Phauorinus in Commentarijs. ceterum Plato rude adhuc, & impolitum, tantumque inchoatum Dialogorum genus expoliuit, illustrauit, atque perfecit; tantumque huic generi scribendi adiumentum attulit, ut non solum exornationem, atque expositionem, sed etiam maiorem inuentionis partem merito sibi nendicare possit apud Latinos inuenio genus hoc scribendi etiam ante Ciceronis tempora fuisse in consuetudine. nam M. Brutus Iurisconsultus, qui ante L. Crassum Oratorem fuit, tres libros de iure ciuili in dialogo scripsit, quemadmodum apud Ciceronem secundo de Oratore Caesar ostendit, quin etiam Curio pater, ut in Bruto legimus, dialogos scripsit. uerum ut in alijs scribendi generibus, maiores suos omnes Cicero superauit, ita etiam in dialogis, quos mul-

nos accuratissime conscripsit. cum enim duo sint dialogorum genera à Plato-
nicis usurpata, quorum alterum ὑποδιαλογισμὸς appellant, alterum ἐκτετακέναι,
utrunque genus ita Cicero amplexus est, ut nihil ad eorum perfectionem
posteris reliquerit. dicitur autem dialogus ὑποδιαλογισμὸς, in quo præcepta
quædam uel ad mores, uel ad doctrinam spectantia traduntur. Qualis est
hic Partitionum liber, & Lælius, siue de Amicitia, & Cato maior de Se-
nectute, & secundus ac tertius liber de Oratore. quod quidem dialogorum
genus latine (si libet) disputatio disciplinabilis dici potest. ἐκτετακέναι uero
dicitur is dialogus in quo disputatur in utranque partem, & opiniones uari-
e traduntur. quemadmodum in primo de Oratore, in libris de Finibus, in
Lucullo, in Diuinatione. atque hoc genus latine disputatio controuersa po-
test appellari. Est igitur hoc in opere disputatio disciplinabilis, quoniam
interrogatus à filio pater, docet eum, quæcunque ad oratoriam facultatem
pertinent.

M. Tullij Ciceronis de Partitione Oratoria, Dialogus.

Hanc inscriptionem iam declarasse uideri possumus, cum quid parti-
tio sit, & quid dialogus ostenderit. sed tamen adhuc queri po-
test, cum hoc in opere permulta partitiones sunt, cur Cicero non in multi-
tudinis numero de Partitionibus Oratorijs, sed in singulari de Partitione
oratoria librum inscripserit. cum præsertim in suis inscriptionibus Cicero
multitudinis numero delectari uideatur. ut de Officijs, de Finibus bonorum &
malorum, de Legibus. Academicarum questionum, Tusculanarum questionum,
sed sciendum est, id esse uerum, quod nos olim in Decisionibus contra Calcagni-
num diximus, qui Ciceronem reprehenderat, quod non potius de Officio, quam
de Officijs titulum apposuisset. quoties (inquam) de arte aliqua spectatim tra-
ctandum est, aut de aliquo ordine siue magistratu, melius in singulari nu-
mero titulus, & inscriptio ponitur, ut de Inuentione, de Oratore, de Ami-
citia, de Senectute, de Natura Deorum, de Vniuersitate, de Diuinatione,
de Consulibus Officio, de Prætoris officio. atque ita de reliquis. Quoties autem
ad varias artes, ætates, ordines, res, aliqua tractatio pertinet, tunc in
numero multitudinis inscriptio solet adhiberi, ut de Officijs, de Finibus, de
Legibus, de claris Oratoribus, de rebus domesticis, de rebus publicis, de
Moribus, de Magistratibus. recte igitur Cicero, cum Partitionem genera-
le uocabulum esse intelligeret, & ad alias etiam artes, quam Oratoriam per-
tinere

tinere sciret; neque de omnium artium Partitionibus hoc in opere tractaturus esset, sed de Oratoria facultate tantum, non de Partitionibus absolute, sed de Partitione Oratoria titulum apposuit. quamvis (ut verum fatear) si quis ad varias artis oratoria partes respiciat. recte etiam Partitiones oratoria dici possunt. quatenus igitur hac pertractatio distinguitur à reliquis artibus, Partitio Oratoria dicitur, quatenus autem dicendi facultas in varias partes distribuitur, etiam Partitiones oratoriae dicuntur. Quare per utrumque numerum hac in scriptio recte proferri potest, ut
 uel de Partitione Oratoria dicatur, uel Partitiones oratoriae.



IN DECISIONES XXV.

quibus M. Tullium Ciceronem ab
omnibus Cēlij Calcagnini crimi
nationibus liberat.

P R A E F A T I O XIV.



T S I mihi non dubium est, quin ijs omnibus, qui
Cicerone duce sperant aliquando summum elo-
quentiae fastigium attingere, iam pridem sit ita
persuasum, M. Tullium Ciceronem in omni do-
ctrina genere tantum excelluisse, ut post homi-
nes natos nullus unquam fuerit apud Latinos,
qui, non dicam cum eo certare, sed ne quidem
eius uestigia longo intervallo premere potuisse vi-
deatur; tamen cum uideam hoc tempore, quo li-

beralissimarum artium studia maxime uigent, nonnullorum hominum ine-
ptissimorum tantam esse audaciam, ut procaci lingua sua diuini oratoris ma-
nes nexare, & insectari non dubitent: facere non potui, quin hanc causam
tam grauem, tam illustrem, tam honestam susceperem: ut a maledicis con-
uiciatoribus Ciceronis auctoritatem defenderem. Nihil enim uideo in quo
possim ego aut utilius in hac aetate mea inuenili styliam exercere, aut bona-
rum literarum amatoribus magis gratificari, aut denique facilius laudem
aliquam & gloriam, quam optimus quisque expetit, mihi parare, quam si
refellendis maledicorum criminationibus, omnis eloquentiae parentem Cice-
ronem iniquissime doceam accusari. Etenim si Calius Calcagninus, uir ali-
cuius in litteris nominis, qui cum mihi primo congregi certum est, & ab
nonnulli magna sibi laudi futurum & gloria sperarunt, si contra Ciceronem
aliquid uerisimile possent excogitare: quanto mihi gloriosius, ac laudabi-
lius erit, si recte patrocinatus ei fuero, quem omnes, dum uiueret, sibi pa-
tronum adesse cupiebant. At dicet fortasse quispiam, Quis tu es? aut un-
de tibi tantum uirum, ut hoc oneris aut facile subire solus, aut commode su-
stinere possis. Ego uero si eius auctoris, quem defendo, dignitas atque am-
plitudo spectetur, fateor huic causae me non idoneum patronum existere.
Quis enim recte possit Ciceronis excellentiam ac laudes enarrare, nisi si ne-
rum ipse reuincat Cicero? sed si quis causae facilitatem spectare noluerit, in-
telliget profecto non modo me, qui iam longo studio ac labore nonnullus in dē

scīplinis progressus feci: sed quemlibet penē dicam imperitum hominem, quā primoribus (at aiunt) labris literas degustarit, hanc causam defendere, ac suerī posse: cum præsertim innumerales penē aduocatos, qui Ciceroni faterentur, atque infinitos sententia mea subscriptores sine dubio sim habiturus. Nam quis hoc tempore Ciceronem non diligit? quis non admiratur? quis non omni ratione defendendum putat? Hæc accedit id, quod maximum est, & in omni causa semper plurimum ualuit: nam ea quæ Ciceroni obijciuntur, tametsi argui suspiciose possunt, tamen omnino falsa sunt omnia, ut non ue- rear, quin facile submotis falsitatis tenebris ipsa per se ueritas elucescat. Illud præterea mihi non mediocriter calcar addidit ad hanc prouinciam suscipiendam, quod animaduerti paucos admodum aduersarios esse, eosque lœues ac fugacis, ut non hostes legitimi, sed sicarii potius, ac prædones esse uideantur, qui non cominus certare audeant, sed & insidijs aggredi, & uibrato iaculo Barthorum more fugere soleant. Verum hoc tempore certum est, eos prætermittere, qui non tam audaces ac temerarij fuerunt, timideque ac paucis Ciceronem accensarunt. Unus mihi omnium audacissimus Cælius Calpurnius arripiendus est, cuius maledictis respondeam, quem insector, cuius imperitiam notam omnibus efficiam, quem eruditis uiris deridendum propinquum. Hic enim in uno de Officijs opere quinque & uiginti locis Ciceronem annotauit: sed ita (ut paulo post aperte declarabo) ut pleraque eorum, quæ tanquam errata reprobendit, ipse non intelligat. Huius igitur hominis loquacitatem, honestis ac ueris rationibus reprimendam esse censui: ne sorte cæteri eiusdem generis literatores, audaciores ad detrahendum bonis auctoribus fierent, si tantam hic impune petulantiam tulisset. Quam quidem meam operam, ac laborem, spero bonis omnibus gratissimam ac in cundissimam futuram: uobis quæ in primis, qui tantum iam profecistis in literis, ut admirabilem ac diuinam Ciceronis intelligentiam, & doctrinam agnoscatis. Illud enim mihi persuasum est, non posse Ciceronem ab eis non uehementer amari, qui singulareis eius uirtutes intelligunt. Vos igitur omnes Ciceroniani nominis amatores mihi patronos ac defensores paro. Vos exploratorem habeo, nullo unquam tempore defuturos mihi, uestra fide sapientiaque fretus, hoc onus sustuli: quod si uos aliqua ex parte alienabitis, erit omnino mihi leue & gloriosum, neque dubito, quin unusquisque uestrum libentissime causæ meæ patrocinaturus sit. Ergo quicumque estis ubique, quibus ualde placet Cicero, Decisiones has meas uobis approbandas ac defendendas existimate. ex hoc fore hunc numero quem ego mortalium omnium plurimi facio diuinum hominem Sfondratum certo scio. qui cum rerum præclarissimæ gestiarum gloria tantum excellat, ut Carolo quinto Imperatori semper Augusto & utilissimus & gratissimus sit: tamen bonis litte-

nis adeo mirifice delectatur, ut nemo propius ad uenerandam illam M. Tullij maiestatem, uel dicendo, uel scribendo uideatur accedere. Ex hoc numera modestissimus & clarissimus uir Franciscus Crassus, senator: cuius ab ore melle dulciorem fluere sonum his auribus audiui, quo tempore in sano religiofissimo Mediolani summa cum audientium omnium admiratione coram Cesare grauissimam illam & splendidissimam orationem habuit. Ex hoc Alciatus noster, totius orbis decus, qui cum iuris prudentia ceteris omnibus antecellat, tum uero eloquentia tanta est, ut ad eum audiendum undique populi confluant, ac nationes: multi praterea ex agro nostro Mediolanensi, quos hoc tempore, ne nimis longa sumatur oratio, pratermittam. Quot deinde in ceteris Italiae partibus? quot in Gallia? quot in Germania? quot in Hispania reperiuntur, qui Ciceronis amantissimi sunt, ac studiosissimi? His igitur omnibus non solum gratam & incundam, sed etiam patrocinio suo dignam uisum iri diligentiam meam certum habeo. Quare age tanto uallati-
 prasidio, iam tandem firmo, & constanti
 animo Calcagninem istum
 aggrediamur.



MAIORAGII

DEELOQVENTIA

DIALOGVS.



*N*ATVRAE varietas, quam in rebus plurimis contemplari licet, ut in caelesti globo, stellis longe diuersis uelut emblematis uermiculato, in toto terrarum orbe, uarijs animalium, ac plantarum generibus refertissimo, in uirerum pratorum amenitate, in uarietatis florum coloribus, in magna prædiorum ubertate, sæpenumero torpescens animus solet excitare. cum enim homines, qui non omnino fue-

runt illiberaliter educati, rerum uicissitudines, ac temporum mutationes, assidua mentis agitatione considerant, in admirationem maximam facile perducuntur. atque ideo sit, ut rerum causas, eis in mentem plerumque ueniat inuestigare. aut saltem ex his rebus quæ ante oculos posita sunt de caelestibus, & quæ nullo modo, dum uitam agimus, uideri possunt, disputare. Concesseramus in Ambrosianum uiridarium, in quo serunt olim Asrum illud Augustinum, Christianæ Reipublicæ lumen ac ornamentum, ad Christi persuasionem animus inclinasse, ac ibidem lauacro conspersum sanctissimo, pristinas uitiorum, & prauæ mentis sordes abluisse. ibi tum unâ mecum, eius Canobij præses, Angelus Appianus, suauissimo uir ingenio, cui propter egregiam morum integritatem, uita sanctimoniam, & summam omnium liberalium artium eruditionem, non facile parem inuenias. adebat & doctissimus Præceptormens Primus comes. cuius uiri laudes, non hic est animus explicare. dabitur alias (ut spero) locus, eas opportunis memorandi. etenim quis breui posset oratione comprehendere? cum in trium linguarum classicis authoribus, nihil ferè possit inueniri, quod ille non diligenter excusserit, nihil in liberalibus disciplinis, quod non optime perceperit, nihil memoria dignum, quod perfectè non edidicerit. taceo de sanctissimis eius moribus, de uita seueritate, de continua rerum diuinarum cogitatione, ac locutione. cum igitur sub frondosa quadam arbore consedissemus, & de communibus studijs aliquid dicere meditaremur, antequam quis-

quisquam inciperet, ecce Primus frater Antonius comes, fluuientis literarum omnium sitientissimus, & omnis politioris literatura peritissimus, mihi plusquam Pyladaea necessitudine coniunctus, quippe qui sit uidorum similis dinc detinemur, & ab ineunte aetate ferè semper una uiuimus, sub eodem præceptore Primo meruimus, quod si nos eadem uno partu mater edidisset, non maiori possemus esse beneuolentia copulati. hunc cum uidissem, mirandum in modum sum exbilaratus, nam diebus uiginti ferè non uideram, qui mihi totidem annis longiores fuisse uisi fuerant, oportune, inquam, aduenisti frater, (nam alio nomine nunquam illum appellare soleo, hoc erat illud, quod ignota mihi causa, letaba: ut animus meus, præagiebat enim te uenturum: Quam (inquit ille) mihi uenisse iucundum est, postquam hic simul eos reperi, quos omnium plurimi facio, ac maxime diligo. seruet uos omnes pariter, Christus optimus maximus. Tunc Angelus, ut est semper alacri uultu, ac fronte modestissima, te ipsum (inquit) optabamus, age nobiscum aside, ut aliquid ex studijs tuis nobis impertias. Quid (inquit Antonius) uobis impertiam, qui tantum iam labore & industria effecistis, ut in doctis, omnes quos hactenus, mihi uidere contigit, equis (ut aiunt) albis longe præcedatis? me potius à uobis aliquid æquum est, tanquam à perperis fontibus haurire. ut enim arbores istæ, quas in hac paradiso tam pulchre comatas, ac quasi ridentes aspiciamus, primò quidem flores emittunt, postea uero fructus qui paulatim maturescant, nihil tamen horum per se sola faciunt, sed ab omnium genitrice terra succum accipiunt, ac vigore procreandi, sic ego nunc in studijs quasi florescere mihi uideo, ex quibus aliquando confido futurum, ut fructus aliquid percipiam. sed interim uestro, qui doctrina præcellitis, mihi opus est auxilio. quod nisi fieret, tanquam terra succo non adiuta planta, nihil (ut uideo) possem in literis proficere. Tum Angelus iocundus, nouerat enim iuuenis industriam, & ardentissimum literarum studium, an (inquit) sicut implumis auicula nidulo nondum euolare didicisti? aut adhuc in natatione tibi cortice opus est? Atqui ego te Delium illum iam superasse natatorem exislimabam. & aliorum iam posse fieri moderatorem. Non iniuria (inquam ego) Angele, istam de Antonio, opinionem concepisti, nam sæpenumero mecum, non mediocriter admirari soleo, profectum eius, in omni doctrina genere. nihil est enim quod ingenij acumine non penetret, studiorum assiduitate non uincat, memoria tenacitate non comprehendat. quare siquid coram uobis recusat dicere, non illius inscitia, sed incredibili modestia potius, qua maxime præditus est, ascribendum esse arbitror. Hic subridens Antonius, ac in me reiectis oculis, tu quidem (inquit) pro tua singulari, & iam pridem mihi perspecta beneuolentia, de me semper magnificentissime loqueris, uerum

ipse cognosco, quam sint exiguae uires ingenij mei, sed postquam mecum tanquam ex syngrapha pergitis agere, & contendere, ut aliquid proficeram, mihi autem quod dicam in praesentia, uestra dignum expectatione, uenire in mentem penitus nihil potest, fratrem meum Primum qui & potest facere, & faciet libentissimè (nisi mea me fallit opinio) precabor, ut me leuet hoc onere & hanc dicendi prouinciam suscipiat, quod obsecro, mi frater, ac idem praeceptor honorandae, ne recuses. Tum Primus cogitabundus spectare cepit. ordine positas uites, quae tum primum odore fragrantissimo redolentes, deflorescebant. in quincunces speciosissimos redactas arbores, quae diuersa quidem poma, & ea nobilissima, sed tamen adhuc acerba sustinebant, quamplurimis ac uersicoloribus uarietatum floribus solum senticeta purpureis ac candidissimis rosis, optimè circumquaque redolentia. nos taciti cum expectatione meditantem intuebamur, cum ille sic locutus est. Equidem Antoni frater incundissimè, siquid esset, inter nos de pietatis fluidis disputandum, dicerem aliquid libentissimè, cum praesertim locus hic amoenissimus, & haec omnia tam bene uernantia caelestis illius à Christo promissa regionis, memoriam nobis sufficere uideantur. uidete quam rideant omnia, quid hoc spectaculo speciosius? quid aptius ad aeternae uitae meditationem, nam sic opinor, omni tempore, sed longe praestantioribus uiuere floribus campos Elysios, non eos quos Asphodelo consitos, apud inferos beatorum sedes esse Poetae fabulati sunt sed ad quos, nos qui Christum sequimur, quotidie laborantes, speramus aliquando peruenire. itaque nobis in hac uita Deus, quasi specimen quoddam dedit, olim futurae beatitudinis. uideris quam bene oleant hi caduci flores, quales fore censetis, eos, qui nunquam poterunt emarcescere? Quid? an non harum tam suauis odor uitium, nostrum ob oculos principem Christum uidetur obijcere? qui se uitem (ut est in sacris literis legatos autem suos palmites appellauit? nam ut palmes si uiti semper adhaereat, dulcissimos potest racemos producere, sin autem casu defractus fuerit, arescit ilico, & ad combustionem tantum utilis est. sic homo, donec per res bene gestas capiti Christo coniunctus fuerit, uitam in melius quotidie transigere potest, donec tandem una cum eo, immortalis felicitate perfruatur. Quod si forte per flagitia Christum reliquerit, breui tempore praeda fit iniquissimo Demonio, iam uero nouae arbores istae, quae magna fructuum sarcina sunt inclinatae, nostri nos officij uidentur admonere? quae primò flores emittentes, deinde fructus acerbos, quales nunc pendere uidetis, sic paulatim auxiliante solo nutriunt, ut tandem ad maturitatem perducantur, ita nos, eo tempore flores emittimus, cum bonam animo concipimus uoluntatem, fructus autem, cum quae nobis à Deo commissa sunt, ea bene gerimus, hi fructus tunc maturefcere dicuntur, cum tales fiunt actio

nes nostra, ut per eas Christi beneficio vitam mereamur immortalem. Quare si vobis ita uidetur, utar oratione qua saepe soleo, usque (me appellabat & Antonium) ad studium summae uirtutis adhortabor. nisi forte quid aliud Angelo uideatur. Mihi uero (inquit Angelus) nihil posset accidere incunctius, nam quamuis sacras quotidie litteras euoluamus, & Diuorum exempla, ac monumenta, nos satis possent ad uirtutem extimulare, tamen uia uoce nihil efficacius inueniri potest, praesertim cum ab optimo uiro profertur. Atqui non ego te (inquit Primus) qui nos in hac facultate, longe lateque praecedis, uerum hos adolescentes qui nunc in aetatis fernore constituti sunt, ad uirtutem exhortari statutum habeo, tu si libet, eorum quae dicentur, iudex assideto. Hic cum silentio maximo nos ad audiendum ostendissemus esse praeparatos, hoc modo Primus exorsus est. Equidem cogitant mihi de communibus mortalium studiis, saepenumero uenit in mentem non mediocriter admirari, atque etiam indignari, tantam esse hominum insaniam ac uecordiam, ut cum aeternam consequi gloriam, ac beatitudinem, quam minimo labore possint, per inertiam ac libidinem turpissimis in rebus malint, tempus, hoc est, rem multo preciosissimam frustra comere. cum enim mens illa sempiterna, ac perfecta sapientia, quem nos Deum appellamus, qui caelestia maxime procurat, deinde in terris homines, & quae ad hominum utilitatem pertinent, omni mortalium generi, ab ipsis statim incunabulis igniculos quosdam addiderit, uirtutis ac beatitudinis acquirenda, quamplurimi uariis animi perturbationibus ac morbis impediti, ac distracti, quod a natura iusti & aequi desiderium habent, id penitus obruunt, & a cetera ac temeraria animi dominatrice cupiditate praerepti, reginam omnium bonorum rationem conculcare non erubescunt. neque enim quisquam uitis inquinatus, naturam, aut satum, aut sydera, quod nonnulli faciunt, merito potest incusare, quae, ut hunc, ad uitia propensioem, quam illum, proferant, cogere tamen possunt omnino neminem. uerum ut uirtutum aut uitiorum uiam complectatur, hoc in cuiusque situm est potestate. non enim merito vel punirentur improbi, uel iusti praemia mererentur, si uel illi malle, uel hi bene facere necessario cogerentur. sed tamen (ut diximus) omnibus adipiscende uirtutis, ac fugiende uitiositatis desiderium, a teneris (ut aunt) unguculis statim innascitur. Quis enim omnium inueniri potest, tam angustissimi animi, tamque parui, quem si roges, an beatus esse uelit, non ilico respondeat, id se uel maxime cupere? praeterea uirtutis nomen ac probitatis etiam apud improbissimos sanctissimum est, ac maxime uenerabile. nam quis est adeo perditus, qui se probum, ac uirtute praeditum appellari, non vehementissime gaudeat? adde quod etiam saepenumero digladiari solent improbi, si quis eos audeat, bonos uiros esse denegare. planum igitur ac ma-

nifeste-

manifestum est, hoc uirtutis ac felicitatis desiderium, nobis à natura Dei beneficio traditum esse. cur ergo dicet aliquis, tam pauci sunt, qui uirtutem amplectentur? cur uiam quæ potest ad beatitudinem perducere, plurimi non sequuntur? quia cupiditatibus illaqueari, non ita corpus afficiunt, ut obedire consilio rationique possit, & cum meliora, tanquam ea quæ oculis æruntur, aspiciant, ac laudent, tamen quoniam appetitum rationi non subiiciunt, deteriora consecretantur, nonnulli etiam adeo rudes, & in bonis lusciosis inueniuntur, ut cum optima sequi cupiant, bonum ac malum inter noscere non ualeant, atque ita fit, ut pro bonis pessima complectantur. sunt qui maxime diuitijs inhiantes sperent futurum, ut cum amplissimas possessiones, & in commemorandam pecuniam adepti fuerint, bene beateque uitam agant, sed nunquam eos explere uidemus cupiditatis sitim, ac potius continenter plura conquirentes, maiora semper appetentes, plurima congregere studentes, aspiciamus. nam (ut optime dixit Aquinas Poeta) crescit amor nûmi, quantum ipsa pecunia crescit. hoc accedit etiã auaris incommodi, quo minus possint ad uirtutem aspirare. quodd diuitiarum cupiditate captus animus, confessim euilescit. cum enim auræ diuinæ particula quædam sit animus. noster, sublimis & erectus, caelestia tantum ac immortalia meditari concupiscit, ad eam gestiens beatitudinem, ad quam destinatus est, aliquando peruenire, cum uero pecuniarum illecebris illectus, eis inhiare cæperit, nihil magnificum potest, nihil præclarum cogitare, nihil quod ad honestatem spectare uideatur. nec alia de causa, toties in sacris literis diuites improbantur, ab æterna felicitate repelluntur. Quare nihil esse credatis, honestius, nihil magnificentius, quam diuitias contemnere. Sed existunt etiam, qui facile contemptis pecunijs, honore sperent ac gloria futurum, ut immortalitatem consequantur. quo fit, ut quicquid agant, ac meditentur id ipsum totum popularis tantum auræ captandæ gratia facere uideantur, quod quam sit inane, ac indignum homine christiano, non dubito quin intelligatis. neque enim fieri potest, (ait Chrysostomus) ut qui gloriæ dulcedine capitur, magnam aliquid aut egregium sapiat. hoc illud est quod tantopere Christus insecratur ut popularis gloriæ cupido, neget se pro benefactis mercedem ullam donaturum. quapropter hoc etiam uitium, cum oportet eradere, qui uelit ad summam illam felicitatem ascendere. Maxime uero omnium impedimento est, uirtutum (ut ita dicam) candidatis, uoluptatis illecebra. quæ ita, quos semel cepit, illaqueat, ut tanquam improbiissima syren, eos confessim deturbet in turpitudinis barathrum. hæc à nobis præter omnia cetera, studiosi discipuli, summopere cauenda est, ista præferim atate, quæ maxime uicina lapsibus est. sanguinis enim seruore compulsa adolescentia, ad uarias facillimè. cupiditates inflammat. sed iam

M. AN. MAIORAGII

pridem nos (ut spero) pestem hanc animorum repudiastis, cogitatis enim
 quanto prece uirtutis sit inimica, nam quid uirtuti potest inimicus inueni-
 ri, quam, quod omnem tollis honestatem? quid inter appetentem uolupta-
 tis hominem ac teterrimam interesse bellum existimatis? Tu quum tibi
 Deus (inquit Cicero) suae mater (ut ita dicam) rerum omnium natura, de-
 derit animum, quo nihil est praestantius, neque diuinus, sic te ipse abijcies,
 atque prosternes, ut nihil inter te, atque inter quadrupedem aliquam pu-
 tes interesse? Hæc audiant uitij excacati, qui summum bonum uoluptate
 metiuntur. nos uero qui iam exanimis uestris hæc impedimenta summon-
 distis, de his rebus nihil opus est amplius admonere. uerian agite quod ce-
 pistis iter fausto pede perficite. iacta sunt præclara beatitudinis fundamen-
 ta, iam quod difficilissimum esse solet ipsis executi, siquidem principium to-
 tius esse dimidium etiam prouerbio dicitur, iam relictis uitij, uirtutum
 studia capistis amplexari, magnam de nobis amicis omnibus expectatio-
 nem concitastis, illud cogitate, uobis alterutrum omnino esse necesse. aut
 cum summa laude & utilitate progrediendum, aut cum summo dedecore
 & infamia retrocedendum. quorum alterum, uestrum est, animi magnitu-
 dine praestantium, alterum ignauorum, animi mollicie desperantium, quos
 pro fragilissimo mundana uoluptatis nitro, multo praeiosissimas aternita-
 tis margaritas non piget amittere. Difficilis est & ardua uirtutis uia, sed
 honestasolent esse difficilia, quod enim expositum est omnibus, ut uel ab
 ignauissimo quoque possit apprehendi, quis id audeat honestum appellare?
 at uero quod laudabile, & cum utilitate coniunctum, quamuis maxime
 sit arduum ac difficilissimum, id generosis animis etiam facillimum uideri so-
 let. qui nullum laborem pertimescunt, sed amplissima sibi proponunt præ-
 mia quæ consequentur. laudem, decus, immortalitatem, uirtus enim (ait
 philosophus) radices habere uidetur amaras, sed fructus affert suauissimos.
 istam quam elegistis uitam optimam, mihi credere, iucundissimam penlarum
 reddet consuetudo, nec uero labore aut difficultate, tanquam tempestate
 repelli uos sinatis. quin potius illud considerate. si tanta patiuntur merca-
 tores pericula, si non horrescunt fluctibus turgidum mare, si per saxa pe-
 ignes non trepidantes iruunt, ignotas adeunt regiones, fortunæ nitam ex-
 ponunt, ut breui perituras diuitias assatim congerant, si uigilant artifices
 totas plerumque noctes, Quanto nos studio conuenit, eas acquirere diui-
 tias, quæ nunquam poterunt interire? facite uobis ob oculos continue uer-
 sentur, tot heroes præclarissimi, qui laboribus sibi iter in calum aperuerunt.
 & hic etiam insignem sibi gloriam pepererunt. quanquam nolo uobis (us-
 paulo ante monui) tanquam scopum mundanam gloriam proponatis, quid
 enim inanius? Sed tamen si uirtutem summo studio ac diligentia comple-

xi fueritis, ingens etiam gloria sponte sua subsequetur. non enim credendum est, sibi gloriam hanc proposuisse Sanctos illos Hieronymum, Augustinum, Ambrosium, innumerabiles alios, sed ipsam tantum honestatem, ac Christi uitam imitandam, tamen, deorum fama, nulla unquam atas conticescet. hoc enim ita sapientissimo cuique solet accidere, ut quanto magis gloriam spreuerit, tanto magis illa cumulator redcat. Quare summum illum nobis scopum proponite Christum, ab hoc omne principium, ad hunc omnem actionum uestrarum exitum referatis. de hoc noctes atque dies cogitetis. huius uitam, mortem, gloriam, animo continenter euoluatis. sacrosanctam euangelij legem, ac diuinos omnes libros Nocturna uersate manu, uersate diurna. non enim fieri potest (inquit ille uere aureus Chrysostomus) ut qui frequenter diuinis uacat, is miseram agat uitam. omnia uobis eetera sordeant, prae his, quae ad Christum pertinent. ita fiet, ut aliquando, quam optatis; felicitatem acquiratis immortalem, & ab optimo quoque viro, maximam reportetis & laudationem, & gloriam. Hec cum dixisset Primus, paulisper habitum est silentium. Tum Angelus, planè mihi Prime uideris (inquit) optimos imitatus medicos. qui morborum causas perscrutati, pharmacis prius eas conantur euellere, quam facientes sanitatem medicinas adhibeant quis enim unquam ualeitudinem ut recuperet sperare potest, nisi prius morbi causam de uenis fugauerit? ita uirtutis uiam ingredi, penitus nemo potest qui non ante prauas ab animo cupiditates eraserit. quid porro uirtuti potest inimicius inueniri, quam tria illa quae modo uita numerasti? diuitiarum sitis, uoluptatis illecebra, gloriae cupiditas. neque enim ullo modo fieri potest, ut qui trium horum aliquo uitiorum irretitus sit, minimam uirtutis partem possit acquirere. quod si quis ab his omnino se potuerit expedire, maximum is ad uirtutem gradum, iam se fecisse certum habeat. Sed illud sanè etiam à te expectabam, ut aliquid de literarum studijs, ac maxime de eloquentia diceres. hos enim adolescentes, in hac parte totis uiribus, ut aliquando fiant eloquentes insudare uideo. qui planè mihi uidetur labor esse superuacaneus. cur autem ita uideatur dicam postea, si prius hac de re sententiam tuam audiuero, quare cum alia multa dixeris, hoc etiam explicandum est à te, ut hi sciant adolescentes, quid hac in re sibi faciendum esse uideatur. Hic arridens Primus, scio (inquit) quam rem agas. Angele, cupis me ad hoc, ut aliquid de eloquentia disceram, impellere. quo illa ipsa, quam te non probare dicis, eloquentia, rationes meas omnes, & argumenta, quibus eam probauero, conuincas. nullum enim adhuc te uehementiorem in dicendo cognoui, neque ad refellendum acutiorrem. Sed tamen, quoniam ita uelle uideris, dicam sententiam meam, tu siquid contra dixeris, ipsa tamen per se suum fulgorem explicabit. non enim

M. AN. MAIOR AGII

ullo modo eloquentiam sine eloquentia potes improbare. nos autem (me appellabat & Antonium) pergite porro sicuti capistis, totis viribus ad eloquentiam incumbere. quæ rerum omnium (diuina semper excipio) sine controuersia præstantissima est, nec uos, quasi tumultuantes de gradu deiciat, siquid Angelus contra dixerit. quin potius ita colligite. Ex omnibus rebus, id excellentissimum ac præstantissimum, existimandum est. quod meliorem nostri partem hoc est animum, ornare, & expolire potest. quodque in admirationem homines adducere solet, & maximam plurimis utilitatem reportare. doctrinas enim ac artes liberales, & denique uirtutes omnes hac de causa complectimur, quòd illis humanus animus maxime poliatur. Quid gemmas, uniones, Chrysolithos, adamantes, & cæteras omnesenum alio nomine præciosa sunt, nisi quòd eas homines soleant admirari? Tam uero argentum & aurum, ob id tantum plurimi penditur, propterea quod humanis usibus, & conuentionibus, emptionibus ac uenditionibus aptissimum esse uideatur. Nullum autem animi maius ornamentum, cultro, ac prudenti sermone potest inueniri, nihil quod maiorem possit admirationem concitare, nihil denique quod utilius sit humano, generi reperitur. Quid enim pulchrius quam aliquem existere hominem, qui ceteros eare præcedat, quæ sola reliquis animantibus homines antecellunt? quid honestius aut decentius? quam ita sermonem posse temperare, ut nihil non concinne, prudenter, ac ornate dicere uidearis, nihil humile ac sordidum, sed omnia nobilia ac splendida? Quid admirabilius, quam mentes audientium, quocunque uolueris, oratione posse conuertere? cum omnes fieri loqui sciant, ipse solus ita loquaris, ut ceteri nihil omnino scire uideantur? ut suspensos ita teneas auditorum animos, & attonitos, ut uel innitos pedibus in sententiam tuam cogas discedere? Age porro quid utilius eloquentia? quid liberior? quæ feruntur patrocinia supplicibus, excitantur afflicti, datur miseris salus. rei periculis liberantur, ciuitates optime gubernantur. sedantur plebis seditiones ac discordia. ad sacrarum cultum religionum populi pertrahuntur. Quare si, quod animi nostri magnum est ornamentum, quodque in admirationem ducit uniuersos homines, & quod utilitatem solet asserre plurimam, id omnium est præstantissimum, eloquentiam autem, & ornamentum animi non mediocriter, & magnopere mirabilem, & utilissimam esse probauimus nemini dubium esse potest, quin eloquentia sit omnium præstantissima. Quæ cum dixisset, finem ille. Angelus autem, ne tu (inquit) astute mecum agis, qui prius, ne uerbis meis, fidem habeant, hos alienare uelis, quam ex me quicquam audierint. deinde cum tuam tantum de eloquentia sententiam postulasset, ipse nobis argumentis uel potius præstigijs quibusdam oculorum aciem ita præstrinxisti, ut uile plumbum, in au-

Pum purum putum, quod uocant, immutare uidereris. sed iam mutica talione tecum agam, non quidem quod ut acrum occultare uelim, quod tu fecisse mihi uideris, sed magis, ut detestis insidijs, ipsa per se ueritas elucescat. ne- rum iam aperto Marte congredicndum, possem equidem te plumbeo sta- tim (quod aiunt) gladio iugulare. sed aperienda prius est sententia mea. si- quid esset quod ad bene beateque uiuendum homini christiano maxima di- cendi facultas studio comparata prodesse posset, nunquam profecto com- mitterem, ut eam non maxime comprobarem, quid enim impudentius di- ci aut fingi potest, quam id conderanare, quod nostræ persuasioni ac re- ligationi sit, non solum accommodatum, sed etiam utilissimum? Sed cum uideam ex eloquentiæ studio, non solum nullam christianis utilitatem, sed etiam damnum maximum proficisci, quid est quod huic studio, multam operam impendendam esse existimem? aut potius cur summopere non im- probem? Quid enim damnosius accidere potest, quam relictis grauioribus studijs inani tantum uerborum sarragini perdiscenda bonas horas consume- re? cum præsertim Christus ipse nostræ religionis author, suis legibus sancti- tum esse uoluerit, ne multum loquamur. propterea quod in multa locutio- ne, crimen aliquod semper incidere posse uideatur. nos autem supernacaneî sermonis uitium, quod omnes ferè mortales occupauit, non solum pro nixilla conamur aliqua ex parte rescare, sed etiam (si dijs placet) loquacitatem nostram studijs adiuuamus. Nam quod ais esse mirabilem eloquentiam, quod attonitos reddat audientes, idem de schenobate, aut præstigiatore, aut etiam circulatoris quouis dici potest, neque tamen iccirco tale genus homi- num præstantissimum esse dicitur. Quod uero disputas eloquentia reos libe- rari, ciuitates gubernari, populos ad religionem trahi, speciosius mihi di- xisse uidetur, quam quod ita sit. Nam quis id primum tibi concedat, eo no- mine utilem esse eloquentiam quod reos à periculis liberet? qui si mali sint, num utile tibi uidetur eos liberare? sin autem boni nonne potius innocentia te et liberabuntur quam cuiusquam eloquentia? quis Susannam illam he- bream, falsa criminatione liberauit? an non (si quid Ambrosio credimus) sua taciturnitas, quæ si uoluisset oratorem conducere, qui se defenderet, nequaquam uisa fuisset (ut erat) innocens. Quid Socratem illum Apollini- nis iudicio sapientissimum commemorem? cui, cum esset in carcere sacundis- simus orator Lysias, orationem attulisse dicitur, quæ uidebatur illum ini- que accusatum eripere posse, maluit homo sapientissimus, iniuste condem- nari, quam eloquentiæ præsidio liberari. Quod si innocentes sed maleficos eloquentia defendit, cum illi nihil sibi conscy non timeant, hi uero scelerum conscientia stimulat, patrociniū querant, non solum non utilis est, elo- quentia, sed etiam damnosissima, quippe quæ defendat quos oppressos oportet

M. AN. MAIORAGII

tuit, quod autem dicis eloquentia ciuitates gubernari, id mihi magis disputandi gratia, quam quod ita sentias dixisse uideris. neque enim te ignorare arbitror, optimis legibus & uirorum prudentia regi ciuitates non eloquentia, quæ multo frequentius nocere, quam prodesse ciuitatibus inuenitur. quis enim ignorat, quantum tumultus in republica Romana duorum Gracchorum eloquentia concitauit? quantum item Saturnini? quantum apud Athenienses Pisistrati? Illud nullo modo tolerandum, quod ais populos ad religionem eloquentia trahi, quenam est, ista quam prædicas, eloquentiam num ea quam in sacris literis inuenimus? quis ignorat ex sacris libris expulsum esse eloquentiam, tanquam inutilem? aut eam dicis qua se gloriatur Corinthios lucrificasse Paulus? cum ait. cum uenirem ad uos fratres, non ueniebam cum eminentia sermonis, aut sapientie. annuncians uobis testimonium Dei. & paulo post, sermo meus, & prædicatio mea, non erat in persuasorijs humana sapientie uerbis, sed in ostensione spiritus ac potentie, ut fides uestra non sit, in sapientia hominum, sed in potentia Dei. Quid hic uidetur ne tibi Paulus eloquentiam laudare? ac non potius repellere? non igitur eloquentia est, quæ trahit ad religionem homines, sed ostensio spiritus, & euangelij nunciatio. Nam quod ais animi nostri maximum esse ornamentum, plausibilem orationem, id ego semper constantissime permegabo. neque unquam præter uirtutem, ac honestam uitam, humana mentis ulla esse ornamenta existimabo, neque quicquam expetendum, præter religionem, & unius Dei per sacras literas, ubi nulla est eloquentia, cognitionem, quid enim expetendum, quod non sit utile? porro quid utile, quod non idem sit honestum homini Christiano? at qui nullus id honestum existimabit, quod etiam improbissimo cuique possit esse commune. eloquentia autem eiusmodi est, ut etiam homo pessimus, eam habere possit. non igitur erit honesta eloquentia, quod si non honesta neque utilis. si uero non utilis, non solum non expetenda sed etiam fugienda esse uidebitur. Quod autem fugiendum est perniciosum sit necesse est. Quare non solum eloquentia non præstantissima, quod tu conclusisti non optime, sed etiam perniciosissima Christiano uiro iudicanda est. Hæc cum dixisset, nos taciti, quid ad hæc esset obiecturus Primus expectabamus. cum ille. si te scirem (inquit) Angele similem uerbis animi sententiam etiam habere sim moperere te hortarer, ut de opinione tam sinistra decederes. uel si nolle audire tibi notam ingratitude inurerem, qui cum tantum debeas eloquentie, quantum hoc tempore uel nulli, uel fortasse paucissimi, tamen eam suis ipsius telis auderes infectari. Sed cum hæc disserendi gratia primoribus tantum labris, non ex animo te dixisse non ignorem, nihil de te aut ingratitude tua dicam, ipsam tantum eloquentiam obiecto clypeo protegere conabor.

labor, ac defendere. tu vero suis argumentis aerem uerberasse uideberis. Primum igitur tua distatentatio refellere, deinde qua causa mea confirmari deproderunt, exornare, ut in medium conferam. Atque ut hinc potissimum incipiam, quid illa Sōrite uiciosus, quem tanquam ualidissimum in peroratione tibi conseruare? equidem prima auditione non mediocriter confusus sum, mihiq̄ audire uidebar, inexplicabiles Chrysippi, Cerauius, aut crocodilitinas. sed postquam diligentius introspexi, nihil unquam mihi uisum est inanius. Nam sic opinor collegisti, nihil utile, quod idem non etiam honestum, nihil honestum, quod improbo possit. esse commune. hac effata tibi facile conceberim, quanquam prius illud non multis est probabile. Sed uideamus, quid his subiungatur. eloquentia eiusmodi est, ut etiam homo pessimus eam habere possit. quid ais Angele? uide ne parum dialēctici sit hominis, rerum definitiones aut ignorare, aut cognitās non considerare. homo pessimus eloquentiam habere potest? an ignoras idem esse, ac si diceret stultissimus potest esse sapientissimus? nam quid aliud est eloquentia, quam copiose loquens sapientia? quid aliud orator, quam uir bonus dicendi peritus? num prauus homo sapiens aut bonus esse potest? quis hoc sane mētis audeat dicere? atqui tu uel nescis, uel forte etiam prudens hoc conclusisti. nam quisquis eloquens est, is etiam sapiens, ac uir bonus sit necesse est, siquidem eloquentia est sapientia, & orator uir bonus. porro si prauus est eloquens idem etiam erit sapiens & bonus, quod nullo modo fieri posse quis ignorat? neque igitur homini malo contingere potest eloquentia. quo sublato. uides ne, quam cito causa cecideris? Sed hac agenda uidentur explanatus. Multum interest Angele, quid esse putes eloquentiam, nam si uerborum tantum inanem (ut inquisisti) farraginem illam existimas, recte quidem improbas, sed plurimum uidelicet erras in finitione. sin autem (ut opinor) persuasum habes eloquentiam maius quiddam esse, quam uerborum farraginem, neque omnino sine rerum plurimarum & diuinarum & humanarum cognitione, hominem aliquem eloquentem esse posse, quid te facere dicam cum rem tam laudabilem uituperas, nisi pessime? nam quod ais non oportere dimitti studia grauiora. quae sunt tandem ista grauiora studia? aut quid est, quod in cumbamus studiis, nisi ut eloquentiam augeamus? & ut multis collectis rationibus, nobis ipsis, ad bene beateque uiuendam, & alijs quamplurimis auxilio esse possimus? Quid enim quis discit, quod non, cum perceperit, quam maxime cupiat, propalare? hoc enim omnibus natura comparatum est, ut scire desiderent, & quae sciunt alios docere uelint, quod cum faciunt, quis est qui non cupiat, se quam optime dicere? huc igitur studia diriguntur, & hac tantum de causa studemus, ut esse possimus eloquentes, nihil enim aut parum prodest occulta doctrina, nullum igitur elo-

eloquentia studio grauius inueniri potest. Sed Christus (inquit) nobis iussit, ut parca loqueremur. unde nam (quiesce te) sumis, hoc in eloquentiam esse dictum? caue ne cum eloquentes inimicos habere uelis, etiam Theologos irritasissimè forsitan eorseris euangelia. non enim tibi paruit prelium, quamquam plurimum etiam in ea facultate ualeas, sed si re semel oppresserint scortantes, et illis tenebrosis laqueis, non ita facile te poteris extricare. nam uero contra Thomistarum, & oceanistarum uiderationes, nihil tibi proderit ista tua tam admirabilis scientia. sed redeat, unde aberrauit oratio, Christus ibi longas Ethnicorum precatones uituperat, quibus, quod optabant, a Deo se impetrare posse confidebant, tu uero scilicet nouis interpres, Christi uerbatordes in eloquentiam. Nam si malum est loqui, cur non perpetuo taceamus? si uero bonum, cur, cum id facimus non conamur, ut quam optime faciamus? sic enim fieret, ut loquacitatis uitium quod (ut uere dicis) omnes fere mortales occupauit, excideremus, & polisissimo sermone simul & utilissimo eatantum quae probanda sunt diceremus. Quam uero belle de schenobate aut praestigiatore lufisti, perinde quasi quicquam schenobates ad orationem pertineat, aut haec similitudo, non toto (quod aiunt) diametro disideat, mihi uero uisus es cum, quid contra diceret, non haberes, studio tamen contradicendi tam absurdam finxisse similitudinem. quid enim habet simile funambulus cum eloquentia? eum ille quamuis ridicula quaedam & quae mirabilia uideantur, efficiat, tamen nec sibi, nec alijs utilis, ab omnibus uilipenditur, & lufus tantum gratia spectatur. haec autem ita rapit, & immutat hominum mentes, ita uel inuitas cogit, ad utilissima quaeque, ut plane diuina esse uideatur. nec fieri potest, ut cum quis eloquentem semel audierit, eum non maxime suspiciat. & maius quiddam in eo quam in homine ueneretur. quanam seditio tanta inter ferocissimas gentes potest exoriri, quam, si superuentus it eloquens non ilico sedare possit? & pacem inter inimicos conciliare? & quid seditione uulgi truculentius? Menenius Agrippa fabula tantum eloquenter recitata, & sapienter interpretata, iratam plebem patribus conciliant, quanto id facilius effecisset, si fontes eloquentiae penetraffet? Quid cum ad Demosthenis, & Aeschinis contentionem, ex tota Graecia concursus fieret, non eos qui concurrerunt Graecos, tanquam ad praestigiatotes spectandos conuenisse censet? aut cum ex ultimis orbis terrarum regionibus ad Patavinum Linium audiendum quidam ueniebant, nonne tibi uidentur eius eloquentiam, non tanquam rem inanem, ut tu appellas, sed & antiquam ualde mirabilem, ac prope diuinam fuisse admiratos? Sed haec quae ex uo dixisti, ut sunt leuia, ita facile refelluntur. illud potius aliuam rationi meae difficultatem, quod ex Paulo recitasti, uidetur asferre. Nam de

Susanna,

Susanna, ac Socrate postea uidebimus. Sed tamen hoc etiam, quod ait Paulus, facillimum est amoliri, cum non eloquentiam uiruperet, sed ei tantum ostensionem spiritus, ac Dei potentiam praeponere uideatur. illis enim ecclesiae nascentis primordis, magis erant (fateor) necessaria miracula cum, ut Deorum cultum, ac maiorum suorum religionem penitus inibibitam, immutarent non sola potuissent homines eloquentiae persuasione compelli, nisi miracula etiam accessissent, quae diuinum illud opus esse, non humanum declararent. Sed posteaquam ad Christum uersi fuerant, tunc necessaria fuit etiam eloquentia, quae debilius, & infirmorum animos, quotidie confirmaret, desides excitaret, errantes corrigeret, seruantes magis accenderet. unde uidemus etiam quanta scripserit arte Paulus, quem tu singis eloquentiam damnare, cum ipse sit eloquentissimus, cuius rei praeterquam quod eius epistola declarant, testis est etiam Augustinus, qui uerum ac uerborum exornationes, ac eloquentiae nervos, in eius scriptis, conatur ostendere. Quare non eo modo, quo tu censeres, ea uerba Pauli quae modo recitasti, sunt interpretanda, ut credamus eum, quae summopere praeditus erat, eloquentiam condemnare. Sed cum ad Corinthios scribat, qui à prophetis falsis plurimi seducebantur, eis tantum artificiosè, in memoriam spiritus ostensionem, ac miracula reducit. ut meminerint, se non tantum Pauli uerbis, quantum euangelij uirtute, ac miraculis, Christi fidem accepisse. neque uero ex sacris literis (ut ais) expulsa est eloquentia. imò uero magis credibile est ab eis principium habuisse. deinde paulatim hominum sapientissimorum studiis accreuisse. non enim fieri potest, ut res tam diuina aliunde, quàm à diuinis literis principium sumpserit. cum praesertim plurimas in sacris Biblijs orationes uideamus, quas certo scimus esse in Hebraeo sermone disertissimas. & quae etiam apud nos speciem quandam praeserunt elegantiae. illos uero quos prophetas appellamus, quorum ego eloquentiam, cum eorum scripta Hebraice lego maiorem in modum suspicio, nihil aliud fuisse credendum est, quam oratores facundissimos, quos Deus è multis eligebat, ut essent, qui populum, ad religionem pertraherent. Horum unus Daniel cum innocentem Susannam ad supplicium duci uideret, eam eloquentia sua liberauit, & quāquam (ut ais Ambrosio placere) taciturnitate innocentiam suam testaretur, tamen nisi Dei monitu uox Danielis affuisset, nihil omnino fuisset impedimento, quo minus de illa supplicium indignissimum sumeretur. Socrates autē (inquis) perire maluit, quàm oratione Lysie liberari. Sit ita sanè, nū ideo damnauit eloquentiam Socrates? illam sibi orationem, quod forte parum eloquens uideretur, non uiro dignam uideri dixit, non de eloquentia tota iudicium fecit. nisi forte credis, eum, qui sub aratum aurum spernit, obrizum etiam, & purum aurum reprobare. Quid uero de eloquentia Socrates senserit, eius discipulus

M. AN. MAIORAGII

*p*ulus Plato palam innuit, qui eum ubique introducit eloquentissimè disse-
 rentem, quare te frustra uides hac exempla collegisse. De Gracchis autem &
 Saturnino, & Pisistrato, nihil attinet dicere, cum illi, ciues seditiosissimi
 fuerint. nos autem nullum eloquentem, nisi eundem bonum uirum esse di-
 cimus, ut autem partem aliquam habuerint eloquentia, non tamen ideo
 tanta uirtus damuanda esse uidebitur. neque omnino uitia prauorum ho-
 minum ad res transferenda, nam: Non res in uitium sed malefacta
 cadunt. Quod autem legibus ac prudentia ciuitates gubernari non elo-
 quentia tibi uideri dicis, non satis ipse prudenter, ac legitime (quod pa-
 ce tua dixerim, ab his rebus eloquentiam separas, quas neque tu ignoras,
 sine illa nullo modo posse consistere. Quem enim primū) ut aliè repetamus)
 leges inuenisse, quibus ciuitates regerentur, existimas, aut quem credis,
 induxisse populos, ut legibus obedire non recusarent? num infantissimus ali-
 quis tibi fuisse uidetur? & qui nulla foret eloquentia pradius? quomodo er-
 go tam facile paruicunt, ei qui nullam legum rationem, quare bona uideren-
 tur, posset per infantiam reducere. an sponte sua rudis populus, & libere ui-
 uendi cupidissimus, legibus, tanquam iugo colla suppositus? Quin magis mi-
 hi uerisimile fit eloquentissimum fuisse hominem. qui ratione reddita, cur
 una in ciuitate simul habitare, legibus uti quam optimis, optimum esset, ora-
 tione facundissima populorum animos ita demulserit, & immutauit, ut suæ co-
 geret eos parere uoluntati. At uero postquam in una mentia conuenire, regi
 capere, certè non minus eloquentia, quam receptis legibus. Cum enim
 uiros prudentissimos, de aequitate ac iure differentes audirent facundia deli-
 niti, ijs quæ optima uidebantur parendū esse censuerunt itaq; nisi prius elo-
 quentia fuisset, nullas penitus (ut opinor) leges haberemus nec uero à pru-
 dentia tanquam membrum à corpore segreganda est eloquentia. pars enim
 eius esse dicitur. cui literarum omnia studia tribuuntur. Quod si prudentis
 est, amplecti studia literarum, cur tibi prudentis esse non uideatur, elo-
 quentiam perdiscere quæ studiorum omnium, quasi lumen est, & ornamen-
 tum? Quantò uero facilius, & melius ciuitatum gubernatores, populos
 ad iustitiam amplectendam & iniquitatem uitandam, impellere possent: Si
 cum prudentia, magnam quoque facundiam copularent? Quid de Christi præ-
 cone dicendum est. cui tam necessariam esse arbitror eloquentiam, quam
 etiam sacrarum scientiam literarum. Quid enim? an non uidemus in Theo-
 logica facultate doctissimos plerumque homines, quod facundia destituti sunt,
 ita frigide concionari, ut nihil omnino, quamuis plurima uerba profuderint
 (auditorum commoueant? sed totum serè tempus inanibus questuanculis,
 quas inuoluisset silentio, multo præstitisset: altissima uociferatione contene-
 re. quid enim ea populo profunt, quæ Scotus, & eius sarinæ comites som-
 niarunt?

niarunt? quibus ad religionem, ne tantillum quidem accendantur. sed ea cum audierint, in diuinis rebus, multo tardiores efficiantur. quanto praestantius esset, eloquentia, post diuinās literas totis nervis incumbere? & reiectis dialecticorum sophismatibus, in quibus, tanquam ad Syrenaios scopulos, consenscunt: tantam studio faciundiam comparare: ut audientium mentes immutare, impellere trahere, rapere, possent, ad honestatem capeffendam? ut quæque pessima vitia sunt, ita maxime consecrari: improbare, profligare, exterminare futuras improbis penas oculis subijcere. minis perterrefacere, inferorum sedes aperire. tortiones, cruciatus, supplicia scelerum patefacere. uirtutem autem, ut dignissimum est, ad cælum extollere. eius pramia, decus immortalitatem, gloriam, beatitudinem, ita dicendo prosequi, ut eorum desiderio maiorem in modum auditorum mentes inflammentur: doleant, metuant, sperent, tempus sibi frustra præteritum conuerterantur. in posterum relegata cupiditatum siti, totam uni uirtuti statuatur operam impendere. Quæ si quis diligentissimè perscrutatur. quantum honestatis excitabit incendium: quam mirabiles ad capeffendam uirtutem, ignes in mortalium animis commouebit? quam facillè vitia tanquam funi uenescere uidebuntur, purior uirtutis flamma subsequetur. Sed me tempus deficeret, si uim uniuersam eloquentiæ uelim explicare. Vides (ut opinor) nisi uel uidere nolis, uel Hipsæa cecior effectus sis, quanto opere sit, utilis eloquentia. Sed me temporis angustia (video enim aduersperascere, cogit esse breuiorem: posthac aliàs, nisi de ista sententia discefferis, multo longiorem, & elegantiorē sermonem expectato. Hic subrisit Angelus, & præter spem (inquit) hodie Primum, orantem ex tempore uidimus. quid si paratus accessisset? quid si iterum contingat ei de eloquentia dicere? sed nihil opus est, iam enim in tuam sententiam pedibus discessi. quibus dictis post paulo discessimus.

F I N I S.







